



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

# PHILOSOPHIA MOYSAICA.



# Hieroglyphica Figura seu Emblematis oppositi descriptio.

Psal. 138. 12.  
Psal. 81.

Isai. 45. 67.  
Tim. 3.  
Psal. 18. 11.

I. Iohan. I.

Sap. 7.

I. Iohan. I.

Esaï. 44. 24.

Tim. 3.

Sap. 11. 18.  
Iob 12. 22.  
Gen. I.  
2. pet. 3.  
Isai. 44. 24.  
Psal. 74. 16.  
Psal. 19. 4.

psalm 104.  
19.  
Iob. 34. 13.  
Deut. 23.  
Sap. 6. 13.  
Esaï. 45. 67.

**A.** Denotat Deum quatenus Aleph tam tenebrosum quam Lucidum à Cabalisticis dictatur, Videlicet in proprietate sua tenebrosa & occulta ac latente & Lucida manifesta & patente. Vnde Psaltes : Sicut tenebræ ejus ita lux ejus : Atque ita dicitur Sol gratiam & gloriam dans : Et ipse ponit tenebras in circuitu suo latibulum. Denique si vult revelat naturam suam lucidam , seu gratiam suam præbet mundo : Si non vult creantur tenebræ, juxta istud Prophetæ: Ego Dominus formans Lucem, creans tenebras, faciens bonum creans malum & cæt :

**B.** Tenebræ fuerunt super faciem abyssi. Gen. 1. Et Hermes. Erat Umbra infinita in abyssio, aqua autem & Spiritus tenuis in abyssio inerant & cæt. Et David : Fecit tenebras locum suum secretum :

**C.** Hic , Deus (qui est lux in qua non sunt tenebræ ullæ) revelat se ex tenebris : & dicitur ista emanatio a sapiente, Clendor lucis æternæ & emanatio quædam claritatis omnipotentis Dei sincera, quæ splendore est ipso sole preciosior & super omnem dispositionem stellarum luce comparata invenitur prior : In hoc statu pro essentia seu actu divino per se hoc est sine ulla cum materia mundana mixtione accipitur, diciturque à Cabalisticis Aleph in Lucidum a tenebroso mutatum : de quo Apostolus : Tenebræ jam transierunt, & verum lumen omnia illustrans jam lucet : In hoc verbo lucido erat omnium rerum vita. Hoc omnia fecit, extendit cælos solus, stabilivit terram & cum eo nullus.

**D. E.** Vbi ex tenebris seu potentia divina & luce sive actu divino unicus ad imaginem monadis divinæ conflatur mundus: Nam ex immensa tenebrarum abyssio. B. egressæ sunt aquæ juxta istud Hermetis. Umbra infinita in abyssio, aqua autem & Spiritus ejus in abyssio inerant, floruit autem splendor sanctus & cæt , ex qua aqua mundi existentia est orta, ut è regione ex fonte incomprehensibili. C. derivata est illa essentia quæ aqueam mundi existentiam informat. Vnde textus sacer : Manus omnipotentis creavit mundum ex materia informi. Et alibi. Revelat fundamenta è tenebris & educit in lucem Umbralem. Et Moyses. Spiritus Dei ferebatur super aquas. Denique Apostolus. Coeliterant prius & terra de aqua & per Aquam assistente verbo: Hoc enim extendit Jehovah cælos stabilivit terram, privativæ & tenebræ ipsius proprietatis effectus est, lucidæ vero & positivæ dies, ipse auroram & solem est fabricatus & in eo posuit suum tabernaculum.

**F.** Denique denotans diurnum mundi hemisphærium & G. nocturnum duplices illos arguunt effectus contrarios quos Deus unicus sub duobus nominibus in mundum hunc typicum producit : nam juxta mysticam Orphei , Hesiodi, Euripidis atque Æschyli theologiam (quorum erat fabulis mysteria quæ à divinis personis didicerunt in volvere.) Sol in Archetypo divinus (a quo omnis ornatu & pulchritudo, numerosam Vitæ harmoniam comprehendens, derivatur) dicitur habere in dextra pietatem & benevolentiam in sinistra sæveritatem & punitionem. Hinc solem hunc creatum seu mundanum ( in quo ille archetypicus posuit tabernaculum ) vocarunt uno respectu Apollinem, quem fingunt habere in dextra gratiam, vitam & sanitatem, in sinistra vero Portare arcum & sagittam : at alia ratione eum Bacchum & Dionysium dixerunt. Sub nomine Apollinis diurnam ipsi proprietatem assignarunt, cujus est omnia ex septem partibus constare eaque præservare, hinc inde ipsum vitæ generationis, multiplicationis, & sanitatis authorem intimantes. Per nomen Dionysij nocituram ejus naturam intendunt , in qua creaturas ex septem partibus diurno tempore ab Apolline constatas destruit, dilacerat atque dissipat, hinc arguentes ipsum mortis, corruptionis, & decrementi esse causam. Ob istam rationem eum vocarunt Athenienses sub nomine Apollinis Alexicacon id est mali pulsatorem , & veteres Apellin loco Apellinis quasi malorum discussorem, & Homerus Vlion hoc est sanitatis authorem: Et David Deo dante creaturis vitam colligunt: recipiente Spiritum eorum expirant, emittente Spiritum suum recreantur. Et Iob : Ad hominem apponit Deus statum suum, quem si reciperet expiraret omnis caro. Ego occidam ( ait Dominus ) & ego vivere faciam. Et Salomon. Vitæ & mortis habet Deus potestatem qui deducit ad portas mortis & reducit : Denique ait Deus. Ego Domninus & non est alter, formans lucem, creans tenebras, faciens bonum & creans malum. Ego Dominus faciens hæc omnia.

Pro Ulteriori hujus Emblematis descriptione vide in Principio Medicinæ meæ Catholicæ.

PHILO.

# PHILOSOPHIA

M O Y S A I C A .

*In qua*


Sapientia & scientia creationis & creaturarum Sacra veréque Christiana (vt pote  
cujus basis sive Fundamentum est unicus ille Lapis Angularis Iesus Christus)  
ad amussim & enucleatè explicatur.

AUTHORE,

ROB. FLVD, alias DE FLVCTIBVS,

Armigero & in Medicina Doctore Oxoniensi.

*Christus est imago Dei invisibilis, primo genitus omnis creatura, quoniam in ipso condita  
sunt universa in calis & in terra visibilia & invisibilia, sive Throni, sive Dominationes,  
sive Principatus, sive potestates, Omnia per ipsum & in ipso creata sunt:  
ipse est ante omnes & omnia in ipso constant. Coloss. 15. 16.*



G O V D E,

Excudebat Petrus Rammazeni, Bibliopola.

Anno. M. DC. XXXVIII.



# PHILOSOPHIÆ

## MOYSAICÆ.

### Seçtio Prima.

#### In qua

## Vera & syncera Philosophiæ Moysaicæ ba-

sis five lapis Angularis unicus, qui est radicalis creaturarum omnium Existentiæ & Essentiæ ratio atque mysterium; docetur, vivoque sacrarum literarum testimonio confirmatur: dum e regione spuria & imaginaria illa Ethnicorum Philosophiæ Fundamenta deteguntur, evertantur, & in nihilum redigantur.

#### AVTHORE,

ROB. FLVD: alias DE FLUCTIBVS,

Armigero, & Medicinæ Doctore Oxoniensi.

**D**eus dat sapientiam & ex ore ejus prudentia & scientia Proverb. 2.6.

Prov. 2.6.

1. Cor. 3. 19. 20.

1. Cor. 2. 12. 13.

Sapientia hujus mundi stultitia est apud Deum, Deus novit cogitationes sapientum quod sunt vanæ 1. Cor. 3. 19. 20.

Nos non spiritum hujus mundi accepimus, sed spiritum, qui ex Deo est, ut sciamus, quæ a Deo donata sint nobis, quæ & loquimur, non ex doctis humanæ sapientiæ verbis, sed in doctrina Spiritus; Spiritualibus spiritualia comparantes: animalis autem homo non percipit ea, quæ sunt Spiritus Dei: Stultitia enim est illi & non potest intelligere. 1. Corinth. 2. 12. 13.

Coloss. 2. 8. 9.

In Christo sunt omnes thesauri sapientiæ & scientiæ absconditi, in ipso ambulati radicati & superædificate in ipso confirmati fide: Videte, ne quis vos decipiat, per philosophiam & inanem fallaciam; secundum traditionem hominum & secundum elementa mundi; & non secundum Christum, quia in ipso habitat omnis plenitudo divinitatis corporaliter. Coloss. 2. 8. 9.

1. Corinth. 3. 10.

Secundum gratiam Dei, quæ mihi data est, ut sapiens Architectus fundamentum posui, alius autem super ædificat, unus quisque videat, quomodo super ædificet: Fundamentum enim aliud nemo potest ponere, præter id, quod positum est, quod est Christus Iesus. Siquis autem super ædificet super hoc fundamentum Aurum, Argentum, Lapides pretiosos, lignum, fœnum, stipulam, uniuscujusque opus manifestum erit: Dies enim Domini declarabit, quia in igne revelabitur, & uniuscujusque opus, quale sit, ignis probabit; si cujus opus manserit, quod super ædificabit, mercedem accipiet; si cujus opus arserit, detrimentum patietur.

Baruch. 3.

Isai. 47.  
Hebr. 1. 3.  
Psalm. 118. 22.

Israel deservit oraculum Dei, quod est fons sapientiæ ad exquirendam artem, scientiam & intelligentiam in gentibus alienis & inter Ethnicos, qui nesciverunt veram sapientiam, sicut fecerunt Agareni & qui erant in Theman. Baruch. 3.

Quare ô Israël scientia tua hæc decepit te: Isai 47.

Hic existit splendor Gloriæ Dei & character substantiæ illius, qui portat omnia verbo virtutis suæ. Hic Lapis angularis, quem structores spreverunt qui est caput anguli cujus libet Creatoris.

Iob. 38. 4.

A Iehova hic est, estque mirabilis in oculis nostris: Super istud fundamentum sita est terra & mensura ejusdem. Coloss. 1. 13.

Ioh. 1.

Denique in sapientia ista Deus fecit omnia & omnia sunt & consistunt in ea, & super eam & sine ea omnia nihil.

PROEMIVM.

# PROEMIUM.

**I**N animo meo est, quod nemini adversum sive injuriosum videretur, si ego Medicinæ Professor in Patroni mei Theo-Philosophici & Medici, divi nimirum Lucae imitationem, Sacrarum literarum testimonio cum efficacissimis aeternæ illius Sapientiae rudimentis (ut pote quæ est unicum illud fundamentum seu Lapis Angularis, super quem creatura omnis fundatur) ad veram & essentialem Moysis philosophiam, sustinendam utar. Si scala Jacobi esset officium, ut mediante ea, tam Animæ quam Angeli à terra in cælum ascenderent, adque itidem à cælo in terram descenderent, idque gradibus tam Elementari quam celesti natura correspondentibus, vel (ut Poëta mystice loquendo habet) si Naturæ catena suum annulum superiorem pedicathedræ Iovis in Cælo habeat affixū, uti annulus ejusdem infimus terræ est alligatus, quomodo nobis creaturis terreis vel potius imaginibus divinis tabernacula lutea inhabitantibus possibile est, ut à confuso creaturæ chaos, quasi ejus externo, versus splendidam Creatoris Essentiam in ejus centro latitantem, ad veræ sapientiæ mysteria perquirenda & investiganda ascendamus, nisi in terream ipsius circumferentiam sive mansionem oculis Linceis in primis introspeciamus? Et tum postea altius gradatim descendendo ad centralem tandem divinitatis seu Lapidis verè Angularis sedem paulatim pertingamus, super quem fundata & stabilita est qualibet creatura, quippe qui est verbum sine quo nihil, hoc est incorruptibilis Dei Spiritus, qui inest omni rei, illave Divinitas summa, quæ vivificat omnia, omnia esse & existere facit: Illa denique formarum, quæ est Entium Ens, & Omnia in Omnibus. Si igitur Deus in ejus verbo aeterno & per illud creaturas omnes fecerit, eas vivificaverit, & earum quamlibet etiam ad hunc usque diem in sua specie præservavit, quis (obsecro) Philosophorum utcunque peritus, mysteria Creatoris in Creatura enucleare, aut cum judicio mentali Creatorem in creatura sine literarum sacrarum documentis &

Spiritus Sacrosancti conductu decernere queat? An ne Agarenos & illos, qui erant in Themanimitando, fontem totius Sapientiæ relinquemus; ut veram Sapientiam, ubi non est invenienda, inquiramus? Et tamē nihilominus absit, ut quis intentionem sive mentem meā hoc in opere sinistrè interpretetur, aut temerè putet, quod leges & statuta Theologia sacra ab Antiquis Ecclesiæ patribus stabilita atque ordinata aut violare aut oppugnare contendam: Verū sciat velim, quod, ut unus & idem in Sacra Scriptura textus duplicem solet sensum sibi vindicare, videlicet internum sive Spiritualem, & externum seu literalem, & tamen horum uterque est verus, ut cumque quodammodo videntur in aliquo respectu ab invicem separari at discrepare; haud aliter quā sub nomine & persona unius ejusdemque hominis, natura gemina, videlicet Anima Spiritualis & materiale corpus intelligimus; ita etiam præter mysticam illam interpretationem, quam textus Scripturarum continet, ipse extrinsecè tales realitates creatas exprimere & delineare potest, quæ in primis ad verum Essentialissimæ Philosophiæ subjectum attinent. Porro etiam est sedulo considerandum, quod subjectum & Methodus pertractandi & procedendi in utrisque professionibus, nimirum Theologia & Philosophia vera, ab invicem quodammodo differant; cum illa, nempe Theologia synceram ac nudam divinæ Essentiæ naturam directè, hoc est, demonstratione a priori indicet, haud aliter, quā ad Circuli existentiam probandam, initium inquisitionis facimus à Centro formali, seu puncto medio, atque ita paulatim ad circumferentiam per semidiametri gradus descendimus: Hæc scilicet Philosophia actione & methodo contraria in sua inquisitione pergit, quippe quæ à creatura seu organi creati circumferentia, seu externa quasi demonstratione posteriori versus ejus essentiam centralem ascendit, ut hac sua industriâ radicalem interni illius Spiritum investigemus, qui agit & operatur in ea.

Nonne

Nonne à Sapiēte admonemur, ut opificium nobis incognitum atque absconditum per ejus opera addiscamus, si volumus pro vanis haberi? Hoc est, ut divinam æternamque causam per creatos & temporales ejusdem effectus apprehendamus? vel ut Philosophus ille sacer Divus Paulus habet, ut videamus & intelligamus invisibilia Dei; sempiternam etiam virtutem ac divinitatē ejus per ea, quæ facta sunt: Scilicet in creaturis & per creaturas ejus. Haut aliter, quam interna & centralis circuli monas sive punctus, inquisitione facta à circumferentia per semidiametrorum partes seu punctus descendendo invenitur: sic certē se immergit verus Philosophus in creaturam progrediendo, at ejus externa quæ si circumferentia in centrum usque, in quo lapis ipsius angularis delitescit; Quod cum ita sit & cum pagina sancta sit utriusque harum professionum seu scientiarum demonstrationibus plena, fiducia mea est, quod nemini videbitur alienum, si axiomatibus & testimonijs Bibliorum summæ veritatē ad Philosophiam istam sacram statuminandam utar. Quod autem textus sacer per integrum ipsius fere filum, tam Philosophiæ, quam Theosophiæ subiectum delineat, in eo sat liquido apparet, quoniam actus & operationes tam mundi ævialis seu Angelici, atque illius temporalis cum cælestis tum elementalis, quam æterni & divinitatis Copiosè describit. Sed evidenter constat, quod mundus æternus (qui nec principium habet nec finem) cum sit sola Majestate divina repletus existat præcipuum ac solidissimū illud fundamentum, super quod sita & collocata est Theologia, ut ex altera parte mundus temporalis, seu inferior, qui habet cum Principium, tum finem, atque etiā visibiliter cum creaturis ejusdem in cælum & terram distinguitur est unicū vere Philosophiæ subiectum sive basis. Pro mundo verò Angelico seu æviali, qui habet principium, sed nullum finem, & à Deo pro spirituum Angelicorum & Animarum beatarum sede ac receptaculo ordinatur, ut ipse situm & positionem suam inter prædictos mundos extremos, nimirum illum æternum

& hunc temporale habet, ita quidē immediatū cum utrisque extremis nexum ac relationem habet, ut pote qui suam lucem & vitam seu essentiam formalem immediatē recipit ab æternitate cujus tum postea portione deorsum effundit, eamque cum mundo temporali seu mansione inferiori communicat, ut ipse cū creaturis suis exinde crearetur & vivificaretur: Vnde sequitur, quod ut forma mundi temporalis sit Angelica sive ævialis, ita anima & vita mundi ævialis est divina seu æterna: Quibus manifestum redditur, quod natura sive proprietas angelorum nec à Theologia subiecto est excludenda, quippe quæ de divino lumine sive splendida & fulgida divinitatis presentia participat: neque à Philosophiæ substantia eximi potest, quatenus lux Angelica sit anima & vita natura temporalis & consequenter necesse est, ut veræ philosophiæ expertus agnoscat scientiam suam seu fundamenta suæ Philosophiæ radicaliter procedere ab æterno Deo per Spiritus suos æviales seu Angelicos in creaturis suis temporalibus (intelligo stellas, ventos, Elementa, Meteora & corpora perfectè mixta.) Itque ideo quatenus subiectum Philosophicum ab influentijs angelicis animatur, necesse habemus credere, quod intuitu mentali in lucem illam æternam penetret, quæ tam temporales, quam æviales spiritus seu creaturas vivificat ultra quā nihil vel imaginatione vel mentali apprehensione decerni aut excogitari queat.

Hæc est ergo tripartita illa mensura scala Jacobi, quam ipse in somnio suo vidit, dum caput loco pulvinaris super lapidem reposuisset, in cujus Longitudine, latitudine & profunditate trium prædictorum mundorum imagines seu characteres fuerunt delineati sive depicti: atque hac de causa Lapis ille domus seu tabernaculum Dei dicebatur. Vnde certū est, quod, ut lapis ille suum externum & internum habebat, ita Patriarcha in divino hoc suo somnio angelos à terra (quæ est scabellum pedum Dei) quasi externo & corporali, per mundum æviale seu Angelicum ad mundum æternum quasi centrum & maximè internum, in quo est

PROEMIVM.

est ejus thronus, ascendentes atque iterum per eisdem gradus & loco seu sede eternitatis per idem medium aviale in regionem temporalem descendentes intuebatur. Simili etiam modo cum Propheta Ezechiele (idque visione magis externa) decernere ac concipere potest Philosophus verus, mysterium non modo rotæ in rota, sive avialis essentia in temporali existentia, sed etiam aspectu adhuc magis interno & mentali illud Rotæ in medio rotarum, vide licet motorem centalem & spiritum æternum in aviali, mediante quo temporalis seu Corporea creatura immediate vivificatur & agitatur: Quibus (Scripturis sacris innitentes) inferre queamus, quod Deus sit essentialiter unum & omnia & quod impleat omnia: Et quod ipse operetur omnia in omnibus. Quod vivificet omnia: Et quod ejus spiritus incorruptibilis in sit omnibus: Et quod verbo ejus omnia sint facta & sine eo nihil: Et quod in verbo esset vita, & illa esset lux hominum. Et quod ipse det vitam & inspirationem & omnia. Et quod in ipso vivamus, moveamur & simus. Et quod ipse, sit Pater omnium, qui est super omnia & per omnia & in omnibus nobis: Et quod ab ipso, per ipsum & in ipso, per ipsum & in ipso sint omnia. Et quod miserit spiritum suum & creaverit omnia. Et quod det flatum populo qui est super terram & spiritum calcantibus eam. Et quod omnia in sapientia fecerit: & impleta sit terra possessione ejus. Et quod dante eo creaturis colligant, aperiente manum ejus omnia replebuntur bonitate, avertente faciem suam turbabuntur creaturae at auferente spiritum eorum deficient & in pulverem suum revertentur, emittente vero spi-

ritum suum, recreabuntur & renovabit faciem terræ & cæt. Et quod per ipsum universa sint creata in cælo & in terra, visibilia & invisibilia, sive Throni, sive Dominationes, sive Principatus, sive Potestates, omnia per ipsum & in ipso creata sunt. Et quod ipse sit ante omnes, quod & omnia in ipso constent & c. Observa, obsecro, quomodo Apostolus his verbis paucis tres prædictos mundos ad vivum depingat. Rursus ait, quod Christus sit omnia & in omnibus: Et quod portet omnia verbo virtutis suæ: Et quod in eo sint omnes thesauri sapientiæ absconditi: & quod sapientia ejus faciat aëri pondus & quas appendat in mensura, & quod posuerit pluvijs legem & viam procellis tonantibus. Et quod respondeat ipse Iobo in turbine. Et quod ipse per verbum suum det nivem, sicut lanam & pruina, sicut cineres dispergat, & quod glaciem projiciat sicut buccellas, & quod ante faciem frigoris ejus nemo durare possit: Et quod simulacra emit tit verbum suum liquefaciat ea, & simulacra flet ventus ejus, fluant aquæ: Et quod flante Deo cōcrescit gelu & c. Infinitos quasi alios locos & Biblij sacri thesauro producere queam ad confirmandos actus universales operationesque mirabiles & potentes, quæ ab essentialissima & æterna illa Dei sapientia assidue efficiuntur, quæ, uti diximus, est essentialis illa Basis seu lapis Angularis, super quem pura & sincera philosophia ædificatur: Sed quoniam de ipsis alibi in Philosophia seu Meteorologia mea sacra copiose egi, atque etiam in ista præsentis sectione plura dicam, vos ad ea brevitatatis causâ refero.

Coloss. 1. 16.

Coloss. 3. 11.  
Hebre. 1. 3.  
Iob. 28. 25.  
Iob. 38. 1.

Psalm. 147. 15.

Iob. 37. 10.

Ephef. 4. 8.  
I. Cor. 12. 11  
I. Tim. 6. 13  
Sap. 12. 1.  
Ioh. 1.  
A. 17. 25.  
Ephef. 4. 6.  
Rom. 11. 36.  
Judith. 16. 17.  
Isai. 42. 5.  
Isai. 102. 24.

## SECTIONIS PRIMÆ CONTENTA:

Primus Instrumentum sive Machinam experimentalem describet, diligenti cujus observatione, quælibet Philosophiæ nostræ Moysaicæ particula demonstratur & contra falsam Ethnicorum Doctrinam Sustinetur.  
 Secundus Sapientiam genuinam & veram a spuria & falsa, consequenter Philosophiam essentialem, & Sacrosanctam ab illa Ethnicorum adulterina & inventione humana producta, distinguit.

Sectio hæc Prima in Libros quinque dividitur quorum	Tertius.	Explicat rerum om- nium prin- cipia.	Primaria quæ sunt.	Tenebræ seu Materia prima. Cap. 1. & 2.			
				Aquæ quæ sunt Materia re- rum omnium secunda. Cap. 3. & 4.			
				Lux divina, quæ est essentia illa centralissima omnia creans, informans, vivifi- cans, movens. Cap. 3. & 4.			
				Secun- daria.	Activa { Frigiditas. quæ sunt { Caliditas.		
					Passiva { Humiditas. quæ sunt { Siccitas.		
Sectio hæc Prima in Libros quinque dividitur quorum	Quartus.	Veram plenitudinis & vacuitatis conditionem adversus vete- rum Philosophorum sententias petraçtat & aperit.	Mythicam tum.	Condensationis. } Rationem Rarefactionis. } docet.			
				Generationis & Corruptionis ortum atque etiam Regeneratio- nis atque Resurrectionis mysterium detegit. cap. 6. Ethnicorum opinionem, quæ Deum necessitate in hoc mundo agere contendit, refutat penitus. cap. 7.			
					Quintus my- sterium.	Adversus Ethnico- rum Philoso- phorum mentes enucleat.	
							Ventorum cap. 2. 3. & 4. Nubium & pluviar. cap. 5. 6. & 7. Nivis. cap. 7. Fontium & fluminum. cap. 8. 9. & 10. Fulguris & Tonitru. cap. 11. 12. & 13.

SECTIO-





## SECTIONIS PRIMÆ, LIBER PRIMVS.

### DE INSTRVMENTO EXPERIMENTALI SIVE DEMONSTRATIVO.

#### HVIVS LIBRI ARGVMENTVM.

1. Cor. I. 22.

Liber hic primus, qui est quasi procœmium & præparatio ad cæteros quatuor sequentes, declarat, quodd cum hominum mundanorum animi pro hodierno die ad summum usque infidelitatis culmen sint ita erecti atque elevati, ut more Iudæorum sine signis & demonstrationibus credere nolint: Iudæi signa petunt (dicit Paulus) & Græci sapientiam &c: Author hujus tractatus præcipuum fore victoriæ medium in hoc conflictu Herculeo, qui inter duos inimicos & agonistas fortissimos veritatem & salutatem, hoc est, sapientiam Dei & illam mundanam est faciendus, existimavit, si vulgare & bene notum aliquod experimentum sive practicum instrumentum invenire potuisset, quod cœlesti nostro Athletæ, scilicet veritati loco massæ sive fustis Herculei ad monstrum illud deforme & horrendum, nempe Infidelitatem domandam & exterminandam inservire queat, quod tam pertinaciter ad sui Domini nimirum erroris & tenebrarum principis statuta atque privilegia sustinenda exponit: cum tales, qui reali practica atque oculari demonstratione nolunt ad centrum veritatis dirigi ac conduci, magis irregulares & à politis & a quadratis rationis regulis errabundi merito sunt censendi, quam bestię sive animalia bruta, ut pote quæ experientiâ (stultorum ob istam rationem matre dicta) gubernatæ, illud solent eligere, quod ab ipsis probatum est bonum; quod verò sibi malum invenerunt, summo peré evitant. Propter hanc igitur causam & ad hunc effectum machinam quandam spiritalem, nomine speculi Calendarij dictam elegit, quam ipse vocat instrumentum suum experimentale sive demonstrativum, ut per ocularia & practica ejusdem experimenta sapientiæ & philosophiæ mundanæ falsitatem delineare & veritatem defendere possit, quæ originem suam ducens à Patre Luminis est vita, veritas atque verus Lapis angularis, in quo & per quem omnis creatura constat, & in suo esse præservatur.

#### CAPVT. I.

*Hic author rationem exprimit, cur in istius discursus philosophici introitu seu initio fabricam, proprietates & usum machina seu instrumenti cujusdam experimentalis proponat.*



Ateor, rem esse commendatione dignam propositionem philosophicam, acutis argumentis & quasi telis ex rationis naturalis, pharetra selectis probare

atque sustinere, sed quoniam subtiles istius speciei inquisitiones & objectiones (utcumque primo intuitu probabiles & verisimiles sunt, tamen in conclusione falsæ & erroris plenæ plerunque inveniuntur) ideo tales, qui inviolabili scripturarum sacrarum

A

veritati



## SECTIONIS PRIMÆ LIB. I.

veritati sunt devoti meliori fide in ijs stabilientur, modò si autoritas sancta cum cæteris conveniat. Et tamen duo istiusmodi testimonia ad omne dubium sive scrupulum in veritatis sapientibus confirmatione videantur sufficientia, tamen tanta obstinaciæ fervore æstare videtur hujus mundi & præcipuè communium hominum incredulitas, imò verò & tanta astutia & subtilitas etiam in hominum nonnullorum haud mediocriter eruditorum spiritus irrepit, qui magis sensu practico, quam spirituali speculatione ducuntur; ut nisi cum Divo Thoma videant & manu contrectent, aut saltem signum aliquod evidens intueantur, fidem quandoque, rei utcunque veræ, adhibere nolunt. Ob istam igitur rationem cum ego ipse solus in palæstram philosophicam adversus illos philosophos ethnicos, qui mundana sapientia freti philosophiam finxerunt humanam, me conficiam, necesse habeo, ut armis Her-

culeis me imprimis muniam, Nam ut Apostolus contra bestias Ephesi in similitudine hominum pugnavit, ita ego adversus illas Athenæ videlicet Protei formes Peripateticorum philosophos contendere aggredior. Quare mihi proposui in loco priori arma solida ex rationibus è secretiore Naturæ thesauro cudere, illaque sacrarum literarum Autoritate & virtute temperare, ac tandem ocularem producam experientiam sive demonstrationem, mediante qua loco massæ seu fustis Herculei irrationabile illud monstrum, incredulitatem, facilius domem & subjugem, quippe qua non est perniciosior & ferocior generi humano hostis. Quod ut melius ad finem desideratum perducam, instrumentum quoddam Experimentale, mundo vulgariter notum hic in lucem produco, quo oculi infidelium inviam veritatis dirigantur, & à dictis philosophiæ spurix & sophisticiæ ad metam veritatis divertantur.


### CAPVT. II.

*Quod instrumentum vulgò speculum Calendarium dictum, falso à quibusdam nostri seculi hominibus sibi met ipsis arrogatur, utpote, qui illud propriam suam inventionem esse falso gloriantur.*

**G**Loriæ tam impensè avidus atque famæ & reputationis cupidus est homo, ut quomodo, quave ratione illam acquirat, nimirum an sit directè vel indirectè, parum refert. Ista sola erat causa, ob quam Ethnici philosophi sibi ipsis ea philosophiæ principia more surreptitio ascripserunt, quæ summo jure sapienti divinoque philosopho Moyfi pertinebant, nominibusque sive titulis novis illam suam latrociniam velabant & quasi deaurabant, ut hac ratione ostentarent ea proprijs suis inventionibus, fuisse stabilita (ut infra dicitur latius) simili planè ratione instrumentum sive speculum hoc nostrum experimentale, plurimos, habet inventores spurios seu adulterinos, qui; quoniam typi formam aliquantulum immutarunt, ipsius inventionem à seipsis prius excogitatam gloriantur. Quod ad me attinet, cuilibet quod suum erit tribue-

re æquam atque honestum esse existimo: Non enim erit mihi dedecus istius meæ philosophiæ principia præceptoris meo Moyfi ascribere, ut pote qui ipsa etiam divino digito formata atque designata accepit, neque jure mihi fabricam hujus instrumenti primariam arrogare aut vendicare queam, quamvis illo in naturali Macrocosmi, mei historia & alibi ad veritatem argumenti mei philosophici demonstrandam (licet in aliâ formâ) sum usus: & agnosco, me illud in veteri quingentorum saltem annorum antiquitatis manuscripto graphice specificatum, atque geometricè delineatum invenisse. Primò itaque formam, sub qua illud in monumento prædicto antiquo inveni, vobis exponam: Deinde ejus figuram atque positionem, quod vulgariter inter nos est cognitum atque usitatum hic describam.

Ex



Ex quibus videre licet ista duo solummodò in figura & non naturâ inter se variare: Nam radij solares calore suo in globum concavum capitis. A. operantes faciunt, ut inclusus aër, eorum actu rarefactus per fistulam A. B. in ollam aquæ descendat & per superficiem aquæ in forma bullarum egrediatur; occidente verò sole nocteque frigida appropinquante, iterum congelatur, contrahitur atque condensatur aër ille inclusus, qui pridie Solis præsentia calidæque ejusdem actione erat rarefactus. At quia in sphaera plumbea & fistulâ sat aëris non est ad hujusmodi condensationem in debita proportionem efficiendam, quoniam pars ejus (ut dictum est) pridie erat exhalata, idè ut evitetur vacuum, tantum aquæ ex olla C. in fistulam plumbeam exsugitur, quantum aëris in rarefaciendo est exhalatum. Rursus, quando Sol proximo die oritur, aër in vitri globo & fistulâ conclusus iterum rarefiet, ac tunc seipsum dilatando, aquam, quæ in fistulam conscen-

derat, in locum priorem repellet. Atque ita hæc in condensatione ac rarefactione, alteratio semper eodem modo plus minusve se habebit, prout Sol nobis vicinior aut remotior erit, aut juxta venti in elemento spirantis sive frigiditatem sive caliditatem.

Idem etiam aëri secundo speculo incluso continget, globus enim sive pila in summitate vitri, plenus est aëris, atque exactè in quolibet respectu, plumbeo refertur pilæ, sic ut fistula recta, quæ ex aqua ascendit, capitique adjungitur, exactè fistulæ curvæ prioris comparatur, aded, ut si pila plumbea superius erigatur, ac fistula curva fiat recta, ut ex aquæ olla ascendat, perpendiculariter in plumbeam sphaeram, cum nulla erit differentia inter formam sive figuram primæ & secundæ machinæ vel instrumenti, ita ut unusquisque discernet, eandem esse utriusque in effectu conditionem ac usum.

# SECTIONIS PRIMÆ LIB. I.

## CAPVT. III.


*Hic fabrica organi seu instrumenti hujus, quod vulgus speculum calendarium vocat, cum preparatione vitri, & adaptatione orificij vel nasi ejusdem in vas pervum aquâ plenum, exprimitur;*

*Vbi etiam opiniones eorum, qui putant aquam in vitri seu matrati collum per caliditatem exsugî & elevari merito confutantur.*

**O**bservandum est inprimis, quod experimentale hoc nostrum instrumentum, ex tribus conflatur partibus; quarum Duæ sunt naturæ machinæ propriæ, videlicet Matratiū sive vitrum & vas inferius aqua plenum, in quod vitri nasus seu orificium intrare debet; alia verò accidentalis magis est, atque ita ordinata, ut vitrum sua positione perpendiculari sustentet.

Ad matratiū sive vitrum quod spectat, illud debet caput satis spatiosum vel rotundum vel ob longum habere cum collo longo & angusto, cujus orificium seu os reliquo collo proportionari & duplici modo præparari atque adaptari debet. Inprimis

enim collum ejus perpendiculariter positum, ita in vasculum sive peluem aquæ plenam est adaptandum, ut ejus orificium fundum ejus attingat. Deinde à superficie sive summitate aquæ, sursumque per collum vitri ad globum ejusdem usque ascendendo mensurare debemus, donec ad ipsam pilam, sive illa sit longa sive ovalis, perveniamus, illudque collum in partes 15. dividere, in quarum media, nimirum in illa inter caput ejus & aquæ superficie, quæ est in fundo, figuram I. describo, deinde deorsum ab I. descendendo atque itidem ad I. ascendendo numero, & describo 1. 2. 3. 4. 5. 6. 7. Exempli gratia.



Quod

Quod ad aquæ vasculum spectat, illud etiam cum proportionem vitri sive Matracij fistulæ vel colli in fundum ejus descendentes, in dicta figura depictum habetis.

Iamque fistulâ Matracij seu vitri ita in partes divisâ, vitrum præparare ac disponere debetis hoc modo, ut magneticum & attractivum frigiditate, atque expulsum seu dilatativum caliditate efficiatur: Accipiat ergo, velim, orificium matracij in manibus & caput ejus sive sit rotundum, sive ovale, igni donec valde incalasciat extendatis: Calor enim ignis rarefaciet aërem vitro inclusum, efficietque, ut bona ejusdem rarefacti portio ex orificio vitri evolet, ac in eo statu remanebit, quamdiu vitrum in illo caloris gradu manet, quo instanti, si repente fistulæ nasum in vasis instrumenti aquam ponatis, percipietis, quod ut Matracium frigescit, sic etiam aqua in speculi collum paulatim, sursum, ascendet. Observandum quoque est, quod quo calidius vitrum factum est, eo altius appropinquante frigore in collum vitri ascendet, cujus rei ratio est, quia, quod magis in vitro rarescit aër caloris virtute, eo minor erit aëris portio & per consequens eo major vel minor aquæ portio in vitri collum

sublimabitur, secundum majus vel minus frigoris in aëre externo dominium: Nam aër post ejus attenuationem in vitro remanens, ab intenso frigore condensabitur, & condensatione tantum aquæ secum rapiet & in altum attollet, quantum aëris prioris in dilatatione ex aquæ superficie expiravit; quo manifestè apparet, deceptos fuisse eos, qui calorem attractionis aquæ sursum occasionem fuisse cogitant, cum demonstratione ista oculari patet, quod sit caloris actus, qui eam pellit deorsum; è regione verò constat, quod frigus sit ascensionis aquæ causa: Vtunque impostores nonnulli, quod rem admirandam magis efficiant, liquorem sive spiritum esse secretum & ab ipsis solummodo motum, prædicant, qui vitro inclusus arcana quadam proprietate aquam quandoque in vitrum ascendere, & quandoque descendere faciat: quam astutiam ut melius regant, aquam inclusam vel viridi aëre vel similibus tingere assolent. Quod ad accidentalem hujus machinæ partem pertinet, illa variformiter, seu in quacunque forma vel figura nobis placeat præparari & fabricari potest: Mecum autem ejusdem fabricandi rationem hîc depinxi.

## CAPVT. IIII.

*In quo diverse instrumenti hujus demonstrativi proprietates & usus exprimuntur.*

**T**Am proprietas hujus instrumenti, quam usus consideratur vel universaliter vel particulariter. Proprietas enim ejus generalis est, vel contrahere & condensare, nimirum, cum aër inclusus per frigus externum animatur, vel dilatare ac rarefacere, quando scilicet aër inclusus à calore externo excitatur: Atque idè per naturam ejus constringentem & dilatantem, rationem sine conditione aëris mundi universalis discernere possumus: Qua quidem observatione facillimè est speculandum, nihil esse in toto naturæ imperio, quod aut rarefieri aut subtiliari queat, nisi mediatione & actu caloris, sive sit visibilis, sive invisibilis, qui est effectus lucis, ut è regione nihil

contrahi aut condensari potest sine frigore, cujus origo sunt tenebræ. Proprietates autem hujus instrumenti particulares cum ipsarum usibus sunt istæ. Primum per machinam istam aëris externi sive catholici Elementi temperamentum in calore & frigore revelatur: Quod enim altius aqua in collo sive fistula Matracij scandit, eo fortius arguit frigoris in aërem Dominium: Ad eo ut hoc modo quotidie de frigoris in aëre augmento vel decremento indicare queamus, & consequenter per aquæ in fistula descensum caloris in aëre seu Spiritu mundano proportionem scire facilius erit.

*Experimenta quædam notatu digna ex speculi hujusmodi observatione collecta.*

**S**I aqua, quæ satis altè in speculi seu instrumenti collo seu fistula erat elata, subitò per aliquot gradus jam desidat; signum erit indubitatum pluvie sive imbris immediatè subsequens.

Si unius noctis spacio aqua elevata residet, pluviam non multam proventuram arguit.

Si Ausster aut Eurus flet immediatè post Aquilonem, vel Favonium, aqua observabitur per gradus nonnullos cadere: At verò si

post Notum vel Subsolanum spiret Boreas, seu ventus frigidus occidentalis, tum aqua manifestè exaltabitur.

Si aqua ad gradum in collo Matracij I. attingat aërem arguet esse temperie moderatum in calore & frigore, haud aliter, quam se habet aër, dum Sol per æquinoctium transeat vernale.

Quod si altius ascendat aqua, tum arguit aërem per tot gradus ad dispositionem frigidam septentrionalem vergere, per quot

## SECTIONIS PRIMÆ LIB. I.

supra I. elevatur: Nā considerare debemus, quod à gradu 1. ad superiorem 7. ad hæmisphærium hyemale pertinet: & per consequens gradus multiplicationis frigoris importat spatium istud; ita, ut si aqua ad 2. argumentum est, quod frigus superet calidum in aëre per gradum unicum: Si ad 3. per duos: Si ad 4. vel. 5. arguit pruina: Ad 6. magnam glaciem: Ad 7. glacies in ista civitate londinensi adeo est magna, & dura, ut homines & currus super flumen Thamesin transire soleant.

E regione verò si aqua subsidat à 1. ad 2. hæmisphæry inferioris ordinis seu æstiva-

lis: Sive calidum arguit primum caloris Dominij super frigus gradum si ad 3. descendat vel 4. majorē in aëre caliditate demonstrat: Si usque ad 5. aut 6. cadat aqua, aërem declarat impense calidum: Verum si aqua ad imam figuram 7. detrudatur, extremum & intensum indicat in aëre calorem, ita, ut ratione ejusdem fulmina & tonitrua in eo efficiantur.

Quibus videre vas est, quanta sit relatio illa, quæ facta est inter aërem externum sive universalem, elementum spirituale sub lunare, atque illum speculo instrumentali inclusum: De his in capite sequenti plura.

### CAPVT. V.

*Hic evidenter probatur, non obstante ulla objectione, quod fieri possit  
in contrarium, quod organum hoc experimentale relationem  
habeat non modò ad mundum magnum, verum etiam,  
quod spiritus instrumento huic inclusus  
ab illo machine mundi regatur & gubernetur.*


**S**ed priusquam ulteriori comparatione inter spiritum in parvulo hoc nostro typo seu machina contentum, & proprietates agentium & patientium in eo, cum illis magni mundi procedam; necessarium est, ut primò cujusdam dubio, sive objectioni, quæ fieri potest, respondeam, quæ quidem, nisi remota & resoluta sit, relatio seu comparatio hujusmodi, ignorantibus aut inepta seu omnimò impossibilis videatur: Scio igitur haud paucos objecturos esse, quod nulla comparatio conveniens inter parvam hanc nostram machinam artificialem, atque naturalem illam mundi fabricam seu organum fieri possit: Quandoquidem spiritus in speculo nostro ubique clausus, seu vasi suo strictè inclusus est, atque idè aër secundum speculi formam seu figuram, vi movere cogitur: At longè aliter res sese habet cum spiritu illo, qui vastam mundi cavitatem occupat, ut pote in quo aër seu spiritus quolibet impulsu huc atque illuc libere observatur movere, sicut in ventorum à singulis mundi plagis observatione quotidiana sumus instructi. Cui respondeo, quod ipsa eadem est motionis ac relationis ratio in crassa sive densa natura ad tenuiorem, & similiter à tenuiori seu rariori ad crassam & densam, in subjecto parvo, quæ in majori, si modò similes habeantur respectus, idque in æquali pondere & mensura proportionali caloris & frigoris. Imò quidem audacter affirmo, quod totus mundus tam completè cum spiritu sive aëre est refertus, quam est vas hoc nostrum experimentale: Quod si non esset, sequeretur per consequens, quod vacuum admitteretur in rerum natura, quod quidem, ut quispiam Philosophorum crederet, absurdum foret. Quare audacter concludo, spiritum in cavitare hujus instrumenti contentum (con-

siderata ejus magnitudine) esse quantitate, mensurà & pondere proportionatum ad illum mundi majoris: Testatur enim experientia, quod in singulis anni partibus calidum & frigidum proportionaliter Dominium habent, tum in spiritu speculi, quam in aëre mundano & eisdem in utroquo solent producere effectus tam in rarefactione, quam in condensatione aëris, uti in prædictis est declaratum: Nam quò magis calor abundat in aëre mundano, eo etiam magis deprimitur aqua in collo instrumenti, & per consequens aër in dicto collo inclusus dilatur & rarefactus est: è contra quò magis frigoris inclementia viget in aëre externo, eo plus aqua in istam instrumenti elevatur: Quibus evidens est, quod prædictum dubium sive scrupulus penitus auferatur. Hoc ergo respectu vellem ut quilibet lector consultus & sibi constans intelligat, quod, quando hujusce instrumenti naturam sive conditionem intucatur, observare quidem potest actionem in rarefactione & condensatione mundi cujusdam minoris, qui in omni re videtur mundo majori consentire & correspondere, utpote, qui suum hæmisphærium tam aquilonare, quam Australe habet, qua lineâ per signum 1. transeunte haud aliter ab invicem distinguuntur, quam illa in mundo majore per lineam æquinoctialem: Duos etiam videtur tropicos cum polis suis habere solummodò Australem polum seu hæmisphærium calidum esse putamus, respectu nostrum, qui spiraculo ab eo procedens à Sole est, qui respectu nostrum australiter disponitur. Atque idè polum hunc seu hæmisphærium hoc æstivum, ut è regione alterum hyemale dicimus: atque demonstravimus, quod gradus 1. in fistulæ instru-

menti

menti meditullio æquatoris sedi, directè æstivalis Tropicus sit basis, alterius Trianguli, cujus conus definit in centro Tropici Borealis; necesse est, ut ubi per triangulos hosce imaginarios facta est interfectio media, ibi æquator transeat.

*Exempli gratia.*



## SECTIONIS PRIMÆ LIB. I.

Atque istum æquinoctialis locum sphaeram æqualitatis appellamus, quoniam quo tempore Sol existit in Ariete vel Libra, in vernali scilicet & autumnali linæ Æquinoctialis sectione, dies noctesque sunt æquales, atque etiam utraque hæmisphæria tunc temporis æquali caliditatis ac frigiditatis temperie solent convenire. Taliter etiam reverâ res se habet in macrocosmo, videlicet æqualitas temperiei in utroque hæmisphærio.

Atque ita sufficienter vobis instrumenti hujus experimentalis tam fabricam, quam proprietatem descripsi, ut mihi in isto ad-

versus Peripateticos mundanos certamine pro oculari demonstratione loco clavæ Herculeæ inserviat: Cùm denique rationibus ex profunda veritatis pharetra depromptis, quæ securæ & expertæ armaturæ vices subeant, sim stipatus, cùmque ista armatura sit instar testudinis sive clypei sacrum literarum authoritatibus munita, quo veritatis utque synceræ sapientiæ majori magnanimitate causam sustineam, cur (obsecro) inimicorum meorum multitudinem extimescerem? Si Deus nobiscum, quis contra nos? Cum ipsa veritas, quæ omnia vincit pro me, sat scio, pugnabit.

S E C-

SECTIONIS PRIMÆ liber PHILOSOPHIÆ  
MOYSAICÆ Secundus.

Hujus libri Argumentum.

In libro hoc primò probatur Philosophiam Ethnicorum esse adulterinam & falsam, tum quia super sapientiam mundanam fundatur, quæ, teste Apostolo, est mera in oculis Dei stultitia, tum quatenus est veritati contradictoria & consequenter non descendens à Patre Luminis, qui est in cœlo, sed à principe tenebrarum, qui sedem suam in regione obscuritatis & ignorantiae habet: Quare ista sapientia seu *Sophia* ab Apostolo dicitur terrena, animalis, diabolica. Hinc ergo ab eximio illo Theo-Philosopho D. Paulo admonemur, ut per Philosophiam ejus modi vanam, quæ est à traditione hominum & secundum Elementa mundi hujus inventa, & non habet pro securo suo fundamento Lapidem Angularem Iesum Christum, minimè decipiamur.

1. Cor. 3. 19.

Jacob. 3. 15.

Coloss. 2. 8.

CAPV T. I.

*Philosophiæ Etymologia, Definitio & divisio.*

**P**riusquam in abyssum Philosophiæ essentialissimæ profundissimam me immergam, cujus fundatio est vera *Sophia* seu sapientia divina, quæ est res tam difficilis executionis, ut nihil præterquam velox & agiler alata hominis anima ad exitum felicem valeat perducere; operæ pretium & rationi haud dissentaneum existimavi, ut in primo loco vocabuli *Sophia* Etymologiam consideremus, cujus naturam nudam tam avidè venamur, sitique Tantalea affectamus, quò tum postea meliori methodo & certiori intellectu ad ipsius essentiam sive definitionem perveniamus, ac denique firmiori confidentia in subjecti divisiones ac differentias descendamus, ut tali progressu veritatem directius depingamus, eamque melius à falsitate & errore distinguamus. Cùm igitur Philosophia sit tractatus hujusce nostri negotium, sciendum est in primis, quòd ipsa generaliter pro sapientia accipitur, at vero in sensu seu significatione magis propria & peculiari interpretantur Amorem, seu amicum (& ut alij vocant) studium sapientiæ: Nam vocabulū *Philosophia* componitur ex *Philos*, quod est amicus & *Sophia*, hoc est, sapientia, quasi amor seu studium sapientiæ. Liqueat ergo, quòd à Græcis sic vocatur, quatenus comprehendit in se amorem sapientiæ, seu quia in tractando sapientiam homines ad ipsius amorem incitantur atque alliciuntur. Antiquis temporibus dicta erat hæc scientia *Sophia*, seu sapientia tantum, at Pythagoras egregius ille philosophus vocabulū *Philos* tum postea addidit, ut pote, qui se maluit potius pro Philosopho, hoc est, sapientiæ amatore, seu studioso haberi, quàm titulum sapientis sibi impudenter arrogare.

Ab Etymologiæ istius sensu haud erit difficile naturam & definitionem elicere: Nimirum, quòd sit amor seu studium sapientiæ ardens fervensque animi ad ipsam inquirendam atque apprehendendam applicatio, quatenus vocabulum importat, quid sit amor sapientiæ syncerus. Evidenter ergo ex istis apparet, completum philosophiæ subjectum esse sapientiam, cujus perfecta cognitio est summum vitæ mortaliū bonum, & meta illa amabilis, adversus quam sapientes cujuslibet seculi in primis, collimaverunt. Verùm ut à rerum primordio erat in rebus distinctio differentiaque opposita, nimirum inter lucem & tenebras, bonum & malum, justitiam & injustitiam, ac (ut uno verbo concludam omnia) inter realia & vera Dei atque præstigiola, vana & imaginaria Diaboli hominumque mundanorum, quibus est ipse Dux seu potius seductor; ita etiam extremum est inter veram sapientiam, quæ est à Deo & illam falsam ac phantasticam, sive humanæ inventionis atque traditionis effectum discrimen, cujus pater est Diabolus; quippe qui eam hominum Ethnicorum conceptibus ac phantasijis, chimeris impressit, ut etiam electos (si esset possibile) subtilibus atque callidis suis fallacijs decipiat. Hinc ergo tanta seminata est à mundi origine inter philosophiam atque essentialē, & illam falsam seu adulterinam discordia: hinc tantus philosophorum & philosophiæ à mundanis contemptus. Nonne hoc totum à pagina sancta habemus sufficienter confirmatum? Non in Sapientia carnali (ait Apostolus) sed in gratia Dei versati sumus in hoc mundo. Atque iterum: Prudentia carnis Mors est, quoniam sapientia carnis est inimica Dei; Prudentia spiritus est vita & pax. Et alibi luculentius: Prædicatio mea non est in persuasionibus

2. Cor. 1. 12,  
Rom. 8. 6.

B

sonibus



## SECTIONIS PRIMÆ LIB. II.

1. Cor. 2. 4.

Coloss. 2. 8.

1. Cor. 2. 12.

1. Cor. 3. 13.

Isai. 5. 20.

1. Iacob. 3. 15.

sionibus & humanæ sapientiæ verbis, sed in ostensione spiritus & veritatis: sapientiam loquimur inter perfectos; sapientiam autē non hujus mundi, sed loquimur Dei Sapientiam in Mysterio, quæ abscondita est, quam Deus revelavit electis per spiritum suū &c: Quibus verbis docemur primū, quod orationes oratorū mundanorū suaves & mellifluæ, qui solo sermone & non reali virtute sunt sapientes, philosophique sophistici, qui linguis multa pollicentur, effectu tamē parum aut nihil præstare possunt; sint planē venti inanes, cū viceversa philosophi reales seu essentiales verba virtute & potestate munita edere soleāt. Secundō, quod sermo à vero & potenti philosopho prolatus, sit fructuosus & florens, quippe qui æternitatis sapiētiā & non illa hujus mundi statumatur, quæ lapidis Lydij examinatione solūmodo potēs invenitur. Tertiō, quoniā sapiētiā coelestis humano generi est mysticē & nō humana traditione revelata, utpote in potestate divina solummodō & solis sanctis atque electis detecta seu manifesta & per consequēs Ethnicis sapiētibus atque infidelibus incognita: & tamē isti sunt præcipui philosophi Christianorum compositores, quā ipsi, veræ ac divinæ philosophiæ leges respuentes vel saltē ignorantes, tantā fiducia & conamine venerātur atque insequuntur, ac si divinitas à coelo esset nobis hominibus demissa. Cū nihilominus nos ex Apostoli verbis colligimus, quod ipsa sit fallax, vana & sophistica, quatenus orta est ex traditione hominū & secundū elementa hujus mundi fabricata & non à Christo vero lapide angulari, in quo habitat plenitudo Divinitatis corporaliter: Hinc ergo idē aliter: Nos non spiritum hujus mundi accepimus, sed spiritum, qui est ex Deo, & qui ab eo donatus fuit nobis; loquimur, non in doctis humanæ sapientiæ verbis, sed in doctrina spiritus, spiritualibus spiritualia cōparantes: Animalis enim homo, non percipit ea quæ sunt spiritus Dei: Stultitia enim est illi & non potest intelligere &c. Atque iterum: Sapientia hujus mundi est stultitia apud Deū: Deus enim novit cogitationes sapientū, quod stultæ sint &c. Quibus etiā discernere possumus, quod sit sapiētiā falsō sic docta & in effectu veræ sapientiæ contraria: quare & stulta ab Apostolo dictatur; atque idē conceptus seu imaginationes talium sapientum seu Philosophorum cum suis Discipulis (utcunque optimē de se ipsis sentiant) sunt revera stultæ & nullius æstimationis coram Deo. De hujusmodi verō philosophis Propheta hæc: Væ, qui dicitis malū bonū & bonum malum, facientes tenebras lucem, & lucē tenebras, ponentes amarum in dulce, & dulce in amarum. Væ, qui sapientes estis in oculis vestris & coram vobis inet ipsi prudentes. Nonne etiam assignat D. Iacobus, insignē inter has sapientias discrepantiam? Sapientia (inquit) contradicens veritati non est de sursum descē-

diabolica: Sapientia verō de sursum descēdens est de Deo: quibus liquet, quod ut juxta integram paginæ sanctæ harmoniā, sapientia accipitur, nimirum pro terrena & mundana, quæ est spuria, hoc est, ab inventionē humana, nec non secundū elementa mundi parta (ut dictum est) itā etiā est sapientia vera, pura atque essentialis nimirū illa, quæ suum ortum seu radicem habet in Christo seu verbo Dei: juxta illud sapientis: Verbum Dei altissimi est sapientiæ fons. Quod cum ita sit, non cum tanto fervore seu vehementia à nobis Christianis adoranda atque amplectenda est Philosophia illa adulterina & mendax, quæ ab infidelium figmentis originem suam ducit; ut illa omnium verissima & efficacissima, ut pote super fundamentum verum Christum Iesum, unicū lapidem Angularem in contemptu habetur, & pro nihilo planē penderetur, quippe cujus solius est implere, sustentare & vivificare omnia: Nam in ita faciendo stultos & temerarios imitabimur Israëlitas, de quibus Propheta Baruch in hoc sensu: Sapientia fontem reliquit Israël, hoc est, neglexit sapientia veram, ut artes, scientia & prudentiam in extraneis gentiliū nationibus quærent, in quibus non erat inveniēda, sicut fecerunt Agareni & illi, qui fuerunt, in Themā, qui hac viā ad veræ sapientiæ perfectionem attingere haud potuerunt: Nonne in tali philosophiæ veræ neglectu Prophetiæ divinæ præceptū violabimus? Quod est, ut vias gentiliū minimē discamus: quoniam leges populorum sunt vanæ. Et Apostolus hūc paucis nobis innotescere videtur extremam illam varietatē & dissonantiam, quæ est, inter duas istas sapientiæ species. Sapientiam (inquit) græci quærebant; Iudæi signa; nos Christum crucifixū prædicamus &c: Quo quidem sermone arguere videtur, contemplativam græcorū philosophiam, quæ ex traditione hominum & sola imaginatione stipata est orta, cujus patroni erant Peripatetici, stoici & Epicuræi. At philosophia practica erat illa, quam affecterunt Iudæi (noluerunt enim credere sine practicis philosophiæ effectibus ac in ultimo loco nominare videtur veræ philosophiæ medullam, sive studium sapientiæ rectū, quæ consistit in Iesu Christo crucifixo, quæ ex solo Deo est, quatenus sapiētiā hujus philosophiæ ab ore Iehovæ est egressa: quoniā ejus fons (ut dictū) est verbum Dei. Hinc in sua propria persona sic loquitur sapientia ista vera: ab ore altissimi prodij &c. Atque hac de causa Apostolus differentiam inter philosophiam Græcorum, quæ erat spuria, imaginaria & phantastica, atque istam veram & realem ostendit, hanc nobis proponit cautela: Vt (inquit) consolētur corda ipsorum, instructi in charitate, & in omnes divitias plenitudinis intellectus in agnitione mysterij Dei Patris & Iesu Christi, in quo sunt omnes thesauri sapiētiæ & scientiæ absconditi. Hoc dico, ut nemo vos decipiat in sublimitate sermonū: sicut ergo accepistis

Eccles. 1. 7.

Baruch. 3.

Jerem. 10. 2.

1. Cor. 1. 22.

Eccles. 24. 5.

Coloss. 2. 2.

pistis Iesum Christum Dominum nostrum, in ipso ambulate, radicati & abundantes in gratiarum actione. Videre, ne quis vos decipiat per philosophiam & inanem fallaciā secundum traditionē hominum & secundum elementa mundi & non secundum Christum Iesum: quia in ipso habitat omnis plenitudo Divinitatis corporaliter, & estis in illo repleti, qui est caput Principatus & potestatis &c: ex quibus verbis res istę notatu dignę sunt respiciendę & cum diligentia observandę. Prima est, quod omnis intelligentię & scientię plenitudo consistit in revelatione & scientia mysterij Dei & Filij eius Christi Iesu. Quoniam (ut ait Apostolus) in Christo solo consistit sapientię & scientię Thesaurus: Vnde Christus in hæc verba: **Quærite regnum Dei & cætera adjicientur vobis.** Et per consequens est mera stultitia ad veram scientiam & intellectum atque sapientiam inquirendā ab ipsis, qui eam non habent. Secunda, quod melliflui oratores & dolosi & fallaces sophistę vanique istius mundi philosophi sunt summopere evitandi & nullo modo credendi; quippe quorum doctrina seu verba sunt superficialia & vix probabilia, quatenus rei veritate pro sua in structura basi nihil aliud habent, quam figmentum inane & imaginariū. Tertia, quod sit Philosophia & consequenter sapientia quædam, quæ initium suum ducit ab invēione seu traditione hominum & secundum elementa hujus mundi & non secundum Christum, atque idcō omni conatu à veris Christianis evitanda ac propulsanda vel saltē non tanta synceritate observanda, ac si à quadam divinitate eisset de coelis in terram emissa. Quarta, quod illa sit philosophia sincera, & per consequens sapientia vera, quæ est secundum Christi naturā, quippe in quo omnis perfecta scientia & cognitionis atque sapientię Thesauri sunt siti: atque ista doctrina fabricatur non juxta hominum doctrinā seu traditiones, nec secundum mundi elementa, quæ est terrena animalis, Diabolica, & contradicens veritati; sed secundum eam, quæ à Deo, Patre Luminum descendit, uti ab Apostolo Iacobo docemur. Super hujus ergo sapientię humanę seu mundanę bases erecta est (uti diximus) ea sapientia Græcorum (quæ est præcipua philosophiæ Christianæ pro hodierno die columna) Hocque probari videtur in eo; primum, quia Apostolus Paulus negat ipsam esse veram philosophiam, quatenus super Lapidē Angularem Christum Iesum non ædificatur: quemadmodum ex sermonibus ejus, philosophis Atheniēsis prolatis, liquido satis explicatur. Nam quando sectæ Epicuræorū & stoicorum colloquium cum eo habuissent (postquam rationibus divinæ philosophiæ ipsos ab Idololatria & decorum falsorū atque ignotorum veneratione dissuasisset, ipsisque sapientiæ veræ Iesu Christi leges, futuramque à mortuis resurrectionem prædicasset,

& consequenter eos in verā & realis Philosophię fundamentis, instruxisset) eorum nonnulli replicaverunt dicentes: **Quid vult feminiverbius hic dicere?** Alij verō, dæmoniorum videtur iste annunciator: Quibus tandem respondet philosophus verē Christianus in verba hæc: Viri Athenienses, per omnia quasi supersticiosiores vos video: Præteriens enim & videns simulachra vestra, inveni & aram, in qua scriptum erat **IGNOTO DEO.** Hunc ergo quem ignorantes colitis, hunc ipsum annuntio vobis &c. Nota hic obiter, quod isto sermone arguit, ipsos verum syncerę philosophię fundamentum ignorasse; ut pote, qui verum Deū, qui est verę sapientię scaturigo haud cognoverunt. Tunc in hunc modum progreditur: Deus (inquit) qui fecit mundum, & omnia, quæ in eo sunt; hic cœli & terræ cum sit Dominus, non in manu factis templis habitat, nec manibus humanis colitur, nec in diget aliquo, cum ipse det omnibus vitā & inspirationē & omnia &c. Auscultate & observate (obsecro) sapientis istius philosophi excellentiā, qui his verbis philosophos hosce mundanos sapientiā divinā, & per consequens philosophiam Essentiāle perspicuē docet: Nam per textum istum indicat, quod Spiritus Dei, qui est Christus Iesus templa artificialia non inhabitet, sed rem quam libet creatā faciat suum sanctuarium, & inter omnes alias creaturas ipsum hominē templum suum carneum facit per superexcellentiam, ut in eadem contextu liquet, atque idcō affirmat, quod idem Spiritus sapientiæ sanctus det omni creaturæ vitam, & inspirationē & omnia. Quare si omni rei tunc nulla restat res in mundo, quę non animatur ab eo, quippe suam vitā, respirationē & existentiam ab & in ista divina sapientia hauriens, & propter istam rationē à scripturis Lapis haud immeritō dicitur Angularis, quatenus scilicet super ipsā & in ipsā omnis creaturę fabrica consistit, eique radicaliter innititur. Quare evidēs est, quod ipse solus sit mundi lux, in qua est vita illa, quę vivificat omnia; Et qui est omnia in omnibus: In ipso condita sunt universa in cœlis & in terris visibilia & invisibilia, omnia per ipsū & in ipso creata sunt, Et ipse est ante omnes & omnia in ipso constant: Ille implet omnia, operatur omnia in omnibus. Nonne videtur etiam Salomon huic rei astipulari, dum asserit, Spiritum Dei incorruptibilem inesse omni rei? Procedit autem Apostolus in istiusmodi orationis filo: Fecitque (ait) ex uno omne genus humanum inhabitare super universam faciem terræ, definiens statuta tempora, & terminos habitationis eorū, quærere Deum, si fortē attraherent eum, aut inveniant: quamvis non longē sit ab unoquoque nostrum: in ipso enim vivimus, movemur & sumus: sicut & quidam vestrorum poetarum dixerunt &c. En & ecce admirabilem Lapidis divini istius virtutem &

Aa. 17. 18.

Aa. 17. 21.

Aa. 17. 24.

Ioh. 1. 4. 9.

Tim 6. 13.

I. Cor. 15. 26.

Coloss. 1. 16.

I. Cor. 12. 14.

Sap. 12. 1.

Aa. 17. 26.

## SECTIONIS PRIMÆ LIB. II.

Coloss. 2.3.

stupendas illius in creaturis operationes! Et nota, quod semper in potestate hominis est, ut ipsius inquisitione, & pulsatione possit ad suam salutem acquiri. Hic est ineffabile & inexplicabile veræ Philosophiæ subjectum, & summum verorum philosophorum bonum, quod tantis laudibus à veteri & novo Testamentis exaltatur & ebuccinatur. Quare non inconsultè dixit in loco prædicto Apostolus: In Christo omnes Theauri scientiæ & sapientiæ sunt absconditi &c: Quibus inferre videtur Apostolus, quod nulla sit vera philosophia, quæ non habet spiritualem istam fundamentum, nimirum Iesum Christum, in quo est plenitudo, divinitatis corporaliter, & qui est caput tam Angelicæ & superioris Naturæ, quam Creaturarum inferiorum; &

per consequens omne in omni. Quod cum ita sit, apertis videre licet oculis, quam longè à veritate Philosophia illa Græcæ distet; atque hac de causa minimè à pijs Christianis est illa amplectenda, sed potius in æternum releganda exilium: cum à sacris scripturis via magis recta, completa & perfecta ad sapientiæ æternæ mysteria dignoscenda vereque philosophiæ arcana investiganda, delineatur. Denique in eo patet, quod Græcorum Philosophia atque ideò mundana sive humana illa sapientia, super quam struitur talis philosophia sit terrena, animalis & diabolica, & sapientiæ & philosophiæ veræ contradicat, atque ob istam rationem necesse est, quod sit falsa & spura in sequentibus apertè demonstrabitur.

### CAPVT. II.

*In quo, quid sit sapientia humana, & quis homo animalis; ac è regione, quid Sapientia divina, & quis homo spiritualis, enucleatè discutitur.*

**S**ed priusquam ulterius in hoc nostro discursu progrediamur, operæ erit pretium, ut mundo inprimis ortus seu originis tam sapientiæ humanæ sive mundanæ & hominis animalis (de quibus scripturæ plurimus in locis) quàm illius divinæ atque hominis spiritualis rationem aperiamus. Sciendum est ergo, quod suprema sapientia sit ipsius animæ gustus, intelligentia ejus visio, mens ejus oculus, ratio ejus aspectus, atque ipsa ratiocinatio objecti inquisitio, ut, ubi intelligentia non accipiat gustum Teu saporem suum primum à sapientia suprema, ibi sapientia in suo iudicio falli atque decipi solet, nec est satis, ut habeat mentem pro oculo, cujus actu fit visio, quippe quæ versatur tam in inferiorem, quàm in superiorum intuitu: Sed necesse est, ut recta iudicium à sapientia procedat. Est ergo intelligentia illa animæ facultas seu potestas, qua homo percipit, cognoscit & discernit res omnes intelligibiles: Atque intelligere debemus, quod visio istiusmodi fiat tribus modis, nimirum vel per assistentiam sensuum exteriorum & tunc versatur mediante phantasiâ circa corpora sensibilia, quæ solent quandoque, imò verò plerumque, hominis naturalis intellectum atque rationem dirigere & assistere: vel per solum phantasiæ spiritum, & tunc versatur circa corporum & spiritualium simulacra imaginaria: atque in ambabus istis videndi speciebus intellectus facile corumpatur, & ratione phantasiæ mediâte qua cognitio rerum corporalium intelligibilium conducitur & offertur rationi, ac tandem intellectui; seduci queat: Nam impossibile est, quin phantasia (cum sit interior facultas sensitiva, quæ profundam in se va-

riarum rerum sensibilibus sive præsentibus sive absentibus impressionem recipit, & ex varijs rerum sensibilibus realium speciebus similes laborat species in conceptu producere & extrahere, Et (cum ultra rerum naturalium, sensivarum, & substantiarum corporearum cognitionem transcendere non possit) impossibile (inquam) est, quin animæ seu intelligentiæ notiones tales sensibiles repræsentet, quas objecta ejus specialia ei assignant: Hinc ergo evenit, quod animus seu intelligentia in percipiendo rectè & justè res, quolibet intelligibiles cognoscendo & discernendo decipitur; idque eo præsertim magis quò phantasia ad conceptum aliquem alicujus rei intelligibiles imaginarium, à rebus quibusdam sensibilibus extrahere atque elicere conatur: Nam in tali actione intelligentia seu animus (ad modum ab ipsa phantasia seductus) facillimè circa talem rem in discernendo & percipiendo decipi queat: quatenus res illa intelligibilis sit spiritualis ac supernaturalis, & per consequens circulum capacitatis humanæ rationis excedit: Verbi gratia, cum mentio homini naturali sive animali fiat de Deo Exercituum, tunc effigies statim in spiritu ejus phantastico alicujus sensibilibus & corporei Potentatus, seu Imperatoris eminentis suis principibus munitus depingitur. Porro si Spiritum Sanctum arguere velit, impressionem columbæ vel linguarum ardentis fissas & hujusmodi alia præferet. Etiam si seraphin nominemus, ipse cum sex alis contactus in spiritu phantastico apparebit, ut & Angelus igneus & alatus in eo videbitur, & diabolus cornutus, pedibus fissis & in effigie terribili & more phantastico in eo præsentabitur.

tabitur &c: At si immediatè à sensibus in spiritum phantasticum veniat ico, tunc etiam objectum tale visionem intellectualem fallit. Exempli gratia: Baculus rectus in aqua positus, apparebit visui curvus, & more tali. De pingetur in spiritu phantastico. Arbores, civitates, & montes videbuntur navigantibus moveri: Postis vel columna apparebit phantasia, nocturno tempore homo: similiter auditui sonus bombardæ, ut & ipsius pulveris accensi splendor pro tonitru & fulgure habebuntur imaginationi: ut & ululatus felis pro clamore puerili &c: Porro etiam phantasia repræsentat falsa simulachra tam in somno, quam vigilijs per se, uti in delirio vel phrenitide vel mania correptis videre licet: Imò verò & quandoque fingit ea, quæ nec unquam fuerunt, sunt aut erunt. Hinc etiam est, quod tot errores irrepserint in mundum, quibus hominis animalis sensus atque intellectus solis similitudinibus veritatis loco ipsius realis veritatis ductus & mera probabilitate innitens dicipitur & in semitam contrariam seducitur, nihilque intelligere videtur, præterquam corpora, quæ à sensu phantastico offeruntur: vel in spiritu phantasiæ merè imaginario per se creantur. Hinc orta est sapientia illa mundana seu humana & consequenter philosophia illa Ethnicorum vana, quæ ex traditione hominum & secundum elementa hujus mundi & non secundum Iesum Christum veram sapientiam ab Apostolo specificatam processit. Ex istiusmodi visione intelligentiæ fallaci, imaginantur & somniant peripateticum suo principe, Elementorum terræ, aquæ &c: cælorum, Astrorum atque ipsius mundi æternitatem, fortunæ finxerunt in mundo Dominium, deū necessitate ad generationē, & corruptionē agere dicunt; loquuntur de Vacuo, quod in substantia mundana possint imaginari, sphaeras cœlestes credunt esse motu raptō & violento primi mobilis vectas: Metēora à furnis & vaporibus à terra & aquis elevatis fieri, & per antiperistasi in vicē coacervari, eosque ab attractiva vi solis, Astroꝝ &c: in altum sublimari existimant: Terræ motum fingunt, à ventis terræ visceribus inclusis causari, volunt fontes à vaporibus terra venis condensatis generari: Nubes ab ipsis in altum elevatis & mediante Antiperistasi inspissatis procreari: Hocque idē à sensu colligunt & in phantasiæ spiritu imprimunt, quoniam observant in distillationibus vapores ex olla vel cucurbita in summitatibus Alembici ascendentes, in guttas excrecere & coagulari. Porro ventos ab exhalationibus à terra ascendentibus & ab eorum percussionibus ab alijs descendentibus fieri asserunt, quoniam fumum liquorum vel carbonum accensorum in suo ascensu à vento in aère descendente lateraliter pelli observant. Tonitrua etiam ab ignis in aqua murmure fieri existimant, quo-

niam ipsum ferrum candens in aquam projectum talia murmura & strepitus facere animadvertunt &c. Quare evidēs est, quod duabus istiusmodi in phantasia visionibus, nimirum à sensibilibus sensuum corporeis & ab imaginibus spiritualibus in ipsa impressis, utatur ille hominis animalis animus seu intelligentia, quæ interiora & centralia, hoc est, superiora & divina, veraque negligendo ad exteriora & superficialia intuenda penitus est addicta: Vnde sequitur, quod ejus ratiocinatio sæpiculè circa objecta, quæ inquirir, fallatur, ita; ut plerumque vix probabilia pro veris accipiat: quoniam notiones, quas à sensibilibus in phantasia impressionibus inquirir, incertæ sunt: quatenus imagines tam præsentium, quam præteritorum & futurorum in ejus spiritu more imaginario delineata majore ex parte sunt fictæ & imaginariæ, tales nimirum apparentes, quales rei veritate non sunt. Hujusmodi est igitur hominis naturalis sive animalis conditio; hujusmodi (inquam) sapientiæ humanæ seu mundanæ radix atque fundamentum, quippe cujus animus non intelligit sive intuetur oculis spiritualibus & à sapiētiae gustu instructus, quorum est ea respicere, quæ nec corpora nec corporum formas habent, cujusmodi sunt Deus, Mens, Verbum, Sapientia, Justitia, Veritas & essentielles animæ affectiones Iacob. 3. 15, bonæ. De hujusmodi ergo sapientia intendit Apostolus, ubi ait: Quod sapientia, quæ est de infra sit terrena, animalis & Diabolica. Vnde liquet, quod homo animalis non possit (juxta divi Pauli sententiā) percipere ea, quæ sunt de Spiritu Dei, quippe cui sunt illa itulcia; nec possibile est, ut ab eo ullo modo intelligantur, ut pote quæ spiritualiter sunt discernenda. At spiritualis rerum secretio non est naturale sed super naturale fidei opus, quatenus non à notionibus sensibilibus, sed à cognitione supernaturali spiritualiter in animam illuminatam infusa affurgit.

At verò ē regione in tertia intelligentiæ animæ visionis specie, in qua ipsa mentis acie, inferiora negligēdo respectum suum ad supremam sapientiam divisit, quæ est ejus gustus & alma nutrix, in qua sita est infallibilis omnium rerum notio, ipsa nec falli, aut deludi vel seduci potest, atque per istam visionem, quæ res intuetur, quæ nec corporeæ sunt, nec corporum formas habent, (quas superius recensuimus) potest animus seu intelligentia ad veram animæ agnitionem pervenire, & nullo modo per priores videlicet sensus & imaginationes, quatenus hæc potius fallunt animum, & faciunt, quod sibi illa videantur, quæ revera non sunt. Per recessum igitur à sensibus & corporum simulacris ad sui ipsius & Dei, ejusque sapientiæ atque angelorum cognitionem pertingere solet, homo internus seu spiritualis; recedendo (inquam) à sensibus, animumque suum à multitudine

## SECTIONIS PRIMÆ LIB. II.

Job. I.

I. Cor. 2. 12.  
83.

unitatem versus distrabendo, hoc est, revocando radios suos extrinsecus dispersos ad se eosque in se retinendo: Nam sensibus impeditur anima necernere seipsam & creaturam valeat. Si ergo anima versatur circa Deum, tunc exultat & gaudet in suo bono, quippe quod bonum animæ est Deus: At si versatur circa mundana, tunc letari videbitur in exterioribus & in bono carnis: Ascendere autem ad Deum, hoc est, gustare de suprema sapientia, est intrare in se ipsum & ad intima sui penetrare. Qui ergo ita in altum speculatur, ut transcendat se ipsum, & de suprema sapientia sapiat, ille verè ad Deum ascendit. Hæc ergo est vita animæ & cordis hominis, dum Deum suum contempletur: Nam qui vivit in Deo, ille suum quasi esse cognoscit, esse ipsum Deum & Dei Verbum: Vnde ait Mercurius Trismegistus: crede quod in te vidit & audit Verbum Dei: Et Evangelista: In verbo erat vita, & illa vita lux hominum: Et alibi: Vos estis Templum Spiritus sancti & membra Christi. O quam nobilis existit spiritus ille, qui veræ sapientiæ gustu ductus oculis spiritualibus percipit, se ex luce & vita creatum esse: Nam spiritus deprehendens se ipsum exvita & luce compositum ad vitam rursus & lucem transcendit. Hac igitur ratione anima seipsam transcendens se pro libitu ad inferiora & superiora delatat & ad cognoscendum & contemplandum Deum supra se, seipsum in se, & angelos juxta se, & quicquid cœli ambitu continetur: infra se divinitus illuminatur. Tunc ipsa in hac sua conditione mediante sensu, corpora sine errore speculatur; imaginatione corporum similitudines, ratione eorum naturas; intellectu spiritum creatum & intelligentiam illum increatum: Nam discernere potest intelligentia post summæ sapientiæ gustum inter verum & falsum, quando sensus informat imaginationem & imaginatio rationem, & exinde faciat scientiam illam, quæ prudentia dicitur (ut tum postea rationem instruat divinæ præsentia ac sapientiæ verum producat. Atque hæc est vera & unica hominis spiritualis & mente erecti visio, qua illam sapientiam speculatur, quæ descendit de super, quæ est Iesus Christus, in quo sunt omnes thesauri sapientiæ & scientiæ absconditi, quam homo animalis sive naturalis comprehendere nequeat, sed ipsam (teste Apostolo) pro stultitia æstimat. Verba viri istius spiritualis sunt ista. Non spiritum hujus mundi accepimus, sed spiritum, qui ex Deo est, ut sciamus, quæ à Deo Donata sint nobis, quæ & loquimur, non in doctis humanæ sapientiæ verbis, sed in doctrina spiritus, spiritualibus spiritualia comparantes: Animalis enim homo non percipit ea, quæ sunt Spiritus Dei: stultitia enim est illi, & non potest intelligere &c. Super istam igitur sapientiam est philosophia vera Moysaica fundata, à viris spiritualibus & theodidactis in Biblijs factis al-

legatis per instinctum Spiritus Sancti mundo revelata: Estque in omnibus Philosophiæ mundanæ & ab hominibus animalibus traditæ contradictoria. Agnoscit enim hæc vera Philosophia, Deum esse purum & incomprehensibilem spiritum in phantasiæ marginibus minimè comprehensum, nec non & verbum ejus ac æternam ipsius sapientiam. Angelos facit Spiritus divino numini atque etiam Dæmones inservientes, ab intellectu hominis naturalis minimè in sua essentia concipiendos; multò magis essentialiter in ejus phantasia, pro ut revera existunt describendos. Fatetur etiam contra Ethnicorum leges, mundum & consequenter terram, aquam & cætera electa, atque cœlum, stellas, & cætera in mundo fuisse à divino verbo creatas: & per consequens non ab æterno (ut ipsi falso opinantur) Fortunam Peripatetiam in mundo locum nullum habere concludit, neque agendi necessitatem Deo imponit, sed ipsum secundum voluntatem suam in hoc mundo operari testatur. De vacuitate substantiæ mundanæ non loquitur, sed mentionem facit de inanitate seu absentia Spiritus divini omnia informantis, cujus præsentia omnia dicuntur plena. Cœlos in æterna & non primi mobilis coactione mediante sapientia conversi asserunt: Meteora non è fumis & vaporibus fieri, sed ex æfflatu divino ex cœlo, quod est ejus arca thesauraria, produci narrant; idque sine ulla aut solis aut stellarum attractione: quippe quarum est proprietas, non attrahere sed discutere potius. Terræ motus à potestate occulta angelica & non à ventis terræ inclusis causari volunt: Nubes non à vaporibus, sed aëris condensatione, mediante sapientiæ actu produci statuunt: Ventos ex thesauris Dei derivari & non ab exhalationibus imaginarijs generari ajunt: Tonitruum non ex nubium & exhalationum collisione oriri scribunt: Cum sit vox Iehovæ: Nec procedunt fulgura ex exhalationum accensione, sed ex ore & throno Dei. Atque ita in cræteris. Hæc sunt sapientiæ veræ instituta sacrarum literarum autoritate statumina. Vnde evidens est, quid sit sapientia humana seu mundana: nimirum illa, quæ fit ex visione intelligentiæ exteriori seu sensibili & apparitione notionum corporaliū, seu corporum sensibus exterioribus subjectorum vel simulacrorum in corporum Spiritu phantasiæ impressorum, ex qua orta est Philosophia humana seu ex traditione hominum seu ex elementis hujus mundi parta: Et per consequens quid sit homo animalis seu naturalis, facilimè erit ex istis discutere: Videlicet intelligentia, cujus ulterius, quàm ad res mundanas sensibiles & phantasticas percipere nequit. Quippe cui de sapientiæ suprema gustare vel metis aciem ad Spirituales & ideales verbi divini notiones converttere nescit: Similiter è regione ex istis colligere fas est quid sit vera

vera sapientia, nimirum illa, quæ descendit ab alto à Patre Luminum, videlicet, quæ ab intelligentia sive animo est orta, quæ inferiora & sensibilia negligendo intuitu suum fixum ad superiora habet, hoc est, corpora & eorum simulachra respuendo, in ea luminis sui aciem flectit, quæ nec corpora nec corporum similitudines sunt, sed nudæ atque infallibilis veritatis ideæ: Nam si ad verbi seu sapientiæ supremæ seu Christi spiritualis existentiam visus sui aciem fidenter dirigat, ibi illum, qui est omnia in omnibus inveniet, & consequenter omnia in eo, qui est omnia sine fallacia aut deceptione speculabitur: Nam cujus Spiritus unicus est Christo, ejus spiritus unus erit factus in ipso, & per consequens omnia ei sine dubitationis alea scire non erit difficile: Nec tibi Lectori hoc videatur mirum, cum omnia in mundo majore secundum proportionem debitam in microcosmo retineantur: Nec equidem est ea increata divinitas, quæ mundum & omnia in mundo implet, hominemque centraliter & per irradiationem à centro totum occupat ab invicem divisa: Quare certum est, quod ea, quæ de Deo, Verbo, Æternâ sapientiâ, Iustitiâ, Virtute, & alijs in microcosmo

ubique in scripturis sunt intellecta, in ipso etiam microcosmo sunt intelligenda: Ut enim terra, aqua, ær, ignis, æther & spiritus empyreus, intellectus, ratio, mens, sapientia, verbum & Deus in microcosmo comprehenduntur: ita etiam ista omnia proportionaliter ita in microcosmo comprehenduntur, ut non sint ab illis in microcosmo magis, quàm radij Solares à soledivisa. Verum, ut est in natura humana quandoque ad mundi inferiora respicere, quod est hominis animalis sive naturalis munus & nonnunquam ad superiora vertere suæ contemplationis aciem, quod est hominis spiritualis affectio: Ita redditur quidem homo in genere pronior vel ad sapientiam humanam; & consequenter ad philosophiam mundanam inveniendam & fingendam, quæ est falsa, ut pote stultitia & inanitas coram Deo; vel ad illam divinam in utroque mundo evangelizandam & statuminandam, quæ est justa & acceptabilis apud Deum. His igitur cum diligentia consideratis, ut omnis scrupulus ab hujus mundi literarijs in philosophiâ hujusce nostræ inquisitione dematur, in hunc modum progrediemur.

## CAPVT, III.

*In quo veræ sapientiæ & philosophiæ origo ac essentialis principium explicatur, naturaque & potestas ipsius realiter: idque paucis detegitur.*

**V**T methodicè in hoc nostro negotio procedamus, restat jam, ut in loco priori Sapientiæ philosophiæque essentialis originem, fontem ac scaturiginem cum diligentia ex literarum sacrarum testimonijs perquiramus; definitionem naturamque ipsi maxime convenientem tum postea majore cum facilitate exprimanus: Deinde ostendamus, quod sit reale non modò philosophiæ veræ cum Scientijs ex ea dependentibus fundamentum; sed etiam mysteriorum sive arcanorum omnium abditorum; imò verò rerum cunctarum, tam præteritarum, quàm futurarum revelatrix atque detectrix. Ad originem autem hujus sapientiæ sacrosanctæ quod spectat, testimonio & consensu paginæ sacræ probabo, quod illius fons sit ipse Deus, qui est Luminis Pater: Vnde patet, quod sit sapientiæ mundanæ omnino opposita, quippe quæ est terrena & animalis. Hinc Apostolus: sapientiæ dator & inventor Deus est: & alibi: sapientia & fortitudo Domini sunt. Et Iob: Sapientia in antiquis est & in multo tempore prudentia. Et vir sapiens: Sapientiam dat dominus, ex ore ejus prudentia & scientia. Et alibi Sapientiam possidet Deus in principio viarum surarum, ante-

quam quicquam faceret, à principio, ab æterno ordinata est. Concepta erat, cum nondum erant abyssi. Et Syriacus ait: Sapientia à Deo profecta est & prior omnium est creata. Atque iterum: Ex ore altissimi prodij primo genita ante omnem creaturam. Et Salomon: Sapientia coelitus mittitur de sanctis coelis; ut mecum sit & mecum laboret. Et alibi tempus electionis, ipsius modum exaltationis, & viam separationis veritatis ipsius à falsitate seu figmento, in his paucis, sed planè aureis enucleat Salomon: Sapientiam Dei ab initio nativitatibus investigabo & ponam in lucem, nec præteribo veritatem &c: Hisce quidem locis & multis alijs (quos brevitaris gratia omittam) patet, quod sapientia, ex qua dependet vera & essentialis philosophia, sit omnium purissima & simplicissima, quatenus initium suum à Patre luminum ducit uti etiam expressè nos docet D. Iacobus.

Sequitur jam, ut: Quid sit Sapientia ista, & quomodo à Divinitate stirpata, secundum dicti Sapientis mentem explicemus: Sapientia (inquit) est vapor virtutis Dei & candor Lucis æternæ & speculum sine macula Dei Majestatis & imago bonitatis

Prov. 8. 22.  
Ecclef. 1. 4.  
Ecclef. 2. 4. 5.  
Sap. 9. 10.

Sap. 6. 24.

Sap. 7. 25. 26.

Baruch. 1.  
Daniel 2. 21.

Iob. 12. 12.  
Proverb. 2. 6.



## SECTIONIS PRIMÆ LIB. II.

Heb. 1.3.

Eccle. 1.6.

Heb. 1.3.

Coloss. 2.

Prov. 8.22.

bonitatis illius. Et Apostolus: Christus est effulgentia gloriæ & character personæ Dei, qui sustinet omnia verbo suo potenti: Quibus discernere queamus, quàm immanis sit differentia inter falsam seu mundanam & sapientiam terrenam Ethnicorum, atque illam veram, sinceram & essentialem, cujus radix est Deus, quatenus ejus fons est verbum seu vox Patris luminum. Sapientiæ fons (ait textus) est verbum in excelsis: & ingressus illius mandata æterna. Existis igitur luculenter satis verè sapientibus liquet, quid sit sapientia illa æterna. Iam verò operam dabo, ut mirabiles ipsius virtutis operationesque catholicas vobis tam universaliter quàm particulariter detegam, quibus agit & operatur per totam machinam mundi inque creaturis ejusdè: Ob istam etiam rationem dictus est Christus (qui est vera Sapientia) sustinere omnia verbo virtutis suæ. Verùm hæc omnipotens ipsius potentia in & super omnia per excellentiâ hisce Philosophi & Theosophi Pauli verbis enucleatur. Christus (inquit) est imago Dei invisibilis, primogenitus omnis creaturæ: Quoniam in ipso condita sunt universa in cœlis & in terra, visibilia & invisibilia, sive Throni sive Dominationes, sive Principatus, sive Potestates, omnia per ipsum & in ipso creata sunt, & ipse est ante omnes & omnia in ipso constant. etc: Quæ Apostoli Doctrina admodum aliena sive extranea Academicis illis procul dubio videbitur, qui Philosophiæ Ethnicorum rudimentis nimium confidunt, quippe quæ sapientiam nullam talem, nimirum cœlestem sive Dei verbum, nec quod mediante eo cœlum, terra & Intelligentiæ Angelicæ sint creatæ, agnovit, aut quod in eo & per illud cuncta fuerunt & ad huc in suo statu existunt: Sed nobis præ supponit per multas naturas efficientes subalternas nimirum illas intelligentiarum, stellarum, elementorum, meteororum & similium, quas volunt operari omnia tam superius quam inferius ex semet ipsis: & mundum statuunt esse æternū, hoc est, sine principio & fine: cū ē regione verā & sacrā istā Philosophiā doceamur, quod Deus omnia verbo seu Sapientia sua creaverit, quod ipse operetur omnia in omnibus, & quod sit omnia in omnibus: Nam textus prædictus expressè ait, quod omnia in ipso constant. Sed ad propositum: Præcedens antiquitatē & virtutem hujus sapientis textus videtur confirmare hoc: Sapientiā (inquit) possidebat Iehova Principio viæ suæ ante operam suā ante ullū tēpus ante ullum seculū: Cum nullæ essent abyssi, edita erat: cum nulli essent fontes, abundantes aquis: ante montes fundati essent: cum nondum fecerat Iehova terram: Cum aptaret cœlos ibi erat: Cū statueret ambitum in superficie abyssi: cū fortificaret superiores nubes supernæ: Quando roborabat fontes abyssi: quando ponebat mari statutum suum: Quando

statuebat ambitum in superficie abyssi: cum fortificaret superiores nubes supernæ: quando roborabat fontes abyssi: Cum statueret fundamenta terræ, erat sapientia apud eum cuncta componens &c: Quo sermonis filo, primū antiquitatem istius sapientiæ sacrosanctæ depingit & tum postea docet, ipsam fuisse cœli & terræ, & consequenter cujuslibet reicreatæ, sive sit invisibilis, sive visibilis compositrix. Hoc totum cum sensu & opinione philosophi sacri Moysis convenit, ut pote qui agnoscit in primo ordine, Abyssum fuisse sine forma. In secundo narrat, materiam hujus abyssi fuisse informem atque inanem præsentia istius Spiritus divini: Elohim Ruach universaliter fuisse informatam & aquarum nomine insignitam: In serie tertia ostendit, quomodo operatione & actu istius Spiritus Divini & essentialis sive Vocis seu Verbi FIAT ab omnipotente prolato, efficacissima illa creatura Lux, quasi forma creata, esset ab origine in aquarum massam producta: Quarto loco docet, quod spagyrica secunda vice editi virtute, aquæ superiores per interpositionem firmamenti ab inferioribus essent divisæ, atque ita per secundū FIAT statuti sunt cœli, quæadmodum illo ipso Dei verbo tertia serie emissæ aquæ inferiores in Elementa essent dispositæ: Vel potius unicum mundi inferioris Elementum aqueum quadrifariè, seu in quadruplicem spiritus seu ventorum naturam alteratum, quas naturas in uno eodemque elemento seu Spiritu aqueo sic alteratas Ethnici Elementa dictitarunt: Nonne videtur psaltes hoc idem hisce verbis paucis asseverare? Verbo (ait) Domini firmati sunt cœli & spiritu ab ore ejus omnis virtus eorum? Atque iterum: In sapientia omnia fecisti. Et D. Petrus: Cœli erant prius & terra ex aqua & in aqua existentes Verbo Dei. similiter D. Iohannes: Ab eo omnia sunt facta & sine eo factum erat nihil: Mundus nimirum ab ipso spiritu luminoso factus est & mundus non novit eum. Et Salomon: Sapientiā Deus fundavit cœlos, stabilivit terram in prudentia: Denique tota harmonia paginæ sacre (quam hoc in loco recitare longum nimis foret) hoc idem expressè videtur confirmare, videlicet, quod rei cujusunque naturæ sive conditionis esset facta, disposita, & completa, per, & mediante virtute, sive emanationem istam divinam, quæ est divinus ille actus, cujus radix est verbum: Ex ipso (ait divus Paulus) per ipsum & in ipso sunt omnia: Sed quoniam nonnulli (sat scio) hujus mundi replicabunt, quod, etiamsi sit verum, quod Deus divino suo spiritu sine verbo creaverit omnia, tamen non sequitur ipsum immediatè agere & essentialiter existere in requalibet: verum postquam spiritus iste æternæ sapientiæ creaturæ cuiuslibet virtutem in creatione peculiarem assignasset, tunc restat, ut creatura agat per se, hoc est,

Psal. 32.6.

Psal. 103.24.  
2. Pet. 3.5.  
I. Iohan. 1.

Prov. 3.19.

stat, ut creatura agat per se, hoc est, libero quodam arbitrio seu voluntate propria, quæ dividitur absolute & distinguitur plane ab immediato actu Divinitatis. Hisce sibi malè constantibus, juxta fundatas nostras in Divinitate regulas sive canones respondeo, quòd essentia divina sit individa: Quare evidens est, quòd Deus non solcat actum ullum essentiali, cujusmodi est anima, vita & functiones exinde dependentes cuiquam creaturarum impartire, quæ ab ipsius natura discontinuari aut separari queat, juxta axioma illud: quod dedit Deus, nunquam dimisit. Atque ob istam rationem Christus, qui est æternus sapientiæ spiritus, dicitur omnia implere. Imò verò (replicabit mundanus istius seculi sapiens) qui homines à simplici veritate distinctionibus vanis distrabere aggreditur: ista præsentia divinitatis inest omni rei virtualiter & non essentialiter seu substantialiter. Cui ego: libenter scire velim (distinctiones ejusmodi academice pro nihilo existimans) Nam D. Paulus mandat Timotheo: si quis, ait, doceat doctrinam aliam & non accedat ad sermones sanos Domini nostri Iesus Christi & ad doctrinam timoris Dei, is est, qui se extollit, & cum nihil sciat, sed infirmus est circa disputationem & quæstionem verborum, ex quibus fit invidia & contentio & maledictoria & suspitio mala: Et attritio, filiorum hominis, quorum corrupta mens est, & destituuntur veritate & putant, quòd quæstus sit reverentia Dei. Tu autem elonga te ab istis: Libenter (dico) velim scire, an virtus Dei non sit ejus essentia, aut an una ab altera distingui aut separari queat? Si autem respondeat, quod virtus divina non sit essentia, sed accidens, pro certo credendum est, tale responsum esse erroneum. Cum sit manifestum atque ipsis etiam Iudæis & gentilibus notum, quòd Deus ab omni accidente sit liber, quippe qui est essentia omnium essentialissima in se & per se existens, nulli accidenti obnoxia. Porro ubi actus ejus essentialis adest, ibi etiam est ejus virtus, & ubi ejus virtus, ibi pariter adest ejus essentia: Quod quidem ni esset, verbum Dei sive actus divinus, cujus est omnia vivificare; omnemque creaturam reddere agilem atque mobilem, videretur esse nihil, nisi merum accidens; imò verò accidens à divina essentia divisum: quod quidem quam foret absurdum, radice ipsius immortalitas arguit: Nam David textu prædicto habet: spiritu ab ore ejus omnis virtus eorum, nimirum cœlorum &c. Credo neminem esse adeò mentis inopem, ut virtutem istam pro accidente habeat: Sequitur ergo, quod virtus divina sit idem, quod essentia divina, & per consequens in ipso Deo & à Deo, hoc est, à spiritu divino nunquam divisa. Sed quid plura? Cùm hoc expressè à scripturis confirmatum habemus: Spiritus (ait

Salomon) est vapor virtutis Dei & syncerus fluxus à gloria Omnipotentis & splendor à luce æterna &c. Quid? An virtutem vel splendorem istum à luce æterna procedentem dicemus accidens, cùm sit spiritus sapientiæ sanctus, ut fatetur sapiens? Hinc etià divus Paulus loco antea citato: In ipso condita sunt universa in cœlis & in terra, tam visibilia, quam invisibilia omnia in ipso & per ipsum creata sunt & omnia consistunt in ipso &c. Quibus patet, quòd extra illum, spiritum sit nihil. Et Iohannes: In verbo erat vita &c. Et per consequens liquet, quòd creatura sit continuata & annexa divinitati per vinculum divinæ istius naturæ, hoc est, per unum & eundem spiritum Vitæ; qui inest ei, sine quo nexu, unione vel relatione ad invicem impossibile est, ut creatura possit momento temporis existere: Hinc igitur dicit psalmista Regius: Omnes creaturæ in te expectationem habent, ut des escam ipsis in tempore suo: Te dante ipsis, colligunt; aperiente manum tuam satiuntur bono: Abscondente faciem tuam conturbantur, recipientes spiritum eorum expirant; Emittente spiritum tuum, recreantur bono &c. Quo videre liceat, quòd sit actus istius sapientiæ immediatus, qui facit creaturam vivere & existere, & quòd sit ea, quæ operatur omnia: Nam scripturæ testantur, quòd Deus vivificat omnia: Et quòd in eo vivimus, movemur & sumus, & non modò nos, sed etiam omnis caro in genere, uti ex hoc ipso textu colligimus: Atque etiam ex isto Iobi testimonio: Si Deus apponens ad hominem animam suam, spiritum sive flatum ejus ad se reciperet, deficeret & expiraret omnis caro simul & homo in cinerem reverteretur &c. Ecce ergo lapidem Angularem, super quem ædificatur omnis caro, & sine quo ipsa in nihilum redigitur. Porro Propheta, Deus dat flatum populo, qui est super terram, & spiritum calcantibus eam &c. Quomodo (vos obsecro) possibile est, quòd iste vitæ spiritus sit in & cum omnibus præsens, atque idè essentialiter in omni re, & tamè à sua actione immediata cessaret & requiesceret, cum sit in se omnium velocissimus, maximèque agilis & mobilis, ut à Salomone docemur? Quòd iste spiritus sit omnibus præsens, in eo liquet, quatenus omnia agunt, moventur, & vivunt in ipso & per ipsum: Nam textus superior habet: Omnia in ipso consistant: Et alibi: ipse operatur omnia in omnibus. Et D. Petrus: Cœli & terra & consequenter omnia, quæ erant ex aqua consistunt Verbo Dei. Et Salomon: Incorruptibilis Dei spiritus, in est omni rei: Atque spiritus disciplinæ sanctus, implet terrarum orbem. Et psalmes: Quòd irem à spiritu tuo, aut quòd à facie tua fugerem? Si ascenderem cœlos, illic es, aut stratum ponerem in sepulchro, ecce ades: Si assumerem alas auroræ habitaturus in extremitate maris, etià illuc manus tua deduceret me & prehenderet me dextra tua: Sin autem dice-

Coloss. 1. 16.  
1. Joh. 1.Psalm. 104. 24.  
&c.

Iob. 3. 14.

Sap. 7.

Coloss. 1.  
1. Cor.  
2. Petri. 3. 5.  
Sap. 12. 1.  
Psalm. 139. 7.

Psalm. 32. 6.

Sap. 7. 25. 26.

C

rem,



## SECTIONIS PRIMÆ LIB. II.

rem, utique tenebræ velut crepusculo ob-  
voluant me, atque nox est lux circa me.  
tenebræ quidem ita obtenebrare possunt,  
quin tu prævideas; sed nox ut dies illustrat  
&c. Quamobrem manifestum est, quod  
sit realis spiritus Dei & non aliqua virtus  
accidentalis (uti nonnulli falsò imaginan-  
tur) qui implet omnia. De quo propheta  
Isaias hæc: Coelum est sedes mea; terra  
autem scabellum pedum meorum: Et Je-  
remias: Coelum & terram nunquid im-  
pleo. Iam verò ut sciatis, quomodo hoc  
fiat, sedulò verbo Davidis Regij ausculte-  
tis velim, dicentis: In sapientia omnia fe-  
cisti: repleta est terra possessione tua &c:  
hoc est, spiritu tuo, qui implet omnia, in-  
format & in actum reducit omnia. Vnde  
etiam filius Syrach: sapientiam suam effu-  
dit Deus super omnia opera sua & super  
omnem carnem juxta datum suum, Ac si  
dixisset, quod spiritus sit secundum plus  
vel minus in omni re, nimirum juxta illam  
proportionem, quam Creatori placuit, vel  
hæc sive illi creaturæ eam assignare. Atque  
ista est ratio, quod Salomon in alio loco  
asserit, sapientiam operari omnia, juxta  
illud etiam Apostoli supra dictum: Deus  
operatur omnia in omnibus: Quod cum  
ita sit, quid quæso obstat, quin audacter  
inferamus, quod spiritus iste sit præsentia-  
liter & essentialiter ubique, & per conse-  
quens in omni re? Quid plura, nonne nos  
docet Moyses egregius ille noster in phi-  
losophia sacra præceptor, quod statutis  
cælorum & Elementorum fundamentis  
quælibet creatura ex ipsis conflata, & in  
ipsis movens ac vivens; tam existentiam,  
quam præsertionem suam ab illo unico  
spiritu acciperet: videlicet, quod Sol, Lu-  
na & cætera cœli sydera, & semina rerum,  
& arbores, & herbæ, & omnia alia in ge-  
nere vegetabilia, atque ex animali regno  
reptilia & quadrupedia, volatilia atque  
etiam ipse homo fuerint ab uno eodemque  
Spiritu creata: Verum enim verò Deus  
majorem spiritus sui portionem homini

assignavit, ut ampliori ipsius præsentia &  
possessione cætera animantia excelleret.

Integrum hujus negocij philosophici  
scopum scriptis, uti à scripturis expressè &  
apertè recitatur, mandare nimis foret la-  
boriosum: Nam si introspeciamus opera  
Moysis, libros Iosue & Iudicum legamus,  
historiam Regum & Chronicorum obser-  
vemus, Narrationem Iobi auscultemus,  
Psalmos Davidis, proverbialia & Ecclesia-  
sten, Canticum Canticorum & Sapientiam  
Salomonis perquiramus: monumenta Pro-  
phetarum, subjectum Ecclesiastici atque  
Maccabæorum scrutemur, ac tandem, re-  
lationes ac dicta Christi & Apostolorum  
cum diligentia animadvertamus; perci-  
piemus evidenter, quod ista sacra sapien-  
tia, cum essentialibus ipsius virtutibus, ac-  
tibus & effectibus in vasta totius tam su-  
perni, quam inferni mundi caritate sit ba-  
sis & fundamentum totius doctrinæ &  
scientiæ, tam in rebus naturalibus, quam  
supernaturalibus, seu potius, quæ concer-  
nunt actus Dei in tabernaculis suis creatis,  
seu aqueis tegumentis, quæ ipse vel induit  
vel exuit secundum voluntatem suam,  
uti scripta illa sacra ubique ferè loci te-  
stantur.

Iam verò relictis generalibus ad parti-  
cularia descendam, & ostendam, quomo-  
do sit Sapientia ista æterna centralis fons  
& Lapis Angularis, in primis artium om-  
nium: scilicet Theologiæ & Medicinæ,  
Astronomiæ, Musices, Arithmeticæ, Geo-  
metriæ, Rhetoricæ, ac tum postea, quo-  
modo scientia Meteorologica in ipsius actu  
& virtute dependeat: Deinde quæ ratione  
scientia Ethica seu Moralis & Gubernatio  
politica ab instructionibus & directioni-  
bus ipsius oriantur: Ac tandem declarabo,  
quomodo omnes actus secreti, revelatio-  
nes mysticæ atque miraculosæ ab ipsa per-  
ficiantur; illum confirmando locum scrip-  
turæ, ubi dicitur: Cæteræ scientiæ sunt  
ancillæ hujus. De hisce ergo omnibus or-  
dine in sequentibus.

### CAPVT. IV:

*In hoc capite probatur, quod vera sophia seu sapientia sit basis & funda-  
mentum omnium artium; & per consequens, quod si ipsa homini  
debita inquisitione reveletur, illo ab ea quasi unica sa-  
pientissima & essentialissima magistra doceri  
atque erudiri potest.*

Coloss. 2.3.  
Prov. 2.6.

Ecclesi. 24.46.  
Ioh. 1.4.26.  
Ioh. 10.13.

**I**N Christo (ait Apostolus) sunt omnes  
thesauri sapientiæ & scientiæ abscon-  
diti: Et Salomon. Sapientiam dat Domi-  
nus, ex ore ejus prudentia & scientia: &  
Ecclesiasticus: Thesauri zabit super virum  
scientiam & intellectum justitiæ. Atque  
iterum: Ego doctrinam, quasi prophetiam  
effundam & relinquam illam quærentibus  
sapientiam: Et verbum incarnatum, seu  
Christus Iesus ait: Spiritus sanctus vos doce-  
bit omnia. Et alibi: Cum venerit ille spiri-

tus veritatis, docebit vos omnem verita-  
tem. Esdras gustavit de sapientia ista es-  
sentiali, induta vestè materiali, nimirum in  
forma poculi cujusdam ignei, cujus hau-  
stu adeò spiritu divino erat repletus, ut volumi-  
na sapientiæ per integros quadraginta dies  
dictaret: quorum omnium eà scriptis man-  
dantes recordati sunt ejus scribæ. Et Salo-  
mon ait: Sapientiam optavi, & datus est  
mihi sensus: invocavi & venit in me spiri-  
tus sapientiæ. Sed ne istius mundi scrupu-  
losi

Sap. 7.7.

loſi diſcant , quòd verba iſta Salomonis in ſenſu alio intelligantur , quàm illa earum ſcientiarum , quæ ſub philoſophia naturali comprehenduntur : Moneo ergo tales , ut pro meliori ipſorum directione ad ſapientis documenta ſuas convertant mentes, qui ſatis apertè hiſce dubitationem delere aggreſſitur: Spiritu(inquit)ſapientia mihi datum eſt , ut cognoscerem conſtitutionem mundi & vim Elementorū & Principium, medium & finem temporum, ſolſtitiarum mutationes , & varietates temporum ſeu tempeſtatum , & anni circuitus , & ſtellarum ſitus , & naturas animantium & animos ſeu iras beſtiarū , & ventorū ſeu ſpirituum vim, & cogitationes hominum , & differentias plantarum & radicum facultates : Eriam cognovi , quæcunque ſunt occulta & maniſeſta : omnium enim artifex me docuit ſapientia &c. Ex quibus colligimus, quòd huiusce ſpiritus divini revelatione , rex iſte ſapientiſſimus ad rerum & ſcientiarum omnium cognitionem pervenerit : Nam cum ſapientia ſit radix centralis, ſive lapis Angularis omnium, quomodo eſt poſſibile , ut ad centri notitiam pertingamus, cum circumferentiæ arcana ignoremus, idque præſertim cum circumferentia ſeu externum rei ſit nihil , præterquam illud ſolum , quòd ordinatur & diſponitur à centro. Et ob iſtam cauſam ſpiritus iſte divinus haud immerito à profundiffimo Philoſopho Hermete dicitur centrum cuiuſlibet rei , cujus circumferentia eſt nullibi, at nihilominus omnes in ſe comprehendit circumferentias. Ex prædicto igitur Salomonis ſermone addiſcere poſſumus in primis quòd ſapientia ipſi haud aliter, quàm Moyſi abſtruſa illa myſteria , quæ concernunt mundi fabricam revelarit: Secundò, quòd ipſum naturam & poteſtatem Elementorum cum occulto actu & miraculoſa generatione & proprietatibus meteororum , quæ fabricata ſunt ex materia elementari docuerit : Tertiò quòd rationem & modum ortus & productionis ventorum, & Aſtronomicae anni diviſionis , & ſitus ſive poſitionis ſtellarum in coelo atque naturarum earum aſtrolagicarum ei præbuerit. Quartò, quòd myſteria artis medicandi Præcipua aperuerit: Nam fatetur , ſe à ſua magiſtra ſapientia naturas omnium creaturarum & condiciones beſtiarum , & differentias plantarum & facultates radicum didiciſſe. Quintò narrat, quòd mediante iſto ſpiritu particeps eſſet factus rerum omnium occultarum ſeu abſcandarum & conſequentiæ Myſteriorum Angelorum; imò verò & arcanorum ipſius Dei.

Ad Theologiam autem quòd attinet, conſtat iſtam à verbo *Theos* Deus & *Logos* ſermo derivari , quaſi ſermo de Deo. Hæc alta ſcientia ſuper divinas hæſce etiam baſes fundatur, unde ſapiens : Spiritus ſapientia trans feret ſeipſum in animas Sanctas & amicos Dei, & prophetas conſtituit: Ne-

minem enim diligit Deus , niſi eum , qui cum ſapientia habitat. Iterum alibi: Sapien-  
tiam emittit Deus è ſanctis coelis, à throno  
gloriæ ſuæ mittit illam homini, ut præſens  
verſetur ſecum in labore , ut cognoscat,  
quid gratum ſit apud ipſum : Illa enim no-  
vit omnia. Ob hanc etiam rationem inquit  
ſapientia: Ego illuminabo omnes ſperantes  
in Domino. Et alibi : Ego ſum liber vitæ,  
teſtamentum altiffimi & agnitio veritatis.  
Et Salomon : Sapien-  
tia concupiſcentia  
conducit ad regnum perpetuum. Atque  
iterum Sapien-  
tia doctrix eſt diſciplinæ  
Dei & electrix operum illius, Et alibi : Per  
ſapientiam habebō immortalitatem &c.  
Animo tædium foret , & lectori videretur  
fortaſſe ſuperfluum , ſi plures Theologicæ  
doctrinæ confirmationes , quæ ab iſto ſpi-  
ritu indicantur & maniſeſtantur, hoc in lo-  
co enumerarem: Paucis dico , quòd iſte eſ-  
ſet Spiritus ille in Chriſto Carneò & Apo-  
ſtoliſ ſuis , qui fecit eorum organa corpo-  
rea linguas videlicet loqui , mannuſque &  
plumas mandare ſcriptis totam illam The-  
ologicam doctrinam & ſapientiam, quæ à  
novo teſtamento continetur : Atque etiam  
erat iſte ſpiritus , qui ſermones in veteri  
Teſtamento quaſi oracula divinitatis per  
plena Patriarcharum & Prophetarum ora  
edidit. Quare opus eſt , ut ad ea quaſi ſon-  
tes Theologiæ literales retroſpiciamus,  
quippe ſub quorum typicis ſeu griphicis  
inſtructionibus occultus ſpiritus huius ſe-  
creti ſenſus deliteſcit; qui mediantibus my-  
ſticæ Theologiæ præceptis extrahi atque  
enucleari poteſt.

Procedam jam ſecundo loco ad ſcientiam illam, quam habere baſin cum Theologia probabo , quæ ad mundum ævialē ſpectat: In ipſo (ait D. Paulus loco antea citato) condita ſunt univerſa in coelis, ſive Dominationes , ſive Throni, ſive Principatus, ſive Poteſtates. Et alibi: in Chriſto habitabat omnis plenitudo divinitatis corporaliter, qui eſt caput omnis Principatus & poteſtatis. Atque iterum : Chriſtus conſtituitur ad dextram Dei in coeleſtibus & ſuper omnem Principatum & poteſtatem & virtutem & Dominationem &c. Quibus teſtimonijs atque alijs permultis ex ſacra pagina collectis (quæ brevitatſ cauſa omiſſo) probatur , quòd nullum myſterium ſecre-  
tum inter angelorum ſocietatem compre-  
hendatur, ſive illud ſpectat ad ipſorum cre-  
ationem, ſive eſſentiam , ſive proprietates  
& virtutes ſive denominationes , quæ non  
ſunt in ſpiritus iſtius ſuperexcellentiſ po-  
teſtate, & ſcientia non exiſtat, à quo etiam  
& per quem revelatur , illud hominibus:  
Nec quidem eſt mirum, ſi in ipſius velle ſit  
omne in omni detegere : cum notum ſit à  
ſapientibus, ipſum eſſe omnia in omnibus.

Iam verò ad proximum ſcalæ ſcientiarum gradum deſcendam , qui eſt Aſtronomia cujus natura eſſentialis ſuper iſtius ſa-  
pientiſſimi ſpiritus alas volare & ejus Baſi  
ſive

Eccleſ. 24. 45.

Eccleſ. 24. 32.

ſap. 6. 21.

ſap. 8. 4.

ſap. 8. 13.

DE  
Mundo A N.  
GELICO.  
Coloſſ. 1. 16.  
Coloſſ. 2. 9.  
Ephes. 1. 20.

ſap. 7. 4. 7.

THEOLO-  
GIA.  
De mundo  
ætereo.

ſap. 7. 27.

ASTRONO-  
MIA.  
Quæ eſt ſu-  
prema ſa-

G. 2 ſive

# SECTIONIS PRIMÆ LIB. II.

mundo tem-  
porali scien-  
tia.

Eccleff. 24. 6.  
Psal. 118. 5.

Eccleff. 146. 4.

Psal. 32. 6.  
4. Esdr. 6. 17.  
Baruch. 3. 34.  
Iosuah. 10. 13.

Math. 27. 45.

Iudic. 5. 20.

Iob. 38. a. 31.

Sap. 7. 10.

sive fundamento inniti videtur. Vnde fili-  
us Syrach: Sapientia in cœlis fecit, ut orire-  
tur indeficiens lumen &c. & verisimile est  
(juxta Prophetæ regij assertionē) quod  
spiritus iste tabernaculum suum posuerit in  
sole: utcunque nonnulli haud sibi constan-  
tes locum istum in alium sensum & nihil  
ferè ad propositum interpretari videntur:  
Nam ille ipse spiritus in sua propria persona  
loquendo, dicit: Ego sapientia gyrum  
cœli circummini sola: Ac si dixisset, Ego in  
meo tabernaculo solari per cœli circuitum  
ambulavi. Et psaltes: Deus in sapientia sua  
numerat multitudinem stellarum, & om-  
nibus ijs assignat nomina. Magnus Domi-  
nus noster, magna virtus ejus & sapientiæ  
ejus non est numerus &c: Quare manife-  
stum est, quod si in sapientia sua seu per  
istum suum spiritum stellæ numerarentur,  
& nominibus proprijs vocarentur; sequitur  
etiā, quod earū virtutes, cursus & proprie-  
tates in ipso sint optimè cognitæ, quippe  
à quo fuerunt ab origine creatæ, ordinatæ,  
& in eodem, quo nunc existunt statu præ-  
servatæ: Nam David Rex confirmat, quod  
quælibet in cœlo virtus ab isto Dei spiritu  
procedat. Et Esdras: Stellæ fundatæ sunt in  
verbo Dei, qui novit numerum stellarum:  
In hoc etiam respectu Prophetæ Baruch;  
stellæ dederunt lumen in custodijs suis &  
lætatæ sunt ad jussum Dei. Atque hinc  
erat, quod, cum spiritus iste pro Iosua pug-  
naret, solum fecerit fixè in cœlo per ali-  
quot horas stare. Porro etiam splendorem  
solis in tenebras patiente Christo conver-  
tebat. Ad hujus etiam jussum stellæ adver-  
sus Sisaram pugnaverunt &c. Vnde li-  
quet, quod, ut cœli & stellæ erant in prin-  
cipio ab isto spiritu. creati & animati, ut  
pro organis ad mundum inferiorem seu sub-  
lunarem ad ministrandum infervirent:  
ita etiam ultra communem Naturæ mi-  
crocosmice cursum seu modum, possunt  
pro voluntate & imperio istius spiritus  
omnipotentis (qui agit in ijs haud aliter,  
quàm anima in corpore) à propria & con-  
suetæ suæ actione diverti; videlicet tam  
motum suum, quàm lucis & spiritus sui  
influentialis activitatem alterando. Ad  
stellas verò fixas quod attinet, Iob in per-  
sona istius spiritus hæc. Nunquid ligare  
poteris manibus tuis fructus delicatos ver-  
giliarum seu Pleiadum, vel serotinos fru-  
ctus Orionis aperire facies? Nunquid exi-  
re facies Mafaroth, seu signa cœlestia tem-  
pore suo & Arcturum cum stellis minori-  
bus veluti filijs suis duces? Nunquid nosti  
statuta cœli? Nunquid pones dominium  
ejus in terra? &c: Ac si quis diceret, quod  
nemo valeat cursum stellarum directè &  
pro certò intelligere, aut potestatem &  
virtutem influentiarum discernere sine  
spiritus istius sapientissimi assistentia &  
indicatione. Ob hanc ergo rationem vi-  
detur Salomôn gloriari, quod cursum anni  
& dispositiones stellarum & mutationes

solstitiorum, doctrinā istius spiritus om-  
niscientis intelligeret si ergo Astronomiæ  
professor istud verum astrologiæ funda-  
mentum non habeat, omnes procul dubio  
ejus prædictiones erunt falsæ & fabulosæ,  
vel saltem (ut plurimum) incertæ & men-  
daces, ut in Astrologis vulgaribus videre  
licet.

Sequitur, ut de scientijs ad inferiorem **METEORO-**  
mundi temporalis regionem spectantibus **LOGA** in tem-  
verba in loco proximo faciamus, quo ra-  
tionem operationis spiritus istius Catho-  
lici ad meteororum multiforium pro-  
ductionem in Catholico Elementari reg-  
no ostendamus.

Pro actu & operatione istius æterni  
actoris & motoris in Aëre, Aqua & terra  
quasi in uno Catholico elemento seu spiri-  
tu sublunari humido, ad meteororum pro-  
ductionem. Hæc etiam à libro sacrosan-  
cto: Deus Sapientiā suā aptat pondus aëri,  
& appendit aquas in mensura, & facit plu-  
viæ statuta, & viam fulguro tonitruum  
&c. Quo sermonis filo arguit Iob, quod **Iob. 28. 25.**  
hic spiritus æternus, in quo est tam con-  
tractionis, & condensationis, quam dila-  
tationis & rarefactionis vigor & potestas:  
Potest pro voluntate suā aërem vel spissio-  
rem & ponderosorem condensatione &  
consequenter in nobis consistentiam red-  
dere, vel eum in substantiam tenuiorem &  
subtiliorem dilatando seu rarefaciendo in  
formam fulguris sive coruscationis redu-  
cere. Quare sciendū est, quod in omnibus  
istiusmodi mutationibus, formæ hujus  
varietatē ab actore sive alteratore isto ac-  
cipiat; idque juxta voluntatem ipsius, qui  
est rerum omnium dispositor sive ordina-  
tor: Atque ita nubes, fulgur, Tonitru,  
cometa, Gelu, Nix Grando, glacies &c. id  
genus alia assidue ab istius spiritus actu  
creantur & in hoc mundo sublunari pro-  
ducuntur. Nonne hæc omnia à sacra scrip-  
tura habemus confirmata? Sapientiā Dei  
(ait Sapiens) eruperunt abyssi, & nubes rore  
concreverunt. Et Syriachus in persona di-  
cti spiritus: Ego sapientia, sicut nebula  
texi omnem terram. Iterum: Ego in alti-  
ssimis habitavi & thronus meus est co-  
lumna nubes. Ex Iob: Deus nubes effecit  
sapientiā. Et David: ipse educit nubes ab  
extremo terræ, fulgura in pluviam facit.  
Producit ventos de thesauris suis. Et alibi:  
Verbo suo quam celerrimè excurrente &  
sermone suo in terra emissio, edit Deus ni-  
vem, sicut lanam, & pruina, sicut cine-  
res dispergit, Coram furore ejus quis con-  
sistat? &c: Sunt profectò multa centena  
aliorum locorum, quæ ex libro veritatis  
citari queant ad probandum, quod omnis  
meteorologia vera fundatur super istum  
spiritum: Sed quoniam uberius libro hujus  
ultimo de hoc subjecto agemus, in quo  
veram Meteororum historiam non modò  
recitavimus, sed etiam Meteorologiæ  
Aristotelicæ errores & falsitates detegim-  
mus

Prov. 3. 20.

Eccleff. 24. 6.  
Eccleff. 24. 7.  
Iob. 28. 25.  
Psal. 134. 7.  
Psal. 147. 15.

## DE PHILOSOPHIA MOYSAICA.

**Sap. 7. 17.** nus & plura de ijs non dicam. Denique cum hac Salomonis confessione membrum hoc concludam. Novi (inquit) virtutes Elementorum & varietates temporum sive tempestatum & ventorum seu spirituum vires : Nam omnium artifex me docuit sapientia. Vnde manifestum est, quod ipsa, quæ erat meteororum fabricatrix & per consequens in naturarum ipsorum inprimis cognitione est versata, ipsa (dico) Salomonem in eorum mysterijs instrueret.

**MEDICINA.** Restat nunc, ut de Medecina sive curandi arte pauca dicamus : Ad istam scientiam præstantissimam quod pertinet, sapiens dicit : A Deo est omnis medela &c : Quod cum ita sit, evidens est, quod præcipuus in arte curandi actus sit immediatè ab isto spiritu, quare Propheta Regius: Misit verbum suum & sanavit eos, & eripuit eos de interitionibus eorum. Et Salomon: Neque herba, neque malagma sanavit eos, sed tuus domine, sermo, qui sanat omnia &c. Observa bene. Verbum seu sermo tuus (ait textus) qui sanat omnia: At divinum istud verbum est radix sive fons, istius spiritus æterni, & consequenter basis & fundatio curationis, consistit in ipso: unde sequitur, quod omnis curandi virtus procedat ab eo : Nam etiam hoc idem cum sensu Apostoli convenit: Discrimina, seu divisiones, ait, sunt gratiarum, sed idem spiritus: Divisiones operationum; idem verò Deus, qui operatur omnia in omnibus : Alij quidem per spiritum datur sermo sapientiæ; alij verò sermo scientiæ secundum eundem spiritum; Alij fides per eundem spiritum; alij dona sanationis per eundem spiritum; Iam verò, quod spiritus iste omnipotens & omneoperans sit ille, qui vitam attribuat creaturæ, ex multis sacræ scripturæ locis confirmatur: Nam inquit sapiens: Sapientia custodiet salutem. Et iterum: In sapientiæ dextra est longitudo dierum : Est lignum vitæ omnibus, qui apprehenderunt eam &c. Atque hoc tam de animo, quam de corpore est intelligendum : Quemadmodum in curationibus à Christo & Apostolis ejus feliciter peractis apparebat, qui eas mediante spiritu isto complebant. Porro, sapientiam (ait salomon) qui inveniet, inveniet vitam & hauriet salutem à Domino. Et alibi: Ipsa hos qui se observant à doloribus, liberabit. Atque iterum: Per sapientiam nati sunt, quicumque placuerunt tibi, ô Domine, à Principio &c: Imò verò quilibet prudens lector considerare dubet, nullum esse animal, vegetabile, aut minerale in medicinæ arte, usurpatum, quod actum suum curativum non immediatè ab isto spiritu habeat & receperit. Propter hanc ergo causam Syrachus Altissimus de terra creavit medicinam, & vir prudens non abhorrebit eam. Quo contextu observandum est, primum quod arbores, herbæ, radices atque etiam mineralia, cum sint terrena fuerint à Deo ab origi-

**Ecd. 38.2.**

**Ps. 106. 20.**  
**Sap. 16. 11.**

**1. Cor. 12. 4-9.**

**Prover. 2. 7.**  
**Prover. 3. 16.**

**Prov. 8. 35.**

**Sap. 10. 9.**  
**Sap. 9. 19.**

**Ecd. 38. 4.**

ne mundi pro curatione hominum ordinata: ac tunc postea, quod actus in ipsis salutaris eis à spiritu isto incorruptibili sit impertitus : Quippe qui dicitur inesse omni rei, & operari in ijs omnia, tametsi varieformiter notetur in ipsis agere, ut Apostolus loco ante citato videtur asseverare, confirmans prædictam sapientis assertionem, quæ est, quod Deus verbo suo sanat omnia. Si ergo verbum sanet omnia, tunc nihil sanare potest, quam mediante verbo sive spiritu sapientiæ, cujus fons est Verbum (uti antea est dictum) sed cum incorruptibilis iste spiritus sit in omni re, & cum sit omni re hujus mundi agilior & mobilior; & cum respectu suæ puritatis per omnia penetret, & per consequens in omnibus operetur : Quid, obsecro, me aut ullum Christianum impedit, dicere, quod Deus operetur omnia in omnibus, mediante Verbo per se & immediatè, & consequenter, quod nulla creatura agere potest ex se ipso & per se ipsam: uti absurda est illa Peripateticorum doctrina, nos falsò (corda syncerorum Christianorum à veritate creatoris seducentes) instruit. Nam erroneis hujusmodi illius rudimentis homines pios allicere tentat, ut à Deo omnia create, & qui est omne in omni, derogent, quo creaturæ (quæ sine verbi præsentia planè nihil sunt) sibi absolutam & per se agendi & operandi potestatem arrogent, quod quidem, ut melius præstare queat, multarum essentialium & distinctorum subalternatorum agentium meminit (ut antea dictum est) quæ omnia actiones & operationes habere fingit per se, hoc est, sine ope alterius, quod existant, agant & operentur: cujusmodi sunt Sol, Stellæ, venti, Elementa, seu potius Elementum Catholicum multiformiter informatum, & creaturæ tam perfectæ, quam imperfectæ mixtæ. Certè in hoc faciendo deludit mundum, ipsum efficiens credere, quod organum seu instrumentum agat essentialiter per se & non centraliter & divinitus orta virtus, quæ est cujus libet creaturæ fundamentum, & insignis summi philosophorum boni character sive meta, adversus quam veræ philosophiæ amator collimat. Hæc ergo est ratio quod Salomon, Prophetæ, & Christus cum sanctis suis Apostolis Christianos omnes exhortantur, ut sint veræ sapientiæ amatores, ut pote in qua est omnis actus tam intellectualis ad mentem humanam ad scientiæ & sapientiæ culmen sublimans, quam materialis nimirum ille, qui operatur ad vivificationem, vegetationem, & multiplicationem. Sed de isto alibi latius, concludendo hujus capitis membrum cum ista confessione Salomonis: Naturas, ait, animalium & iras bestiarum &c. differentias virgultorum & virtutes radicum atque etiam quæ sunt occulta & manifestata mihi patefecit omnium artifex sapientia &c. Quibus arguit quod sapientia herbis, ani-

**Sap. 16. 12.**

**Sap. 12. 1.**  
**Sap. 7. 24.**

**Sap. 7. 4 20.**

## SECTIONIS PRIMÆ LIB. II.

malibus, & mineralibus virtutes eorum tam occultas, quam apparentes impertiverit; ille, dico, spiritus supremus, qui est omne in omni & operatur omnia in omnibus, & per consequens potest docere & instruere per revelationem externam, quid in creaturæ interno agit, & qua virtute in qualibet creatura operatur. Et quam vis Philosophi & Medici Ethnici ab effectu sola praxi percepto & observatione sensibili, quasi demonstratione à posteriore, occultas plantarum proprietates invenerint, exempli gratia, quod Tilia & Viscus Quercinum, Leonia Epilepsiam curent, & herba Herniaria respiciat rupturam Herniam dictam (unde suum nomen accepit) ut etiam tussilago (quatenus curare soleat tussim) & quoddam Euphrasia oculorum caligini conferrat, & inter animalia, quoddam Bufio sistat sanguinem, pes Alsæi & ranæ voleant, ad morbum caducum, quoddam scorpiones curent ictum Scorpionum &c. Tamen, quia fundamentis centralibus sympathiæ & antipathiæ, quæ consistunt in voluntate & Nolluntate unius & ejusdem spiritus destituuntur, nullam aliam harum rerum mirabilium & abstrusarum rationem reddere possunt, præterquam, quod sint, proprietatis occultæ, & in fine nihil ulterius de hac reinferre possunt, præterquam, quod sint talia, quia talia, atque ita pro conclusione ab eruditis istis hujusmundi Doctoribus nihil accipimus, nisi Ignotum per Ignotius.

MUSICA.

Quod etiam hujus spiritus actio & virtus in omni Musices specie versetur, nimirum tam in vulgari illa & artificiali, quam in magis essentiali & mystica, sive sit macrocosmica sive microcosmica, non modò observatione communi, sed etiam inspectione magis interna elicere fas est: Ad harmoniam verò mundanam quod spectat, & ad rationem, quomodo quod libet Elementum subluare, & quælibet sphaera super lunaris essentiali quadam concordia sympathetica specie disponuntur, tota scripturarum series videtur confirmare: nimirum quod ipsa mediante Spiritus divini actu perficiatur. Et præ cæteris Salomon ad mirabile istius Spiritus effectum in harmonia mundana testatur in his verbis: In se Elementa dum convertuntur, sicut in organo qualitatis immutatur, & omnia suum sonum custodiunt. Sed Apostolus hoc totum cum majori excellentia & efficacia exprimit, dicens: In Christo condita sunt universa in cœlis & in terra & omnia visibilia & invisibilia, per ipsum & in ipso creata sunt, ipse est ante omnes, & omnia in ipso constant: In ipso cōplacuit omnē plenitudinē Divinitatis in habitare, & per eum reconciliari omnia in ipso, pacificans per sanguinē crucis ejus, sive quæ in cœlis sive quæ in terris &c. Ecce hic perfectū & Catholicū Amoris, Sympathiæ, Harmoniaque fontem, & ille, qui non modò tollit discordantia mundi peccata, sed etiam cœlum & ter-

Sap. 19. 17.

Caloss. 1. 19.

ram à discordia emundat & concordiatque harmonica pace seu amore symphonico pacifica sua virtute adornat: atque hinc est, quod spiritus iste à sapienti & mystico philosopho dicitur esse vinculum seu ligamentum Elementorum, mediante quo discordia mundi & microcosmi sive hominis Elementa in harmoniam decentem & unonem quietam constringuntur atque rediguntur: Ad imitationem ergo istius mundanae consonantiæ Musices externæ concentus, nimirum illius tam vocalis quam instrumentalis typicè efformatur, quæ respectu veræ & synceræ istius Spiritus Symphonici se habet ut umbra ad subjectum illud, cujus est umbra; aut ut imago ad realem personam, cujus est imago.

Iam venimus ad Arithmetica & Geometriam, quas vir sapiens in isto suo sermone videtur includere: Omnia mensura, numero & pondere disposuisti seu temperasti ubi per mensuram intelligit progressum rei in longitudinem, latitudinem & profunditatem, ad Arithmetica, Cosmicam spectantes: Quam mensuram spiritus iste omnipotens in sua emanatione facit à puncto in lineam; & à linea sive radice in quadratum & tandem à quadrato ad cubum, quasi à puncto seu termino à quo ad superficiem, & à superficie ad corpus seu terminum ad quem. Per numeros intelligit Arithmeticas illas dimensiones in progressionem Arithmetica, quibus spiritus iste ab unitate in multitudinem est egressus: Verbi gratia ab 1. in 10, quasi ab aeterno omnium rerum centro in statum ævialem sive Angelicum, quæ quidem progressio erat primus & omnium simplicissimus compositionis seu mixtionis gradus. Deinde a 10. ad 100, qui progressus multiplicativus denotat compositionem mundi temporalis: ac tandem à 100, seu Centenario ad 1000: Atque hæc progressio arguit creaturas ab elementis seu ex varijs Elementi Catholici alterationibus compositionem. Ita, ut quilibet Christianus ex istis videre queat, quomodo Deus sit omnia in omnibus & tamen extra omnia, atque (ut in textu est) in cœlo, in mari, in abyssu & inferis. Ob istam causam Pythagorici omnia in tria ista principia Arithmetica 1. 2. 3. includebant, ex quibus 1. attribuerunt Deo in abstrusa sua existentia, 2. referebant omnium rerum materiam: & 3. formæ mundi catholice: Sub istis ergo tribus res omnes sunt comprehensæ: De his autem uberiorem efficiam (Deo favente) mentionem in sectione secunda, ubi de essentialibus sympathiæ & Antipathiæ efficiam mentionem. Vir Patiens in persona Iehovæ sic loquitur: Vbi nam eras, quando fundabam terram? Annuntia si nosti intelligentiam. Quis disposuit mensuras ejus, aut quis extendit super eam lineam? Super quo bases ejus defixæ sunt, aut quis jecit lapidem ejus Angularem. Quibus arguit, quod spiritus iste, qui est lapis Angularis

ARITHMETICA  
GEOMETRIA.  
Sap. 11. 22.

Iob. 38. 4.

gularis seu omnium rerum Basis (nam lineo nihil est factum aut existere potest, ut D. Iohannes testatur) non modò terra firmum, dimensionem & positionem geometricam habuit; sed etiam Sol Coelestis & Luna & Stellæ, & omnia tam in coelo quàm in terra sua pondera, proportionem & magnitudines & situs in hoc mundo acquirunt. Imò quidem ipse àer secundum mensuras & proportionem varias in characteres seu imagines meteorologicas multiformes effingitur: Nam sacer textus habet: Deus sapientiã aptat pondus aëri, & appendit aquas in mensura & facit pluvie statuta & viam fulgetro tonitruum, &c.

Sequitur, ut virtutem & potentiam ejus in scientia Rhetorica & arte Oratoria explicemus & probabimus paucis, ipsam esse exactissimam in illis docendis magistratam, atque etiam essentialissimam in animabus seu spiritibus hominum motricem, ut pote cujus actu, homines planè muti & barbari redduntur eloquentes & efficaciter persuadentes; &c. quod amplius est, ipse est essentialis ille in oratorum voce & verbis spiritus, quo mediante auditorum animi ad attentionem & ad fidem sermonibus eorum adhibendam alliciuntur & attrahuntur: Nam Moyses colloquium cum divino isto spiritu habens: Non sum, ait, vir facundus, neque unquam autem fuit, ne quidem ex quo locutus es cum servo tuo, sed impedito ore & lingua sum. Tunc dixit Iehova ad illum: Quis statuit os hominum, aut quis statuiere potest aut surdum aut mutum? Nonne ego, qui sum Iehova? Nunc itaque ito & ego adero ori tuo, & docebo te, quæ te loqui convenit &c. Quo docemur: quòd eloquentia & apta verborum dispositio & sententiæ & sermones, tam in rhetorico, quam in oratore sunt à Deo, cujus solius est facundiam dare aut adimere pro placito suo. Quare ait Evangelista erunt omnes docti à Deo. Et Propheta: universi filij tui sunt docti à Iehova. Verùm Christus exprimit hoc omne verbis adhuc magis expressis: Spiritus, inquit, sanctus, quem mittet Pater, ille vos docebit omnia, & suggeret vobis omnia, quæcunque dixerò vobis. Iam verò quòd hic spiritus sit æterna illa sapientia, qui efficit & excitat functionem istam Rhetoricam atque Oratoriam in hominibus, scripturæ alibi docent: Aperuit (ait Sapiens) os mutorum & linguas infantum fecit disertas. Et filius Syrach. Tanquam imbres mittit eloquia sapientia sapientis & in oratione confitebitur Domino &c. Possem hoc loco permulta alia ex sacra pagina proferre exempla, ad istam meam attentionem confirmandam: scilicet ad probandum, quòd Rhetorica eloquentia sit à bono isto sapientiæ spiritu: sed ea brevitatis gratia jam omittam, ut ad artes mechanicas transeam, quarum omnium inventiones probabo à boni illius spiritus instinctu & conductu ortum suum

habuisse, tametsi partim temporis vetustate, partimque invidia atque ignorantia hominum sint pro hodierno die conspurcatæ & commaculatæ.

Pro artibus mechanicis sciendum, quòd ipsarum inventio & origo (ut diximus) fuerit ab inspiratione istius spiritus: Verbi gratia. Ars Sartoria five convestitoria ab instructione huiusmodi spiritus procedebat: Hinc Iehova ad Moysem: Loqueris cunctis sapientibus corde, quos replevi sapientiæ spiritu, ut faciant vestes Aaroni, in quibus sanctificatus ministrat. Porro operis Aurifabrilis & gemmariorum artificij & fabrilignarij & sculptoris lignei inventis ab illo ipso fonte initium duxit, quare dixit Iehova Moyse: Ecce vocavi Bezaliel & implevi eum cum spiritu Dei, Sapientia & intelligentia & scientia in omni opere, & ad excogitandum, quicquid fabrifieri potest ex auro, argento & ære, marmore & gemmis & diversitate lignorum, dedique ei socium Ooliab & in corde omnis eruditi posui sapientiam, ut faciant cuncta, quæ præcepi tibi &c. Quibus evidens est, quòd cujuslibet vera artis mechanicæ scientia sit in spiritu Dei, in cujus sola potestate est docere homines omnia. At hoc totum alibi planius exprimitur: Dicit enim Moyses filijs Israel; Ecce vocavit Dominus Bezaleel, implevitque eum spiritu Dei, sapientiã & intelligentiã & scientiã & omni doctrinã ad excogitandum & faciendum opus in auro & argento & ære & ferro, sculpendisque lapidibus & opere carpentario. Quicquid fabre adinveniri potest, dedit in corde ejus: Ooliab quoque ambos erudit sapientiã, ut faciat opera abiectarij, polymitarij at Plumarij de Hyacintho, & Purpura Coccoque bis tincto & bysso & texant omnia &c. Præterea legimus, quòd Noë esset in Arcæ structura ab isto spiritu instructus: Nam textus ait: Sanavit sapientia terram per contemptibile lignum iustum gubernans. Mediante ea ars Musica erat revelata Tubali: Textus enim habet: Tubal fuit Pater Canentium Cithara & organo. Et Tubal: Cain erat primus operum ferreorum & æreorum inventor. Et Ada. Iubal erat Tabernaculorum artis pastoralis Pater & author: Concludimus, quòd nulla sit vera ars mechanica, quæ suam ab isto omnipotente spiritu non habet ortum, cujus est solius docere omnia.

Porro etiam, quòd vera Moralis philosophia sit in ista sapientia radicata ex toto sacrarum scripturarum sanctarum filo est observandum: Erat enim vox istius spiritus essentialis, quæ mundum Christianum per os & linguam Christi docebat, ut sequeretur bonum & evitaret malum. Ex ore etiam sapientis hæc: Sapientia servat semitas justitiæ, vias sanctorum custodiens: Per eam intelliges justitiam & iudicium, æquitatem & omnem semitam bonam si intraverit cor tuum concilium, custodiet te, prudentia



# SECTIONIS PRIMÆ LIB. II.

Prov. 2.9.  
Prov. 7.5.

Sap. 8.7.

Ecclesi. 6.3.

POLITIA.

2. Chron. 1.10.  
Prov. 8.15.

Ecclesi. 9.18.  
Ecclesi. 4. 16.

Cap. 8.10.  
Sap. 8.14.  
Sap. 9.12.

prudencia servabit te , per eam erueris à via mala: Custodiet te prudentia à muliere extranea. Et alibi : Sapientia docet temperantiam , prudentiam , iustitiam & fortitudinem , quibus utilius nihil in vita hominibus , Et iterum ? Sapientia est concilium , æquitas , prudentia & fortitudo &c. quibus verbis virtutes quatuor cardinales recitantur , quæ sunt fortissimæ totius philosophiæ moralis columnæ : Nam in concilio temperantia est consideranda ; & tunc aderit iustitia , prudentia & fortitudo : Iterum filius Syrach : In Sapientia est decor vitæ & qui operantur in ea non peccabunt &c. Iam sciendum , quod peccatum sit transgressio legis , & lex Moysaica fundatur tam super morales civilitatis illius canones , quæ debent esse inter unum & alium hominem , quàm in debita Dei observantia & timore. Et Salomon : Cum Sapientia venerunt mihi omnia bona & innumerabilis honestas per manus illius. Verùm hæc luculentius ad huc & ad vivum magis exprimitur nobis in textu antea citato : Sapientia labores magnas habet virtutes ; sobrietatem enim & prudentiam iustitiam & virtutem docet , quibus in vita nihil hominibus utilius. Quibus testimonijs cum mille alijs (quæ hoc in loco recitare non est opus) evidens est , quod unica moralis philosophiæ magistra & doctrix sit ille Sapientia spiritus , qui descendit à Patre Luminis.

Ad gubernationem verò politicam (quæ ad reges , principes & magistratus hujus terræ spectat) quod attinet , invenimus etiam ex literarum sacrarum veritate , quod originem & radicem suam habeat in spiritu prædicto Sapientia seu disciplinæ sancto. Hinc ergo ait unus textus : Sapientia facit regem , ut digne regnet in populum. Et Salomon : Sapientia Reges regnant & legum conditores iusta decernunt : Item. Sapientia principes imperant , & potentia decernunt iustitiam. Et alibi : Sapientia melior est , quàm arma bellica. Iterum : Sapientiam qui audit , iudicabit gentes : Et alibi : Sapientia ministrabit in medio Magnatum & in conspectu præsidis apparebit. Et Salomon : ob sapientiam habebam claritatem apud turbas & honorem apud seniores : juvenis acutus inveniar iudicio , in conspectu potentum admirabilis ero. Iterum , per sapientiam disponam populos , & nationes mihi erunt subditæ. Atque iterum : Sapientem timebunt audientes regis horrendi. Ob sapientiam multitudini videbitur bonus. Et alibi : Sapientia deducit me , ut disponam populum tuum iuste. Hisce ergo & multis alijs hinc breviter causa emittendis apparet , quod Sapientia

divina sit sola & salutifera in rempublicam gubernatrix & directrix : & quod ubi viæ ejus à rege despiciantur in republica , ibi cæcus est credere , quod talis gubernatio , ut pote à Sapientia mundana parta , debet esse terrena , mala & diabolica , & non secundum leges & regulas divinas.

Iamque caput istud cum miraculosis & supernaturalibus illis effectibus , quos producit spiritus iste admirabilis , concludam. Instructione hujus spiritus actus admirabiles & supra caput & rationem humanam in mundum producuntur : Nam , qui de divina ista essentia participat , ipsamque suæ naturæ valet adaptare , is procul dubio in ea & per eam mirabilia coram hominibus præstare potest : Dicitur enim , quod sapientia intraverit in animam servi Dei Moysis , ita ut steterit coram regibus potentibus & horrendis in portentis & lignis. Transiit Israhælem per mare rubrum & inimicos demersit. Et alibi : Sapientia multiplicem experientiam docet : Nam scit illa præterita , de futuris æstimat , scit veritas sermonum & solutiones ænigmatum ; signa & monstra , antequam fiant , prælagit , eventus quoque temporum & seculorum &c. : Mediante ista etiam Daniel somnium regis exposuit , & Iosephus visionem Pharaonis : Hujus revelatione prophetæ de futuris , Prophetarunt. Christus & Apostoli atque etiam Elias & Elisæus ægrotos curaverunt desperatos , & mortuos ad vitam restituerunt : dæmones ex corporibus humanis ejecerunt , aquam in vinum transmutarunt , quinque mille homines quinque panibus & duobus piscibus nutrierunt , & iarinam atque oleum multiplicaverunt ; arcas hostium sermones & intentiones detexerunt ; per istum spiritum à loco ad locum mirabiliter vectantur : ventos compefcuit per eum Christus & super aquis ambulavit , à mortuis resurrexit , intravit portam clausis januis , in monte erat transfiguratus , & terræ motus factus est horribilis ; & Sol præter naturæ communis leges est lumine orbatus. Sed procedamus : Spiritus iste (teste Apostolo) scrutatur omnia , etiam profunda Dei. Et textus alibi : signa & præstigia in virtute Spiritus sancti effecit Christus per Paulum. Per hunc spiritum Adam habuit virtutem continendi omnia : Et Propheta Daniel hæc : Ipse revelat profundum & abscondita , & novit , in tenebris constituta , & lux cum eo est. Quod cum ita sit , perspicue liquet , quod nulla sit vera & genuina ars seu scientia , sive sit manifesta , sive abstrusa & mystica , quæ ab istius veræ sapientiæ doctrina non est derivata , ut pote sine qua nihil reale seu effectuale potest in arte vel sciri vel acquiri.

MIRACULA  
PROPHETIA.

Sap. 10.16.

Sap. 8.8.

1. Cor. 2.10.  
Rom. 15.18.  
Daniel. 2.22.

CAPVT. V.

## CAPVT. V:

*De sapientiâ falsa, spuria philosophiâ, philosophiâque adulterinâ  
cum characteribus eorundem.*

**I**am verò cum verâ sapientiâ & consequenter philosophiâ & Philosophi puri naturam seu assentiam satis luculenter explicaverim, conveniens erit, ut falsam & adulterinam hujus mundi sapientiam cum Philosophia, quæ fundatur super eam describam, simul atque signa & characteres non modò hujus sapientiæ & Philosophiæ immundæ, sed etiam Philosophi, qui in ea & ab ea quasi spurias enutritur & educatur. Apostolus ait, quòd vera sapientia, quæ à Patre luminis oritur, est pura, pacifica, benigna, suavis, misericordiæ & fructus boni plena; non judicâs, sine æmulatione aut hypocrisis: At è regione asserit, quòd illa sapientia, quæ est ab infra, & non à Patre Luminis, sit terrena, animalis, Diabolica & contradicens veritati: & Consequenter est litigiosa, immodesta, non suavis, bono fructu destituta atque æmulationis, contentionis & disputationis plena: Ut ergo basis seu fundatio prioris philosophiæ est Iesus Christus; ut pote qui est vera sapientia: Ita quidem fundamentum posterioris, est hominum mundanorum traditio & inventio præstigiosis Diaboli suggestionibus animata, ut hac via lites, disputationes, & oppositionem faceret in hoc mundo: Hinc dixit divinus ille Philosophus in ponendo differentiam inter duo ista opposita: In Christo sunt omnes Thesauri sapientiæ & scientiæ absconditi &c: Qua verborum serie asseverare videtur D. Paulus, quòd omnis sapientia & scientia & consequenter Philosophia vera, scientiæque omnes sincerae, quæ ab ea derivantur & in ea comprehenduntur, continentur & sunt quærendæ & inveniendæ in Christo, qui est æterna illa sapientia, & lapis verè Angularis, qui implet, informat, & vivificat omnia, & nulla hominum industria in vana mundi & Ethnicorum scientia & sapientia investiganda, quippe, quæ est fallax & vix probabilitatis facie ornata, quatenus obscuris & erroneis mundanorum præceptis & non Christi spiritualibus ordinationibus innixa. Et propter istam rationem Apostolus condemnat Philosophiam verbis generalibus, agnoscit inspectione magis peculiari, quòd amor veræ sapientiæ, atque idè ipsius Amator sit respiciendus & honore summo à sapiētibus reverendus. Quare certum est, quod per Philosophiam intelligat mundanæ sapientiæ studium. Nam ibi loci confitetur, Christum esse veram Sapientiam, ut pote in quo habitat omnis plenitudo Divinitatis corporaliter. Quare sequitur, quòd talis Sapientiæ amatorem seu amicum summo opere collaudet, & per consequentiam Philosophiam,

quæ super tali basi, tali lapide, inquam, Angulari erigitur disprobare nesciet: Quibus evidens est, quòd duplicem Philosophiam in isto Textu intendit, & quod cautelam, quam dedit Colossionibus in evitanda philosophia & vana fallacia, solummodò illam indicavit Atheniensium, quæ ex traditione hominum & secundum elementa mundi est parta. Verum eam approbare videbatur, quæ super Christum erat stabilita. Quare ait Textus (& non secundum Christum &c.) & ibidem rationem, cur talis Philosophia sit imprimis amplectenda, ostendit: Quia, inquit, in eo habitat plenitudo omnis Divinitatis corporaliter: & per consequens ipsa ait illa sapientia à Patre Luminis descendens, super qua fundata est omnis creatura; sequitur ergo, ut is, qui est Theophilus, seu Christi Philus sit verus Philosophus, quoniam ipse est verè illa sapientia, quæ revera est radix & basis rerum omnium. Sensus ergo hujusce loci Apostoli est, quod Vox Philosophia, cum esset vocabulum juxta Ethnicorum inventionem, idè reiicienda erat respectu rudimentorum & regulatum ejusdem erronearum: Quatenus facta & fabricata erat juxta traditionem hominum infidelium, quæ Christianos ipsos & multò magis Ethnicos sive gentiles in errores & à vera Dei cognitione deducit, quàm ut eos in viam veritatis & divinorum scientiam dirigat: Et ob hanc causam, multi faria Idololatriæ conditio est orta, quæ ut causa est neglectus veri cultus creatoris. Imò verò & contemptus nominis ejus: adè, ut ad venerationem & cultum creaturarum loco creatoris, per quem ipsæ vivunt & existunt, incitentur. Hinc ergo est, quòd admonemur, ut ejusmodi philosophiam summo opere evitemus. De hujusmodi ergo Philosophis, qui suam scientiam super lapide Angulari non posuerunt, & Christianis talibus, qui talibus Ethnicorum figmentis innituntur, Apostolus idem hæc: Revelatur ira Dei de cælo super omnem impietatem & injustitiam hominum eorum, qui veritatem Dei in injustitia detinent: Quia quod notum Dei, manifestum est illis: Deus enim illis revelavit: Invisibilia enim ipsius à creatura mundi per ea quæ facta sunt intecta, conspiciuntur: Sempiterna quoque ejus veritas & divinitas, ita ut sint in excusabiles, quoniam cum Deum cognoverunt, ipsum non glorificarunt, aut ipsi dederunt gratias sed in dicendo, quòd essent sapientes evanuerunt in imaginationibus suis: Nam mutaverunt gloriam incorrupti Dei in similitudinem hominis & avium, & quadrupedum & serpentium &c. Quibus intimat D.

D

Paulus,

Iac. 3. 17.

Coloss. 2. 7. 8.

Rom. 1. 18.



## SECTIONIS PRIMÆ LIB. II.

Paulus, quanta sit in istius mundi sapientibus seu Philosophis iniquitas, qui veritatem divinam, imo verò Divinitatem incorruptibilem, quæ inest cuilibet creaturæ, eamque falsis hominum inventionibus ita à mundanis abscondunt, ac si dixisset, quòd falsi hujus mundi Philosophi omnimodè conantur fictis suis delusionibus ab ethnicis partis, ut tenebræ humanæ non comprehendant vitam sive lucem illam essentialem & coelitus dimissam creaturarum ac Præcipuè hominis, quæ lucet in tenebris, tamen fas non sit ijs istam divinitatem in creaturis discernere. De hisce etiam Salomon: Vani sunt homines omnes à natura in quibus inest ignorantia Dei; & qui ex ijs, quæ spectantur bonis, eum, qui est, intelligere non potuerunt, neque ex operibus consideratis, ipsum artificem agnoverunt &c. Quòd autem Spiritus iste divinus sit in omni creatura in eo alibi arguit affirmando, spiritum Dei incorruptibilem inesse omni rei &c. Hoc etiam confirmatur multis alijs locis, ut antea est dictum. Quare opus habet quilibet Christianus, ut sit in legendo philosophiæ Ethnicorum cautus, & ut sibi optime constet, secumque iterum iterumque duorum prædictorum philosophorum sententias idque seriò ponderet. Sed præcipuè præceptorum prioris eorum (D. nimirum Pauli) recordetur, qui, quando mundanos Athenæ Philosophos ignotum Deum adorantes invenisset, novam ipsis philosophiam & sapientiam ijs omnino in cognitam, Iesum videlicet Christum prædicabat, quæ quidem Doctrina videbatur illis aliena, ita ut irabundi in hæc verba prorumperet: Quid vult seminiverbius hic dicere? Alij verò novorum dæmoniorum videtur esse annuntiator, quia Iesum & ejus resurrectionem annuntiabat: Quibus sat liquidò constat, quòd vera sapientia nec ad aures eorum pervenerit, nec in corde eorū radicem habuerit, unquam. Imò consideret velim, quòd de spurjijs istis Philosophis cum ipsorum sapientia seu Philosophia Apostolus intellexerit in loco antea citato, ubi, ait: Videte ne quis vos decipiat per Philosophiam & inanem fallaciam &c: Hoc est, ut Athenis docebatur: Videlicet cum vanis fallacijs, subtilitatibus & contentiosis cavillationibus & Proteoticis distinctionibus: ut pote quibus philosophus talis instar Protei sensum suum in quancunque significationem sive veram sive falsam convertere potest: vnde fit, ut homines tali doctrina dubijs impleantur, quatenus viam doctrinæ sapientiæque veræ planam relinquendo per suos labyrinthos & semitas nebulosas & incertas faciāt inquisitiones: Nonne docemur, quòd spiritus, qui est veræ philosophiæ fundamentum sive subjectum unicum & simplex: & per consequens in omni simplicitate quærendus? Nonne dicitur, quòd sit modestus, suavis, perspicuus, benignus, pacificus & sine æmulatione? Et

tamen nos Christiani volumus potius amplecti spiritum & philosophiam jurgijs, fallacijs, disputationibus contentiosis & ambiguitatibus deformatam. Sapientia ergo vera, cū sit pacifica & nulla ambiguitate freta, disputationibus & cavillationibus litigiosis non habet opus, nec requirit ad ejus investigationem distinctiones infinitas, aut quidditates vanas ex inventionē humana partas, quæ potius discipulum ratione sua multipliciter in ignorantiam ducit, quàm ut eum in nudæ veritatis lumen introducat: cū ē regione sapientia falsa tam abundat distinctionibus, tot scatet evasionibus subtilibus, ita obnoxia est disputationibus sophisticatis & contentiosis, tantā multipliciter est conflata & in conclusione tam difficilis est, & fructu bono vacua, ut loco grani veri & essentialis veritatis nihil præter aceres, verba, dico, loco realitatis invenerimus, & (ut verbo dicam) apparet, sed non est reale. Corpus videtur, cū revera sit mera umbra. Quod etiam Apostolus sic confirmat: Prædicatio mea non est in persuasivis humanæ sapientiæ verbis, sed ostensione spiritus & veritatis. Et alibi: signa apostolatus mei facta sunt super vos in omnipotentia, in signis, virtutibus & prodigijs. Atque iterum: qui tribuit vobis spiritum & operatur virtutes seu miracula in vobis &c. Ecce ergo, quomodo sapientia ista Christianorum secum ferre solet potentiam & virtutē, quas D. Iacobus in textu antea citato appellat bonos fructus: Cū ē contrario, D. Paulus vocat philosophiam Paganorum fallaciam inanem, & consequenter bonis fructibus orbatam sive destitutam: Vnde concludere videntur, quòd nulla sit philosophia fructificans aut philosophus bene fructificatus, præterquam illa, quæ in veræ & essentiali sapientia Iesu Christo versatur. Hæc nos Christiani videmus esse vera, & tamen in isto seculo caduco (in quo Satan videtur habere dominium) philosophia prædicta vana & terrena, quæ est prestigiosa confusione obfusata, tantam habet in mundo isto æstimationem, quòd Christus, qui est vera sapientia assidue inter philosophicos ejus cultores ob eorum ignorantiam crucifigitur, & sepelitur in nebulis seu obscura abyssu philosophiæ istius Ethnicæ, quam ipsi tanta veneratione videntur adorare & fervore insigni & tanta devotione amplecti Aristotelemque ejus inventorem sequi, ac si esset alter Iesus Christus, qui à coelis ad terram pro salute populi & ad aperiendum generi humano scientiarum & sapientiæ veræ thesaurum descendisset. Sed observetis obsecro, quibus characteribus ac coloribus Apostolus istiusmodi philosophos vanos cum eorum contentionibus & sophisticationibus describit: Si quis, inquit, aliter docet & non acquiescit in sanis sermonibus Domini nostri Iesu Christi, & qui secundum pietatem est

Jacob. 3. 15.

1. Cor. 2. 4.  
1. Cor. 12. 12.  
Galat. 3. 5.

Sap. 13. 1.

Sap. 12. 1.

Aq. 17. 18.

Sap. 7. 22.

1. Tim. 6. 5.

est doctrinæ, superbus est, nihil sciens, sed languens circa quæstiones & pugnas verborum, ex quibus oriantur invidiæ, contentiones, blasphemias, suspiciones malæ, conflictationes hominum mente corruptorum & qui veritate privatæ sunt, existimantium, quæstum esse pietatem: A talibus separa te &c. Vehementer opto, ut quilibet Peripateticus Christianus, qui suum tempus secundum Aristotelis leges & morem in vanis disputationibus & cavillationibus conterit, & seipsum insipientem cogitat tali conatu ad summum illud philosophorum pertingere sperat; ipsum, inquam, opro & admoneo, ut ista patienter (omni partialitate & invidia sepositis) consideret, & serio secum cogitet, quod nulla sit talis in Ecclesia Dei, hoc est circa quam philosophia vera versatur, veræ Sophiæ tabernaculis, vel (si vultis) in sincera philosophia seu sapientiæ veræ domo consuetudo, uti nos docet Apostolus: Nam ista multiformis inventionis humanæ sapientia, tam dissonans est à vera illa, unica & simplici Dei, qui infinitæ hujus mundi philosophiæ religiones ab illa vera & unica, quæ est à Deo, dissidentes sunt ortæ. Hinc ergo est, quod tot sint nimirum philosophiæ istius sectæ differentes, Peripatetica, Stoica, Epicuræa &c. quarum quælibet infinitis disputationibus & litigiosis cavillationibus suam sectam statuina & sustinere est aggressa. Hæc etiam erat illa causa errorum tantorum in Ecclesia Dei, tam inter Christianos, quam Turcas & Iudæos: Nam inter Christianos erat multorum schismatum & hæresium origo, quas omnes nihilominus ad unius veri Dei (qui est æterna unitas) & ipsius sapientiæ simplicis inquisitionem æstimare videtur.

1. Cor. 11. 16.

Hinc ergo D. Paulus: Convenientibus vobis in Ecclesia, si quis videtur contentiosus nos talem consuetudinem in Ecclesia non habemus &c. At sciendum est, quod sanctæ sapientiæ domus est Ecclesia: utpote, quæ est Christi domus. Concludimus ergo, quod tot sint in Christiano hoc mundo deceptionis viæ ratione evasionum & distinctionum, atque sophisticationum Aristotelicarum, quæ more alterius Protei subiectum argumenti in sensum varium & multiformem transmutare solent, ut sapientie veritatem præstigioso falsitatis velo occultare nitantur, ita ut veritatem (quæ per se est nuda & simplex) quasi nasum ex cera efformatū, quocumque pro libito volunt, convertant & in speciem variam mutant. Hic ergo non modo violatur veritas, sed etiam homo simplex & bonæ voluntatis deluditur & in malum loco boni seducitur. Apostolus hoc huiusce seculi philosophorum ænigmaticorum seu sophistarum genus, quod instar Thraſonum gloriosorum in suis imaginationibus elevantur) vivis hisce coloribus depingit: In novissimis, ait, diebus instabunt tempora pe-

2. Tim. 3. 1.

riculosa &c. erunt homines seipsos amantes, cupidi, elati, superbi &c. semper discentes & nunquam ad scientiam Veritatis pervenientes; quemadmodum autem Iamnes & Mambres restiterunt Moyſi; ita & hi resistunt veritati, homines corrupti mente & reprobi circa fidem & ultra non perficient: Insipientia enim eorum erit manifesta omnibus, sicut illorum fuit, Tu autem assecutus es meam doctrinam &c. Iam vero certum est, quod doctrina ejus circa veram versabatur philosophiam, cujus fundamentum erat Iesus Christus; veram, dico, sapientiam & lapidem Angularem, qui universam creaturæ fabricam sustinet & inest omne in omni, & implet sua virtute essentiali omnia; ac denique operatur omnia in omnibus: Quæ quidem doctrina est intentioni & rudimentis Ethnicorum contraria, qui infinita statuunt in isto mundo (ut dictum est) agentia, cujusmodi sunt Angeli, Dæmones, Stellæ, Elementa, Meteora, Ignis, Aqua, calidum & frigidum: Homo, bestia, Plantæ, mineralia & cætera, quos omnes volunt loco subalternarum causarum agentium se habere: Hos enim ex seipsis & sine numinis cuiuspiam assistentia operari putant: cum tamen nihilominus certum sit, & à sacra pagina decretum, quod non sit præter unicum agens Catholicum Essentiā indivisibile in multis & quasi infinitis hujus orbis manifestationibus seu organicis velliculis, quod in illis operatur omnia in omnibus & supra omnia. Et hæc eorum doctrina tanto ignorantie & erroris veneno intoxicavit Christiani mundi philosophos, qui firmiter ejus sectæ adhærent; ut distinguendo dicant, Deum ubique esse præsentem virtualiter sed non substantialiter seu essentialiter, quasi verò Dei virtus possit esse sine ipsius essentia, ut ab ipsius Divinitate, quæ est indivisibilis, possit separari: atque ita somnare videntur, accidentia esse in Deo, quæ ab ipsius essentia possunt dividi: vel saltem distinguunt & dicunt, quod ipse operetur omnia principaliter & mediatè, hoc est, ut prima rerum causa: atque (inquiunt) infinitæ sunt causæ secundariæ, ut antea diximus, quæ ex se & per se soleant operari. Sed si ista eorum asseveratio sit vera, admiror ego, quomodo Deus dici possit implere omnia & operari omnia in omnibus; si sit solummodò primaria seu efficiens causa causarum, & non causa omnium actionum mundanarum universalis, mediante ejus verbo seu spiritu, quem misit in mundum: At voluntatem suam tam in cælo, quam in terra præstantiam? Quid pluribus opus est verbis? Cum Apostolus expressè nos doceat: Quod sint, qui dicuntur Dij sive in cælo sive in terra (si quidem sunt Dij multi & domini multi) Nobis tamen est unus Deus Pater, ex quo omnia & nos in illo, & unus Dominus Iesus Christus, per quem omnia & nos per ipsum: sed non in omni-

1. Cor. 8. 5.

bus est hæc scientia. Hæc ille : Quo Theophilosophi sermone quilibet sagax Christianus discernere queat , quàm adversus ipse sit virtuti imaginariæ actuique immediato aut Dæmonum & intelligentiarum , aut stellarum cum influxibus earum , aut qualitatum elementorum , aut ventorum & aliorum meteororum , aut aliarum creaturarum juxta decretum Petipateticorum , cum ejus verbo important , quod omnes ætus, sive sint mediati sive immediati sunt à Deo Patre per Filium Iesum Christum. Et quam vis ejusmodi creaturæ appareant in externa demonstratione , quod per se & sine aliquo agente magis interno & centrali agunt & operantur : tamen philosophus iste noster facer nos docet per Regulas suæ philosophiæ (cujus basis est vera sapientia Iesus Christus) quod ipse causam nullam aliam agentem verè essentialiter apprehendere possit , præter unam , ex qua sunt omnia ; & aliam , per quam sunt omnia : quas nihilominus ambas personas agnoscit esse in essentia non nisi unam : Nam cum unum agens non sit nisi emanatio alterius ; & per consequens nullo modo ab essentia abterius magis divisus , quàm radius Solis à Sole , non est equidem mirum , si ipse solus in bina proprietate operetur omnia in omnibus haud mutatâ Essentiâ , idque præcipue , quoniam inest omnibus essentialiter (ut Salomon habet) Hæc est firmissima , & verissima puræ philosophiæ asseveratio : Quare quicquid philosophi mundani seu Aristotelici dicunt , & subtilitate fallaci nobis persuadere videntur , quod est veræ philosophiæ axiomatibus oppositum ; illi quidem nullo modo credere debemus. Atque huic rei videtur D. Paulus istiusmodi sermonis filo astipulari. Miror , quod tam citò transferemini ab eo , qui vos vocavit ad gratiam Christi in aliud Evangelium . Sunt aliqui , qui vos conturbant , & volunt convertere Evangelium Christi : sed licet nos aut Angelus de cœlo Evangelizet vobis , præterquam quod evangelizavimus , anathema sit &c. Quare cum Aristotelis doctrina & sapientia sit magna ex parte positionibus & rudimentis veræ sapientiæ & philosophi puri opposita , non decet , pium aliquem Christianum fidem ei adhibere , quatenus (juxta D. Iacobi sententiam) contradicit veritati & doctrinæ Bibliorum sacrorum est contraria. Quare talis doctrina seu sapientia spuria dicitur ab ipso esse terrena animalis , diabolica . Atque hinc est , quod D. Paulus discipulo suo Timotheo hæc scribit . O Timothee depositum custodi , evitans profanas vocum novitates , & oppositiones falsi nominis scientiæ , quam quidam promittentes circa fidem excide-

Sap. 12.1.

Galat. 1.8.

1. Tim 6.20.

runt gratia tecum. Quo videtur discipulos suos præmonere , ut sophisticis philosophiæ mundanæ allecationibus minimè capiantur vel decipiantur , quippe quæ est veritati contradictoria , nec est pacifica , sed perturbationibus verbosis & vanis disputationibus plena , & expressè intimat , talem , Philosophiam falsò & non rei veritati debere pro scientia haberi , non minus , quàm aliæ scientiæ spurix , quæ exinde dependent . Porro etiam insinuat videtur suis discipulis , quod tales Christiani , qui nimia devotione & fervore eam profitentur , sint mediante astutia ipsius & fallaci ejusdem suavitate introducti in errores insignes in respectu fidei , quæ æternæ istius sapientiæ anchoræ firmè adhæret . Porro etiam istâ in eodem sensu dat Colossiensibus suis discipulis cautelam antea à me citatam : Cave (inquit) ne quis vos decipiat per Philosophiam & vanam fallaciam secundum traditionem hominum & secundum Elementa hujus mundi , & non secundum Christum Iesum &c : Quibus nos Christianos jubet , ut relinquamus falsam Athenæ Philosophiam , & ut amplectamur illam veram quæ est secundum Christum . Et ob hanc rationē ait , in eodem Textu : In Christo ambulate radicati & ædificati in ipso &c. Quo arguit , Christum esse unicū lapidē Angulārē & basī veræ Philosophiæ : Quatenus omnes creaturæ ; imo verò & universus mundus ipsum pro existētiā & essētiæ suæ (quæ sunt Philosophiæ subjectum) fundamento habeant . Et consequenter liquet , quod fundatio Philosophiæ Ethnicæ sit arenosa sive fabulosa & nullius proinde valoris , vigoris aut existimationis . Hinc alibi D. Paulus Fundamentum aliud nemo potest ponere præter id quod positum est , quod est Iesus Christus : At jam , quod hoc falsis gentilium fundamentis opponitur , idem Apostolus sic probat . Hoc dico , ne ambuletis sicut & gentes ambulant in vanitate sensus sui , tenebris obscuratum habentes intellectum , alienati à vita Dei per ignorantiam , quæ est in illis propter cæcitatem cordis eorum &c. Ac si diceret . Ne ambulate secundum vanitatem philosophiæ seu sapientiæ gentium , & Ethnicorum , quoniam ipsi intellectum tenebris obscuratum habent , hoc est , sapientiā falsā & imaginariā ducuntur & per consequens à vijs veræ sapientiæ Iesui Christi alienantur propter suam ignorantiam .

Ephes. 4.17.  
18.

Restat jam , ut in proximo loco ad errores particulares falsæque philosophiæ Aristotelicæ positiones aperiendas & enucleandas perveniamus , ut eos hac via mundo judicioso per comparisonem , vanitatem , falsitatem illius cum bonitate & perfectione alterius clarius & luculentius exponam .

## CAPVT. VI.

*In quo doctrina Ethnicorum Philosophorum falsa ac erronea;  
ac illa præcipue Peripateticorum explicatur: ubi etiam  
probat, quasdam ob rationes, quod illa sit super huius  
mundi sapientiæ bases & non super illas sapientiæ à  
Deo descendenti edificata.*

**N**on nullos Aristotelicorum ingenio acutiores jam nunc (ut mihi videtur) replicantes & dicentes audio: Quomodo potest vir iste verbosus probare, quod sapientia illa, quæ est philosophiæ peripateticæ fundamentum non sit de supra, hoc est, de Deo, quiescit luminis Pater.

Ad objectionem istam discutiendam, necesse est, ut duas illas sapientias ab Apostolo propositas ad invicem conferamus. In primis D. Paulus ait. Deus stultam fecit huius mundi sapientiam. Et alibi: Sapientia huius mundi est stultitia apud Deum: Deus enim novit cogitationes sapientum, quod stultæ sunt. Atque ob istam causam Apostolus hæc alibi: Nos non spiritum huius mundi accepimus, sed spiritum, qui ex Deo est, & quæ à Deo donata sunt nobis, loquimur, non in doctis humanæ sapientiæ verbis, sed in doctrina spiritus, spiritualibus spiritualibus comparantes: Animalis enim homo non percipit ea, quæ sunt Spiritus Dei: Stulta enim sunt illi & non potest intelligere &c: His Apostoli verbis bene ponderatis, inquirendum est in primis, an Aristoteles esset homo animalis nec ne. Si verò inveniat talis, quid ab ipso est expectandum præter sapientiam mundanam cum Philosophia tali, quam D. Iacobus vocat animalem, terrenam & Diabolicam, quæ ex se ipsa nihil est, nisi mera stultitia: Cum animalis homo (ut ejus verbis utar) non percipiat illas res, quæ sunt spiritus Dei: Stultitia enim est illi. Ab huius modi ergo Philosophia jubet nos Apostolus cavere, quoniam fundatur super traditionibus hominum & elementis huius mundi & non super Christo. Verum sapientiam græcicam magis directè sic explicat, eamque ab illa Iudæorum & Christianorum distinguit: Sapientiam græci quærent; Iudæi signa; nos Christum crucifixum prædicamus &c: Quibus arguit, quod græci quærent sapientiam mundanam, quæ præcipue consistit in speculatione seu contemplatione, ut è regione illa Iudæorum versatur in praxi, nimirum in signis & ocularibus demonstrationibus, ut pote sine quibus fidem adhibere noli: Ac tandem tertiam nominat Sapientiam nimirum veram, Iesum Christum, in quo erat plenitudo divinitatis corporaliter. Atque hæc est illa realis ac sincera de sursum à Patre Luminis sapientia, quæ à Christianis est omni diligentia inquirenda, quippe super qua quilibet verus Philosophus suæ Philosophiæ fundamentum, juxta hoc Apostoli ponere debet: Fundamentum aliud nemo

potest ponere, præter id, quod positum est, quod est Christus Iesus. Si autem replicant huius seculi sophistæ, quod fortè Aristoteles ad Christi cognitionem aliquo modo pervenerit, vel saltem in sapientiam Moysis & Prophetarum, licet de longinquo inspexerit; hisce respondeo, quod, ut Aristotelis ætas verbi incarnationem præcederet, ita etiam manifestum redditur, quod in doctrina Moysaica, quæ in creatione & ordinatione mundi per spagyricum divini verbi actum consistit, quatenus scriptis suis mundum ab æterno fuisse tradidit, parum aut nihil omnino, intellexit. Fateor Platonem, qui huic erat magister, magis in sapientiæ verbe subiecto fuisse versatum, uti ex illius scriptis colligere fas est. Verum ejus discipulus Aristoteles, vanâ gloriâ elatus, per quandam immanem à disciplina Stoicâ seu Platonica deviationem unice in mundo Sapientis nomen sibi arrogare cupiens, novam sapientiam seu Philosophiam mundanam, quam postmodum Peripateticam (ipsam ab alijs distinguendo, seque ejusdem principem esse ebuccinat) nominavit, atque ita Philautiâ insigni inflatus veritatem figmentis & falsitatibus infinitis ab imaginatione seu conceptu proprio partis eo inquinavit. Hinc orta est Philosophia Aristotelica ex malo bonoque; falso, inquam, & vero ex sapientiæ modico & stultitiæ plurimo conflata: Cum è regione sapientia pura & simplex ex sola veritate sit constituta; quippe à solo spiritu Dei ordinata. Prætera à si doctrina Peripatetica stoica, aut Epicurea fuisset perfecta & secundum institutiones veræ sapientiæ Iesu Christi; cur tanto odio verum & sacrum illum philosophum D. Paulum persecuti sunt spurij Athenæ sapientes, quando ipsis veram sapientiam Christum Iesum prædicaret? Hisce ergo colligere fas est, qualis sit illa sapientia, super quam Aristoteles suam ædificavit Philosophiam, nempe ex se ipso inventa & tradita, & per consequens mundana & humana, & non illa sincera, quæ est de Deo. Verum ut propius Enucleo tenus quasi ad rem ipsam accedam: Ambas sapientias ab Apostolo Iacobo propositas ad invicem comparabo, ut exinde intelligatis, quæ earum sit dignior & à pijs hominibus magis amplexanda: Inquit Iacobus: Sapientia contradicens veritati non est à Patre Luminis, nec est pacifica, nec modesta, sed terrena, animalis & Diabolica. At sapientia & Philosophia Aristotelica; est huiusmodi, quippe quæ est ligitiosa, & disputa-

## SECTIONIS PRIMÆ LIB. II.

2. Tim. 2. 23.

Ad. 17.

Luc. 17. 21.  
1. Cor. 6. a. 19.

putationum, fallaciarum cavillationum ac controversiarum plena: Quæ omnes ipsius proprietates naturæ & conditioni veræ sapientiæ opponuntur. Hinc erat, quod Timotheus à magistro suo Paulo erat admonitus, ut se à societate eorum separaret, qui doctrinam à vera sapientia differentem docent: affirmando, quod ipsi, qui ita faciunt superbiæ sint elati & nihil sciant, sed circa questiones vanas & contentiones verbosas, versantur, ex quibus oritur litigium &c. At talis est Aristotelicorum Christianorum doctrina ac Philosophia, ut pote cujus mos & consuetudo est semper in questionibus, disputationibus, & cavillationibus versari: Atque hæc est ratio (ut dictum est) tantæ æquivocationis & distinctionum multitudinis, quæ viam struunt tam ad falsitates, quam ad veritates sustinendas & defendendas: Vnde ortæ sunt inter homines tot non modò (ut supra declaravimus) Philosophorum, verum etiam Religionum atque opinionum sectæ, ex quibus disputationes, litigiosæ contentiones non modò in Academicarum scholis, sed etiam inter differentes vulgi in religione factiones: At verò, si eorum Philosophia aut sapientia esset super Iesum Christum lapidem unicum Angularem erecta (qui, ut est omne in omni, ita quidem, est essentia unica & simplex) convenirent procul dubio tam scholares docti, quam homines imioris vel minoris conditionis in unitate unica cū ipso, qui est non nisi unus & idem in nobis omnibus: Nam in ipso & per ipsum facti sumus fratres, atque etiam hæredes cum ipso, regni æterni: Atque iterum cum ipso vivamus, moveamur, & habeamus nostram existentiam (ut D. Paulus testatur) Debemus sine ulla questione aut disputatione noscere, illud summum bonum in nobis met ipsis, quod sapientes veri cujuslibet seculi, tanta Dilegentiâ quæsiuerunt & appetitu Tantaleo affectarunt: Nonne nos docet Philosophia Christiana, quòd regnum Dei sit intra nos? Et quòd in nobis sit omnium mirabilium operator: & quod simus Templum Dei & Spiritus Sancti: Et quòd simus membra Christi? Quòd cum ita sit, cur inter nos orerentur contentiones, disputationes & cavillationes vanæ circa questionum multiforum & verborum ambiguitates? Aut cur sensus nostros maturiores stolidis corrumpemus & perturbaremus distinctionibus, ab inventionibus humanis & stultâ ac Diabolicâ hujus mundi sapientiâ ab Unitate derivatis, recedimus: Cùm in ita faciendo, in abyssum multitudinis, seu barathrum ignorantie nos immergamus? Nam solum & unicum veritatis conamen est, ut in via recta per obscuras erroris nebulas (in quibus stulta hujus mundi sapientia & Philosophia super ipsam fundata, intellectus nostros miserè involuit) ad fontem unitatis & concordie quæ est æterna sapientia nos conducatur. Hinc ergo vide-

mus, quàm contraria sapientia Græcorum sit illi Apostolorum. Vnde fit, ut D. Paulus admonere videtur discipulū suum Timotheum, ut evitet profana & vana jurgia & oppositionem scientiarum falsò sic dictarum: Quam dum aliqui sunt professi, erraverunt circa fidem. Quare omnes Christiani, qui habent suam fidei anchoram nimis firmiter philosophiæ Aristotelicæ affixam, debent serio secum ponderare, quod magister eorum supereminens D. Paulus tanto fervore & zelo ipsos videtur præmonere, nimis diligentem observationem philosophiæ Ethnicæ, (quæ consistit in litibus, questionibus, sive dubijs, verbositate vana & oppositione scientiarum) esse in causa, quod Christiani zelosi sine intellectu decipiantur, & respectu fidei in vera sapientia erraverint, ut testatur Apostolus.

1. Tim. 6. 20.

1. Cor. 3.

Præterea Apostolus dicit: Sapientia contradicens veritati non est de supernis, sed terrena, animalis & Diabolica &c: Iam verò certus sum, quòd quilibet fidelis Christianus strenuè defendat & sustinebit sacrum Biblion esse ipsius veritatis fontem. Quod cum ita sit, quid respondebunt Aristotelici Christiani, si planè & expressè probavero, doctrinam Aristotelicam esse solido sacrarum literarum sensui & menti contrariam & contradictoriam? Communis est inter Sophistas elegantes asseverare, cùm aliqua contradictio inveniatur inter philosophiam Græcicam & assercionem sacram: quod verum est secundum philosophiam; verum in scripturis aliter longè invenitur: Quibus respondeo, quod si aliqua inveniatur in contentis unius & alterius disciplinæ differentia; ibi procul dubio magnus reperiendus est error in istarum aliqua & per consequens una est contradictoria alteri, sequitur ergo, quòd harum doctrinarum unica debeat ortum suum à sapientia terrena & mundana habere. Iam velim, ut quilibet Christianus pius cum, diligentia perpendat, an Dei verbo ad hæere potius conveniat, quod est summa, veritas, quam aut affirmationibus & assercionibus, Aristotelicis, qui suam sapientiam à patre mendaciorum derivavit. Alij dicunt, quòd homines se tam profunde in naturæ secretis seu philosophia naturali immergant, ut ex Christianis Atheistæ fiant, ut pote qui (ut ajunt) nullam volunt divinitatem agnoscere. Necesse habemus credere, quòd de philosophia Græca & non de illa Iesu Christi intelligant, ut pote quæ spiritum hominis intellectualem dirigit & conducit ad Thronum & sedem maiestatis divine, ipsique assidue suadet, ut evitet ac relinquat pessimam hujus mundi multitudinem, ut ad unionem beatam contrahatur, à qua sui spiritus essentia erat ab origine extracta. Tertia hominum species, animo videntur infestari & graviter ferre, quod philosophus aliquis discursum de divinitate habeat; imò verò credunt, esse in qua

quopiam audaciam & præsumptionem haud exiguam, axiomata seu testimonia scripturarum ad principia & causas philosophiæ veræ confirmandas allegare, audacter, sed inconsultè satis asseverantes: Biblia sacra hominem solummodò, quid sit ad ejus salvationem conveniens, docere, hoc est, ut timeamus Deum ac proximos diligamus, quasi verò scripturæ sacræ aliquid in vanum scripsissent: Et tamen expressè & apertè ex ijs intelligimus Quod omnis Theaurus sapientiæ & scientiæ abscondatur in Christo. Et alibi: à me discetis omnia: atque iterum: Spiritus Sanctus vos docebit omnia. Porro etiam ex ijs elicere fas est, tria illa principia, ex quibus Deus creavit omnia, nimirum tenebrosam abyssum, quasi materiam primam, à qua primordialiter omnia; aquas, ex quibus omnia, & spiritum formalissimum Dei, per quem omnia: Ex ea etiam elicimus veram & infallibilem meteororum generandorum rationem, & condensationis & rarefactionis mysterium, causam internam & generationis & corruptionis & actionis atque passionis omniumque aliarum rerum, quæ in scientia philosophica excogitari possunt, quæ omnia Aristotelici vocant naturalia: Hæc, dico omnia directè, planè, sine ulla sophisticatione in pagina sacra pertractantur: Atque etiam scientia illa, quæ ad moralitatem & gubernationem politicam spectat, cum cæteris scientijs tum liberalibus, tum mechanicis, quemadmodum est ante declaratum. Quid, Anne erant hæc vanè & inaniter à spiritu veritatis expressa? Minime profectò, sed hos scrupulosos & intellectu destitutos potius culpare debemus, qui minime scripturarum sensum percipientes, tanta temeritate de eo indicare præsumant. Nam si istiusmodi curiosi cum diligentia considerare velint, quod philosophia in sensu suo originali importet sôphiam seu sapientiam, agnoscerent profectò & confiterentur, quod vera & essentialis philosophia seu sôphia, sit nihil aliud, quàm sacra ista sapientia, sive spiritus disciplinæ sanctus, qui præcipuum est utriusque testamenti sacrosancti subiectum; & consequenter tam philosophiæ veræ, quàm Theologiæ fundamentum. Vnde etiam apparebit, quod sacra philosophia sit quasi radix, ex qua Theologia oritur: cum sit expressio Divinitatis & actionum ejusdem in creaturis: Nam nullibi in pagina sacra reperitur, quod Deus esset unquam à scripturis nominatus, nisi quatenus considerabatur in hoc mundo quem creavit & creaturas ejusdem. Ita dicitur quod indueret lumen quasi vestimentum: Et quod sit ignis consumens: Et quod impleat coelos, & quod faciat terram scabellum pedum suorum: Et quod posuerit suum tabernaculum in Sole: Et quod fecerit tenebrosam nubem suam ta-

bernaculum: Et quod locutus sit à celo in tonitru, Et quod sermonem habuisset cum Iobo in turbine, Et quod spiret à Septentrione & Austro, Et quod sit ubique. Etiam dictum est, quod spiritus ejus in forma columbæ descenderet à celo, atque etiam in forma linguarum ignitarum: & quod impleat terram: & quod hominem fecisset suum templum: & quod sit in omni re: Et, ut verbo dicam, scripturæ mentionem faciunt de Deo in nulla alia re, quàm essentialibus hujusce spiritus in omni creatura operationibus. Quare affirmare mihi liceat verà philosophiā, quod, quatenus ejus fundatio sancta est, disciplinæ spiritus, sit nihil aliud in effectu, quàm Theologia, & nihilominus distinctionis cujusdam causā dicere liceat, quod philosophia essentialis inquisitionem faciat de summo bono, movenda à circumferentia aut externo versus centrum vel internū ad inveniendam vel enucleandam eternam illam essentiam, quæ est omnium creaturarum centrum, cujus circumferentia est nullibi: & est solum bonum & in omnibus rebus actor, atque ita procedit (ut alibi est dictum) à demonstratione à posteriori, hoc est, à visibili creatura ad invisibilem creatorem: juxta D. Pauli & Salomonis antea citata præcepta, quorum prior dicit: invisibilia Dei à creatura mundi per ea, quæ facta sunt, intellecta conspiciuntur, sempiterna quoque ejus veritas & divinitas &c: Posterior: Vani sunt hominis omnes naturæ, in quibus est ignorantia Dei, & qui ex ijs, quæ spectantur bonis, eum, qui est, intelligere non potuerunt: Neque ex operibus cōsideratis, ipsum optificem agnoverunt. At Theologia videtur perviam oppositā movere, nimirum à radicali centro seu invisibilitate Dei atque interno actu creaturæ, quasi demonstratione à priori ad circumferentiā seu creaturæ externum. Quibus videre liceat, quod utraque scientia ad unam metam, sive finē, hoc est, ad unum summum bonum collinet: Et tamē sunt nonnulli hujus mundi academici, qui ultra limites creaturæ in sua inquisitione se elevant, hoc est spiritum istum ultra sphaeram Lunæ, imò verò & ultra mundi concavitate mages quærun; atque hoc modò ipsum absolute à creatura dividere & distinguere conantur: qua ipsorum imaginatione & progressu scalam sine gradibus ascendere tentant: volunt (inquam) ad summum rerum cacumen seu fastigium scandere nulla consideratione ad infimum ejus gradum habitā, in eo, quod Deum & sapientiam æternam sine ullo ad creaturas respectu investigato aggrediantur, cum à Te. tu sacro intruamur, quod spiritus iste non sit à quolibet nostrum remotus: & per consequens, opus non est, ut illum, ultra ignis sphaeram aut in coelis superius inquiramus; cum propinquior sit nobis, quàm quis imaginari queat (ut divi Pauli verbis utar) At non est

Coloss. 2.  
Ioh. 14. 26.

Iob. 22. 15.  
Psalm 103. 7.  
2. Reg. 22. 8.  
Iob. 28.  
Iob. 38. 1.  
Psalm 147. 16  
Psalm 139. 7.  
A. 2. 3.  
Sap. 1. 7.  
1. Cor. 3. 16.  
Sap. 21. 1.

Rom. 1. 18.

Sap. 13. 1.

Psalm. 103. 2.  
Deut. 9. 3.  
Heb. 12. 22.  
Iai. 66.  
Eph. 4. 8.  
1. Ioh. 18. 5.

A. 2. 17.



## SECTIONIS PRIMÆ LIB. II.

nam, quod Academicorum nostrorum nonnulli, philosophiæ Peripateticæ spatio 7. annorum vel ulterius addicti, falsis ipsius radimentis ad eum corrumpantur, & tam parum de essentiali Divinitatis in creaturis natura intelligunt, ut cum ipso (expirato illo tempore) ad altiore promoveantur functionem sive professionem, Theologiam nimirum, reddatur ijs adversissimi qui mysterium divinitatis in creaturis agnoscunt: Et quamvis scripturas pluribus in locis, verbum Dei seu spiritum incorruptibilem, tamē asseverare animadvertunt distinctionibus Academicis, quas ex philosophis plane ethnicis & agilibus atque obsequiosis eorum commentatoribus accipiunt, ita nudam & simplicem veritatem nobilis & qui vocationum involunt, ut eam profundioris dubij & ambiguitatis abyssu, quam fuit antea immergant: Verbi gratia, cum integer Biblij divini concentus sit, quod Deus sit in omnibus & super omnia & quod spiritus disciplinæ sanctus sit in omni re: ipsum statim nonnulli distinguendo respondent (uti supra est declaratum) quod in omnibus sit virtualiter, sed non essentialiter: Quasi verò ipsius virtus à sua essentia distingui queat. Iterum: ubi dicitur: quod Deus operetur omnia in omnibus. Verum est (dicunt) quatenus causa principalis & primaria: sed (inquiunt) sunt multa secundaria & subalterna agentia, quæ sine prima rerum causa per se & in se agunt: ut sunt Angeli, Stellæ, Elementa, Meteora, & creaturæ compositi &c. Atque ita Aristotelicis istiusmodi sophisticationibus, rei à scripturis testificatæ veritatem, quippe quæ simpliciter & plano sermone dicunt, quod Deus operetur omnia in omnibus commaculare aggrediuntur: Nam si Deus cum, in & per spiritum suum essentialem implet omnia, necesse habemus credere, quod spiritus ille operetur omnia in omnibus & in omni creatura, quam immediate implet: idque sine ulla creaturæ assistentia, utpote quæ nihil habet, quod non à creatore acceperit: Quod autem à Deo acceperit, à Deo separari non potest: Nam quomodo possibile est, ut organum creatum possit ullo suo actu creatorem suum adjuvare, qui ipsum implet & in ipso tantummodo agit & operatur quid & quando vult? Ego (ait propheta) sum Dominus faciens omnia solus & nullus mecum. Neque videretur hoc cuiquam alienum, cum ipsæ scripturæ testentur, quod ipse sit omnia in omnibus. Atque iterum (ut antea) Incorruptibilis Dei Spiritus est in omni re. Et idem alibi: In Christo omnia sunt condita per Christum & in Christo omnia sunt creata, omnia in ipso constant, ipse est in omnibus primatū tenēs &c. Non intelligit, istam Dei præsentiam esse per accidens, sed essentialiter. Quod cum ita sit, sequitur, quod ista distinctio cum omnibus alijs ejusdem farinae sit falsa, quæ dicit Deum operari mediatē, sed non

immediate, & consequenter, quod creatura possit agere per se sive immediate sine actus divine assistentia. Ac si quis diceret, divinam essentiam sive virtutē posse esse divisibilem, vel naturam divinā debere idē esse partibilem & a divina radice separabilem, quoniam est in diversis organis, Possum ergo audacter concludere & omnibus notum facere, quod si scholastici Christiani 7. illos annos, quos ad philosophiæ Aristotelicæ disciplinā assequendā conterunt, in veræ & sacræ cognitione & doctrina addiscenda, impenderent, nolissent procul dubio tam immaniter more gentiliū errare & tot quæstionibus, disputationibus, contradictionibus & jurgijs veræ sapientiæ præcepta & leges ita immaniter in fine illius tēporis oppugnare; sed è regione aptiores seu paratiores tum postea redderentur ad procedendum in strictā & directā inquisitionis & acquisitionis sapientiæ illius mysticæ viā, quam Deus (teste Apostolo) patefecit atque ordinavit, ut electis & optimē à Deo merentibus suo tempore revelaretur, quo tandē in sanctæ illius inquisitionis fine juxta Apostolorum & virorum sanctorum Exempla, tam potentes in virtute & potestate deveniant, quam in vulgari isto statu suo verbis solis sine essentiali aliquo effectu evidenti, videntur in hoc mundo pollere: Nam bono illo fructu, qui veram sapientiam concomitare solet, erroneā seducentis sui magistri doctrinā privantur. Sed ni crederent Academici nostri Aristotelici, verba mea esse vana aut publicarent, aut replicarent doctrinam istam peripateticā majorem illis fructum & utilitatem, quam ulla alia, quæ ex Textu sacro elicitur, afferre queat: Liceat mihi in primis fructus illos hoc in loco enumerare, quos philosophia nostra sacra mundo conferre potest, & tunc postea videant istiusmodi philosophi mundani, an tam realem & essentialē ex Textu Aristotelico utilitatem extrahere valeant: Sin minus; conticeant, velim, & laudes atque honorem sapientiæ digniori concedant, & deteriore in exilium sempiternum ex hominum memoria relegent, hoc est, diligentiam summā meliorem sequantur Philosophiam, eamque seriā veneratione Christianā amplectantur: Pro fructu, utilitate, virtute & potentia, quæ sapiēs philosophus ex philosophia sua vera seu sapientia essentiali haurire potest hæc ex contextu sacro colligimus. Sapientiæ pretiū non novit homo, qui eam consequitur, beatus: Nam melior est ejus acquisitio auro, & præcior carbunculis, & omnia delectamenta tua non possunt æquari ei: Longitudo dierum in dextra est, in sinistra ejus divitiæ & honor. Viæ ejus sunt viæ amonitatis & omnes semitæ ejus pacis: Arbor vitæ est prehen dentibus eam. Denique tenentibus eam beatus quisque. Ejus eruditio pecunijs & auro effosso electissimo præferenda: Nam melior est ipsa Carbunculis, & omnia delectamenta non possunt

Isai. 44. 24.

I. Cor. 15. 25.  
Sap. 12. 1.  
Coloss. 1. 16.

Iob. 28.

Prov. 3. 13.

Prov. 8. 14.



possunt aequari ei. Ejus est consilium & æquitas & prudentia & fortitudo, & robur, per eam Reges regnant & dominatores decernunt judicium, Divitiæ & honos penes eam sunt. Melior est fructus ejus auro effuso & purgatissimo, & proventus ipsius argento lectissimo. Per sapientiam multiplicabuntur dies tui & adicientur tibi anni vitæ. Sapientia spiritus præferendus est sceptris & Thronis, nec comparandæ sunt divitiæ ei, nec lapides pretiosi & aurum respectu ejus est, ut arena; & argentum, ut Lutum: Ipsa est thesaurus hominibus, qui nunquam deficit, quo qui utuntur, cum Deo contrahunt amicitiam, Ipsa cum sit artifex omnium, docet omnia, etiam facit hominē cognoscere tam occulta, quàm manifesta, atque etiam cogitationes hominum: Neminem diligit Deus, nisi eum, qui cum sapientia habitat: Est ipsa speciosior sole: Ipsa docet prudentiam, temperantiam, justitiam, & fortitudinem, quibus utilius nihil est in vita hominibus. Per ipsam habebit homo immortalitatem & memoriam æternam posteris relinquit: Emittitur illa à Deo è sanctis cælis, à Throno gloriæ, ut præsens versetur cum homine in labore, ut cognoscat, quid gratum sit apud ipsum: Illa enim novit atque intelligit omnia: Ipsa homines servati fuerunt: Hæc conservavit Adamum, & potentiam dedit ei dominandi omnibus rebus: Ipsa mutorum os aperit, & linguas infantum disertas reddit. Infinitum foret, omnes sapientiæ istius facultates in Textu sacro allegatas, virtutes & potentias recitare: Cum legamus, sanctos per eam dæmonia eiecisse, omnes morbos curasse, & mirabilia ac stupenda præstitisse &c. Restat jam, ut Peripatetici enumerent virtutes & actus suæ fidei seu humanæ sapientiæ, & observet quilibet sagax, an quid reale aut ullius momenti mediante ea queant producere. Profecto meras umbras inveniunt pro substantia & figmenta pro realibus reperient. At dicent, sat scio, multa narras de tua illa sapientia, sed qua ratione est ipsa invenienda? Anne cui quam pro hodierno die datū est talem invenire sapientiam? Quare igitur de impossibilibus loqueris? Debitè & rite præparatis respondeo, quod Philosophiæ istius divinæ scrutatoribus procul ex sacrarum literarum profundis ad ipsam inquirendam & comparandam proponitur: Nec enim debiliior & seignior, aut malevolentior est spiritus istius benigni & clementis virtus & actus hoc nostro, quàm in seculis præcedentibus, in quibus se benigne suis patefecit: Hoc copiose à sacris scriptis expressum habemus. Ego (ait ista sapientia) amantes me amo, & studiosè quærentes me inveniunt me: Nam deliciæ meæ vel delectationes meæ sunt cum filiis hominum: Venite, vescimini cibo meo, bibite de vino meo, quod miscui: Sapientia quærenti derisorii ea non extat, scientia autem prudenti facilis est: Ip-

ipsa requiescit in animo prudentis: Non ingreditur in animam malitiosam, neque habitat in corpore, quod subjectum est peccato: Ipsa facillè conspicitur ab ijs, qui diligunt eam, & invenitur ab ijs, qui quærunt ipsam: Imo occurrit cupientibus. Ipsa se dignos circumeundo quærir, atque in vijs se benevole illis ostendit, atque in omni cogitatione occurrit eis. Ipsa dicit: Accedite ad me, qui cupitis me & fructibus meis, quos gigno, implemini. Denique pro modo acquirendi talis thesauri, docemur à Christo, pulsemus, ut aperiatür nobis, atque quæramus more debito, ut inveniamus: Eccelesiasticus multis in locis & præcipuè capite 2. a versu 1. nos modum ad sapientiam quærendam docet. Imò verò quilibet ferè Textus sacri locus, si mysticè, hoc est, spiritualiter intelligatur, atque etiam sensus ejus moralis, licet typicè aliquo modo nos ducit atque dirigit ad viam & aditum thesauri istius pretiosi investigandum, quam ego fideliter & ex animo sequar, deprecorque summum illum sapientiæ concessorem, ut mihi concedat gratiam ut ad optatam hujus summi boni metam in hac vita pertingam. Verum enim verò, sat scio, alius adhuc scrupulus mundanis ex isto nostro discursu exsurgit. Replicabunt, non esse hoc tempore opus, ut sint miracula, ut pote quæ signa solummodò in Ecclesiæ primitiva essent necessaria, ut mediantibus illis infideles ad fidem Christianam converterentur. Sed accedam jam propinquius ad probationes meas, quibus ostendam evidenter, quod doctrina Aristotelis sit apertus & oppositissimus sacræ veritati adversarius: Vnde fit, quod ab Apostolo pro illo sapientiæ ramo condemnatur, quem vocat terrenum, animale, Diabolicum & veritati contradicentem.

Hic ergo apparet perspicuè & ex sacro veritatis testimonio inferius explicabitur, quod virtus illa, mediæ qua Deus manifestè in hoc mundo aut per contractionem à circumferentia ad centrum, aut per expulsionem seu dilationem à centro versus circumferentiam operatur. Nam in mysterio hujusmodi actionis contrariæ in una essentia, tam condensatio, quam rarefactio, quibus cælū, terra & omnia derivantur ex istis videlicet composita corpora, tam meteorologica, quam quæ in sua compositione seu perfectè mixta sunt, cōpleta perficiuntur. Atque iterum per istas proprietates contrarias operatur in mundo Deus aut sympatheticè, hoc est, per concupiscibilem attractionem, aut Antipatheticè nimirum per odibilem expulsionem, uti sectione hujus subjecti secunda declarabitur. Cū igitur res omnes hujus mūdi vel attractione sive contractione, vel expulsionem aut dilatatione fiant; videamus obsecro quā sit illa Aristotelis opinio de causā primaria, imò quidē immediata attractionis; ac tum postea inquiremus, num ipsa cum sensu veritatis sacræ

E. conve-

## SECTIONIS PRIMÆ LIB. II.

convenient nec ne. Peripatetici omnes in hoc conveniunt, videlicet, quod venti, fulgura, Tonitrua, Cometæ, nubes & hujusmodi alia meteora fiant ab attractiva solis atque aliarum stellarum virtute, quippe mediante qua vapores & exhalationes ex Terra & aquis in superiores aëris regiones attrahi atque elevari dicunt. Hinc ergo Velcurius secundum mentem & opinionem Aristotelis physices, cujus erat commentator, ait, Prout vapores magis minusve sunt calidi, ita altius humilivse elevantur sursum à solis calore aliorumque astrorum, sicut videmus in sole bibente & attrahente aquam &c: At ego demonstrabo, longè aliter se rem habere, efficiamque, ut quilibet humano sensu præditus faciliè & apertis oculis decernat, quod calor seu virtus nec solis nec stellarum, nec ignis nec creaturæ cujuspiam animalis, quicquam sibi attrahendi facultatem, sed à se pellendi atque discutiendi potius habeat. Exempli gratia: Si in ignis potestate sit attrahere vapores, ad se, tunc non permetteret fumos lignorum & carbonum terrestrium tam leviter ab ejus amplexu recedere: At experientia testatur contrarium: Quippe qua docemur, quod integrum ignis officium sit densa vaporum & exhalationum subjecta rarefacere, eaque subtilia, penetrando & partes compactas dividendo atque dilatando reddere, & non ut vapores & fumos ita genitos ad se ullo modo attrahat: Nam oculariter videmus quod eos ipsius actu procreatos discutiatur & per expansum mundi spiritum dissipet: Etiam, si linteum aliquod aqua maderectum igni apponamus, percipiemus quidem quod substantia in eo aquea in vaporem fumosum virtute ignis convertetur: At verò tam longè abest, fumus ille ut ab igne attrahatur, ut ipsum undique per loci cavitatem sine ulla evidenti ignis attractione expandi atque dissipari animadvertamus. Simili planè modo accidit in operativa solis natura: Nam ipse suo calore aquam & rem humidam substantiamque aliquam spissam sive grossam & combustibilem subtiliat seu rarefacit, & rarefaciendo dilatat: Quod autem res humida in vaporem reducta sursum tendat, hoc non fit ab attractiva aliqua in sole & stellis facultate: Sed naturali illo appetitu & inclinatione, qua levia elevari solent in altum. Quare sequitur, quod aqua in vaporem subtiliata aut solidum aut unctuosum quippiam, in fumum seu exhalationem reductum non ab aliqua externi agentis coactione, sed sponte & per se adlocum ipsi à Natura destinatum ascendat: haud aliter, quam è regione, quod grave est & ponderosum, motum suum ex propria sua inclinatione deorsum facit: Sed ut clarius ad huc ipsorum elucescat error; Qui vaporum & exhalationum è terra & mari in superiores regiones, attractione solari statuunt, vos

ad Instrumenti nostri experimentalis, seu vitri calendari experientiam referam; qua oculari intuitu invenietis, quod omnis attractio à circumferentia ad Centrum (quæ propriè attractio dicitur) efficiatur à frigore & non à calore: Nam videmus, quod frigoris virtute aqua vitro inclusa, sursum in collo vasis elevetur, & quod hoc fiat in spissatione aëris & reductione ipsius in spatium vitri angustius: At è regione observamus, quod si sol vel ignis vel manus hominis summatè vitri pertingat, eamque calefaciat, tunc aër inclusus dilatabit & subito à caloris actione evolabit; imò quidem tam longe abest, ut aër attrahatur à calore, ut aquam antea congelativa & inspissativa frigoris facultate attractam, superius per nonnullos gradus præcipitet & deprimat. Quod cum ita sit, considerent velim Peripatetici Christiani, & sedulo animadvertant male sanam magistri sui disciplinam, quam tam sanctè & tanta cum affectione in hunc usque diem sequuntur, & secum paucis colligant, quàm immaniter & more grosso ipse in præcipuo Meteorologiæ suæ argumento erraverit. Quid ergo ulterius ab eo est expectandum, quin ut tota ipsius fabrica per se in oculis sapientium corruat? Breviter dico, quod iste & permulti alij ipsius errores palpalibiles, sunt in causa, ut varij mente saniores ejus discipuli in quam plurimis ab illius animo & sententia dissentiant: Videlicet in opinione ejus de ventorum, Tonitrus, fontium & aliorum meteororum origine: Nam Iohannes Fregius vir doctus & in disciplina Aristotelis admodum versatus, quique naturæ mysterijs juxta Peripateticorum documentum inquirendis, operâ haud minimâ dedit (quæ admodum ex largi voluminis ab ipso editi contentis cui nomen est quæstiones physicae, apparet) hæc in eodem volumine scribit. Quanquam, ait, tota disputatio deveneris, sicut de alijs meteoris plena est admirabilem operum Dei, quorum nullæ firmæ & sufficiens in natura causæ proferri possunt, tamen prodest videre, quod usque humana ratio progredi possit. Sacrae quidem literæ dicunt, Deum ventos producere de thesauris suis, unde ipsorum status audimus, sed unde veniât, aut quod vadant nescimus: Hæc ille: Ex altera parte Margarita Philosophiæ (opus, quidem magnæ famæ atque æstimationis etiam inter ipsos Peripateticos respectu succi illius Aristotelici, quem comprehendit) post strictam inquisitionem ab ea in natura fulguris & Tonitruum secundum Peripateticorum normam factam: Et cum rationibus ab Aristotele de tonitrus & fulguris ortu prolatis, propter defectum atque imbecillitatem earum ad inveniendū tantum in natura miraculi mysterium, nullo modo esset contenta aut satis facta: Ad istud secretum enucleandum coactus est librum veræ sapientiæ respicere, quippe à qua Salomon fatetur, se vim ventorum & mutationem

Velcur. com.  
physic. 3. lib.  
C. 5.

Fregius lib. 15  
De causâ ventorum.

Margar. Phil  
lib. 9. cap. 20.

Sap. 7.  
Iob. 28. 25.

Velut. com-  
m. Phys.  
Lib. 3. Cap. 6.

Eccl. 3.  
Gal. 1. 9.

Baruch. 3.

tationem elementorum agnovisse: Nam aptat pondus aëri & appendit aquas in mensura, & facit pluviae statuta & viam fulgistro Tonitruum. Vnde Philosophia ista à peripatetico dissentiens coacta est in hæc verba loqui: Quidam Philosophorum (inquit) considerantes mirabilem fulminis operationem, ipsum non opus naturæ sed summi Dei effectum immediatū arbitrati sunt. Iterum, ad fontium procreationem & originem quod spectat: Iohannes vel Curio, qui temporis multum in Peripatetica Philosophia contrivit, tametsi commentarium super physicam Aristotelis fecisset, tamen videtur sui magistri assertioni in fontium generatione diffidere: Quare ait. Non consentiunt planè sacre literæ cum philicis de ortu fontium & fluminum, quæ ex mari per varios alveos meatusque fluere ac ad suos fontes refluere dicunt. Ecclesiastes 1. testatur dicens, omnia flumina intrant in mare & mare, non redundat, ad locum, unde exeunt flumina revertuntur, ut iterum fluant. Cæterum Aristoteles & physici Peripatetici dicunt materiam istorum esse pariter vaporem resolutū in aquam & liquefactum à frigore & calore simul intra terram. Ex istis igitur, lector consulte, patet ex confessione discipulorum & quasi pedissequarum Aristotelis, quàm contraria & planè contradictoria sit opinio Aristotelica veræ sapientiæ institutis. Quare ausculta, quæso verba ista Apostoli: Sapientia, quæ contradicit veritati, non est de supra, sed est terrena, animalis & Diabolica: Vnde etiam D. Paulus, si quis vobis Euangelizaverit præter id quod accepistis, anathema sit. Iam verò quod iste princeps Peripateticorum sit in sua doctrina erroneus & disciplinæ sanctæ in causis primarijs generationis meteororum adversissimus, mundo expresse & coloribus vivis in libro ultimo istius tractatus depingam, in quo ipsum mundi Christiani deceptorem & impostorem egregium fuisse demonstrabo, ut pote, qui rationibus præstigijs & vix probabilitate stipatis ad meteorologiam suam statuminandum utitur: quippe quæ in veritate & effectū, hoc est respectu veri fructus, quam vera sapientia producit, nihil sunt nisi meræ fallaciæ & sophismata. Quibus omnibus viris doctis & iustitiæ trutinis libratis, bene ponderatis, mirabile & admodum alienum procul dubio illis videbitur, quod mundus Christianus fuit tam dui per istas nugas Aristotelicus deceptus: Imo quidem admodum videbitur intelligentibus & mente arrectis novum atque etiam durum, quodd illi ipsi, qui zelo Christiano sunt devoti, fontem totius sapientiæ relinquerent, ut artes, scientiæ & intellectum ab Ethnicis quaeramus sicut fecerunt Agarenī & illi, qui erant in Theman: à quibus vera scientia non est habenda: De huiusmodi Christianis tam huius, quàm præteriti seculi videtur Apostolus in his verbis Prophetisare:

Erit tempus, cum sanam doctrinam non sustinebunt, sed ad sua desideria conacervabunt, sibi magistros prurientes auribus & à veritate quidem auditum avertent, ad fabulas autem convertentur, &c. 2. Tim. 4. 3. Quo sermone intelligit spurios magistros, erroneos Doctores & præcipuè adulterinos philosophos: Nempe Epicurazos, stoicos, & peripateticos, quorum doctrinæ & Philosophia, ut secundum traditiones hominum & secundum elementa mundi, & non secundum veram sapientiam, Christum Iesum, se habent, pro stultitia, vanitate & fabula habentur coram Deo & ejus sanctis. Quare Apostolus in prædicta sua oratione Christianos procul dubio tales seculorum futurorum indigitat, qui veram doctrinam seu sapientiam Christi, Prophetarum & Apostolorum relinquentes, se inconsideratè falsorum doctorum & Philosophorum disciplinis addicant: Iterum Philosophus iste sacer prælagire videtur, quod erunt quam plures in seculis futuris, qui vana gloriæ & amore sui elati, consilia aliorum utrunque sana contemnent, si in ulla re à fundatis & radicatis suis opinionibus dissonantia inveniantur. Textus est talis: In novissimis diebus instabunt tempora periculosa & erunt homines seipsos amantes, cupidi, elati, superbi &c. 2. Tim. 3. 1. Semper discentes & nunquam ad veritatem pervenientes, quemadmodum autem Iamnes & Mambres resistebant Moyse ita & hi resistunt veritati, homines corrupti mente & reprobi circa fidem & ultra non proficient &c: Ex quibus verbis colligimus inprimis, quod nonnulli homines in ultimis hisce diebus adeo suæ propriæ doctrinæ, hoc est, Philosophiæ mundanæ, in qua sunt ab initio instituti, erunt addicti, ut quicquid synceræ veritatis ipsis fuerit oblatum, si suis intentionibus & rudimentis videatur adversum, cum derisione & contemptu respicient. Secundò in sufficientiam doctrinæ & Philosophiæ illius, quam amplectuntur, exprimere videtur: Nam dicit, quod sint semper discentes & nunquam ad veritatem seu perfectionem pervenientes. Hoc est, nunquam pertinentes ad supremam illam virtutem & potestatem, quam vera sapientia suis discipulis promittit. Tertiò videtur, quod intelligit mundanam philosophiam per exempla illa, quæ facit de Iamnes & Mambres, quæ in præstigijs Ægyptiorum philosophia & sapientia humana erant admodum versati, cujus virtute nihilominus veræ Moysis Sapientiæ resistere hæud potuerunt. Ac denique intimare videtur, quod ipsi, qui tam firmiter ad hærent sapientiæ spurie sint ab ea corrupti & inquinati in imaginationibus suis, ita ut cogantur errare in punctis fidei. Quare non erit mirum, si Christiana hæc mea admonitio sit à pluribus istius farinae hominibus rejecta & in contemptu habita, licet sat sciam, nonnullos esse, qui veritatis virtute moderantur, & ob eam

## SECTIONIS PRIMÆ LIB. II.

rationē errores philosophiæ Aristotelis ab infallibili sacre scripturæ veritate distinguere & iudicia sua tam recte & sincere disponere queant, ut sacrosancta unius sa-

pienitiæ dignitas nullum ab Ethnicis & non sanctificatis alterius actionibus & asseverationibus patiatur detrimentum.

### CAPVT. VII.

*In quo Deus noster omnipotens Ichova spuriam huius mundi sapientiam & sapientes sive philosophos in questionem pro falsa & erronea eorum, de causis rerum mundi existentia, & originis ac tandem de Meteororum ortu, doctrina, vocare videtur.*

**N**on erat pro nihilo, quod Aristoteles à Græcis Cacodæmon, quasi spiritus malignus & seducens nuncupetur. Quippe qui subtilibus suis inventionibus & sophismatibus, mundum, non modò in illo seculo, sed etiam in seculis sequentibus decepit, & quasi igne quodam fatuo per semitas erroris & ignorantia à via veritatis seduxit. Nam sophista hic rationibus suis fallacibus magis, quam probabilitatis, veritatisque facie ob ductis, fingit res illas accidentia esse & fortuito sive Casu ortas, quæ revera sunt de supra & per consequens essentialiter & divinitus à spiritu sacrosancto partæ. Etiam juxta ipsius doctrinam, cælum, terram, stellæ atque elementa fuerunt ab æterno & non creata: atque istam suam assertionem videtur rationibus è fictæ suæ philosophiæ pharethra & inventionibus à proprio cerebro de promptis, statuminare: dicendo, quod ex nihilo nihil fiat. Porro etiam rationem reddit humanam vitæ & motus, & assignat limites mari, suo more: & fingit rerum omnium causas secundum phantasiam suam, proque placito suo assignat occasionem generationis & corruptionis rerum. De prima materia & rerum forma naturalium facit, mentionem, internas earum essentias penitus suo sensu, tametsi ignoret, causas nivis, Gelu, Glaciei, grandinis, pluviae, nubium, nebularum, fulgurum &c: nos irrationabiliter satis & per conjecturam solam docere conatur, dicendo, quod more adventitio ex vaporibus & exhalationibus sursum calore Solis & Stellarum ex terra & aqua extractis & in mediam aëris regionem attractis ab accidentali loci illius frigore condensatis, & in tales formas quas habent reductis generentur. Multas ex propria inventionem producit substantias probationesque debiles, quibus ostendit se in talibus suis opinionibus minimè esse deceptum, adducit etiam, ventos fortè fortuna & per accidens fieri, nimirum attractione & elevatione exhalationum calidarum & siccarum virtute prædictorum agentium, dicitque, quod illæ exhalationes postquam in ascendendo ad mediam aëris regionem pertingant, à loci illius frigore deorsum iterum pellantur & rum postea in ipsarum, descensu alijs exhalationibus ascendentibus occurrant, cogantur lateraliter rende-

re. Præsumit etiam vir iste nimiam philantiæ elatus tonitruorum & fulminum, causas intelligere, ipsa etiam per accidens pariter cum cæteris fieri existimans, videlicet à concursu vaporum exhalationibus mixtorum cum infinitis alijs istiusmodi figmentis frivolis & vix verisimilibus: quas omnes verbis mellifluis & subtilibus sed planè externis & superficialibus probabilitatibus loco realis & centralis ipsius veritatis aspectus, obvelavit.

Sed omnipotens Deus cœli & terræ, qui est solus horum omnium author & operator, & ea omnia immediatè format per potestatem & virtutem suam æternam, & ipsa ex thesauris suis ubi & quando placuerit, emittit. Ipse (niquam) qui est summus humanarum actionum iudex, istum mendaciorum inventorem cum suis affectis illis ipsis verbis deridere videtur, quibus Iobum (ipsum ob erroneas suas imaginationes objurgando) est allocutus. Quis est iste involvens sententias sermonibus imperitis? Accinge sicut vir lumbos tuos: Interrogabo te & responde mihi, ubi eras cum ponerem fundamenta terræ, Indica mihi, si habes sapientiam & intelligentiam. Quis posuit mensuras, ejus, si nosti? Vel quis tendit super eam lineam? Super quo bases illius solidatae sunt? Aut quis demisit lapidem ejus angularem &c: Quid, ô Peripatetice, Fuitne terra æterna & sine principio, ut tu proprio tuo sensu ductus asseverare haud erubescis? Deinde pergit sic. Quis conclusit mare ostijs, quando erumpebat, quasi de vulva procedens? Nunquid apertæ tibi sunt portæ mortis & ostia tenebrosa vidiisti &c. (Quod tu tam temerè ac tanta confidentia ac secundum imaginationis tuæ leges generationis & corruptionis rationē assignas? Nunquid ingressus es thesauros nivis aut thesauros grandinis aspexisti quæ præparavi in tēpus hostis & in diē pugnae? &c: (quod tu secundum inventionē & mentem tuam fingas earū ortus seu generationes esse per accidens, ipsisque principia adventitia assignes) An nosti, ubinam sit via, in qua dividitur exhalatio, quæ spargit ventum super terram &c: Quis dedit vehementissimo imbri cursum & viam sonantis tonitru? Anne actor aliquis accidentalis, qualis est frigus, mediæ aëris regionis condensans vapores in nubes & per antiperistasin accendens

3.  
4.  
5.  
6.

8.  
17.

22.

24.  
25.

28. cendens exhalationes in nube inclusas) ? Quis est pater pluviae aut quis genuit stillas roris ? &c : Anne credis , solis & stellarum calorem vapores sursum attrahentem esse istius negotij , autores & actores , ut tu falso asseverare haud erubescis ? Ex cujus utero egressa est glacies & gelu de coelo
29. quis genuit ? &c : Estne frigiditas mediae aeris regionis , ut tu dicis ? Nunquid conjungere valebis micantes stellas Plejadas , argyrum arcturi poreris dissipare ? Nunquid producis Luciferum in tempore suo & vesperum super filios terrae confurgere facies ? Nunquid nosti ordinem coeli ? Et pones rationem ejus in terra ? &c : Et quare non ? Num tu per Philosophiam tuam peripateticam causas omnium rerum tam coelestium , quam terrestrium intelligere profiteris ? At ille , qui cognoscit rerum omnium mysteria mirabilia praestare potest : Nam hac ratione servus meus Iosuah fecit solem in coelo sive stare : & pro amore Hezekiae Spiritus meus fecit solem retro movere in coelo. Nunquid ista mediante tua sapientia potes praestare ? Nunquid elevaris in nebula vocem tuam ut impetus aquarum operiat te ? Nunquid mittes fulgura & ibunt & revertentia tibi dicent , adsumus &c : ? Si bafes & fundamenta tuae Philosophiae sint essentialia & substantialia , haec omnia & longe majora efficere poteris : Nam viri nonnulli à me electi mediante spiritu meo haec omnia praetiterunt : Verbi gratia potest longam à pluvia abstinentiam , Elias apparere fecit nubes in coelo , quibus terra nimis sicca erat irrigata : Et Propheta meus Moyses & Samuel illa ipsa virtute produxerunt Tonitrua & fulmina horrenda in terrorem inimicorum. Elias vocavit ignem ab alto & Iosua grandines stupendas) quis posuit in visceribus hominis sapientiam , aut quis dedit cordi intelligen-  
tiam. Et tamen ausus es tu , frivolus & vanis tuae inventionis effectibus fretus , quae fundatur super hujus mundi elementis , & non super meo spiritu , qui est vera sapientia , opera mea , quae sum unicus & solus omnium rerum creator & genitor creatu-

ris meis ; imò verò & Chimæorum accidentium operationibus ascribere. Nunquid qui contendit cum Deo tam facile conquiescit ? In haec verba magnus Deus <sup>Iob. 39. 32.</sup> Iehova videtur Aristotelem & ejusdem farinae philosophos esse allocutus , qui nimium suis proprijs conceptibus elati tantâ audaciâ & temeritate super suam sapientiam terrenam & animalē praesumunt , ut etiam ipsi veritati à Deo ortae contradicere & resistere audeant. Opto igitur ex profundo cordis mei , ut philosophi isti mundani se ipsos ab humana illa Ethnicorum sapientia declinantes , humiliter ad veram sapientiam & philosophiam convertant , quae fundatur super eam : Nam in ita faciendo se coram solo coeli & terrae creatore humiliabunt , & cum viro tam patiente quam poenitente respondebunt Iehovae dicentes : Ecce contemptibiles sumus , quid respondimus tibi ? Manus nostras imposuimus <sup>Iob. 39. 34. Iob. 42. 2.</sup> oribus nostris : Scimus quod omnia potes , & nulla te latet cogitatio , idè insipienter locuti sumus , & quae ultra modum excederent scientiam nostram , ipsi nos reprehendimus & agimus poenitentiam in favilla & cinere : Agnoscendo jam , nullam esse veram sapientiam , praeterquam illam , quae à te est , qui es luminis Pater , cujus virtute mirabilia , operaris. Quapropter fatemur , quod sapientia hujus mundi sit mera stultitia , & quod tales mundani , qui se ei addicunt , decipiantur , quatenus divinam sapientiam , Christum Iesum negligunt , in quo est Thesaurus scientiae & sapientiae absconditus , ut nos docet Apostolus.

Atque ita vobis sapientiae duplicitatem cum varijs ipsius effectibus , & per consequens naturalis philosophiae duplicem expressimus , & docuimus rationem , qua Christiani omnes boni (contra istius aetatis nostrae consuetudinem) debeant unam cum suprema reverentia amplecti ; aliam verò magna cum prudentia evitare atque effugere. Iam verò libro isto sequenti principia Moysaica proponam , quibus integra philosophiae sacrae fabrica statuminatur.

# SECTIONIS PRIMÆ LIB. III.

*Philosophiæ Moyſaica liber tertius, in quo veræ Philoſophiæ principia enucleantur.*

Argumentum libri.

In libro præſenti author vera & eſſentialia divinæ philoſophiæ principia generaliter pertractat, & quàm inconstantes & differentes philoſophi Ethnici in ſuis de rerum omnium principijs opinionibus fuerint, particulariter exprimit, ubi etiam probat quòd Græcorum Philoſophorum ſeu Naturaliſtarum præſtantes ſuæ philoſophiæ fundamenta ſeu principia à vero & ſacro philoſopho Moyſe more ſurreptitio acceperint; cujus philoſophia digito Dei erat impreſſa ſive delineata, utpote cujus characteres ignei in tenebroſa hyla per verbum divinum ſeu ſapientiam æternam erant quaſi ſculpti & depicti: ſimulque oſtendit, quòd, tametſi philoſophi iſti Athenienſes, hæc Moyſis principia ad ſuam condendam philoſophiam uſurpârint, & ſibi iſſis ferè vendicaverint, & ut immanem iſtiusmodi ſuam rapinam à mundo tegerent, nova iſſis nomina impoſuerint, tamen quia nec ad profundam & centralem iſſorum intellectum penetrare ſive pertingere, nec ſapientiæ ſanctæ ſeu verbi myſterium rectè & cum iudicio maturo concipere & apprehendere potuerunt, ideò non niſi adulterinam ſuper male cognita illa fundamenta ſeu principia ſtructuram ſive philoſophiam erexerunt: vanam nimirum & fallacem ſapientiam mundanam, quæ non ex eſſentiali veritatis & virtutis ſcopulo ſeu rupe exſcienditur, nec Chriſto unico Lapidi Angulari innititur, ſed ex traditione hominum procedit & ſecundum hujus mundi Elementa effingitur: Haud aliter, quam ſi arcem ex ſtramine utcunque ſuper ſcopulum ædificatam, ventis undique obnoxiam atque omni turbine & tempeſtate agitaram vidimus. Poſt hæc author vera principia Moyſaica explicat, eſſe Tenebras, Aquas, & Lucem. Deinde docet, quòd omnis plenitudo & vacuitas conſiſtat in præſentia vel abſentia lucidi & formalis Dei Spiritus. Ac denique quomodo duæ proprietates activæ, ſcilicet Frigidum & calidum immediatè ex prædictis principijs, nempe tenebris & Luce oriuntur, ut è regione duæ naturæ mundi paſſivæ, nimirum Humidum & ſiccum, ſuas à dictis duabus activis origines videntur ſibi vendicare.

## CAPVT. I.

*In quo Philoſophorum Græcorum atque Arabum in ſuis de principijs naturalibus incertitudo atque inconstantia explicatur.*



**E**videns eſt Argumentum, quòd philoſophi Ethnici non eſſent in principijs ſuæ philoſophiæ bene conſirmati, ſed in cauſis ſuæ naturæ primarijs admodum inconstantes & vagabundi: quatenus inter quamlibet eorum ſectam varia & quandoque contraria inſurgebat de rerum primordijs origo. Verbi gratia, Thales Mileſius, qui in ſeptem, Græcorum ſapientum habebatur numero putavit, aquas fuiſſe omnium rerum initium: Sed Anaximines cum ſuis diſcipulis dixit aërem infinitum fuiſſe primam cauſam ſeu ſcaturiginem omni-

um: Et ob iſtam etiam cauſam Anaximander exiſtimavit, aërem iſtum Catholicum fuiſſe Deum: Et alia parte Zoroaſter vult, omnia ſuum ortum habere ab igne & luce: Vt etiam iſſi Pythagorici, qui affirmant, univerſalem eſſe ignem in omnibus & ſuper omnia. Et certè quælibet iſtarum opinionum, ſi rectè & debito modo conſideretur, ad veritatem Moyſaicam appropinquare videbitur: Nam ignis ſive lucis Divinæ ex profundo tenebroſæ abyſſi egredientis virtute & præſentiâ revelatæ & manifeſtatæ ſunt aquæ inviſibiles, quarum ſubtilior portio in vaſtum aëris ſpiritum eſt converſa. Hac ergo de cauſa tam Thales quàm



quàm Anaximines videntur quodammo-  
do in uno eodemque subjecto convenire:  
Verùm enim verò si aliquantulum profun-  
dius in negotium istud penetremus, perci-  
piemus quidem, quòd isti duo philosophi  
non nisi unico solo Principio illo nimirum  
materiali seu passivo insisterent, à quo cœ-  
lum, terra & omnis alia res suam habet  
substantiam sive materialem existentiam:  
E regione verò zoroaster non inconsulté  
aut sine ratione ignem pro primario suo  
rerum omnium principio elegit, utpote  
qui procedebat & in actu apparebat,  
antequam, Aquæ seu natura humida  
fuerunt revelatæ: haud aliter, quàm actio  
passionem seu causa effectum præcedere  
observatur: Et tamen nihilominus videtur  
in eo errasse in ista sua assertione, quòd  
principium activum possit nullo modo re-  
ctè considerari, nisi quatenus relationem  
habeat ad principium aliquod passivum.  
Zeno stoicus videtur cæteris aliquantulum  
cautior, asseverando, quòd substantia ig-  
nis mediante aëre in aquam conversio pri-  
maria esset omnium rerum causa. Verùm  
certiorem adhuc viam tentat Empedocles,  
quàm Zeno, quippe qui pro radicalibus suis  
principijs elegit quatuor Elementa, quo-  
rum duo fecit Agentia & totidem patientia.  
Iamque præcipuus istorum philoso-  
phorum error in prædictis suis opinionibus  
de principijs rerum erat, quòd minimè  
considerabant divinam potentiam seu  
verbum sacrum fuisse majoris antiquitatis,  
quàm aliquod ex prænominatis ipsorum  
principijs: Nam si hoc iudicio maturiori  
intellexissent, confiterentur procul dubio  
rationibus ab æterna rerum unitate seu es-  
sentiali centro prolatis instructi, quòd di-  
vina Lux seu emanatio sancta (quam scrip-  
turæ sacrosancti spiritus titulo nominant)  
esset actualis creaturarum omnium origo  
seu principium, uti nihilominus huic præ-  
cedebat alia proprietas divina in una & ea-  
dem essentia, quæ dicta est potentia Divi-  
na, quæ suum actum seu emanationem præ-  
cedit non aliter, quàm Pater tam respectu  
temporis, quàm ordinis & existentiae: haud  
injuria dicitur, existere ante Filium aut  
creator ante creaturam. Atque hinc ait sa-  
piens: Omnium prior creata est sapientia.  
Nihilominus tamen est certum, quòd non-  
nulli è Græcanicis & Ægyptiacis philoso-  
phis, nimirum Plato & Pythagoras inter  
Græcos, & Hermes Trismegistus ex Ægyp-  
tjjs, aded fuerunt mentibus suis erecti at-  
que exaltrati, idque partim observatione  
doctrinæ prædecessorum suorum & par-  
tim ratione experientiae, quàm in itineri-  
bus & peregrinationibus suis longis tam à  
sapientibus Æthiopiæ & Ægypti, quàm  
Hebræis, Armenicis, Arabibus, Babylonici-  
is atque etiam Indicis acquisiverunt: Nam  
ab authoribus fide dignis accepimus, Pla-  
tonem, Pythagoram, Hippocratem & alios  
per istas regiones fecisse itinera, ut scien-

tiam & cognitionem suam augerent &  
multiplicarent: Quod sine dubio decer-  
nerent, tametsi de longè & quasi in nebu-  
la verum lumen natura humida quasi vesti-  
mento indutum: & inter alios traditur, de  
Platone, atque etiam hoc idem ex nonnul-  
lis ipsius scriptis est eliciendum planè, quòd  
ipse notitiam ac visionem habuisset Dei  
verbo, & quòd libros Moysis legisset, &  
quòd admodum profundè in mysterijs di-  
vinitatis esset versatus; quare ab ipsis Chri-  
stianis Divinus vocatur. Simili etiam mo-  
do philosophus ille insignis Mercurius  
Trismegistus per scripta sua Divina argue-  
re videtur se Libros Moysis perlegisse at-  
que etiam in arcanis Dei secretis in spe-  
ctionem haud minimam habuisse, quem-  
admodum ex sermonibus ipsius profundis  
sub Pimandri nomine editis colligere fas  
est, quippe in quibus videtur sanctam Tri-  
nitatem agnoscere, atque etiam rationem  
creationis mundi & Elementorum more  
Moysaico ibidem apprehendere, quam fa-  
tetur esse per verbum Dei factam & com-  
pletam. Quare hisce duobus inter omnes  
alios philosophos mihi liceat Divinitatis  
portionem ascribere. In hoc tamen unico  
possum neque Trismegistum neque Plato-  
nem commendare, videlicet, quòd post  
Moysaicarum librorum lectionem, quo-  
rum subjectum Spiritus Divinus Moyse di-  
ctavit tametsi doctrinam & veritatem,  
quam ex ipsis de principijs rerum extraxe-  
runt, professi sint; tamen noluerunt magi-  
strum suum in suis scriptis agnoscere, sed  
principia ipsius mutatis eorum nominibus  
sibi suisque philosophis usurparunt. Verùm  
ut Plato cum suo magistro Moyse inhu-  
maniter & ingratis hac in re ageret, ita  
quidem & ipse eodem planè modo à disci-  
pulo suo Aristotele duriter erat tractatus,  
ut pote qui percipiens, quod tria Moysis  
principia à magistro suo Platone essent sub  
novis titulis velata & occultata, ut pro pro-  
prijs suis haberentur, etiam ipse imitando  
magistrum suum, ipsum eodem nummo  
perfolvendo nomina & titulos principio-  
rum Platoniorum novo fuce obvelando  
alteravit & sibi ipsi tandem vendicavit, ut  
super ea philosophiam noviter à se inven-  
tam conderet. Quibus videre licet, quam  
malè & haud securè philosophia ab huma-  
na traditione parta, fundamentis bonis sit  
statuminata: Haud aliter, quàm si domus  
straminea vel ex re alia fragili & non dura-  
bili constructa, esset super scopulū durum  
ædificata, quæ nihilominus respectu infir-  
mitatis & imperfectionis rei, ex qua est  
fabricata, non potest esse diuturna, quate-  
nus ejus materia est ad substantiam soli-  
dam suæ basis heterogenea & per conse-  
quens malè compacta & cuilibet vento  
aut turbini obnoxia: Haud secus ac tam  
spuria & heterogenea, viliter disposita est  
philosophia istius Aristotelicæ structura  
respectu principiorum illorum essentiali,



# SECTIONIS PRIMÆ LIB. III.

1. Cor. 3. 4. 10.

super quæ superædificatur, ut vel minimum quidem veritatis seu sapientiæ sinceræ flatum perdurare nequeat, sed facile corruet & in nihilum redigetur: Nonne videtur Apostolus hoc idem ex istis innuere: fundamentum, ait, nem potest ponere, præter id, quod positum est, quod est Christus Iesus. Si quis autē superædificet super fundamentū hoc, aurum, argentum, lapides pretiosos, fœnum, stipulā, uniuscujusque opus manifestum erit: dies enim Domini declarabit, quia in igne revelabitur, & uniuscujusque opus, quale sit, ignis probabit. Hisce ergo quilibet sagax Christianus animadvertere potest, quomodo philosophi Ethnicorum peritiores & majoris inter mundanos æstimationis principia sua ex scriptis Moysaïcis acceperint vel rectius surripuerint, quatenus ea sibi ipsis usurpantes magistrum suum Moysen in scriptis suis minimè agnoverunt, qui totam suam doctrinam & scientiam spiritui Divino tribuit sive arrogavit, & ejusdem principia seu fundamenta more præctico ex apparitione Dei super montem Sinai expressit: Nam super horum principiorum bases (trium, dico, unius essentia) philosophi veri & mystici vel, si mavultis, Theosophi pij annuntiaverunt, quod Lex tam externa seu Moysaïca, quam interna sive illa Iesu Christi essent ædificatæ, quæ quidem ad aures Aristotelis & ipsius pedissequarum Ethnicorum nunquam pervenerunt, utcunque videantur sua sapientia periti. Nam si legum istarum mysteria intellexissent, tunc procul dubio super Lapidem istum angularem debito & non incongruo more subjectum philosophiæ suæ erexissent, & per consequens idoneos suæ sapientiæ fructus collegissent: Et quamvis à magistro suo diviniore essent instructi, tamen ex ipsorum scriptis apparet, ipsos in centrali rerum veritate fuisse rudes, ignaros atque incultos. Quare mera erat in Aristotele stultitia, qui pro philosophorum facile principe à mundanis habebatur & magnificabatur. Privationem efficere, seu potius effingere, ubi nullum erat alicujus præcedentis positionis seu informationis vestigium, idque præsertim, cum esset chaos, antequam ulla res erat explicitè producta. Sed non est mirum, cum ipse opinatus sit, mundum omnesque in eo species fuisse ab æterno, hoc est, sine principio & fine: Quod quidem si ita esset, non nisi veritatem protulisset, dicendo, quod tenebrosa abyssus seu chaos respectu suæ existentiaæ sine forma, esset privatio alicujus actus, aut actualis præ existentis materiaæ, sed quod hoc sit falsum, concentus, sacrarum literarum confirmat, quatenus in ijs legimus, quod Deus creaverit mundum à materia sine forma sive informi. Et quod cœlum & terra esset prius de aqua & per aquam consistens Dei verbo. Et quod uterque primarius, ex quo aquæ erant extractæ (quæ erant massa illa materialis, ex qua res

5. p. 11. 18.

2. Pet. 3. 5.

Gen. 1.

omnes sunt conflatae esset informis abyssus, sive Chaos sine forma: & quod per consequens initium suæ informationis haberet à Patre lucis Essentialissimæ omnia vivificantis & informantis.

Sed ut vobis furtum horum philosophorum egregium possimus directius & magis specialiter indicare, sciatis, velim, illud principium, quod Moyses vocat tenebras seu tenebrosam abyssum sive Principium potentiale, quatenus nondum in actum reducebatur, Aristoteles vocat materiam suam primam, quam dicit esse aliquid solummodo in potentia, quoniam nondum in formatur: Atque iterum videtur illud vocare privationem, sed inconsultè satis, quatenus nulla præcedebat materia primæ positionis sive informatio. Ex altera parte Plato videtur hoc principium vocare suam hylē seu hylam, quæ pro nihilo habetur: quatenus est invisibile & informe quid: atque etiam alibi comparat id corpori obscuro respectu suæ animæ & spiritus. Mercurius Trismegistus illud umbram vocat horrendam, quæ nihil erat, nec appareret, priusquam lux divina è tenebris effulset. Pythagoras facit illum suam Unitatem Symbolicam: Nam in hoc statu potentia divina ad nihil respicit, præterquam ad se ipsam: Hippocrates ipsum vocat Chaos informe: Ad secundum principium, quod spectat, est illud passivum unicum initium, ex quo materialis omnium rerum existentia suum ortum habuit, quod Moyses nomine aquarum insignivit: At Aristoteles mutando & abscondendo rem, materiam secundam nuncupat, quoniam ex primæ materiaæ visceribus orta est. Plato autem illud vocat principium, Spiritum: ut & Hermes seu Mercurius Trismegistus naturam humidam: Et Hippocrates cum Anaximene vastum & immensum hujusmundi aërem: Pythagoras Symbolicè illud per numerum Binarium seu dualitatis indigitat, utpote, qui est indicium imperfectionis: Nam videtur indicare imperfectam materiaæ per se & in se conditionem, nimirum si ab actu divino non informetur, & ob istam rationem numerus Ternarius ab omnibus sapientibus tam philosophis quam Theosophis & Cabalisticis pro radice omnium numerorum perfectorum habetur: Denique illud vivificans & omnia animans principium, quod Moyses vocat Lucem, quæ est purus actus immediate à Ruah-Elohim emanans & ab ipso minimè divisus, Aristoteles sine alia agnitione facit suum principium formale: Plato illud vocat Actum seu Animam mundi: & Pythagoras Symbolicè seu Hieroglyphicè per numerum ternarium: Hippocrates id pro immortali calido accipit, quod cum omnia in principio à litigio essent perturbata, in supremā regionem evolavit, quam veteres æthera dixerunt. Nonne est ergo illud insignis quædam rapina literaria species inter electos ex

Pimand. I.

ctos ex philosophis Ethnicis illa falsò sibi mutatis nominibus ascribere , quæ erant prophetæ sancto Moyse à spiritu & quasi per digitum Dei descripta atque revelata; idque præcipue , non modo ut se in oculis gentilium sed etiam Christianorum redderent magnos & eminentes? Et tamen non possum quodammodo non excusare Platonem , & Hermetem cum hi ambo videntur, idque expressè cum Magistro suo Moyse in eo convenire : Videlicet , quòd materia , ex qua coeli & terra essent creati, esset natura humida , seu spiritus universalis madidus , & quod interna illa forma seu actus , qui illum in varieformem disposuit figuram & effigiem, esset verbum divinum, quemadmodum in operibus tam Platonis, quam Hermetis Trismegisti sat liquidò declaratur. Verùm inter reliquos nimis altè & super imaginationis & inventionis suæ pennas est sublimatus Aristoteles. Quippe qui mundanæ suæ sapiëntiæ seu philosophiæ super formam principiorum Moysaicorum merè typicam seu symbolicam & non realem posuit: Hinc inde cogitando, ut hac ratione sibi nomen & famam exquisitè docti & absolute sapiëntis inter mundanos acquireret: Tamen in conclusione longè aliter appareat in oculis Dei & electorum; imò verò omnium piorum qui sibi constant , quippe qui actus & essentielles particulares actiones solummodò que ad Deum pertinet ascribit creaturis: Imò verò pertinacià & confidentia ductus, nescio qua, affirmare haud erubescit , quòd res naturales essentialiter sine immediato Dei actu per se agant : Cùm bonis Christianis liquet & ubique in sacra scriptura confirmatur, quod Deus operetur omnia in omnibus, idque immediatè (uti nobis videtur Apostolus cùm integra sacri Biblij harmonia intimare.) Atque hæc est ratio quòd mundus non assignat Deo soli rerù omniù creatori ( uti par est ) cujusslibet in isto mundo actionis gloriam, sed potius naturæ creatæ, nimirù aut Angelis, aut stellis, aut Elementis, aut Meteoris , aut creaturis compositis : Quæ omnes à spiritu seu verbo Dei sunt factæ & sustentatæ atque in suo esse præservatæ. Hinc inde ergo multiplicis Idololatriæ origo , videlicet venerationis solis , Lunæ & stellarum & sacrificiorum atque oblationum Idolis , dijsque falsis & dæmonibus deludentibus. Hinc impia Isidis & Osyridis veneratio , falsa- que Saturni , Iovis , Martis, veneris & Mercurij adoratio. Hinc immolationes & holo causta profana ad cælum , vestam , Cererem , Proserpinam. Vulcanum , Plutonem & Neptunum , & permulti alij in mundo errores & abusus absurdij , quibus viri ignari à vera omnipotentis Dei & Spiritus ejusdem cognitione divertuntur : Vti infra ostendetur clarius , & tamen Apostolus nullos ex istis in mundo aut actionum effectus agnoscere

videtur : Vnde ait : Dij sunt , qui dicuntur, sive in coelo , sive in terra : Nobis tamen unus Deus Pater , à quo omnia , & nos in illo , & unus Dominus, Christus Iesus, per quem omnia & nos per ipsum &c. Quibus asseverare videtur , quòd neque Angeli, neque dæmones sive intelligentiæ, neque stellæ neque creaturæ reliquæ , quibus, quasi Dijs, delusione Diaboli & seductione hominù ignari mundani oblationes offerunt , in oculis Christianorum possunt per se aliquid agere , sed ait, omnia & consequenter actiones creaturarum istarum sunt à Deo & immediatè in actum reducuntur per Iesum Christum Dominum nostrum ubique immediatè operantem, quippe qui est centrum cujusslibet rei , cujus circumferentia est nullibi ; vel , ut alij habent, est centrum & circumferentia, vel, ut Apostolus , omnia in omnibus. Hic est verus lapis ille Angularis , qui sustentat fabricam cujusslibet creaturæ quam fecit, sine quo lapide fundamentalis omnia in nihilum rediguntur. Est ergo actus omnium à Deo & illius executio fit per verbum seu spiritum divinum Iesum Christum : & illum actum edere solet ille Spiritus per infinita mundi organa , quæ creavit. Finaliter Deus agit per suum verbum in creatura quasi mediante organo , quicquid vult , ubi & quando ei placuerit. Sed ad propositum : Nam de hoc alibi latius. Hæc ipsa doctrina spuria inventionem hominis subtilis parta, est in causa , quòd mundus in verbi divini cognitione erraverit , quatenus operationes & proprietates Divini Spiritus in creaturis ratione suæ ignorantia non perceperit: Imò quidè nonnulli ex philosophis Christianis ratione hujus debitam in creaturæ tam visibilis quam invisibilis arcanis, & divinæ Spiritus actionibus neglexerunt inquisitionem : Imò verò tantà obstinaciâ & tam seriò, dico, Christiani, Philosophiæ Aristotelicæ pro hodierno die sunt addicti , ut oculos suos nescio quo furore instigati à vera Meteororum scientia , quæ veræ sapiëntiæ sunt fontes, in scripturis sacris publicata , libenter avertunt , ad incertam & vix probabilem doctrinam Peripateticam se convertant. Atque hæc est ratio , quòd ipsi non agnoscent aut saltem minimè admittent ullam veram Philosophiam meteorologicam posse per Spiritus Sancti documenta in pagina Sancta recordata doceri , sed ea solummodò, quæ ad salutem animæ humanæ exinde spectant posse hauriri credunt : cum nihilominus sit evidens , quòd sint paginæ integræ, tam in libris Moyse, Iobi , Psalmorum , Prophetarum, quam testamenti novi, quæ inprimis Christianos ad veræ Meteorologiæ mysteria enucleanda & ad immediatos in ipsis actores cognoscendos, quo ipsis honorem & reverentiam summam præbeamus, via regia & sine ullo dolo aut fuco invitant,

F

ut hæc

p. 1. 2. &amp; 3

I. Cor. 8. 3.

## SECTIONIS PRIMÆ LIB. III.

ut hac ratione opera mirabilia creatoris tam in cœlis ; quàm in terra admiremur, quæ idèd à mundi origine adhuc usque diem & Præcipuè in mundo isto sublernari mirabiliter mediante suo verbo producit, ut

ex ijs stupendam spiritus sui æterni in creaturis potestatem hominibus declaret : Verùm de istis libro hujus quinto copiosius atque luculentius.

### CAPVT, II:

*Quæ fuerint Principia Moysaica, hoc est omnium rerum primordia: Quomodo ex nihilo essent extracta & producta. Deinde quid per hoc vocabulum N I H I L intelligatur: Ac denique Principium potentiale, quod est tenebrosa abyssus seu Chaos informe, satis efficaciter hoc in loco describitur.*

**P**rinicipia Moysaica sunt plana atque evidentiâ ijs, qui sapienter verba excellentissimi Philosophi Moysis in primo cap. gen. expressa contemplantur : Nam priusquam mentio ulla de spagyrica illa separatione, quæ virtute verbi Dei seu Spiritus, illius divini Elohîm in sex dierum creationis opere erat facta, dictum est, quod tenebræ essent super faciem abyssi, & quod terra esset inanis & vacua. Quibus liquet, quod cœlum & terra nondum essent in actum seu formam essentialem redacta, sed manerent unum quid informe, hoc est, rudis, unica indigestaque moles : Atque ita omnia complicitè erant in unica tenebrosa abyssu comprehensa, quæ quidem erat adhuc explicite nihil. Exempli gratia : videmus, quod magna arbor, cum radice sua, corpore, ramis, folijs & fructu complicitè in nucleo sive semine contineatur: cum vero explicite nihil tale, præterquam in sola imaginatione comperiamus. D. Augustinus comparat istud Moysaicum N I H I L seu quid informe cum sermone aliquo potenciali, qui dum est in sola mente locutoris, videtur ei, qui est auditor, nihil, hoc est, aliquid in sola potentia existit, sed nihil actu. At quando sermo ille viva voce editur, tunc illud, quod erat prius complicitè in animo loquentis, jam explicite ab auditore apprehenditur. Plato illud in hoc Nullitatis statu visioni in somnio comparat, quæ quando homo exsuscitatur à somno, nihil apparet præter imaginationem. Sed, quoniam iste sermo, Deus creavit omnia ex Nihilo, mentes multorum etiam doctissimorum virorum perturbavit, atque in ipsius intellectu, seu sensu gemino ipsos haud parum hæsitare fecit. Mihi propositum est de ipso Nihilo pauca proferre, & quæ nam sit animi mei de eo sententia, hoc in loco breviter explicare.

Inquit Peripateticorum Princeps : Ex Nihilo nihil fit. Docta quidem sententia, axiomatique infallibile in persona tanta eruditione indata, si vocabuli Nihili sensus uno eodemque modo esset semper intelligendus atque interpretandus : Verùm ego bo-

nis & securis statuminatus columnis assero, quod, si aliqui aut præsumptione aliqua aut ignorantia nonnullâ ducti in eam incidunt opinionem, quod in his verbis: Deus creavit omnia ex Nihilo : vocabulum N I H I L V M debeat sumi pro nihilo negativo seu absoluto nihilo illo, quod non cadit sub intellectum, seu capacitatem humanæ rationis, ipsos certiores jam facio, quod huiusmodi Nihili species nunquam pro prima creationis materia esset intellecta aut à sapientia ullo tempore accepta : Nam apparens est tam infallibili sacri Biblij sensu, quàm sincero in Naturæ lumine, quod & materia omnium in ipso Deo & cum Deo unum & idem ab æterno manerent : atque hoc ex divino fonte sic præbabo : Ait Moyses : in Principio Deus creavit cœlum & terram : In quo sermone Principium non est pro negativo Nihilo sumendum: nam scripturæ nos docent verbis satis elucidatis, quod ex ipso & per ipsum & in ipso sunt omnia : Quare si omnia procedant à Deo Creatore, qui omnium Entitatum est summa, sequitur, quod materia cœli & terræ atque etiam Lux omnia in formans non procedant à Negativo Nihilo. Iterum Sapiens : Omnipotens Domine, manus tua creavit orbem terrarum, vel (ut Hieronymus habet) mundum ex materia informi : ut Tremellius interpretatur, vel, ut Hieronimus exponit, ex materia invisa & sine forma. Quare sequitur, quod non esset absolutum aliquod nihil, ex quo mundus erat creatus. Etiam scripturæ alibi: Fide intelligimus, aptata esse sæcula verbo Dei, ut ex visibilibus invisibilia fierent, & consequenter non ex absolutè Nihilo. Præterea si Deus non produxisset & creasset omnia essentialiter ex se ipso, sed ex mero & vano nihilo Negativo, tunc creatio, non pertineret ad Deum, neque ad eum jure referri potest : hoc est, si omnia non fuissent essentialiter in eo, & initiū suū ab ipso accepissent, tunc revera sequeretur, quod omnia non essent ab eo facta, sed suam Essentiam

Gen. I.

Rom. II. 36.

Sap. II. 18.

Hebr. II. 3.

sentiam recipere à Nihilo, neque confisterent in eo, sed in Nihilo: Verum apparet, quod res se habeat longè aliter: Nam creatio est opus Dei, & per consequens non opus & subiectum Nihili absoluti: Ipse est Entitas Entitatum vita omnium viventium, Principium Principiorum, & aquarum omnium fons & scaturigo: Ex quibus coelum & terræ erant creata. Denique nihil venit unquam in existentiam, aut essentiam, habuit in alio, sed ab ipso solo, & per ipsum solum, nec possibile est, ut aliquid existat, sed in ipso solo. Quare concludendum est, quod Deus genuerit, produxerit, fecerit & creaverit nihil, quod non erat æternum in ipso: Quod etiam. Apostolus sic videtur confirmare. In Christo sunt omnia condita sive visibilia sive invisibilia, ipse ante omnes & omnia in ipso constant, Angeli, Throni, Potestates, Dominationes per & in eo sunt creata, qui est Principium: Sed quoniam quæstio ista in Cap. 1. & 2. Libri primi sectionis hujus secundæ planius & clarius discutitur, plura de eo isto in loco non dicam, sed directè ad propositum revertat.

Vt ergo tenebræ Moysaicæ rectè dictantur potentia divina, ita quidem lux illa, quæ ab Ruah-Elohim dum ferebatur, super aquas emicabat, nuncupata est actus divinus, quas duas Cabalisticæ per Aleph tenebrosū & lucidū explicant, uti in locis antea citatis Libri primi sectionis hujus tractatus secundæ Latius declarabitur: Atque hæc de causâ scripturæ alibi affirmant, quod Deus sit omnia in omnibus.

Dico igitur, quod idem, quod intelligitur per tenebrosam abyssum & terram inanem & vacuum Moyse, à Iobo nuncupatur umbra lethalis, ut pote quæ est forma & vitâ destituta. In quo etiam sensu alibi dicit: A quilonem extendit Deus super inane & vacuum & suspendit terram super Nihilum. Quibus videre licet, quod non esset Negativum Nihilum, sed materia quædam in potentia ad actum, quæ erat ad huc omni formâ destituta. At forma dat nomen & esse. Vnde sequitur, quod cum prima ista materia esset in formis, haud immeritò Nihilum est dictata, quatenus neque nomine, neque existentia aliquâ essentiali erat prædita: Erat enim solummodò aliquid in potentia, & per consequens in actu nihil. Atque ob istam rationem dicitur à Trismegisto Potentia divina. Atque iterum dicit, quod in instanti seu momento apparitionis luminis appareret in forma Vmbræ horrendæ: Preterea ut Moyse dixit. Tenebræ fuerunt super faciem Abyssii. Ita Hermes alibi: Erat umbra infinita in abyssu, aqua insuper & spiritus tenuis intellectualis per divinam potentiam Chaos inerant &c: Quo suo sermone videtur cum Moyse exactè convenire. Iam verò, quod aquæ atque Spiritus igneus complicitè in

chaos seu tenebrosa abyssu continerentur; apparet per præsentiam aquarum, super quas Ruah-Elohim seu Spiritus Domini ferebatur, uti infra declarabitur. Ita, ut per ista testimonia decerne repossimus, quid primum rerum omnium principium materiale sive potentialis existentia esset, nimirum Tenebrosa abyssus. Terra vacua & inanis Moyse. Nihilum, inane vacuum, & umbra lethalis Iobi. Materia invisa & informis Salomonis. Potentia divina ante omnia creata Esdræ, quæ erat fons & initium omnium. Umbra horrenda & infinita in abyssu & potentia divina Hermetis seu Mercurij Trismegisti. Aleph tenebrosum Cabalistarum, & ut verbo dicam, erat mysticus & complicitus ille numerus omnium, qui ab odore Abbate dicitur esse principale in animo conditoris condendorum exemplar. Ita, ut omnes res essent complicitè in potentia divina, priusquam Monas æterna suam ad mundi creationem emisisset monadem seu spiritum omnia informantem: At activa Spiritus istius emissi virtute omnia ab occulta & complicita conditione in naturam & existentiam explicitam sunt redacta. Quod etiam Hermes arguit in istis: Cantabone laudes tuas in ijs, quæ in lucem è tenebris eruiisti? An in ijs, quæ latent ad huc arcano sinu reconditi? Quia ejus hymni particula arguit, quod tam ea, quæ invisibilia sunt & in obscuro Chaos, sed complicitè comprehensa, quam ea, quæ sunt manifesta, existant unum & idem in oculis abstractæ & incomprehensibilis unitatis, qui est Deus & Dominus tam eorem, quæ videntur in debili nostra capacitate, non existere & pro Nihilo haberi, quam illorum, quæ nobis per Spiritum ejus sunt revelata & sensibus nostris perspicua redduntur. Quare Propheta ait: Tenebræ sunt ei, sicut ipsa lux. Ac si dixisset: Omnia sunt coram Deo non nisi unum, qui semper est unum & idem, in quo omnia arcana quasi in Creatoris sinu sunt recondita: Vt Hermes in Textu antea citato ait: Quod etiam totum satis eleganter in locosequenti describit: Principio, inquit, cuncta dependent, Principium ex uno solo & Principium movetur, ut rursus extet Principium, ipsum tamen unum præstat, nec recedit ab unitate. Plura non dicam hoc in loco de isto Principio. Quoniâ in libro & capitibus secundæ sectionis antea citatis, plenior de eo feci mentionem: Descendam ergo jam ad Principium Moysaicum secundum, materiam scilicet secundam, quæ est aqua ab utero litigioso ipsius Chaos seu Tenebrosæ Abyssii parta & revelata: Quæ juxta Doctrinam Prophetæ Moyse & Apostoli Petri, erat communis illa materia, sive substantia, ex qua coelum & terra & per consequens totus mundus & omnia, quæ sunt in eo suam habuissent existentiam.

Gen. 1.  
Job. 12. 22.  
Sap. 11. 18.

4. Esdras 6.

Pim. 2.  
Reuelin. lib. 3.

Odo. abb. lib.  
de num. Ter-  
nario.

Pim. 5.

Gal. 1. 38. 11.

# SECTIONIS PRIMÆ LIB. III.

## CAPVT. III.

*De fructu seu principio materiali, quod præsentia spiritus divini è tenebrosa abyssi sinu seu utero*

*Chaos erat prius in mundi creationem.*

*editum, & quomodo substantia-*

*lis mundi machina ex ipso*

*sit fabricata.*

**O**Mnia ergo in principio complicitè in divina potentia comprehendebantur (uti est demonstratum) quæ respectu humanæ capacitatis erat informis, inanis & vacua, quatenus in una informi & invisibili aquarum massa continebatur, quæ ob istam rationem Elementorum Mater & semen omnium erat dictitata: Quemadmodum videmus quòd tota planta seu arbor in parvulo deformi semine seu nucleo includitur, & nullo modo per rationem seu sensum hominis apprehendi potest, priusquam explicitè è terræ superficie appareat. Ita etiam aqua primordialis erat invisibilis & sine forma & figura, ut pote tenebris deformibus obvelata: Nam tenebræ fuerunt super faciem abyssi, quæ dicebatur Materia prima, quæ nullum in se actum formalem à capto humano considerandum possidebat, & hanc ob causam in sola potentia extitisse dicebatur. Quidā ergo philosophus profundus, & in mysticis creationis operibus admodū versatus in hæc verba loquitur. Prima materia, ex qua aquæ egrediebantur, erat Nihil, ex quo extracta est materia aquarum, sed hoc non debet intelligi secundum intellectum seu sensum humanum, scilicet, quòd Deus creaverit aquas ex nihilo & tamen verba illa à scripturis sunt rectè prolata, quoniam in principio Nihil erat visibile. Sed si sapientes voluerint mentes suas super captum vulgarem elevare, ut aquarum originem per speculationem debitam inveniant, tunc quidē negare voluissent, quòd ante aquarum creationem esset quædam materia in supremo mysterio sive potentia divina sive Tenebrosa & informi abyssu, quæ erat Catholica seu universalis arca Dei Thesauraria, ex qua aquæ in creatione emanarunt. Atque hoc ex multis Biblij Hebræorum locis confirmatur: Nam Apostolus Paulus loco antè citato ait: Fide intelligimus apta est secula verbo Dei, ut ex invisibilibus visibilia fierent: Unde patet, quòd res, quæ erant visibiles, fuerint originaliter ex rebus in visibilibus factæ. Ex quibus manifestum est, quòd res quæ cadunt sub sensum humanum, non apparerent primordialiter sensui & per consequens assumabantur in iudicio nostro, at si non essent. Iterum ille alibi: Deus elegit ea, quæ non sunt, ut ea, quæ sunt destrueret. Hinc etiam ait egregius ille cabalista Reuchlinus ex con-

sensu aliorum: Scribitur, inquit, in libro Batur: Nihil est principium, nisi sapientia, & hæc est infinitudo ipsa trium summarum Cabalisticæ arboris numerationum, quas vos tres in divinis Personis appellare consuevistis, quæ est absolutissima Essentia, quæ cum sit in abyssu tenebrarum retracta & immanens otiosaque, vel (ut ajunt) ad nihil respiciens **???** id est, Nihil, sive non. Ens ac non finis, quia nos tam tenui erga res divinas ingenij paupertate multati, de ijs, quæ non apparent, haud secus ac de ijs, quæ non sunt, iudicamus. At ubi se ista ostenderit, ut sit aliquid & revera subsistat, tum Aleph Tenebrosus in Aleph Lucidus convertitur: Scriptum enim est, sicut Tenebræ ejus, ita lux ejus. Hæc ille. Patet ergo, quòd tamen tenebræ & invisibilitas appareant sensibus nostris esse Nihil, in respectu eorum, quæ mediante luce videmus: Tamen sunt omnia realia & Essentialia coram Deo. Quare illud **NIHIL**, seu vacuum deforme respectu imbecillitatis & capacitatis nostræ, ex quo Aquæ (quæ sunt materiale omnium rerum principium, fuerunt imaginaliter extractæ) videtur materialis existentia ei, in cuius potentia divina reservabatur, quoniam nihil potest esse in Deo, quod non est essentialis realitas, aut aliquid existens, ut ex ipso per ipsum & in ipso sunt omnia, uti à Textu sacro docemur. Quare tam matrix rerum tenebrosa, seu aquarum uterus deformis, quàm infans aqueus, seu Natura humida, quæ paulatim à Tenebrosa Abyssu seu chaos deformi virtute verbi seu Spiritus **ELOHIM** scaturiebat, fuerunt realiter in Deo, antequàm comparuerint, hæc est, in Potentia omnipotentis permanserunt & in voluntatis ejus dispositione hæc aliter existerent, quam omnium rerum condendarum numerus fuit primus in animo Conditoris. Quòd autem mundus ex materia hujusmodi sine forma esset primitus creatus, testantur hæc sapientis verba antè relata: Omnipotens, manus tua creavit mundum ex materia informi (juxta Tremellij translationem: vel (ut Hieronymus interpretatur) ex materia invisa. Quare sat liquido constat, quòd illud Vocabulum Nihilum capiebatur pro materia informi, & per consequens erat sine nomine & essentia, cum forma, dare soleat nomen & esse: Vel pro re

Reuchlin lib. 3.  
De Art. Cap.

Rom. 11. 22.

Hebr. 11. 3.

1. Cor. 28.

Sep. 11. 184

pro re invisibili, quæ non videtur esse idem, quoniam non apparet sensui. Iam verò, quodd generalis ista materia essent Aquæ, quas præsentia spiritus Elohim modo generali informavit & in actum redegit, ipsis nomen Shamaim imponendo, & quodd essent primordiale principium materiale, ex qua mundi existentia, hæud aliter, quam ex rudi & deformi luti massa domus effingitur, Textus Magistri mei Moyſis videtur liquidò confirmare. Primum, quodd facit mentionem de aquis super quas Spiritus Domini ferebatur, idque immediate post nominationem abyſſi Tenebroſæ, & Terræ inanis & vacuæ; hocque præcipue priusquam ulla creatura erat explicitè formata, & antequam Spagyrica primi Diei separatio esset facta. Quo arguitur perspicue, quodd aquæ essent Principium materiale omnium rerum, cum à Spiritu Elohim essent informatæ seu inactuatæ: Nam nomine proprio Aquarum erant insignitæ ante primi Diei opus. Secundò, quodd esset idem spiritus Elohim, qui partem quasi obstetricis agens, uterum de formem istum suum foetum dare sive edere fecit, ipsique formam, actum, vitamque impertivit. Iterum ex eodem Moyſis Capite addiscimus, quodd aquæ fuerint omnium illarum separationum subiectum, quæ in tempore creationis à spagyrica seu ignea ejusdem Spiritus seu Verbi Dei virtute effecta est. Tertiò, quodd cœli, qui in regione mundi superiore erant dispositi ex puriori, limpidiori & digniori Aquarum portione & regio Elementaris inferior ex grossiori, spissiori, obscuriori, & viliori earum substantia esset conflata: & quodd esset quædam eorum consistentia intermedia Firmamenti nomine insignita, de utroque extremo participans, cujus officium erat, dividere portionem subtiliorem, sive superiorem à grossiori sive inferiori. Tunc infima Aquarum portio

(quàm ego hæud injuriâ Elementum Catholicum voco) in alias distinguitur sphaeras seu orbes, quos mundi literati vocant nomine elementorum, cum rei veritate nihil sint aliud, quàm quadriformis elementi Catholici seu aquarum inferiorum à varie-formi Spiritus Divini afflatu facta alteratio, uti infra latius. Videmus ergo ex præcedentibus, quomodd Spiritus Elohim universam mundi fabricam ex natura ista humida seu Aquis fabricaverit. Quod etiam luculenter ex istis Apostoli probatur: cœli, inquit, erant prius & terra de aqua & per aquam consistens Verbo Dei &c: Sed mundus componitur solummodo ex cœlo & ex terra; quare sequitur, quodd totus mundus fiat respectu ejus materiæ de aqua & per aquam, at quoad ejus formam sive essentiam hanc à Verbo Dei seu Spiritu Elohim habet, qui (ut ait Augustinus) igneam aquis virtutem seu vigorem impertivit. Iam verò cum stellæ æstimantur esse nihil, præter densiores portiones suorum orbium, atque etiam quælibet regni Elementaris creatura ex materia elementari componitur, debet necessariò sequi, quodd tam stellæ firmamenti, quam creaturæ inferioris mundi, sive sint Meteorologicæ, sive mixtionis magis perfectæ, ut sunt Animalia, Vegetabilia & Mineralia suam habeant existentiam ab aquis, quæ, ut in lucem, mediante verbo Dei, ederentur, ita etiam æternum consistunt, & in essentia atque existentia sua sustentur & præservantur, a verbo seu Spiritu æterno Elohim, quemadmodum perspicue vobis in capite sequenti explicabitur.

Venio jam ad principij illius Catholici descriptionem, cujus est dare vitam & esse non modò cuilibet aquarum portioni in genere, sed etiam omni creaturæ ex ipsis conflatae.

## CAPVT. IV.

*Quomodo Catholicum Principium formale, per quod aquæ generales  
& Consequenter cælum & regio Elementaris atque etiam res  
omnes particulares essent factæ, informatæ in actum  
specificum seu essentiam formalem redactæ, atque  
in sua specie à Deo immediate ad hunc usque  
diem præservatæ, ortum seu  
initium suum ducerent.*

**V**Obis in præcedentibus recitavi, quodd doctissimorum Rabinorū seu doctorum Cabalisticorum opinio esset, ipsam sapientiam æternam, quæ est radicalis omnium origo, quando maneret quasi otiosa & sine actione evidenti (ac si esset in tenebrosa

abyſſo retracta) respectu exilis nostræ capacitatis pro Ain hoc est Nihilo seu non Ente & non fine æstimaretur, & tamen istud Ain nobis more mirabili tam postea revelabatur, quatenus emanatio, splendor ve ab ea emissus erat omnia in omnibus &



# SECTIONIS PRIMÆ LIB. III.

tamen extra omnia : Est enim virtus illa, qua mediante universæ aquæ, quæ sunt rerum omnium existentia ē suo fonte seu puteo Tenebroso hauriebantur, rudi nimirum chaos seu abyſſo, vel, ut antea est demonstratum, Catholica radiorum spiritualium, seu igneæ & formalis virtutis emissio, quæ essentiam cuilibet rei impertit: Vnde liquet, quod tam externum sive passivum omnium hujus mundi creaturarum, quam internum earum sive activum ab æterno hoc, quo ad nos, NIHILO ortum seu initium ducunt, quod nihilo minus respectu sui est omnia (ut dictum est) in omnibus, ut pote in cujus oculis Tenebræ & Lux, visibilitas & invisibilitas, atque adeo potentiale nostrum Nihil seu Prima materia & aliquid actuale, sunt unum & idem in essentia sine ulla distinctione aut differentia. Propter hanc causam æterna hæc infinitudo, hoc omne in Omni & supra omnia recte describitur, primum ab Apostolo ac tum à Philosopho Diviniore Hermete hoc modo: Unus Deus Pater omnium (ait D. Paulus) qui super omnes & per omnia & in omnibus. Et Hermes: Deus erat Circulus intellectualis, cujus centrum est omne illud, quod est; circumferentia verò extra omnia. Atque alibi eum vocat locum, in quo mundus continetur: inferendo per hoc illud, quod scripturæ pluribus in locis annuntiaverunt, nimirum; quod impleat omnia & tamen extra omnia in se, in illa eadem Unitatis natura manet, in qua erat ante mundi creationem, quando pro Nihilo secundum Captum nostrum habebatur. Et alibi: Quod omnia in eo sint condita, per eum & in eo creata sunt omnia, omnia in ipso constant, & ipse est in omnibus primatum tenens: Et alibi: Ex ipso, per ipsum & in ipso sunt omnia: Ac ita in multis alijs textus sacri locis. Et quamvis ad mundi constitutionem Divinitas ista æterna è Tenebris effulserit & revelatione abditæ suæ sapientiæ sive Virtutis Essentialis, omnia tam visibilia, quam invisibilia formaliter existere fecerit, atque ita Tenebrosum Cabalistarum Aleph, seu unitas in Aleph lucidum erat conversum: Tamen nihilominus ille idem manet spiritus iste in Se ipso non recedens à limitibus suæ uniformitatis. Sed hoc aperte in mentis humanæ dispositione, quæ est essentialis spiritus divini radius, declaratur: Nam ipsa est perpetuo stabilis & sine alteratione in se: & tametsi ejus proprietas sit, aliquando negativa, seu privativa videlicet, quando petenti non vult dare, in quo statu videtur ejus actus nihil in effectu, sive omittere radios suos positivos; & quandoque affirmativa seu positiva, nimirum cum petenti suam concedit petitionem, sive radios suæ bonitatis emittere sit dignata. Simili planè modò, sive Divina infinitas è tenebris elucescat, quasi à Centro versus circumferentiam, sive radios suos centraliter

& in se contrahat, tamen est ipsa semper una & eadem in se sine ulla ejusdem Identitatis suæ alteratione. Sed venio ad propositum: Apostolus loquendo de æterno isto Christo, dicit, Christus est Dei virtus & Sapientia Dei &c. Er jam vobis dicam, sicut antea per os sapiētis annuntiavi, quid sit ista sapientia divina: Sapientia, ait Salomon, est spiritus intelligentiæ sanctus, qui est vapor virtutis seu potentiæ Dei & fluxus seu emanatio quædam claritatis omnipotentis Dei sincera, candor seu splendor lucis æternæ & speculum sive macula Dei Majestatis & imago bonitatis illius &c. Quibus patet, quod Apostolis & sapiens ille in eodem conveniunt: Atque quod ex consensu utriusque liquet, quod spiritualis Christus, Sapientia, Virtus, Claritas, Candor, splendor & verbum omnipotentis. Iam verò quod spiritus iste esset principale in creatione agens, ex hisce patet: In eo, dicit D. Paulus, omnia sunt creata. Atque iterum: Ex ipso & per ipsum sunt omnia: Et D. Iohannes: Verbo omnia sunt facta & sine eo nihil, in eo erat vita. Et Salomon clarius: Sapientiam possidebat Iehova principio vitæ suæ, ante opera sua, ante ullum tempus, ante principium, ante primordium terræ, cum nulli essent abyſſi, edita erat: cum nulli essent fontes, antequam montes fundati essent: Cū aptaret coelos, ibi erat, cum statueret ambitum in superficie abyſſi, cū fortificaret superiores nubes supernæ, quando ponebat mari statum: cum statueret fundamenta terræ, erat apud eum veluti alumnus, cuncta componens, & erat lætificans & ludens coram eo. Quo orationis filo narrat Apostolus, quod Christus seu verbum seu sapientia, quam vaporem virtutis seu emanationem potentis definivit Salomon: Et Apostolus virtutem & sapientiam Dei, esset ille, qui erat ante omne ævum aut ullum creationis vestigium in occultis cum Deo: Deinde narrat, quod esset principale in mundi creatione agens. Quo bene considerato, sic pergo. Ex prædictis ergo redditur manifestum, quod mutatione formæ & proprietatis principij primi, quod in tenebris erat quasi verbum in principio ab Aleph Tenebroso in Aleph lucidum (quod tunc dictum est fluxus seu emanatio quædam claritatis Omnipotentis) hoc est emissionem istius spiritus æterni, ignis seu Lucis, Aquæ, quæ in visceribus Tenebræ Abyſſi continebantur, fuerunt revelatæ, & ex itatu nihili in conditionem Realis Entitatis redactæ: ac tum postea admirabili ipsius activitate motioneque & penetratione infatigabili (est enim hic Spiritus omni re mobiliior, & attingere ubique potest propter suam subtilitatem & munditiem) Primum tenebras à luce distinguebat & separabat: Deinde Aquas superiores splendidas à grossis & obscuris: Tum postea coelos disposuit in sphaeras seu orbes, ac tum divisit

Eph. 4. 6.  
Afclep. 7.

Ecclef. 1. 16.  
Rom. 12. 22.

Coloss. 1.  
Rom. 11.  
Ioh. 1.  
Prov. 9. a 22.

Sep. 7. 24.



divisit aquas grossas sive Elementum Catholicum sublunare in proprias regiones, quas veteres Elementa nuncuparunt: uti ex verbis primi Capituli geneseos atque etiam ex primo Pimandri Hermetici sermone colligimus. Sed ut de istis magis ad hunc particulariter discurrere queamus, quo gloriosos actus & immortalia opera, quæ ipiritus iste divinus primùm in creatione mundi effecit, & adhuc semper per generationem in specierum præsertatione & assidua Meteororum novorum creatione & sustentatione operatur, observetis velim seriò locos istos ex sacra pagina collectos: Sapientiâ suâ Deus mundum ex materia informi creavit: revelavit fundamenta & obseondita, novit in tenebris constituta & lux est cum eo. Revelavit fundamenta & tenebris & educit in lucem umbram horrendam Aquilonem extendit super inane & vacuum & suspendit terram super nihilum: Nam sapientiâ ab ore ejus prodeunte rotunditatem cœlorum circumeunte solâ & in profundo Abyssi ambulante omnia fecit Deus. Aderat ipsa quando præparavit cœlum, quando certa lege & gyro velavit abyssos, ipsa aderat cuncta componens. Ipsa fundavit terram, stabilivit cœlos, erupit Abyssos, nubes rore concrefcere facit: Appat pondus aëri, appendit aquas in mensura, facit pluviz statuta & viam fulgetro tonitruum: Cœlos creabat & extendebat eos, firmabat terram, & quæ germinant ex ea. Sapientiâ creavit terram, & stabilivit cœlos prudentiâ: facit, ut oriatur lumen in cœlis indeficiens & sicut nebula tegit omnem terram: facit anni cursus & constituit dispositiones stellarum, fecit Arcturum & Orionem: Convertit mane in Tenebras, diem in noctem mutat, vocat aquas maris & effundit eas super faciem terræ, præparavit terram in æterno tempore & replenit eam bipedibus & quadrupedibus; ipsa effudit Deus super omnia opera ejus & super omnem carnem secundum datum: Per ipsam denique Deus operatur omnia in omnibus, mediante ipsa vivificat & animat omnia. Denique in ipsa omnia fecit sive creavit: repleta est terra possessione ejus &c: In principio fundavit terram & opera manuum ipsius sunt cœli. Quibus locis evidens est, quod hic spiritus divinitus ad mundum oreandum revelatus; hæc sapientiâ æterna, quæ est emanatio claritatis Omnipotentis Dei, hoc verbum mysticum & mirificum, sit radicale illud principium activum omnia creans, omnia informans, omnia componens & omnia in hoc mundo sustentans & præservans. Vnde scriptum est. Deo serviat omnis creatura, quia dixisti & factæ sunt, misisti Spiritum & creatæ sunt &c: Quasi dixisset: Emanatione tua sancta aquæ &

tenebrosa abyssus sunt revelatæ & informatæ, & omnes creaturæ ex ijs compactæ vivificantur, animantur, & secundum species suas ex Nihilo creantur: Vnde testatur pagina sacra alibi, quod ipse det vitam, inspirationem & omnia: ideoque non per actum mediatum, ut Peripatetici volunt, sed immediatum, neque per operationem minus principalem & secundariam, sed principalem & primariam: Nam si Deus effuderit istum Spiritum super omnia ejus opera: si iste incorruptibilis spiritus sit in omni re: atque etiam si iste Spiritus sit magis agilis activus & mobilis omni alia re, quid, obsecro, impedire potest, quod ipse non operetur immediate & absolute per se in omnibus? Quare distinctiones prædictæ, quæ ab humana inventione sunt partæ debent esse nullius respectu actionis divinæ momenti, & per consequens omnes causæ activæ seu efficientes subalternatæ debent à sapientibus relegari in exilium, cum sit ipse Solus, qui operatur omnia in omnibus, & per consequens, animat, vivificat & agit ad præsertationem omnium immediate & per se sine ope alicujus suæ creaturæ: uti superius est demonstratum. Vnde Propheta: Ego Iehova faciens omnia solus & nullus mecum. Et alibi: Ego sapientiâ circuii rotunditatem cœlorum sola &c: Est ergo Deus Pater, qui agit per filium seu sapientiam suam sine ullius creaturæ, sive sit Angelus, sive Dæmon, sive Sydera, sive venti, sive Meteora, sive creaturæ compositæ, adminiculo: juxta illud sapius, sed non inutiliter à me allegatū: Licet multi sint, qui dicuntur Dij sive in cœlo, sive in terra, nobis tamen unus Deus Pater, à quo omnia & nos in illo, & unus Dominus Iesus Christus, per quem omnia & nos per ipsum. Sed non in omnibus est scientia &c: ac sidixisset, Non sunt creaturæ, quæ per se quicquam faciunt, sed est Deus, qui per spiritum suum æternum Iesum Christum mediantibus creaturis operatur immediate in hoc mundo. Concludimus igitur, quod spiritus iste à Deo emissus unicum sit essentialis & primarium atque etiam postremum in mundo agens: Est enim Alpha & Omega, principium activum, centralis animæ mundanæ actus, creaturarum omnium lapis Angularis, earum fabricas animans, sustentans & præservans: neque novi ego aliam in sacra mea philosophia ista naturam essentialis, præterquam solum Creatorem istum in creatura seu sacrosanctum mundanum opificem in operibus suis, ut cum Apostolo & Salomone loquar: Atque hoc modo habemus formale omnium rerum creaturarum principium rationi mundanæ, satis luculenter & graphice pro exili ingenij mei captu descriptum.

Gen. 1.  
Pimand. 1.

Sap. 11. 18.  
Daniel. 2. 22.  
Job. 12. 22.  
Job. 26. 7.  
Eccl. 24. a. 5.  
Psal. 104. 25.  
Prov. 8. 27.  
Prov. 3. 19.

Job. 28. 25.  
Isai. 42. 5.  
Prov. 3. 19.  
Eccl. 24. 6.  
Sap. 7. 19.  
Baruch. 3. 33.  
Eccl. 1. 10.  
Sap. 8. 5.  
1 Cor. 12. 6.  
1. Tim. 6. 13.  
Psal. 104. 25.  
Coloss. 1.  
Hebr. 1.

Isid. 16. 17.

AA. 17. 24.

Eccl. 1. 10.  
Sap. 12. 1.  
Sap. 7. 24.

Isai. 44. 24.  
Eccl. 24. 8.

1. Cor. 8. 4.

## SECTIONIS PRIMÆ LIB. III.

## CAPVT. V.

*De Pleno & vacuo, quid sit vera Plenitudo & vacuitas, & qua ratione Philosophi Ethnici in sua circa ea inquisitione errauerint.*

**I**Am verò explicatis duorum principiorum constituentium & componentium naturis, quorum prius est existentia rerum fons; alterum Essentiæ formalis origo; necesse est, ut Pleni & vacui proprietates ordine proximo, idque juxta Philosophiam veram & Christianam intelligamus. Sed priusquam in istius rei explicationis medullam me immergam, opus est, ut Ethnicorum Philosophorum de hoc subjecto opiniones cum illis Theo-philosophis Christianis in primo loco conferam. Vt ergo videtis ex præcedentibus, quòd sit unum principium ad existentias materiales rerum spectans, quòd Aquas diximus: & aliud, quòd ad earum essentias formales attinet, ita quidem duas de Pleno & Vacuo inuenimus opiniones, quarum prior est Ethnicorum, utpote quorum est sententia, quòd omnis Plenitudo & Vacuitas debet esse in respectu materiæ seu substantiæ, qua repletur mundi cauitas: Vnde illud dicunt vacuum, quòd non repletur aliqua materiali existentia: Quare ubi est nihil existentia aquarum, ibi vacuum esse concludunt: Hi ergo nec dolium, nec puteum volunt esse vacuum, tametsi sensibili corpore non sint repleta, quatenus ipso aëre, quem corpus esse agnoscunt, repleantur: Imò verò aërem dicunt idèò vacuum in mundo impedire & plenitudinem sempiternam omnia implere, quatenus ipsius subtile corpus penetraret omnia, & ubique per mundum discurrens repleat suâ existentia omnia: quare utcumque ullus locus dicitur vacuum, est tamen undique rei veritate aëre plenus. Hisce ergo sic respondeo, quòd frustra sit disputatio de illis rebus, quæ nec sunt nec fuerunt, aut erunt unquam: Nam cùm aquæ essent principium illud materiale, à quo omnia habuerunt suam existentiam, utpote à quibus, per quas & in quibus cœlum & terra, ex quibus omnia constant, erant fabricata, ut testatur Apostolus, opus est credere, quòd cœli prius & terra deficient, ac denique tota aquarum creaturarum moles & per consequens materiale rerum principium in nihilum redigetur, priusquam verum aliquod tale, quale Ethnici somniaverunt, in mundo reperietur. Quare dico, frivolum fieri quæstionem circa illud, quòd nec fuit, nec erit unquam: At verò è regione scripturæ sacræ videntur aliud Plenum & Vacuum intendere, nimirum illa, quæ ad principium formale sive Essentiale pertinent: Nam ubi Spiritus seu Ruah-Elohim ante rerum primordium non appareret, & aquas tenebris obrutas, non informaret, ibi, uti dictum est,

aderat Nihil, & terra erat inanis & vacua, atque ideo in eo respectu, erat Vacuum, nihil aliud, quàm absentia spiritus istius omnia animantis & vivificantis & suâ præsentia informantis: Vnde dicta est Tenebrosa Abyssus, potentia divina & consequenter vacua, quatenus omni actu orbat: Hinc Moyses: Terra erat inanis & vacua. Et Iohannes: Deus Aquilonem extendit super inane & vacuum & suspendit terram super nihilum, hoc est, in Abyssu vacua & inani, ut pote tenebris obruta: Deus sapientia suâ fecit cœlum & terram: Iuxta illud etiam Moysis: In principio creavit Deus cœlum & terram: ubi per principium, mysterium illud Abyssi infinitum intelligunt nonnulli ex doctioribus. Vnde etiam D. Iohannes: In principio erat verbum: Erat enim ex isto principio tenebroso, quòd secundum captum humanum videbatur inane, vacuum & planè Nihil, licet Deo optimè notum, quòd Spiritus iste lucidus est ad mundi creationem egressus, ut in pluribus sacrarum literarum locis patet. Et Mercurius Trismegistus ait: Erat umbra infinita in abyssu, aqua insuper & spiritus intellectualis, per divinam potentiam in Chaos inerant &c. Liqueo ergo, quòd apparitione istius spiritus ex tenebroso Mysterio, tenebræ erant fugatæ, aquæ in lucem productæ & omnia Luce essentiali à spiritu isto emissæ sunt creata, juxta illud Iobi: Revelat fundamenta è tenebris & educit in lucem umbram lethalem: ac si dixisset, à conditione vacui & nihili reduxit Aquas, quæ sunt materialia omnium rerum fundamenta, & in plenitudinem & realem existentiam convertit nihilum & vacuum virtute plenitudinis activæ & lucidæ, emissæ à spiritu, in quo habitat, teste Apostolo, omnis plenitudo divinitatis corporaliter. Hinc dixit, idque haud insulse Poëta: Iovis omnia plena. Et alibi: Iupiter est, quòdcunque vides, quòdcunque moveris: Nonne etià dicunt scripturæ, Deum omnia implere? Et iterum: Ipsum esse ubique? Atque iterum: Ipsum esse omnia in omnibus? Hic ergo arguitur, quòd vacuitas, Inanitas, Nihil & tenebræ sint unum & idem, nimirum absentia actualis & informantis præsentia virtutis divinæ: quoniam omnis plenitudo seu repletio consistit in immediata virtutis divinæ actione & proprietate. Sed Deus per spiritum suum nondum è tenebris ad mundi creationem effulsit. Quare constat, quòd prima & informis mundi materia, omni, quoad nos, gratia inactuante, creante & informante esset vacua & destituta: Vnde vacua seu

Ioh. 26. 7.

Ioh. 1.

Pimand. 3.

Iob. 12. 22.

Coloss. 2. 8.

2. Petr. 3.

Gen. 1.

seu inanis, vacua & Tenebrosa sive in formis erat dicta; ut ex ante dictis Moysis verbis patet. Terra, inquit, erat inanis & vacua, hoc est, nondum desumptæ plenitudinis Spiritu omnia informantē gustavit: Nam tenebræ fuerunt superficiem abyssi: Evidens profecto argumentum, quod spiritus iste nondum comparuerit: Sed post appositionem plenitudinis Spiritus Elohim, terra non erat amplius vacua & inanis, sed ratione participationis, plenitudinis & bonitatis divinæ, dicit Textus, Deum vidisse, quod opus istius diei esset bonum, hoc est, plenum bonitatis, divinæ, quippe cujus virtute tum postea terra germinaret herbam virentem, facientem semen, & lignum pomiferum faciens fructum juxta genus suum, & protulit herbam virentem, facientem semen &c: Et vidit Deus, quod esset bonum: Hinc inde arguendo, quod terra, quæ antea erat inanis & vacua jam saluti præsentia istius vitæ & formæ Spiritus esset plena, hoc est, igne divino & Spiritu Dei incorruptibili redundans, juxta illud Salomonis: Spiritus disciplinæ sanctus implet orbem terrarum: Et alibi. Incorruptibilis Dei spiritus inest omni rei. Et Apostolus: Christus omnia implet. Quibus videre possumus quod omnis plenitudo sit à divino actu seu essentiali Spiritus Divini præsentia, cum è regione vacuitas dicitur adesse, ubi vita illa formalis à spiritu concessa, aquis abest, quod quidem totaliter accidere nequit sine absoluto subjecti ab ejus præsentia sic privati interitu & in statum nihili reductione. Accidit nihilominus in parte, ut quandoque à creatura recedat spiritus iste, videlicet in momento mortis seu corruptionis creaturæ spacificatæ: Quemadmodum ex psalmis Regij verbis constat. Deo dante creaturis, recipiunt, abscondente faciē suā perturbantur, recipiente spiritū suum expirant & revertuntur in pulveres suos; emitte spiritum suum, recreantur bono &c: His ergo patet, quod sit Spiritus Dei præsentia, quæ implet hominem & creaturas Vitæ bono, & quod ipsius absentia sit vitæ vacuitas in spiritu humano: Sed ista vacuitas propriè dicitur privatio, quatenus actum positivum præcedentem sequitur. Hæc est igitur ratio, cur vacuum & inane sit tam horribile in rerum natura: Quatenus scilicet extrema & absoluta emanationis æternæ absentia, sive à Spiritu Aquarum mundi ablatio, minimè potest tolerari: Nam res quælibet ex aquis conflata summo naturæ suæ appetitu cupit informari. Quare abominabile est in natura, ab omni existentia privari. Sequitur ergo quod, nisi Deus res omnes hujus mundi implevisset suo Vitæ spiritu, vacuitas, Inanitas, & deformitas ubique per mundum regnarent, & per consequens omnia manerent in statu Nihili: Sed quoniam Deus præsentia lucida spi-

ritus sui emanantis omnia ex Nihilo creavit, sustentavit, & præservavit; igitur evidenter liquet, nihil esse in hoc mundo, quod jam est absolutè inane & vacuum: Tametsi ante Principium mundi tenebrosa Abyssus & materia deformis coeli & terræ esset talis: Vti Moyses & Iob habent: Manifestum ergo est, quàm vana & impossibilia sint vacuum & plenum secundum intentiones Philosophorum Peripateticorum, respectu illorum, quæ à scripturis intelliguntur: Nam vacuum & Plenum, Moysaica sunt Potentia & actus, unde per reductionem potentiae, quasi Nihili in actum mediante spiritus Elohim præsentia, vacuum & Inane in plenitudinem convertitur: Non est quidem mirum, si Aristoteles de ista inanitate & seu vacuitate & Plenitudinis specie ne cogitaverit unquam, cum in uno loco ait: Ex Nihilo nihil fit. Et in alio loco affirmat: Lucem esse merum accidens, & per consequens non apparebat sensui ejus, quod accidens potuisset inanitatem seu Vacuitatem auferre, seu eam in plenitudinem ratione suæ essentiae conferte. Sed ego Christianos Peripateticos proprijs jam aggressor armis, & telo ab ipsorum pharetra deprompto, talem ipsorum assertionem sic oppugno. Commune est inter ipsos axioma: Quod Accidentis esse sit inesse. Ego igitur ipsis me istiusmodi syllogismo opponam: Si Lux sit accidens, tunc ejus esse est inesse sive inhærere subjecto: at Lux sine ulla ad aliquod subjectum adhæsione existere potest. Ergo non est illa accidens, sed potius substantia omnium purissima & essentialissima: Major probatur & conceditur ex verbis Aristotelis, nimirum, quod accidentis esse sit inesse: Minor confirmatur autoritate Moysis, ut pote dicentis, quod Lux esset primo die ante omnem aliam creaturam producta sive creata: & per consequens nullam habuit præexistentem materiam, cui inhæreret. Præterea est ultra captum humanum, ut Deus crearet Accidentia tempore & ordine antè substantias sive creaturas essentielles. Porro etiam Deus fons origo & pater Luminis nuncupatur, ut scripturæ tradunt: & spiritus seu verbum ejus definitur esse Lux, in qua non sunt tenebræ ullæ. Et iterum Spiritus sapientiae dicitur esse claritas seu splendor & virtus emanans ab omnipotenti Deo. Concludimus ergo, quod verum plenitudinis & vacuitatis mysterium esset Peripateticis penitus ignotum, quippe qui erant veræ sapientiæ, quæ (ut Apostolus testatur) descendit à Patre Luminis, penitus ignari: Hocque apparet in eo manifestius quatenus essentialē lucem seu splendorem sanctum, qui est essentialis structuræ cujuslibet creaturæ basis & lapis Angularis, esse meram qualitatem sive superficiale accidens, falso tradiderunt.

Gen. I. 10. II.

Sap. I.  
Sap. 12. I.  
Ephes. 4. 10.

Psalm. 104. 21

Iacob. 3.  
I. Ioh. 1. 5.  
Ioh. 1.  
Sap. 7.

# SECTIONIS PRIMÆ LIB. III.

## CAPVT. VI.

*Quodmodo duæ essentialis proprietates activæ, invicem conditione oppositæ, ac tum postea totidem natura passivæ ex predictis duobus primarijs rerum principijs orerentur, & quæ ratione omnes in mundo sublunari mutationes sive alterationes virtutibus earum efficiantur.*

**I**N animo meo est, hoc loco partus & origines in primis duarum naturarum activarum seu virtutum essentialium referre, quæ à duobus rerum omnium principijs antea recitatis procedunt, & tum postea conditiones seu proprietates duas passivas, quæ à duarum virtutum activarum effectibus oriuntur, explicare paucis. Sciendum est ergo, quod, ut potentiale sive tenebrosum in proprietate sua essentiali est emanationi Spiritus actuali sive principio lucido contrarium; ita etiam quodlibet eorum sobolem sive proprietatem essentialem conditione sibi invicem contrariam & repugnantem in mundum produxerunt, nimirum Frigiditatem & Caliditatem: De modo & ratione mystica productionis harum virtutum sive proprietatum succinctè hoc capite agam & in primo loco profundum frigiditatis ortum vobis pro captus mei exilitate enucleare conabor.

Evidenter liquet ex ijs, quæ sunt, antea relata, & ad huc clarius libro primo sectionis hujus secundæ dicitur, quod tenebræ sint effectus immediati divinæ Voluntatis, sive Divinitatis latentis sive in se contractæ: & consequenter privativæ Dei proprietatis sive Potentiæ divinæ, quæ est Privationis, Mortis, Vacuitatis, Inanitatis, Deformitatis & hujusmodi aliarum imperfectionum Mater: Nam proprietas deformis Nihili sive Tenebræ abyssus est naturaliter acquiescere, fixari & nullo modo agere aut operari: Ratio, quoniam in ipsius appetitu est conversationem suam in & circa centrum habere, in quo nullo est motio sive actio, qua se versus circumferentiam dilatet, ut è regione, Spiritus Dei lucidus, sive Deus in sua voluntate sive natura patente versatur circa actiones & motus, qui à centro ad circumferentiam tendunt. Ob istam ergo rationem, principium Tenebrosum sibi, idque naturali inclinatione vendicat, quietem, otium, & fixationem: Atque ista proprietas generat seu producit virtutem essentialem suæ propriæ conditionis, nimirum Frigiditatem, quæ, ut pro Agonista seu Athleta ad resistendos sui oppositi, videlicet caliditatis insultus eligitur, ex cujus societate sunt motio & Actio, ita quidem, nisi ipsa agitur & incitur agili caloris actione, non movetur, sed videtur pacificè &

quieto more somnolentæ suæ matri, Tenebris videlicet & privationi inservire, quarum soboles, uti diximus sunt fixatio, quies, quæ quasi dormientes adhærent centro, illudque inhabitant, atque ideò est contra earum voluntatem intueri circumferentiam, nisi violentia excitentur: Et revera frigiditas est actus essentialis, qui procedit à potentia Divina, cui præcipuè in sua actione inseruit: Nam potentia Divina circa centrum magis versata, in ista sua proprietate contrahit radios suos à circumferentia in se ipsam: Iuxta illud Mercurij Trismegisti: Monas generat Monadem & in se ipsam reflexit ardorem: Ac si dixisset: Monas ista quasi potentia divina, emittens emanationem suam, quæ erat altera monas unius & ejusdem essentialis & in se ipsam, hoc est ad punctum centrale, quo emisit Monadem, reflexit illam, ut ibi quiesceret: Atque ita hoc modo ante ullam mundi typici creationem productus erat mundus archetypicus. Cui etiam astipulari videtur Rabbi Bair, Cabalista egregius: Sapientia, ait, cum esset in Abyssu tenebrarum retracta, immanens otiosaque ad nihil respiciens, Ain quasi Nihil dicitur: & in hoc ejus statu Aleph tenebrosus dicitur. In hoc contracto seu potius sequestrato & privato unitatis Divinæ statu, videtur operari secundum proprietatem suam negativam mediante agente suo Frigido, cujus unicus conatus est efficere, ut aquæ quiescant. Atque hoc ejus agens in eo probatur, non esse accidens (ut vana Peripateticorum doctrina docet) quatenus est certum, nulum in Deo reperiri posse accidens, ut pote, qui est summa, purissima & absoluta simplicitas & essentia merè formalis, in se & per se existens, & per consequens ab accidentibus libera. Quare, cum divinitas non sit, nisi una essentia, potens est ex se, hoc est, à sua simplici natura pro placito proprietatem quamcunque essentialem à sua divinitate haud divisam producere: Atque hac de causa Sapientia Divina dicitur Spiritus unicus, multiplex; unicus dico respectu suæ essentialis, & multiplex respectu proprietatum essentialium, quæ ab eo progrediuntur. Quod autem essentialis proprietas sive natura Frigoris sit formale illud agens, quo Deus in occulto & potentia

Pimand. 3.

Reuchlin. lib. 3.  
De arte Cabal.

Sap. 7. 22.

li suo

li suo statu ad compescendos & oppugnandos hostiles caliditatis & ipsius actionis & motionis insultus, & ad destruendos & ad nihilum redigendos illos affectus, quos ipse in patenti & positiva sua natura virtute caliditatis produxit, ab affectu & experientia demonstratur. Nam quodd Spiritus sapientiae in revelata & manifestata sua proprietate afflatu suo calido ab Austro vel plaga Orientali est operatus (quippe quae ejus actione, rarefacit aquas densas in aërem, faciendo illud, quod erat grossum subtile, & quod erat opacum & tenebrosum Diaphanum & perspicuum, imò verò & invisibile) illud Spiritus iste latentem suam induendo naturam, mediante suo frigore, iterum deformat, destruit, & in speciem contrariam transmutat: Nam Spiritus tali proprietate praeditus & ab Aquilone spirans condensat & inspissat aërem antea rarefactum, illumque à statu suo invisibili ad statum visibilitatis reducit. Atque etiam illud opacum, quod dissipatione & subtiliatione partium factum erat transparentes seu Diaphanum, jam virtute sua frigida & contractiva proprietatis septentrionalis actu & operatione à statu divino emissæ, in corpus opacum & densum iterum redigitur: Ita, ut illud, quod erat agile, mobile & vivum, virtute caloris advenientis jam factum est stupidum, fixum, mortuum, & quietum per invasionem frigoris: Illud, quod erat leve & nullius sensibilis ponderis, contrahitur in grave & ponderosum corpus sive consistentiam. Quemadmodum videmus, quod vento spirante Boreali, aër convertatur in nivem, grandines, gelu, pruina &c: Iam verò quod non sit, nisi unius ejusdemque essentialis spiritus, qui ambos istos effectus actione seu spiritu contrario pariat, ex istis Prophetæ dictis constat: Veni spiritus, ait, à quatuor ventis & insuffla interfectos istos &c: Quo verborum filo arguit, quod non sit nisi unicus spiritus (dico unicus simplex in essentia: At multiplex in operatione, ut sapiens loco antea citato ait) At verò, ut ea, quæ à nobis sunt proposita efficiamus adhuc perspicuora, auscultetis velim ad verba Prophetæ: Velociter currit sermo Jehovah, qui emittit nives sicut lanam, pruina sicut cineres dispergit, deijcit gelu tanquam frusta, coram frigore ejus quis consistat? Emittens verbum, liquefacit ista, simul ac efflat ventum suum, effluunt aquæ &c: Ex quibus quam plurimas res notatu dignas observamus: Quarum prima est, quod Deus in occulto & latenti suo statu per essentialem suam proprietatem frigris, res antea versus circumferentiam dilatatas, jam centrū versus contrahit. Secundò, quod proprietas frigoris attribuitur seu ascribitur Spiritui Dei in Septentrionali ejus actione, sive in privativa, seu occultata sua conditione. Nam verba sunt: Coram frigore ejus quis consistat? Quam-

obrem evidenter patet, quod sit essentialis virtus in Divina potentia. Tertiò, quod debeat esse actus Monadis sive Vnitatis in ipso tenebrosa, abstrusa & privativa natura; tum quia res claras & lucidas & perspicuas reddit obscuras & opacus; tum quia motū, agilitatē & vitā auferre videtur ab aëre, qui antea calore essentiali incitate movebatur, agebat & vivebat: Ac denique, quia omnino opponitur actioni caloris, qui divinitati emananti & vivificanti inservit. Quartò, quod effectus frigoris actu revelatae naturæ Dei, hoc est, per ejus verbum emissum, destruantur & in nihilum redigantur: Nam textus dicit: Emittit Verbum, & liquefacit ista, videlicet nives, glaciem & pruina. Quintò, quod contrariæ istarum actiones ab uno eodemque Spiritu in essentia, sed multiplici in conditione perficiantur ad mandata illius complenda, qui illum emittit. Porro etiam, quod virtus frigida in vento sit essentialis, privans aut congelans, mortificans & contrahens actus Dei, ex hisce paginæ sacræ indicatur: Deus fortis edit glaciem statu suo, flante Deo concrevit gelu. Concludo igitur, quod frigiditas sit actus essentialis potentiae divinae, aut aeternae sapientiae velo tenebrarum involutæ, atque ideo divinam voluntatem in tali suo statu seu conditione, noscimus per effectus illos, quos producit; in eo scilicet, quod evidenti suo actu contrahit à circumferentia versus centrum, & ob istam rationem ista Dei virtus est causa congelationis, inspissationis; contractionis, constrictionis, fixationis seu immobilitatis, ponderositatis, quietis & otij, obtenebrationis, mortificationis, privationis, stupefactionis & similitum.

In contraria proprietate divina, nempe in spiritus istius natura patente, manifesta & positiva, atque in illo statu, qui dicitur Cabalistis Aleph seu Vnitas lucida, in quo movet, operatur aut emanat à centro circumferentiam versus, & seipsum revelat super faciem tenebrarum Abyssi, efficiendo invisibile non Ens aut Potentiale Nihil, ut appareat actu in forma aquarum: In hac, inquam, proprietate ejus dicitur à sapiente esse omnibus mobilibus mobilior, ubique penetrans seu attingens propter immunditiam ejus, ita; ut, quemadmodum privativa seu Borealis ejus proprietates producebat quietem, otium & cessationem ab operatione per contractionem sive attractionem à Circumferentia ad centrum: Ita in ista positiva aut Australi & Orientali proprietate per viam dilatationis seu emissionis radios suos à centro circumferentiam versus, motum & actionem mediante essentiali caloris agilitate, procreare solet; ut pote, qui calor operatur assidue super effectus frigoris resistendo, dissolvendo & attenuando, levia ex grossis faciendo perspicua & transparentia

Ezek. 37. 9.

psal. 147. a. 15.

Job. 27. 9.

## SECTIONIS PRIMÆ LIB. III.

ex opacis & tenebrosis efficiendo &c : Ita ut formalis iste Lucis Agonista, videlicet calor, à lucis actu & motu immediatè productus bellum gerat perpetuum adversus frigidum, custodem tenebrarum : Nam unus dominium habere nequit, quousque alter paulatim extinguitur, & in exilium quasi relegitur. Quamobrem, ut Lux cum omnibus suis socijs vel adhærentibus dicitur esse positionis actus, informationis, plenitudinis, motus, vitæ, salutis & caloris genitrix; ita etiam calor operatur secundum naturam & dispositionem in fatigabilis & semper operantis suæ genetricis, nempe Lucis, ad subvertendos & in nihilum convertendos Tenebrarum & sui frigoris effectus: quemadmodum videmus in naturis Ventorum calidorum, nimirum Australis & Orientalis: Nam, ut venti Septentrionales & Occidentales plus minusve congregant, contrahunt, indurant, condensant, ponderosum efficiunt, fixant & immobilem faciunt, atque opacum reddunt non modò aërem, sed etiam res alias tam homogeneas, quàm heterogeneas: ita è converso venti prædicti calidi solent aërem dissipare, dilatare, rarefacere seu attenuare, mollem reddere, illuminare seu perspicuum & transparentem, volatilem atque agilem sive mobilem facere, quem antea venti prædicti frigidi more prædicto alteraverunt. Atque totum hoc radicaliter à spagyrico seu separativo Spiritus seu verbi divini actu perficitur. Idque arguitur ex verbis Prophetæ in prædicto textu: Emit-  
 tens, ait, verbum suum, liquefacit ista, simulac efflat ventum suum, effluunt aquæ, &c: Ac si dixisset, quòd emisisset Verbum suum equitans super alas ventorū, & quòd virtute activa & calida illius Verbi Nives, Glacies, Pruinaeque fuerunt dissolutæ, & à fixa, opaca, grossa, ponderosa, & mortali sua dispositione in mobilem, perspicuam, tenuem, & levem aquæ & aëris consistentiam redactæ. Atque ita illud, quod Deus verbo suo operatus est in proprietate secreta, contractiva & frigida: Nam Textus ait: Velociter currit sermo Iehovæ, qui emittit nives, sicut lanam &c: Hoc, inquam, totum per verbum ejus, simulac efflavit ventum suum loco & Naturæ oppositum convertit, in aërem agilem, transparentem levem & tenuem. Ex istis ergo perspicue indicatur, quomodò hæ duæ virtutes oppositæ, nimirum Calidum & Frigidum ortum suum habeant ab uno eodemque Spiritu in radicali essentia, qui in latente sua natura vices agit principij informis & tenebrosi: Vnde & Aleph Tenebrosus seu Potentia Divina dicitur, in quo statu videtur quoad nos quiescere, & circa Abyssus centrum otiosus manere: At è contra in patenti sua dispositione, naturam induit Principij activi, informantis & Lucidi, Vnde jam Aleph Lucidum & actus divinus dicitur: Atque in isto statu appa-

ret nobis, agere & à centro circumferentiam versus movere, radioque suæ perfectionis undique per aquas ejaculare, suamque naturam vivificam creaturis hac ratione communicare: Atque ita patet, quòd Deus sit radicale omnium principium, à quo principio duo, Naturæ & conditione oppositæ, existunt, ipso nihilominus unum & idem immobile, non alterabile, idem & permanenter existens. Duo ergo consistunt in uno Principio à principijs, & cum principijs duæ proprietates activæ essentielles exsurgunt, à quibus omnia existunt: Vnde rectè dicitur Deus à Scripturis Vnum & omnia: & omnia in omnibus, & sine ipso nihil: & centrum omnium, cuius circumferentia est nullibi: Et in omnibus & super omnia &c.

Ex his ergo luculenter intellexistis, quòd duæ istæ virtutes, videlicet Frigiditas & Caliditas (ut cunque sunt in operatione seu actu oppositæ) ab uno eodemque Divinitatis Spiritu & Essentia originem duxerint, cum fontibus duobus ab invicem itidem conditione distinctis, ex quibus emanant, & quòd Spiritus Dei mediantibus istis duabus proprietatibus, via duplici, rarefactione scilicet & condensatione operetur in mundo: Nam observatur in Elemento mundi sublunaris Catholico, oppositos parere effectus ad voluntatem Creatoris in terra, aqua atque aëre sive Elemento generali; uti inferius stylo ampliori declarabitur.

Restat jam, ut de ortu & Natura duarum proprietatum passivarum dicamus pauca, quippe, quæ videntur habere suas generationes & progressiones à proprietatibus essentialibus activis, nimirum à mutua actione & oppositione Frigiditatis & Caliditatis; quæ, uti dictum est, radices suas habent vel in Noluntate & privativa existentia divinæ naturæ, aut in Voluntate & positiva emanatione ejusdem: Vnde liquet, quòd harum passivarum naturarum existentia dependet ab activis. Et primum vobis animi mei sententiam, Humiditatis partum sive generationem explicabo, actum postea verba de Siccitatis origine faciam.

Imaginari debemus, quod quando nulla esset Lux formalis, ad informandam sive in actum reducendam Abyssum tenebrosam sive Chaos inane, & per consequens nullus calor ad agendam & faciendam inter lucem & Tenebras divisionem, tunc Chaos informe & opacum ad siccitatem inclinaret, utpote frigoris in eo adhuc occulti actione quasi congelatum, uti in glacie & pruina videmus: Nam certum est, quòd frigus dominium seu potestatem infinitam habet, ubi Caliditas omnino abest: Quemadmodum sub Sole Septentrionali videre licet, ubi omnes aquæ in molem frigidā & siccā ratione absentiae coloris Solaris conglomerantur: Contrario planè modo, ubi Sol aut Venti calidi sua

R. 147. 16.

psal. 147. 15.



di sua caloris spiracula directè emittunt, ibi in exilium relegatur frigus, omnes ipsius actiones seu effectus destruuntur, & in siccitatem vertuntur naturâ terræ, ita ut in massam siccam, sitibundam & spongiosam redigantur: Haud aliter & per eandem planè rationem (nam tam Frigiditas & Caliditas, quàm Humiditas & siccitas mundi, suas actiones & passiones à principalibus prædictis habuerunt) proprietates nostræ essentialis in materijs principalibus operantur: Nam Chaos erat confusa quædam & frigida atque sicca moles, quousque Lux divina è tenebris apparebat & in aquarum congelatarum massam operabatur: Etiam Lux in se considerata nimirum sine respectu ad actionem ad massam passivam, erat conditionis igneæ, ut pote, in qua actus, calor & siccitas deprehendebantur: Quare sequitur, quodd, ut frigiditas in effectu est nihil præterquam potentia divina actus, & quodd, ejus actus & Dominium redditur absentia Caloris manifestum & notabile: Ita enim siccitas est nihil aliud, quàm natura passiva apparens cum duabus prædictis activis virtutibus, dum sunt in gradibus suæ intensiōis, in quo activorum statu Humiditas perpetuò ab est: Verbi gratia in extremo frigore, quando omnia sunt egregiè congelata, adest siccitas omnino deficiente humiditate. E regione, ubi fervor solis atque ventorum Orientalium spiracula præter modum calefaciunt terram, ibi etiam minimè reperienda est humiditas. Ad Humiditatem autem quod spectat, dicimus, ipsam esse naturæ quasi adulterinæ, vel potius, quodd loco Hermophroditæ se habet, quatenus ex duabus naturis activis est parta sive derivata, ita ut de ipsarum utraque participare videatur in ortu suo: Hinc est, quodd proprietas ista passiva sit intermedia conditione inter illas duas. Quare inservit ad suscipiendas impressiones actionum utriusque extremi. Atque hoc totum oculari observatione, tali probamus atque demonstramus. Ventus Borealis suo dominio convertit aëris existentiam in nives, grandines, pruina, glaciem: Hoc est, eum mutat à calida & humida in frigidam & siccam substantiam: Sed ubi venti Australes & orientales incipiunt habere Dominium, tunc ipsorum spiramina paulatim in duras prædictas massas seu moles penetrant, ipsasque distrabendo in substantiam humidam sive madidam mutant: Secundum sensum Verborum Textus supra dicti: Emittente Iehovâ verbum suum, liquecunt nives, glacies &c: Simul ac efflat ventum suum, effluunt aquæ &c: Hoc est ex rebus siccis fiunt humida: Quo apparet, quodd Humiditas sit nihil aliud, quàm mixtio frigoris & Calidi in substantiâ aliquâ aëreâ seu aqueâ, frigore prius concretâ, quæ est fluxibilis in potentia: & tunc frigiditate extrema caloris præ-

sentiâ, Paulatim decrefcente, siccitas recedit, locum dando paulatim humiditati, ita, ut, nisi adsit Frigiditas cum caliditate, Humiditas apparere non possit: Sic nisi respiciant Austrini flatus Septentrionis suspiria, nubes & pluvias haud producerent: Sic flatus Occidentales, quatenus participant & in medio sunt inter Meridiem calidum; & septentrionem Frigidum, humidiores solent producere temperies: Sed hujus fluxibilitatis ratio est hujusmodi. Videmus ex prædictis, quodd frigiditas extrema reddit aërem & aquam immobilem & fixam: Per consequens est signum evidens, quodd ventus aliquis incipiat massæ congelatæ prædominari, quando illa incipit humectari, moveri & resuscitari: Quippe quam functionem nihil præterquam calor præstare queat: Simili planè modo in creatus & omnia creans Spiritus Lucis, operatus est in tenebrosa Abyssu, dum super faciem ejus informem ad aquarum creationem ferebatur, fecitque tenebrosam illam molem, aquis potentialibus frigore antea ob calidi absentia congelatis plenam, gradatim liquefcere, & tunc à Moyse nomine aquarum apertè, actualium & realium, sunt vocatæ, & ab Hermete, nōmine sunt vocatæ Naturæ humidæ, atque in eodem statu, ad hunc usque diem manent: Cum certum sit, quodd tam aquæ subriles seu aëreæ, quæ grossæ & spissæ, ut sunt maria, fontes & flumina, sunt humidæ & fluidæ, utcunque assidue, sic volente omnium rerum Creatore, ab una natura in aliam mutantur & alterantur: Quæ quidem in Elemento mundi inferioris Catholico, mutationes & conversiones diurnas per ministros suos Angelicos super Ventorum alas moventes fiunt, quippe quorum est efficere aquas, ut ab una in aliam rotent naturam, hoc est, ab unius in alteram formam transformantur: Sed observemus oportet Aquas visibiles & omnia visibilia, sive sint meteora, sive alia composita ex aquis fuisse serius ab aquis invisibilibus facta & conflatu secundum doctrinam D Pauli antea citatam: Et Moyses agnoscit mare & terram, quæ fuerunt prima visibilia, ex aquis inferioribus, quasi Aëre Catholico esse formatam: & ibidem terræ, quasi totius massæ aquarum faciem seu hypostasim post spagyricam mundi per verbi actum divisionem & ipsius fabricæ mundanæ complementum videtur statuere.

Sed, ut mystica istiusmodi creationis arcana clarius adhuc vobis innotescant illud totum, quodd rationibus partim ex sacris literis & partim exactissimis veræ philosophiæ regulis extractis antea probavimus, jam expressius demonstratione oculari confirmabo, quo fides diligentium lectorum & philosophiæ veræ amatorum Zelo fidentiori ad ea, quæ dicta sunt credenda augeatur.



## SECTIONIS PRIMÆ LIB. III.

### Demonstratio ocularis singulos proprietatum essentialium supra dictarum ortus & operationes Lectori ad amussim indicans.

**P**riusquam ad ocularem nostram istam demonstrationem procedamus, quæ erit in & per experimentale nostrum instrumentum facta, in primis considerare debemus, quodd Catholicus aër seu generale regionis sublunaris Elementum, sit subtilior & magis spiritualis Aquarum, infra Firmamentum portio, de quibus Moyſes facit mentionem: Quare certum est, quod quælibet ejusdem aëris particula correspondeat ejus toti, & per consequens aër inclusus in Instrumenti hujus vitro est ejusdem naturæ & conditionis cum aëre Catholico mundano. Vnde liquet, quod ratione continuitatis ipsorum, ut aër generalis mundi sublunaris in sua dispositione se habet, ita etiam ejus aër particularis vitro inclusus, qui est Catholici pars, se habet iterum ut Spiritus Ruah-Elohim, qui ferebatur super aquas, ipsas suâ præsentia animavit, vivificavit, informavit, easque dando ijs motionem dilatavit; ita quidem ipſius absentiâ seu actus & emanationis agilis cessatione, seu radiorum activitatis suæ in seipsum contractione, aquæ similiter sunt contractæ, condensatæ, obscuratæ & immobiles atque quietæ factæ: Vti ex conditione Venti Borealis indicatur, quæ procedit à privativa seu contractiva Spiritus istius virtute. Sed, ut aquæ sui existentia cavitatem amplam mundi replent, ita etiam spiritus omnia informans agnoscitur possidere & inesse omni ipsarum particulæ: ut scripturæ testantur locis antea allegatis. Quare, ut spiritus iste operatur omnia in omnibus, tametsi in proprietate diversa (unde dicitur multiplex) ita quidem quandoque operatur in aquis istis inferioribus in proprietate seu virtute sua Privativa, nimirum in afflatu suo ab Aquilone & occidente secundum plus vel minus: & nonnunquam in positiva sua natura, videlicet, quando spirat à Meridie & Oriente. In prima proprietate contrahit frigiditatem suam à circumferentia ad centrum, ut supra, in ultima nempe sua virtute calida à centro circumferentiam versus dilatât. Cum igitur Aquæ sunt Catholicum passivum, ex quo, utpote communi omnium rerum subiecto figura mundi & rerum in eo omnium fuit excisa & graphicè sculpra & depicta, ut nos docet D. Petrus: & cum æternus omnia inactuans & informans Spiritus Domini, sit Catholicus actor & motor (ut Moyſes testatur) facit omnia in omnibus in aquis, idque in & mediantibus infinitis organis, nimirum Angelicis, Stellaribus & Ventosis; necesse est, ut sequatur, quod ipse solus sit radicale agens in contractione & dilatatione generalibus, quæ factæ sunt tam in aëre universali, qui est extra vitrum instrumenti, quam in illo

particulari, qui est intra vitrum: Quare ut Sol, venti calidi, ignis, atque calor creaturæ naturalis proprietatem suam dilatativam ab emanante & Spiritus istius informante virtute habent, & potestate ipsius & temperie frigida aëris, ventorum & aquarum à dispositione privativa adferant: ita quidem sequitur, quod tam dilatatio, quam contractio aëris instrumenti vitro conclusi procedat ab immediato vel positiva vel privativa proprietatis spiritus istius actu: Nam quando Spiritus iste spirat ab Aquilone vel Occidente, aër plus minusve contrahitur in locum vitri angustiorém. Atque quod hoc sit verum, probamus in eo, quod aquæ Dominio frigoris in Elemento Catholico altius in vitri collo trahuntur sive elevantur propter contiguitatem aquæ & aëris inclusi. Atque iterum constat, quod aër in vitro contentus sit tanto magis contractus, quanto frigus Boreale Dominium habet in externo aëre: quod in eo apparet, quoniam in locum magis arctum sive angustum colligitur, quam erat ante aquæ in vitro elevationem: Ex altera verò parte, si venti calidi aut Solis æstivalis fervor aërem externum accendat, tunc aër inclusus etiam se ipsum dilatabit & in sua dilatatione largius facit pro sua existentia spatium. Quod autem aër ita à calore dilatetur, in eo demonstratur evidenter, quia aqua vasi inclusa gradatim magis deorsum pellitur, quam fuit antea. Iterum, si quis nudam suam manum supra concavam globosam vitri summitatem ponat, aqua in collo Matratij seu vitri suspensa magis deorsum tendet: nam aër inclusus subito dilatabitur. Iam verò, quod spiritus vivificans, qui istam vitæ tam humanæ, quam alterius animalis assignavit calorem sit æternus ille spiritus, qui omnia, ut ait Apostolus, vivificat, scripturæ confirmant pluribus in locis tam antea, quam postea in hoc Tractatu assignatis: Atque iterum, iste est spiritus ille, quem Prophetæ vocat à quatuor ventis, ut vitæ spiritum, carnem & ossa interfectis restituat. Quibus manifestum redditur, & oculariter demonstratur, quod Frigidum contrahit à circumferentia ad Centrum, & quod ingroſcat & inspissat aërem inclusum: qui aër inclusus & inspissatus licet oculariter discerni nequeat, tamen in eo probatur, quoniam aqua apparet oculis altius in vitro frigoris prædominio elevari: Vnde necesse est, ut corpulentia aëris constringatur in spatium angustius, & per consequens, quod aër reddatur magis contractus & densus. Ex altera parte, quod caliditas dilatat & dissipat inclusum aërem in temporibus calidis, patet ex positione manus super vitri culmen, quam aquæ depressio sequitur:


Nota

Nota (vos oro , qui non vultis esse nimis ex parte Peripateticorum parci) errores eorum palpabiles ex diligenti huius instrumenti experimentalis observatione detectos, ex quorum, prior manifestatur in illo eorum axiomate dicente , quod calidum congregat homogenea. At percipietis hic oculariter demonstratum , quod calidum operetur contrarium: Nam videmus ipsum dissipare & depellere aërem, qui est homogeneus in se , quatenus est ex simplicibus ejusdem naturæ partibus conflatus, & per consequens non congregat homogenea, sed è regione est Frigidum , quod congregat, ligat, inspissat & coarctat ea : Nam oculariter patet, quod contrahit & contrahendo congregat dilatatum aërem in angustiorem locum , atque etiam extra vitrum videmus, aërem in nivis & gelu con-

sistentiam congregatu per congelationem frigoris. Quare etiam eorum assertio videtur esse falsa, quæ dicit , quod Frigidum solummodò soleat heterogenea congregare. Alter eorum error immanis est, ubi dicunt Solem , Stellas ignemve ; imò verò & calorem omnem attrahere ad se vapores, exhalationes & huiusmodi alia. At invenimus huiusmodi oculari experimento, rem longè aliter se habere, quatenus ab ipso colligimus calorem Solis, ventorum, ignis & illum naturalem animalium aërem dissipando , expellere & per consequens vapores & fumos omnes à se potius propulsare , quàm allicere. Atque hoc in eo demonstratur, quod præsentia caloris aqua vitri collo pellitur deorsum : Vnde liquet, quod qua via tendit aqua, eadem etiam via movetur aër inclusus.

Forma Instrumenti.

*Hyemis Dominium.*



*Æstatis Dominium.*

Atque ita in isto libro præsentii trium omnium rerum principiorum conditiones & proprietates, idque secundum Antistitis Moyſis sententiam , satis apertè, ut opinor , detectas atque enucleatas habetis : quas non ita copioſè & exactè in eo tractavi, quoniam ampliorem & luculentiorẽ de ipsis diſcurſum in libro ſectionis huius ſecundæ efficiam, ubi de profundiffimo rerum omnium ſympathiæ & Antipathiæ myſterio Deo volente diſcurram.

**PHILOSOPHIÆ MOYSÆICÆ.  
SECTIONIS Primæ LIB. IV.**

Hujus libri Argumentum.

In isto libro author universum rarefactionis & condensationis mysterium radicitus & pro ingenio, quod in eo est, enucleare tentat: Vbi etiam primum eorum causæ simul atque effectus mirabiles in mundi creatione in genere exprimuntur: Atque tum postea recitatur magis particulariter, qua ratione mediantibus ipsis mundi fabrica esset erecta, cœlorum orbis atque stellæ in ipsis rutilantes stabilitæ, ac tandem Catholicum mundi Sublunaris Elementum in regiones quatuor ab invicem distinctæ & modo debito ordinatæ.

**CAPVT, I:**

*Hic communis sive Catholica Condensationis & Rarefactionis causa sive agens, lectoris consulti observationi iterum obijcitur: Nam probatur, quoddam Proprietates seu virtutes essentielles, illa nimirum Tenebrarum, quæ est Frigiditas, & hæc Lucis, quæ est caliditas, sint præcipua & immediata in ambabus prædictis in Elemento Catholico aquarum alterationibus agentia.*

**V**obis in præcedentibus manifestum & evidens (ut opinor) idque tam veterum philosophorum testimonijs & sapientiæ æternæ autoritate, quàm demonstratione oculari est factum, quoddam commune omnium rerum subiectum sit materiale aquarum, quæ ex Tenebrosa & informi Abyssu præsentia & virtute divini Ruah-Elohim fuerunt ante omnia extractæ & in actum reductæ. Quod cum ita sit, & quoniam omnis Rarefactio & Condensatio necessario versantur circa existentiam aliquam materialem, utpote sine qua tales actiones præstari nequeant. Sequitur ergo, quoddam sola materia, quæ actus & alterationes tales patitur, debet esse aqua aut humida sive madida istiusmodi substantia, utpote quæ est unicum illud subiectum materiale, quoddam amplam mundi cavitatem implet, & per consequens materialis illa existentia, ex qua (juxta D. Petri sententiam) cœli erant prius & Terra, & res omnes in cœlo & terra creatæ. Catholica ergo aquarum massa est condensationis & rarefactionis subiectum, quibus mediantibus res in mundo una ab altera tam forma quàm substantiæ existentia efficitur discrepare, & omnia pondere, numero & mensurâ à Divino Spiritu disponuntur, atque proprijs in mundo stationibus ordinantur: hoc est eorû nonnulla regione altiori collocantur & quædâ imiore situ secundum conditiones ijs a creatore assignatas, sunt re-tenta. Communis igitur Condensationis & Rarefactionis materiâ jam cognita, restat, ut in secundo loco actorem in opere prædicto radicalem inquiramus. In præceden-

tibus autem expressi, quoddam esset æterna splendoris sancti emanatio, quæ à mundi origine usque ad hoc præsens tempus operatur omnia in omnibus, atque etiam tempore futuro omnia operabitur, quæ in mundo de super & in terra subter efficiuntur: Secundum illud Apostoli: Deus operatur omnia in omnibus. Et Psalter Regius: In sapientia omnia fecisti. Et illud sapientis: Sapientia operatur omnia. Atque iterum illud D. Pauli: Christus portat omnia virtute verbi sui. Et Apostolus Petrus: Cœli erant prius & terra de aquis & per aquas consistentes verbo Dei: Porro etiam dicit, quoddam Christus sit in omnibus & impleat omnia. Et alibi: Christus est omnia & in omnibus. Iam verò iste sapientiæ spiritus dicitur omnibus mobilibus esse mobilior: & per consequens necesse est, ut ipse agat & operetur omnia in omnibus, secundum suum placitum: Iterum cum voluntate ipsius sit, radios suos essentielles emissos in se ipsum retrahere seu à rei circumferentia centrum versus contrahere, videtur quasi quiescere & otiosus manere & in momento contractionis vitæ radiorum in se, Creaturæ vita ab actione cessat, unde mors immediata sequitur: Nimirum vita sua operatione privatur. Iam verò cum ipse sit omnibus mobilibus mobilior, virtus quidem caliditatis semper concomitatur motionem suæ Lucis, atque etiam ambæ essentialiter ipsi actori uniuntur: Haud aliter ac in sole videmus (quem Sydrachus sapiens Divinitat Trinæ assimilavit, dicendo corpus solar referre Patre, ejus radijos seu emanationem Filium, & activam ipsius virtutem calidam, quæ progreditur ad utroque Spirituum Sanctû) quoddam radius continuus corpori

1. Cor. 12. 6.  
Psalm. 104. 25.  
Sap. 8. 5.  
Hebr. 1. 3.  
2. Petr. 3.  
Eph. 4. 10.  
Coloss. 3. 11.  
Sap. 7. 24.

Pimand. 12.

pori Solari, uti emanatio sancta est una individua essentia cum æterno Luminis fonte, & virtus calida, exiens à Sole & radijs ejus, est pariter inseparabilis in Essentia à prædictis duobus: quemadmodum videmus, quod Spiritus sanctus à Patre & Filio emissus, sit unus essentia cum ambobus: Ob istam ergo rationem Mercurius Trismegistus: Mens ab essentia Dei nequaquam divisa, sed illi potius eo modo connexa, quo Solis corpori lumen. Quare evidens est, quod Caloris virtus insit in luce essentialiter, haud aliter, quam motus ab emanatione Lucida abesse non potest. Concludo ergo, quod rarefactio sit nihil aliud, quam existentiae aquarum dilatatio, caloris virtute peracta, quæ antea erant frigoris actu contractæ. E regione verò condensatio est substantiæ aquarum contractio, sive in molem unicam virtute frigoris congregatio, quæ antea fuit virtute calida dilatata & attenuata, ita ut patet, quod subjectum commune, in quod tum Condensatio, tum Rarefactio operatur, est aqua mundi Catholica, aqua ni-

mirum subtilis, cujusmodi est Catholicum æris sive mundi inferioris elementum, quod istiusmodi operatione, videlicet condensatione, fit vel cometa, vel nebula, vel nubes, vel aqua pluvialis, vel nix, vel pruina, vel grando, vel terra, ut in lapide Cerannio apparet; vel rarefactione fit ignis, vel fulgur, vel ventus, vel coruscatio &c: Denique fons & origo tam Privativi, quam positivi Agentis est vel Nolutas vel Voluntas, hoc est, aut negativa aut affirmativa solius unitatis æternæ, quæ est ille omnia informans & operans spiritus, qui agit, & accomplet voluntatem suam in omnibus & super omnia: idque mediantibus suis organis tam Angelicis, quam coelestibus & Elementaribus, quæ secundum suas in dispositione & Natura diversitates ab interno & centrali actu ab eodem spiritu ijs assignato ad velle Creatoris tam privativum, quam positivum in hoc mundo exequendum serio moventur atque cum fervore agitantur, ut in capite sequenti luculentius & latius explicabitur.

## CAPVT. II.

*Quomodo Spiritus Divinus, hoc est, Ruah-Elohim, cum sit Essentia unus, quadriformiter nihilominus mediantibus suis organis seu ministris tam Angelicis, quam Astralibus in mundo isto sublunari operari observatur.*

Ezech. 37.9.

Apoc. 7. 1.

**A**ternus Spiritus sapientiæ, qui est radicale omnium rerum principium, & in quo & per quem (uti Apostolus docet) Angeli, Throni, Potestates, & Dominationes erant creati, solet in Catholico mundi inferioris Elemento mediantibus Angelis contrariæ fortitudinis, effectus Condensationis & Rarefactionis operari. Atque hoc ex sacris scriptis sic confirmamus. Legimus in primis, quod spiritus iste unicus sit supremus dominus & princeps quatuor Ventorum: Quod quidem ni esset, Propheta ex mandato Dei non diceret: A quatuor ventis veni Spiritus & insuffla super infectos istos & reviviscant. Iam verò, quod hic unicus Spiritus operatur in Organis Spiritualibus & Angelis & mediantibus ijs, ex verbis Apocalypseos videre licet. Vidi, inquit, quatuor Angelos stantes super quatuor angulos terræ, tenentes quatuor ventos terræ, ne flarent super terram nec super mare, nec super ullam arborem &c: Quibus manifestum est, quod quatuor isti Ventorum præfides fuissent ministri & organa in & per quæ verborum quatuor flatus aut emitterentur, aut in locis suis retinebantur juxta voluntatem spiritus istius Omnipotentis, qui ipsis pro voluntate sua dominatur. At nos invenimus quotidiana observatione docti, quod virtus essentialis in vento Septentrionali sit frigiditas atque

ideò contractiva seu attractiva a circumferentia ad centrum, & consequenter Condensationis & congelationis effectus: Per ejusmodi ergo virtutes Angelicas Spiritus divinus privativos suos effectus producit, nimirum illos inspissationis, fixationis & conditionis terrestris in Elemento sublunari: Sed è contra animadvertimus, quod mediantibus Spiritibus Angelicis ex plagis Australi & orientali spirantibus, potestas illa æterna rarefactionem & attenuationem in aquis inferioribus per Caliditatis actum producit. Atque ob istam rationem prædicti venti destruant & pessundant eorum rarefactione, totum illud, quod frigidum Septentrionale per viam congelationis effecit: Hinc ergo est, quod potens & Princeps ille Angelus à Cabalisticis præfides & gubernator Solis coelestis dicitur, illumque vocant Chael, hoc est, quis sicut Deus? De quo infra copiosius. Similiter, quod ad organa ipsius Angelica spectat, quæ quatuor angulis terræ dicuntur stare: de ipsis alibi. Quod Filius hominis seu spiritus ille potens emittet angelos suos a quatuor ventis cœli &c: Præterea invenimus in Textu antea allegato, quod Angelus sive Spiritus iste imperialis, qui omnia vivificat & inanimat (unde à quatuor ventis ad ossa mortua resuscitanda, incarnanda & vivificanda vocatus erat) ab angulo Orientali ascenderet & su-

Apoc. 7. 2.

H

premo

## SECTIONIS PRIMÆ LIB. IV.

Ecclesi. 1.3.  
Psal.

premo more imperaverit quatuor Angelis, qui habebant Dominium supra quatuor ventos : Nam Textus sequens est: Et vidi alium Angelum ascendentem ab ortu solis, habentem signum Dei vivi & clamavit voce magna quatuor Angelis, quibus datum est nocere terræ & mari : Dicens : Nolite nocere terræ & mari neque arboribus, quoadusque signemus servos Dei nostri in frontibus eorum &c : Quo confirmare videtur locus hic, quod quatuor gubernatores ventorum magno illi Angelo subijciantur, qui est potens illa intelligentia, quæ gubernat & movet non modo solem coelestem, sed etiam res omnes alias, virtute verbi sustentat. Atque ille Angelus Omnipotens erat procul dubio iste, cujus videtur revelator primo capite suæ revelationis meminisse : Qui dixit ei : Ego sum Alpha & Omega. Iam verò quod sol virtute istius spiritus Omnipotentis, cujus organum immediatum Angelicum erat Michaël, spiritum aëreum tam superioris, quam inferioris mundi gubernet, videtur sapiens hisce agnoscere : Sol, inquit, lustrans cuncta in circuitu pergit spiritus: At virtus ista æterna posuit tabernaculum suum in sole, teste Propheta David. Vnde liquet, quod quatuor Angeli ventorum gubernentur & ordinentur ab interno agente & informante in sole. Atque hæc est ratio, cur Philosophi veteres Ethnici ventos Titanis filios nuncupaverint. Apparet igitur, quod spiritus increatus, qui supereminenter operatur & movetur in Creatura Angelica Michaël (quare El sive Deus fortis ipsi annexus est) est Princeps ille spiritus à Propheta Ezechiele nominatus, ut antea, qui potenter inhabitat tabernaculum Michaëlis, qui ascendens ab Oriente quatuor ventorum Angelis imperavit: Vnde manifestum est, quod omnes Angeli suos habent actus & potentias essentielles ipsis immediate à spiritu isto Catholico assignatos,

quos pro placito advoluntates suas in mundo tam privative, quam positive exequendas emittit. Hinc ait David : Angeli Dei validissimi robore, efficientes verbum ejus, auscultantes voci ejus, ministri ejus facientes placitum. Atque iterum: Qui facis Angelos tuos ventos & ministros tuos ignem urentem : Ventos (inquit) nam Ruach est spiritus, ventus, flatus. Quibus constat, quod æternus afflatus sit illud, quod animat Angelos, Angeli perillum afflatum sibi communicatum infundunt virtutem & vigorem Astris; astra spiritum istum deorsum ventis transfundunt; venti operantibus Angelis quatuor ventis imperantibus multiformiter commune aëris Elementum alterant, de statu in statum convertunt & quadrupliciter secundum radicis sive Angeli venti prædominantis naturam informant & varia in eo meteora juxta ventorum flantium naturas producere solent. Sed ut possim magis pertinenter de isto negotio discurrere, simul atque difficultates & scrupulos haud paucos concernentes tabernaculum principale spiritus istius Omnipotentis in mundo discutere, qui philosophos & Theosophos hujus nostri seculi haud parum perturbarunt; priusquam ulterius in discursu isto de Condensatione & Rarefactione progrediar, meam de tali dubio opinionem, idque verbis haud paucis aperiam, quoniam liquida rei tanti momenti enucleatio non parum requirit sermonem, quatenus ad integrum Rarefactionis & subtiliationis; imò verò & condensationis mysterium aperiendum & revelandum inprimis cōducit : Nam iste spiritus in principali suo Tabernaculo non solum mundi per condensationem & Rarefactionem creationis in genere, sed etiam supremæ spiritus mandani gubernationis & formalis in meteoris producendis rationis causa & origo est immediata.

Psal. 103. 20.

### CAPVT. III.

*Quæ fuerint inter hujus ætatis doctos de principali Spiritus istius Catholici, omnia informantis, generantis & multiplicantis in isto mundo situ, sede, tabernaculo opiniones: Hic etiam probatur, quod illa Hieronimi interpretatio super Textum istum Davidis : Posuit Tabernaculum suum in Sole: Sit secundum verum scripturarum sensum : Ac tandem errorum in recentiorum translatione ratio, hoc in loco secundum Authoris capacitatem explicatur.*

Psal. 18. 6.

**F**ateor, magnam fuisse inter hujus seculi doctos controversiam seu disputationem, an Hieronimi seu Tremellij & Pagnini, nec non quorundam aliorum super Textum seu versus 8. Psalmi 18. interpretatio sit potius à mundi literatis recipienda : Nam Hieronimus (qui erat majoris Antiquitatis cæteris, in hunc sensum transfert. *Posuit Tabernaculum su-*

*um in Sole.* Pagninus verò illum à scripto originali fortasse alteratum & corruptum hoc modo Hæbreum in latinum sermonem mutat : In cœlis posuit soli tabernaculum : Et Tremellius consentiens Pagnino. Soli disposuit tentorium in ijs. Verum enim verò si omnia rei veritate, prout sunt consideremus, inveniemus, quod vel Textus temporis ignoran-

tiâ

tiā possit esse corruptus, & ab originali manuscripto, quod procul dubio Hieronimus possidebat, alienatus, aut istius viri reverendi autoritas, doctrina & dignitas debet necessariò in quæstionem pro errore tam grosso & palpabili vocari. Ad personam verò ejus quod spectat, verissimile est, quod universa Ecclesia Christiana virum mediocris scientiæ & in lingua Hebraica versati, ad opus seu negotium tanti momenti & communi totius Ecclesiæ Catholicæ Bono, quale erat Biblij sacrosancti ex Hebræo idiomate in Latinum translatio obeundum eligere noluisset: Noluit, inquam, homini tam exigui cum in lingua Hebraica, tum misterijs divinis judicij inniti. Quare ex ista consideratione Personæ, cujus diligentia & curæ tantum opus est commissum, sufficientia constat, & per consequens fructus laboris ipsius in justitiæ trutinis nullo modo cum illis aut Pagnini aut Tremellij sunt ponderandi aut comparandi. Porro etiam nemo negare potest, quod Papa & integra Romanæ Ecclesiæ turba ipsi in hoc negotio assisterent, ei antiquæ manuscripta præbentes, quæ ipsum in vera interpretandi via & sensu dirigerent, ita ut antiquæ autoritatis consensus minimè illi deesset in sua interpretatione, quo inter verum & corruptum textum discernere potuit: Atque idè, ut neque interpretes recentiores pro sua translatione accusemus, neque à laboribus & meritis Hieronimi quicquam derogemus, ut pote quæ æterno laudis monumento insculpuntur, debemus potius errorem corruptioni vel adulterationi Textus Hebræici ascribere, quam ipsorum cuiquam: Idque præcipuè, quoniam scripturarum harmonia in genere & subjectum totius istius Psalmi, in quo Textus ille recitatur in specie magis ad Hieronimi, quam ad illorum interpretationem inclinari, quemadmodum magis particulariter his argumentis sequentibus comprobabo: Quorum primum sumitur à radicali capitis subjecto, in quo hæc verba (posuit Tabernaculum suum in sole) reperiuntur: Atque etiam ab alijs paginæ sanctæ locis: Secundò à mystica & Cabalistica vocabuli Hebraici solem significantis: Tertio à Resolutione Theologorum, cum alijs circumstantijs ad ea pertinentibus: Quarto ab Astronomica observatione atque etiam à dignitate & excellentia solaris creaturæ. Quintò ab Arithmetica consideratione: Sexto à puncto & Circulo in geometriæ: Septimo à majoris in Musica seu harmonia perfectionis consonantia: Octavò à Physico seu naturali respectu: Ac in postremo loco à sapientissimorum ac divinissimorum Theo-Philosophorum consensu & asseveratione, qui etiam exactè cum scripturæ sacræ symphonia conveniunt. De istorum quolibet suo ordine. Ad primum quod spectat, evidenter patet, quod radicale Psalmi 18, sub-

jectum Creatoris in creaturis cœlestibus divinitatem digito quasi indicare videtur, & consequenter per excellentiam exprimit ipsam in splendidissimo corpore solari inhabitare: Quid enim aliud vult primi versus sensus, qui dicit: Cœli enarrant gloriam Dei & opera manuum ejus annuntiat firmamentum. Quibus innuere videtur, quod gloria creatoris, quæ inest creaturæ revelat nobis Creatorem in creaturæ. At ubi gloria est præsens, ibi essentia non abest: Vnde sequitur, quod iste Creator, qui solem cœlestem suam gloriâ & influentiâ vitæ & lucis implevit, se ipsum in universa mundi fabrica in sole & mediante sole, atque à suo tabernaculo solari perspicuè revelavit, quemadmodum per effectus ejus naturales in ordine octavo explicatis expressè declarabitur. Nonne hoc idem verbis Apostoli colligitur: Invisibilia (ait) Dei à creatura mundi per ea, quæ facta sunt intellecta conspiciuntur, sempiterna quoque ejus virtus & divinitas &c. Quibus innotescit, quod sempiterna Virtus, imò verò & divinitas Dei conspiciantur in creaturis & multum magis in sole, quoniam ipse est omni alia creatura luce plenior & clarior: At D. Augustinus ait, quantum plus aliquid lucis in se habet, tantum magis Dei sibi vindicare videtur: Nonne habemus hoc totum à sapiente luculentius explicatum? Sol, inquit, illuminans per omnia respexit & gloria Domini plenum est opus ejus &c: Hoc est plenus est essentia divinâ seu spiritu Domini: Non tamen intenditur, divinitatem esse inclusivè in sole, quatenus ipsa etiam est exclusivè in & super omnia: Non aliter quam spiritus humani sanguinis dicitur habere cor pro principali suo tabernaculo, & tamen inest omni totius spiritus & corporis particula: Iterum apparet ex istis verbis, quod æternus sapientiæ spiritus solem Cœlestem eligeret pro vase seu subjecto purissimo, ut in ipso ad creaturarum omnium vivificationem, animationem & multiplicationem ageret sive operaretur: Ob hanc igitur causam ipsa in propria sua persona ait: Ex ore Altissimi prodij primogenita, in cœlis feci, ut oreretur lumen indeficiens &c: Hisce arguit Catholicus hujus mundi agens, quod sol. movetur in & super ipsum &c: Vnde & alibi: Sol in aspectu annuntians in exitu vas admirabile, Excelsi opus: Magnus Dominus, qui fecit illum, & in sermonibus ejus festinavit iter &c: Ac si dixisset, solem divino verbo suum efficere iter: Et si quis bene istius capitis sapientis sensum animadvertere velit, illum cum isto Psalmo Davidis optimè sentiet convenire. Pro secundo argumento, quod in Cabalistica Elementorum vocabuli Hebraici **שֶׁלֶשׁ** hoc est, sol, expositione consistit: Invenimus in eo duplex **ש** seu schin, quod Cabalistæ

Psalm. 18. 1.

Rom. 1. 20.

Eccles. 42. 10.

Eccles. 24. 5.

Eccles. 43. 5.

## SECTIONIS PRIMÆ LIB IV.

faciunt expressionem seu characterem symbolicum ignis sive Lucis, ut è regione in vocabuli medio consistens, quod laqueæ existentiam arguit. Ac si per vocabuli essentiam intenderemus naturam cœlorum humidam, in centro contractam, & duplici proportionem lucis seu emanationis, sanctæ à numeratione Cabalistica Tiphereth, quasi pulchritudine & splendore descendens illuminatam. Quo docetur, quod manna illa cœlestis aquea, seu ex purissima ætherea substantia globoso more contracta, adaptata & præparata sit pro Tabernaculo solis Spiritualis, qui est purissima & essentialissima Lux illa, in qua non sunt tenebræ ullæ: Non quod in eo, uti diximus, includatur, sed (ut dicunt scripturæ, quod spiritus Dei Sanctus esset in Christo carnali tam abundanter, unde verbum dictus est incarnatum, seu quod caro esset verbum factum) & tamen verbum seu spiritus ille non erat ab ulla creaturarum absens, quatenus omnia essentialiter & præsentialiter implet: Nam spiritus iste Dei in est omnibus, ut scriptum sacrum sparsim habet.

Tertium quod attinet, in libro, cui Titulus est Resolutio Theologorum, invenimus ex Theologorum omnium consensu, quod lux illa, quæ ubique per cœlorum & mundi cavitatem ante quartum creationis diem esset expanfa & in tribus ejusdem diebus, loco solis inserviebat, esset die quarta in corpus solare contracta & congregata: At lux ista, quæ sic erat dispersa, immediatus actus seu emanatio illius spiritus seu Ruah Elohim, qui ferebatur super aquas, & per consequens illa lux, quæ est in sole participat procul dubio abundanter cum Divinitate, ut in octavi seu ultimi Argumenti discussione clarè demonstrabitur.

Quartum, quod ex cœlesti seu Astronomica dignitate elicitur: Evidens est, quod solaris mansio in se Divinitatis haud parum comprehendat, quoniam, quantum magis perfectionis aliquid habet in se, & cæteris antecellit gloriâ & dignitate, tantò magis Divinitati accedere videtur: Nam ab Hermete docemur (in hoc haud à Christi doctrina dissentiente) quod Bonum & Perfectum sunt solius Dei. Iam verò solis macrocosmici dignitas & perfectio facile in eo discernitur, quod regalis iste Phœbus igneo suo curru per cœlorum Centrum sive meditullium vehitur, aureis comis effulgens, super eminens sceptrum & gubernationem mundi quasi imperator supremus tenet: Vt pote sub cuius ditione & imperio, virtutes & actiones omnium aliorum corporum cœlestium consistunt: Vt iam bilichus & multi alij docti asserunt: Et Proclus dicit, quod omnis stellarum potestas seu potentia ad aspectum solis in unum congregate, quæ

tum postea, mediante igneo dicti solis spiraculo super terram disseminantur: Nonne etiam ratione gloriæ vasis seu organi illius Cœlestis, comparat sapiens claritatem solis increati sive divinæ emanationis cum eo, ratione suæ pulchritudinis & fulgoris? Nonne itidem ait Syriachus, solis fabricam esse gloria Domini plenam? Sed plura de his, ubi argumentum octavum discutimus.

Quintum docet, qua ratione more Arithmetico probatur, Divinitatem insignem debere inesse Tabernaculo solari, nimirum, ut est unica sola virtus stellaris, à qua omnis stellarum Cœlestium multitudo suam essentiam formalem, seu Lucem atque influentiam deducunt: Non aliter, quàm ab Vnitate Arithmetica omnes numeri, quicunque derivantur: Nam binarius habet formam Vnitatis bis conceptæ; & Vnitas ter concepta producit ternarium, atque ita in infinitum. Vel ut una candela accendit alteram, ut secundam & tertiam & sic in infinitum: Sic candela ista informat lumine suo innumeras cœli stellas, & tamen suam propriam unitatem intactam & sine ullo dignitatis aut gloriæ aut virtutis detrimento reservat. Quid denique tot essentielles virtutes, tot gratias & ornamenta Stellis impertire queat, quod non est Divinitate locuples? Aut quid perfectionis potest dare quod non habet, aut à tanta Divinitate non accepit?

Ad sextum Argumentum, quod in Geometria versatur. Cum ergo respectu Geometrico sol sit corpus sphericum, necesse est, ut puncto suo centrali sit præditus, in quo potestas seu virtus ejus illuminans consistit: Quia circumferentia nihil est aliud, quàm quædam semidiametralis dilatio existentia & essentia punctualis à centro ad circumferentiam. Atque hoc idem est, quod Philosophi pro hoc eorum axiomate intendunt. IN MEDIO CONSISTIT VIRTUS & veritas. Iam verò si admirabilis pulchritudo & virtus splendida in sole non esset ab ejus Centro versus circumferentiam emissâ, sequeretur, quod illa à Principio interno non procederet, & per consequens, quod ipse more, Lunæ aliquem alium illuminatorem extrinsecum requireret: Sed quod hoc longe aliter habeat, in eo declaratur, quoniam nullum in mundo universo corpus est, huic claritate & splendore lucido cœquandum. Quo arguitur planè, quod corpus hoc splendoris & gloriæ suæ initium à quadam Divinitate Centrali seu virtute Dei lucida & apparente habeat, quæ instar animæ in creaturæ centro vivificat & inactuat, movendo à centro, circumferentiam ejusdem versus: Atque ita corporis solaris superficiem seu aspectum.

Sap. 7. 29.



spectum reddendo igneum, lucidum & coloratum: Efficit, ut secundum centralis agentis infinitatem radiantem, suam emanationem ad omnes vasti orbis mundani limites transfundat sive emittat: Hinc idè dicitur, quòd Deus sit Centrum & circumferentia: Nec cuiquam videatur alienum, quòd lucem increatam ab effectu, hoc est, respectu ad tabernaculum ejus solare habito, visibilem faciam: Quoniam scripturæ multis locis testantur, quòd sit ignis consumens: & alibi Spiritus sapientiæ solem & Astra Luce & claritate excellere dicitur: Atque iterum, quòd lumine tanquam vestimento induitur: Ac si quis diceret, lucidum solare corpus, esse quasi vestimentum; vel ut in Textu est: Tabernaculum Divinitatis: Denique fons & Pater luminis vocatur Deus, & consequenter, nulla potest esse Lux sive sit visibilis sive invisibilis, quæ ab isto fonte lucido invisibili ortum suum non habeat: Nonne agnoscit Apostolus, quòd per fidem sit credendum, quòd ea, quæ sunt visibilia, fuerint prius ab invisibilibus? Quare sequitur, quòd Lux in sole corporali visibilis sit, à luce solis spiritualis nimirum à Spiritu Divinitatis invisibili, quæ lux invisibilis est cōtinua in essentia cum illa lucis tam invisibilis, quam visibilis portionibus, quas creaturis omnibus impertivit.

Septimum Argumentum, quòd Spiritus Divinus *Posuerit Tabernaculum suum in Sole*, observatione Musicæ ex solis in cœlo positione confirmatur: Nam si nobiscum reputare velimus, quòd Deus, ut per se exiitè dicitur, reputatur à scripturis in cœlo cœlorum sedem suam habere, & tamen ad cœlum respicere non dedignatur: Possumus quidem ipsum comparare unisono in Musica (si sacra cum profanis componere fas sit) Nam si chorda instrumenti Musices apertè pulsatur, sonabit unisonum à ponte seu basi instrumenti ad ejus caput. Simili ratione, si imagine-mur chordam à cœlorum summitate usque ad centrum seu terram esse extensam: Nam totum hoc spatium repletur Divinitate: Non aliter, quam chorda instrumenti percussa sonat æqualiter à capite ad pontem instrumenti. Iterum, si chordam illam, instrumenti directè in medietate seu puncto centrali lineæ premamus, producet perfectissimam consonantiam diapason: Nam si aliqua chordæ medietas per se pulsatur, sonabit Diapason ad totum. Quibus patet, quòd in unisoni centro consistit sive sita est totius perfectio: Nam quamlibet chordæ æqualiter divisæ portio, consonantiam perfectissimam, ad totum adæquabitur ita, ut istud medium assignabit centrum ad circulum, cujus Diameter erit chorda illa integra. Pari etiam relatione ad Monochordum Mar-

crocasinieum, necesse est, ut medius punctus sive chordæ semidiameter à summo cœlo ad imam terram extensæ, sit consonantiæ summæ perfectionis sedes, quæ unisono correspondet, ut unum ad duo, hoc est, in proportionem dupla. Sequitur ergo & per effectum patet, quòd sol (qui est Dei Tabernaculum positionem suam habeat in loco isto mundi centrali, qui respondet toti mundi semidiametro, sive Monochordi mundani chordæ, ut 1. ad 2. Hoc etiam confirmant Astronomi, dicentes, solem habere suam sedem in centro cœli. Iam verò observetis velim, quomodò consonantia sive concordia hæc perfectæ mystica ex Divina & radicali unitate seu unisono, qui sonavit sive edidit verbum FIAT & FACTVM EST, fuisset formata. Vnitas dixit Fiat, atque ita unisonus produxit emanationem Divinam, numerum binarium arguentem, atque ista emanatio eundem habuit respectum ad Veritatem, unde egressa est, ut Diapason seu perfectio ad Unisonum: Verum emanatio ista splendidissima, à qua omnia sunt creata, & formata in vera Harmonia, procul dubio in isto mundo locum regalis sui ad creaturas aspectus perfectissimum in puncto diapasonis eligebat, qui est perpetuè in medio unisoni, & per consequens in centro Cœlorum; sed apparet etiam oculis nostris, quòd sol à summo Creatore disponatur in medio septem Planetarum: Atque iterum evidens est ex Divina illa gloria, quæ emicat ab eo, quòd sit sedes Divinissimæ perfectionis: Hæc ergo erat ratio, quòd Platonici sint imaginati, solarem orbem sive sphaeram esse mundi Animæ sedem. Iam verò, ut regalis ista consonantia Diapason comprehendit in se alias Musicæ consonantias duas, nimirum illam Diapente & Diatessa-ron (nam ex istis duabus conflatur Diapason) Verisimile est, quòd tota cœlorum harmonia & consequenter universi mundi ad actum in isto organo creato redigitur, cujus actor seu Musicus agens est Spiritus æternus, qui omni minuto ediit creaturis ab isto glorioso organo vitæ & salutis tonos, & virtutes impertit illis vivificantes, multiplicantes & præservantes: Nam hoc est unicum Christi seu verbi æterni in hoc mundo officium, ut pote in quo (teste D. Iohanne)

Ioh. 1.

est vita.

Argumentum octavum probatur physica sive naturalj consideratione: Nam nos atque etiam cætera animalia observamus; imò quidem & ipsæ herbæ & vegetabilia terræ videntur agnoscere, quòd in sole consistat vivificationis & multiplicationis Thesaurus: Vnde satis liquidum redditur, quòd sole nobis appropinquante, herbæ & Arbores,

## SECTIONIS PRIMÆ LIB IV.

faciunt expressionem seu characterem symbolicum ignis sive Lucis, ut è regione in vocabuli medio consistens, quoddam laqueum existentiam arguit. Ac si per vocabuli essentiam intenderemus naturam coelorum humidam, in centro contractam, & duplici proportionem lucis seu emanationis, sanctæ à numeratione Cabalistica Tiphereth, quasi pulchritudine & splendore descendens illuminatam. Quo docetur, quoddam illa illa coelestis aquea, seu ex purissima aetherea substantia globoso more contracta, adaptata & præparata sit pro Tabernaculo solis Spiritualis, qui est purissima & essentialissima Lux illa, in qua non sunt tenebræ ullæ: Non quod in eo, uti diximus, includatur, sed (ut dicunt scripturæ, quod spiritus Dei Sanctus esset in Christo carnali tam abundanter, unde verbum dictus est incarnatum, seu quoddam caro esset verbum factum) & tamen verbum seu spiritus ille non erat ab ulla creaturarum abesse, quatenus omnia essentialiter & præsentialiter implet: Nam spiritus iste Dei in est omnibus, ut scriptum sacrum sparsum habet.

Tertium quoddam attinet, in libro, cui Titulus est Resolutio Theologorum, invenimus ex Theologorum omnium consensu, quoddam lux illa, quæ ubique per coelorum & mundi cavitatem ante quartum creationis diem esset expansa & in tribus ejusdem diebus, loco solis inserviebat, esset die quarta in corpus solare contracta & congregata: At lux ista, quæ sic erat dispersa, immediatus actus seu emanatio illius spiritus seu Ruah Elohim, qui ferebatur super aquas, & per consequens illa lux, quæ est in sole participat procul dubio abundanter cum Divinitate, ut in octavi seu ultimi Argumenti discussione clarè demonstrabitur.

Quartum, quod ex coelesti seu Astronomica dignitate elicitur: Evidens est, quoddam solaris mansio in se Divinitatis haud parum comprehendat, quoniam, quantum magis perfectionis aliquid habet in se, & cæteris antecellit gloriâ & dignitate, tantò magis Divinitati accedere videtur: Nam ab Hermete docemur (in hoc haud à Christi doctrina dissentiente) quoddam Bonum & Perfectum sunt solius Dei. Iam verò solis macrocosmici dignitas & perfectio facile in eo discernitur, quoddam regalis iste Phœbus igneo suo curru per coelorum Centrum sive meditullium vehitur, aureis comis effulgens, super eminens sceptrum & gubernationem mundi quasi imperator supremus tenet: Vt pote sub cuius ditione & imperio, virtutes & actiones omnium aliorum corporum coelestium consistunt: Vt iam bilichus & multi alij docti asserunt: Et Proclus dicit, quoddam omnis stellarum potestas seu potentia ad aspectum solis in unum congregate, quæ

tum postea, mediante igneo dicti solis spiraculo super terram disseminantur: Nonne etiam ratione gloriæ vasis seu organi illius Coelestis, comparat sapiens claritatem solis increati sive divinæ emanationis cum eo, ratione suæ pulchritudinis & fulgoris? Nonne itidem ait Syriachus, solis fabricam esse gloria Domini plenam? Sed plura de his, ubi argumentum octavum discutimus.

Quintum docet, qua ratione more Arithmetico probatur, Divinitatem insignem debere inesse Tabernaculo solari, nimirum, ut est unica sola virtus stellaris, à qua omnis stellarum Coelestium multitudo suam essentiam formalem, seu Lucem atque influentiam deducunt: Non aliter, quàm ab Unitate Arithmetica omnes numeri, quicunque derivantur: Nam binarius habet formam Unitatis bis conceptæ; & Unitaster concepta producit ternarium, atque ita in infinitum. Vel ut una candela accendit alteram, ut secundam & tertiam & sic in infinitum: Sic candela ista informat lumine suo innumeras coeli stellas, & tamen suam propriam unitatem intactam & sine ullo dignitatis aut gloriæ aut virtutis detrimento reservat. Quid denique tot essentielles virtutes, tot gratias & ornamenta Stellis impertire queat, quod non est Divinitate locuples? Aut quid perfectionis potest dare quod non habet, aut à tanta Divinitate non accipit?

Ad sextum Argumentum, quod in Geometria versatur. Cum ergo respectu Geometrico sol sit corpus sphaericum, necesse est, ut puncto suo centrali sit præditus, in quo potestas seu virtus ejus illuminans consistit: Quia circumferentia nihil est aliud, quàm quædam semidiametralis dilatio existentia & essentia punctualis à centro ad circumferentiam. Atque hoc idem est, quod Philosophi pro hoc eorum axiomate intendunt. IN MEDIO CONSISTIT VIRTUS & veritas. Iam verò si admirabilis pulchritudo & virtus splendida in sole non esset ab ejus Centro versus circumferentiam emissâ, sequeretur, quoddam illa à Principio interno non procederet, & per consequens, quod ipse more, Lunæ aliquem alium illuminatorem extrinsecum requireret: Sed quoddam hoc longe aliter habeat, in eo declaratur, quoniam nullum in mundo universo corpus est, huic claritate & splendore lucido coæquandum. Quo arguitur planè, quoddam corpus hoc splendoris & gloriæ suæ initium à quâdam Divinitate Centrali seu virtute Dei lucida & apparente habeat, quæ instar animæ in creaturæ centro vivificat & inactuat, movendo à centro, circumferentiam ejusdem versus: Atque ita corporis solaris superficiem seu aspectum-

Sap. 7. 29.

speculum reddendo igneum, lucidum & coloratum: Efficit, ut secundum centralis agentis infinitatem radiantem, suam emanationem ad omnes vasti orbis mundani limites transfundat sive emittat: Hinc idè dicitur, quòd Deus sit Centrum & circumferentia: Nec cuiquam videatur alienum, quòd lucem increatam ab effectu, hoc est, respectu ad tabernaculum ejus solare habito, visibilem faciam: Quoniam scripturæ multis locis testantur, quòd sit ignis consumens: & alibi Spiritus sapientiæ solem & Astra Luce & claritate excellere dicitur: Atque iterum, quòd lumine tanquam vestimento induitur: Ac si quis diceret, lucidum solare corpus, esse quasi vestimentum; vel ut in Textu est: Tabernaculum Divinitatis: Denique fons & Pater luminis vocatur Deus, & consequenter, nulla potest esse Lux sive sit visibilis sive invisibilis, quæ ab isto fonte lucido invisibili ortum suum non habeat: Nonne agnoscit Apostolus, quòd per fidem sit credendum, quòd ea, quæ sunt visibilia, fuerint prius ab invisibilibus? Quare sequitur, quòd Lux in sole corporali visibilis sit, à luce solis spiritualis nimirum à Spiritu Divinitatis invisibili, quæ lux invisibilis est cõtinua in essentia cum illa lucis tam invisibilis, quam visibilis portionibus, quas creaturis omnibus impertivit.

Septimum Argumentum, quòd Spiritus Divinus *Posuerit Tabernaculum suum in Sole*, observatione Musicæ ex solis in cœlo positione confirmatur: Nam si nobiscum reputare velimus, quòd Deus, ut per se existeret dicitur, reputatur à scripturis in cœlo cœlorum sedem suam habere, & tamen ad cœlum respicere non dedignatur: Possumus quidem ipsum comparare unisono in Musica (si sacra cum profanis componere fas sit) Nam si chorda instrumenti Musices apertè pulsetur, sonabit unisonum à ponte seu basi instrumenti ad ejus caput. Simili ratione, si imagine-mur chordam à cœlorum summitate usque ad centrum seu terram esse extensam: Nam totum hoc spatium repletur Divinitate: Non aliter, quam chorda instrumenti percussa sonat æqualiter à capite ad pontem instrumenti. Iterum, si chordam illam, instrumenti directè in medietate seu puncto centrali lineæ premamus, præducet perfectissimam consonantiam diapason: Nam si aliqua chordæ medietas per se pulsetur, sonabit Diapason ad totum. Quibus patet, quòd in unisoni centro consistit sive sita est totius perfectio: Nam quamlibet chordæ æqualiter divisæ portio, consonantiam perfectissimam, ad totum adæquabitur ita, ut istud medium assignabit centrum ad circulum, cujus Diameter erit chorda illa integra. Pari etiam relatione ad Monochordum Mar-

crocosineum, necesse est, ut medius punctus sive chordæ semidiameter à summo cœlo ad imam terram extensæ, sit consonantiæ summæ perfectionis sedes, quæ unisono correspondet, ut unum ad duo, hoc est, in proportionem dupla. Sequitur ergo & per effectum patet, quòd sol (qui est Dei Tabernaculum positionem suam habeat in loco isto mundi centrali, qui respondet toti mundi semidiametro, sive Monochordi mundani chordæ, ut 1. ad 2. Hoc etiam confirmant Astronomi, dicentes, solem habere suam sedem in centro cœli. Iam verò observetis velim, quomodò consonantia sive concordia hæc perfecta mystica ex Divina & radicali unitate seu unisono, qui sonavit sive edidit verbum FIAT & FACTVM EST, fuisset formata. Vnitas dixit Fiat, atque ita unisonus produxit emanationem Divinam, numerum binarium arguentem, atque ista emanatio eundem habuit respectum ad Veritatem, unde egressa est, ut Diapason seu perfectio ad Unisonum: Verum emanatio ista splendidissima, à qua omnia sunt creata, & formata in vera Harmonia, procul dubio in isto mundo locum regalis sui ad creaturas aspectus perfectissimum in puncto diapasonis eligebat, qui est perpetuò in medio unisoni, & per consequens in centro Cœlorum; sed apparet etiam oculis nostris, quòd sol à summo Creatore disponatur in medio septem Planetarum: Atque iterum evidens est ex Divina illa gloria, quæ emicat ab eo, quòd sit sedes Divinissimæ perfectionis: Hæc ergo erat ratio, quòd Platonici sint imaginati, solarem orbem sive sphaeram esse mundi Animæ sedem. Iam verò, ut regalis ista consonantia Diapason comprehendit in se alias Musicæ consonantias duas, nimirum illam Diapente & Diatessaron (nam ex istis duabus conflatur Diapason) Verisimile est, quòd tota cœlorum harmonia & consequenter universi mundi ad actum in isto organo creato redigitur, cujus actor seu Musicus agens est Spiritus æternus, qui omni minuto edit creaturis ab isto glorioso organo vitæ & salutis tonos, & virtutes impertit illis vivificantes, multiplicantes & præservantes: Nam hoc est unicum Christi seu verbi æterni in hoc mundo officium, ut pote in quo (teste D. Iohanne) <sup>loh. 1.</sup> est vita.

Argumentum octavum probatur physica sive naturalj consideratione: Nam nos atque etiam cætera animalia observamus; imò quidem & ipsæ herbe & vegetabilia terræ videntur agnoscere, quòd in sole consistat vivificationis & multiplicationis Thesaurus: Vnde satis liquidum redditur, quòd sole nobis appropinquante, herbe & Arbores,

## SECTIONIS PRIMÆ LIBIV.

quæ tempore hyemali videbantur quasi mortuæ) incipiant jam resurgere, vivificari, & virides suas vestes de novo induendo reflorescere animadvertuntur. E regione verò recedente Sole, ultra lineam æquinoctialem, exuunt non modò suos flores, & semina & quasi amictu lugubri ob Solis recessum seu elongationem ab ipsis sunt vestitæ: At ait D. Paulus: Deus vivificat omnia: sequitur ergo, quòd si Sol sui præsentia afferat mundo Elementari vivificationem, manifestum est, quòd ipse hoc acquirit donum ab illo Dei spiraculo, qui est vitæ Spiritus, quem Deus affluenter in istud vasculum suâ gloriâ plenum effundens, ipsum reddit organum idoneum ad tales actus vivificos creaturis mundanis inferioribus liberaliter implendum. Nonne ait Textus, quòd hunc spiritum effuderit Deus super omnia opera sua secundum datum suum? Cur igitur quæstionem aut scrupulum efficeret quispiam de habitatione Spiritus istius in Sole? Hoc ergo est præcipuum Psalmi huiusce 18. Subiectum: hæc summa ejus intentio, ut Mortalibus narret cum D. Paulo Rom. 1. & Salomone Sap. 13. 1. quòd gloria atque Divinitas Dei appareat ex & in creaturis cœlestibus homini, hoc est ex ipsa creatura seu organo solari Spiritus æternus effulgeat, gloriamque suam nobis revelat ex ijs. Quod etiam confirmare videtur Job: Cœlos, inquit, ornavit Deus Spiritu suo. Atque hic est Spiritus iste, qui sui splendoris admirabilis præsentia Solem reddidit cæteris stellis pulchritudine eminentiorem: & ob istam rationem à Platoniciis (qui in hoc divinum Orpheum sunt imitati) mundi oculus designatur, quippe in quo & per quem, tanquam in claro & posito speculo omnia sunt detecta, reddunturque manifesta. Atque iterum Heraclitus Philosophus: Si Solem è mundo sustuleris, quid est nostrum corpusculum, si desit anima? Nulla ibi contrectatur vena pulsabilis, nullus in eo vitalis habitus aut respiratio: Hac etiam de causa appellatur fons sanguinis, qui irrigat & humectat alia corporis membra: Ita etiam ab effectu patet, quòd virtus vegetationis & conservationis rerum tam inferiorum, quam superiorum à Sole oriatur: quatenus ipse impertit & inspirat suo lumine vitam & calorem inferioribus & lucem formalem assignat superioribus. Iamque Lux ista est simplex quidam actus, qui in se mediante calore vivifico & calore innato convertit omnia, omniaque penetrat, & eorum virtutes per omnia conducit, simul atque tenebras & obscuritates dissipat & expellit. Quibus factum liquidd constat, quòd si vita in genere sit in verbo, ut D. Iohannes ait: Si iste Spiritus vitæ vivificat omnia. Vt D. Paulus & Iudith affirmant. Si Spiritus Sapientia sit splendor Majestatis & Sole luculentior, simul atque purus Spiritus, qui est omni re

mobiliior & agiliior, si res omnes penetret ratione suæ puritatis, ut Salomon habet. Ac denique si omnes hæ proprietates in virtute Solari inveniantur, Quid hominem sibi constantè dissuadere potest. Textum illum Hebræicum Davidis non rectò fuisse ab Hieronimo intellectum in ista sua interpretatione Posuit Tabernaculum suum in Sole? Hoc profectò erat admodum necessarium; ut homo intelligeret; cum quidè ad hanc usque horam non sint multi, qui agnoscere velint Spiritum Dei immediate operari in organo suo Solari & per Organum Solare, quippe qui seducti doctrinâ Ethnicâ multa admittunt agentia & causas subalternas activas, quæ per se sine ulla relatione ad Spiritum divinum operari credunt. Hinc ergo erat, quòd quam plurimi creaturas pro Creatore adoraverunt; imò verò Soli cœlesti, cultum adhibuerunt superstitiosum, accipiendo creaturam pro creatore in creatura: in quem errorem Ægyptij malâ disciplinâ distracti inciderunt: Nam ipsi illuminatam creaturam pro ipso illuminatore adorantes Templum & Civitatem dedicaverunt in honorè Solis: Atque hinc erat, quòd equi & currus Solis, quos Iudæi ignorantes ante portam Templi veri Dei inspendi fecerunt, justè à pijs erant pessundati & penitus aboliti. Iste error, qui in hunc diem Aristotelicè doctis adhæret, suis proprijs characteribus à D. Iohanno delineatur: Vita, inquit, est in Verbo, & hoc verbum seu Lux erat in mundo, & mundus ab eo est factus, & mundus non novit illud, sed quicunque eum receperunt, hoc est, agnoverunt, nimirum quod ab eo omnia sunt facta & quòd sit omne in omni, sunt numerati inter filios Dei &c. Sed pauci sunt, inquam, Aristotelica doctrina distracti, qui hoc agnoscere volunt, unde D. Paulus: Dij sunt, qui dicuntur sive in cœlo, sive in terra, nobis tamen (ac si dixisset Christianis) unus Deus Pater, à quo omnia & nos in illo & unus Dominus Iesus Christus, per quem omnia & nos per ipsum, sed in omnibus non est scientia hæc &c: Quasi dixisset pauci sunt, propter Sapientia mundana ignorantiam, qui hoc sciunt. Ergo Iohannes: Mundus per ipsum est factus, sed mundus non novit eum. Quo sermone pos docet, quòd sit solus Spiritus Dei & non creatura, qui operatur omnia: & per consequens concludere possumus, quòd Spiritus Dei sit essentialiter in Creaturis, quare opus est, ut ipsum simpliciter consideremus & agnoscamus in operibus ejus: Nam ille, qui se Christianum profitetur, atque ista non novit, non est nisi nomine Christianus, & consequenter vanus & miserabilis, ut testari videtur Salomon in loco antea citato, dicens: Vani sunt omnes homines, in quibus non subest scientia Dei: & de his, quæ videntur bona, non potuerunt intelligere eum, qui est, neque operibus

Ecc. 1.

Job 2. 13.

Isai. 19. 18.

Ioh. 1.

1. Cor. 8. 3.

Sap. 13. 1.

Rom. I. 21.  
& 18.

operibus attendentes agnoverunt, quis esset artifex &c : Ac si dixisset ipsa Creatoris Divinitas à vero Christiano debet in creatura decerni. Quare & Apostolus, ut supra : Invisibilia Dei à creatura mundi, per ea, quæ facta sunt, intellecta conspiciuntur, sempiterna quoque ejus virtus & Divinitas. Quare revelatur ira Dei super homines tales, qui veritatem Dei in injustitia detinent &c : Ac si dixisset tales homines hujus mundi docti, qui injustis Philosophorum Ethnicorum documentis ignaros mundanos à veritate divertere tentant à Deo strictè punientur : quoniam veritas sincera est virtus & Divinitas Dei, quæ debet ab hominibus apprehendi : Non enim illa Philosophia est amplectenda, quæ ex hominum traditione constat & secundum Elementa mundi se habet, sed illa, quæ est secundum Christum, in quo habitat plenitudo Divinitatis corporaliter : ipse ergo est Philosophia & subjecti ejus fundamentum, ut testatur Apostolus : Hisce ergo arguitur, quod Divinitas in Creatura possit decerni in & per aspectum Creaturæ : At Sapiens ait : Sapientiam Deus effudit super omnia opera sua, secundum datum suum. Hoc est uni creaturæ majorem & alteri minorem illius portionem imperavit. Possumus ergo Creaturæ physiognomiā respicere & per eam de doni portione à Deo ei assignato judicare : At ait Textus : Opus Creaturæ Solaris est gloriā Domini plenum : Sequitur ergo, quod Deus maximam suæ dignitatis portionem assignaverit Corpori Solari : inter Cœlestia, ut Christi corpus pro vase suo electo seu myrothecio inter homines elegit, ut in eo pretiosam suam Divinitatem pro hominum salute recondideret.

Coloss. 2. 8.

Ecclesi. 1.

Ecclesi. 4. 2. 16.

Psal. 11. 1.

Concludimus ergo, quod rectè cecinit vates regius : Cœli enarrant gloriam Dei & opera manuum ejus annuntiat firmamentum : At si cœli creaturæ omnes enarrant gloriam Dei, multò magis & per excellentiam corpus Solare, quod est Gloriā Dei plenum. Quare sic pergit : In Sole posuit Tabernaculum suum : hoc est, ipsum elegit pro loco regio suo in cœlo & in terra Domini. Quare dico, quod iste Spiritus, qui Sole loco Tabernaculi utitur, ex eo creaturis, formæ, vitæ, vegetationis & multiplicationis dona distribuit : & tamen non agnoscam cum Aristotele, quod Sol & homo generent hominem : Sed potius, quod Spiritus ille potens, qui vivificat omnia, est ille solus in omnibus, qui potenter illam vitæ vim & naturalis caloris spiraculum tam homini, quam cæteris creaturis clementer & suaviter ubique, sed præcipue ex palatio suo Solari affare & concedere solet : & quod vitam multiplicatione & calore innatam illis assignatum & à Solaris Tabernaculi plenitudine impluit, qua tum postea creaturæ sustineantur ac præserventur in suo esse : At

ista ( ut mihi videtur ) est sana & vera doctrina, quæ omnem actionem vivificam tam immediatam, quam juxta mundi doctrinam illam mediatam, siqua sit, ei Soli, qui solus agit & operatur, ascribere & non creaturæ organicæ : in quo & per quod creator & omnium effector operari solet.

Ad translationes verò Pagnini & Tremellij quod spectat : Nempe Soli posuit Tentorium in ijs : si talis revera esset Textus originalis, quid quæso instructionis, salutis aut commodi nobis hominibus adferre potest talis interpretatio ? Prima translatio nos docet, quod Spiritus Domini sit in lucidissima cœli creatura : inde nos admonendo, quod laudem & gloriam pro beneficijs suis ascriberemus ei, qui fecit tale organum pro creaturarum salute, & qui operatur in eo, & non creaturæ, seu Tabernaculo ejus : quemadmodum Ethnici fecerunt, qui Solem orientem pro Deo adorare solebant. Quare maxima est nobis utilitas, ut exinde doceamur, evitare Antiquorum Ethnicorum Idololatriam : Deinde, ut per superexcellentiā agnoscamus Divinitatem regnare in creaturis : E regione verò expositio secunda videtur esse res tam exigui momenti & tam parum ad salutem hominum conducentis, ut non satis videatur dignum aut utile, ut à digito Spiritus Dei inter monumenta salutis scriberetur : & per consequens, quid novi hominibus afferre potuit ista interpretatio : Deus Soli posuit Tabernaculum in cœlis ? Quis enim ignorat, aut quem latere potuit, Solem sedem suam habuisse in cœlo ? Nonne hoc intelligit quilibet rudis intellectus puer, oculari solummodo demonstratione directus sine admonitione Prophetæ ? In quo, quæso, est ista interpretatio ad Textum præcedentem pertinens : Cœli enarrant Gloriam Dei &c. Cur mentionem fecit immediatè de Sole ? Anne bene sequitur, quod Deus fecerit Tentorium Soli ? Minimè gentium, sed ut intelligeremus, quod cœlorum pulchritudo & gloria lucida procederet à spiritu illo splendido, qui fecit Solem suum Tabernaculum, & quod ab ipso affluenter influentiæ suaves & benevolæ creaturis mundi inferioris distillantur & impluantur.

Psal. 183.

Iam verò in loco ultimo ad Argumentum posterius accedam, in quo ostendam vobis, quomodo illa Hieronimi interpretatio sit varijs Theophilosophorum opinionibus stipata : Dicit unus, cui etiam D. Augustinus assipulari videtur, quod quælibet res tantum sibi Dei vendicet, quantum magis capax est luminis : At Sol est omnium hujus mundi creaturarum clarior fulgentior : Multi ergo Philosophi conveniunt in hoc : In lumine (inquiunt) numen in lumine lumen. Et Plato ait : Ne loquaris de Deo sine lumine. Nonne hoc totū confirmant scripturæ ? Deus (ajunt) vestitur lumine quasi vestimento : Arque etiam dictus

## SECTIONIS PRIMÆ LIB. IV.

est alibi ignis consumens. Et alibi est Lux, in qua non sunt tenebræ ullæ. Concludo igitur D. Hieronimum fecisse interpretationem suam in vero sensu & per consequens exinde colligere possumus verissimam & radicalem Rarefactionis & Condensationis rationem: Quippe quarum prior à solis Præsentia sive activitate viva à spiritu in sole; & posterior ab ipsius absentia, & per consequens à majori vel minori cessatione in calore activo solis: Hæc, inquam, sunt causæ alterationum in Catholico mundi inferioris Elemento. Atque hoc totum in instrumento experimentalis facillè deprehenditur: Nam quo magis sol nobis appropinquat, uti in æstate accidit, eo magis aer in vitro dilatabitur, quod quidem in eo manifestatur, quia in æstivo tempore aqua præcipitari solet: E contra quò magis sol recedit à nobis, & quò magis in hyemali profundo immergitur, eo magis condensatur aer in vitro: Idque per aquæ in collum vitri elevationem manifestatur: Nec quidem dicimus, quò tota ratio

Rarefactionis & condensationis procedat solummodò à Spiritu in sole existente; cum idem etiam spiritus sit præsens tam in regione Elementari, quàm Ætherea, & habet potestatem vitæ & virtutis ventorum in suo Dominio; qua mediante tam in Hyeme, quàm in Æstate aut exaltat aut deprimit aquas in vitro, & per consequens est causa immediata condensationis & Rarefactionis aeris tam in vitro, quàm extra vitrum instrumenti: Et hoc modo efficit diurnam mutationem quadruplicis conditionis in generalibus aquis *Elementaribus* sublunaribus seu elementis Naturæ humidæ Catholico, illud multiformiter mutando de Natura in Naturam, quas in illo Elemento mutationes Veteres, quos Nostrates sequuntur, vocaverunt Elementa: Vti infra Demonstrabitur clarius: Sed prius accedamus ad coelorum fabricandorum rationem, quod opus per Condensationem & Rarefactionem operante Ruach Elohim, erat completum, uti capite sequenti declarabitur.

### CAPVT. IV.

*Qua ratione æternus Ruach-Elohim, sive Spiritus Domini, qui ferebatur super aquas, celos ex ijs per Rarefactionem efformaverit ac disposuerit, & quomodo ipse stellas per viam condensationis in ijs produxerit.*

2. Petri. 3. 4.

**E**st equidem Apostoli Petri assertio, quòd coeli erant prius & terra de Aquis & per Aquas consistens Verbo Dei. Quo sermone elicimus tam causam materiale, ex qua mundus & per consequens coeli erant creati, nimirum aquas; quàm causam efficientem seu Divinum artificem in illo opere stupendo, videlicet Verbum seu Ruach-Elohim, per quem ædificatio talis mediante actu rarefactionis & condensationis est facta atque sustentata: Nam per viam condensationis aquæ tenues & invisibiles, ac tum aquæ illæ grossæ visibiles in terram visibilem sunt contractæ, quæ omnia afflatu suo frigido effecit. Divisis ergo aquis subtilibus à grossis modo adhuc confuso, Spiritus Domini seu Verbum, coelorum fabricam ratione Rarefactionis vel majoris vel minoris est aggressus: Nam imprimis afflatu suo vivissimo, agillimo & lucidissimo subtiliavit aquas superiores & rariorem & digniorem earum portionem assignavit coeli Empyreï fabricæ, ipsamque ita suo spiritu igneo animavit & informavit, ut perpetuò in statu illo virtute verbi permaneret, & propter spiritus istius Divini in eo Dominium coelum igneum seu Empyreum atque intellectuale nuncupatur. Quare locus iste beatus ob copiosam Dei in illo præsentiam, assignatur Angelorum bonorum atque animarum beatarum mansioni. Deinde infimam harum aquarum superiorum portionem minori Rarefactionis virtute aggreditur spiritus

iste, & secundum suum placitum in orbem seu regiones octo distinxit; videlicet in coelum, quod dicitur firmamentum, quod ordinavit tum postea pro stellarum fixarum sede: Et in coelum seu orbem saturni, & illum Iovis & Martis & solis & veneris & Mercurij & lunæ. Quos omnes orbem seu sphæras ita rarefactiva sua virtute disposuit, & ab invicem distare ac differre fecit, ut singularum stellarum proprietatibus à Deo ipsis per magnum suum Angelum concessis sive inflatis optimè tam loco, quàm Naturæ convenirent. Hoc modo erat mundus Æthereus in regiones tenuiores vel densiores multiplici Ruach-Elohim afflatu redactus: quod etiam Hermes optimè denotat in istis: Distinctis, ait, libratisque rebus, quæ igneo spiritu vehabantur, emicuit coelum septem in circulos: Vbi significat, quod esset igneus spiritus (quem Paulo antè vocavit splendorem sanctum) qui sustinebat & elevabat circulos seu sphæras coelestes in suis locis destinatis. Et alibi narrat, quod materia ista, ex qua coeli & elementa sunt facta, esset Natura humida, & alibi aquas in Abyssu umbrâ infinitâ velatas vocat. Porro & D. Petrus in loco antea citato fatetur, coelos consistere virtute Verbi. Hinc ergo Sapiens: omnia mensurâ, numero & pondere disposuisti seu temperasti: hoc est, ordinavit & sustinuit spiritus Elohim coelos & Elementa in distincta mensura, & proportionem in ponderositate & levitate, & in

Pimand. 3.

Sep. II. 21.



Hebr. 11. 3.

& in debito ac conveniente numero, nimirum in coelum Empyreum, Firmamentum atque septem distinctos orbes, cum insignitis corporibus condensatis: Nam tamenti coeli sint ex aëre & igne conflati, hoc est, ex portione Spiritus ignei, quem à Spiritu lucido Elohim accepit, & portione tenuis aquae, unde Æther quasi igneus aër dictatur: Tamen ab axioma D. Pauli dicentis, quod res visibiles essent prius à rebus invisibilibus, instruimur, quod tam corpora visibilia in coelo, atque etiam omnes luces visibiles essent prius ab invisibilibus aquis & invisibili formali luce, quae suam in Deo primaria unitate omnium creatorum numerorum habet radicem: Atque ideo, ut Aristoteles ait, stellae sunt densiores suorum orbium portiones; ita & ego dico, quod substantia coeli sit invisibilis ratione suae raritatis: E contra stellae sunt visibiles ratione suae densitatis: Erat enim condensatio, quae est visibilitatis effectrix & Rarefactio, quae est invisibilitatis causa. Et tamen nihilominus non concludimus cum Aristotele, quod stellae sint densiores partes suorum orbium, sed potius lumina, quae includebantur in spiritu Tenebrae Abyssii; qui quidem spiritus in separatione lucis à tenebris sursum virtute lucis sive igneae naturae inclusae tendebat, atque ita secundum proportionem ignis aeterni formalis inclusi, quem in hunc usque diem loco lapidis Angularis retinet in sede elevationis ipsi appropriata, sustinetur: Haud aliter, quam ignem illum artificialem Pyrobolus seu fulus dictum secundum proportionem pulveris Bombardalis seu ignis artificialis ad pondus sui corporis vel altius vel depressius in aëre elevari cernimus, ibique manet, durante corruptibilis vitae suae igneae Virtute, qua deficiente, iterum deorsum cadit: Sed lux stellaris, corpus spirituale, cui inest, à tenebris elevatum secundum proportionem lucis inclusae tam altè ascendit, ac in agili ipsius potestate est, considerato stellaris corporis pondere, atque ita perpetuò pendet in aëthere in certa à centro distantia: Quoniam ignis seu lux ipsius est incorruptibilis & aeternae conditionis, & non deficiet unquam, ut illa Pyroboli: Hoc totum expressus in Tract. 1. lib. 5. cap. 3. physicae meae Macrocosmi Historiae, reperietis, quare vos ad librum istum refero. Iam verò, ut omnes vigores illuminantes, & virtutes sive flammæ animantes, quae aquis universalibus impertiantur, ijs à splendido isto spiritu seu emanatione sunt datae: Ita quidem nulla sunt ex istis luminibus, quae separata sunt à spiritus istius essentia: Hinc ergo est (Nam quodlibet lumē habuit diversitatē in proportionem formalis claritatis & mensura ea mensura corpulentiae) quod unū corpus coeleste ab alio differat, tam situ & virtute claritatis, quam motu & influencia ab alio secundum voluntatem creatoris: Sed ex-

tracta quinta Essentia, sive purior essentia, materialis totius chaos, cum puritate luminis, quod à Spiritu creante egressum est, unita erat alteritati Angelicae; ambae hae naturae in figura unius massae ex Tenebrae Abyssii visceribus exurgentes, & in coelorum centrum sublimatae, Regalem ibi loci Thronum Phoebeum sibi vendicant: Atque ista massa sphaerica & luminosa solis coelestis Titulo insignita est cujus officium est, mediante luce ei à Deo assignatā illuminare stellas coeli ceteras, & elementa atque Elementata inferiora vivificare: Ita, ut postquam Univerſale seu expansum, per spiritum mundanum lumen, esset die creationis quarto in corpus solare contractum: Illud est ordinatum capitale illud vitae & vegetationis in mundo stellari organum, quod influentias seu spiracula ignea vitae conservationis, vegetationis & multiplicationis emittit atque impluebat affluenter Terrae atque Elemento sublunari Aqueo.

Habetis ergo rationem condensationis & Rarefactionis paucis & tamē satis luculenter expressam, quibus tam invisibilis coelorum substantia, quam corpora eorundem visibilia fuerunt facta: Atque hoc non videtur à Doctorum Theologorum, nimirum Basilij & Damuscenti opinionibus dissentire: Videlicet, quod spectat ad modum actionis Divini illius Spiritus in condensatione & rarefactione ante solis in coelis apparitionem: Quippe, qui volunt, quod diei rarefactio, aut clarificatio coeli, ab emissionē lucis à Spiritu Divini actu ordinata esset; sed nocturnam condensationem & opaca & condensata in coelo corpora credunt à tenebrarum contractione fieri, juxta ordinationem etiam Spiritus sacri. Videmus ergo ex sapientiorum Patrum Ecclesiae consensu, quae nam sit causa frigidae condensantis noctis, & quis calidi & rarefacientis diei actor. Priusquam spiritus igneus per mundi cavitatem delatus in Tabernaculum solare esset congregatus, qui ex deformibus tenebrae Abyssii seu umbræ horrendae aquis, deorsum simul cum tenebris tertio die in centrum detrusus, spagyrica & superativa verbi Divini virtute extractus erat. Atque ista igitur debet esse ratio praecipua cujuslibet condensationis & rarefactionis ad hunc usque diem: Nam ut spiritus in sole longè à nobis existens, & radios suos in se ipsum quasi respectu nostri contrahens, vel potius faciem suam à nostro haemisphaerio avertens: Vnde fit, ut noctes & tenebrae tunc temporis sint longae, & dies ac lux sint breves & in calore debiles: Ita etiam commune sublunare Elementum condensationi & incrassationi est obnoxium, & ista de causa cogitur seu contrahitur aër dilatatus in consistentiam nivis, grandinis, glaciei, nubium, imbriumque frigidorum &c. Iterum,

Resoluit.  
Theol.  
Tract. 2. part. 2  
De opere ptil-  
midiei.



## SECTIONIS PRIMÆ LIBI V.

cum sol nobis appropinquat, elementum illud ita contractum iterum dilatat se: Nam ejus præsentia & calore aquæ frigidae deveniunt calidæ; dies augentur & in calore fortificantur. Tunc (inquam) aer invenitur Rarefactioni aptus, unde tam facile inflammatur & in naturam fulguris, coruscationis & similium (mediantibus Spi-

ritibus Divinis) convertitur.

Hæc pro celorum & cœlestium per viam condensationis & Rarefactionis structura, sufficient: Iam verò ad fabricæ orbium seu regionum regni Elementaris rationem, mediantibus condensatione & Rarefactione descendam.

### CAPVT. V.

*Quomodo aqua inferiores sive Elementum Catholicum, aqueam, sublimare fuerint in sphaeras distinctas (quas mandant vocant Elementa) Divino Condensationis & rarefactionis actu distincta atque disposita.*

**C**um per præcedentia sit evidenter demonstratum, quòd universa machinæ mundanæ substantia non esset, nisi ex unica sola materia, quæ erat ex potentialis Tenebrose Abyssus visceribus, per spagyricam verbi Divini virtutem extracta, quam Moyses (ut relatum est) vocavit aquas; & Hermes, naturam humidam; ex quibus & per quas (uti tam Moyses, quam Petrus ajunt) cœli erant prius & terra per verbum: Necessè est, ut sequatur, quòd ex ista Catholica aquarum massa, universale Elementum sublimare tam communiter aeris nomine insignitum, quàm illa humidæ naturæ portio, quæ dicta est æther, esset primordialiter derivata: Iam verò Generale hoc Elementum per Spiritum Ruach-Elohim quotidie alteratur & à forma in formam transformatur: Nam aquarum visibillum massa erat prius ab aère invisibili condensatione extracta atque separata: Atque iterum ista aqua visibilis erat in terram eodem actu mutata: Nonne confirmat hoc Apostolus loco antea citato dicens: Per fidem agnoscimus, quòd semper ita actum sit cum mundo per Verbum, ut ex ijs, quæ videri non poterant, fierent ea, quæ possunt videri? Porro Salomon dicit, mundum fuisse ex materia invisâ factum seu creatum, & per consequens aquam atque terram. Sed quid opus est Autoritate sancta, cum communis nos docet experientia, quòd aer condensatus sit nubes, & nubes sit aqua pluvialis, & glacies, quæ est de natura terræ, Boreali condensatione fit ex aqua. Porro etiam, quòd terra esset aqua & illa aqua esset aer, in eo patet, quia arbores magnæ, adustione in vaporosum fumum, & consequenter in aërem vertuntur; denique aer in ignem attenuatione nimia mutatur. Quibus certum est, terram & aquas fuisse prius à re invisibili extractas nimirum ab aère Catholico & per consequens probatur, quòd Catholicus mundi aer, quem Hermes naturam humidam vocavit, sit Catholicum mundi sublimaris Elementum, cujus mutationibus varijs quadriformis illa natura producit, quæ communiter Elementa quatuor dicuntur, quæ severa nihil sunt, nisi unum Elementum

quadriformiter alteratum: Quoniam evidens est ex prædictis, quòd Catholicus sublimaris aer est radicale subjectum & materialis substantia illarum rerum, quas mundus vocat Elementa: Atque iste aer alteratur ab uno in alterum statum per verbum seu Ruach-Elohim. Iamque nobiscum consideremus, quomodo potens iste spiritus transmutationes suas Proteoticas in una eadem homogenea invisibili aqua & tenui, humida natura aut aère perficiat: Quo evidentiùs apparet unius naturæ in alteram ratio; quæ quidem naturæ sic differentes idèò dicuntur à veteribus Elementa. Oportet ergo, ut in loco priori consideremus, quòd iste esset vivificus ille spiritus, quem Propheta invocavit à quatuor ventis, dicens: Veni spiritus à quatuor ventis & in suffla interfectos istos, ut reviviscant &c: unde patet, quòd iste unicus spiritus Ruach-Elohim esset regalis quatuor ventorum imperator, & consequenter in ejus potestate erat aërem mediantibus organis suis ventosis, contrahere, atque iterum ipsum dilatare. Quare erat procul dubio hic spiritus & nullus alius, qui animas diversas seu diversarum dispositionum jussu quatuor vêtos. Angelicosque eorum præsidios (quorū est sub ipso gubernare) agit ad aërem invisibile in species varias visibiles seu meteorologicas, ubi & quando ei placuerit. Et primū ad actum ipsius generalem ad veras aère Catholico effigies efformandas; quod spectat: Aer, dicit Iob, subito cogetur in nubes & ventus transiens fugabit eas. Et Propheta: Dante eo vocem multiplicantur aquæ in cœlo, qui levat nubes ab extremo terræ, fulgura in pluviam fecit & produxit ventum de Thesauris suis: Ac si dixisset verbo vel spiritu Iehovæ aer condensando reducitur in aquas, & fulgura transeunt in naturam pluviz. Et Iob: Deus sapientiâ aptat pondus aëri, & appendit aquas in mensura, ligat densas nubes, ut non findantur, facit pluviz statuta & viam fulgetro tonitruum. Quibus omnibus notare atque elicere possumus, quòd aer elementaris visibilis sit reale & radicale subjectum, in quòd spiritus Dei in hoc mundo sublimari ad effectus prædictos visibiles in actum producendos opera-

Gen. 1.

2. Pet. 3. 4.

Hebr. 11. 3.

Ezec. 37. 9.

Iob. 37. 20.

Ierem. 51. 16.

Iob. 28. 25.

operatur: Idque solummodo per viam condensationis & rarefactionis, quod quidem insinuat ex verbis prædictis, ubi dicitur, sapientiam Dei dare pondus aëri: Nam condensatione primi gradus convertit invisibilem aërem in visibiles nubes, & tunc per profundiorum condensationis gradum nubes illæ in pluvias rediguntur, atque crassior & magis unctuosæ nubes portio in lapidem durum terreum digeritur: Ita, ut ex aëre invisibili tres visibiles substantiæ gradus produci cernamus, videlicet nubem, aquam sive pluviam & densam atque ponderosam terram, quæ est massa illa Lapis Ceraunius dicta, qui cum Tonitruum sonitu seu voce est è nube per spiritum illum editus, videlicet in illo conspectu, qui fit inter naturam liquefactivam ignis & congelationem aquæ gelidæ dispositionem. Iterum ex altera parte aër per rarefactionem in ignem convertitur, nimirum in fulguris seu fulminis existentiam: Atque has omnes mirabiles suas transformationes, de specie in speciem alterationes à Catholico aëre ubique in aëre habitante accipit. Ita, ut ex istis percipiatis totum illud, quod veteres Philosophi dixerunt, elementa esse nihil aliud, quam quadruplicem unius & ejusdem Elementi seu naturæ humidæ Catholicæ mutationem, cui Elemento, secundum quod in suis alterationibus apparet variè, varias & diversas sibi appellationes pro sua varietate acquirit, nimirum Elementi ignis, Aeris, vel aquæ vel terræ: Haud aliter, quàm eadem aqua, si calefcat dici potest ignis & vaporosus aër, at in natura sua immutata aqua, atque ulteriori congelatione glaciæ vel gelu vel nix vel pruina, vel lapis vel terra. Et tamen ista omnia in rei veritate nihil aliud originaliter suâ existentia fuerunt, quam aqua tenuis, invisibilis, ex qua cætera quasi visibilia varia à Catholico invisibili primordialiter essent testimonio Apostoli antea citato producta: Hinc verificatur vetus illud Philosophorum: Aqua est Mater Elementorum, cum revera sit unum Catholicum Elementum, in quo omnia: Iamque principalia organa, per quæ & in quibus Spiritus iste Divinus, mediante Proprietate diversâ mutat & variat Catholicum istum aërem subiectum in naturam quadruplicem, hoc est, ab una conditione & natura in aliam: Sunt venti Angelici, quos ita ordinavit ac disposuit in hoc mundo, ut à quatuor quartis seu angulis terræ in proprietate diversâ spirarent: Nam ut in præcedentibus est dictum secundum Doctrinam Salomonis, quod Spiritus iste Sanctus esset unicus in essentia, at Multiplex in proprietate aut operatione, ita quidem non nisi unicus existens Spiritus (Nam Propheta dixit: Veni Spiritus à quatuor ventis) operatur in mundo quadrifariè mediantibus quatuor ventis Angelicis in Catholico aëris elemento: Nam quando spi-

rat ab Aquilone, contrahit commune illud Elementum in corpus terreum, videlicet Gelu, Nivem, grandinem, glaciem. Vnde Psaltes: Deo emittente sermonem suum in terram, quàm celerrimè excurrit Verbum ejus, qui edit nivem, sicut lanam, pruina sicut cineres dispergit, deijcit gelu tanquam frusta, coram frigore ejus quis consistat? Emittens verbum liquefacit ista, simul ac efflat ventum suum, effluunt aquæ. Ex quo sermone in primis elicere possumus, quod sit non nisi unum verbum, seu unicus Dei Spiritus, qui tam Boreali contractione, mediante suo frigore (ut Propheta ait) mutat sublimare Elementum in naturam & conditionem terræ, nimirum in duram & visibilem consistentiam per septentrionalem Spiritum. Quare ait Iob: Ab Arcturo egreditur frigus: Flatu suo edit Deus fortis glaciem & latitudinem aquarum coarctat: Quam etiam Australi dilatatione liquefacit ac destruit terenos illos effectus, quos afflatu suo Boreali produxit: Secundò, quod subiectum, in quo operabatur ille Spiritus esset aër, quali Catholico Elementum, quod per flatum suum Borealem mutavit à suo statu tenero seu molli, levi, volatili, transparenti, tenui & invisibili induram, asperam, gravem; fixam, opacam, densam, atque invisibilem massam: Tertiò, quod Verbum ibi loci sumitur pro Essentiali Spiritu seu motore in ventis omnibus. Quare virtus ejus unica, mutata proprietate, tam in actu condensationis & contractionis, quàm Rarefactionis & Dilatationis versatur. Verum ad ista omnia efficienda, organa suis Angelicis utitur, in quibus & per quæ juxta voluntatem suam operatur in cælo & in terra. Vnde David: Angeli Dei faciunt verbum. Iterum, cum à Meridie emittit Spiritum suum, tunc Generale seu Catholicum istud Elementum redditur vaporosum, madidum, calidum & facile à concursu fortitudinis septentrionalis, utcumque in minima quantitate, in nubes fumosas convertetur: Nam status Meridionalis naturæ est septentrionalis destruere effectus: Atque ita mutua inter istos ventos oppositos concursu sive actione, natura media sive occidentalis, nimirum aquea apparebit in Elemento Catholico, nimirum conditio aquea sive pluviae frigida, quæ se habet inter aërem & terram: Quemadmodum Occidentis positionem videmus inter polum, Meridionalem & septentrionalem: Sed status australis naturæ, est calida & humida, hoc est in eodem statu se habet cum Catholico aëris Elemento in simplici sua natura: quod quidem ni esset, verbum ab illo angulo emissum, noluit tam facile frigidos & siccos Boreæ effectus liquefacere. Præterea, quod Spiritus seu afflatus Dei, qui ab Austro emittitur, Elementum Catholicum varietim, sed more Spirituali afficiat, Textus iste Prophe-

Gal. 14. 7. 4.

Iob. 37. 9.

A E R.

Sap. 7.

Ezech. 37. 9.

T E R R A.

# SECTIONIS PRIMÆ LIB. IV.

tæ confirmat: Deus ab Austro venit, operuit cœlos gloria ejus & laudis ejus plena est terra: Splendor, ut lux erit, ante faciem ibit Mors. Et egredietur Diabolus vel (ut Pagninus habet) pestis ad pedes ejus. Quo arguere videtur effectus invisibiles, nimirum corruptionem & infectionem Catholicæ aëris Elementi, quem spiritus iste in sua ira & malevolentia emittit ab Austro.

**IGNIS.** Verum cum per organa sua ventosa Oriētis operatur, impressiones in Catholico Elemento igneas seu æstuosas generat: Ejus enim existentia in naturā & dispositionem ignis alterat, & tunc Elementi ignei Titulum ipsi ascribunt Philosophi. Hoc ex pluribus Textus sacri locis confirmare possumus: Nam, Præcepit Dominus (ut ait Hieronimus in suo translato) vento calido & urenti, vel (ut Tremellius interpretatur) Paravit Eurum silentem, ut percuteret sol caput Ionæ, aded, ut æstuarer, & petijt animæ suæ, ut moreretur. Et alibi: Ventus urens seu Eurus desiccabit fructus ejus & rami ejus erunt marcore contracti. Atque iterum: Ventus Eurus aduret spicas. Et alibi dicit Iehova in sua ira: Percussi vos in vento urenti &c: Atque iterum: Postquam veniente Euro, vento Iehovæ à deserto ascendente exaruit scaturigo ejus & siccatus erit fons ejus. Et Propheta Haga: Percussi vos vento urente &c: Quibus patet, quod flante vento Orientali seu Euro Elementum humidæ naturæ Catholicum deveniat æstuosum & igneum, ita; ut inflammet & intemperie calida perturet corpora creaturarum & Vegetabilia desiccando & addurendo destruit. Ex oppositi denique latere: Venti occidentales inveniuntur experientia, esse naturā & conditione oppositi Orientalibus: Nam ipsi solent Elementum Catholicum in naturam frigidam & humidam aquæ visibilis reducere: Vnde pluvias & imbres calidos proferunt: Ita, ut ex istis videre liceat, quod formalis actus in quolibet quatuor angulorum terræ Angelo (quorum meminit Apocalypsis) habeat virtutem essentiali ei specialiter à Deo secundum voluntatem suam; idque in instanti suæ creationis sive informationis assignatam, atque ideo in eadem proprietate operatur creatura illa Angelica in communi Elemento aquarum inferiorum, in qua voluntas spiritus creantis propriè erat, quando illam informavit: Ita ut commune seu, Catholicum Elementum quotidie de novo ab actu essentiali venti Angelici tunc temporis cum Dominio in eo spirantis informetur: Verbi gratia, si ventus Angelicus Orientalis informat illud de novo, tunc in Elementum igneæ conditionis migrat: Quoniam calefacit & desiccit per excellentiam ratione nimis Rarefactionis aëris: Si verò venti Angelici Australes sua fumosa spiracula in illud elementum emittant,

tunc in naturam vaporosam aëris alteratur, quippe fumoso more calidum & humidum redditur. Vnde Elementi aëris vices agit: Si venti Angelici Occidentales in eo Dominium habuerint, tunc vertitur in simplicis aquæ complexionem, & sub Elementi aquæ nomine manet: Ac denique venti Borcalis spiracula ipsum reddunt terreum.

Ex istis ergo immane & labyrinthicum illud dubium, quod instar alterius nodi Gordonij tam diu mentes Peripateticorum perturbaverit, nec ab ipsis fuit unquam ad hunc usque diem resolutum, potest facillimè per istam nostram disciplinam dissolvi atque enucleari: Videlicet divinare possumus, quæ nam sit forma Elementorum essentialis: Nam istâ nostrâ Philosophiâ docemur, quod sit virtus quædam Angelica essentialis ventoso vehiculo in Campum Elementi Catholici apertum emissâ, seu (sit vultis) essentialis venti status sive spiritus à Spiritu Dei in aërem communem, sive humidam passivam naturæ emissus, ad ipsam alterandâ & mutandam secundum voluntatem ipsius, qui eum emisit ab una conditione in aliam. Porro etiam Catholicus aër ita diversiformiter animatus producere solet meteora multarum conditionum: Verbi gratia Elementum Orientaliter mutatum profert soboles sibi similes: Videlicet Meteora ignita, ut coruscationes, fulgura, comete igniti &c: Secundum naturam seminarii illius spiraculi, quod ipsum de novo jam informavit: Elementum meridionale pariet vapores, nubes æstuosas, fulmina & tonitrua: Elementum occidentale pluvias & imbres gelidos & quasi niveales resolutiones: Elementum septentrionale nives, gelu, glaciem &c: Denique pro planiore dubij prædicti enucleatione sciendum est, quod Deus vivificat omnia per solum Christum Iesum Dominum nostrum, per quem omnia: Ipse creavit organa Angelica, quos inspiravit spiritu suo, essentiali vitæ, qui spiritus essentialis in Angelis cum sit de essentia Divina, à Divinitate separari nequit. Ista ergo essentia cuilibet Angelo assignata eandem retinet voluntatem & dispositionem, quam Spiritus habuit in actu respirationis in illum: Quoniam nulla est creatura, quam ipse non fecerit propter finem ipsi Creatori optimè notum; nimirum, ut suam voluntatem in hac vel illa proprietate completeret. Hinc ergo est, quod non sit Angelus, qui habeat Dominium super hunc vel illum ventum cardinalem, sed divinus spiritus in Angelo quasi organo, qui Elementum Catholicum in hac vel illa virtute essentiali informat & vivificat. Quare certum est, quod Catholici Elementi unius informatio quotidiana est virtus seu actus Divinitatis ab organo Angelico per vehi-

vehiculum ventosum in commune elementum emissus & per consequens Elementi forma est essentialis & vivificus Dei actus ei ab Angelico illius quartæ, in qua spirat ventus præside inspiratus: Quod autem interna Angeli forma sit immediatus spiritus Divini verbi vel afflatus, literæ sanctæ nos docent multis in locis: Vnde Iehova Moyfi: Ecce mitto Angelum meum ante te, ne exacerbes eum, non enim feret defectiones vestras, quoniam nomen meum est in eo: Porro dicuntur specula politissima lucem Dei suscipientia. Atque hinc est, quod nomina eorum terminantur cum El, ut Michael, Rapha-el, Vri-el, Gabri-el, &c.

At verò ad Elementum nostrum Catholicum quod attinet, scio, quod à mundi istius sapiētibus obijciatur: Si non sit, nisi unū Elementū, quod Catholicū dicis, quid facies de Terra & de aqua seu mari quid putas? Nonne sunt ista Elementa distincta, quæ talia ab origine extiterunt? Hisce ergo respondeo, quod terra erat prius de aquis & per aquas: Teste Apostolo Petro. Quare evidens est, quod aquæ tempore præcedebant terram: atque iterum cœli fuerunt facti ante terram. Quare videtur, quod terra non esset nisi aquarum inferiorum spagyrica verbi virtute separatarum quasi fax & sedimentum, ut ex disciplina Moyfis apparet. Porro, quod aquæ visibiles essent ex aëre invisibili per condensationem formatæ & productæ. Testatur Apostolus loco superius citato. Quare liquet, quod mutationes rerum omnium tam visibilium quàm invisibilium efficiuntur per proprietatem sive facultatem condensantem & contrahentem spiritus Dei multiformiter agentis, & quod reductio eorum iterum à statu visibilitatis in invisibilitatem efficitur per actum rarefacien-

tem & dilatantem illius ejusdem spiritus in essentia, sed multiformis in proprietate actionis, & per consequens, ut aër ab eodem spiritus actu transformatur in aquam, & aqua in terram, per gradus condensationis frigoris, ita etiam actu contrario ejusdem spiritus, nimirum per viam Rarefactionis terra mutatur in aquam & aqua in aërem; idque varijs caloris gradibus. Quod quidem nisi esset, quomodo, quæso, esset possibile, ut tot aquæ à nubibus cadentes, non indies efficerent, ut maria tumescerent & mirabiliter angerentur in quantitate, & aër e contra assidue decresceret? Aut cur consumptis igne tot arboribus & carbonibus fossilibus non diminueretur terra? Si non esset assiduū supplementum per transmutationem aëris in aquam & aquæ in terram: quam quidem alterationem seu naturæ rotationem licet natura divina more secreto & insensibili efficiat, tamen experientia quotidiana docet, rem ita se habere: Nam quando ligna & carbones ab igne resolvuntur & consumuntur, inveniēmus quidem, quod tota terrestris eorum corpulentia abit in fumum aqueum ferè & in vaporosum aërem mutata erit. At axioma Philosophicum est, quod res quælibet in primam suam materiam seu principium resolvatur. Quare manifestum est, quod tam aqua, quàm fumus aëreus, ex quibus terrea lignorum & carbonum compositio est facta, esset prius aër invisibilis. Iterum si ista taliter se non habebant, sulphur illud, pulveres & lapides quotidie à cœlo (teste Scriptura) descendentes magis magisque indies augerent terræ molem. Sed probationes istas speculativas omittendo prædicta omnia ex instrumenti mei experimentalis observatione liquidò sit vobis demonstrare & confirmare aggrediar.

### Demonstratio ocularis.

Observamus, quod illa tota Instrumenti seu vitri Calendarij portio, quæ ab infima ejus vitri collo se ad ejus summitatem sive caput extendit, est solo aëre invisibili repleta: At in isto aëris inclusi modico varias alterationes & mutationes haud paucas virtute & actu quatuor ventorum in aëre aperto spirantium inveniuntur: Nam cum Ventus Orientalis cum Dominio spiraret, tunc aër iste inclusus seipsum in collo vitri dilatat atque extendit, & aquam in ipsa frigoris virtute elevatam deorsum ad plus minusve pro ratione Domini caloris deprimit. Quo liquet, quod dilatans talis venti spiritus facit aërem apertum ad naturam igneam inclinare: quatenus ignis dignoscitur nihil aliud, quàm aër extremè dilatatus; tamen si revera sit exuberans formæ lucidæ præsentia, quæ per caliditatem ejus motum perpetuò concomitantem ita dilatat: At verò si ventus


Australis flet, tunc etiam dilabitur aër inclusus, sed non in gradu ignis sed aëris solummodo & per consequens non depellet aquam frigore in collum vitri elevatam per tot gradus deorsum: Verum si ventus Occidentalis Dominium in aëre libero habet, tunc aër vitro inclusus se reddet adhuc spissiore, & ob istam rationem aquam in collo exaltatā non multum detrudit: quoniam frigiditas habet sufficientem potestatem in illo vento & per consequens aërem magis condensat, quàm dilatat. Denique si Venti Septentrionales in aëre mundano gubernant, tunc aër inclusus eò magis contrahetur & coarctabitur, & per consequens minus requirit spatium pro sua mansione, quāto frigidior erit ventorum illorum actus. Hoc in eo arguitur, quoniam, quod frigidior est ventus, eò altius elevabitur aqua in collo vitri: Vnde constat, quod quod magis aër contrahitur,

## SECTIONIS PRIMÆ LIB. IV.

hatur, ad etiam magis condensatur, & consequenter ponderosior redditur, considerando proportionem loci, in quo existit: Nam aer, qui in sua dilatactione tantum ponderavit in spatio femiulæ, tantum etiam ponderare debet in spatium duorum pollicum contractus, Vt ex instrumento nostro experientiali colligere fas est.

Atque ex istis decernere possumus, quod non sit in veritate & radicaliter nisi unicum Catholicum sublunare Elementum, quod assidue mutari & Protei more transmutari solet secundum Angelici spiritus tunc temporis ab aliquo terræ angulo spirantis naturam & proprietatem: Unde liquet, quod quadrupliciter secundum quatuor ventorum Cardinalium virtutes & condiciones de novo informetur & alteretur: Quas quidem in uno Elemento mutationes quatuor, uti diximus, distincta fecerunt veteres Elementa æqualia tempore partus seu ortus & ordine existentia, quæ rerum omnium finxerunt principia primaria. Sed apparet ex istis, quæ à nobis sunt dicta, quod ista Philosophorum & precipue Peripateticorum positio est incongrua & à veritate dissentiens, utrunque inter homines tam doctos quam ignaros disciplinæ Ethnicorum innitentes frequens & communis sit illa opinio.

Possum etiam mundi creationis mysterium per viam progressionis Arithmetice hoc modo demonstrare.



Hic habemus progressionem in mundi creatione more Arithmetico descriptam. 1. o denotat Unitatem illam, quæ erat ante omnia, quæ unitas dum in se ipsa sine ulla emanatione maneret activam suam proprietatem in potentia tenebrosa & quasi nihilo reservavit, atque idem pro nihilo quo ad nos æstimabatur: tamen in se esset omnia complicitate: Tunc secunda series. 2. o o arguit emanationem actualem in creatæ lucis ex unitate seu potentia divina, cujus præsentia humida natura ex Tenebrosa Abyſſo nempe. 1. o apparebat in forma aquarum: ita ut lux & aqua quasi activum & passivum Catholica ordinantur in serie unitati proxima. Tunc per spiritum igneum æterni amoris & unitatis, illæ duæ naturæ conjunguntur simul, ad cœlorum naturam producendam in unam compositionem: Nam ibi consideratur lux per se & Aquæ per se, ac mixtum perfectum ex his, nimirum æther, quasi igneus aer: seu lux & aer in existentia cœli, quæ à nonnullis dicitur Quinta essentia, atque simplex ista ex simplicibus mixtio dicitur à Platonice Anima mundi: Nam ut Elementum Catholicum sublunare esset formatum post cœlorum creationem, ita etiam dicuntur cœli animare vel per Solis actus vel mediantibus ventis Angelicis illud: Vel, si vultis quatuor Elementa multiformiter: quare series ita stat 3. o o o, quasi lux, aqua seu aer & cœlum: Ultima scala in progressionem ad creationem mundi sic stat. 4. o o o o, quæ importat quadruplicem Elementi Catholici alterationem, per Dei verbum in quatuor mundi ventis die creationis tertia effectam: Erat enim elementum illud Catholicum nihil aliud, quàm aquæ regionis sublunaris generales quadriformiter alteratæ, vel, si vultis stent 4. o o o o pro quatuor Elementis.

Iste igitur fuit mundi status in creatione mundi & in eadem planè conditione manet in hunc usque diem, & in futuro manebit, quousque igneo examine in ultimo pereat, depurabitur.

### CAPVT. VI:

*In quo vera generationis & Corruptionis atque etiam regenerationis & resurrectionis mysteria secundum literarum sacrarum rudimenta atque disciplinam pertrahantur.*

**V**T patet & succincte principium obſcurum privativum vobis in præcedentibus expoſui; nimirum illud, quod ante ullum principium eſſet ſine forma; & per conſequens erat cauſa, radicalis mortis ſeu privationis vitæ: Eſt enim reſpectu noſtri (uti diximus) ſine ulla exiſtentia: quoniam lux activa & vivificans nondum eſt tenebris eſſuſſit, ſed in centro adhuc deliteſceret: Ita quidem aliud vobis principium

ſpirituale veſtris conſiderationibus obtuli; nimirum Lucem eſt tenebris jam eſſulgentem, quod eſt illud ſolum, quod informat, vivificat, multiplicat & animat omnia: Dixi vobis, quod ambo iſta principia non eſſent, niſi unica eſſentialis unitas: Nam tres perſonæ divinæ conveniebant in unitate eſſentiæ, atque idem illa Lux erat ei tanquam tenebræ & tenebræ ei quaſi Lux: Et per conſequens patet, quod ille eſſet, principium



principium principiorum, hoc est, tam principium privationis & corruptionis, quam positionis & generationis; quarum unum est actus radicalis vitæ, nimirum Lux: & aliud est passivum tam vitæ, quam mortis, videlicet Aquæ, quatenus ipsæ fuerunt e tenebris revelatæ: Vnde fit, quod ratione tenebrarum ex ijs participant in sua passione tam de privativo, quam de positivo principio: & obhanc rationem actor in utroque extremo est ipse Deus, qui est unitas: qui abstrahendo spiritum suum vivificum ab existentia aquea creaturæ, reducit eam sub dominium privativi principij: vnde Mors & corruptio sequitur: E contra verò per continuationem & præsentiam spiritus incorruptibilis in creatura, ipsa manet virtute ipsius sine corruptione. Porro etiam, ut Deus, postquam abstraxerit suum spiritum à creatura, efficit, ut moriatur; ita quidem, remittente eo creaturæ illi eundem vitæ spiritum, facit ut reviviscat, & à mortuis resurgat. Hæc erat ratio resurrectionis Servatoris nostri in uno sensu, qui propter hanc causam primævus Resurrectionis dicebatur: & in alio sensu erat in causa, quod Elias à mortuis viduæ filium relevaret, & quod ossa Elizei fecerint Amalek interfectum resurgere: atque etiam, quod Christus Lazarum mortuum revivisceret, uti in sequentibus latius.

Iam verò ostendam, testimonijs varijs Scripturarum stipatus; Inprimis, quod, ut aquæ passivæ sunt utrique extremo, nimirum tam privationi, quam positioni obnoxie, ita Solus Deus est radicalis agens in utraque corporis aquei passione; videlicet tam in morte & corruptione, quam in vita & generatione: Ac tum postea explicabo rationem seu modum, quomodo una eademque in essentia Unitas more tam opposito operetur in aqueo omnium, rerum subiecto, nimirum per privationem mediante frigore & per positionem operante calore. Ad primum ergo quod spectat, scripturæ dicunt: Deus vulnerat & medetur; percutit & manus ejus sanabunt: Atque iterum in persona Iehovæ: Ego occidam & ego vivere faciam: percutiam & ego sanabo: Et alibi: tu es, Domine, qui vitæ & mortis habes potestatem, & ducis ad portas mortis & reducis: atque iterum: Vita & mors; bonum & malum à Deo sunt. Quibus evidense est, quod eadem unitas in essentia sit actor solus in utroque horum extremo: Videlicet ad mortem seu corruptionem & ad vitam & ad generationem atque etiam à mortuis resurrectionem. Pro meliori autem hujus rei intellectu scire vellem, quod esset Spiritus Dei lucidus & omnia in actuans emanatio: seu splendor Majestatis æternæ (ut Salomon habet) vel, ut Hermes, splendor sanctus, qui mundum omnemque creaturam ejus informavit, iisque vitam seu animam affig-

navit, earumque species tam diu à morte & corruptione præservavit, quam ipse more vivifico in ipsis agit. Hinc dicit Textus: Deo serviat omnis creatura, quia dixisti & factæ sunt, missi spiritum & creatæ sunt. Et Apostolus Deus non aliquo indigens, dat omnibus vitam, inspirationem & omnia. Et Propheta: Deus dat flatum populo, qui est super terrâ & spiritum calcantibus eam. Et Psalter Regius: Vita adest benevolentia Iehovæ: vitæ restaurator est Iehova: Vitæ meæ fontes omnes à Iehova: Vitæ prolongatio est benignitas Iehovæ &c: Quibus apparet, quod sit spiritus Divini præsentia, qua facit generationem, vitam, multiplicationem & præservationem. Quare etiam Iob: visitatio tua conservat spiritum meum: E regione verò ejusdem spiritus absentia à massa creaturæ aquea est causa primum morbi, ac tandem mortis & corruptionis. Vnde Moyses: Deus malos relinquit, & abscondit faciem suam ab impijs, ut obveniant ijs mala multa & angustia: Verum enim verò rationes speciales generationis atque vitæ, & mortis seu corruptionis ac etiam Regenerationis & Resurrectionis luculentius adhuc per istum Prophetæ regij sermonem eliciuntur: Quam magnificata sunt opera tua, Domine, omnia in sapientia fecisti, impleta est terra possessione tua: Dante te illis, colligent, aperiente te manum tuam omnia implebuntur bonitate, avertente autem te faciem, turbabuntur, auferente spiritum eorum deficient, & in pulverem suum revertentur; emittente spiritum tuum, recreabuntur & renovabis faciem terræ &c: Ecce hic causam Generationis & corruptionis essentialem & radicalem expressam exactè, ab unico solo fonte æterno scaturientem: Vbi agnoscere, inprimis videtur, omnem creaturam à sapientia æterna esse factam, ibique denotat, quod Divini istius Spiritus præsentia creaturæ vivant: Deo (inquit Textus) dante creaturis, colligunt & implentur bonitate (hoc est vivunt) Avertente faciem suam (hoc est vivum sui spiritus aspectum) perturbantur (hoc est, si in parte avertit aspectum seu spiritum suum à creaturis, ægrotant & infirmantur) Auferente spiritum earum (hoc est, si penitus incorruptibilem in se recipiant vitæ radium) deficient (hoc est) moriuntur: At si emittat iterum vitæ spiritum, recreabuntur, & renovabis faciem terræ (hoc est per remissionem Spiritus incorruptibilis reviviscant, & de novo ad vitam resurgent. Manifestum est ergo, quod præsentia actione benigna Spiritus Dei incorruptibilis vita adest & continuatur in creatura: Et vice versa totali ipsius absentia mors introducitur. At partiali ipsius ablatione & contractione ipsius à circumferentia ad centrum, perturbatur & ægrotat ipsa: Nam mori nequit, quamdiu aliqua spiritus Dei incorruptibilis portio inest, ei,

Judith. 16. 17.  
Aq. 17.Isai. 42. 5.  
Psalm. 30. 9.  
Psalm. 41. 3.  
& 87. 7.  
Psalm. 90. 17

Iob. 10. 12.

Deut. 31. 17.

Psalm. 103. 24.

28.  
29.Iob. 7. 18.  
Deut. 32. 39.Sap. 16. 13.  
Ecclesi. 11. 14.

## SECTIONIS PRIMÆ LIB. IV.

& in ea operatur : Denique si vevertetur spiritus post ejus à Creatura recessum , facit ipsam reviviscere, hominemque à mortuis resurgere : quemadmodum accidebat Lazaro , Amalakito , in sepulchrum Elizei injecto. Quibus liquet , quòd mors sive corruptio nihil sit aliud , quàm totalis spiritus incorruptibilis sive formæ essentialis absentia , vel extrema & privativa ipsius à creaturæ Circumferentia ad centrum contractio: Vnde sequitur , quod actus formalis essentialis seu radicalis vitæ spiritus est immediatè à Deo ; & non ab ulla natura imaginaria , quam somniaverunt Peripatetici : idque evidenter ex loco isto scripturarum probabo : Non permanebit (ait Dominus) Spiritus meus in homine in æternum ; quia caro est , eruntque dies ejus centum viginti annorum &c : Quo arguitur , quòd sit Spiritus Dei , qui facit hominem vivere : Sed quoniam sunt nonnulli hujus mundi scrupulosi , qui nolunt istam Textus illius Hieronimi interpretationem admittere : illum confirmabo verbis istis ex Iobo allatis. Si Deus apponens ad hominem animum suum, spiritum aut flatum ejus ad se reciperet, vel traheret , deficeret & expiraret omnis caro : simul & homo in cinerem revertetur &c. Ita , ut lucidè pateat spiritum esse Dei , qui vitam dat non modò hominibus , sed etiam omni alteri creaturæ. Et alibi pro hominis vitæ authore : Spiritus Dei (ait Iob) fecit me & inspiratio omnipotentis vivificavit me. Ex istis ergo omnibus constat , quod causa immediatè in generatione & vivificatione agens, sit Spiritus Dei in activa seu positiva sua proprietate & per consequens ejus absentia seu privatio, est causa ruinæ , mortis seu corruptionis : Nam quando Spiritus Domini removetur à massa corporea seu cadavere , illud relinquit informatum & quasi informe chaos , seu Terra inanis & vacua respectu speciei præcedentis , semper decrecendo & per viam Corruptionis retrogrediendo in punctum Nihili , à quo procedebat ab origine ; quatenus jam nunc spiritu suo positivo & incorruptibili est privatus : Nam spiritus iste , vel penitus decedit , vel totaliter ad centrum se contrahit , manetque quoad nos otiosus , quiescens & nihil circumferenter agens.

Iam verò differentia inter resurrectionem à mortuis, vel saltem à morte mortali in vitam temporalem (nam verba Christi de Lazaro mortuo erant, quòd dormiebat) & illam in vitam æternam, est ista: Nam ut est nihil, quod mortem magis impediatur , quam actualis præsentia spiritus incorruptibilis ; ita etiam est nihil , quòd perpetuitati vivendi magis obeat , quàm corpus corruptibile aut corpus morti & corruptioni obnoxium: Quare necesse est, ut corpus illud moriatur , ut hac ratione penitus deponat impuritatem & corruptionem , & induat incorruptionem , ut me-

dante Spiritu Dei incorruptibili possit ad vitam æternam resurgere : quæ quidem purificatio seu mundificatio fit dispositione & solutione nodi seu vinculi Elementi alterabilis , vel secundum vos Elementorum mutabilium , & hac viâ liberando partem corporeæ commixtionis & nobiliorem à sua captivitate , ut deveniat pura & munda. Quod , cum sit factum , sequitur , ut per spiritus vivificantis unionem in æternum deveniat spirituale , juxta illud D. Pauli : Dicit aliquis, ait : quomodò resurgunt mortui? Qualine corpore veniunt? Insuper tu , quod feminas non vivificatur , nisi prius moriatur. Et quod feminas , non corpus, quod futurum est feminas, sed nudum granum , ut puta tritici , aut alijus cæterorum: Deus autem dat illi corpus, sicut vult : Non omnis caro eadem caro , & corpora cœlestia & corpora terrestria: sed alia quidem cœlestium gloria, alia autem terrestrium : sic & resurrectio mortuorum , seminatur in corruptione , surgit in incorruptione : seminatur in ignobilitate , surgit in gloria : seminatur in infirmitate , surgit in virtute : Seminatur corpus animale, surgit corpus spirituale &c: Quo arguere videtur , quòd corpus debeat mori , ut eo modo corruptionem exuat , hoc est , corruptibilem impurorum elementorum portionem deponat , ut illo hoc modo spirituali reddito possit æterno unitatis vinculo in unum ligari , atque ita à re & conditione animali infirma & corrupta in naturam & statum spirituales , virtuosam & incorruptibilem migrare. Propter istam etiam rationem fatetur alibi, quod caro & sanguis regnum cœlorum inhabitare nequeant : Quoniam in natura sua elementari subijciuntur corruptioni & per consequens nequeunt inhabitare locum incorruptibilem : Sed est purus Spiritus tam sanguinis , quam carnis , qui surgunt , postquam deposuerunt grossa sua tabernacula spiritu incorruptibili animati , qui facit vitam temperatam in creaturis temporalibus seu momentaneis , hoc est , rebus ex Elemento quadriformi alterabili compactis: At verò corporibus spiritualizatis & depuratis vitam & esse concedit æternum , quæ vita corpori naturali seu animali est contraria: uti testatur ibidem Apostolus: Nam per purificationem mutatur à corpore Elementari in cœleste seu spirituale. Nonne videmus juxta illud exemplum , quòd granum tritici adeò exaltetur in virtute , postquam corruptionem sustinuerit & à grossis Elementi ligamentis immune sit , ut in altum ultra terræ superficiem cœlum versus elevetur ? Imò verò scintilla incorruptibilitatis in eo regnantis sursum ad patriam tenderet , si à materia Elementari non impediretur ; & tamen nihilominus ita post ejus corruptionem exaltatur granum hoc , ut virtute multiplici tum postea abundet: Quemadmodum ex multiplicatione suæ speciei

Gen. 6. 3.

Iob.

Iob. 33. 4.

1. Cor. 15. & 36.

1. Cor. 15. a 35.



speciei ratione abundantiae illius spiritus, quem inducit, colligere fas est. Ad aliam verè resurrectionis speciem, quæ est temporalis, quod attinet, illa non fit æterna quia corpus nondum corrumpitur, hoc est vinculi Elementorum illius compositi adhuc non fit solutio, qua corpus in eo spirituale possit purificari & à facibus Elementaribus completè, quæ ex aquis inferioribus eliciuntur, separari; ita ut corpus spirituale occultum non possit à compedibus suis liberari, quo vitæ spiritus iterum strictius, comprehendatur, & vinculis cum eo æternis uniatur: Hujus speciei resurrectionis erat illa, quam Christus perfecit in Filio viduæ, cuidixit. Adolescens, tibi dico, surge. Et resedit, qui erat mortuus: Etiam talem resurrectionem fecit in Filia gubernatoris cujusdam syagogæ, clamando: Filia surge & Spiritus iterum in illam venit: Huic etiam vitæ temporali resurrexit Lazarus à mortuis: iterum mediante oratione Eliæ Filius viduæ mortuus ad vitam temporalem resurrexit: Nam Textus ait: revertatur, obsecro, anima pueri hujus in viscera ejus: & exaudivit Dominus vocem Eliæ, & reversa est anima pueri intra eum, & revixit &c: In quo sermone duo veniunt notatu digna: Primum, quod ista corpora nimirum Elementata non essent corrupta, hoc est, partes compositionis eorum non essent per resolutionem divisæ, licet forma speciei esset alterata. Quare, tametsi spiritus reversus sit in ijs, tamen vitam ijs non nisi temporalem assignavit. Et quamvis quis obijcere possit, corpus Christi non fuisse corruptum, & tamen à mortuis ad vitam æternam resurrexit: Respondeo, quod Textus it: Non dabis sanctum tuum videre corruptionem; & ob istam rationem resurrectionem habuit die tertio post ejus mortem, quoniam corpus ejus erat sine peccato, & proinde ulteriore purificatione haud opus habuit: Nam aliter cum Moyse & Eliæ non apparuisset in monte transfiguratus. Secundo observare debemus, quod sit præsentia Spiritus vivificantis Dei, qui efficit generationem & Resurrectionem à mortuis: atque iterum est ejus absentia, quæ mortem & corruptionem inducit: Nam scripturæ dicunt loco antea citato, quod esset anima pueri, quæ reversa est in ejus viscera. Et in alio loco, ut antea, Spiritus filiæ in illam revenit & resurgebat. Quare rectè Iob loco antea notato, si Deus Spiritum suum seu afflatum suum ab homine reciperet, expiraret. Et David, si auferes Spiritum creaturæ seu hominis, expirat; remittente verò te spiritum tuum re-  
Job. 13. 29. creatur, seu resurgit de novo, seu renovatur.

Iam verò si istud generationis & corruptionis principium cum illo Peripateticorum comparaverimus, tam magnam procul dubio confusionem in enucleatione

unius, nimirum Aristotelicorum, quam simplicem & planam explicationem alterius, videlicet illius Moysaici inveniemus. Nam ipsi generationem definiunt esse mutationem materiæ à forma substantiali pristina in aliam formam substantialem: Et è contra corruptionem faciunt mutationem sive amissionem formæ substantialis, quæ prius inerat materiæ, sed nunc non inest eidem: Atque ita videtis, ipsos nominare quandam formam substantialem: Sed quid non rei sit illa forma, unde radicaliter oriatur, aut quomodo ingrediatur corpora ad procurandam generationem, & qua ratione iterum ab ijs recedat ad producendam corruptionem; hæc, inquam, omnia prorsus ignorant; & consequenter tali sua doctrina nihil, nisi ignotum per ignotius colligimus: cum rei veritate secundum doctrinam Moysaicam sit Spiritus seu verbū Dei, quod informat & vivificat omnia, efficiens sua præsentia & benevolentia tam Generationem ab Aristotele confuso more ebuccinatam, & Resurrectionem, quam nunquam per mundanam suam sapientiam aut virtutem fallacis suæ Philosophiæ detegere aut decernere potuit; quàm corruptionem, privationem & mortem sua absentia: Ita, ut in ista mutatione creaturæ ab uno statu in alium, & ab una forma in aliam, inveniremus, quod, ut ipsa erat facta secundum suam existentiam, ex Tenebrosa, potentiali seu uniformi materia, nimirum aquis, quas Spiritus divinus seu splendor sanctus sua luce actuali ijs vigore vitalem impertiendo, informavit: ita etiam absentia lucis istius divinæ omnia formantis, cuncta deveniunt obscura, mortua, & formæ essentialis destituta, quousque novum lumen, seu nova vitæ virtus se manifestet; quod lumen alienat subjectum aqueum à forma & figura, quam habuit ante: Ita quidem corpus mortui seu cadaver est in statu deformis chaos, eo, quod solitam substantialem hominis figuram seu actum amisit: haud aliter, quàm si Deus sustulisset spiritum suum à mundo, omnia iterum in nihilum seu ab eorum activitate in potentiam divinam seu tenebrosam abyssum reverterentur, qualia fuerunt prius in complicita sua natura: Sed quando actus novæ formæ erumpit à cadavere mortuo, efficiens, ut tota ejusdem massa deveniat verminosa, tunc possumus dicere, quod corruptio unius est generatio alterius, quod semper est verum, quando materia Elementaris adest. Liquet ergo, quod privatio sit medium inter Generationem & corruptionem, & quasi vacuum, & inane quoddam, seu Nihil & non Entitas inter duas formalitates.

Iam verò restat, ut mysterium Generationis & corruptionis hoc modo, videlicet progressionem Arithmetica demonstremus: Circa præcedentis capitis finem, quatuor fuisse progressionis gradus, seu

K

series

velut. lib. 3.  
 cap. 13. Com.  
 phyl.

## SECTIONIS PRIMÆ LIBIV.

series in mundi creatione expressimus; quarum prior 1. o. importat tenebrosam Abyssum seu potentiam Divinam, in quo statu omnia erant complicita in Deo: Secunda erat 2. o. o. denotans productionem lucis & aquarum, nimirum Vniversalia, activa & passiva. Tertia 3. o. o. o. depingit substantiam ætheris ex luce & aqua mixtam, nimirum duo simplicia & primum ex ipsis compositum. Quarta 4. o. o. o. o. explicat Catholicum Elementum sublunare, seu aquas inferiores, quadriformiter alteratum: Atque ista sunt simplicia mundi membra, ex quibus tum postea omnia in mundo componuntur: Atque istud membrum in isto suæ existentia statu usque ad ultimum Pereat perdurabit: Hic ergo bases omnium creaturarum compositarum habemus: Nam super fundamentum 4. o. o. o. o. respectu suæ substantiæ collocantur, ut formam suam à Spiritu omnia informante & ubique præsentem acquirunt. Efficiam igitur Progressionem meam à Generatione à simplici Elemento, quadrupliciter per diversos gradus alterato ad complementum perfectæ mixti: Nam, ut inter terminum à qua ad quem, necesse est intercedat medium quod est in via ad perfectionem, sed nondum pervenit ad illam metam: ita quidem illud medium ob eam causam haud improprie imperfectè mixtum dicitur, ut pote, cujus situs est inter simplex Elementum, varieformiter alteratum: seu, si vultis 4. Elementa, quæ sunt simplicia & absolutè mixta. Constat ergo, quod in via generationis inter Elementa & perfectè mixtum, necesse est, ut corpori Meteorologica naturæ occurramus: Exempli gratià: in Generatione hominis; principium ipsius, quod fundatur supra naturam Elementalem aqueam, & locum suum in prima generationis serie videlicet quinta habet ipsum sperma: quippe, quod est aquea seu fluida substantia non nisi parum alterata: & quemadmodum in aqua integra mundi fabrica & semina omnium rerum complicitè continentur, & tamen nihil externè præter aquam apparet: ita in spermate, tametsi nihil appareat in prima serie explicite præter spermata, tamen totus homo, videlicet ejus ossa, caro, sanguis, nervi &c: sunt complicitè in eo comprehensa, & volunt gradatim ex eo apparere explicite, nimirum in sexta serie: Nam alterabitur ab humore ad soliditatem cum certa distinctione trium principalium membrorum, nempe Cordis, Cerebri, & Hepatis: In septima serie manebit in forma Embryonis: Et octava series complebit Cubum ad radicem Secundam 2. sive Quadrati 4. (quod in Elemento Catholico depingitur per impressiones quatuor ventorum) ad complementum perfectæ mixti in creatura humana.

Pari siquidem respectu videmus in magno mundo, quod simplex Elementum, nimirum Catholicus aer, apparet externè planus & simplex in sua existentia & quasi aliquod invisibile, nihil explicite & tamen complicitè in se comprehendit, nubem, pluviam, seu aquam, ignem seu fulgur & lapides ponderosos cum Sale &c: Quæ omnia explicite virtute quatuor ventorum apparent, ita ut vapor teheat primam generationis seriem, nimirum ordinem in Triangulari scala quintum; nubes sextum, fulgura cum pluvia septimum, & lapis Ceraunius seu fulminaris octavum, arguens exactam rotationem quatuor formarum seu naturarum ventosarum in unam mixtionem: At verò, cum hominis cadaver revertitur ad corruptionem, tunc necesse est, ut ejus partes procedant retro in resolutione per eosdem gradus, per quas procedebant ad perfectam compositionem, nimirum à perfecta dispositione 8. ad 7. & à 7. ad 6. & à 6. ad 5. uti revertitur in mucilaginem spermatis haud dissimilem, atque in Naturam Elementarem dispergitur, à qua prius est ortum: atque ibi incipit novam inducere formam, sive generationem secundam facere in alia forma: Nam Spiritus omnia operantis est nunquam esse otiosum. Pariter etiam lapis resolvitur in aquam, aqua in vaporosam nubem, & nubes in aerem à quo prius est derivata: Qui aer est simplex illud Elementum & per consequens non requirit ulteriorem resolutionem. Quibus patet, quod opus Generationis pergit præcipue per gradus condensationis, quibus mediantibus confirmatur vinculum compositionis Elementaris: Atque etiam exinde redditur manifestum, quod idem Catholicum medicamentum progreditur per viam generationis de forma in formam, & de re in rem: Et quod opus corruptionis fiat per viam Rarefactionis, nimirum resolvendo: Quemadmodum autem in nivis, glaciæ & pruinæ fabricandæ ratione à ventis Septentrionalibus, & eorum iterum in aquas & vapores resolutione per afflatus contrarios est explicatum. Atque ita Progressionem materialem, hoc est, alterationem materiæ aqueæ seu aëreæ de statu in statum seu de consistentia in consistentiam habetis.

Iam verò sciendum, quod solus in utroque hoc opere Artifex seu operator est Spiritus Dei: Nam in generatione emitit radios suos à Catholici Elementi centro seu spermatis interno, illudque movet ad perfectionem, & semper perseverat in sua actione, quod usque perfectus homo producat. Atque habemus à Iobo sic confirmatum: Nonne sicut lac fuditi me, & sicut caseum coagulasti me? Certe & carnè texisti me, cum vitæ benignita-


nigritatem exercuisse erga me, & visitatio  
tua conservavit spiritum meum? E contra  
cum Dei spiritus radios suos vivificos à  
genito detrahit, eosque in se, hoc est, in  
seipsum reflectit, & desijt visitare spiri-  
tum Creaturæ, necesse est, ut creatura mar-

cescat & revertatur ad id, quod fuit prius:  
Vbi iterum Spiritus idem, illam aquæ sub-  
stantiam ita resolutam per novam genera-  
tionem in novam convertit creaturam:  
Atque ita natura divina quiescit nunquam,  
sed semper est in actione in hoc mundo.

Demonstratio præcedentium ordinum est talis.

Simplex Trigonus compositionis mun-  
danz, ubi 2. hoc est, Lux & aqua est radix  
& 3. Unio amborum in animam mundi.

Progressio à quadrato Elemento-  
rum usque ad cubum compositionis.



## CAPVT. VII:

*Quod Deus contra Aristotelis aliorumque philosophorum assertiones  
non agat necessitate coactus in hoc mundo sed ex proprio  
suo velle & secundum benignam suam  
inclinationem.*

Illud propriè vocamus Necessarium, aliter se habere potest. Iam verò magna  
quod aliter se habere nequit; ex altera  
verò parte illud tam voluntarium, quam  
casu fortuito contingens æstimamus, quod  
aliter se habere potest. Iam verò magna  
putatio, utrum Deus operetur in hoc mun-  
do voluntariè, vel necessitate quasi coactus:

Major autem eorum pars sentit, quod Deus necessitate & non motione aliqua voluntaria agat & operetur in hoc mundo, tam bene in rerum generatione & conservatione, quam in eorum corruptione & ruina. Quod quidem si ita esset, sequeretur necessarium, quod actus talis in Deo involuntarius, procederet ab æterno à Natura alia Deo potentiori, quæ fuit aut coæterna cum ipso, aut ei præexistens, aut saltem, quod ab aliqua sua creatura esset ad hoc vel illud contra voluntatem suam perficiendum coactus atque exagitatus. Quod omne, quam sit erroneum atque à veritatis centralis regulis extravagans, ego vobis paucis enarrabo: Nam in loco priori, quid (obsecro) est ipso Deo antiquius aut ei coæternum? Nonne ipsius est ante omnia extitisse? Anne quicquam in Geometria tempore aut ordine ante punctum aut in mensura ipso minus? Ecquis omnium Arithmetices numerorum aliquis unitate vetustior? Vnde necessarium sequitur, quod Deus sit liber & voluntarius in suis actionibus, cum ipse sit & semper fuerit ex & in semet ipso, existentiam suam habuit ab æterno sine ullo ad aliquod vel præcedens vel coæterno principio respectu, atque idcirco erat in & ex se ipso sufficiens ad operandum & perficiendum, per se, sine ope alterius ab omni æternitate. Verum rationes opinionum istarum Ethnicorum se habent bifariam: Nam in loco priori sciendum, quod Deus virtute & essentia propria & non acquisita aliqua potestate operetur: Deinde, quia effectus in hoc mundo videntur esse necessarii, atque hinc inde concludunt, quod non possint provenire ab aliqua causa Fortuito contingente, vel voluntaria alicujus alterius: Ad primum quod spectat, arguunt (ut mihi videtur) in eo contra se ipsos: Nam, ut ille agit in sua propria essentia vel personaliter, evidens est, quod à seipso moveatur & per consequens non ab ulla externa coactione & impulsu seu necessitate interna: Præterea unitatis latitudo nullam admittit compulsionem, aut contra voluntatem motum, quoniam unitas pati non potest. Porro etiam non est possibile ut Deus ad operandum mediante aliquo extraneo vel alieno efficiente urgeatur, quatenus ipse ab origine manens fixus, constans & firmus, in se & per se solus operatur quasi originalis omnium rerum fons idque per se ipsum, emittens radios vite formales secundum placitum suum, eosque iterum in se vel contrahendo sive abstrahendo, ubi & quando vult. Ad secundum dico, quod effectus necessarii nullo modo solent necessitatem in prima efficiente causa includere: Quia causæ secundariæ, quas Plato cum alijs vocat Ancillas & servas, mandata ipsius ordine necessario exequitantur, ad illud opus ab eo agitatæ, qui est omnis multitudinis unitas, & consequenter omnia in omnibus, ita ut necessitas in

rebus hujus mundi creatis, genitis & corruptis dependeat in voluntate & libero mandato illius, qui eas creavit: Hoc autem à fonte veritatis habemus sic confirmatum. Ignem misit, ne combureret, modo ignem ille facit ardere inter aquas. Quo liquet, quod Deus non agat super ignem & in eo necessitate coactus, sed secundum placitum suum. Porro etiam, quando tres servi Dei non obstant ignis violentiæ in fornace ignea intacti & sine læsione ambulaverint, ibi Deus ex libera sua benevolentia est contra aut necessitatis per quindécim horologii gradus, aut consuetudinis leges operatus. Porro etiam solem fecit in cælo fixe stare tempore Iosue, atque iterum in suo motu retrogredi regnante Hezekiæ contra naturæ cursum & per consequens non ex necessitate, nec coactus. Et admirabilis totalis illa solis Eclipsis, quæ tempore passionis Salvatoris mundi accidebat, præter expectationem & capacitatem Astrologorum & Naturalistarum eveniebat: Ut pote incujus instante Luna nec in capite, nec in cauda Draconis reperiebatur: Vti testatur magnus ille Astrologus Firmicus: Vnde evidens est, quod illud via non naturali aut necessitate ad mundi naturam præservandam aut sustentandam fuisset factum: Hi (inquam) effectus omnes nullo modo produci potuissent, si Deus necessitate ad hujus mundi gubernationem egisset: Vnde manifestum est, quod Deus secundum libetum suum arbitrium operetur in hoc mundo & non coactus. Sed accedito & auscultate parum (vani o vos Philosophi, qui Deum actorem & ordinatorem omnium esse legibus & vinculis necessitatis obligatum creditis) quam, obsecro, gloriam aut honorem ei potest homo pro sua sapientia, iustitia & clementia attribuere, si esset contra voluntatem suam ad ea præstanda, quæ facit coactus? Videlicet si necessitate nescio qua res omnes sive creare sive Generare sive quippiam aliud secundum hanc vel illam effigiem formare, sed etiam Ens nutrire & præservare atque ipsas finaliter ad corruptionis metam perducere, urgeretur? Quas, inquam gratias, aut quem vultum, aut adorationem ipsi deberemus, si quid faciet in hoc mundo coactus & ex impulsione? At cur nos monet Aristoteles ipse (si hoc esset juxta ejus intentionem verum) quod sacrificia radicibus naturæ offerremus? Aut quid nobis mortalibus utilitatis afferet preces & supplicationes nostras quotidianas coram Deo pro hoc vel illo beneficio futuro effundere? (quod nihilominus officiū Plato, Porphyrius, Iamblicus & Proclus docent esse per quam necessarium) si precibus propitiari & placari nequeat in sua iracundia, ut pote qui (si ipsis credere fas sit) necessitate & contra voluntatem suam agit? Aut cur solebant Socrates & Pythagoras (qui juxta oraculi testimonium erant sæculi eorum

rum sapientiores ) Deum quotidie orare, si ipse ageret omnia coactus & non secundum voluntatem suam? Aut cur publicavit Propheta : quod Deus sit solus inclamandus & deprecandus ; si ulla in Deo esset necessitas, ut operaretur in Generatione & conservatione rerū? Imò quidem perspicue ex istis, quæ dicta sunt declaratur, quod Deus mediantibus hominum orationibus communiter ad misericordiam inclinetur ; & quod sit in libero ipsius arbitrio vel in severitate vel in clementia agere cum isto mundo & creaturis ejusdem, & per consequens patet, quod minime ad hos vel illos in mundum effectus vel creatione vel generatione vel corruptione producendos necessitate agitur : uti falsò & more planè Atheistico tradiderunt nonnulli Philosophi Ethnici, inter quos unum ex discipulis Aristotelis mundo & præcipue medicis (quippe medicorum facile principem inter Ethnicos) optimè notum, nimirum Galenum nomino, qui satis inconsultè in ista verba loquitur, Moyses arbitrat Deum omnia posse facere, etiam si ex cineribus bovem aut equum facere velit. Nos autem non ita sentimus, sed confirmamus, quædam Naturam facere non posse, eaque Deum ne aggredi omnino, sed ex his, quæ facere potest, quod melius est, eligere. Iam verò cum pilos in palpebris statuisset æquales semper esse magnitudine & numero : non ipsum quidem hoc voluisse affirmamus, illos mox factos fuisse, neque enim id facere potuisset affirmamusque, si millies voluisset, nunquam tamen tales futuros, ex Ente molli producti fuissent &c : Ecce quam Atheisticè vir iste temerarius loquatur, & quomodo Dei omnipotentiam restringere, actionesque ipsius limitibus terminare, intolerabileque Necessitatis jugum atque impotentiae notam ei imponere velit.

Sunt tamen nonnulli alij Philosophi, qui modestius adhuc in isto negotio se gerunt: Nam Avicenna affirmat, quod istæ in Deo actiones neque necessitate neque more violento aut coactione fiant, sed in mediocritate inter ea consistent: atque ideò concludit, quod sit in voluntate agentis: In qua ejus resolutione videtur non multum à scripturæ sacrae sensu variare, quæ in hanc cadit sententiam: Quod Deus castigaverit nos propter iniquitates nostras, & ipse salvabit nos propter misericordiam suam. Quo arguitur, quid sit libera in Deo voluntas ad puniendum & ad miseri-

cordiâ afficiendum. Verum hoc adhuc planius hisce in verbis exprimitur: Deus juxta voluntatem suam facit tam in cœli virtutibus, quam in habitatoribus terræ. Quibus arguit propheta, quod quolibet in hoc mundo operatio juxta voluntatem atque in & per verbum omnipotentis perficiatur: atque ideò non necessitate, ut Aristoteles, Galenus & multi alij ex Ethnicis ad derogationem Virtutis Divinae & diminutionem Omnipotentia ipsius. Sed, quod sit Necessitas indubitata in causis organicis, & in effectibus, qui procedunt ab actibus Divinis, nihil in mundo planius, nihil in rerum natura certius. Vnde Propheta Baruch: Deo obediunt per omnia Sol, Luna, sydera, fulgur, ventus, nubes &c: Hoc est à Verbo ipsos inhabitante incitantur & necessitate rapiuntur ad faciendum placitum divinum. Non ergo sequitur, quod ipse, qui radicaliter imperat, possit ullo modo cogi, ut in imperio vel Dominio suo sic vel ita agat, ut pote qui primordialiter agit, hoc est, primus & unicus existit in mundo motor: Non enim alium vel ante se vel ipsi, coæqualem habet agentem: & consequenter voluntariè & ex libero suo arbitrio operatur: Atque hinc ait Apostolus: Voluntari Dei quis resistit? Et Propheta: consilium meum stabit & omnis voluntas mea fiet. Et Iob: quodcumque voluit, hoc facit. Quare manifestum est, quod ipse non operetur involuntariè aut ex Necessitate, sed secundum placitum suum.

Concludimus ergo, quod, ut necessarium sit illud, quod aliter evenire nequeat, sed debet ita esse ex necessitate, ita illud, quod est contingens potest aliter accidere & effici. At verò voluntarium est neutrum ex istis extremis: Iam verò, quod actus Dei in hoc mundo sunt voluntarij & consequenter vinculis necessitatis minimè ligati, in eo probatur: quoniam res aliter se habere potest, quàm in statu naturæ constituto; ut, quando voluntas Dei esset, quod Sol ad perpetuum motum destinatus in cœlo fixe pro aliquo temporis spatio maneret; & quod ipse (nullo Epicyclo præditus, sed ut æternum in via sua progredere-tur ordinatus) in itinere, suo retrogrederetur, aut ut Eclipsin ultra naturæ rationem pateretur, Luna (dico) à lineæ Eclipticæ vel septentrionaliter vel Meridionaliter aberrante, hoc est, in nullo annalium intersectionum puncto, nimirum nec in capite nec in Cauda Draconis existente, &c.

Daniel 4.

Baruch. 3.

Rom. 9.  
1. sal. 16. 17.De usu par-  
tium lib. 2.  
cap. 14.

Tob. 13. 5.

# PHILOSOPHIÆ MOYSAICÆ, SECTIONIS PRIMÆ, LIB. V.

## Hujus libri Argumentum.

Postquam Author radicalem duarum essentialium proprietatum, videlicet caloris & Frigoris naturam expressisset, & partim rationibus Philosophicis atque sacrarum literarum testimonio, & partim demonstratione oculari probasset condensationem & Rarefactionem fuisse evidentes earum effectus, quibus mediantibus cœli orbes atque Elementi inferioris regiones erant fabricatæ, & locis decentibus dispositæ: Progreditur ipse jam in libro hoc præsentī ad impressiones illas Meteorologiæ describendas, quæ primi sunt compositionis gradus, indicando, quod ipsarum fabricandi ratio consistit in Spiritus Divini in Elemento communi sublunari actibus: Et consequenter probare aggreditur, quod eorum causæ non à fontibus Merè adventitijs & principijs externis oriantur, uti Peripatetici falsò imaginantur: Propter istam etiam rationem ipse Meteorologicam Aristotelis Doctrinam cum illa Biblij sacri comparat, & finaliter reducendo ipsius de impressionibus aëris Philosophiam, ad Lapidis Lydij seu veritatis examen, ipsum metallum falsum & spurium; imò verò non nisi meram metalli spumam atque faciem respectu aureæ veritatis deprehendit.

## CAPVT. I.

*In isto capite discursus præcedentis repetitionem paucis inuenietur, atque equidem etiam vocabuli Meteorī expositionem habetis. Porro etiam methodum, quam Author in isto libello intendit, ex eo elicere fas est.*

**I**N discursu meo præcedenti principia solummodò, sive primarias rerum omnium radices in dicavi, hoc est, tenebrosam & potentialem unitatem, atque illam lucidam atque actualementem; & dixi vobis, has duas unitates non esse nisi rem unicam in essentia, quatenus lux erat æternæ unitati, ut tenebræ: & vice versa, tametsi debili nostræ capacitati Proprietate invicem oppositæ videantur: Tunc dixi, quod unitas Tenebrosa virtute sua lucida faceret, ut aquæ ex Nihilo comparuerint: Inde arguendo, quod ab ista unitate & per istam unitatem & in ista unitate essent, sint & fuerint omnia: Deinde probavi, quod aquæ essent principium omnium rerum passivum seu materiale, ut è regione illuminans ille spiritus, erat inactuans sive informans cujuscunque essentia initium: Et quod ambo principia ista ab unica solummodò radice seu stirpe originem suam deduxerunt, quæ ob hanc causam ritè dicitur omnia in omnibus: Post hæc narravi, quod Frigus esset essentialē Privativæ quieti adhærens, & quod esset soboles & Agonista fortissima Tenebrarum: Vt è contra quod Calor esset filius & Athlera magnanimus motui & actioni lucis Essentialis, ad ejus mandata præstanda semper paratus. Ex pressi etiam vobis, quomodo Humiditas & siccitas suas

à mutua prædictarū proprietatum calidi & frigidi præsentia seu absētia habuissent origines: Et in ultimo loco rationē modūque actū condensationis rarefactionis exposui simul atque indicavi, quod subjectum commune, in quod operantur, esset aqua; Actorem verò quem in tali operatione radicalem expressi fuisse verbum seu Spiritum Dei, qui agit primum in organis suis Angelicis per stellas & præcipuè solem & ventos, in Generali Elemento sublunari, juxta voluntatem suam, illud alterando quadri-formiter secundum formales quatuor ventorum proprietates: Idque vel per viam condensationis vel Rarefactionis in varias species, figuras & dispositiones. Iam verò in isto libro vobis modum ac viam verissimam (ut pote, quæ conveniet totaliter cum historia sacra) aperiam, quomodò Verbum sacrosanctum seu benedictus Dei Spiritus corpora omnia Meteorologica in Elemento aëris Catholico virtute & actu condensationis & Rarefactionis produxerit: Sed priusquam in istum meum discursum descendam; operæ pretium fore existimo, ut declarem, quid Philosophi per Meteorī vocabulum intellexerint: Illæ apparitiones, quæ videntur in aëre, dicuntur à Græcis Meteora, non quidē respectu essentiali suarū, sed ratione sublimitatis ipsorum in positi-



Positione: Alij illa magis propriè nominant impressiones; quatenus superius imprimuntur & formantur in Elemento Catholico aëris. Sed respectu existentiae eorum magis ad huc propriè dicuntur corpora imperfectè mixta: Idque aut ratione generationis ipsorum in expectatæ subito apparent & procreantur: Aut quia eorum compositio non videtur esse juxta mutationem substantiae, aut alterationem qualitatis: Aut quatenus non sunt tam exactè, ac sunt cætera corpora animata, quæ sunt perfectè mixta; aut denique impressiones dictitantur, quatenus formam adhuc completam minimè acceperunt, nec magna videtur esse in tali mixtione alteratio partium, quatenus membra Elementi sic alterati sunt ad invicem confusa. Vt cunque apparet, quòd talia nomina hujusmodi impressionibus secundum placitum & intentionem Philosophi assignantur, cum rei veritate sint magnalia Dei, seu corpora mystica digito Dei insublanari Elemento ad voluntatem divinam in terrâ formata & fabricata, sive ad judicium sive ad misericordiam perficiendam: Quemadmodum infra latius declarabitur: Ita, ut in hoc sensu haud injuriâ vocari possint characteres aut signa vel benignitatis & misericordiae, vel vindictæ & severitatis nuncupari queant: Propositum ergo meum est in Historia Meteorologica mea, ut vos in veram viam sapientiæ sinceræ dirigam, quo certiori judicio possitis

mysterium tam magnum, ac est scientia Spiritus Dei Meteorologica enucleare atque intelligere, vos quæ è luto Philosophiæ Ethnicorum coeno, cui mundus Christianus per tot secula præterita, atque etiam in hunc usque diem non nisi summo ipsius dedecore tenaciter in hæret. Quod quidem, ut melius perficiam, falsæ Peripateticorum Philosophiæ errores ac absurditates cum infallibili textus sacri veritate per integrum tractatus hujusce mei filum comparabo, ut exinde quilibet sibi constans Christianus trutinis seu lance justitiæ ponderans illas contradictiones immanes, quæ inter unam atque aliam inveniuntur, possit tum postea virtute clariori oculisque sui intellectus apertioribus Doctrinam meliorem discernere, eamque cum sinceritate sequi: Deteriorem verò evitare & in æternum exilium ab eorum memoria relegare: Se totum, inquam, veritati scripturarum sacrarum addicere & præstigiösam Philosophiæ Peripateticæ summo opere effugere, & (ut verbo, quod velim aperiâ) ut mente pura & erecta magnam illam differentiam decernat, quæ est inter sapientiam istius mundi ab inventione humana parta, & per consequens teste scriptura nihil præter meram stultitiam atque illam à Deo procedentem, quæ est realis & essentialis veritas: Atque ex istis paucis meam in hoc libro intentionem, ordinem & methodum lucidè percipere potestis.

## CAPVT. II.

*Hoc in capite integrum ventorum mysterium juxta Spiritus divini intentionem enucleatur: & è regione spiritus falsus atque prestigiosus Aristotelis ac Peripateticorum Christianorum de eo subjecto, detegitur atque explicatur mundo.*

**V**T differentiam illam, quæ est inter falsam sapientiam & Philosophiam veram, & essentialem, luculentius Explicare queam, mihi in priori loco est propositum sectæ Peripateticæ opiniones exprimere & tum postea eas lapide Lydio Divini verbi sive scripturæ sacræ examinare, ut exinde colligamus, utrum Doctrina eorum sit sana & realis nec ne. Iam verò, quoniam (uti dictum est) quatuor venti Cardinales cum suis Præsidentibus Angelicis sunt actores organici in Elemento Catholico, sive aquis sublanaribus, ut pote, qui ipsas de natura in naturam, de statu in statum mutant; operæ pretium fore existimo, historiam seu discursum istum meum à profundissimo ventorum Generalium mysterio incipere: Quatenus ipsi observantur esse omnium aliorum Meteororum campi aërei sive Elementi Catholici principia. Et primo ordine explicabo, quid Peripatetici Ethnici & Christiani eorum disci-

puli de ijs sentiant. Philosophorum Peripateticorum est opinio, quòd ventus sit calida & sicca exhalatio difficulter inflammata ex terra ad mediam aëris regionem usque ascendens, à qua tum postea immediatè, deorsum, virtute impulsiva frigoris loci reperiussa, atque iterum nitendo sursum tendere, partim respectu suæ levitatis & partim ratione aliarum exhalationum ascendentium, quibus in motu suo deorsum occurrit, lateraliter in infima aëris regione moveri cogitur: Quem quidem aërem ventilat & agitat, ne propter motus ipsius defectum putresceret. Hic est integer opinionis ipsorum de ventorum generatione sensus. Quare ego huic descriptioni Peripateticorum de vento in sistam. Primum quoniam spurij Philosophi Christiani, ac si effrena quasi dementia essent perciti, meliori ipsorum conamine istam, Aristotelis opinionem, tam in scholis suis publicis & privatis negotiationibus, quam scriptis ma-



## SECTIONIS PRIMÆ LIB V.

turioribus tantâ confidentiâ & audaciâ defendere ac sustinere conantur, ac si esset Divinitus mundanis annuntiata, aut à sacro veritatis oraculo edita ac publicata. Secundò, quia locus, in quo imaginaria ista exhalatio dicitur generari est Terra, & sedes, ad quâ juxta ipsorû Doctrinâ ascendit, est media aëris regio, in quam ratione intemperiei ejusdem frigida non permittitur penetrare: At verò medium, in quo movetur naturaliter sursum, & per compulsionem deorsum seu contra naturam, ac tandem per luctationem & resistantiam aliarum exhalationum ascendentium, lateraliter, hoc est, versus dextram vel sinistram movetur, est infima aëris regio. Tertiò, quia asseverare videntur per illam suam descriptionem, quòd agens, motor seu causa efficiens istius exhalationis, qua mediante, ipsa tum sursum exaltatur, tum deorsum pellitur, tandemque collateraliter cogitur, sit triplex calor solaris & Astralis attractivus, qui eam elevat, mediae aëris regionis Frigiditas, quæ eam pellit deorsum Terram versus, & colluctatio aliarum exhalationum, assidue è terra ascendentium, quæ fumo ita deorsum pulso occurrentes, faciant, ut ipse lateraliter tendat, dicantque quòd ex harum exhalationum tam ascendentium, quàm descendentium luctatione & contentione, simul atque motu laterali sit ille in aëre aperto strepitus, qui vocatur ventus. Atque hoc est ventosum illud Peripateticorum figmentum, quod debita examinatione præeunte, apparebit non nisi aquæ bulla; inò quidem quippiam vento levius, hoc est, merè verba sine substantia: Iam verò causa finalis, cur eorum natura has ventosas motiones in aëre constituerit est (uti ex ipsorum descriptione constat) ut mediante tali ventilatione aër possit purificari, purgari & à putredine præservari. Sed quicumque fidem Ethnicæ huic definitioni adhibebit, præsertim si sit veræ sapientiæ amator, ipsum moneo, ut quodlibet particulare ejusdem membrum examinet prius, quò melius discernat, an veræ sapientiæ & rationis legibus conveniant nec ne.

In serie igitur priori cum diligentia observari debet, an in primo descriptionis præcedentis membro ulla veritatis probabilitas sit reperienda. Ex ea docetur, quòd materialis venti substantia sit calida & sicca Exhalatio è terræ visceribus exurgens: Sed à pagina sacra (cui in primis & super omnia credere debent Christiani) instrui-mur, quòd ventus habeat suum ortum sive originem à spiritu seu spiraculo Iehovæ. A flatu narium tuarum (inquit Moyses) coacervatæ sunt aquæ, flavit spiritus tuus & operuit eas mare. Et Iob: Glaciem edit Deus vento suo, flante Deo concrevit gelu. Et alibi: Deus fecit ventis pondus. Et Psaltes Regius: Qui facit Angelos ventos & ministros suos ignem urentem. Atque

Exod. 15. 10.  
Iob. 37. 10.  
Iob. 28. 25.  
Psalm. 103. 4

hinc est, quòd quidam in mysterijs veræ naturæ profundis, versati, asserunt, externum Angelorum esse aërem, seu subtilem humidam mundi naturam: Eorum verò internum seu portionem formalem agnoscunt esse Divinum ignem; atque propter istam rationem Dionysius vocat Angelos Algamatha, hoc est, specula politissima, quæ recipiunt splendorem sive lucem Divinam: Vnde dicitur, quòd imaginem creatoris repræsentent. Quare Propheta loco antea citato describere videtur ventum tam occultum, quàm visibilem; arguitque ignea eorum pars, quæ manifestè apparet in forma Fulguris, esse Angelicum spiritum Divino igne, seu lucida Dei animatione animatum. Quibus rectè consideratis aut oportet nos concludere, quòd spiritus è naribus seu ore Iehovæ sit calida & sicca exhalatio, passionibus præternaturalibus obnoxia & è terræ visceribus orta (quod quidem ex ore Christiano prolatum pijs apparebit profanum) aut quòd istud Peripateticæ descriptionis membrum sit falsum & errabundum: Sed hoc totum clarius ex membrorum sequentium examinatione patebit.

Per secundum ejusdem definitionis membrum intimare nobis videntur Peripatetici, quòd locus, in quo exhalatio illa, quæ est causa venti materialis generatur, & à quo derivatur, sit ipsa terra, sed sedes ad quam tendit est media aëris regio, & quòd medium sive spatium, in quo movetur tam sursum & deorsum, quàm lateraliter est infima aëris regio: In qua quidem istius Ethnicæ Philosophi assertionem, evidenter probabo varios & grossos & absurdos reperiri errores: Sed, ut inquisitionem istam nostram magis strictè atque efficaciter perficiamus, erit (ut mihi videtur) necessarium, membrum sive clausulam istam in tres partes distinguere: In quarum priori sedulo considerare debemus, an causa ventorum materialis extrahatur ex terra, nec ne. Secunda, an illa substantia fumosa sola tendat sursum, viamque suam ad concavam regionis mediae aëris superficiem solummodo faciat. In posteriori vel tertia, utrùm locus, in quo ventus movetur, sit tantummodo infima aëris regio. Ad priorem quæstionem asseveramus confidenter, quòd aut sacre scripturæ (quæ sunt veritatis fontes) sunt erronæ & veritati haud congruæ; aut quòd ista secunda membri particula debet esse falsa & omnino veritati dissentea: Nam D. Iohannes habet: Spiritus ubi vult spirat & vocem ejus audis, sed nescis, unde veniat, aut quò vadat &c: Quæ quidem Evangelistæ verba, si rectè & cum diligentiâ à sapientibus examinentur ac ponderentur, concludere viderentur, quòd Aristoteles, qui erat infidelis & Ethnicus, profundius in Divinis Dei ac naturæ mysterijs esset versatus, quam Evangelista, qui erat verus ac syncerus Chri-

Iohan. 3. 8.

Christanus, & tunc sequeretur, quod aut D. Iohannes esset in sua disciplina errabundus & mendax (quod quidem affirmare non modò in Christiano foret dedecus, sed maxima & profana impietas) Aut Aristotelis assertio debet esse falsa, ut pote veritati omnino contradictoria. Aristoteles dicit, quod materia venti movetur sursum à terra, & ascendit usque ad mediam aëris regionem, à qua virtute frigoris deorsum pellitur. Sed D. Iohannes ait, quod ventus non coactione seu violento motu moveatur, nec ab accidentali & externo aliquo impulsu agitur, sed voluntariè & secundum suum placitum sive appetitum: Nam spiritus (ut ait) spirat ubi vult &c: Ista Evangelistica Doctrina, quæ tam immaniter à sententia Aristotelis differt, varijs alijs Biblij sacri testimonijs statumatur: Nam Psaltes Regius cum Prophetæ Jeremia dicit: Depromit ventos è The-sauris suis. At alibi probant scripturæ, terram non esse arcam Dei Thesaurariam: Scribitur enim: Aperiet tibi Iehova Thesaurum optimum coelos, dando pluviam terræ suo tempore &c: Non dicit terram sed coelos: Ita, ut inter hæc duo sit tanta discrepantia, quanta inter noctem & diem. Quare evidens est, quod cælum sive Catholicum aëris Elementum sit secreta arca Dei, in qua omnia Meteorologica Dei Magnalia aut mirabilia Meteorologica reconduntur & reservantur. Atque hinc alibi: Ianuas coelorum aperuit Deus, pluens mannam &c: Preterea est res tam difficilis pro mortali lumine, qui spiritu sapientiæ non illuminatur ad arcanum istum Thesaurum Dei inveniendum ac detegendum: Quod Iehova Iobum etiam ipsum virum iustum & Deum timentem, & multò magis vanos istius mundi Philosophos, qui verbum Divinum penitus ignorarunt, indigirans in his verbis alloquitur: Pervenistine in Thesuros nivis & in Thesauris grandinis inspectionem habes? &c: Hinc inde arguendo, quod, nisi Spiritus ejus ei revelasset Thesaurum suum, impossibile esset, ut eum cognosceret: Atque hanc ob causam Salomon: Corpus in secum corruptione aggravat animam, ac vix conij-cimus ea, quæ in terra sunt; quæ autem in coelis sunt, quis investigavit, nisi tu dederis sapientiam &c: Iam verò Salomon est falsus, se cognovisse vires Elementorum & potestates ventorum & per consequens radicalem ipsorum originem: Nam sapientia, inquit, omnium artifex me docuit sapientia: At spuria Aristotelis Doctrina, ejusque Ethnica & mundana sapientia arguit, ipsum ad sapientiæ Thesaurum, qui est de Deo attigisse nunquam. Sed procedamus ad secundum dubium, quod est, an juxta intentionem Aristotelis materia venti radicalis sit de terra, & utrum primus ipsius motus sit à Terra sursum. Vir siquidem in Mysterijs naturæ

Aristotele longè doctior huic quæstioni sic respondit: Venti viam, ait, ignorat homo, opus ipsius Dei, qua viâ faciat hæc omnia: At Aristoteles fuit homo, imò vero homo Ethnicus, & per consequens eò indirectius potuit de rebus tam abstrusis judicare: Quare Iehova audaciam istiusmodi sapientis mundani deridens, & ipsum quasi pro arrogantia sua reprehendens sic in persona sua dixit. Nostine, ubi sit tua, in quo dividitur, exhalatio, quæ spargit ventum super terram? Inde arguendo, quàm erat impossibile pro viri mundani capacitate talia concipere aut intelligere, nisi per Spiritum Disciplinæ Sanctum doceatur: Sic enim edoctus erat Adam, Salomon & multi alij, ut in libro sapientiæ invenitur: Et tamen Aristoteles, videtur Deo satis impudenter respondere dicendo. Ego viam & ortum venti intelligo: Nam ortus ipsius est de terra sursum mediam usque aëris regionem, à cujus frigore iterum deorsum pellitur, & obveniando in via descensus sui alijs exhalationibus successive, ascendentibus compellitur movere lateraliter super faciem terræ: Verum ego hujus rationis impossibilitatem per ea, quæ in posterum immediate sunt dicenda, ostendam.

Ad secundam & tertiam hujus clausulæ partes dico, quod medium, per quod venti moventur & vehuntur, est longè vastius, & largius, quàm est illud, ei ab Aristotele assignatum: Nam ventus non spirat tantum in infima aëris regione, sed etiam in media atque etiam summa. Si ergo ventus flet in media aëris regione, tunc quidem Definitionis seu potius descriptionis Aristotelis vigor auferetur: Quippe cujus efficacia in hoc præcipue est sita, nimirum, quod talis exhalatio calida & sicca, quæ est materialis venti causa, non permittitur penetrare mediam aëris regionem, sed iterum à frigiditate loci per Antiperistasin aucta, facile præcipitatur sive reverberatur deorsum: Iam verò si aliquis sit tam in media aëris regione, quàm in infima ventus, tunc ista quidem venti causa abrogabitur procul dubio: Quoniam tunc exhalatio ista non repellitur deorsum in infimam aëris regionem, in qua debet alijs exhalationibus occurrere, ut mediantibus illis lateraliter moveatur & dispergatur super faciem terræ, faciens ventum: Nam exhalatio, quæ facit ventum in media aëris regione non præcipitabitur à frigore, sed semper observatur nubes hinc atque illinc movere, & tonitrua provocare in illa regione: Imò vero oculis humanis quotidie ferè manifestatur, quod tam nubes superiores, quæ sunt candidæ & flavæ, & hac de causa lucidiores & subtiliores ratione igneæ ipsarum claritatis,

## SECTIONIS PRIMÆ LIB. V.

quàm illæ in feriores, quæ sunt grossiores, & obfcuriores à ventis ab aliqua mundi quadra ad ejus oppositum agitentur ac impellantur: Nā nisi venti essent in illa regione præsentēs, impossibile foret, ut super ventorū quasi alas volantes in tali forma sine ulla laterali super terram aspersione moverentur. Nonne etiam observamus, quod ventus Australis flet ab Australis Horizontis angulo, & alter ventus ab Horizontis Borealis puncto emittitur, ita ut ambo venti hi Dominium habeant uno eodemque tempore in utroque Horizonte? Vnde ut plurimum accidit, ut magnæ & obscuræ nubes à quatuor mundi oppositis moventes, virtute spirituum dictorum contrariorum, concurrant simul in utriusque Horizontis puncto, atque ita immensum nubium densarum mare ibi congregatur, quod loco tabernaculi magno spiritui, mirabilium & omnium operatori inservit: Vnde fulgura & tonitrua tremenda per concursum naturarum Angelicarum oppositarum sequuntur, qui naturæ ventosæ sunt nuntij & ministri, qui efficiunt vocem Omnipotentis, quod quidem nunquam potuit fieri, nisi venti, unus nimirum adversus alium, juxta voluntatem omnipotentis, cursum more impetuoso in media aeris regione fecissent. Atque hoc etiam totum à sacris scripturis sic confirmatum habemus. Ascendit fumus (ait Textus) è naribus Iehovæ, carbonēs accensi sunt ab eo, inclinavit coelos, & descendit & caligo sub pedibus ejus & ascendit super cherubin & volavit seu lapsus est super pennas venti, posuit tenebras in circuitu suo latibulum, cribrans aquas è nubibus cœlorum, præ fulgore in conspectu ejus nubes accensæ sunt, tonabat de cœlo Dominus &c: Ex quo sermone colligimus, quod non solum nubes & tonitrua atque fulgura à ministris Dei ventosis moveantur: Sed etiam Divinitas ipsa, quippe quæ nubibus in media aeris regione densis & opacis circumducta, vehitur super æreum cherubin, & utitur ventosis suis organis in suo motu. Nam Textus habet: Ascendit super cherubin & volavit super alas seu pennas venti. Quibus quilibet sapiens facillimè decernere potest, quod mundana Peripateticorum sapientia & consequenter Philosophia Peripatetica sit mera stultitia respectu istius, quæ est à Deo: Quatenus ipsa mundo per suadere velit, quod actores tales essentiales, quales sunt venti Angelici (quorum interna essentia est lucidus Dei Spiritus) sint accidentaliter producti, & quod violentiā nescio qua externa, ad movendū excitātur. Cum è regione per veræ sapiētæ Doctrinā evidenter liquet, quod ipsi essentialissimo & vitalissimo interno agente sint præditi, & per consequens juxta prædictam D. Iohannis sententiam ex seipsis moventur, quando & ubi volunt. Luce ergo clarius apparet, quod ventus habeat

actum, formam & Principium internum in se, ad cuius motum movetur & vehitur, quod aut quando primus in eo motor voluerit. (Nam Textus ait, ut antea) Spiritus spirat ubi vult, atque ita interna voluntate est præditus. Quibus videre licet, quàm extravagans & errabunda sit ratio Peripateticorum de hac re, quippe quæ nullam internam aut essentialē in ventis formam admittit, sed ipsos facit res mere accidentales verbi gratia stellæ suo calore attrahunt sibi, hoc est, sursum levant fumosas exhalationes à terra, iste fumus sive exhalatio altum petens, loci frigore pessundatur, & in suo motu ad deorsum, lateraliter ab exhalationibus alijs ascendentibus cogitur. Vos obsecro, qui iusti estis & haud ex parte Peripateticorum parci, mihi fideliter ostendatis velim, quodnam illorum extemorum accidentum in istiusmodi ventorum procreatione possit pro interno & essentiali illo Principio haberi, quod voluntatem seu voluntarium motum in ventis procreare, aut ullum actum Angelicum in aëre seu Elemento Catholico producere queat. Nam Textus ait: Spiritus spirat, ubi vult. Nonne testatur Pagina sancta, ventum esse creatum? Ecce, ait, formans montes, creans ventum Deus Exercituum nomen ejus. Si ergo creatus sit, habet procul dubio Principium internum Creaturæ: Nihil enim creare solet Deus ab externis accidentibus. Quare si nulla sit talis voluntas essentialis seu internum & centrale agens in figmento Aristotelis ventoso, aut inveniendum, aut realiter excogitandum, tunc tam absurdus & vanus mundo procul dubio intelligenti videbitur ejus Spiritus, qui talem disciplinam adulterinam publicat, quàm Philosophia Aristotelica, quam ille docet, est falsa & præstigiōsa. Nonne erat istius assertionis Aristotelicæ improbabilitas in causa, quod nonnulli ex præstantioribus ejus discipulis ipsi diffidentes, se penitus à magistri sui de ventis opinione vanam illam existimantes averterunt? Inter quos Iohann. Fregium secunda vice commemorō, virum, inquam, in Philosophia Aristotelis admodum versatum. Hic postquam Meteororum causarum meminisset, animum suum statim in ventorum inquisitione ab Aristotelis opinione declinat: Vnde in verba hæc prorumpit. Quemadmodum tota disputatio de ventis & sicut de alijs Meteoris plena est admirabilium operum Dei, quorum nulla & sufficientes in natura causæ proferri possunt, tamen prodest videre, quousque humana ratio progredi possit. Sacræ quidem literæ dicunt, Deum ventos producere de Thesauris suis, unde veniant, aut quod vadant nescimus. Hæc Fregius: At ego ad huc me Paulò profundius in istam inquisitionem immergam. Aristoteles cum Peri-

Ioh. 3. 8.

2. Reg. 22. 8.

Fregius lib. 25. in causa Ventor.

pate-

pateticis suis discipulis affirmat, quod ventus ille turbulentus & tempestuosus dictus Ecnephia, atque etiam ipse turbo, sint quidem repentini & subitanei venti, qui violenter è nubibus emittuntur: & tamen admittere non vult; quod calidæ & siccæ exhalationes possint mediam aëris regionem penetrare ratione frigoris ejusdem: Sed, ut profundius in absurditatis ipsius abyssum descendam: Fatetur quidem, quod Meteororum ignitorum, ut cometarum & hujusmodi aliorum causa sit calida & sicca exhalatio, quæ est terrestris, crassa, pinguis & unctiosa & idè apta inflammari & accendi: Iam verò assignat ipse supremam aëris regionem pro loco & sede generationis Meteororum talium, nimirum cometarum, & tamen transitum in mediam aëris regionem videtur negare illis exhalationibus, quæ ventos pariunt, quæ non sunt inflammationi obnoxie, & in sua substantia tenues & leves. Anne quisquam aded mentis inops & effectuum naturalium ignarus esse potest, ut non percipiat, quod Frigiditas potius resistet & oberit rei inflammabili & de natura ignea actuali, qualis est exhalatio illa quæ efficit cometas, quæ rei seu exhalationi, quæ nec est actualiter inflammabilis aut ignea in se, videlicet fumus ille, qui dicitur esse ventorum origo. Iterum apparet ex descriptione cometarum, quod materialis ipsorum existentia est gravior, magis terrestris, grossa & compacta, quàm est illa ventorum, & atque ob hanc rationem est minus apta ad ascendendum & penetrandum: Quatenus res graves ex propria sua inclinatione tendunt deorsum, quàm illa ventorum; ut pote quæ est magis levis & subtilis, & consequenter apta, ut sursum tendat. Quare esset impossibile, ut grossiores fumi, qui facerent cometas, ascenderent & medię regionis aëris diaphragma penetrarent; imò quidem in tertiam seu superiorem regionem se exaltarent, tam bene ratione caloris sui inflammabilis, quàm substantiæ grossitiei & ponderositatis: Cùm è regione tenuiores & non accendibiles in suo ad superiorem transitu à media aëris regione impediuntur. Quare evidens est, quàm infirma sit ista & frivola & nulla probabilitate stipata Aristotelis in descriptione prædicta assertio.

Sed venio ad tertium ejus descriptionis membri examinationem, tamen ali- quid in præcedenti inquisitione de eo dixerim, tamen conveniens erit, ut existimo, verba de isto ampliora facere, quoniam multum ad mundanæ hujusce sapientiæ, stultitiæ & erroris detectionem confert. In isto igitur membro tria ad venti generationem agentia describit, quæ omnia facit accidentia: Ac si quis diceret, quod venti non moveantur ab interno & essentiali aliquo Principio, sed potius ab externis accidentibus, nimirum calore solis &

Astrorum & frigore mediæ aëris regionis, atque etiam luctatio exhalationum invicem in descensu & ascensu occurrentium, per ista (ait) exhalatio movetur lateraliter, & ita ventus procreatur. Quare verbis expressis (nulla de interno aliquo Principio mentione facta) concludit venti generationem non essentialiter sed contingenter & modo externo seu superficiali fieri: Quàm aureum & coruscans est hoc mendacium, haud equidem antiquorum Poëtarum figmentis dissimile: Assertio, inquam, quæ primo intuitu videtur pulchra: Sed in veritate est quasi umbra seu inane quid & substantia reali destituta: Nam istiusmodi asseveratione videtur ventum nihil aliud facere, nisi quid per accidens, cùm è contrario ab ore veritatis hoc plunè contradicatur, ut pote, quod ventum primordialiter à Divino Dei Spiritu sive halitu provenire testatur: Imò verò ab ipso dicitur Angelus, qui dilatatur & ubique emittitur ad voluntatem ipsius obeundam, qui eum animavit & inspiravit vitæ: Hinc syriacus: In voluntate ipsius spirat Notus. Et David: Qui facis Angelos ventos, hoc est, qui animat eos essentialiter per Spiritum suum, eosque quasi nuntios emittit ad faciendum placitum suum. Hinc ergo idem Propheta ibidem: Angeli Dei efficiunt verbum. Et Propheta Baruch: Ventus facit mandatum Dei. Et alibi: Ventus procellosus, efficiens verbum Dei. Et tres servi in fornace ignea, & venti, benedicite Domino & exaltate eum super omnia in perpetuum! Quid respondent Christiani nostri Peripatetici ad ista? Quid? Anne putant, quod, si venti essent res accidentales & tam superficialis momenti, ac ipsorum Magister eos in spuria sua Philosophia publicavit, quod Deus ipsos ad verbum suum efficiendum emitteret, aut si interno & essentiali principio essent destituti: Anne Domini & creatoris sui laudes mundo ebuccinare aut ipsi benedicere potuissent? Aut juxta voluntatem ad mandatum ipsius, qui eos emittit, perficiendum moverent? Minime profectò: Verum hoc etiam expressis sacræ Paginæ locis sic confirmamus, probando, quod internus in ventis motor sit inspiratio Omnipotentis. In spiritu furoris tui congregatæ sunt aquæ, à flatu narium tuarum coacervatæ sunt aquæ, flavisti vento tuo, & operuit eos mare: Et Iob: Flante Deo concrevit gelu. Et Psalter Regius: Deus emittens verbum ejus liquefacit gelu. Et Psalter Regius: Deus emittens verbum ejus lique facit nives, & glaciem; Simul ac efflat ventum suum, et iluvium aquarum. Præterea quod venti sunt Divinitus animati & vita perfecti, imo vero & intelligentiâ Divinâ præditi, evidenter liquet per Angelos 4. qui sunt præsides super quatuor ventos. Teste Apocalypsi. Et per

Ecclesi. 43. 17.

Psalm. 103. 4.

Baruch. 5. 6.

Psalm. 148. 8.

Ecclesi. 15. 8.

Iob.

Psalm. 147. 4.

Apoc. 7. 1.

Ecclesi. 37.

# SECTIONIS PRIMÆ LIB V.

ob.

a. Reg. 22. 8.

Ezekiel. 3. 7.

spiritum istum Univerſalem, quem Prophetæ Ezekiel ex mandato Domini vocavit à ventis terræ, ut interfectos inspiraret. Et per spiritum Sapientiæ Divinum, qui aptat pondus ventis : Et per Cherubin, qui est Angelus æreus, ut Seraphin igneus, super quem Iehova descendens à cœlis ascendebat, & tunc lapsus est super pennas venti : Hinc inde arguendo, quod ventus moveret & animaretur ab Angelo illo Cherubin, qui est Spiritus essentialissimus & naturæ æris : Quare Deus insidens super Cherubin, ær, per animationem dicti Angeli factus est ventus : Vnde liquet, quod venti externum sit ær ; internum verò natura Angelica. Et tamen non obstantibus istis princeps ille Philosophorum Ethnicus non erubescit dicere, quod ventus sit res mere adventitia, & quod motum & actum suum habeat ab exprimis principijs, & non ab interno & centrali illo agente, qui est actor & operator in omnibus, & consequenter non potuit spirare, ubi vult, nec audire & intelligere vocem Domini per Prophetam, quando vocatus erat à quatuor ventis, nisi essentialiter à Spiritu Angelico esset inspiratus. Ipse secundum imaginationis suæ figmentum narrat, quod existentia venti esset ex terra, exhalatio à terra vi Solis & Stellarum extracta : quando è regione Scripturæ dicunt, quod Spiritus, qui animat ventos, sit omni remobilior & vivacior, dicuntque : Deum eduxisse ipsos ex Thesauris suis : Namin hoc tam Prophetæ Ieremias, quam David consentiunt : Sed in isto definitionis suæ membro concludere videtur, quod lateralis ventorum motus efficiatur ratione resistentiæ illius, quæ sit ex contrario exhalationum concursu. Inane & exile profectò Philosophi tam potentis argumentum, ac si motio illa ventosa, quæ constanter spirat à Septentrionali versus Meridiem, possit per manere tam certa, constans & directa in suo actu, si agente tam incerto & variabili conduceretur, qualis est conflictus seu contentio duarum exhalationum, nimirum unius ascendentis & alterius descendentis. Dicatis, velim ( Peripatetici mei acutissimi ) quæ nam è terra exurgeret exhalatio, aut quis conflictus esset inter exhalationem ascendentem & descendentem in illa Spiritus emissionem, quæ eveniebat, dicente Prophetâ : à quatuor ventis veni Spiritus ? Videntur mihi affectuæ sive discipuli Aristotelis Christiani in huius dubij resolutione planè muti & linguis, quibus ratione respondeant, destituti : At si responderent, hunc ventum sive Spiritum fuisse miraculosum & non naturalem ; hisce ego replico, me nullam aliam causam essentialiter efficientem in natura & extra naturam, præ-

ter unicam solam agnoscere : Atque ideò in meteororum in communi mundi natura productione, dicitur, quod Deus flet à Septentrione : Et, quod ipse Spiritu suo producit nives & glaciem : & quod ipse voce suâ tonat de cœlis : & quod dante eo vocem, multiplicatur aquæ & fulgura in pluviam facit : & quod, liquefacit densas nubes in pluviam : Et quod mittit fulgura à suo Throno : & carbones igneos ab ore ejus, & quod facit densas nubes turgurium ejus : Et quod venit ab Austro in tonitru : Et quod vox Iehovæ faciat Cedros libani se inclinare, & hædos more abortivo parturire : & quod ipse sit ignis consumens : & quod nemo possit resistere frigori Dei : atque sic in infinitis alijs tam in novo, quam in veteri Testamento. Et, ut possimus unico Textu concludere, Deus est ille solus, qui operatur omnia in omnibus, & qui vivificat omnia &c : Sed Philosophi nostri Peripatetici distinctione sua scholari videntur respondere, quod sit natura illa infinita, causa efficiens principalis, sed variæ sunt causæ secundariæ & subalternæ, quæ per se operantur.

Quibus ego (ut in præcedentibus) quod veritas est in sua essentia simplex & per consequens essentia & actus duplicitem odio habet. Quare opus est, ut veri Christiani ipsam unitatem & simplicitatem intellectus imitentur : Quod quidem efficere nequeant, nisi mentes suas ab astuta Philosophiæ vanæque fallaciæ multiplicitate distrahant, de qua D. Paulus nos jubet cavere, quoniam in multitudine infinitæ delitescunt errores : Sed in unitate consistit unica illa veritas, quæ est sapientia vera. Cur ergo cogitationes hominum à simplici scripturarum sensu per multiplicatam distinctionum diverteremus, quæ illum, instar nasi ceræ mille vijs torquere videntur ? Scripturæ dicunt : Ex eo, per eum, & in eo sunt omnia : Et, quod spiritus disciplinæ sanctus implet orbem : Et quod incorruptibilis Dei Spiritus inest omnibus : Et, quod Christus impleat omnia : Et, quod ipse vivificet omnia : Et quod operetur omnia in omnibus : & quod dat vitam, inspirationem & omnia, & quod omnia sunt à Patre & omnia per Filium suum Iesum Christum : Et, quod omnia sunt in Christo & per Christum tam visibilia, quam invisibilia, & ipse in omnibus. Et quod portat & sustentat omnia virtute Verbi : Et quod Deus sit Pater omnium, qui est super omnia & in omnibus. Atque infinitas alias scripturarum autoritates proferre possumus, quæ omnes confirmant, essentiam Divinam esse omnia in omnibus, omniaque universaliter operari sine exceptione. Et tamē

Peripate-

Jerem. 51. 16.

Rom. 11.  
Sap. 1.  
Sap. 12. 1.  
Ephes. 4.  
1. Timoth. 6.  
1. Cor. 12.  
A. 17.  
1. Cor. 8.  
Coloss. 1.  
Heb. 1.  
Ephes. 4.

Peripatetici nobis persuadebunt, quod creaturæ actus ita dividatur ab actu Dei, ut per se, mediante virtute activâ ijs à Deo assignatâ, agere queant; quam nihilominus virtutem negant ullum jam cum Deo habere commercium: Quæ quidem illorum asseveratio si esset vera, immanis exinde sequeretur absurditas: Nam sequeretur, quod essentia Divina esset divisibilis, quod Axioma Theologiæ veræ permittet nunquam, ut pote quæ concludit.

Trinitatem Sanctam esse individuan; & per consequens actus ille, quem creator à Deo accepit non dividitur à datore, neque opus est, ut dividatur, quoniam virtutis illius formalis distributor est respectu illius doni semper cum creatura & in creatura præsens, & à dono illo vitæ haud separabilis; & per consequens operatur omnia in omnibus immediatè, & ob illam causam dicitur à divino Hermete esse centrum cuiuslibet rei, cuius circumferentia est nulli: Quare evidens est, quod sit in omni re, sed non ut parsalicujus, sed quatenus est partium omnium compositor & ipsarum director.

Quare sufficiat velim Peripateticis, quod creaturæ sint causæ organicæ, in quibus Spiritus Dei Catholicus agit secundum varietatem proprietatum ipsius, quæ voluntati ejus sunt annexæ. Quocirca evidens est, quod ipse operetur in eis & per eas, idque immediatè & absolutè: Atque in hoc sensu erat, quod Apostolus dixerit: Deus operatur omnia in omnibus: Non dico creatura operatur per se, sed Deus in ea & per eam quasi ejus organum agit. Verùm totum hoc expressius declarat Propheta in istis: Væ Assur, virga furoris mei & baculus ipse est, in manu ejus indignatio mea: Ipse autem non sic arbitrabitur, & cor ejus non ita exultabit: Dixit enim: In fortitudine manus meæ feci & in sapientia mea intellexi & abstuli terminos populorum &c: Nunquid gloriabitur securis contra eum, qui secatur eam? Aut exaltabitur serra contra eum à quo trahitur? Quomodò elevetur virga contra elevantem se, & exaltetur baculus, qui utique lignum est? &c: Quibus innuere videtur Propheta, quod, cum esset voluntas Dei movere & agitare regem Assyriæ adversus Iudæos, in qua actione Rex ille non esset, nisi creatura seu organum, in quo Spiritus Dei ad voluntatem suam complendam movebatur, ipse nihil per se, sed omnia virtute Divina ad exitum secundum velle Domini produxit: Peraçto tamen negotio, Rex ille, qui non erat, nisi mera causâ organica seu instrumentalis sibi gloriam & sapientiam & potestatem actionis illius Deo soli in eo actori apertinentem insipienter arrogando, mi-

nus à Deo percipit, ac in illis verbis reprehenditur, Num gloriatur securis contra eum, qui secatur &c? Ac si dixisset:

An gloriabitur organum contra ipsum, qui agit in eo, aut dicet; ego feci hoc, cum sit internum & reale agens, ad cuius motum rapitur & movetur, quando & ubi placuerit motori &c: Inquit etiam Ieremias: Suscitavit Dominus spiritum regum Medorum contra Babylonem. Quo arguit, reges Medorum non fuisse actores, sed organa per quæ Deus egit ad ultionem. Sed ad rem revertamur. Quàm furda, imò quidem etiam absurda fuisset illa Salomonis invocatio, si essentia & vita ventorum non fuisset alia, quàm illa ab Aristotele publicata.

Evigila, inquit, Aquilo, & veni auster ac perfla hortum meum. Denique si venti fuissent more Aristotelis procreati: Vnde oritur, quod quilibet ventus varia induatur proprietate essentiali; quippe quorum unus est calidus & humidus: Alter frigidus & siccus; tertius calidus & siccus; & quartus frigidus & humidus. Impossibile erat, quod tales inter ventos differentia reperirentur, si omnes venti ratione unica informarentur & crearentur, hoc est, si ortum suum à motu allaterali coacto haberent. Porro sic hoc esset verum, tunc idem ventus modò latere dextro, modò sinistro ac in conclusione inconstanter flare, quod quidem esse falsum testatur experientia. Venio jam ad membri Peripateticæ descriptionis ultimi inquisitionem, quod ad causam finalem productionis seu generationis ventorum spectat. Opinio Aristotelis est, quod natura istiusmodi ventilationem produxerit ratione purgationis, purificationis ac præservationis aëris. Verùm nos experientiâ docemur, quod ista ipsius assertio non sit vera: Quoniam nos cum Galeno & Hippocrate observamus, quod venti Australes sunt contagiosi & pestiferi, quatenus aërem reddunt densum, putridum ac corruptum suo calore maligno & humiditate laxa & spongiosa. Hoc etiam à Textu sancto confirmatur: Ne timete, ait David, à lue seu peste, vel dæmonio vastante in meridie. Et Abakuk: Deo à Meridie veniente præcessit vel anteivit eum pestis atque Anthrax ad pedes ipsius. Imò quidem omnes venti in genere, atque etiam alia coeli meteora à creatore tam ad flagellum & poenam, quam ad præservationem & sanitatem creaturarum ordinantur, uti ex plurimus scripturarum locis declaratur. Quare sequitur, quod Aristoteles toto cælo in iudicio suo de ventis erraverit.

Psalm 139.  
Abakuk, 4.



## SECTIONIS PRIMÆ LIB. V.

Ex prædictis ergo concludere possumus, quod definitio sive descriptio Philosophi hujus Peripatetici, quem Christiani tanta veneratione sequuntur, est omnino erronea ac insufficiens: Quoniam venti sunt creaturæ magis essentielles & eminentes, atque divinitate pleniores, quam aut Aristoteles aut aliquis ipsius pedissequa intellexit unquam, ut pote quæ non sunt res interno lumine & essentia destitutæ, & consequenter, non ab externis agentibus accidentalibus mediante fumosa existentia

è terra scaturiente conflatz. Sed ut Zacharias nos docet, sunt creaturæ ac animatæ per Spiritum Angelicum, & stant coram Domino totius terræ & absconduntur in potestate & Thesaurò sui Domini, ex quo ipse eos pro placito suo vocat ad mandata sua in cælo & in terra atque in mari perficienda, sive sint ad vindictam & puniti- nem, sive ad misericordiam & benignita- tem creaturis præbendam, ut infra dicitur latius.

### CAPVT. III.

*Vera ventorum definitio sive descriptio varieformiter, secun-  
dum Scripturæ sacræ sensum atque intentionem  
hoc in capite exprimitur.*

**I**Am verò (ut mihi videtur) factionem seu sectam Peripateticorum adversus me murmurantem & ita replicantem audio. Si (inquiunt) dicta Aristotelis definitio non sit bona; uti ex tuis rationibus polliceri videris, assigna, si possis, meliorem. Dicas ergo magis essentialiter velimus, quid nam revera rei sit ventus, vel quomodo rectè eum secundum Paginæ sacræ doctrinam describere queas. Hisce respon- deo, illud posse multis modis sub una eademque nihilominus essentia præstari: Et in loco priori ipsum haud impertinenter possumus in hunc modum describere:

Ventus est Spiritus aëreus, mediocris consistentiæ, inspiratione seu Spiritu Iehovæ animatus, quem de promit è Thesauris suis, eumque ad voluntatem suam sive sit per viam maledictionis vel vindi- ctæ, sive benedictionis & misericordiæ exsequendam emittit.

Quælibet hujus definitionis particula ex convenientibus sacræ scripturæ locis probatur: Et primùm, quod venti externum sit aër mediocris consistentiæ, in eo manifestatur, quod vocabula aër, ventus & spi- ritus in multis sacrarum literarum locis per unum idemque vocabulum Hebraicum Ruach exprimuntur. Secundò, quod interna & centralis anima seu actus ipsius sit Spiritus divinus, seu inspiratio Omnipotentis, facillimè ex locis antea citatis indicatur. A flatu narium tuarum (inquit Moy- ses) coacervatæ sunt aquæ, flavisti vento tuo & operuit eos mare. Et Iob: glaciem Deus fortis edit flatu suo: flante Deo con- crescit gelu &c: ac si dixisset, Deus inspi- ravit aërem suo spiritu, ita ut nulla appareat inter Angelicam creaturam, & aërem di- vinitus inspiratum discrepantia: Nam aër dicitur externum & manifestum Angeli tam boni, quam mali, animatus à Deo ad faciendum placitum suum, sive sit in pu- niendo, sive ad benignitatem & clemen- tiam ipsius manifestandam: Vnde patet, quod ejus infernum est immediata inspi- ratio Dei: atque propter hanc causam (ut

antea est dictum) Angeli à D. Dionysio Algamatha, id est, specula clarissima di- cuntur, quæ lumen Dei recipiunt: Nonne etiam expressè à Psalte regio dicitur, quod Angelos suos fecerit ventos? Vbi per An- gelos intelliguntur emissiones ejus à suo Throno: Atque istæ cum sint aëre incor- poratæ, dicuntur naturæ Angelicæ. Atque iterum Iehova dixit de Angelo, quem mi- sit coram Israëlitis in itinere suo per deser- tum. Noli exacerbare eum, nam non feret defectiones vestras, quoniam nomen me- um est in eo &c: ac si dixisset, Lucida ver- bi mei impressio est in ipso: Nam filius Sy- rach dixit, quod sapientia præiret Israëlitis in columna nubes die ad præservandum eos à magno calore: Ob istam ergo ratio- nem idem Angelus vocatur in multis dicti libri locis Iehova, respectu actus sui interni increati, & quandoque Angelus respectu suæ in compositione alteritatis, nimirum, quatenus conflatur ex duobus, ut erat crea- tura. Quare, ut Deus est Identitas, vide- licet, ut ipse componatur ex uniformi in- spiratione Dei atque humida & aërea na- tura mundi, hoc est, à creato spiritu, seu aëre creato: quod fecit Davidem (ut su- pra) asseverare, quod fecerit Angelos ven- tos & ministros suos ignem urentem. Non- ne etiam ponit Propheta ventos in nume- ro Angelorum, cum dicit, quod quatuor venti cœli egrediantur & stent coram do- minatore omniterræ?

Pro proxima hujus definitionis clausu- la, quæ est, quod Deus vocat ventos suos Angelicos, ex Thesaurò suo ad voluntatem suam complendam, hanc habemus testi- monijs Prophetarum, Davidis & Ieremiæ confirmatam: Deus (inquiunt) producit ventum de Thesauris suis.

Denique, quod ad ventorum usum seu causam finalem attinet: causa finalis, cur venti essent creati & emissi, luculenter a scripto sacro sparsim explicatur: Venti (in- quit Textus unus) faciunt mandata Dei. Et alius: Spiritus procellarum facit Dei verbum. Et alibi: Angeli Dei validissimi robore

Exodi. 15. 8.  
Iob.

Exod. 23. 20.  
Eccl. 9.

Zach. 6. 5.

Psalm. 134. 8.  
Ierem. 51. 1.  
Io. 3.

Barnab. 5. 60.  
Psal. 148. 8.  
Psal. 102. 20.  
Psal. 103. 4.  
Iob. 38. 35.

robore efficientes verbum & facientes placitum ejus. Iterum : qui facis Angelos ventos & ministros tuos ignem urentem. Et Iob : Fulgura nunquid mittit , & ibunt , & revertentia tibi dicent , adsumus ? Vbi per fulgura intelligit Angelos , qui revelant sua occulta : Vnde antea dicti sunt ignes urentes ; & in hoc etiam respectu Deus , qui est istorum omnium operator , dicitur ignis consumens. Porro etiam alibi agnoscit , quod ventus , glacies , turbo , pruina , nubes & fulgura sint ministri ad placitum ejus in quocunque negotio præstandum paratissimi : Sic ventum emisit Deus super terram , ut aquæ diminuerentur & cataractæ cœli clauderentur. Et ventus egrediens à Domino detulit coturnices. Et ventus Aquilo expiratur , ad dissipandas pluvias. Et venti Aquilonis frigidum afflatu fit glacies instar cristalli : Et Dominus fecit ventum flare ab Oriente ad auferendas locustas à terra. Et Dominus , flante vento urente tota nocte , vertit mare in siccum , divisaque est aqua &c : Denique in definitione seu descriptione præcedenti explicui in primis , quæ nam esset causa venti materialis , nimirum aërea substantia existentia mediocris : Deinde expressi , quod forma purissima & essentialis in eo actus esset inspiratio seu spiraculum Omnipotentis , qui suâ in Cherubimico Angelo præsentia animat , agit & movet aërem materialem : Tertio , quod locus , in quo venti reservantur , quousque Creatori placeat ipsos usui alicui applicare , esset cœlum seu aër , qui est arca ejus Thesauraria , in qua Magnalia ipsius reconduntur : ac in ultimo loco , quod usus eorum sit ad voluntatem ipsius , qui creavit illos , complendam ; idque vel in aëreo suo statu , in quo non cernuntur , vel in ignea seu interna sua conditione , in qua oculis in forma fulguris apparent ; ut ex præcedenti Psalms Textu manifestè explicatur.

Propter istas ergo rationes , & dictis testimonijs stipatus , has sequentes ventorum definitiones haud incongruè composui.

Ventus est invisibilis aër , à Divino Spiritu seu Verbo Iehovæ , animatus & vivificatus , atque ad voluntatem ejus , tam in cœlo desuper , quam in terra & aquis subter efficiendam emissus.

Vel sic.

Ventus est quidam Spiritus Angelicus , aut subtilis aër , qui igneo Spiritu Iehovæ inspiratur atque animatur , apparens quandoque visibiliter in forma fulguris vel coruscationis , & quandoque invisibiliter & occultè : nimirum , quando auditur & non videtur , qui ab aliquo terræ angulo ad mandata emissoris , sive sint in proprietate positiva & benigna , sive privativa & destructiva facienda remittitur.

Vel sic.

Ventus est invisibilis & occultus Spi-

ritus animâ ignea à Deo more Angelico inspirata indutus , qui huc atque illuc alis invisibilibus ad placitum Creatoris complendum vehitur atque agitur.

Nam dicitur : Iehova ascendit super Cherubin , & volavit super pennas suas alas venti : Iam verò Cherubin est Angelus seu spiritus aëreus , ut Seraphin est igneus spiritus seu intelligentia , ut antea.

Vel in forma ista.

Ventus est creatura quædam Angelica ex aëre secundum ejus existentiam & luce essentiali seu formali agitante ei à Iehova inspirata & producta , quam è Thesauris suis , vel ad mortalium flagellum & poenam vel consolationem & benivolentiam emittit.

Vel sic.

Ventus est Spiritus quidam Angelicus aëre indutus , qui invisibiliter ac occulte huc atque illuc , juxta voluntatem ejus qui eum creavit , movetur , cujus vox seu strepitus licet audiat , tamen locus , à quo venit & ad quem tendit à mortalibus ignoratur.

Spiritus ( dicit D. Iohannes ) ubi vult , spirat , & vox ejus auribus percipitur : Vnde autem veniat , aut quod tendat , ignorant mortales. Et alibi Sapiens , ignorat homo opus ipsius Dei , qua via faciat hæc omnia. Ioh. 3. 8.

Vel isto modo magis succinctè , idque juxta sententiam Salvatoris nostri.

Ventus est spiritus , qui spirat ubi vult , & vocem ejus audit homo , sed nescit unde veniat & quo vadat. Eccles. 11. 5.

Ac si dixisset. Est spiritus à Deo creatus , interno principio seu voluntate præditus.

Vel sic secundum verba Davidis antea citata.

Venti sunt Angeli Domini , validi in potestate , qui efficiunt verbum Dei & auscultant voci ejus , ministri ejus , facientes placitum ejus.

Qui facis Angelos tuos ventos seu Spiritus , &c : & Angeli Dei validissimi robore efficientes Verbum ejus , auscultantes voci ejus , ministri ejus , facientes placitum ejus. Psal. 103. 4.  
Psal. 102. 20.

Hic ergo videre licet , quàm Ethnicorum Philosophia , quæ bases suas habet super sapientiam hujus mundi , sit huic veræ Philosophiæ , & sapientiæ , quæ oritur & extrahitur à fonte sacro , opposita. Vnde etiam Sapientibus apparere potest , quàm sit impossibile Christiano Philosopho , qui firmiter documentis Aristotelis adhæret , radicaliter in vera fide Catholica versari. Non possumus ( ait Salvator mundi ) duobus inservire magistris : & propter hanc rationem Apostolus , ut antea , nos monet , ut Philosophiam & vanam fallaciam evitemus , quæ fundatur super traditiones hominum & Elementa mundi , & non supra Christum , in quo est omnis plenitudo Divinitatis corporaliter , qui est caput Dominationum & Potestatum , & consequen-

## SECTIONIS PRIMÆ LIB. V.

ter vita & animator omnium Spirituum seu ventorum Angelicorum. Quare concludere fas est, quod falsa ista Aristotelis Philosophia sit præcipuum Diaboli organum ad distrahendum mentes mundanorum à vera cognitione Dei, utpote, quæ partim astutijs suis Sophisticis, partimque alijs delusionibus & vanis tentationibus omni via tentat intentiones Christianorum bonas à vera & sincera illa sympathia & symphonia, quæ debet esse inter Deum & creaturas ejus, distrahere, ut eos ad falsam suam doctrinam & Harmoniam Antipatheticam alliciat: Nam ex præcedentibus sat liquidò declaratur, & per ea, quæ sequuntur luculentius adhuc indicabitur, quod mundana ista sapientia seu Philosophia sit omnino Sapientiæ veræ, quæ à Deo, Patre luminis (ut D. Iacobus habet) descendit, contradictoria & opposita: Quare ipsam in hoc respectu vocat terrenam, animalem & Diabolicam: Atque propter istam rationem à Christianis prudentiâ præditis, minimè est fervore tam ardenti & devotione tam superstitiosa in-

sectanda sive insistenda. Cùm sit causa præcipua, quod homines etiam istius nostræ ætatis (utcunque radij Divini participes) suæ originis excelsæ, generisve Divini immemores (utpote ignorantia privativa obvelati) non modò tam rudes & artibus scientisque veris tam ignari deveniant, sed etiam in Theosophiæ rudimentis tam manci & exiles redduntur, ut Deum in operibus suis non intelligant, aut opificem unicum per sua opera (uti bonis Christianis convenit) discernant; & per consequens in creaturarum Dei mysterijs versari nesciunt, quarum lapis Angularis est splendor & actor lucidus Omnipotentis & omnia creantis Verbi Dei: Vnde à Salomone proclamatur, istiusmodi homines esse vanos; & a S. Apostolo minas audiunt maledictionibus. Verùm ego majorem istius nostri de ventis discursus portionem demonstratione oculari in capite sequenti indicare aggrediar: semperque me in ista mea demonstratione ad instrumenti nostri experimentalis usum & observationem constringam.

Sep. 13. f.  
Rom. I.

### CAPVT. IV.

*Hic autor originis ventorum Meridionalium annualium rationem, Demonstratione quadam oculari docet.*

**V**erùm enim verò, quoniam præcedens hæc nostra relatio Peripateticis nonnullis Christianis minimè fidem ei ascribentibus, vel rem non esse ita intelligendam, ac in scripturis loquantur existimantibus, videatur fabulosa & erronea (nam quosdam (sat scio) esse hujusce conditionis homines, ubique gentium versantes) Existimo fore necessarium, ea omnia, vel saltem majorem ipsorum partem, quæ à me de ventis sunt dicta vobis oculari quadam demonstratione ex Instrumento seu Speculo meo experimentalis collecta, indicare: in quam priusquam me conferam, moneo lectorem, ut cum diligentia & attentione eorum, quæ antea sunt dicta, recordetur, & breve Proœmij hujusce sequentis subjectum animadvertet.

Debemus sedulò recordari & considerare, quod Lux Catholica informans, quam Spiritus Elohim, qui ferebatur super aquas, ijs impertivit (nam Augustinus agnoscit, quod ille Spiritus igneum aquis vigorem impertiverit) Lux, inquam, ista à vivifico Dei Spiritu emanans, postquam informasset, illuminasset & animasset Catholicam mundi materiam, omni omnium Patrum Theologiæ consensu die creationis quarta in corpus solare erat contracta: Atque ob istam rationem haud impropriè dixit Sapiens, quod gloriæ Domini plenum est opus Solis omnia illustrantis. In hoc ideo sensu intelligi potest hoc Davidis: Deus induitur lumine quasi vestimento. Et ali-

bi: Deus posuit Tabernaculum suum in Sole: Quo patet, quod esset voluntas Creatoris omnium, quod vas istud Solare abundare suo vitæ Spiritu, qui ex ipsius centro Harmoniam vitæ per perfectissimam consonantiam Diapalon emittit, ut mundum tam superiorem, quam inferiorem secundum annualem cœlorum cursum atque temporalem rerum dispositionem gubernaret, vivificaret, elementumque & Elementata inferius varieformiter per organa ventosa juxta voluntatem Spiritus eum inspirantis tam per modum generationis, quam corruptionis alterat: Nam venti agente Sole radicitus aërem mutant, animant & inspirant, ut ipsi ibidem Angeli ventosi à Sole seu potius à spiritu Catholico Domini in Sole animantur, illuminantur atque informantur: Vnde (ut dictum est) Titanis & auroræ filij haud injuriâ dicuntur: Hinc Syriachus: Sol est gloriæ Domini, hoc est virtutis & essentiæ divinæ plenus. Iam verò, quod spiritus iste seu virtus in Sole divina, gubernet aërem, eumque Spiritu Angelico seu principio essentiali interno animat ac movere facit secundum motum motoris, ex istis Salomonis verbis docemur. Sol lustrans universa in circuitu, pergit spiritus & in circulos suos revertitur; vel, ut Fr. Vatabl. interpretatur. Subinde circumeundo pergit ventus, & ad circuitus suos revertitur ventus: Inde arguendo, quod aër animatus à spiritu Solari, venti nomen sibi acquirit & se habet,

Ecclef. 1. 6.

Ecclef. 42.  
Psalm. 104. 2.  
Isa. 18. 6.

se habet, ut Angelica creatura, quippe cuius externum est aër; internum vero Spiritus solis centralis seu igneus, à quo habet suam mobilitatem & aptitudinem ad motum gratia suae attenuationis: Nec tamen intelligatis velim, me universum Dei Spiritum in sole includi existimare, sed uti in scripturis dictum est, Christum fuisse repletum & locupletem Spiritu Dei; ita quidem Deus impertivit Tabernaculo suo solari Spiritus sui illuminantis, generantis, vivificantis atque etiam corrumpentis abundantiam, & nihilominus rei cuilibet alij in mundo essentialiter adest Spiritus ille, sed non in una eodemque proprietatis & essentiae proportionem: Nam juxta communem mundi cursum, quem ordinavit ad disponendam atque regulandam temperiem partium anni, ubi sol, seu Tabernaculum istud Dei remotius distat, ibi potentia Divina, sive frigidus & privativus Spiritus Dei plus minusve operatur. Exempli gratia, quando sol abest à nostro Hæmisphærio, nimirum, cum est sub terra, tenebrae, frigus, stupiditas & spissitudo aëris adesse observantur: Porro etiam sole ultra Aequinoctialem lineam versus Tropicum Capricorni se habente, frigiditas, pruina, nix, glacies, nubes densae, dierumque brevitates nobis Europæis se offerunt, atque etiam venti Meridionales nobis sunt frequentes: Nam tunc temporis privativa Dei proprietas in mundo septentrionali regnare gestit: Unde herbae, plantae & arbores apparent nudae & vita quasi destituta, quoniam Spiritus & humores congelantur & ferè mortuae videntur. Similiter & terra sua viriditate consueta, est destituta ac instar sterilis ac desolatae viduae incipit quasi

gemiscere ac lugere: At verò è regione, tam citò, quam Regius solis imperator huic nostro hæmisphærio appropinquat, incipitque per ferrugineas & igneas Arietis januas in Hæmisphærium septentrionale penetrare (quod quidem verno tempore accidere solet) tunc creaturae illae semimortuae & frigore Boreali congelatae reviviscere, dies gradatim angescere incipiunt, frigoris inclementia gratà caloris praesentia magis magisque indies diminuitur, Spiritus & humores in vegetabilibus frigore fixati ac congelati, liquefunt & mobiles ac fluidi jam redduntur. Iamque aves gaudia sua cantilenis suavis ebuccinant, aërque stupidus ac humidus paulatim reficitur, ac alis levibus volatuque celeri regionem Meridionalem propter rationes inferius allegatas visitare gestit. Et tamen non obstante actuosissimi & lucidissimi Spiritus in Sole absentia, non sequitur, quin, quod unus & idem spiritus, ut pote, qui implet omnia, possit proprietatem suam privativam alterare, quando & ubi voluerit: Nam videmus plerumque contra communem & usualem anni constitutionem, quod mediante eo tonitrua, fulgura & cætera meteora ignita, atque etiam venti magis activi, nempe Orientalis & Meridionalis tempore, atque etiam in statu aëris quandoque frigidissimo generentur: Quae omnia perficiuntur ab eo, qui in sole posuit Tabernaculum secundum placitum suum, cujus est operari omnia in omnibus, quomodò, aut quibus organis, atque etiam quando & ubi placuerit: His ergo bene prius ponderatis, in statum Demonstrationis meae jam descendam.

*Demonstratio seu probatio, qua docetur, quomodo venti annuales moneantur seu generentur, partim per vivificum, positivum sive actualem illum Spiritum, qui abundanter regnat in sole; & partim in privativo & potenciali ejusdem actu seu proprietate circa polos mundi operantis.*

**E**Go in praecedentibus dixi, quod totus divinae actionis in humida mundi inferioris natura effectus in congelatione & Rarefactione consisteret, & quod earum proprietatum prior communiter à privativo & Boreali Spiritus Dei actu procedebat, qui per frigiditatem operatur, & posterior operatione positiva agit, quae à calore gubernatur: Iam verò ut istae duae Dominium sibi in aëre seu Elemento Catholico, vel ratione praesentiae vel absentiae solis acquirunt: Ita quidem aër universalis est vel frigidior, spissior, opacior & segnior, quando sol est remotior ab eo: Atque iterum, quod ipse est Propinquior, ed calidior, subtilior, clarior, transparentior, agilior & ma-

gis mobilis redditur aër: Observa ergo ex his proprietates aëris in vitro seu Instrumento nostro Experimentali inclusi; & memento, quod non sit, nisi unus & idem Spiritus in Essentia, qui operatur tam privativè, quam positivè in aëre tam incluso, quam excluso: Erat enim unus & idem Spiritus, qui per Prophetam à quatuor ventis, nimirum à quarta Boreali & Australi invocabatur &c: Quare certum est, quod sit iste Spiritus, qui gubernat universum aërem sublunarem tam in proprietate privativà, quam positivà: Et quàmvis spiritus iste sit copiosus in Tabernaculo suo solari, à quo & in quo vivaces proprietatis suae actuo-

M

sz

## SECTIONIS PRIMÆ LIB V.

se effectus declarat : Tamen nihilominus ipse ubique præsentia existens valet omni tempore & loco se ipsum in utraque proprietate ex primere. Venio jam ad demonstrationis meæ metam.

In primo capite primi libri istius sectionis primæ sat vobis liquidò declaravi , quod aer in vitro Instrumenti nostri experimentalis inclusus , habeat in omni respectu relationem ad aerem seu Elementum mundi inferioris Catholicum : Vbi etiam probatur , quod aërea humida natura , tam exactè mundi concavitatem impleat , ubi terra & aqua non sunt , ne existentiae alicujus vacuitas inveniretur in ea : Haud aliter , quàm videmus aerem vitro instrumenti inclusum omnem ipsius cavitatem occupare ; & per consequens , ut aer vitro inclusus , facultate solis præsentis dilatativa , alterabitur , nimirum æstivo tempore , quando aer externus calefit : Ita etiam eodem planè modo , aer externus istius Borealis hæmisphærij dilatabitur , quando sol suis radijs magis particularibus eum salutat ; imò certè quò propinquior nobis aderit sol , eò major erit aeris generalis , & consequenter aeris particularis inclusi rarefactio : Ex altera parte , quando sol Hæmisphærium Boreale relinquens lineam Æquinoctialem dividit , & plagam Meridionalem intuetur , tunc communis dicti Hæmisphærij aer frigescet ac condensabitur , & cum eo aer etiam ille particularis vitro inclusus similiter & in eadem proportionem contrahetur & inspissabitur : Quod quidem ex eo constat , quod aqua in collo vitri observatur altius per tot gradus versus vitri caput ascendisse , quemadmodum vice versa aeris ejusdem rarefactio patet , ex aqua ejusdem in collo vitri depressione. Istis ergo à vero perito bene conceptis sive intellectis , videlicet , quod causa istiusmodi dilatationis sive rarefactionis in aëre sit Divini hujusce in Tabernaculo solari actus , præsentia & propinquitas , & quod ratio condensationis illius sit actus ejusdem Spiritus Divinitus emanantis absentia sive remotio , & per consequens præsentia Divinæ potentiae , quæ est Tenebris involuta : Nam , uti diximus , caloris absentia est frigoris præsentia , quod est Essentialis in potentia Divina operator : Atque iterum caloris præsentia , qui est actus Divini agonista , est frigoris absentia : Vnde patet , quod absentia positivæ lucis concipit privativas tenebras & absentia privativarum tenebrarum importat præsentiam positivæ lucis. His , inquam , rite consideratis ventorum Meridionalium tam internam , quàm externam rationem , & , quomodo aer vivifico spiritu à sole emisso animetur , facillimè colligere possumus : Animadvertendum est ergo , quod , cum sol nobis adest , æstas

ipsius præsentia creatur , aer radijs ipsius lucidissimis calefit , & per calefactionem rarior & subtilior redditur & ratione rarefactionis amplius pro sua existentia requirit spatium seu locum : Verbi gratia : Ponimus libras duas Vitrioli in Retortam vitream , bene lutatam , nasumque seu orificium ejus Recipienti amplo adaptamus , lutoque optimè obducimus & obturamus , ne ulla fiat Spirituum per juncturas exspiratio : Tunc ignis gradibus Spiritus , è Vitrioli mole extrahimus : At experientia docti probamus , quod spiritus olim modicæ & arctæ vitrioli massæ inclusi , jam per ignis activitatem dilatati , & in recipientis immixti amplissimum , ubi illud non est inventum satis capax & amplum ad eos è parvulo corpore exspiratos recipiendum ; unde fit , ut materia illa spiritualis locum ad huc magis spatiosum pro sua existentia querens , vitrum illud in multa frustula violenter & cum magno fragore rumpit , ac aerem apertum multitudine suorum fumorum replet : Vnde manifestum redditur , quod res condensata non nisi parvum occupabit spatium ; sed postquam dilatetur , amplum pro sua existentia , requirit continens. Hoc profectò tum evidentè instrumento isto experimentaliter demonstratur : Nam ubi sol est aëri incluso præsens , vel ventus calidus Dominium habet , ipse protinus plus minusve dilatabitur & rarefiet secundum Spiritum solarium & ventorum calidorum tunc temporis spirantium vigorem : Sed iste aer jam dilatatus spatium pro suo continente eo amplius requirit , quò magis dilatatur : Atque hoc sic probatur : Nimirum , quia aqua in collo vasis actu frigoris elevata jam caloris præsentia per tot gradus deorsum pellitur , per quot aer in raritate excelsit.

Quo liquet , quod sola ratio , cur aqua magis magisque deorsum præsentia caloris præcipitetur , est ; quoniam aer plus minusve dilatatus sibi locum præparat ampliorem pro sua existentia.

His ergo rite cognitis , notare debemus , quod , sole recenter veniente in Hæmisphærium , in quo Hyems suum habuit Dominium , atque idè , ubi frigiditas loci aerem condensavit : Verbi gratia , quando sol Hemisphærium nostrum relinquens in illud meridionale migrat , convertendum aerem ejusdem , olim hyemalem , in conditionem æstivalem , incipit immediatè agere ad aeris illius mundi loci , rarefactionem : Atque ille aer ita rarefactus , & quasi radijs solaribus animatus devenit agilis plumisque levibus videtur indui : Vnde fit , quod ipse lucis solaris Spiritu sic animatus à plaga Meridionali , in qua dilatur , ad locum capacitatis ampliore evolat , ut pote qui continens

tinens Medionale invenit ad ipsum in statu suo rarefacto continendum : Insufficiens ergo ipse, spiritu solari sic animatus, lineam Æquinoctialem transire cogitur, ut Septentrionale Hæmisphærium visitet, in cuius ingressu facit strepitum, ratione crassitiei & resistentiæ frigiditatis aëris hyemalis in plaga septentrionali : Atque iste aër sic animatus & divino actu in sole ab austro versus Aquilonem cum tanto strepitu evolans est ventus ille, quem Australem seu Meridionalem vocamus, qui propter eam rationem nobis tam frequenter Principio Hyemis, videlicet immediate, post quam Sol Zodiaci libram, sive æquinoctium autumnale transiendosum in scorpionem fecerit ingressum.

Hinc, inquam, est, quod mensibus Octobris, Novembris & Decembris venti istiusmodi sunt adeo inter nos frequentes; unde tot imbribus Meridionalibus ab ijs salutamur : Nempe, quia frigus septentrionale condensat aërem Meridionalem fugitivum in nubes : Atque iterum nubes propter calorem Meridionalem ijs inclusum facilis sunt solutionis, uti vobis in Nubis descriptione explicabitur planius. Hoc totum oculariter demonstratur Instrumenti nostri Experimentalis observatione : Nam solius manus humanæ super caput vitri impositæ contractu, aër inclusus rarefit & dilatatur : Vnde fugit ad Polum oppositum, videlicet ad regionem aquæ frigidæ, quam ob istam rationem præcipitat & deorsum compellit : Quo arguitur, quod aër frigore contractus caloris contactu dilatatur & viam facit ad partem oppositam, quæ est frigidæ seu Borealis naturæ.

Ex altera parte venti Boreales, & glacies & Nix, quæ sunt hyemali tempore frequentiores, efficiuntur ab afflatu illo, qui emittitur à Deo in potentiâ & privativa sua natura, quam in isto mundo exercet, seu secundum voluntatem suam exsequitur, tunc videlicet temporis, quando arca virtutis suæ activæ Thesauraria, est remotior : Propter hanc etiam rationem posuit circa polos mundi sui frigoris Thesauros, ut pote, qui remotius ab Æquinoctijs distant. Hinc dicitur in scripturis, quod frigus ab Aquilone veniat : Et, quod flante Deo concreset gelu : Et, quod frigidus ventus Aquilo flaverit & gelaverit, & quod Christus illas aquas super omnem congregationem aquarum requiescit, & sicut Iorica induit se aquis. Atque iterum : Venisti ne in Theaurum nivis, aut in Theaurum grandinis inspectionem habes? Et tamen lux seu proprietas Dei actualis & dilatativa non distinguitur aut dividitur ab eo, quamvis ab Aquilone juxta voluntatem suam spiret in potentiâ seu privativa sua dispositione : Quatenus

tenebræ sunt ei ac ipsa lux, ut ait Propheta Regius. Ob istam igitur rationem solet quandoque in sua iracundia spirare ab Aquilone tam cum fulgure, & tonitru, quam cum nivibus, pruina & glacie &c : Vnde Propheta : Ecce turbo venit ab Aquilone & nubes magna igne involuta &c : & tamen, tam nix frigida cum grandine atque etiam fulgure & calore liquefaciente procedunt ab uno eodemque Spiritu in Essentia : Vt cumque in proprietate sua sit multiplex (ut dictum est) unde Propheta (ut antea citatum) vocavit unum eundemque Spiritum, nimirum unum & idem verbum in Essentia à 4. Ventis virtute differentiibus.

Quod etiam Psaltes Regius in his : Emittente sermonem suum in terram quam celerrimè, excurrit verbum ejus, qui edit nivem sicut lanam, pruina sicut cineres dispergit, deijcit gelu tanquam frusta, coram frigore ejus quis consistat? Emittens verbum liquefacit ista, simul ac efflat ventum suum, effluunt aquæ. Quibus evidens est, quod Deus sit semper unum & idem in se ipso ubicunque adest, nimirum in septentrione, ubi operatur privativè, aut in sole, in quo gloriam suam activam exprimit : Et tamen ejus voluntas est idem ei, quod est ejus Noluntas, hoc est, tam positiva ejus proprietas quam privativa unitatem suæ essentiæ concomitantur, respectu illius, licet respectu nostri, qui patimur, videtur discrepare : Sic etiam voluntas & Noluntas homini concedenti vel neganti petitionem sunt idem : Licet petenti videantur omnimodè contraria æquè ac bonum & malum : Exempli gratiâ negativa ejus in positiva sua proprietate discernebatur, quando moriente corpore salvatoris, solis splendorem, gloriam luminosam & radios in se ad corporis ipsius centrum contra omnem Ethnicorum, aut Philosophantium aut Astronomorum imaginationem, hoc est, contra naturæ cursum (uti antea est Demonstratum) contraxit, adeo ut sol tam niger & tenebrosus appareret ac si esset pix.

Concludo igitur, quod quando proprietas Divini Spiritus potentialis moveatur aut agat in aère, aër contrahitur vel allicitur versus polum quasi centrum, atque ita in nives, pruinas, grandines & cætera transmutatur &c : In quo temporis spatio Instrumentum nostrum experimentale naturam prodit præcedenti contrariam : Nam secundum mutationem aëris exclusi, hoc est, Catholici mundi inferioris elementi, aër inclusus contrahitur, & caput vitri tanquam ad polum æthereum frigidum elevatur. Atque hoc denotat, quod Catholicus seu externus è vitro exclusus aër, simili planè ratione

Iob. 37. 9.

Iob. 38.

Ecclesi. 43. 22.



## SECTIONIS PRIMÆ LIB V.

sa effectus declarat : Tamen nihilominus ipse ubique præsentia existens valet omni tempore & loco se ipsum in utraque proprietate exprimere. Venio jam ad demonstrationis meæ metam.

In primo capite primi libri istius sectionis primæ sat vobis liquidò declaravi , quòd aër in vitro Instrumenti nostri experimentalis inclusus , habeat in omni respectu relationem ad aërem seu Elementum mundi inferioris Catholicum : Vbi etiam probatur , quòd aërea humida natura , tam exactè mundi concavitatem impleat , ubi terra & aqua non sunt , ne existentia alicujus vacuitas inveniretur in ea : Haud aliter , quàm videmus aërem vitro instrumenti inclusum omnem ipsius cavitatem occupare ; & per consequens , ut aër vitro inclusus , facultate solis præsentis dilatativa , alterabitur , nimirum æstivo tempore , quando aër externus calefit : Ita etiam eodem planè modo , aër externus istius Borealis hæmisphærij dilatabitur , quando sol suis radijs magis particularibus eum salutat ; imò certè quò propinquior nobis aderit sol , eò major erit aëris generalis , & consequenter aëris particularis inclusi rarefactio : Ex altera parte , quando sol Hæmisphærium Boreale relinquens lineam Æquinoctialem dividit , & plagam Meridionalem intuetur , tunc communis dicti Hæmisphærij aër frigescet ac condensabitur , & cum eo aër etiam ille particularis vitro inclusus similiter & in eadem proportionem contrahetur & inspissabitur : Quòd quidem ex eo constat , quòd aqua in collo vitri observatur altius per tot gradus versus vitri caput ascendisse , quemadmodum vice versà aëris ejusdem rarefactio patet , ex aquæ ejusdem in collo vitri depressione. Istis ergo à vero perito bene conceptis sive intellectis , videlicet , quòd causa istiusmodi dilatationis sive rarefactionis in aëre sit Divini hujusce in Tabernaculo solari actus , præsentia & propinquitas , & quòd ratio condensationis illius sit actus ejusdem Spiritus Divinitus emanantis absentia sive remotio , & per consequens præsentia Divinæ potentia ; quæ est Tenebris involuta : Nam , uti diximus , caloris absentia est frigoris præsentia , quòd est Essentialis in potentia Divina operator : Atque iterum caloris præsentia , qui est actus Divini agonista , est frigoris absentia : Vnde patet , quòd absentia positivæ lucis concipit privativas tenebras & absentia privativarum tenebrarum importat præsentiam positivæ lucis. His , inquam , rite consideratis ventorum Meridionalium tam internam , quàm externam rationem , & , quomodo aër vivifico spiritu à sole emissio animetur , facillimè colligere possumus : Animadvertendum est ergo , quòd , cum sol nobis adest , æstas

ipsius præsentia creatur , aër radijs ipsius lucidissimis calefit , & per calefactionem rarior & subtilior redditur & ratione rarefactionis amplius pro sua existentia requirit spatium seu locum : Verbi gratia : Ponimus libras duas Vitrioli in Retortam vitream , bene lutatam , nasumque seu orificium ejus Recipienti amplo adaptamus , lutoque optimè obducimus & obturamus , ne ulla fiat Spirituum per juncturas exspiratio : Tunc ignis gradibus Spiritus , è Vitrioli mole extrahimus : At experientia docti probamus , quòd spiritus olim modicæ & arctæ vitrioli massæ inclusi , jam per ignis activitatem dilatati , & in recipientis immixti amplissimum , ubi illud non est inventum satis capax & amplum ad eos è parvulo corpore exspiratos recipiendum ; unde fit , ut materia illa spiritualis locum ad huc magis spatiosum pro sua existentia querens , vitrum illud in multa frustula violenter & cum magno fragore rumpit , ac aërem apertum multitudine suorum fumorum replet : Vnde manifestum redditur , quòd res condensata non nisi parvum occupabit spatium ; sed postquam dilatetur , amplum pro sua existentia , requirit continens. Hoc profectò tum evidentem instrumento isto experimentaliter demonstratur : Nam ubi sol est aëri incluso præsens , vel ventus calidus Dominium habet , ipse protinus plus minusve dilatabitur & rarefiet secundum Spiritum solarium & ventorum calidorum tunc temporis spirantium vigorem : Sed iste aër jam dilatatus spatium pro suo continente eo amplius requirit , quò magis dilatatur : Atque hoc sic probatur : Nimirum , quia aqua in collo vasis actu frigoris elevata jam caloris præsentia per tot gradus deorsum pellitur , per quot aër in raritate excelsit.

Quo liquet , quòd sola ratio , cur aqua magis magisque deorsum præsentia caloris præcipitetur , est ; quoniam aër plus minusve dilatatus sibi locum præparat ampliorem pro sua existentia.

His ergo rite cognitis , notare debemus , quòd , solè recentem veniente in Hæmisphærium , in quo Hyems suum habuit Dominium , atque idè , ubi frigiditas loci aërem condensavit : Verbi gratia , quando sol Hemisphærium nostrum relinquens in illud meridionale migrat , convertendum aërem ejusdem , olim hyemalem , in conditionem æstivalem , incipit immediatè agere ad aëris illius mundi loci , rarefactionem : Atque ille aër ita rarefactus , & quasi radijs solaribus animatus devenit agilis plumisque levibus videtur indui : Vnde fit , quòd ipse lucis solaris Spiritu sic animatus à plaga Meridionali , in qua dilatatur , ad locum capacitatem ampliorem evolat , ut pote qui continens

tinens Medionale invenit ad ipsum in statuo suo rarefacto continendum : Insufficiens ergo ipse, spiritu solari sic animatus, lineam Æquinoctialem transire cogitur, ut Septentrionale Hæmisphærium visitet, in cuius ingressu facit strepitum, rarione crassitiei & resistentiæ frigiditatis aëris hyemalis in plaga septentrionali : Atque iste aër sic animatus & divino actu in sole ab austro versus Aquilonem cum tanto strepitu evolans est ventus ille, quem Australem seu Meridionalem vocamus, qui propter eam rationem nobis tam frequenter Principio Hyemis, videlicet immediatè, post quam Sol Zodiaci libram, sive æquinoctium autumnale transiendosum in Scorpionem fecerit ingressum.

Hinc, inquam, est, quod mensibus Octobris, Novembris & Decembris venti istiusmodi sunt adeò inter nos frequentes; unde tot imbribus Meridionalibus ab ijs salutatur : Nempe, quia frigus septentrionale condensat aërem Meridionalem fugitivum in nubes : Atque iterum nubes propter calorem Meridionalem ijs inclusum facilis sunt solutionis, uti vobis in Nubis descriptione explicabitur planius. Hoc totum oculariter demonstratur Instrumenti nostri Experimentalis observatione : Nam solius manus humanæ super caput vitri impositæ contractu, aër inclusus rarefit & dilatatur : Vnde fugit ad Polum oppositum, videlicet ad regionem aquæ frigidæ, quam ob istam rationem præcipitat & deorsum compellit : Quo arguitur, quod aër frigore contractus caloris contactu dilatatur & viam facit ad partem oppositam, quæ est frigidæ seu Borealis naturæ.

Ex altera parte venti Boreales, & glacies & Nix, quæ sunt hyemali tempore frequentiores, efficiuntur ab afflatu illo, qui emittitur à Deo in potenciali & privativa sua natura, quam in isto mundo exercet, seu secundum voluntatem suam exsequitur, tunc videlicet temporis, quando arca virtutis suæ activæ Thesauraria, est remotior : Propter hanc etiam rationem posuit circa polos mundi sui frigoris Thesaurus, ut pote, qui remotius ab Æquinoctijs distat. Hinc dicitur in scripturis, quod frigus ab Aquilone veniat : Et, quod flante Deo concreveret gelu : Et, quod frigidus ventus Aquilo flaverit & gelaverit, & quod Christallus ab aqua super omnem congregationem aquarum requiescit, & sicut lorica induit se aquis. Atque iterum : Venisti ne in Thesaurum nivis, aut in Thesaurum grandinis inspectionem habes? Et tamen lux seu proprietas Dei actualis & dilatativa non distinguitur aut dividitur ab eo, quamvis ab Aquilone juxta voluntatem suam spiret in potenciali seu privativa sua dispositione : Quatenus

tenebræ sunt ei ac ipsa lux, ut ait Propheta Regius. Ob istam igitur rationem solet quandoque in sua iracundia spirare ab Aquilone tam cum fulgure, & tonitru, quam cum nivibus, pruina & glacie &c : Vnde Propheta : Ecce turbo venit ab Aquilone & nubes magna igne involuta &c : & tamen, tam nix frigida cum grandine atque etiam fulgure & calore liquefaciente procedunt ab uno eodemque Spiritu in Essentia : Vt cumque in proprietate sua sit multiplex (ut dictum est) unde Propheta (ut antea citatum) vocavit unum eundemque Spiritum, nimirum unum & idem verbum in Essentia à 4. Ventis virtute differentiibus.

Quod etiam Psalter Regius in his Emittente sermonem suum in terram quam celerrimè, excurrit verbum ejus, qui edit nivem sicut lanam, pruina sicut cineres dispergit, deicit gelu tanquam frusta, coram frigore ejus quis consistat? Emittens verbum liquefacit ista, simul ac efflat ventum suum, effluunt aquæ. Quibus evidens est, quod Deus sit semper unum & idem in se ipso ubicunque adest, nimirum in septentrione, ubi operatur privativè, aut in sole, in quo gloriam suam activam exprimit : Et tamen ejus voluntas est idem ei, quod est ejus Noluntas, hoc est, tam positiva ejus proprietas quam privativa unitatem suæ essentiæ concomitantur, respectu illius, licet respectu nostri, qui patimur, videtur discrepare : Sic etiam voluntas & Noluntas homini concedenti vel neganti petitionem sunt idem : Licet petenti videantur omnimodè contraria æquè ac bonum & malum : Exempli gratiâ negativa ejus in positiva suâ proprietate discernebatur, quando moriente corpore salvatoris, solis splendorem, gloriam luminosam & radios in se ad corporis ipsius centrum contra omnem Ethnicorum, aut Philosophantium aut Astronomorum imaginationem, hoc est, contra naturæ cursum (uti antea est Demonstratum) contraxit, adeò ut sol tam niger & tenebrosus appareret ac si esset pix.

Concludo igitur, quod quando proprietas Divini Spiritus potentialis moveat aut agat in aère, aër contrahitur vel allicitur versus polum quasi centrum, atque ita in nives, pruinas, grandines & cætera transmutatur &c : In quo temporis spatio Instrumentum nostrum experimentale naturam prodit præcedenti contrariam : Nam secundum mutationem aëris exclusi, hoc est, Catholici mundi inferioris elementi, aër inclusus contrahitur, & caput vitri tanquam ad polum arcticum frigidum elevatur. Atque hoc denotat, quod Catholicus seu externus è vitro exclusus aër, simili planè ratione

Job. 37. 9.

Job. 38.

Ecclesi. 43. 22.

## SECTIONIS PRIMÆ LIB. V.

in mundo operetur. Apparet igitur, quod ratio spirituum istorum emissorum sit occulta & nemini nostrum, qui in profundo ignorantia abyssu fumus immergi, revelata: Sed solummodò ijs, qui veræ sapientia Doctrina sunt instructi, quam Salomon confitetur, esse veram omnium rerum operatricem & realem atque solummodò sapientem artificem seu magistrā,

quæ ista Dei mysteria, dignis revelare sollet: Nam verba ejus sunt; Sapientia me docuit vim ventorum & virtutes Elementorum &c: Sed ulteriorem & strictiorem ad huc inquisitionem in Meteorologia Aristotelica medullam efficiam, & quid ipse de nubium & pluviae generatione cogitet, jam paucis aperiam. Sep. 7. 20.

### CAPVT. V.

#### *Quod Aristotelis Doctrina de nubium & guttarum pluviae generatione inveniatur omnimodè vera sapientia institutis contradictoria.*

**N**Vnc autem ad scientia Aristotelica de meteoris aquaticis examinationem accedimus. Et, quoniam causa nebularum, ut pote quæ sunt nubes tenues, sub communi nubium Titulo comprehenduntur, mihi statutum, loco priori, generali nubis descriptioni insistere. In primis ergo Aristotelis de Nubibus opinionem citabo, ac tum postea ipsam cum sacrarum literarum de ijs sententia comparabo, ut median- te istiusmodi ad invicem relatione discernamus, utrum Peripatetici de essentia nubis propositum cum veritate consentiat nec ne. Opinio ergo Aristotelis, quam Philosophi Christiani pro hodierno die sequuntur, est, quod Nubes sit vaporis cujusdam à terra & aqua in mediam aeris regionem vi Solis & Stellarum attracti, & in nubis consistentia, virtute extremi frigoris loci, contractio sive congelatio, quæ tum postea partim caloris solis & partim potestate ventorum huc atque illuc per mediam aeris regionem fertur: Ecce, hæc est perpulchra illa Peripateticorum de Nubis generatione intentio.

Definitio seu descriptio nubis Aristotelica.

Iam verò, ut melius istius negotij veritatem intelligamus, & an Aristoteles sit verus in ejusmodi nubis descriptione vates, vel falsus seu spurius Propheta, colligamus, oportet nos in primis considerare, quid Textus sacer de genuina Nubis generatione nos doceat, & quomodò cum prædictæ descriptionis Aristotelica sensu conveniat: Quod quidem, ut Methodo meliori discernatis, ipsorum dicta ad invicem comparabimus, quod melius quilibet mediocriter literatus de re ista determinare queat.

In definitione ejus præcedenti causam nubis efficientem & procreantem facit Aristoteles calorem sive actum solis & stellarum: Nam asseverare videtur, quod virtute eorum, vapores sursum attrahente seu elevante, nubes in media aeris regione fiant; simul atque affirmat, ipsas huc atque illuc in media aeris regione, partim motu solari & partim ventis moveri: Porro etiam opinatur, quod causa vaporis contractionis istius in nubis consistentiam sit

temperies extremè frigida media illius regionis: Ita, ut duo assignare videatur ad nubis generationem seu consistentiam agentia externa, conditione ad invicem contraria, nimirum calorem solis & cæterorum astrorum & frigorum mediae aeris regionis: Internam verò nubis causam agentem ascribit nullam, & per consequens eam pro re quasi mortua & inanimata & accidentaliter proveniente concludere videtur. Propter istam igitur rationem varia se offerunt quilibet sagaci considerationi in prædicta descriptione Aristotelica dubia, quæ penitiori & acutiori mentis humanæ acumine sunt resolvenda & determinanda, priusquam ipsa directè de ea judicare potest: Quorum prius est, an ulla sit in calore solari atque Astrorum virtus attractiva ad sursum in mediam aeris regionem, vapores à terra & aqua pro nubium generatione elevandos nec ne. Secundum, an medij aeris frigiditas sit causa efficiens condensationis vaporis sublimati in nubem. Tertium, an Nubes externis solummodo causis efficientibus, nimirum mediantibus motu solari & ventis moveantur, & an principiis internis, quibus agitantur sint destituta, vel potius ab interno aliquo agente ad versus mentem Aristotelis animetur. Hisce tribus questionibus ordine idque breviter respondebo. Ad primam ergo Dicimus, quod assertio illa Peripateticorum est erronea & falsa, quæ dicit, quod Sol, Stellæ, vel ignis, virtutem aliquam attrahendi in se habeant, & consequenter, quod attrahant sursum vapores & exhalationes à terra & aqua in mediam aeris regionem: Nam experientia probatur, quod potius vapores & exhalationes à se pellant sive propulsent, hoc est, res calore rarefactas dissipent & expandant, quàm ut eos ullo modò ad se alliciant vel attrahant, & per consequens illud, quod plerique homines imaginantur, est falsum: Videlicet, quod Sol fumos sursum attrahat, aut, quod ignis vapores aquæ attenuatæ alliciat ad se: Sed dicimus, quod ipsorum officium sit rarefacere

facere & subtiliate aquas & humidiores terræ substantiam in existentiam vaporosam reducere; & tunc affirmamus, quod tales substantiæ in vaporum existentiam redactæ, possint per se & sine ope alterius sursum tendere: Nam, ut gravia appetitu innato tendunt deorsum, ita quidem è regione, quod leve est naturali instinctu sursum petit. Verum totum hoc perspicue per Instrumenti nostri Experimentalis observationem demonstratur: Nam, si manum super globosam ejus summitatem imposueris, aer vitro inclusus dilatabitur subito & in sua dilatatione ab agente rarefaciente evolabit: Multo minus materiam fumosam ad se trahet.

Quibus evidens est, quod tametsi in oculis mundanorum, vapores seu fumi sursum petere videantur, ac proinde concludunt, quod ipsorum à terra motus ad sursum debeat ab attractiva solis & astrorum virtute procedere; tamen ista eorum assertio probatur oculari experimento esse falsa: Quatenus experientia docemur, quod natura lucis & caloris sit attractioni contraria, ut pote cujus solius est rarefacere, & rarefaciendo dissipare seu discutere, cum è regione attractio seu contractio sit nihil aliud, quam condensatio seu congregatio quædam à proprietate Frigoris effecta: Quemadmodum speculo seu Instrumento nostro Experimentalis perspicue demonstratur. Sed jam probabo fundamenta Aristotelis, quæ volunt, quod nubes sint ex vaporibus à terra ad mediam aeris regionem elevatis, procreatæ, esse omnimodè veritati dissimilanea. Oportet ergo in primo loco considerare, sensum scripti sacri esse huic definitionis membro planè contrarium: Vt pote, ex quo colligimus, quod fide sit intelligendum, aptata esse secula verbo Dei, ut ex invisibilibus visibilia fierent &c: Quare certum est, quod neque terra nec aqua visibiles sint nubium origines, sed potius simplex aeris seu Elementi Catholici substantia, oppositis ventorum flatibus in nubis consistentiam condensata: Atque hoc etiam ex varijs alijs scripti sacri locis confirmatum habemus: Nam Iob: Deus scientiæ aptat pondus aëri, & appendit aquas in mensura, ligat eas in densis nubibus, facit pluviam statuta & viam fulgetro Tonitruum. Quibus confirmat primum vir patiens, quod Deus Pater sit radicalis istius operis Meteorologici author, æternusque ille efficiens, quo mediante operatur. Est ejus scientiæ Spiritus. Quod etiam concordat cum isto Apostoli Textu: Nobis est unus Deus Pater, ex quo omnia, & unus Dominus Iesus Christus, per quem omnia. Secundo quod aer sit subjectum tam Meteororum igni-

torum, quam aqueorum: Nam condensatione ipsius facta est nebula & Nubis consistentia, quæ tum postea in pluviam majore adhuc condensatione & resolutione convertitur: At si aer nimium rarefiat in conditione fulguris mutatur: Nec dico quidem actum ipsius fulguris esse aerem; sed potius est lux admirabilis, quæ vestitur aëre quasi vestimento, mira prædictæ scientiæ virtus, quæ se multiformiter in aëre manifestat, ut alibi est dictum: Nam ubi ejus actio positiva magis viget, ibi aer magis coruscans & fulgureus redditur.

Iam verò, quod aer sit materiale Meteororum Aquaticorum subjectum, Textus præcedens his dictis importat: Deus scientiæ sua aptat pondus aëri, hoc est, condensat pro suo placito in Nebulas & Nubes: Nam verba sequentia hoc idem arguunt: Appendit (ait Textus) aquas seu nubes in mensura &c: Aut eas attenuat in fulgura, ut ex Textu residuo colligimus, & semper scientiæ Spiritus adest, in isto vehiculo se in varias species instar alterius Protei convertit. Denique ex dicto Textu elicimus, quod invisibilis aer alteratur in pondere & mensura in consistentiam visibilem nubium, quæ tum postea in pluvias liquefcunt, & fulgurum, quæ compressione apparent oculis. Porro etiam, quod neque sit Terra nec aqua, sed solus aer, à quo nubes substantia oritur, ex istis apparet. Aperi-  
et Iohova tibi (inquit Moyses) The-  
saurum suum optimum coelos, dando plu-  
viam terræ tuæ suo tempore. Ex quibus ob-  
servamus in primis, quod per coelos intel-  
ligit aërem: Nam in aëre nubes procrean-  
tur, atque iterum: Aer vocatur coelum in  
multis scripturæ locis, ut volatilia coeli &c:  
Vnde concludimus, quod ipse sit arca Dei  
Thesauraria, ex qua ipse juxta placitum,  
suum producit & efformat nubes, quasi  
visibilia ex re invisibili. Secundò, quod  
aer vocetur Thesaurus ejus optimus, &  
per consequens, ut pote ex quo Deus non  
modò creaturas suas Meteorologicas ex-  
trahit, sed etiam sapientes nonnulli sum-  
mum eorum bonum expectant. Præterea  
alibi legimus: Propterea aperti sunt The-  
sauri & evolarunt nubes & nebulae sicut  
aves. Sed hoc ad huc evidentius sermone  
isto redditur. Subito aer condensabitur  
in nubes, & ventus transiens fugabit eas.  
Quo arguit expressè, quod aer sit arca  
Dei Thesauraria, ex qua nubes conden-  
satione eliciuntur, & quod coelum sit  
unicus Thesaurus, ex quo ipsæ extrahun-  
tur: & per consequens nec terra nec aqua,  
ut Aristoteles putavit: Quod quidem si  
esset verum, animadvertatis velim, quam  
absurda impossibilitas sequeretur: Nam  
tunc, cum sol solet aquas æstivo tempo-  
re attenuare, aërem maximè redderet

Deut. 28, 11,

Ecclesi. 43, 17,

Iob. 37, 21.

Heb. 11, 2.

Iob. 28, 25.

Iob. 26, 9.

1. Cor. 8, 6.

## SECTIONIS PRIMÆ LIB. V.

vaporum multitudine spissum, & tunc major adhuc irregularitas subinde oreretur ad subvertendam rationem Aristotelis de nubium generatione: Nam si hoc esset verum, maiorem nubium & pluviarum copiam expectaremus æstivali, quam hyemali tempore, utpote, quo spatio vapores magis redundant ex stagnorum, torrentium & fluminum exhalatione per præsentiam Solarem: At hoc effectu probatur falsum. Ac denique non est calor Solaris nec syderum, sed æternus Iehovæ spiritus, qui habet Dominium in ventos mundi Angelicos, in quibus organicè movetur & operatur omnes istas alterationes Meteorologicas, in aëre & per aërem, uti infra declarabitur: Vnde dictum erat, ut supra, Sapientia fecit pondus aëri, & nubes appendit in mensura &c: Sed venio jam ad secundum dubium.

Pro resolutione secundæ quæstionis dico, quod sit alius modus condensationis vaporis invisibilis sive aëris in nubem, quam est ille ab Aristotele effectus: Nam ubi ille asserit quod istiusmodi inspissationis actus à contractivo mediæ aëris regionis frigore fiat, admiratione dignum venit, cur effectus iste non etiam alijs temporibus eveniat, nempe cum venti spirant à suis terræ quartis sive plagis: Nam, quando venti Australes dominium habent, tunc nubes observamus multiplicari, & pluvias abundanter cadere: scire, inquam, velim ab istis Peripateticis, cur vapores tam affluenter à terra & aqua illo præsertim tempore, dum venti istiusmodi spirare solent, plus, quam alio, in quo ipsi dominium non habent ad nubes tam copiosas in aëre procreandas ascendant, aut cur vapores taliter ascendentes magis coagulet seu condensaret mediæ aëris regionis frigiditas illo, quam alijs temporibus, cum nubes calidæ aëruæ spissus, radijs calidis loci mixtus, qui Borealiter ab æquinoctio pelluntur debeant potius mediæ regionis frigora moderari & mitigare. Scio profecto ipsos, quid respondeant, penitus ignorare: Quare eos ulterius in hac re non premam: Sed ut melius eliciatis veritatem, qua aër in nubes condensatur, experimentum à me ipso expertum, quo in nebularum & nubium generationis mysterio eram instructus, vobis paucis explicabo. In itinere meo à Civitate Venetiana Augustam Vindelicorum versus, ut inter montes & scopulos Alpinos viam feci quodam die, toto Horizontis coelo etiam claro admodum & sine ullius nubis macula apparente, & per consequens Sole liberos suos radios undique, sine ullo nebuloso impedimento ejaculante, in montis admodum ac præ cæteris proceri ac præcipitis summitate, idque præcipue ex unico ejusdem latere, contra quod nihilominus Solis radij feriebant fortiter, nebulam gradatim crescere & augeri animadverti, quousque tandem illa erat in

nubis densæ consistentiam redacta, quæ tandem in pluviam est resoluta, & toto hoc tempore, aër erat undique, excepto illo scopuli latere, nimirum ab ejus fastigio ad basin ferè usque clarus & nebulis ac nubibus immunis. Primò certe rei novitate admiratus sum, remque mecum seriò considerando tandem ex curru descendi, gramenque digitis arripiendo illud in aërem apertum projeci, ut venti viam exinde discernerem: Inveni autem ejus spiracula directè adversus illud montis supereminens latas dedisse. Quo statim colligebam, quod gradus in progressionem à vaporis aërei in nebulæ & à nebula in nubis consistentiam essent à majori vel minori, communis & Catholici aëris compressione, effecti: & quod ventus aërem fugientem prosequens, illam solummodo aëris portionem appositione & compressione parum post parum coagulaverit, cujus fugam scopuli resistentis proceritas impendebat, atque hac ratione aër aëri additus in statu invisibili & tenui in formam visibilem & densam alterabatur: Vnde primùm nubecula, deinde nubes secundum anteriorem montis effigiem generabatur, quæ tandem calore Solis in pluviam est resoluta, toto alio aëre manente claro. Quo quidem oculis apertis percepi, quod nubes non essent more ab Aristotele descripto procreatæ, nimirum à vapore à terra & aqua elevato, sed inspissatione tenuis ac invisibilis aëris in Nebulæ consistentiam, & ab illa in nubem à nubecula per unum densitatis gradum differentem. Qua quidem observatione percepi Iobi istam asseverationem confirmatam dicentis: quod subito aër condensabitur in nubes, & transiens ventus fugabit eas: Verum enim verò, haud parum ad huc in eo hæsitabat spiritus meus, considerando, quod montes & proceri scopuli essent ubique, quo aërem fugientem impediant in omni loco reperiendi: at Nubes è contra etiam in desertis plenis, atque in mari aperto, ubi montes ac scopuli non sunt apparere ac movere cernimus. Quod mecum seriò & sæpe revoluens, tandem aliâ experientia edoctus opinione illa mea aliquantulum profundius eram radicans: Nam mecum haud inconsultè cogitabam, nulum esse ventum in coelo cum Dominio. Spirantem, qui non habet ventum alium vel oppositum vel collateralem, qui ei in Elemento communi seu Catholico non concurrit: utcunque non discernitur ob venti potentioris dominium, qui non aliter obscurat actiones minoris venti, quam præsentia Solis solet candelæ accendæ lumen. Iam verò, quod venti duo uno eodemque tempore spirant, experientia istà fui instructus: Ego sæpius per Mariam inventus, observavi, quod, cum ventus præ dominans decrescere aliquantulum in suo vigore per vices, & vela navis non nisi debiliter urgeret, ventus ei oppositus suos patefe-

Iob. 37. 21.

Ezechiel. 37.  
Daniel. 7.  
Zachar. 6. I.

patefecerit flatus, quippe quorum virtute vela contrariè movebantur, quousque ventus prior in aëre resurgens fortiorque evadens, vela iterum, ut antea, suis viribus impleteret, nosque ad metam nobis desideratam conduceret. Porro etiam ipsas scripturas habemus ad testificandum, quòd duo vel plures venti uno eodemque tempore crebrò spirent: Nam inprimis idem spiritus à quatuor ventorum plagis ab Ezechiele erat invocatus; Et Daniel: Ecce quatuor venti coelipugnabant in Mari magno: Et

Zacharias, isti quatuor equi sunt quatuor venti, qui egrediuntur & stant coram dominatore omnis carnis. Quibus manifestum redditur, quòd non unus vel duo venti, sed etiam plures simul in coelo spirare queant: Nam ex spiraculis suis oppositis vel transversis nubes, Turbines, tempestates, fulgura & tonitrua sunt communiter effecta. Quod omne Poëta ille profundissimus Homerus hisce agnoscere videtur, quæ à Græcanico in Latinum sermonem sic transferuntur.

*Tantus caelesti rumor percrebuit aulâ,  
Cum sava alterni ruerent in praelia Divi:  
Neptunum contra bellabat Phæbus Apollo:  
Adversus Martem certabat Pallas Athenæ.*

Vbi per divos intelligit Spiritus Angelicos, qui à ventorum præsidibus simul emittuntur, qui per eorum in campo aëris aperto concursum more contentioso juxta prædictum Prophetæ Danielis sensum, inter se contendunt & luctant: Nam per Neptunum arguere videtur plagæ occi-

dentalis præsidem, qui est conditionis aqueæ; & per Phœbum præsidem Orientalem, cujus spiracula sunt ignea: Per Martem intendit fulgura &c: At Ovidius istam in aëre pugnam luculentius sic describit, ubi Boreas videtur habere Dominium.

*Idem ego, dum Fratres cælo sum nactus aperto,  
Nam mihi campus is est, tanto molimine luctor,  
Ut medius nostris concussibus insonet Æther,  
Exilientque cavis elisi nubibus ignes.*

Vbi per Fratres Boreæ videtur intelligere ventum Australem & ceteros Cardinales, qui, dum Boreas fiat cum Dominio, more fluctuoso contendunt in aëre, & non modò nubes, verum etiam Tempestates in Elemento aperto, pariunt. Quare ulteriori dubio non eram distractus, sed pro certo statuebam, quòd aut duo aut plures venti simul sive more opposito sive transversali flare possint: Quorum concursu aër invisibilis intermedius comprimitur & in Nebulæ núbisve substantiam redigitur, quæ nubes nihilominus ab illo pellitur & fugatur vento, qui majus habet in coelo Dominium; juxta prædictum illud Iobi: Subitò aër condensabitur in nubes, & ventus transiens fugabit eas: Ita, ut de facili sit colligendum, quòd nubes formetur, quo ad ejus existentiam ab aëre in hunc modum: Aër integram coelorum cavitatem implens, & per consequens mundus sublu-naris & Elementum Catholicum hæud injuriâ dicendus, cogitur violenter coram venti unius spiramine movere ac fugere: Sed in suo motu seu fuga à vento priorum situ, tum natura contrario, utcunque viribus imbecilliori im-peditus, per assiduam partium appositionem & compressionem concrevit & coagulatur paulatim, uti in observatione mea juxta montem est dictum, à substantia aërea & invisibili in nebulæ vel nubes consistentiam: His ergo rite consideratis, evidenter constat, opinionem illam Peripateticorum de nubi-

generatione esse falsam & erroneam.

Iam verò ad Tertij & ultimi dubij resolutionem venio, quod est, an nubes solummodò superficialiter & ab externo, nimirum ventorum transeuntium & caloris Solaris actu (uti est opinio Aristotelis) & non ab interno & centrali aliquo agente moveatur nec-ne, cujus mandatis non modò venti obediunt, sed & nubes partim Spiritu interno movente & partim ventis ab illo etiam spiritu animatis huc atque illuc feruntur. Respondeo, quòd nubes contra vanam illam Peripateticorum assertionem suo interno agente fruatur, quòd eam vocat, hoc est, ad placitum suum perficiendum, incitat: hoc inquam principium nubi internum, eam quasi vehiculum suum dirigit, quòd & quomodò ei placuerit: Nam ut agens hoc est Catholicum, ita quidem illud non abest à spiritu venti, qui etiam præfens est cum nube, utpote, quæ sapientiæ spiritu conflatur atque animatur: Nam, cum dictus spiritus agens sit præfens, cum & in spiritu venti, ipse in & mediante spiritu Angelico venti operatur centraliter in aëre, & facultatē suā congregativā aërem contrahit in speciem nubi, quam tum postea facit suum Tabernaculum & ascendens super spiritum Angelicum, & volans super alas venti, facit suum tabernaculum cum vento movere secundum voluntatem suam: Hinc, inquiunt scripturæ: Nubibus densis obregit Deus cælos, qui comparent terræ pluviam, qui facit, ut proferant montes fructum

Iob. 37. 21.



# SECTIONIS PRIMÆ LIB. V.

*Psalm. 147. 8.* tes fœcunum & dent jumentis cibum. Et  
*Iob. 22.* Iob : Densæ nubes Tugurium ejus : Et  
*Psalm.* David : Nubem expandit Deus pro tegu-  
*Num. 11. 25.* mento : Et Moyses : Descendit Domi-  
*2. Reg. 22. 8.* nus in nube , & locutus est ad eum. Sed  
totum illud, quod à nobis est antea dictum  
ex istis sequentibus luculentissimè explica-  
tur : Inclinavit Iehova cœlos & descendit  
& caligo sub pedibus ejus & ascendit su-  
per Cherubin & volavit seu lapsus est su-  
per pennas venti. Posuit tenebras in cir-  
cuitu suo latibulum, cribans aquas de nu-  
bibus cœlorum præ fulgore in conspectu  
ejus nubes accensæ sunt &c : In quo Textu  
totum illud antea à me allegatum confir-  
mari videtur : Nam primum dicitur, quod  
Deus super Cherubin ascenderet, qui est  
aëreus & per consequens ventosus spiritus  
sive Angelus, in quo verbum Domini mo-  
vebat, & tunc in & mediante isto ventoso  
spiritu, tugurium sibi, obscurum efforma-  
bat : Nam dicitur : Posuit tenebras in circui-  
tu suo latibulum &c : Sive currum : Nam,  
*Psalm. 104. 3.* ut David habet : Nubes densæ vehiculum  
*Psalm. 67. 17.* seu currus Dei, qui irat super alas venti. Et  
alibi dicitur : Mons Dei coagulatus, in quo  
beneplacitum est Deo in habitare : Ita, ut  
luculenter constet, quod Spiritus Dei mo-  
veat Spiritum Angelicū : Cum, quasi orga-  
num primi ordinis, & spiritus, informat at-  
que excitat aërem cum natura ventosa, ut  
pote cujus motu sive actu in eo aër trans-  
mutatur in naturam ventosam : Vnde Pro-  
pheta, ut antea : Qui facis Angelos ven-  
tos. Tunc ille aër ab una eademque Divi-  
nitate animatus aërem communem in nu-  
bes reducit, quæ loco currum ei inservit,  
qui est unicus in istis omnibus operator,  
mediantibus varijs organis : Quorum u-  
num est in aliis magis centrale, & per con-  
sequens dignitate prius : Nam quo magis  
internum est organum, eò præstantius, no-  
bilius & potentius, ut pote propinquius  
accedens ad Divinitatis sedem, quæ ver-  
satur in centro, & in centro agit & opera-  
tur omnia. Quod Deus est motor unicus  
in tonitribus, quod loquatur ex turbine &  
nube, & quod sit pro velle suo ignis consu-  
mens, & quod agat centraliter in ventis,  
Nubibus, nivibus & tempestatibus, & quod  
omnia ista mediante spiritu sapientiæ per-  
ficiantur, ubique sparsim testantur scriptu-  
ræ sacræ : Quare in conspectu satis conclu-  
dere Peripatetici, nubes solummodò à solis  
calore aut à vento, quasi externis solis prin-  
cipijs animatas movere; Cum hisce, quæ  
dicta sunt, liquet, quod nubes sit Taberna-  
culum, Tugurium & currus æterni illius  
spiritus, cujus equi (ut Propheta Zacharias  
habet) sunt quatuor venti seu potius spiritus  
Cherubini, qui ventis præfunt, eosque  
animant. Quare evidens est, quod volun-  
tas sive centrale Principium motionis, insit  
nubi : Sed Angeli & venti sunt ministri seu  
organici motores, qui movere eam solent  
secundum voluntatem primi & centralis

in ijs agentis. Quare, tametsi in præceden-  
tibus probavi, quod aër esset nubes con-  
densatus, & ventus transiens fugaret eas,  
juxta Iobi sententiam; tamen ille, qui man-  
dat istiusmodi nubium generationem me-  
diantibus ventis, est unicus & centralis ille  
agens & motor tā in nubibus, quā in ventis,  
qui juxta, voluntatē fecit ministros suos eū  
movere & portare, ubi vel quod ei placebit.  
Hinc ergo Salomon : Sapientia ejus abyssi  
ruperunt se & cœli destillant rorem. Et  
Iob : Flante Deo concrefcit gelu : & alibi  
Sapientiā aptat pondus aëri & appendit a-  
quas in mensura &c : Audacter ergo con-  
cludere possumus, tam adversus Aristotelis,  
quā aliorum Ethnicorum Doctrinam,  
quod nec terra nec aqua sunt radicales nu-  
bium fontes, sed cœli sive aër sublunaris, ut  
pote, qui sunt arca Dei Thesauraria : neque  
est frigoris in med-a aëris regione incle-  
mentia, quæ vapores aliquos imaginarios  
à Terra & aqua elevatos condensat : Sed  
centralis ille spiritus animans & vivificans,  
labens super alas venti, qui residet, sed non  
inclusivè, in nube, qui mediantibus mini-  
stris suis ventosis sive ventis Angelicis,  
nubes creare solet, ut sibi in multis infer-  
viat : Vnde liquet, quod nubes non  
agat & moveatur per calorem Solarem,  
sed Divino illo actu lucido, qui ei in-  
est occultè : & quasi imperator sum-  
mus infidet Cherubinis, qui sunt aërei  
& ventosi Spiritus seu Angeli, uti Sera-  
phin sunt ignei, atque ita movetur, super  
alas venti, quem Spiritus Cherubini-  
cus animat, ita ut in & per organum suum  
ventosum dicatur flare & movere, ubi &  
quando bonum ei videbitur. Patet ergo,  
quod Divinitus agat in Angelo Cheru-  
bin, Angelus per Spiritum Dei movetur,  
animat, agit & movere facit ventum;  
ventus se nebuloso aëri immiscens, eum  
rapit, ubi primus & unicus totius machinæ  
nebulosæ fabricator desiderat; qui in isto  
negocio operatur omnia : Non aliter, quā  
in machina rotis movente observamus,  
quod rota centralis moveat rotam secun-  
dam, quasi organum primi ordinis, & illa  
secunda moveat tertiam; tertiam quartam.  
Et tamen videmus, quod integra agendi  
virtus atque essentia sit in centrali rota, &  
consequenter cæteræ rotæ exteriores sunt  
organa, quæ per se mortua sunt, & quies-  
cunt, nisi à primo & unico illo motore ex-  
citantur. Concludimus igitur, quod sit  
omnipotens & omnia creans Spiritus, qui  
est generalis actor & formalis motor in  
meteoris, cui ministri Angelici, qui sem-  
per stant coram facie dominatoris terræ  
(ut Zachariæ verbis utar) assistunt, ut orga-  
na seu causæ instrumentales ad suam vo-  
luntatem à re qualibet, exequendam. Est,  
inquam Spiritus iste essentialis, qui stat  
à centro nubis per suos Angelos vento-  
sos, qui (teste Davide) sunt ministri,  
facientes placitum ejus. Denique ex istis  
videre

*Prov. 30. 20.*  
*Iob. 37.*

*Iob. 28.*

videre licet, quod Philosophia ista Aristotelis non sit de desuper à Patre Luminis, sed terrena, animalis & Diabolica, juxta Apostoli assertionem, quatenus veritati sit contradictoria. Quare extrema videtur in Philosophis Christianis dementia, viri hujus Ethnici doctrinam, tanto fervore infecti, ac si Theodidactus, seu à Deo esset do-

ctus, cum revera Christianos à divinae essentiae in suis operibus cognitione, omnino distrahit: Quatenus ipse falso asseverare haud erubescit, non sine immensa à divinitate derogatione, quod res tanti momenti, quales sunt meteora, tam in coelo, quam in terra & aquis, varijs modis & more accidentaliter procreantur.

## CAPVT. VI.

*Vera & essentialis nubis definitio, seu potius descriptio, hoc in capite juxta scripturarum sacrarum sensum explicatur.*

**A**ssignes igitur, sat scio. (replicabunt Peripatetici nostri) si possis definitionem Nubis magis essentialem, idque secundum veram tuam sapientiam & Textus sacri sensum, quem tanta devotione videris sequi. Quibus ego me ad istud opus obeundum paratum esse.

Nubes, est spiritus mundani in arca Dei Thesauria, hoc est, in ejus caelis occultati, sapientia divina centraliter operante, ministrisque ejus ventosis extrinsecus Dei nutu aëra cōprimantibus, revelatio: Hoc est, visibilis aëris invisibilis in cumulum nebulosum, flatu divino coactervatio, quam Iehova pro tegumento suo expandit, & pro tugurio seu vehiculo, ad voluntatem suam tam in coelis, quam in terris complendam, habet.

Vel sic.

Nubes est aër, in vaporis densi seu nebulae gradum prius, atque ab illo paulatim in spissiores atque obscuriores consistentiam, duorum ventorum sive oppositorum sive transversalium flatibus, Deo sic volente & centraliter ad suam voluntatem complendam operante, compressus atque condensatus.

Vel sic.

Nubes est vaporosa & densa aëris congeries, quam sapientia divina ubique per mundi spiritum expansa, ex nihilo quasi fecit, hoc est, ex invisio atque incognito aëris sacrario seu arca Thesauraria ad suam voluntatem tam in coelis, quam in terris exequendam visibilem fecit & in lucem vulgarem produxit.

In hujusmodi definitionibus, causa materialis est, densa & vaporosa aëris congeries, seu cumulus nebulosus, in qua etiam & causa formalis depingitur: Habemus etiam in ea causam efficientem seu centalem, nimirum sapientiam divinam, ut & externam & superficiale, videlicet ministros sapientiae ventosos, comprimentes aërem, eique in motu assistentes: Habemus &

minieram seu arcam Dei Thesaurariam, ex qua materia seu consistentia nubis extrahitur, videlicet coelos, qui sunt Thesaurus Dei. Denique causam finalem inibi declaratur, esse, ad effectus voluntatis Creatoris, sive benignos & salutares, sive severos & insalubres producendos.

Iam verò ad priorem descriptionis harum portionem defendendam atque comprobendam, ait sapiens: Deus sapientia sua aptat pondus aëri & appendit aquas in mensura &c: Quibus tam causa nubis materialis, quam illa efficiens detegitur: Nam actione Divini in aëre spiritus, aër disponitur in densiorem vel spissiores atque in leviores aut ponderosiores consistentiam: Nam, verba expressa sunt: Aptat pondus aëri: Quare aër est causa materialis, & spiritus sapientiae, est unicus agens essentialis, & per consequens nubium & pluviae author. Et Syriachus: Aër condensabitur in nubes, & ventus transiens fugabit eas: Hic ergo causa materialis, videlicet aër, atque Formalis, nimirum condensatio in nubes describitur. Et alibi: Congregatio Spiritus aspergit nivem.

Ad causam autem efficientem quod spectat, eam antea descripsi esse spiritum sapientiae: Deus sapientia sua aptat pondus aëri & appendit aquas in mensura, ut antea. Et alibi: Nubibus densis obtegit Deus coelos, & pluribus alijs locis.

Pro causa Finali, ait Iob: Pro irrigatione fatigat Deus densam nubem & dispergit lucem nubis suae, quod cunque praecipit illis faciendum in terra, sive ad flagellum sive ad faciendam beneficentiam, efficit, ut praesto sit. Et Baruch: Cum nubibus mandatum est à Deo, ut obeant totum orbem habitabilem, perficiunt, quod imperatum est. Ita ut videmus magnalia ista Dei, à secretis & invisibilibus suis habitationibus seu sacrarijs extrahi, ad placitum ipsius faciendum, qui ea creavit.

# SECTIONIS PRIMÆ, LIB. V.

## CAPVT. VII.

*Quomodo nubium componendarum ratio, ex instrumenti nostri experimentalis observatione, oculariter demonstratur, atque etiam nivis definitio falsa & vera, oculis intuentium exponantur.*

**I**Am verò æquum est, ut modum, quo nubes in cœlo, opposito ventorum duorum spiramine, videlicet ex Austri dominio & insensibili Boreæ afflatu, generantur, oculari experientiâ demonstrém. Prædixi vobis cap. 4. lib. 4. sectionis hujus, quòd, ut aër vitro instrumenti experimentalis inclusus, solo manus calidæ contactu se dilatabat in collo ejusdem, & dilatatione evolabat à manu tangentis, in frigidam regionem aquæ (quod in eo probatur, quia aqua antea elevata in collo vitri, jam subito præcipitatur) ita etiam aër grossus hyemalis in Hæmisphærio Australi, transiente sole per Æquinoctium Autumnale, præsentia solis calidi dilatatur: & quoniam hæmisphærium illud, non est ad totum illum spiritum ita dilatatum comprehendendum sufficiens, fugit veloci motu, ab activitate solari, trans lineam æquinoctialem, in hæmisphærium Hyemale seu Arcticum, ut ibi locum pro sua existentia magis spaciolum inveniat: At spiritus ille volatilis & dilatatus, inveniens constantem illius loci aërem, ob solis absentiam à frigore Boreali contractam, ibidem subito condensatur in nubes: Atque hæc est ratio, quòd, ubi flatus Borealis nullus evidenter persentitur, ibi venti Australes copiam nubium & pluviarum producere soleant: Ita, ut manifestum reddatur, quòd spissus Borealis Hæmisphærij aër, Borealibus flatibus agitatus, & aëre calido subtiliato, ab Hæmisphærio opposito emissio occurrens, ei resistit, & paulatim in nubis existentiam reducit: Hoc, inquam totum, observatione debita aëris vitro machinæ inclusi, explicatur, uti antea est indicatum.

Denique definitiones Aristotelicas pruinæ, grandinis, glaciei & similium Meteororum, hoc in loco explicare, easque sacræ scripturæ sensui contradictorias esse, probare nolo, quoniâ amplâ de istis, in Meteorologia cosmica mea, feci mentionem: & proinde vos ad ipsam refero. Sed nivis solius definitioni jam insistam. Aristoteles vi-

detur asseverare, nivem esse nubem frigore intensissimo congelatam, quæ, antequam sit completè in aquam, vaporosa dispositione dissoluta, in nivream substantiam convertitur: In qua ejus definitione, quoniam eum non minùs errabundum ac in præcedentibus & præcipuè in nubis origine, invenio, ei fidem exhibebo nullam: Præterea scripturæ sacræ intentionem & leges, istiusmodi sua descriptione transgreditur: Nam ipsam Nivem ego aliter idque juxta Paginæ sanctæ statuta, sic definio.

Nix est Meteorû, quod Deus ab arcano suo Thesauo, seu arca Dei Thesauraria, in forma lanæ extrahit, ad voluntatem suam efficiendam in terra, sive ad pœnam & flagellum, sive ad beneficentiam & benignitatem.

Vel sic.

Nix est creaturâ, ex abstrusa aëris arca, seu Thesapro Dei, mediante frigido Spiritus Divini spiraculo, in forma lanæ, ad placitum suum divinum perficiendum producta.

In qua causam materiale observamus esse ipsum aërem, aut substantiam cœlorum, unde Textus sacer: Congregatio spiritus aspergit nivem. Et Iob: Pervenisti in Thesuros nivis? eo Psalter Regius: Deus verbo suo emittit nives, sicut lanam, coram frigore ejus quis consistat? Et Iob: Flante Deo concrevit gelu. Quibus etiam causa efficiens nivis se prodit, nimirum ipse Deus Pater, à quo omnia per spiritum sapientiæ. Porro causa formalis in eo describitur, quòd emittitur instar lanæ. Ac denique finis est, ut vel vindicet suum Dominium adversus impios, vel beneficiat ipsis, quos Deus in sua misericordia & benignitate respicit.

Plura de ventorum, Nubium, Nivis cæterorumque Meteororum Mystério in Tractatu seu volumine meo de Meteorologia Cosmica sum locutus: Quare brevitate causa vos ad illius discursus medullam refero.

## CAPVT. VIII.

*Quenam sit Aristotelis de fontium & fluminum origine seu generatione sententia, & an ipse in ea Divinæ sapientiæ veritati conveniat nec nò.*

**C**Vm ergo sit apparens, quòd Doctrina Aristotelis de ventorum & nubium generatione & essentia sit impura, fallax & veritati contradicens, mihi in isto loco proposui opinionem ipsius, de fontium & fluviorum origine, ad Lydij lapidis examem proferre. Peripatetici, cum Christiani, cum Ethnici, tam in fontium & fluminum

orta, quàm in Meteoris cæteris à me recitatis, decipiuntur, atque idè sectæ eorum princeps (re æquis justitiæ trutinis ponderata) debet à quolibet sincero Christiano, pro mundi deceptore seu impostore haberi, & consequenter ejus de subiecto Meteorologico doctrina debet repudiari atque deleri.

Aristo-

Aristoteles & ejus sectæ reliqui sunt de opinione, quod terræ venter, varijs cavitatibus, meatibus & fissuris impleatur, per quas necesse est, ut vapores à terræ centro ad vacui evitacionem, sursum ascendant, qui in suo motu lateribus concavitatum, fissurarum seu meatuum & venarum terræ adhærentes, in aquam resolvantur, qui guttatim distillando efficiunt fontes, quibus tum postea flumina oriuntur: In qua eorum fontium descriptione, concludunt, materiam eorum nihil esse aliud, quàm vaporem è terræ visceribus ascendentem, & in aquam tum postea in transitu, ratione frigoris atque etiam caloris loci condensantur: Haud aliter, quàm juxta eorum sensum, nubes, pluviz, nives & grandines oriuntur, à vapore primum condensato, & tum postea liquefacto.

At si quamlibet istius membri definitionem oculis acutioribus introspeciamus, illudque paulò accuratius examinemus, percipiemus quidem, quod ad fontium ortum requirant non modò materiam duplicem, verùm etiam formam agentem geminam: Fingunt enim, quod materia remota sit vapor, & tunc materiam propinquā imaginantur esse guttas aquæ, quæ ex vaporis congelatione fiunt. Etiam duplices suas causas efficientes frigus & calorem, statuunt: Nam, inquiunt, est frigoris officium condensare & coagulare vaporem ascendentem in consistentiam aquæ: Ac caloris est & frigidum simul, ut reddant aquam mobilem & fluxibilem. Mihi ergo, Lectores consulti, liceat hisce Philosophis Peripateticis cum suo proprio Axiomate respondere, & consequenter eos armis suis proprijs evincere. Frustra, inquiunt, fit per plura, quod fieri potest per pauciora: Iam verò, si opus hoc radicale & originale, in fontium generatione, possit convenienter per unum idemque aquæ subjectum, à natura, sine ulla ipsius in vaporem resolutione, atque tum postea in aquam secunda vice, condensatione præstari; tunc non dubito, quin mecum concludatis, istud suæ definitionis membrum esse incongruum, vanum & imaginarium: Sed hoc insequentibus, idque oculari demonstratione reddam apparens & manifestum: Nimirum, quod in cursu naturæ sit possibile, ut aqua sine ulla suæ consistentiæ alteratione, possit secretis venis atque meatibus terræ in altum, etiam ad montium procerorum cacumina, à terræ & maris profundo elevari, postquam ipsa in occulto suo, per arenosam & porosam terræ substantiam transitu, naturam suam salsam deposuerit. Quo quidem sat liquidò apparente, inventionis Aristotelicæ vanitas subito cuilibet sapienti detegitur. Præter hæc sterilitas inventionis, siue rationis ipsius, quæ vapores lateribus cavernarum terræ adhærentes, debere in aquam converti, & in fontes & flumina

tum postea fieri effingit, reddetur palpabilis & manifesta, si consideremus, quod guttæ ita factæ, paratiores erunt ob earum ponderositatem, tendere atque revertere deorsum in terræ viscera, per eosdem meatus, à quibus sunt in forma fumi elevatæ, quàm, ut moveantur allateraliter. Quare verisimile est, quod aqua sic facta, aut saltem major ejus portio, in locum, à quo venit in forma vaporis recideret. Sed omittendo pro temporis pauxillo istas rationes, examinabo & conferam hoc ejus descriptionis membrum cum Biblij sacri Autoritate & veritate, quod melius, an inter se in hac re conveniant nec ne, discernamus.

Invenimus in primo loco, quod non sit accidentale & imaginarium, aut frigus aut calidum in terræ visceribus, quæ istius Meteor generationem efficiunt, sed Deus, qui operatur aut per Angelicos ventorum spiritus, aut à palatio suo solari ad istius negotij complementum. Et tamen in sua actione tam privativa, quàm positiva frigiditas & caliditas, se ipsas loco ministrorum exprimant (Nam Textus habet: Coram frigore ejus quis consistat.) Tamen est Catholicus ejus actus positivus, in sole & ventis calidis, quem è Tabernaculo suo solari & ex ventis suis calidis extendit, & privativa seu contractiva ejus virtus, quam manifestat per longinquitatem seu absentiam lucidi sui Tabernaculi à regione assignata, atque etiam polaris sedis Propinquitatis, & ventorum frigidorum præsentia; quæ annuatim alterant, & varieformiter transmutant creatum Elementū. Atque idè est, ipse Deus, qui mediantibus organis suis spiritualibus, tam in cœlo desuper, quàm in terra & aqua inferius, operatur omnia & inter cætera producit ac generat fontes, ex quibus tum postea fiunt flumina: Et per consequens est actus illius Spiritus, qui, teste Salomone, implet orbem terrarum, & omnes mirabiles in ea effectus operatur. Quod etiam Psaltes in his verbis confirmat: Qui emittis fontes per valles, ut inter montes ambulent, & potum præbeant omnibus animantibus agri, ut frangant onagri sitim suam. Quare videmus, quod solus agens Catholicus, atque idè fontium procreator, sit spiritus ille divinus: Iterum hîc causam finalem, ob quam fontes creati sunt, expressam invenietis, nimirum ad irrigandam terram, ad seminum, fructuum, herbarum & graminis multiplicationem, & ad potū animantibus agri præbendum. Verùm Peripatetici nostri replicabunt, se nihil novi adhuc, pro opinionis istius, Aristotelicæ, videlicet, materiæ fontium ab ipso assignatæ confutatione, ex scripturis accepisse: Sed, ut istius objectionis medullā auferam, efficiā equidem, ut rei veritatē, idque sine perspicillis clarè intueantur: si huic Salomonis assertioni, accuratè

## SECTIONIS PRIMÆ, LIB. V.

intentione animos suos inclinant. Omnia flumina, inquit, intrant in mare, & mare non redundat, ad locum, unde exeunt, revertuntur, ut iterum fluant: Quo sermone exponit sapiens nobis, realem fontium materiam seu causam materialem, esse aquam, & non vaporem. Ait enim expressis verbis, esse non nisi unam eandemque aquam, quæ circulationem suam perpetuam facit à mari per terræ viscera, mediantibus fontibus & fluminibus in mare. Palpabilis iste in Aristotele error, erat in causa, quod non modò quàm plurimè doctiorum tam antiquorum quàm recentiorum, sed etiam nonnulli ex fidelibus discipulis ab eo hac in re videntur discrepare. Ex Philosophis antiquioribus alij volunt, quod tota aquarum copia, quæ fontes perennes uberrimè scaturiunt, ab aquis cœlestibus seu pluvijs colliguntur: At hanc opinionem videtur seneca evertere hisce rationibus: Primum, quia nulla pluvia ultra decem pedes terram penetrare & madefacere, observavit ex vinearum fossionibus. Secundò, quoniam montes nudis rupibus pleni, atque idèò pluviæ non admittentes, faciunt fontes quandoque magnos & perennes: Tertiò, quia siccissimis locis, putei in altum per trecentos pedes acti inveniuntur: Quo intelligere fas est, hunc non fieri à collectivo humore, sed à viva aqua.

Alij putant, fontes generari ex aquarum in terræ visceribus copia, inter quos Seneca credit, fontes è terra in aquam transmutata produci, quatenus omnia Elementa sunt mutuò transmutabilia: At ista opinio sine ulla alia refutatione ab improbabilitate condemnatur.

Opinio Aristotelis est, quod ex aëris vaporibus in terræ meatibus conclusis, & frigore condensatis, proveniant, ut dictum est. Contra quem in primis Cardanus, asserendo, esse incredibile ab aëre tantam aquæ quantitatem & tam perennem posse gigni. Quare Scaliger cum Cardano, merito confutat eam opinionem, quæ putat, fluvios ex aëre generari, idque præsertim, cum decupla vel amplior aëris proportio concurrere debeat ad generationem unius partis aquæ: quare non tantum in terra spatium concavum pro tam immensa aëris quantitate reperitur, quæ tantam aquæ copiam proferre queat: Præterea tanto aëre consumpto, necesse est, ut vacuum intus reperiatur. Hæc Scaliger. Bodinus verò adhuc acius adversus istam opinionem insistens, istam Aristotelis de fontium origine opinionem derisam jacere ait: Fieri enim non potest aut cogitari, ut aër tantâ celeritate corrumpatur, quantâ fluunt aquæ, nec tamen in momento id fieret totus Elementaris aër, quippe qui est in sua substantia rarissimus, quare non sufficeret ad eam aquarum, quæ uno die fluunt, abundantiam producendam: Sed fallitur hac in re

Bodinus, nam aër est aquarum omnium fons & Spiritus.

Quarta opinio est, illa antiquissima tam inter Philosophos Græcicos, nimirum Platonem; imò verò ipsum Thaletem, qui omnium primus in Græcia Philosophus erat, quæ longè antè, ab ipsis doctissimis & sanctissimis Hebræorum literis erant consignata: nimirum, quod originem suam juxta Ecclesiastes doctrinam ducant à mari; idque duabus confirmant rationibus, primum, quia nullum aliud corpus præter amplissimum mare tantæ copię aquarum, quantæ scatent fontes, sufficiat: Secundò, quod tantâ aquarum copiâ quotidie in mare fluente ipsum tamen non augeat.

Ex discipulis obsequentissimis ipsius Aristotelis: Nam Iohannes Velurius (vir in Philosophia mundana versatissimus, & qui in mysterijs Philosophiæ Aristotelicæ enucleandis multum temporis consumpsit, & commentarium super sui præceptoris Physica composuit) quando venit ad tractatum ejus de fontium generatione, videtur præceptoris in hac re inscitiam, sive imperitiam, explicare in his verbis: Non conveniunt inquit, sacre scripturæ cum Physicis de ortu fluminum ac fontium docent, quippe flumina ex mari per varios alveos meatuque fluere, ac ad suos fontes refluere. Eccl. i. testatur, dicens: Omnia flumina intrant in mare, & mare non redundat, ad locum unde exeunt, revertuntur, ut iterum fluant. Cæterum Physici dicunt, materiam esse vaporem resolutum in aquam & liquefactum à frigore & calore simul, intra terram. Hæc ille: Vnde colligimus, quod aut discipulus iste præceptorem suum haud injuriâ pro falsa ista doctrina reprehendat, aut judicium Salomonis pro erroneo intelligat: Nam, si disciplina unius sit illi alterius contradictoria, eligenda est præstantior; deterior verò à Christianis repudianda. Quis autem Sapientum sententiam Salomonis reiiciendo, illud Aristotelis amplectatur: aut quis honoris aut dignitatis Aristotelis, viri Ethnici & infidelis salvandæ & præservandæ causa, Salomonem, virum Theodidactum pro mendace aut fallace æstimabit? Sed si Peripatetici nostri Christiani obstinati nescio qua inducti, Salomonis assertionem credere nolunt, efficiam mediante Experimento oculari capite sequenti explicato, ut Salomonem, mentem illam Aristotelis deferendo, sponte & libenter sequantur.

Concludo ergo ex Biblij sacri Auctoritate, quod istiusmodi fontium definitio seu descriptio sit facienda,

Fontes sunt continui aquæ fluxus qui à mari incipientes, & per venas, fissuras & meatus terræ undique clausos transeuntes, ad vallium superficiem montiumque cacumina usque, actu divino tam

Eccl. i.

Alber. lib. 2.  
meteor.

Agricol. de  
ortu subter.

Lib. 3. quæst.  
natur.

Met. i. c. 13.  
Lib. 2. de sub-  
fil.

Lib. 2. de The-  
gro Naturæ.

Lib. 1. com.  
Phys. cap. 6.

tam positivo quam privativo cogente, ascendunt, ad fœnum & herbas super terram procreandas, & ad parandum potum pro bestiis ac deinde ut ad mare seu locum unde exeunt revertantur, ut iterum fluant.

Vel sic.

Fontes sunt aquæ marinæ portio, à sua falsedine per porosam & sabulosam terræ substantiam expurgatæ, quæ virtute Spiritus divini terram implentis, sursum per occultas terræ venas seu meatus ad ejus superficiem usque scandens, fluminaque ad graminis multiplicationem & pro animantium terrestrium usu generans, ad mare properat, ut iterum circularem eundem per terram transitum perpetuò efficiat.

In quibus definitionibus, aqua simplex, sine ulla suæ substantiæ aut attenuatione aut condensatione aut figuræ alteratione videtur esse causa fontium materialis. Causa verò efficiens est Spiritus divini virtus in proprietate duplici, ut capite sequenti declarabitur latius. Atque hinc dicit Salomon alibi: Sapientia erat apud Iehovam in principio viæ suæ, cuncta componens, quando roborabat fontes abyssi & ponebat mari statutum. Porro David: Verbum Domini congregat sicut in utre aquas maris, ponens in Thesauris abyssos: Denique causa finalis, ut ait David loco antea citato, est, ut Flumina sic facta potum præbeant omnibus animantibus agri: Ex, ut Moyses habet de pluvie beneficio, ad irrigandum terram &c.

Pro. 8. 4. 22.

Psal. 32. 7.

Psal. 104. 10.

Deuter. 28. 11.

Venimus jam ad demonstrationem nostram ocularem.

### C A P V T. IX.

*In quo Salomonis de fontium & fluminum origine assertio partim oculari demonstratione & partim rationibus à vera Philosophiæ fonte productis, approbatur atque sustinetur.*

**T**E, erudite Lector, in præcedenti meo discursu certiores feci, quòd Spiritus Dei, annuatim in Elemento mundi infimi Catholico, virtute duplici agat; quarum una est dilatans seu rarefaciens, quæ in ejus positiva, manifesta, lucida, activa, & calida dispositione perficitur, arca Thesauraria, cujus præcipuum est palatium seu Tabernaculum Solare, Divinitatis plenum; altera est contractiva, quæ in privativa & secreta sua dispositione est tenebrosa, frigida & fixa, cujus sedes & Thesaurus præcipuus est circa polos mundi: ut pote, quæ cum sit in effectu, priori sive activæ illi contraria, Locum suum in mundi quartis, à Sole remotioribus sibi vendicat: ita, ut Spiritus vivificus, qui suam in Tabernaculo Solari sedem habet, suâ præsentia solummodò dilatando & in exilium relegando frigora Borealia in communi Elemento operatur, actusque Boreales, per viam Rarefactionis destruit; ita etiam per Solis absentiam, frigidus Polaris proprietatis Spiritus, dominium habebit in illa Elementi Catholici portione & per viam Condensationis omnes subtiles illos effectus in nihilum rediget, quos Lucis calor & virtus Solaris produxit. Exempli gratia, totum illud, quod tempore Hyemali in regionibus Meridionalibus, hoc est ultra lineam Æquinoctialem, ab Arctico frigore (Sole tunc temporis in Hæmisphærio Boreali manente & æstatem nobiscum faciente) in Catholico Elemento producit, nimirum aeris condensatio, fontium elevatio, & aquarum multiplicatio, nivium, glaciei & grandinis productio, herbarum, fructuum &

plantarum mortificatio &c. Sol in proxima sua illarum regionum visitatione, quæ erit, dum Borealis Hyems nobiscum regnabit, proprietate sui Spiritus rarefactiva, dilatativa & vivificativa destruet & alterabit, convertendo aërem spissum in subtilem, fontes deorsum, versus terræ viscera deprimendo, quæ hyeme in altum sublimabantur, dissolvendo nives, pruinas, glaciem, grandines; & ex corporibus fixis & opacis mobilia & transparentia, nimirum aquas, faciet: Spiritus arborum, plantarum, herbarum, ratione congelationis semimortuos revivificabit, corpora eorum mœsta & quasi lugentia, vestimentis viridibus induet, floribus ea adornabit, ac tandem fructus salutiferos producet. Brevis, nihil est, quo Polaris illa Frigiditas, absentia Solis dominatur in uno Hæmisphærio, in cujus simile Solaris regionis opposita æstas, in eadem proportionemore contrario, non agit: Quod quidem ni esset, necesse foret, mundum quolibet anno debuisse aut suæ substantiæ augmentationem aut diminutionem pati, hoc est, ut quandoque major in quantitate & quandoque minor existeret. Sed, ut Salomon affirmat, quod mare non obstante assiduo fluminum in illud fluxu non redundat: ita, etiam si fontes in uno mundi hæmisphærio assurgant, necesse est, ut in Hæmisphærio opposito pari proportionemore descendant in terram & diminuantur. Similiter, tametsi aer mediante illa attenuatione, quæ per Domini Spiritum fit in Elemento Catholico sublevari, evolare solet, ab Hæmisphærio Æstivali in Hyemale; Tamen necesse est, ut ille aer ita rarefactus in calido



## SECTIONIS PRIMÆ, LIB. V.

calido seu æstivali loco, eadem proportionē contrahatur & condensetur in frigido seu hyemali, qua erat antea dilatata & rarefacta. Porro etiam, si ultra lineam Æquinoctialem magnæ seu copiosæ accendant pluviz tempore Hyemali, sequeretur necessarium, ut in contraria proportionē magna siccitas abundaret in Hæmisphærio Boreali, tempore eodem æstivali. Præterea, quando nobis adest maximus calor æstivo spatio, illis ultra lineam Æquinoctialem, in hyemali statu, maximum aderit frigus, semper observando eandem in conditionibus mensuram & proportionem. Similiter, si nobis adest, Sole existente circa æquinoctialia, in quibus dies & noctes sunt temporis proportionē æquales, tunc illis etiam aderit ejusdem temperiei in frigore, & calore mensura. Atque hoc semper est more reciproco in Hæmisphærijs istis oppositis expectandum, nimirum, quod mundus, constans & idem perpetuo reperiatur, hoc est, ut neque redundet, neque diminuatut aut in quantitate aut qualitate. Atque etiam potentia divina suos in Hæmisphærio suo effectus & actus in sede opposita eadem proportionē assidue producit: Nam quanto magis Spiritus seu aer vel aqua est in uno loco attenuata, tanto magis opus est, ut in alio condensetur. Hisce ergo, iudicio maturiore in loco priori consideratis, ad conclusionem meam practicam sic procedo: Et naturalis mea de hac re observatio est, quod aer Instrumenti Experimentalis vitro inclusus, sit hyemalis, seu in naturam hyemis convertitur dominio frigoris: Nam, ut primum ejus caput seu summitas ampla frigoris externi contactum persen-

tit; aer inclusus se ipsum immediate contrahet & constringet in locum angustiorē, & consequenter, quod aer densior & grossior reddatur, perspicuum est. Et quod res se ita habeat, ex aquæ in vitri collum elevatione, demonstratur: Nam nexus ille naturalis inter aërem & aquam est tam firmus, ut, si ille se contrahat in locum strictiorem, hæc, ut ratione suæ contiguitatis sequatur & sursum immediate elevetur, necesse est. Vnde redditur evidens, quod contractiva seu attractiva Spiritus Borealis seu potentia divinæ virtus, quæ in frigore manifestatur, primum aërem dilatatum contrahit & condensat, atque ita ille aer contractus attrahit aquas ad se, easque in altum elevat, idque sine ulla alteratione aquæ, quæ erat infra in instrumenti profundo, ita, ut in conclusione non sit nisi unica & eadem aqua. Ecce ergo ex hoc demonstratum habetis & probatum, quod sit in natura possibile, quod aqua illa possit in altum à terræ cavernis etiā ad montium cacumina elevari, quæ à mari nutritur, idque via & ratione naturali, sine aquæ in vaporem mutatione, ut Aristoteles vanè imaginatur, contra Axiomatis istius sensum: Frustra fit per plura quod fieri potest per pauciora. E regione videmus, in Instrumenti vitro, quod, si virtus aut in Sole aut ventis calidis rarefactiva seu dilatativa, summitatem vitri calefaciat, aut aërem externum reddat æstuosum, tunc aer intra vitrum se ipsum dilatabit & aquam in vitri collum frigoris actu elevatam, sua dilatatione precipitabit: atque etiam descensus aquæ aëris inclusi rarefactionem denotat.

### CAPUT. X.

*Quod actiones Contractionis & dilatationis & consequenter Attractionis & expulsionis aëris, instrumento Experimentalis vitro inclusi, cum effectibus Elevationis & depressionis aquæ, quæ ex ijs derivatur, convenienter aëri & aquæ Macroscopicis applicari queant.*

**V**ariæ profectò ortæ sunt inter Philosophos tam veteres, quam modernos, disputationes de possibilitate & ratione ascensus aquæ à terræ penetralibus, per ejus venas ad montium cacumina, inter quas una ab alia dissentire videtur: Ac in fine, si rem serid, prout est, consideremus, eam nulla ad finem desideratum, vel ad completam hujus Mysterij enucleationem pervenit. Plato in Phædro ex Socratis mente concludit & credit, maximum esse in terræ ventre hiatus sine fundamento & firmamento aqua immensa pleno, perpetuo sursum & deorsum agitata: Itaque eam in varios canales terræ, in utroque Hæmisphærio pertingentes urgeri, & ad fontes usque manare: At verò ipse in hac sua assertionem nullam causam pro hoc suo fig-

mento allegare videtur: Vnde adeò ardua videbatur Aristoteli ista sui magistri sententia, ut ipsam repudiando, novam fontium & fluviorum procreandorum rationem invenerit; dicendo, quod vapores ascendentes in aquam convertantur & fontes generent. Plinius duas assignat causas, cur aqua per terræ venas discurrens à summitate montium erumpat: quarum prima est, quod spiritu agatur occulto: secunda, quod terræ pondere exprimat. Hujusce opinionis etiam sunt Seneca, qui facit Philosophum Thaletem suum authorem, atque ex recentioribus Bodinus: Sed, mirum est, quomodo hoc possit esse possibile, cum aqua sit super terram posita, & non è contrario: Vnde non est verisimile, quod aqua possit à terræ pondere comprimi, sed potius

Lib. 2. c. 65.

potius terra aquæ gravidine onerari. Scilicet ex modernis, putat, hanc aquarum expressionem & in altum elevationem fieri à maris compressione: Quoniam experientia invenit, aquam compressione ponderis alicujus lapidis in altum elevari atque extendi, aitque, mare esse eminentius fontibus. Quod nec verisimile videtur. Quoniam, si mare æque altum esset ac montes, universam terram submergeret: Alij aquas sursum vi stellarum trahi atque sublimari existimant. Albertus Magnus putat, vapores in terræ cavernis elevatos & reflexos, attrahere ad se aquam. Quidam volunt, quod terra sit spongiosa ac ob istam rationem eam aquas ad superiora attollere sunt opinati. Denique sunt nonnulli, qui credunt, venas terræ haud aliter aquas Spiritu quodam ad sursum movere, quam sanguis in venis animalium sursum & undique agitari cernimus. In fine videmus, quotquot quasi Philosophi, tot de motu aquæ fontanæ sursum sententiæ; quarum haud aliqua, veritatis rationem; imò quidem vix probabilitatis faciem præ se ferre videtur: quoniam genuinam & apertam illarum suarum opinionum rationem reddere haud queunt.

Quæ autem sit mea hac in re sententia, paucis aperiam, quam idè in publicum ego (licet Apostolorum Philosophorumque minimus) proferre haud erubescō, quoniam ipsam non modò rationibus à veritatis pharetra de promptis, sed etiam oculari experientiâ probare ac demonstrare conabor.

Debemus ergo considerare, ut prius est dictum, quod Catholicus mundi aër & aqua impleat vastam cavitatem mundi: haud aliter, quam aër vitro Instrumenti inclusus concava ipsius viscera replet. Ita ut aqua fontana hujus mundi, è mari unico scaturiens, in terræ viscera penetrare & ipsius venas implere, seu meatus generales videtur, per quos attrahitur & elevatur usque ad montium fastigia ipsæ medijs eademque virtute, quibus aqua vitro Instrumenti inclusa, ad summitatem usque matratijs seu vitri sublimatur. Quibus etiam constat, relationem esse, quàm proximam inter Hæmisphærij Borealis & illius Australis fontes: quoniam in præcedentibus indicatur, quod aër Australis, nimirum ille, qui ultra lineam, Equinoctialem se habet, continuatur in sua consistentia homogenea, cum aëre isto, qui est in Hæmisphærio no-

stro Boreali: ita, ut volatilis & dilatatus aër transiens à Meridie, frigore Septentrionali, in nubes condensetur. Quare evidens est, quod aqua fontes in Septentrione nutriens, sit continuata cum illa meridiei: haud aliter, quàm aqua ad summitatem vitri Instrumenti elevata, est continua & planè eadem cum illa, in imo vasis, quæ ortum suum habet à magno vase in instrumenti fundo, quod cum mari comparamus. Concludimus igitur in hunc modum. Cum fervidus Solis spiritus in æstatis profundo, aërem more intenso in hæmisphærio Boreali rarefacit, tunc aër ille ita rarefactus locum ubique spatiosorem quærens, pro dilatato suo spiritu (uti in extractione Spiritus sive Olei Vitrioli videmus, quod rumpitur quâdoque recipiens, ut spatium largius, pro spiritu dilatato recipiendo, operiatur) non aliter deprimit & præcipitat fontium Borealium aquam, quam aër vitro inclusus semel dilatatus, deorsum observatur aquam in vitri collum exaltatam, detrudere ac præcipitare. Ex altera parte frigus, quod eodem tempore ratione absentiae Solis in Hæmisphærio Australi prædominatur, attrahit & attollit aquas fontium in illis regionibus sursum, idque per aëris Catholici in locum augustiorem condensationem & contractionem: Haud aliter, ac in Instrumento nostro Experimentali videmus, frigora externa, aërem vitro inclusum, contrahere, in cujus contractionem seu centrali attractione aqua vasis in fundo elevatur sursum. Vnde liquet, quod duo se offerant, tam ad fontes deprimendos, quam eos exaltandos media: Nam, ut spiritus calidus æstivalis in uno Hæmisphærio per rarefactionem aëris detrudit aquas fontium inferius; sic Spiritus frigidus Hyemalis Hæmisphærij oppositi ipsas elevat & attrahit in altum: ita ut ex parte æstivali aquæ fontium repellantur deorsum ab aëre rarefacto, coganturque suam viam per terræ viscera versus partem hyemalem facere; atque etiam, ad opus illud facilius & citius perficiendum, frigus partis Hyemalis sursum ad se trahit fontium aquas, quas in parte, seu Hæmisphærio opposito æstivali depresso aër dilatatus. Denique adjuvat frigus Hyemale ad fontium elevationem per aëris contractionem, atque è regione adjuvat calor æstivalis ad eorum depressionem & in terræ viscera repercussionem.

Hujus rei demonstratio ocularis per Instrumentum.

## SECTIONIS PRIMÆ, LIB. V.

calido seu æstivali loco, eadem proportionē contrahatur & condensetur in frigido seu hyemali, qua erat antea dilatata & rarefacta. Porro etiam, si ultra lineam Æquinoctialem magnæ seu copiosæ accendant pluviz tempore Hyemali, sequeretur necessarium, ut in contraria proportionē magna siccitas abundaret in Hæmisphærio Boreali, tempore eodem æstivali. Præterea, quando nobis adest maximus calor æstivo spatio, illis ultra lineam Æquinoctialem, in hyemali statu, maximum aderit frigus, semper observando eandem in conditionibus mensuram & proportionem. Similiter, si nobis adest, Sole existente circa æquinoctialia, in quibus dies & noctes sunt temporis proportionē æquales, tunc illis etiam aderit ejusdem temperiei in frigore, & calore mensura. Atque hoc semper est more reciproco in Hæmisphærijs istis oppositis expectandum, nimirum, quod mundus, constans & idem perpetuò reperitur, hoc est, ut neque redundet, neque diminuatur aut in quantitate aut qualitate. Atque etiam potentia divina suos in Hæmisphærio suo effectus & actus in sede opposita eadem proportionē assidue producit: Nam quantum magis Spiritus seu aer vel aqua est in uno loco attenuata, tanto magis opus est, ut in alio condensetur. Hisce ergo, judicio maturiore in loco priori consideratis, ad conclusionem meam practicam sic procedo: Et naturalis mea de hac re observatio est, quod aer Instrumenti Experimentalis vitro inclusus, sit hyemalis, seu in naturam hyemis convertitur dominio frigoris: Nam, ut primum ejus caput seu summitas ampla frigoris externi contactum persen-

tit; aer inclusus se ipsum immediate contrahet & constringet in locum angustiorē, & consequenter, quod aer densior & grossior reddatur, perspicuum est. Et quod res se ita habeat, ex aquæ in vitri collum elevatione, demonstratur: Nam nexus ille naturalis inter aerem & aquam est tam firmus, ut, si ille se contrahat in locum strictiorem, hæc, ut ratione suæ contiguitatis sequatur & sursum immediate elevetur, necesse est. Vnde redditur evidens, quod contractiva seu attractiva Spiritus Borealis seu potentia divinæ virtus, quæ in frigore manifestatur, primum aerem dilatatum contrahit & condensat, atque ita ille aer contractus attrahit aquas ad se, easque in altum elevat, idque sine ulla alteratione aquæ, quæ erat infra in instrumenti profundo, ita, ut in conclusione non sit nisi unica & eadem aqua. Ecce ergo ex hoc demonstratum habetis & probatum, quod sit in natura possibile, quod aqua illa possit in altum à terræ cavernis etià ad montium cacumina elevari, quæ à mari nutritur, idque via & ratione naturali, sine aquæ in vaporem mutatione, ut Aristoteles vanè imaginatur, contra Axiomatis istius sensum: Frustra fit per plura quod fieri potest per pauciora. E regione videmus, in Instrumenti vitro, quod, si virtus aut in Sole aut ventis calidis rarefactiva seu dilatativa, summitatem vitri calefaciat, aut aerem externum reddat æstuosum, tunc aer intra vitrum se ipsum dilatabit & aquam in vitri collum frigoris actu elevatam, sua dilatatione precipitabit: atque etiam descensus aquæ aeris inclusi rarefactionem denotat.

### CAPUT. X.

*Quod actiones Contractionis & dilatationis & consequenter Attractionis & expulsionis aeris, instrumento Experimentalis vitro inclusi, cum effectibus Elevationis & depressionis aquæ, quæ ex ijs derivatur, convenienter aëri & aquæ Macrocosmicis applicari queant.*

**V**ariæ profectò ortæ sunt inter Philosophos tam veteres, quam modernos, disputationes de possibilitate & ratione ascensus aquæ à terræ penetralibus, per ejus venas ad montium cacumina, inter quas una ab alia dissentire videtur: Ac in fine, si rem seriò, prout est, consideremus, earum nulla ad finem desideratum, vel ad completam hujus Mysterij enucleationem pervenit. Plato in Phædro ex Socratis mente concludit & credit, maximum esse in terræ ventre hiatus sine fundamento & firmamento aquâ immensa pleno, perpetuò sursum & deorsum agitata: Itaque eam in varios canales terræ, in utroque Hæmisphærio pertingentes urgeri, & ad fontes usque manare: At verò ipse in hac sua assertionem nullam causam pro hoc suo fig-

mento allegare videtur: Vnde adeò ardua videbatur Aristoteli ista sui magistri sententia, ut ipsam repudiando, novam fontium & fluviorum procreandorum rationem invenerit; dicendo, quod vapores ascendentes in aquam convertantur & fontes generent. Plinius duas assignat causas, cur aqua per terræ venas discurrens à summitate montium erumpat: quarum prima est, quod spiritu agatur occulto: secunda, quod terræ pondere exprimatur. Hujusce opinionis etiam sunt Seneca, qui facit Philosophum Thalerem suum authorem, atque ex recentioribus Bodinus: Sed, mirum est, quomodo hoc possit esse possibile, cum aqua sit super terram posita, & non è contrario: Vnde non est verisimile, quod aqua possit à terræ pondere comprimi, sed potius

Lib. 2. c. 65.

potius terra aquæ gravidine onerari. Scilicet ex modernis, putat, hanc aquarum expressionem & in altum elevationem fieri à maris compressione: Quoniam experientia invenit, aquam compressione ponderis alicujus lapidis in altum elevari atque extendi, atque, mare esse eminentius fontibus. Quod nec verisimile videtur. Quoniam, si mare æque altum esset ac montes, universam terram submergeret: Alij aquas sursum vi stellarum trahi atque sublimari existimant. Albertus Magnus putat, vapores in terræ cavernis elevatos & reflexos, attrahere ad se aquam. Quidam volunt, quoddam terræ spongiosa ac ob istam rationem eam aquas ad superiora attollere sunt opinati. Denique sunt nonnulli, qui credunt, venas terræ haud aliter aquas Spiritu quodam ad sursum movere, quam sanguis in venis animalium sursum & undique agitari cernimus. In fine videmus, quotquot quasi Philosophi, tot de motu aquæ fontanæ sursum sententiæ; quarum haud aliqua, veritatis rationem; imò quidem vix probabilitatis faciem præ se ferre videtur: quoniam genuinam & apertam illarum suarum opinionum rationem reddere haud queunt.


Quæ autem sit mea hac in re sententia, paucis aperiam, quam idèd in publicum ego (licet Apostolorum Philosophorumque minimus) proferre haud erubescō, quoniam ipsam non modò rationibus à veritatis pharetra de promptis, sed etiam oculari experientia probare ac demonstrare conabor.

Debemus ergo considerare, ut prius est dictum, quoddam Catholicus mundi aër & aqua impleat vastam cavitatem mundi: haud aliter, quam aër vitro Instrumenti inclusus concava ipsius viscera replet. Ita ut aqua fontana hujus mundi, è mari unico scaturiens, in terræ viscera penetrare & ipsius venas implere, seu meatus generales videtur, per quos attrahitur & elevatur usque ad montium fastigia ipsidem medijs eademque virtute, quibus aqua vitro Instrumenti inclusa, ad summitatem usque matrati seu vitri sublimatur. Quibus etiam constat, relationem esse, quam proximam inter Hæmisphærij Borealis & illius Australis fontes: quoniam in præcedentibus indicatur, quoddam aër Australis, nimirum ille, qui ultra lineam, Æquinoctialem se habet, continuatur in sua consistentia homogenea, cum aère isto, qui est in Hæmisphærio no-

stro Boreali: ita, ut volatilis & dilatatus aër transiens à Meridie, frigore Septentrionali, in nubes condensetur. Quare evidens est, quoddam aqua fontes in Septentrione nutriens, sit continuata cum illa meridiei: haud aliter, quam aqua ad summitatem vitri Instrumenti elevata, est continua & planè eadem cum illa, in imo vasis, quæ ortum suum habet à magno vase in instrumenti fundo, quod cum mari comparamus. Concludimus igitur in hunc modum. Cum fervidus Solis spiritus in æstatis profundo, aërem more intenso in hæmisphærio Boreali rarefacit, tunc aër ille ita rarefactus locum ubique spatiosorem quærens, pro dilatato suo spiritu (uti in extractione Spiritus sive Olei Vitrioli videmus, quod rumpitur quandoque recipiens, ut spatium largius, pro spiritu dilatato recipiendo, operiatur) non aliter deprimat & præcipitat fontium Borealiæ aquam, quam aër vitro inclusus semel dilatatus, deorsum observatur aquam in vitri collum exaltatam, detrudere ac præcipitare. Ex altera parte frigus, quod eodem tempore ratione absentia Solis in Hæmisphærio Australi prædominatur, attrahit & attollit aquas fontium in illis regionibus sursum, idque per aëris Catholici in locum augustiorem condensationem & contractionem: Haud aliter, ac in Instrumento nostro Experimentali videmus, frigora externa, aërem vitro inclusum, contrahere, in cujus contractione seu centrali attractione aqua vasis in fundo elevatur sursum. Vnde liquet, quoddam duo se offerant, tam ad fontes deprimendos, quam eos exaltandos media: Nam, ut spiritus calidus æstivalis in uno Hæmisphærio per rarefactionem aëris detrudit aquas fontium inferius; sic Spiritus frigidus Hyemalis Hæmisphærij oppositi ipsas elevat & attrahit in altum: ita ut ex parte æstivali aquæ fontium repellantur deorsum ab aère rarefacto, coganturque suam viam per terræ viscera versus partem hyemalem facere; atque etiam, ad opus illud facilius & citius perficiendum, frigus partis Hyemalis sursum ad se trahit fontium aquas, quas in parte, seu Hæmisphærio opposito æstivali depressit aër dilatatus. Denique adjuvat frigus Hyemale ad fontium elevationem per aëris contractionem, atque è regione adjuvat calor æstivalis ad eorum depressionem & in terræ viscera repercussionem.

Hujus rei demonstratio ocularis per Instrumentum.

# SECTIONIS PRIMÆ, LIB. V.




In qua figura E. F. G. sunt Hæmisphærium Septentrionale, in quo Sol est remotissimus & quasi absens, utpote in Capricorno, unde fit, ut in eo habitet Hyems, & in aëre, seu Catholico ejusdem elemento, Dominium habet frigus Boreale. E. H. G. sunt Hæmisphærium meridionale, cui Sol est præsens, & consequenter est æstatis sedes, ut pote in cujus aëre calor habet dominium. E. G. est linea Æquinoctialis, quæ distinguit Hæmisphærium Boreale ab Australi: A. B. sunt orificia venæ seu meatus Generalis in terra, duos fontes arguentia, quæ vena communicare videtur cum utroque Hæmisphærio: Nam continuus est ab orificio seu fonte, plaga Borealis A. transeundo per terræ viscera D. aquâ marinâ à falsedine purgatâ plena, & viam suam faciendo ad plagam seu fontem Meridionalem B. Est ergo D. aqua maris per porosam terræ substantiam, in concavum terræ centrum quasi cribrata & à falsedine mundata, quæ communicat, tam cum fonte Septentrionali A. quàm illo Meridionali B. Concludo igitur, quodd, cùm Elementum Hæmisphærij Borealis E. F. G. Catholicum seu aër est frigidus, à frigore statim contrahitur, & contractione ad se trahit atque elevat aquam in vena seu meatu terræ A. B. D. Comprehenfam: Cujus nihilominus scaturigo & aqua marina D. Hoc (ut dixi) in Instrumento experimentali per aquæ in vitro elevationem præsentia frigoris demonstratur: Nam quando frigidus externus aër, contraxerit per congelationem aërem vitri capiti & collo inclusum (quod caput & collum comparo ad venam, meatum, seu canalem in terra, quæ clausa esse debet, ut nullo modo expiret) tunc aqua in altum attolletur à vasta olla, aquâ plenâ, in fundo instrumenti contenta, quâ ego aquæ marinæ purgatæ & cribratæ

confero. Ex altera parte tempore æstivo vel Australi, atque Orientali, hæmisphærium E. H. G. Vbi sol adest, aër Catholicus rarefactus est & aëris dilatatio circa fontes eorum, aquas gradatim præcipitat in aquæ ductum seu venam ejus Meridionalem versus terræ viscera B vel C. punctum. Vnde plætrunque accidit, quodd fontes æstatis tempore ferventissimi & siccissimi inveniuntur, aut penitus sicci aut admodum depressi. Denique I. K. & L. M. Designant fluminum à fontibus factorum, in mare regressum, ut iterum fluant. Iam verò dico, quodd ratione depressionis aquarum in æstate Meridionali per attenuationem nimiam aëris, aquas ex illa parte deorsum detrudentis, & elevationis earum in plaga frigida, per fortem aëris spissi & condensati attractionem, aqua est aptior plus minusve abundare in regione Hyemali, & è regione diminui in illa æstivali secundum majorem vel minorem frigoris & caloris in ijs dominationem. Hoc totum ex vitri Experimentalis observatione sat liquidò demonstratur: nimirum, quodd dilatatione aëris majore vel minore, aqua plus minusve deorsum versus instrumenti fundum pellitur. At secundum proportionem frigoris dominantis in aëre externo aqua plus minusve in altum attollitur: Sed ostendam tibi aliud exemplum oculare hoc idem confirmans, videlicet ratione exaltationis aquæ ex una parte per attractionem & depressionis ejusdem, ex altera, per compressionem.

Imaginemur Syringam aliquam duplicem, ad invicem in orificijs conjunctam, in cujus Orificiorum unione Globulus adest undique perforatus utrique orificio communis, atque iste Globulus in medio cavitatis undique aquâ plenæ & ex omni parte exactè clausæ.

Hyems



**A. R.** est syringa Hyemalis seu Borealis.  
**B. K.** est syringa aestivalis, quatum amborum orificia conveniunt & secure adaptantur in orificijs ad globulum perforatum **K.** qui in medio concavi **D. D.** aqua pleni & undique exacte clausi existit. Dicimus ergo, quod, si in eadem proportionem compressor seu lingua Syringae Meridionalis **L. M.** detrudatur deorsum à **B.** & syringae Borealis linguae **L. N.** sursum attrahatur versus **A.** tunc necesse est, ut aqua duplici virtute in fontem **A.** Haemisphaerij Hyemalis elevetur, nimirum per attractionem **A.** sursum & per depressionem **B.** deorsum: Et tunc ad est **D. D.** quasi cisterna communis aqua plena, quae est origo utriusque fontis, ut pote, quae ipsis pabulum aqueum perpetuo administrat: Nam (uti supra diximus) qua proportionem regnat & operatur frigus in Hyemalis haemisphaerij Elemento, eam etiam regnat & operatur calor in aestivalis haemisphaerij aere: Et proinde sequitur, quod quali proportionem detruditur aqua in Meridie, tali etiam elevatur in Septentrione, & per consequens deprimitur in meridie. Atque ita est contrario, quando hyems adest in meridie & aestas in Septentrione. Ex istis ergo videmus evidenter, quod sententia Salomonis est vera & indubitata: Nimirum, quod omnia flumina, & consequenter fontes, intrant in mare & mare non redundat, ad locum unde exeunt revertuntur, ut iterum fluant, idque sine ulla formae aquarum mutatione. Sunt quidem multa alia experimenta oculis apparentia, quibus probatur, aquam posse sine suae existentiae alteratione, à vasis fundo, in altum elevari: Quorum artificia duo eandem rem probantia cap. 12. sect. 1. Port. 4. part. 2. lib. 3. membr. 2. Historiae meae Meteorologicae: Vbi de Meteoris aqueis è terra in forma liquida scaturientibus, vel in terra residentibus depicta invenietis.


Sed, ut istam Aristotelis opinionem adhuc paulò exactius examinemus, quod vobis luculentius absurditates ejusdem exponamus: Si fontis materia esset vapor è terrae visceribus expirata, tunc necesse est, ut talis conversio aquae centralis in vaporem, debeat, à calore ingenti, terrae visceribus incluso, procedere, sine quo Abyssus seu congeries tanta aquarum frigidarum in vaporem resolvi nequeat, Sed si admittatur, ignem scilicet ingentem in terrae visceribus accendi, observetis velim, quanta sequeretur ex inde absurditas: Nam, primum fatetur, fontes aestate frigidiores esse, quam hyeme, quoniam extremus aestatis calor includit & per antiperistasin proprietatem terrae frigidam conservat & auget. Quod, cum ita sit, ut ex fontium frigore tempore hyemali apparet. Tunc per hanc eandem rationem, frigus hoc in terra auctum, seu fortificata debet etiam aetivo tempore retinere, praeservare & roborare calorem illum in centro terrae conclusum, qui est immediata illius vaporis fontem procreantis, causa: observetis, obsecro, conclusionem: Nam si ita sit, quod calor in terra centralis, aetivo spatio sit major, tunc vapores magis tunc temporis abundarent: Nam, quod major est ignis, eò vapor & fumus aquae erit grandior. Atque iterum ratione magni frigoris in terrae cavernis & fissuris contracti, vapores illi citius & facilius in guttas condenserentur: Unde sequeretur, ut aetivali tempore fontes fierent eminentiores & aqua pleniores, atque idè flumina frequentius tempore aetivali, quam hyemali limites sua excederent, atque inundationes facerent: At totum hoc esse veritati dissentaneum testatur experientia. Sed obijcietur (sat scio) quod stagna & lacus & similia loca humida observentur calore aetivali exsiccari, & quomodo possibile est, ut



# SECTIONIS PRIMÆ, LIB. V.

ut hoc fieret sursum, si virtute solis, aquam in vapores mutante, non attraherentur. Respondeo primum, ut antea, quod Sol non attrahit, sed rare facit solummodo, & tunc res rarefacta per se & ex propria inclinatione tendit sursum. Sed si Sol æstivali humiditate omnium lacuum & stagnorum & similium consumeret & in aërem converteret, tunc ex inde sequeretur, quod aër æstivo tempore redderetur densior & spissior ratione tantorum innumerabilium vaporum; cum è contra doceamur ex Instrumenti nostri Experimentalis intuitu, quod aër ei inclusus, præsentia suis attenuetur & rarefiat. Porro etiam major adhuc sequeretur Aristotelis error, nimirum in ipsius disciplina de generatione nubium: Nam ubi ejus opinio est, quod nubes generentur à vaporibus, ex terra & aqua virtute solis & Stellarum extractis, sequeretur, quod nubes & pluviae nobis æstivo tempore forent frequentiores, quam hyemè. Sed hoc est æquè incongruum & à veritate, ut cætera alienum. Verum ego potius assero, quod, quoniam aër est magis rarus & tenuis æstate ratione præsentiae solis, cujus assidua actione attenuatur & rarefit aër: Ideò nubes sunt paucæ æstivo tempore: Nam, (ut supra est demonstratum) nubes ex compressione aëris fiunt, atque aër iterum, sive Elementum Catholicum, cursu quodam circulari, Meteororum resolutione in primam suam materiam invisibilem (quæ erat aër) renovatur. Fateor equidem, nonnullas aquarum terrestrium partes dilatatione sublevari, & per dilatationem ab Æstivali in Hyemale Hæmisphærium evolare: Sed ex altera parte assero, quod magna eorum portio in vapores minimè redacta, se ipsam aëris dilatati de pressione, & pororum terræ sitibundæ, quæ parata est ad eam imbibendam attractione, versus terræ viscera descendit, quousque iterum ab aëre frigoris Hyemalis actu condensato, terræque poros implente, extrahitur & in altum elevatur. Nam observamus, quod, si sit vas aliquod magnum sive dolium aqua Plenum, diu perdurabit, priusquam tota ejusdem aqua possit in vaporem calore solis redigi. Præterea certum est, quod sol soleat aquam diurno tempore rarefacere, ita, ut in forma vaporosa assurgas super terram, illud nocturno tempore residere observatur, uti in Nebulis & rore apparet. Hinc est, quod observamus, nebulas & rorem æstivali tempore esse frequentiores circa lacus & flumina. Nec tamen negare possumus, quod flumina ex copiosa pluvia limites suos exire cogantur, fontesque nonnulli præter consuetudinem augentur, ratione penetrationis superficialis aquæ pluvialis, in eorum venas per poros terræ. At istud fontium incrementum non est naturale, sed per accidens factum: Quemadmodum in fontibus minerali ali-

quo infectis, videre licet, qui extra usum medicinale quandoque sunt, propter eorum cum aquis extraneis commercium & ad alterationem. At loquor ego de fontibus aquæ vivæ, quorum venæ sunt adedò clausæ & ab aquis pluvialibus securæ, ut aquas extraneas per terræ poros inspiratas vix admittant: Cujusmodi est fons ille Nemosianus Languidochiæ Galliæ, atque ille in comitatu Avenionis dictus la source, & ille non procul à civitate Orelensi Galliæ, & infiniti alij tam æstivam notæ majoris, quorum omnium fluxus & augmentum est majus tempore Hyemali, tamen si satis sicco & pluvijs pluribus haud plurimum obnoxio, esse observantur: Nec etiam intelligo de fontibus particularibus, qui plerumque ab aquis pluvialibus nutriuntur, & proinde cessant omnino, aut ut plurimum diminuantur æstate: Sed de illis generalibus & constanter (non obstante æstate admodum sicca) fluentibus, qui procul dubio relationem habent ad fontes hæmisphærij oppositi. Quare, ut diximus, flatus Australes tempore hyemali & consequenter nubes, quæ ex eorum consilientia generantur in Boreali Hæmisphærio, fieri partim ex vivo actu solari in Meridie, & privatione, Polari in Septentrione: Ita etiam fontes ex parte Meridiei ab aëre dilatato deprimuntur, & ex parte Boreali constringendo altius attrahuntur. Nonne est etiam res notatu digna, quod fontes animadvertantur esse imiores & occultiores, dum sol sit prope Æquinoctia? Nam est observatio ab ijs certissima, qui profontium inventionem effodiunt, quod si fons ille inventus sit vivus in eo tempore, erit in perpetuum tum postea durabilis: Ratio autem, quod fontes sunt tunc temporis adedò in terram immergi, & quoniam aëris temperies est æqualis: Vnde recedente sole ab uno Hæmisphærio ad aliud, aquæ sunt in motu per viscera terræ ad locum oppositum: Nam tanta est actio solaris in puncto Æquinoctij, talisque æquinoctij proprietates; idque præcipue dum Sol illud intersecat, quod res versus polos in altum elevatas, reddit pronas: Vti in oculari Magnetis observatione, videre licet, cui si stylum ferri sive aciei polo applicetur perpendiculariter erigatur: Si in loco circuli polaris, elevabitur etià sed non ita perpendicu-



lari-

lariter. Si in parte Tropici, exurget, sed magis adhuc oblique: At verò in parte lineæ Equinoctialis depresso iacebit sine ulla elevatione, Demonstratio est ista. Quare non est mirum, si fontes tunc temporis, nimirum, dum Sol est circa Equinoctia, sint occultiores, tum propter eorum depressiones, partim ab Equinoctio, quodd eos magis congregat à terræ Hyemalis superficie, in ejus ventre eos præparans, pro hyeme opposito: Partim propter mitigationem frigoris hæmisphærij olim hyemalis, cujus erat, eos sursum attrahendo elevare: & partim propter diminutionem caloris Hæmisphærij olim æstivalis, cujus erat, fontes per æris loci dilatationem, deorsum pellere, ut ex speculi sive

Instrumenti nostri experimentalis diligenti observatione redditur manifestum. Verum quid pluribus opus est. s. cum ex præcedentibus à nobis expressis, rei istius ratio enucleatè explicatur, nam si calor hæmisphærij æstivalis subtiliando aërem deprimit aquas deorsum versus terræ viscera, frigus hæmisphærij oppositi constingendo & contrahendo aërem, eam à visceribus ad se elevat, tunc necesse est credere, quod per continuâ operatione caloris æstivalis ex una parte & frigoris hyemalis ex altera, aquarum fontium in fine æstatis inveniantur imiores. Et in Visceribus terræ magis congregaræ, atque in hæmisphærium hyemale elevatæ: Sed jam ad Peripateticorum de fulgure & Tonitru opinionem procedam.

## CAPVT. XI.

*Fulgura & Tonitrua in isto capite secundum Aristotelis opinionem describuntur, quæ tum postea sacre scripturæ testimonio confutatur.*

**F**actâ jam inquisitione in Philosophia Aristotelica, de ventorum, Nubium, nivium & fontium natura, hoc in loco opus est, ut animi ipsius de admirabili Fulguris & Tonitru ortu & conditione sententiam, explicem: Quippe, quæ sunt tantæ admirationis motecora, ut speculationem ad eorum enucleationem profundissimam requirant: Opinio ergo Peripateticorum est, quodd causa materialis Tonitruorum atque fulgurum sit calida & sicca exhalatio è terra extracta & in mediam aëris regionem virtute solis & stellarum elevata; ubi partim ratione fortis nubium collisionis seu concussionis & partim per illam Antiperistasin, quæ est inter calidam exhalationis & frigidam regionis illius dispositionem, materia illa inflammabilis in nubis ventre sic coarctata accenditur, & violenter è suo carcere irrumpens, deorsum ratione suæ terrestre itatis seu consistentiæ compactæ tendit: Concluditque, quodd violentiâ eruptionis ejusdem è nube, fiat sonitus, sive vox illa horrenda, quæ diciter Tonitru. Hoc, inquam mentis Aristotelicæ de fulgure & Tonitru compendium. Et profectò videtur Aristoteles excusatione quodammodò dignus, si in isto negotio tam abstruso errat, quoniam extat dubium de fulguris & Tonitru ortu, haud facile à Philosophis resolvendum. Hinc ergo est, quodd ipsi non sibi in hujus rei naturæ inquisitione constare videantur: Nam Empedocles est opinatus, fulgura ex interceptione seu impedimento descensus radiorum solarium provenire; sed Anaxagoras vult, quodd sint ignis ætheræi portio, quæ descendit in nubis cavitatem, in qua tum postea includitur, dicitque, quodd lux ista è nubis concavo gliscens, dicatur fulgur, & quodd effectus irruptionis ejusdem appelletur Tonitru: Alij credunt, istiusmodi corusca-

tiones igneas à ventorum calidorum collisione accidere. qui cum sint undequaque nubi inclusi. Atque in ea coarctati, ab ipsa accenduntur, & hinc inde provenit murmur illud, & nubium perturbatio: Iterum multi alij aliter de ipsis determinaverunt, ita, ut in hac re haud injuriâ sit dicendum; quot Philosophi, tot istiusmodi sententiarum. Iamque ad opinionem Aristotelis quodd spectat, est ipsa profecto veræ sapientiæ rudimentis adeò contraria seu contradictoria, quodd nonnulli ex fidelioribus suis discipulis Christianis, ei in hac ipsius opinione omnimodè opposuerunt: Vnde in Margarita Philosophorum hæc scripta habemus: Quidam Philosophi considerantes mirabilem Fulminis operationem, ipsum non opus naturæ, sed summi Dei effectum immediatum arbitrati sunt.

Marg. Philo.  
sophi in cap.  
de Fulmine.

Sed ad definitionis Aristotelicæ particularia veniamus: Dicit, quodd causa fulguris materialis è terra eliciatur, causas verò efficientes facit plures: Nam Agens, in ipsius elevatione, affirmat esse attractivam syderum virtutem. Porro agentia externa, in exhalationis accensione faciunt accidentia, nimirum collisionem & concussionem nubium oppositarum, atque Antiperistasin illam, quæ fit in inter exhalationis calorem & mediæ aëris regionis frigora: Nam, ex ipsa exhalationis accensionem fieri concludit, ac tandem ostendit rationem, cur fulgura tendant deorsum, nimirum, quoniam materia eorum est terrestris, seu existentia compactæ: Meum autem erit quodlibet istorum particularium, ordine, idque tam rationibus, ex naturæ cista depromptis, quâ sacre scripturæ Authoritate confutare.

Pro materiali ejus fulgurum & Tonitruorum causa, quam ait esse calidam & siccam exhalationem, ex substantia terre compactam, & in altum calore astrorum

attractivo elevatam. Primum, videtur ip-  
 sa in oculis meis idè esse merè figmen-  
 tum, quoniam probatur antea, syderum  
 calorem facultate attractiva esse destitu-  
 tum. Secundò, si exhalationi ventosæ (quæ  
 est levis & non ita compacta, & per con-  
 sequens non adeò disposita ad ascenden-  
 dum & penetrandum ratione suæ subtili-  
 tatis in mediam aëris regionem) in eam re-  
 gionem denegatur in troitus, multò minus  
 prohibebitur istiusmodi exhalationis spe-  
 cies in locum tam frigidum ingressus, qua-  
 tenus ipsa est de substantia magis terrestri  
 & compacta, ac de facili inflammatione,  
 inflammabilis. Verùm ista ad hoc nego-  
 tium perficiendum impossibilitas Autho-  
 ritate sancta clarius exponetur. Fulgura  
 (inquit Textus) procedunt à Throno: Et,  
 Deus dicitur fulgurare lumine suo desu-  
 per, cardinesque maris operire. Atque  
 iterum: Sternutatio ejus, splendor ignis,  
 & oculi ejus, ut palpebræ diluculi.  
 De ore ejus lampades procedunt, sicut  
 tædæ ignis accensi, de naribus ejus pro-  
 cedit fumus, sicut ollæ succensæ atque  
 ferventis: Halitus ejus prunas ardere facit,  
 & flamma de ore ejus egreditur. Et  
 alibi: Illuxerunt corruscationes tuæ orbi  
 terræ: Ascendit fumus in ira ejus &  
 ignis à facie ejus exarsit. Carbo-  
 nes succensi sunt ab eo: Inclina-  
 vit cœlos & descendit & caligo sub  
 pedibus ejus: Et, ascendit super  
 Cherubin & volavit super pen-  
 nas ventorum, & posuit tenebras latibulum  
 suum, in circuitu ejus Tabernaculum  
 suum, tenebrosa aqua in nubibus aëris:  
 Præ fulgore in conspectu ejus nubes transierunt,  
 grando & carbones ignis. Et intonuit de  
 cœlo Dominus, & Atissimus dedit vocem  
 suam: Grando & carbones ignis, & misit  
 sagittas suas, & dissipavit eos: Fulgura mul-  
 tiplicavit & conturbavit eos &c: Quid? an  
 colligemus ex istis, quòd istius materiæ cor-  
 ruscantis substantiæ esset à terra, vijs ab A-  
 ristotele effictis, extracta, nimirum vi stellarum?  
 Aut ausus est quispiam literatus cogitare,  
 in Christiano mundo versatus, quòd res tam  
 abjecta & vilis momenti, qualis est terræ  
 excrementum, à Patriarchis, Prophetis &  
 Apostolis tantâ audaciâ & sine ulla reverentia  
 ascriberetur essentiali potestati Dei, & à sua  
 præsentia & Throno; imò verò ab ipsius ore  
 & facie derivari atque accendi? Nec non æstimabitur  
 in ipsis impudentia inaudita, respectu Divinitatis rei,  
 asseverare, Deum esse ignem consumentem,  
 uti tam novo quàm veteri Testamento invenimus?  
 Aut affirmaret, Propheta, quòd faceret  
 Angelos suos ventos & ministros ignes urentes?  
 Quàm viliter potuit diligens in mysterijs divinis  
 speculator, de Angelorum & lucium spiritualium  
 origine judicare, si substantiæ eorum materiales,  
 essent meræ exhalationes accidentales? Iterum  
 docemur quòd cœlum seu aër sit The-  
 saurus, ex quo venti, nubes, nives, grandines,

fulgura & Irides extrahuntur, & quòd hæc  
 omnes proportionentur à Spiritu Dei ad  
 placitum ejus obeundum. Vnde loco antea  
 citatò: Deus sapientiâ suâ aptat pondus aëri  
 & appendit nubes in mensura, facit pluviam  
 statuta, & viam fulgetro tonitruum. **Qui-**  
 bus apparet, quòd materia omnium Meteoro-  
 rum, sive sint aquosa sive ignea, ex sub-  
 stantia aërea seu Elementi sublunaris Ca-  
 tholici, per verbum aut sapientiam Dei ex-  
 trahatur, & consequenter non ex terra, ne-  
 que in isto negotio ulla attractione seu ele-  
 vatione stellari opus est, cùm pura fulguris  
 substantia perpetuò in divina potentia &  
 in arca ejus Theauraria reservatur, quo  
 usque ille ipsam ad placitum suum perfici-  
 endum evocat, qui eam creavit. Nonne ef-  
 fet res admiratione digna, quòd tam im-  
 mensa exhalationum copia uno eodemque  
 tempore per accidens è terra in mediam  
 aëris regionem elevaretur vi astrali, quem-  
 admodum subito eveniebat in exuberanti  
 sulphuris super Sodomam & Gomorrhæam  
 pluvia? Sed nostri Aristotelici replicabunt  
 juxta eorum consuetudinem, hoc non fuisse  
 naturaliter, sed miraculose factum: Respon-  
 deo, quòd negare neque, meteorum illud fu-  
 isse materiale: Erat enim ex sulphure & igne  
 conflatum: Iam verò ab ipsis scire velim,  
 ex quo sacrario seu Thesauro produceretur,  
 & an stellæ ipsam à terra extraherent, & in  
 mediam aëris regionem elevarent nec ne,  
 aut an potius Deus eâ ex invisibili suo The-  
 sauro aëreo evocaret: Nam D. Paulus ait, **Heb. I.**  
 quòd visibilia essent prius ex invisilibus.

Secundò, quòd ad causam agentem seu  
 efficientem attinet, in ea magis, quàm in  
 ejus causa materiali peccat, uti ex prædicto  
 Psaltes Regij sermone explicatur: Nam  
 primum dicit, quòd agens, quòd attrahit &  
 elevat exhalationem illam, sit virtus attra-  
 ctiva Solis & Stellarum, tunc imaginatur  
 causam efficientem à materiæ accensione  
 esse partim concussionem nubium, & par-  
 tim discrasiam illam, quæ est inter calidita-  
 tem & siccitatem exhalationis & frigidita-  
 tem mediæ aëris regionis, quæ invicem op-  
 pugnantes efficiunt accensionem ignis illius,  
 qui dicitur fulgur. Bone Deus! Quàm  
 male conveniunt ista, & quàm confusum  
 est istius chimæreæ inventionis Chaos, quæ  
 causarum efficientium externarum multitu-  
 dinē fingit, cùm rei veritate non sit nisi uni-  
 cum, illudque admirabile in isto negotio,  
 quòd est admodum essentiale, internum &  
 centrale, quòd movetur, quo & ubi vult, &  
 operatur omnia in omnibus. Suntne omnia  
 hæc superficialia, accidentalia & externa a-  
 gētia primarij fulminum ac Tonitruum mo-  
 tores & animatores? Et tamen dicitur, quòd  
 Deus animet & vivificet ea sua præsentia: **Ps. I. 7. 9.**  
 Nā Textus prædictus Davidis habet: Ignis à  
 facie ejus exarsit, carbones succensi sunt ab  
 eo præ fulgore, in conspectu ejus nubes  
 transierunt, fulgura multiplicavit &c: Et **Iob. 36.**  
 Iob: Deus fulgurat lumine suo: Et alibi:

ster-

Iob. 41. a. 9.

Sternutatio ejus splendor ignis, oculi ejus, ut ignis accensus, de naribus ejus succedit fumus. Halitus ejus prunas ardere facit, & flamma de ore ejus egreditur &c: Quibus manifestum redditur, quod fulgur sit actus immediatè à Deo & quasi virtus quædam, essentialiter ab ipso procedens, spiritumque mundanum Diaphanum induens & illustrans, non aliter, quam die creationis quarto, Tabernaculum suum Solare induebat. Et, in hoc sensu dixit David: Vestitur lumine quasi vestimento, non quod ipse sit fulgur, sed in fulgure & quasi lucida fulguris anima existat: Vnde aliqui:

Lev. 10. 2.  
Num. 11. 1.

In lumine numen, in numine lumen. Et Moyses: egressus ignis à Domino devoravit eos. Et alibi: accensus in eos ignis Domini, devoravit extremam castrorum partem. Et alibi: Ignis à Ichova egressus consumebat ducentos quinquaginta illos viros qui admoverant thus &c: Sic dicitur alibi: ignis consumens: Et alibi: ignis accensus est in furore meo, qui ardebit usque ad imum Sepulchrum, absumetque terram & proventum ejus & inflammabit fundamentum montium &c: sic dicitur, quod ignis Dei à coelo descendit virtute Eliæ: Et alibi Dei præsentia montes, ut cera liquefunt. Hisce ergo consideratis, quid habemus nos Christiani ad

Num. 16. 35.  
Deuter. 4. 24.

agendum, ad mysticam fulguris creationem, cum superficialibus, accidentalibus & externis Peripateticorum agentibus? Aut cur motores aut animatores nescio quos in fulgure divinitus edito effingunt? Quid imaginabimur nos Christiani de doctrina Aristotelica, cum actum Dei immediatum in creaturis suis Angelicis, fingit esse tam vilem & frivolum, ac sunt adventitiæ fumorum elevationes à creaturis stellaribus, & concussionibus nubium fortuito evenientes & conflictus inter frigora & calores factæ? Non erat equidem mirum, si (cum inventio ejus ipsum, in mysterij tanti momenti investigatione, fefellerit) coactus sit ea nobis proponere quæ oculis prudentum vix probabilia videntur, Nam, si mirabiles fulguris effectus consideremus, nimirum, quomodo ipsa vaginam illam penetrando liquefaciant enses, crumenam perforant, sine ejusdem damno pecunias dissolvendo, dolum penetrent, vinumque absque sensibili vasis detrimento absorbent, ossa in pulpam resolvant, sine apparenti corporis animalis læsione; imò verò & quod amplius est intellectu & ratione, ad discipulos falsæ Aristotelis doctrinæ, opera istiusmodi mirabilia & timenda Dei, in contemptu & neglectu habentes, puniendos, sit prædium: Non possumus negare, quin Aristoteles in mundana solummodo sapientia esset versatus, & consequenter Sapientia veræ statutis penitus ignarus, quatenus ipse inconsultè satis, est imaginatus, fulgur

Deuter. 32. a.  
22.  
2. Reg. 1. 12.  
Psalm. 97.

ra non habere interna sua principia, sive agentia essentialissima, quæ ipsa faciunt operari & pro voto suo movere, ubi & quando volunt: haud aliter, ac supra adversus mentem ipsius probavi: quod ventus spiret, ubi vult: eodem planò modò fulgura agitantur & feruntur pro placito & per consequentiam voluntate fruuntur, quippe, quorum agens centrale est Spiritus Sapientia ille, qui (ut Salomon ait) est omni re mobilior & Soli atque stellis claritate excellentior, & omni repenetrabilior: Hoc innuere videtur Iob, ubi ait, Sapientia facit pluviam statuta & viam Fulgetro Tonitruum. Hoc est, ipsa per spiritum suum animat, gubernat, & movere facit fulgura, qua via ei placuerit. Ac si quis diceret, quod homo moveatur ab anima ei à Deo inspiratà, quò & quando vult. Quare indiscretè assignavit Aristoteles ad fulgurum compositionem & animationem, externam & adventitiam & non internam atque essentialè causam. Sed, ut ea quæ à me sunt dicta confirmè nimirum, quod sit ratio & intellectus in istiusmodi creaturis, quodque homines à Dei omnipotentia derogantes, & ejus Magnalia more Philosophiæ Ethnicæ in contemptu habentes, luant poenam, duos vobis Historias verissimas & meo tempore accidentes de hac re recitare mihi proposui: Quibus clarè manifestabitur, esse divinam in fulmine seu Fulgare voluntatem. In Hibernia duæ puellæ rusticæ à foro cujusdam oppidi domum redeunt: quarum una novos sibi calceos emerat, eosque manibus portabat: Hæc, inquam, per agros commigrantes, tonitru quodam horrendo in via deprehendebantur: Harum una erat timore percussa, Deumque inclamando arborem versus properabat; altera, alterius fugientis pusillanimitatem redarguens eamque ingenti cachinnoderisit & more impio se gessit: Nam voces Tonitruorum in contemptu & derisione habens: quid, ait, times Tonitrua? & anum seu podicem altera manu percutiendo, eumque contra locum, à quo soni edebantur convertendo, osculetur Tonitru podicem, inquit, modò si calceos meos relinquat intactos, non curo: Vnde factum est, ut prior timore Dei & vocis ejus percita tutò evaserit, alteri verò anus & clunes integri fuerunt protenus dilacerati & dilaniati, atque ita blasphemata illa miserè mortua est: Sed, ut ad meritum insipientis Peripateticorum assertionis præmium jam intem. Quodam tempore mercatores quidam & nonnulli alij in societate cujusdam Peripatetici, ab Actu Oxoniensi cum cæteris tunc temporis venientes (juvenis bonæ indolis, qui in civitate Salopiæ degebat, in qua ludi magistri negocii suscepit, & pro ejus in Philosophia Aristotelica cognitione in pretio apud plurimos habebatur.) Hi (inquam) per amplam planitiem Salopiensem simul vias

Sap. 7.  
Iob. 28. 26.Historia  
Prima.Secunda  
Historia.

O 3 facien

facientes, nubes densas cum sonis & tonitru ad ipsos appropinquantibus animadvertentur : unde major eorum pars pavore haud minimo fuit perculsa. At juvenis iste, ut se ijs in Philosophia Peripatetica admodum versatum ostenderet, ipsos in casu tam perplexo consolari, & ne timerent, eis audacter suadet, affirmando, illud esse in natura commune, modoque adventitio contingens, narratque non tantum esse in eo periculi, utpote, quod generatur ex sola exhalatione calida & sicca ē terræ gremio, vi Solis & stellarum in mediam aëris regionem elevatam, & per Antiperistasis illam, quæ fit inter calorem exhalationis, & frigoris loci accensum; Sed Deus istius consilij impietate accensus, ostendebat auditoribus, rem longē aliter se habere, atque ipse prædicabat: Nam infelix iste vir, qui falsam Aristotelis doctrinam, in derogatione ab opere divino publicare est ausus, penas luebat: Nam ipse solus inter cæteros fulgure erat subito exanimatus, reliquis solo stupore quodam attonitis, manentibus: Atque ita iusto Dei iudicio condemnata erat Aristotelis de hac re sententia. En ecce (mi peripatetice Christiane) exempla notata digna: Nonne vides existis motorem intellectualem divinamque voluntatem fulmini inesse? Nonne vides, hic infelicem & miserum mortalem, ob nimiam ejus in Philosophia Aristotelis confidentiam deperditum? Nam, si illam doctrinam seu Philosophiam, quæ super Sapientiam terrenam & Diabolicam est fundata rejecisset, & se cum reverentia veræ Sapientiæ disciplinæ addixisset, procul dubio timore vero perculsus, ipsum, qui in Tonitru loquitur, revereri & cum socijs orare voluisset, ut iracundiæ suæ effectus abijs averteret, & sub alarum suarum umbram se à percutiētibz, & lædentibus suis ministris præservaret, & tunc procul dubio, tum ille, tum cæteri, qui aderant, evasisset tūd. Tunc (dico) ipse rejiciendo figmenta Aristotelis, divinam in tonitru & fulgure potestatem ex scripturis collegisset, & quod sint ejus ministri, ad voluntatem suam perficiendam aptissimi. Nubes, inquit Iob, spargunt lumen suum, quæ cuncta lustrant, per circuitum: quocunque eas movet Voluntas Creantis agit, omne, quod præceperat illi super faciem terræ, sive sit ad flagellum sive ad beneficentiam. Atque alibi: Fulgura nunquid mittis & revertentia tibi dicent, adsumus? Et Salomon: ibunt directæ emissiones fulminum, & tanquam à bene curvato arcu ad metam, hoc est, ipsa fulgura animata à Deo, vadunt & emittuntur ab eo, in quo est eorū voluntas & opera omnia: quod etiam evidenter ex Textu hoc constat: Ascendit, ait, fumus de naribus Iehovæ, & ignis de ore ejus volavit; carbonēs succensī sunt ab eo, & inclinavit cœlos & descendit & cōligo sub pedibus ejus, & ascendit

super Cherubin, & lapsus est super pennas venti, posuit tenebras in circuitu suo latibulum, cribrans aquas de nubibus cœlorum, præ fulgore in conspectu ejus, nubes succensæ sunt, carbonēs ignis volabant, tonabat de cœlo Dominus & Excelsus dabat vocem suam, misit sagittas & dissipavit eos fulgur. Quo sermone arguitur, quod nulla sit causa essentialis efficiens, quæ est naturalis, sed, quod sit Deus solummodo in natura & extra naturam, qui operatur omnia: Nam in sermone præcedente non dicitur, quod aut nubes, aut ventus coruscationes suas emisissent, aut quod ignis descendit à Sole aut aliquo alio corpore cœlesti, sed quod fumus egrederetur ex naribus Iehovæ & ignis ex ejus ore, neque dicitur, quod vapores aut exhalationes essent causæ nubium materiales, sed Iehova inclinavit cœlos seu aërem nubesque congregabat ex aëre, juxta placitum suum; nec erat frigus mediæ aëris regionis causa agens, in accumulatione aeris in densam nubium massam, sed Iehova eas colligebat in sua privativa & contractiva proprietate: Nam Textus habet: Posuit tenebras in circuitu suo latibulum: nec erat causa aliqua Angelica efficiens, quæ ea per se fecit, sed Iehova ascendens super Cherubin seu spiritum Angelicum, cum animavit, & ad placitum suum præstandum exagitavit: nec erat ventus, qui erat per se motor. Sed Spiritus Cherubinicus à Iehova animatus & inflatus, qui ventum fecit movere: Neque erat locus ille tenebrosus pro secreto Iehovæ Tabernaculo merè à ventis Angelicis dispositus, sed Iehova movens super Cherubin, incitavit Cherubin admovendum & inspirandum ventum ad nubes in aëre, & ex aëre colligendas: Neque fuit resolutiva Solis facultas, quæ nubes liquefecit in pluviam, sed Iehova cribrabat aquas de nubibus: Nec erat ulla nubium oppositarum Collisio aut Antiperistasis frigoris & caloris, quæ producebat fulgura aut nubium succensionem, sed fulgor & in explicabilis splendor suæ præsentiae: Nā verba Textus sunt: Præ fulgore in conspectu ejus nubes accensæ sunt: neque erat luctus ille contentiosus, qui erat factus inter ignem & aquam in nubis fissura, quæ vocem tam stupendam edidit: Sed erat vox Iehovæ, quæ tonabat de cœlo mediante organo seu denso suo Tugurio: Erat, inquam, altissimus, qui edit vocem suam ē nube & fulgura sua emisit ad destruendos impios. Quod cum ita sit, quid operis habemus nos Christiani cum fictis causis Naturalibus, efficientibus per se agentibus: cum certum sit nobis & à Pagina sacra confirmatum, quod Deus operetur omnia in omnibus: Ad illam autem Peripateticorum distinctionem quod spectat, quæ est, quod causa agens sit vel principalis vel secundaria & subalterna, videtis ex Textu præcedente, quod pro nihilo & merè figmento habea-

2. Reg. 22. 8.

Job. 28. 25.

Job. 36.  
Sap. 5. 22.

TUR

tur: Nam Sola efficiens causa in primo, secundo, tertio, & quarto organo seu instrumento erat Iehova: Erat enim ipse, qui inspiravit Cherubin, erat ipse, qui ascendit Cherubin, erat ipse, qui in ea super Cherubin animavit ventum, cribrauit aquam è nubibus, ipsasque succendebat per sua fulgura à se ipso emissa: Denique tametsi pluribus utatur organis, tamen actus essentialis, qui operatur in & per ea, ab unica, syn-cera & simplici veritate seu identitate emanat: quæ non aliter comprehendit omnia in se, quàm Vnitas in Arithmetica numerum quemcunque: Nam semper Vnitas invenitur in primo, medio & ultimo; imò verò in omni loco numerorum. Variæ sunt aliæ historiæ de isto subjecto admirabiles, quas omnes, quoniam capite 20. Sect. 1. Part. 4. lib. 4. memb. 1. Historiæ meæ Meteorologicæ luculenter expressi, hoc in loco omittam.

Sed Peripatetici (sat scio) contra istam meam sententiam insurgent, replicantes, Metaphoricè fuisse in Scripturis dictum, Iehovam loqui & vocem suam emittere in Tonitru; & per consequens illud non esse realiter, pro ut se oculis obijcit, intelligendum: Quod si hoc esset verum, sequitur vocabula nubis, Nivis, grandinis &c. esse more Metaphorico intelligenda: Vnde patet, quòd esset aut sermo realis aut non realis: si non realis, homines potius à veritate in errorem ducerentur: Sed Scriptura plena est huiusmodi sermone, quare certum est, quòd tota Biblij Harmonia illud interpretatur, prout revera est: Iterum eorum aliqui, agnoscunt, sermones illos esse genuinos & reales, verum, dicunt illi, ubi Deus loquitur in Tonitru, ibi actus ille est miraculosus & non naturalis. Quibus respondeo cum ore Iobi: Pro irrigatione fatigat Deus densam nubem & dispergit lucem nubis suæ &c. quo redditur manifestum, quòd Deus est Actor in usuali nubium congregatione, & facit eas instrumenta seu organa sua communia, ad vocem & sonos suos mundanis edendos; tam pro augmentatione & incremento fructuum animalium, quam pro punitione creaturarum: Vnde alibi: si consideraret homo extensiones densarum nubium, fragores in Tugurio illius, extendit super illud lucem suam, cum his judicaturus est populum & daturus cibum abundè. Etiam alibi adhuc claritùs: Vide arcum & benedic ei, qui fecit illum, valde speciosus est in splendore suo, giravit coelum in circuitu Gloriæ ejus, manus Excelsi aptaverunt eam, imperio suo ac celerat nivem, & coruscationes emittit judicij sui: Propterea aperti sunt The-

saui & evolarunt nebulae sicut aves, in magnitudine sua posuit nubes, & confracti sunt lapides grandinis, in conspectu ejus movebantur montes, & in voluntate sua spiravit Notus, Vox Tonitru ejus reverberavit terram, tempestas Aquilonis & congregatio spiritus aspergit nivem &c: Hæc Syriaci oratio arguere & probare videtur, quòd Sola causa efficiens essentialis in generatione Meteororum, videlicet pluviae nivis, fulguris, nubis, grandinis, Tonitru, venti, Tempestatis &c: Sit ipsius Spiritus divini actus, atque etiam denotat, quòd materialis eorum existentia sit aer: Quare dicit in conclusione: Congregatio Spiritus dispergit nivem: Hoc est ex aere congregato fit nubes & ex dissolutione nubis dispergitur undique nix: Denique nos certiores facit, quòd manus seu Spiritus Dei non sit oriosus in talium operum productione, quæ Aristoteles vocat Naturalia, & consequenter operatur non modò, primariò & secundariò, sed Catholicè & omnino, hoc est, omnia in omnibus, ut ait Apostolus, tam in rerum generatione & præservatione quàm corruptione & destructione, idque non aberrando in sua actione à limitibus suæ Identitatis, sive Vnitatis divisione. Quare contra Aristotelis sententiam nullam aliam naturam agnosco ego, præter solum & unicum Deum in suis Creaturis, vel, si vultis, unicam naturam infinitam in qualibet re creata, quæ est solus actor omnium: Agnosco, inquam cum Apostolo, 1. Cor. excludendo omnes Deos Ethnicorum sive in coelis sive in terris, quibus primariam aut secundariam aut tertianam actionem falsò attribuunt; unum Deum Patrem, à quo omnia, & unicum Dominum Iesum Christum, per quem omnia: & præter hos nullam causam essentialem intelligo in machina mundana efficientem.

Ad ultimam Definitionis Aristotelicæ clausulam quæ asserit, fulgura deorsum moveri; quoniam materia, ex qua fiunt, est magis compacta & terrestris, respondeo, rationem istam suam esse nimis tam gyganteo Authore debilem & insufficientem: Nam eodem respectu inferre possumus, quòd pulvis Bombardalis, cujus substantia est multò grossior & magis compacta, quàm est illa fulguris, debeat necessariò descendere deorsum: & tamen vidimus (experientia illorum locorum, quibus pulvis iste subijcitur, atque etiam in igne artificiali, quòd virtus istius pulveris est tendere sursum. Iam verò venio ad veras Fulminis & Tonitru descriptiones, etiam à scripto totius veritatis nobis assignatas.

Iob. 37. 11.

Iob. 36.

Ecclef. 43. 14.



# SECTIONIS PRIMÆ, LIB. V.

## CAPVT. XII.

*Quomodo fulgura rectè à vero Philosopho & juxta sacra  
Scriptura instituta sint describenda.*

**C**Um ergo ex capitis præcedentis discursu pateat, quòd Aristoteles magnoperè & immaniter in sua opinione & concepta tam in materiali, quàm formali fulguris & Tonitru causa erraverit, mihi hoc in loco pro capacitatis meæ exilis validitate, veram & genuinam illorum definitionem ex profundo sacrarum scripturarum mari expiscari liceat, ut ea ratione vobis synceram ipsorum naturam originemque essentialem ostendam.

Fulgur est igneus quidam aër, qui ex coelesti seu aëreo Dei Thesaurò extrahitur & fulgidà ipsius præsentia animatur, inque terram & mare ad voluntatem ejus sive sit in creaturarum bonum sive detrimentum exequendam emittitur.

Vel sic.

Fulgur est coruscans quædam claritas è nubis, quasi Tugurij divini cavitatem procedens, quæ à Throno Iehovæ in terram & maria ad placitum ejus obeundum emittitur.

Quòd si velimus fulgur cum omnibus suis accidentibus describere & consequenter totam Tonitru essentialiam (quæ est naturæ mixtæ) describere, illud ex Testimonio sancto hoc modo præstare possumus.

Fulgur est ignis consumens, qui accenditur à facie seu præsentia Iehovæ, ad cujus claritatis aspectum & contactum nubes transeunt, & altissimus tonat seu vocem suam è coelo edit, sagittasque ad impiorum destructionem ejaculare solet.

Vel sic.

Fulgur est ignis evolans ab ore Iehovæ, de super à Tentorio ejus emissus, in cujus conspectu aquæ seu nubes (utpote timentes & Abyssi quasi conturbatæ transeunt, voxque Tonitru Iehovæ in rota movetur) atque carbonem ignei seu sagittæ ejus, ad voluntatem suam in coelis & in terris exequendam ejaculantur.

Vel sic.

Fulgur atque etiam Coruscatio est lux quædam munda & nitida facta in superioribus nubibus, quas ventus transiens purgavit.

In prima fulguris descriptione manifestum habetis, quòd causa ejus materialis sit aër, igneus locus, a quo de promittitur est arca Dei Thesauraria seu coelum: Causa formalis in eo explicatur, quòd dicitur Spiritus seu aër igneus, Causam ejus efficientem facimus actum immediatum seu velle divinum: Denique causam finalem in eo detegimus, quòd ad voluntatem Iehovæ vel ad mortalium flagellum & poenam, vel

ad misericordiam & benignitatem ijs præbendam emittitur: Quod totum ex Testimonijs sanctis in capite præcedenti expressis luculenter confirmatur.

Secunda descriptio confirmatur à Pag. Apocal. 4.  
na Sacra: Fulgura, ait Textus, procedunt à Throno. Er alibi: Præ fulgore in conspectu ejus nubes transeunt. Er alibi: ignis ab ore ejus evolavit. Er: ab ore ejus, velut tædis præeuntibus & quasi halitus ejus carbonem accenderet, & flamma ab ore ejus prodiret. Er alibi: illuxerunt coruscationes tuæ orbi terræ. Porro: Iehovæ extendit nubes, quasi Tentorium suum & fulgurat lumine suo de super, cardinesque maris operit. Psal. 17. 9. Job. 41. 10. Psal. 76. 17. Job. 36.

Tertiz verò descriptionis membra (quibus universa Tonitru natura enucleatur) ex testimonijs sacris partim prædictis & partim sequentibus confirmamus. Et imprimis causa Tonitru materialis ex hisce exprimitur, videlicet, quòd sit ignis exardens vel igneus aër, & per materiæ descriptionem ejus formam elicimus: Porro causam ipsius efficientem diximus esse Iehovæ irascentis spiritum: Effectum etiam illius agentis asseruimus esse nubium exagitationem & Tonitru vocem; & tandem finem indicavimus esse ad voluntatem divinam in impiorum ruinam perficiendam: Confirmatio horum hujus descriptionis membrorum, est talis. Ait Psaltes: ascendit fumus in ira ejus & ignis à facie sua exarsit: Carbonem succensi sunt ab eo: inclinavit coelos & descendit & caligo sub pedibus ejus &c: & posuit tenebras latibulum suum in circuitu ejus, Tabernaculum ejus tenebrosa aqua in nubibus aëris. Præ fulgore in conspectu ejus nubes transeunt, quando & carbonem ignis: intonuit de coelo Dominus & Altissimus dedit vocem suam, grandinem & carbonem ignis & misit sagittas suas & dissipavit eos, fulgura multiplicavit, & conturbavit eos &c. In quorum siquidem verborum filo, omnia descriptionis præcedentis membra patefunt & confirmantur. Psal. 17. 9.

Quartæ descriptionis particulæ etiam ex præcedentis Textus autoritate statuuntur.

Ad quintæ autem confirmationem quod spectat, ea ex præcedentibus confirmatur: Porro etiam tertia & quarta hisce amplius fundavimus. Viderunt te aquæ (Deus) viderunt te aquæ & timuerunt, & turbatæ sunt abyssi: Multitudo sonitus aquarum, nubes dederunt vocem: Erenim sagittæ tuæ transeunt: Vox Tonitru tui in rota, illuxerunt coruscationes tuæ orbi terræ. Psal. 76. 17.

Ultima descriptio confirmatur sic: Iam non

non respiciunt homines lucem, cum niti-  
da est in superioribus nubibus, quas ventus  
transiens purgavit. Possumus etiam fulgu-  
ra magis perspicue in natura Angelica de-  
scribere: Verbi gratia.

Fulgura sunt ignes urentes, quos Deus  
creavit, ut sibi essent ad placitum seu vo-  
luntatem suam faciendam ministri.

psal. 104. 4.

Ait David: Qui facis Angelos tuos ven-  
tos & ministros tuos ignem urentem: Nam,  
scire debemus, quod, ut Cherubin, id est,

aëreus spiritus est animator ventorum non  
accensorum: Ita Seraphin, qui est spiritus  
igneus est animator fulgurum: Sed, quo-  
niam alibi, nimirum sect. 1. Port. 4. part. 2.  
lib. 4. memb. 1. cap. 20. de Meteorologia  
seu Philosophia mea sacra de abstruso ful-  
minis & Tonitru interno Angelico, hoc  
est, de abscondita causa eorum efficiente,  
amplam effecimus mentionē, vos ad eum,  
si placeat, locum referam, ut ad Tonitru  
descriptions citius descendam.

## CAPVT. XIII.

*In quo Tonitrua secundum Biblij sacri institutionem describuntur.*

**A**D Tonitru naturam quod attinet,  
eam, perspicue ex varijs scripturarum  
sacrarum locis colligimus, in hunc modum  
esse describendam.

Tonitru est fragor in Tugurio Ieho-  
væ, super quod, ipse lucem suam exten-  
dens radices maris tegit, terræque or-  
bi illuminat, ut cum his judicet popu-  
lum & det cibum abunde.

Iob. 36.

Hinc dicit Iob: Si consideret homo exten-  
siones densarum nubium, fragores in Tu-  
gurio illius, extendit super illud lucem su-  
am, cum his judicaturus est populum & da-  
turus cibum abunde. In quo verborum filo  
tota prædicta descriptio elicitur: Nam ex  
eo patet, quod forma Tonitru sit fragor;  
efficiens verò causa Lux Iehovæ; materiale  
verò organum nubes densa, quæ dicitur  
Tugurium Iehovæ: Hinc ergo aliter: Po-  
suit tenebras latibulem suum in circuitu  
ejus, latibulum ejus tenebrosa aqua in nu-  
bibus aëris: Præ fulgore, in conspectu ejus  
nubes transferunt, & intonuit de coelo Do-  
minus. Denique finis Tonitruorum & Ful-  
gurum inibi declaratur, videlicet, quod sit  
ad judicandum populum & ad dandum ci-  
bum abunde.

psal. 17.

Vel sic.

Tonitru est vox Altissimi cum flam-  
ma & fulgure mixta à Deo ad contur-  
bandos impios edita atque ordinata.

In qua, forma est, vox seu fragor cum ful-  
phure: Efficiens causa, est ipse Iehovæ spiri-  
tus, & finis, ad impiorum flagellum. Con-  
firmatur: Dominus de coelo Altissimus  
dedit vocem suam, grandinem & carbones  
ignis & misit sagittas suas & dissipavit eos,  
fulgura multiplicavit & conturbavit eos.

psal. 17. 15.

Vel sic.

Tonitru est vox seu sonitus, à fulgure  
è Throno Dei procedens & è nubis ca-  
virate, in aërem apertum, divino numi-  
ne, ad voluntatem suam vel in creaturæ  
malum, vel in bonum, tam in coelis,  
quàm in terris exequendam emissus.

Vbi causa formalis est vox seu sonitus:  
efficiens est fulgor Dei; ac tandem finis est  
in benedictionem vel maledictionem crea-  
turæ. Confirmantur autem sic: A Throno  
procedunt fulgura. Et alibi: Nunquid mit-

Apoc. 4.

Iob. 38. 38.

tis fulgura & ibunt & revertentia dicent ti-  
bi adsumus? Et alibi: Ascendit fumus in  
ira ejus & ignis à facie ejus exarsit. Et, ali-  
bi: Nubes & caligo in circuitu ejus, ignis  
ante ipsum procedit & inflammabit in cir-  
cuitu ejus. Alluxerunt fulgura ejus orbi ter-  
ræ: & alibi: Vocem dederunt nubes: ete-  
nim sagittæ tuæ transferunt, &c: Vbi per  
sagittas fulgura hoc in loco intelligit. Vn-  
de alibi: Ibunt directè emissiones fulgu-  
rum, & tanquam à bene curvato arcu nu-  
bium.

psal. 17.

psal. 97. 2.

psal. 76.

sep. 5. 22.

Vel sic.

Tonitru est vox Dei in nube elevata,  
impetu aquarum undique circumsepti  
& operiti, antequam ignis præcedit &  
inflammatur in circuitu ejus.

Hinc ait Iob: Nunquid elevabis in nebula  
vocem tuam, & impetu aquarum operies  
te? Et alibi: Nubes & caligo in circuitu  
ejus: Ignis ante ipsum procedit & inflam-  
mabit in circuitu ejus.

Iob. 38. 34.

psal. 97. 2.

Vel sic.

Tonitru est vox Dei, ad quam mul-  
titudinem aquarum dat in coelo, fulgura-  
que & pluviam facit.

Hinc scriptum est: Ad vocem suam dat  
multitudinem aquarum in coelo, & elevat  
nebula ab extremitatibus terræ, fulgura in  
pluvia facit, educit ventū è Thesauris suis.

Ierem. 30. 13.

Vel sic.

Tonitru est multitudo sonitus aqutaru,  
seu vox nubium à Dei corruscationibus  
toti terrarum orbi illucens, effecta.

Vel sic.

Tonitru est multitudinis aquarum af-  
fectum Iehovæ timentium & perturba-  
tarum sonitus: Vel vox seu fragor cir-  
cumiens, quem dare solent nubes, quæ  
quidem vox immediate à corruscationi-  
bus ex Throno Dei procedentibus, & è  
nubibus, quæ sunt Tugurium Dei, erum-  
pentibus est edita seu procreata, ad vo-  
luntatem divinam exequendam.

In qua descriptione, materiale vocis hujus-  
modi, organum seu instrumentū est aqua,  
seu nubes aqueæ quasi timētes & perturba-  
tæ, unde & vocem seu fragorem & sonitum  
dare solent, ob penetrativam illam potesta-  
tē, quā lucidus & fulgidus Dei aspectus fo-  
lius

# SECTIONIS PRIMÆ, LIB. V.

lius mirabilium operatoris producit : Hinc dicitur : Præ fulgore in conspectu ejus nubes transierunt , grando & carbones ignis , intonuit de coelo Dominus , & Altissimus dedit vocē suā. Et alibi : Viderunt te aquæ , Deus , & timuerunt & turbatæ sunt Abyssi , multitudo sonitus aquarum , vocem dederunt nubes , vox Tonitruui tui in rota : Causa etiam formalis in eò describitur , quòd cum fragore & corruscationibus fiat . Causa efficiens videntur esse fulgura , seu potius igneus Dei aspectus , ipsa fulgura animans , & ad metam à Deo ordinatam dirigens : Vnde fulgura sunt quasi instrumenta Dei in iracundia sua , ut gladius est instrumentum hominis percutientis , ubi tali ense percussisse dicimus , & non ensē : Quare ipsum Deum solum in rebus mundanis actorem , ipsorum Tonitruorum Patrem dicimus , qui emittit fulgura , quasi sagittas suas à Throno suo . Finem posuimus esse ad voluntatem divinam perficiendam .

Vel denique in hunc modum .

Tonitru est vox seu loquela , seu eloquium , seu sonus ab ore Iehovæ procediens , quod sub toto coelo , cum luce , super terminos seu oras terræ dirigitur , Postquam rugit sonitus , seu tonat Deus voce excellentiæ suæ , & nō investigatur : Postquam audita fuerit vox ejus , qui tonans facit voce sua mirabilia .

Hanc sic confirmatam habemus , audite cū tremore , ait Iob , vocē seu loquelam vel , (ut alius interpretatur) eloquium ab ore Iehovæ egrediens , sub toto coelo dirigit illud & lucem super terminos vel orasterræ , post eū rugit sonitus , tonat voce excellentiæ suæ & non investigatur , cum audietur vox ejus : Tonans Deus voce sua facit mirabiliter .

Ex hisce igitur evidenter apparet contra malesanas Ethnicorum opiniones , quòd neque sint exhalationes nec vapores cum illis , nec sol cum stellis , nec terra aut aqua nec Elementa , neque natura creata , sed solus Deus , qui est omnium mirabilium operator , qui est efficiens horum mirabilium causa immediata : Quod etiam , uti videtis , à sacro scripto habetis confirmatum , ne cum Ethnicis , hoc opus , aut naturæ imaginariæ , aut Elementis , aut Elementatis illa attribuatis , quæ Creatori in primis ante omnia sunt attribuenda . Quare concludere , quòd summa est in Philosophis Christiani nomine insignitis , imprudentia ; Imò verò dementia haud recuperabilis , fidem tantam in vanis & mendacibus Ethnicorum de fulgure & tonitru opinionibus ponere , quibus homines tonitrua & fulgura esse quasi res adventicias , & naturali aëris seu cœli intemperie orta , & minime divinitus emissæ , facile persuadentur : Atque ita effectum solummodò respicientes , illum falsò pro causa efficiente æstimant , ac si æquum ac religiosum esset , opera à Deo Creatore effecta , creaturis ascribere . Quare , sciatis velim , me

hoc in loco more haud temerario , sed sedulo , seriò & bonis fundamentis stipatum scripsisse : Ut pote cui etiam & alij Philosophi , me longè in abstrusiori Iehovæ mysterio profundiores , astipulari videntur : Quippe , qui considerantes admirabilem Fulminis naturam , & abstrusam cæterorum Meteororum generandorum stationem animadvertentes , ea non opera naturæ aliqujus secundariæ , cujus famam peripatetici tot laudibus videntur celebrare , sed immediatos summi Dei actus cum scripturis esse arbitrantur . Concludimus igitur , quòd sit evidens , opinionem Peripateticorum , tam Christianorum quàm Ethnicorum , esse errandam , longèque à veritate distantem ; Quippe , quæ dicit , fulgura nihil esse aliud , præter calidas & siccas exhalationes , ex terra extractas , & in mediam aëris regionem , attractiva solis & stellarum virtute , elevatas , quæ nubi densæ inclusæ , partim collisione nubium , partimque per Antiperistasin , quæ est inter loci frigora & suum proprium calorem , accenduntur ; cujus tum postea flammæ ex nube eruptione , coguntur tonitrua . Velim , ut quilibet sagax Christianus diligenter observet ex ijs quæ sunt antea dicta , utrum Tempestatis , Turbiniis , & Tonitruorum mysterium ex re tam pauci momenti atque æstimationis dependeat , ac Aristoteles nobis tradidit , vel è regione , an potius ex inscrutabili profunditatis divinæ abyssu non emergat , cum fulgura , tradantur à veritatis fonte , esse igneæ Iehovæ tædæ , & lumina , quæ ab ejus Throno emanant : & cum Tonitrua dicantur voces , verba & eloquia Altissimi &c : Atque ob istam rationem Iehova istiusmodi Philosophorum mundanorum audaciam reprehendens , qui tantoperè actiones ipsius arcanas præjudicare , & se ipsos præcipitanter in causarum essentialium Mysteriorum Meteorologicorum profundum , sine assistentiâ & ductu divini spiritus immergere præsumunt , & mundum vix probabilibus seducere intendunt , ei persuadentes , ut credat , quòd arcana talia Dei Magnalia , à rebus tam stultis & inanibus , & secundum suæ phantasie imaginationem partis procedant . Eos in Turbine in hæc verba alloqui videtur : Auribus percipite & considerate mirabilia Dei fortis nostri , cū disponat Deus de illis , cum splendeat Lux nubis ? Sive : Nostine de libramentis densæ nubis , mirabilis Dei perfecti scientijs ? Quæ nam est via , qua in partes diffilit Lux ? Cujus utero egressa est glacies ? Aut pruina coeli quis genuit ? Quæ nam via itur , ubi habitat Lux , & tenebrarum ubi est locus ? Quis dedit vehementissimo imbrī cursum & viam sonantis tonitruui ? Quis est pluvie Pater ? Vel quis genuit stillas roris ? Nunquid elevabis in nebula vocem tuam & impetus aquarum operiet te ? &c : Hoc , inquam , dicit Iehova Iobo è turbi-

Psal. 17.

Psal. 76. 17.

Iob. 37.

Iob. 38.

è turbine, & multò magis jactabundis hujus mundi Philosophis, sapientiæ veræ disciplinæ inexpertibus, illos deridendo & objugando, præ inani ipsorum præsumptione: & præcipuè indigitare videtur, ipsos Peripateticos, qui profitentur se omnia prædicta Dei arcana sine ullo divinæ sapientiæ instinctu intelligere, cum è regione, se ex eorum scriptis & doctrina, veræ Meteorologiæ ignaros, sapientibus veris declarant: Vir, Aristotele longè sapientior, ait: *Quis hominum cognoscit consilium Dei?* Nam, ratiocinationes mortalium sunt timidæ, & instabiles cogitationes eorum: In festum enim corruptioni corpus, aggravat animam, & deprimit terrena habitatio mentem plenam curis multis: & vix conijcimus ea, quæ in terra sunt: Quæ autem in coelis sunt, quis investigabit, & consilium tuum quis noverit, nisi tu dederis sapientiam & miseris Sanctum tuum spiritum è locis altissimis? Sic enim correctæ sunt eorum, quæ in terra sunt, semitæ, itaque sapientiâ fuerunt salvati &c: Ex quibus aureis Salomonis verbis colligimus, primum, quòd Philosophi Ethnici fuerunt mysteriorum & operationum Dei arcanarum igna-

ri: Vt pote, in veræ sapientiæ rudimentis minimè instructi, cujus instinctu & directione, sapientes veri ad magnalium Dei cognitionem pervenerunt, ut testatur <sup>Sap. 7.</sup> Salomon, qui falsus est, se cognitionem, mediante isto spiritu habuisse, virum Elementorum & naturarum ventorum &c: Deinde, quòd vera sapientiæ disciplinâ, & Philosophiæ sanctæ subjectum, non sit in Philosophia Aristotelis inveniendâ, sed in libro totius veritatis, id est, Biblosacro, quippe, quod est vivum verbi revelati exemplar. Tertiò, quòd maxima est in Christianis dementia, veritatem ibi quærere, ubi non est inveniendâ: Intelligo in operibus Gentilium seu Ethnicorum: quod in eo manifestatur, quoniam ipsa radicitus contradicunt veritati scripturarum, atque ob istam rationem eorum sapientiâ pronuntiatur ab Apostolo Iacobo, esse terrena, <sup>Iac. 3.</sup> animalis & Diabolica: Verbum sapientibus sat est. Pro vero Lapidis Ceraunei, sive fulminaris ac Iridis coelestis atque aliorum Meteororum ortu seu origine, vos ad Philosophiam meam sacram seu Meteorologiam refero, ubi ea more Theo-Philosophico descripta inveniatis,

**Conclusio istius sectionis primæ, in qua, fidelis omnibus pijs Christianis admonitio facta est, ut à Philosophia mundana abstineant, & firmiter sapientiæ, quæ à sacris scripturis docetur, idque ob rationis in isto Epilogo expressas adhæreant.**

**L**iceat mihi jam in istius sectionis conclusione (ô vos Europæi, qui tam ferè & tanto Zelo vitam vestram in Religione Christiana conteritis) ut calami mei argutiam & orationis meæ filum ad vos convertam, qui falsâ Aristotelis doctrinâ seducti, putatis Meteora, ac præcipuè fulgura & tonitrua esse res naturaliter contingentes, & per consequens, parvi aut nullius momenti aut æstimationis, ut pote aut à calida aut à frigida in aëre intemperie productas: Vos sedulò obsecro, ut Christiano more consideretis & observetis admonitionem istam, quam vobis pro ultimo ad istam sectionem Vale, commendo, obtestorque, ut assertionem meam antedictam, neque cachinnis aut derisione, neque contemptu reiiciatis, ut pote, qua vobis sufficienter & luculenter est probatum, quòd venti, Turbines & tempestates & fulgura & Tonitrua, imò verò & alia omnia Meteora quæcunque, sint opera manus Dei immediata: Nam isto meo conamine non modò vobis consolationem & salutem affereris, dum terribilis nubium fragor, seu vox & eloquium Iohovæ, cum fulgure tremendo, & Turbines atque tempestates stupendæ adsunt, in animum revocando peccata vestra, & pœnitentiâ ducti, ad Deum cordialiter & humiliter orando, ut ea in iracundia & severitate sua non ju-

dicet, sed etiam honorem & gloriam ei at- <sup>Iob. 37.</sup> tribuendo, qui ab alto tonando, & sonos suos horrendos, tempestates, turbines, ventos, diluvia, cometas, grandines, nives & alia Meteora stupenda emittendo mirabiliter, tam ad flagellum, quàm ad beneficentiam creaturarum, operatur. Velim ergo, ut ingenuè sciatis, quòd sapientes mundi istius seculi Christiani, Philosophorum videlicet Ethnicorum assæclæ, sunt adedò ad hunc usque diem à sapientia hujus mundi occæcati, & imaginationibus suis decepti, ut fidem adhibere nesciant, quòd Deus mediante suo verbo, immediatè operetur omnia in cœlo & in terra: Cum nihilominus pro certo à scripturis est determinatum, ipsum in una eademque essentia, licet proprietate diversa, efficere omnia per suum verbum, mediantibus suis creaturis, quibus utitur loco organorum, in quibus agit pro placito suo: Nonne, obsecro, est istud eorum tenens sive assertio, Autoritati sacræ opposita & contradictoria, quæ dicit, quòd quamvis sint, qui dicuntur Dij sive in cœlis sive in terra; nobis tamen unus Pater, à quo omnia & unus Dominus, Christus Iesus, per quem omnia: Sed non omnes istam habent scientiam &c: Ex quibus verbis colligere possitis, quòd, tametsi nos mundani hoc vel illud opus attribuimus aut Angelis,

# SECTIONIS PRIMÆ, LIB. V.

gelis, aut stellis, aut ventis, aut naturæ ali-  
cui creatæ secundum Ethnicorum doctri-  
nam : Tamen tales Philosophi veri Chri-  
stiani , qualis erat D. Paulus , agnos-  
cunt non nisi unicum Deum , à quo  
omnia in mundo sunt secundum pla-  
citum suum ordinata , & unicum verbum  
essentiale , nimirum Iesum Christum,  
per quem solummodò & non per ali-  
quam creaturam mundanam , res seu actio  
quælibet à Deo Patre ordinata, immédia-  
te in effectum ducitur. Quod omne , ta-  
met si veris Christianis pro mera veritate  
habeatur , tamen Philosophis & sapien-  
tibus hujus mundi , doctrina ista à sapi-  
entia cœlesti procedens , rejicitur & pro  
vanitate habetur. Et quare ? Quoniam;  
ut ait Textus præcedens , omnes non ha-  
bent istam scientiam : Quippe , qui ma-  
gis respiciunt ( ut ait scriptura ) tenebras,  
quàm lucem : vanam dico istius mundi sa-  
pientiam , quæ est terrena , animalis &  
Diabolica juxta sententiam D. Jacobi:  
Vel , ut D. Paulus habet , mera stulticia  
coram Deo , quam illam , quæ est de su-  
pra à Patre Luminis , & sic erraverunt in  
imaginationibus suis. Vobis ergo ex cor-  
de meo suadeo , qui in Biblij sacri in-  
quisitione versati estis & spiritualiter in le-  
ge Domini nostri Iesu Christi versamini  
ni , atque enutriti estis , ut vobiscum con-  
cipiatis atque iterum iterumque resolu-  
tis , quòd Deus in primis primam omnium  
rerum consistentiam , nimirum naturam  
humidam sive aquas , mediante verbo suo  
creaverit , & quòd ipsæ manent & subsi-  
stunt in verbo & per verbum in eodem  
statu humido sive madido , quo fuerunt à  
mundi origine etiam ad hunc usque diem.  
Et , quòd ex aquis suis Catholicis , per  
verbum suum coelos & terram creaverit,  
quæ etiam ad hunc usque diem firmiter  
in sua existentia atque essentia per verbum  
consistant : Vt testatur D. Petrus. Epist.  
2. cap. 3. Præterea mediante eodem ver-  
bo produxit lucem in coelo , atque etiam  
solem , lunam ac stellas cum cæteris mun-  
di creaturis , ut sibi loco organorum di-  
versorum , in quibus juxta placitum su-  
um operaretur tam in coelo , quàm in terra  
inservirent : Quæ omnes moventur &  
agunt in & per verbum Dei , & in con-  
clusionem probatur , Deum solum medi-  
ante suo verbo operari omnia in omni-  
bus , ut ait Apostolus. Quod cum ita sit,  
scire velim libenter , ubi sit Physica illa  
Peripateticorum natura , cui formam &  
actum distinctum essentiali ex se & per  
se assignant ? Profectò certissimum est,  
nullum esse talem actorem Catholicum,  
qualem somniaverunt Peripatetici , sed est  
solum Dei verbum , seu Christus ille Ca-  
tholicus & omnia implens ( ut ait Aposto-  
lus ) una æterna sapientia , quæ replet or-  
bem terrarum ( ut Salomon affirmat ) unus  
in corruptibilis sapientiae spiritus , qui in

est omni rei , qui operatur omnia in om-  
nibus : Vnde sequitur , quòd sine eo ni-  
hil aut agere aut movere aut existere que-  
at.

Quatenus igitur aer est pars cœlestis  
consistentiæ ; sequitur , quòd à Deo per  
ipsius verbum sit factus , & quòd in ipso  
verbo ad hunc usque diem quasi natet,  
quippe , quòd comprehendit omnia , ut  
pote , quæ in eo perpetuò constant , ut  
testantur scripturæ : Vnde sequitur, quòd  
ipse à verbo & per verbum movetur pro  
placito ordinantis : Imò verò in aère,  
cum sit Dei Thesaurus seu arca Dei The-  
sauraria , sunt multa sacraria , ex quibus me-  
diante verbo , quòd ab Angelis Dei , poten-  
tibus robore , efficitur ( ut testatur David )  
varia Meteororum genera assidue procre-  
antur ; Quemadmodum probatum est an-  
teà , quæ diversorum Angelorum seu spi-  
rituum ventis præsentium , gubernatio-  
ni committuntur ; Qui etiam secundum  
suam existentiam ex aère creantur , & in  
aère mediante verbo morantur & per con-  
sequens moventur & agunt in verbo , seu  
in & per unum & eundem spiritum divi-  
num , quem Propheta Ezechiel , sic vo-  
lente Deo , à quatuor ventis ad ossa mor-  
tua resuscitanda vocavit , cujus admini-  
sterio & ductu ( verbo eos movente & in  
eos operante ) omnes species Meteorolo-  
gicæ generantur & sensibiliter producuntur  
in aère ; Imò verò omnes tempesta-  
tes mirabiles , quæ mundo eveniunt , ef-  
ficiunt. Atque hinc est , quòd Psaltes  
dixerit : Qui facis Angelos ventos , &  
ministros tuos ignem urentem. Et alibi :  
Dei currum duæ sunt myriades , multa  
millia Angelorum , Dominus cum illis est ;  
Dominus Sinai in Sanctuario habitans.  
Hi ergo spiritus , qui in respectu eorum  
externi ab aère erant facti , officia sua  
cum summa diligentia in aère exercent,  
& secundum divinam ordinationem mo-  
vente in ijs verbo circa tempestates , nubes,  
pluvias , nives , grandines , pruinas , glaciem ,  
fulgura , Tonitrua , cometas , Chalmata , in-  
undationes , calores , frigora , siccitates , hu-  
miditates & omnia alia , quæ in aère ver-  
sari solent : Hinc ergo testatur Revela-  
tor , quòd ordinatione divina quatuor An-  
geli , super quatuor angulos seu cardines  
terræ constituantur præsidēs , quibus im-  
perium super quatuor mundi ventos ha-  
bentibus erat assignatum , terræ & aquis  
& arboribus & fructibus nocere : Sed , ibi-  
dem dicitur , quòd isti præsidēs Angelici  
non habuissent potestatem , damnosam sive  
tempestuosam suam violentiam exercere  
& exequi in terram & aquas , quousque An-  
gelus ille Imperialis , qui ascendebat ab O-  
riente , illis agendi atque movendi veni-  
am concessisset , hoc est , nisi à verbo  
( quod magnus alibi dicitur Angelus , qui  
se ipsum nominavit Alpha & Omega )  
ad tale opus agerentur & incitaren-  
tur.

Psalm. 104. 4.

Psalm. 67. 18.

Apoc. 7. 2.

Apoc. 1.

Iohan. 1.

Ephes.

Sep. 1.

Sap. 12. 1.



761m. 77. a 9.  
2 Reg. 32. 8.

tur. Nonne ex præcedentibus (testante Davide & libro Regum) intelleximus, quod Deus inclinando cælos descenderit, & ascenderit super Cherubin, id est, æreum Angelum, & mediante eo, Verbum Dei efficiens volaverit super alas venti & nubes contraxerit & accenderit eas, & fulguraverit & tonaverit de cælo: & aquas & nubibus cribraverit & carbones fecerit in ære volare &c. Sed totum hoc Philosophis Ethnicis erat incognitum, atque ob istam rationem disciplina ista veritatis, à Christianis ipsorum discipulis, penitus rejicitur vel saltem negligitur: quippe, in quorum dictis & scriptis falsus Aristotelis spiritus Dominium habet, primumque in eorum scientia sibi vindicare videtur locum. Tamen ergo ista mea admonitio apparebit fortasse ijs, qui firmiter & obstinaciter suis imaginationibus Chimerijs, & subtilibus Aristotelis documentis adherent, vilis, vana, ridiculosa & minimæ aut nullius æstimationis. Tamen istiusmodi farinæ homines scire atque mente clariori intelligere velim, quod ipsa sit res maximi momenti & consequentiæ in statu Christiano, utpote, quæ concernit honorem & Majestatem Dei. Nam, mediante ea, veri Christiani reales & essentialis tempestatum atque aliarum Dei operationum mirabilium causas, fundamentaliter addiscere possunt, atque exinde intelligere, quod non casu aut fortuitò eveniant aut aliquo actu proprio & ipsis naturaliter insito, ut Ethnici phantastici in suis scriptis finxerunt: Sed, quod è providentiæ divinæ sacrario seu ejus Thesauro producuntur, & deorsum, mediantibus ministris Angelicis per verbi divini actum immittuntur, vel ad impiorum afflictionem & flagellum, aut ad peccatorum suorum recordationem, ut pœnitentia tandem præ timore ducti resipiscant: Et quandoque ad creaturarum beneficentiam, & ad cibum pro ipsis comparandum: Unde Iob: si consideret homo extensiones densarum nubium, fragores in Tugurio illius, extendit super illud lucem suam, cum his judicaturus est populum & daturus cibum. Quo innuit, tempestates fieri tam ad judicandum, & puniendum populum, quam ad dandum ipsis nutrimentum: Quare, ipsi terrefacti cum vocem seu eloquium Domini ab alto in tonitru audient & indignationis ipsius flammæ & coruscationes timidè intueantur aut inundationes ex nimia vel pluvia vel nive præter rationem exsurgentes, vel Cometas cum ære corrupto terrore percussi percipiant, ad pœnitentiam exinde inducantur seque humiliter corâ Deo prostantes preces ad creatorem omnium effundant, ejusque auxilium in tanta necessitate & periculo humiliter & pœnitenter implorent: illum supplicando, ut tempestatis furorem mitiget, & ipsius malitiam à se suisque pro misericordia sua & pro amore

Filij sui Iesus Christi avertat, ministrorumque suorum tam aquosorum, quam igneosorum & ventosorum rabiem supprimat, ac tandem, ut ipsis tempora atque ærem mitiorem & clementiorem cum imbribus fertilioribus concedat, & quod familiæ suæ & domesticis & animalibus & jumentis, cum fructibus terræ ad cibum ordinatis, benedicat & à violentia Angelorum tempestuosorum & malevolorum, qui sunt, iræ ipsius instrumenta, defendat. E regione, qui istud meum consilium, quod fundatur super veram sapientiam, negliget, & cum porro vel sue in luto seu corno versari gestiet, & documentis sapientiæ mundanæ (quæ est stultitia coram Deo) firmiter adhererebit, & per consequens vult, quod magnalia Dei Meteorologica in mundum contingenter & per accidens ac sine ullo interno principio agente eveniant, atque ob istam rationem ea, quatenus communiter in cursu naturali evenientia negliget, ac proinde illa neque (uti Christianum decet) timebit, neque ipsum, qui est eorum author & creator immedietus agnosceret, est meritò inter ipsos numerandus, quos sapiens istiusmodi sermonis filo indigat: Vani (inquit) sunt omnes homines, in quibus non inest scientia Dei, & de ijs, qui videntur boni non potuerunt intelligere eum, qui est, neque operibus attendentes agnoverunt, quis esset artifex. Et Apostolus de istiusmodi: Revelatur ira Dei de cælo super omnem impietatem & injustitiam hominum eorum, qui veritatem Dei in injustitia detinent: Invisibilia enim ipsius à creatura mundi per ea, quæ facta sunt, intellecta conspiciuntur, sempiterna quoque ejus virtus & divinitas, ita, ut sint inexcusabiles &c. Caveat, inquam, talis, ne in eum dirigat Deus fulgura sua directè, & quasi ab arcu bene gubernato: Nam sciat velim, quod fulgura non solum sensum habent, sed & ratione quadam mirabili & Angelica imbuuntur ad mandata divina ad versus impios & operum Divinorum contemptores exequenda. Fulgura (dicit Iob) nunquid mittis & ibunt & revertentia dicent, adsumus? Sit ei pro Exemplis puella illa Hiberniensis, quæ pro suo contemptu & blasphemia in eodem sui corporis loco, quem cachinnando elegit, erat miserabiliter percussa. Et Peripateticus ille Salopiensis, qui pro sua à divinæ Mejestatis actu derogatione, ut famam opinioni Aristotelis arrogaret, Solus inter cæteros itinerantes, in plano Salopiensi est exanimatus. Respiciat exempla alia potestatem divinam in tempestatibus arguentia, à me Sect. 1. port. 4. part. 2. lib. 4. Membri 1. cap. 20. expressa & videbit apertis oculis, quod Dei virtus & potentia insit Meteoris, & quod numinis divini contemptoribus ne parcant quidem.

Sap. 13. 1.

Rom. 1. 18.

Sap. 7. 22.

Iob. 38.

Iob. 38.



## EPILOGVS.

**E**X his, quæ in sectione hac prima sunt prolata (lector Christiane iudicio & eruditione prædite) immanem illam differentiam, quæ interest inter sapientiam mundanam (quam Apostolus facit meram stultitiam coram Deo) atque illam, quæ de cælo à Patre Luminis descendit (quæ est essentialis spiritus sapientiæ) oculis, nō fallor, apertis discernere queat, & consequenter videre liceat, quoddam Philosophia Peripatetica, quæ fundatur super sapientiam huius mundi, quatenus traditioni hominum & mundi Elementis, & non Christo seu Lapidi vero Angulari innititur est inanis fallacia, seu figmentum præstigiolum; & per consequens illa Patriarcharum, Prophetarum & Apostolorum Philosophia, quæ fundatur super Christum, seu Spiritum Dei Catholicum, in quo est plenitudo Divinitatis corporaliter, est unicè vera, realis & essentialis quæ immediatè descendit à Deo. Quare, pro conclusione vos Peripateticos Christianos in verbis istis ipsius Moyſis (cujus Philosophia hæc nostra est typus ex ætate) mihi alloqui liceat: Contestor bodie contra vos cælum & terram, me vitam & mortem, bonum & malum, benedictionem & maledictionem proposuisse vobis: Quare eligite vitam, ut vos cum semine vestro vivatis & in cognitione atque intellectu veri Dei locupletes fatis: Nam in vera sapientia consistit syn-cera, pura & sancta Philosophia, in qua sita atque radicata est infallibilis rerum omnium scientia & disciplina: ut testatur Apostolus, dicens, quoddam in Christo sint omnes Theſauri sapientiæ & scientiæ absconditi, & per consequens non in Philosophia illa Ethnica,

Deut. 30. 19.

Colos. 2. 3.

F I N I S.



*Appendix quædam huic sectioni Philosophiæ Moysaica primæ annexa, ex volumine quodam Germanico Francofurti non multis ab hinc annis impresso, extracta, cui Titulus est (Tabula revelationis Majestatis divinæ capite primo Genesios comprehensa) quæ acriter contra Ethnicorum Doctrinam ac Christianos ejusdem discipulos invehitur.*

Proœmium Authoris.

**C**Um neminem mente sana præditum latere possit, quàm plurimos & quasi infinitos veritatis adversarios ubique in mundo versari, (nullus enim inimicus, scientiæ & sapientiæ veræ ignaro (cujus farinæ hominum ingens ubique terrarum disseminatur multitudo) deterior ac periculosior est inveniendus) necesse habeo credere, me, pro pio & honesto hoc meo conamine veritatis causa suscepto, nil præter risum, cachinnos, opprobria, maledictiones, invectiones Satyricas atque omnium generum convitia, à mundanis partim ignorantia excæcatis, partimque Philosophia Peripatetica contaminatis radicaliter, loco mercedis ac præmij fore accepturum, ita, ut quid facerem aut quò me verterem haud quaquam intelligerem, nisi ipsam veritatem, cujus est omnia, imò verò ipsum Diabolum cum suis asseclis vincere, pro me pugnantem haberem. At quoniam haud minimum est homini calamitate circumsepto solamen, fidelem & Theodidactum in suis angustiis habere socium, qui sagittarum ex livoris & malevolentiae pharetra extractarum, & in eum maligniter emissarum, portionem sustinere, & labores ejus atque ictus in eum inflictos alleviare queat, ideo unum in isto meo conflictu elegi, virum, inquam, scientiâ admodum strenuum & me ipso millies profundius in Mysterijs Dei atque arcanis verbi ejus operationibus immersum, (nam quòd ego Theoricè & sola contemplatione ac diligenti sacrarum literarum lectione didici, hoc ille non solùm speculatione & lectione, sed etiam oculari praxi & reali in Tabula Sophorum inspectione instructus, intellixit, uti ipse in volumine suo antedicto asseverare videtur: Vnde & Ethnicorum errores & vanitates non modò luculenter & ad vivum in eo depinxit, sed etiam acriter adversus eas invehitur: Hinc ergo est, quòd membra nonnulla ex viri illius doctissimi operibus abstraxerim, quæ Ethnicorum librorum inanitatem, & Philosophiæ eorum vanitatem, ac Christianorum ejusdem discipulorum ineptias ad amussim & enucleatè detegunt, eaque in unum quasi fasciculum idèd colligavi, ac huic meæ sectioni Philosophiæ Moysaica primæ appendicem feci: inprimis, ut seculi istius malevolis indicarem, me primum non fuisse in istiusmodi pia reformatione motorem aut Authorem: ac deinde eò quòd voluminis illius Dominus, in omnibus mecum convenire & opinionibus meis exactè astipulari videtur: Agnoscit enim, omnia ex aqua originaliter fuisse facta: Fatetur, universa à verbo Dei creata, atque etiam num ad hunc usque diem in eo continuata, præservata, aucta, & multiplicata: Dicit, Deum sine creaturarum assistentia per Verbum operari omnia in omnibus, & consequenter nec ullam Ethnicorum naturam, nec causas earum aut secundarias aut tertianas admittit: Narrat aërem seu universum cælum esse aquam (unde ego illum pro Elemento Catholico habeo) eumque Verbo Dei, mediantibus organis Angelicis duci. Porro ait, quod Angeli movente verbo omnia Meteororum ac Tempestatum genera, in & ex aëre, quasi arca Dei Thesauraria producant: Concluditque, Verbum movere Angelos, Angelos ventum, & ventum aërem, uti in Appen-

## SECTIONIS PRIMÆ APPENDIX

dice ista sequenti latius apparebit. Profecto haud minima erat mihi in lucubrationibus hisce meis consolatio, me virum tam solidā doctrinā præditum & in profundis Dei Mysterijs adeo versatum habuisse in tanti momenti negotio comitem, mihiq; in uno eodemque subiecto tam concinnē convenientem. Sed quid mirum, cum in solidissimum & unicē verum fundamentum, lapidem nimirum Angularem Christum Iesum super ædificavimus ambo.

### Membrum hujus appendicis primum, ex capite sexto libri sexti Tabulæ revelationis Majestatis Divinæ, Capite primo Geneseos comprehensæ extractum: in quo Author, Ethnicorum doctrinam Christianosque ejusdem discipulos acriter reprehendit.

**S**cripta Ethnicorum adeo palmam in Christianorum Scholis obtinuerunt, ut ipsi ludimagistri parum vel nihil de Biblicis veteris & novi Testamenti scriptis sciant aut intelligant: cum tamen Deus in prima sanctione sua, qua cum Moyse & Israëlitis collocutus est, jusserit junioribus & provectioribus omnique adeo populo timorem Dei inculcare; ut nimirum ipsum solum invocarent, & præcepta, ordinationes atque sanctiones ejus observarent: Etenim minister ejus Moyse, ex mandato divino universum populum Israëliticum sic alloquebatur. Hæc sunt præcepta, mores, & jura, quæ Dominus Deus vester mandavit, ut ego vos doceam & vos discatis & faciatis ea in regione, in quam proficiscimini occupaturi illam, ut timeas Dominum Deum tuum & observes omnia ejus mandata & præcepta, quæ injungo tibi & filijs ac nepotibus tuis per omnē vitam vestram, quo vivatis diu. Audi Israël & observa, ut facias illud, quod Deus tibi dat in mandatis, quo bene tibi sit & valde multipliceris, sicuti locutus est tibi Deus Patrum tuorum, in regione, ubi est lac & mel. Audi Israël Dominus Deus tuus unus est, dilige Dominum Deum tuum ex toto corde & tota anima & ex omnibus viribus: Et verba illa, quæ tibi hodie præcipio semper observabuntur in corde tuo, & filijs tuis ea annuntiabis & recordaberis illorum, & loqueris de illis, quando fueris in domo tua vel ambulaveris in via, quando sederis vel assurrexeris & alligabis ea pro signo ad manum tuam & erunt tibi in memoriam præ oculis, ac describesea in postibus januarum tuarum. Timebis Dominum Deum tuum & illi soli servies. Non jurabis per nomē ejus neque alienos Deos coles populorum istorum, qui vos circumdederunt. Etenim Dominus Deus tuus est Deus zelotes in medio vestrum, ne exardeat ira Domini super te & consumat te de facie terræ: Non tentabitis Dominum Deum vestrum.

Deut. 6.

Hic videtis (mi Christiani) qua ratione Deus aperuit Ludum vel Scholam filijs suis, jubendo nimirum, ut infantibus quoque timor & præcepta Domini statim ab ipsis cunabulis proponantur & inculcentur; quinimò etiam, ut in pectore suo præcepta divina secum circumferant, recordentur eorum & loquantur de illis, sive sedeant domi, sub tectis suis, sive peregrè per loca aliena transeant, vehantur aut equitent, sive dormiant, sive ambulent, sive surgant. Nec solum recordari debent eorum, sed etiam ea ad actum deducere & omnibus viribus vitam suam secundum illa institueret: Et, nequando obliviscantur eorum, sed in præfenti memoria semper illa secum circumferant, jubentur præcepta divina pro signo alligare ad manus suas & in perpetuam memoriam describere ea in parietibus ædium & postibus januarum suarum. Quod si verò præceptis illis divinis non sint obtemperaturi, sed insuper adhuc tentaturi Deum, quasi non seriò res ageretur, vel nulla poena transgressoribus foret infligenda, minatur illis Deus in eum casum, lævissimas & gravissimas poenas, quod velit eos delere de facie terræ. Quamvis hæc sunt rectissimè à Deo ordinata; attamen vos multas inanes ac futiles rationes in contrarium allegatis, astruentes, quod juniores istiusmodi res arduas de Deo & præceptis divinis nec percipere, nec intelligere, multò minus ad usum transferre possint; ac propterea illis faciliora & minus ardua proponenda, videlicet Fabulæ Æsopi, disticha Catonis, Bucolica Virgilij, alia Ethnicorum scripta, quæ huc usque in scholis Christianorum quotidiana ac usitata fuerunt, quippe quæ melius juventuti conveniant: atque præterea etiam perlegendas esse illis animi causa, Comedias Terentij & Plauti, ac tradendos etiam libros sancti Aristotelis, in quibus tractat de rebus naturalibus & supernaturalibus, ac de essentia Dei, describens simul ordine mundum ac coelum: Ex istis nimirum libris posse juniores haurire Dei & creaturarum divinarum

narum ac totius mundi cognitionem. Tum verò postea jactis hisce fundamentis promovendam esse eandem juventutem ad scripta Rhetorum, Ethnicorum, & exercendum in recitationibus orationum publicarum, quò reddatur tantò animosior, & ut possit ea, quæ de rebus naturalibus & super naturalibus, atque etiam de Dei essentia & de creaturis divinis ac mundo addidit, alijs vicissim constâter & magno animo proponere: Quo demum facto, patris liberos illos vestros eo modo imbutos atque institutos, esse optimos ac doctissimos oratores & concionatores, ita quidè, ut nemo eos valeat disputando acedifferendo vincere vel superare. Ad quæ tamen scire debetis, quòd erretis toto coelo, siquidem nec scripturas nec virtutem Dei scia-  
Matth. 22.  
Matth. 12.  
 tis. Anne adeò sagaces estis, & per spicaces, & tamen non intelligitis, quid Deus à vobis requirat? Neque enim animadvertitis, quòd multò majori ac difficiliore labore exscriptis Ethnicorum ineptiæ illæ pueris inculcentur, quàm si in timore Dei & præceptis divinis erudiantur. Etenim, si infans quatuor vel quinque annorum legere discat decalogum, & memoria eum retineat, suo satis fecit officio. Postea breves illis interpretationes sunt tradendæ, ut exerceant illas ad invicem per quæstiones & responsiones: Et quamvis hæc omnia per infantiam non satis intelligant, tamen eam inde utilitatem percipiunt, ut possint ea retinere firmâ memoriâ, usque dum adolescant, maturum judiciû consequantur, & in verum eorum sensum ac intellectum inquirent; Quinimò etiam præterea assuescunt hac ratione ab ineunte ætate loqui de Deo, & alios de eo differentes audire. His postmodum altiora possunt in lege divina, in Prophetis, & Psalmis facillè proponi & inculcari atque simul etiam interpretationes eorundem tradi, ita ut per accuratam & quotidianam exercitationem, illa omnia melius & rectius percipiant, intelligant & memoriâ retineant, cum nullis circa ea ineptijs Ethnicis distraherentur & impediuntur. Atque hæc quidem piè peraguntur: Hujusmodi Informationi largitur Deus Spiritum Sanctum & benedictionem divinam, artem, scientiam & intellectum. Verùm vos hæc omnia dimittitis, & producit vestros Doctores Ethnicos; circa eos opertet vos multum laboris & molestiæ proferre, antequam doctrinam illam Ethnicam liberis & discipulis vestris possitis inculcare, atque simul etiam discipuli vestri plurimum temporis, & vel decem, viginti, & nonnunquam etiam triginta annos consumunt, priusquam subtiles illas, alios circumveniendi technas imbibant & addiscant: Quibus tamen omnibus ita plavè perceptis, ut nihil amplius restet, quod non pernoverint, non multò sunt doctiores, quàm Michael ille germanus, & neque Deum neque creaturas ejus cognos-

cant, nec aliud quicquam de illis sciunt, quàm quòd grænen est viride, quòd vacca sit varijs distincta coloribus, quòd equus sit scutulatus, quòd aqua sit humida, & quòd Deus sit talis, qualem ipsi eum esse ex traditionibus Ethnicorum somniant, ac quòd mundus sit æternus.

Hæc & similia phaleratis suis sophisticationibus adeò norunt pingere & exornare, ut vel somnolentum etiam canem valeant per ea ex cineribus provocare: Cùm interim ne minimi quidem grani des *Maganicens* proprietates & virtutes, vel minima saltem ex parte cognoscant. Et tamen docti nihilominus haberi volunt, ac disputare de Deo ac operibus ejus, in quibus revera magis cæci sunt, quàm lucem fugiens talpa: ô miseri & occæcati! An non veremini disputare de Deo & operibus ejus, quæ non novistis? Neque enim quisquam novit Deum, nisi solus Spiritus Dei. Quoniam igitur vos tanquam veri Ethnici Spiritum Domini non habetis, atque ea etiam de causa Deum non cognoscitis, quomodò de Deo & creaturis ejus ullo solidæ veritatis fundamento differetis aut scribetis? Etenim hic attendendum est ad illud, quærite primum regnum Dei ac justitiam ejus & reliqua omnia adjicientur vobis. Sed vos Deum & doctrinam ejus deseruistis, & loco ejus filijs vestris ac discipulis Ethnicam doctrinam proposuistis ac inculcastis, & propterea Deus vos in erroribus vestris reliquit, ita ut per illam vestram doctrinam Spiritum Sanctum non habeatis: Sed per lectionem Scriptorum Ethnicorum in loco Spiritus Sancti Spiritum immundum in scholas vestras invitatis, qui etiam vobis fideliter assistit & opera vestra promovet, quos & vos & discipulos vestros in potestatem suam & sub coronam vel jugum potius imperij sui pertrahat & redigat. Quamvis enim in scholis vestris decantetis canticulam illam. Veni Sancte Spiritus, & postmodum discipulis vestris per integrum diem scripta Ethnicorum summo studio prælegentes, speretis venturum ad vos Spiritum sanctum: Attramentum non ille, sed loco illius idolum vestrum Diabolus, ad vos venit: Ille vobis in scholis vestris opitulatur, ut pote, cujus instrumenta estis, quamdiu libros illos Ethnicos tractatis: Sed vos replicatis, haberi etiam simul apud vos scholas alias, in quibus scriptura sacra prælegatur, ne scilicet in alterutro defectus aliquis deprehendatur. Etenim aliquas etiam scholas habendas esse, in quibus Philosophica tractentur, ea quidem, quæ omnium optimè Ethnici descripserint, neque enim hauriri ea ex sacris scripturis posse: Sed postea demum, quando quis plenè ex Ethnicorum scriptis Philosophica præcepta addidit, facillè eum evadere Doctorem excellentissimum *Paginz sacræ*,  
 ô fatu-

## SECTIONIS PRIMÆ, APPENDIX

Numch. 3.

Œ fatos delirantes ! Quis uspiam Spiritum immundorum suggessit vobis Philosophiam, vel, uti eam vocatis sapientiam, apud Diabolum & filios ejus ac desertores Dei Ethnicos esse querendam ? Cum tamen Deus ipse attestetur, se solum esse verum fontem & scaturiginem sapientiarum. An verò non satis superque intellexistis, Deum unicam duntaxat scholam aperuisse, in qua jussit se solum timeri, mandata sua observari & sibi soli inserviri ? Quomodo hæc conveniunt, quòd conamini habere scholam sacrarum literarum, atque simul etiam ipsi Diabolo extruere scholam Ethnicam ? Neque enim potestis servire Deo & Diabolo. Ad hæc etiam schola illa vestra, quam Theologiam dicitis, formam non habet deo placentem : Etenim nullum vos in eo Doctorem admittitis, nisi scriptorum Ethniconum rudimenta prima, & vel omnimodè etiam fundamenta totaliter ac plenè perceperit atque imbiberit ; Quippe hunc denique idoneum esse ad docendam sacram scripturam asseveratis, ita quidem, ut Diabolus in utraque hac schola vestra modo horrendo ad clavum sedeat & manifestè homines ac publicè circumveniat & ad se alliciat. Proinde vos ipsi, ô miserissimi discipuli, hæc aliquando altius considerate, excutite hoc jugum Diabolicum, deserite scholas vestras impias, & convertimini ad Deum vestrum, & maximè idoneum ludimoderatorem, qui ipse vobis ultro scientiam, artes ac sapientiam ; Imò etiam Spiritum Sanctum & vitam æternam offert ac pollicetur : Etenim videtis, quòd in scholis istis Ethnicis, timor Domini & præcepta ac mandata Divina neque ad manum alligantur, neque parietibus & postibus vel januis inscribantur, uti alioquin Deus ad perpetuam istorum memoriam fieri jussit, multoque minus aliquem vel domi vel ruri, vel inter dormiendum vel inter ambulandum vel inter surgendum recordari illorum, aut loqui illis : sed contrarium potius est ante oculos, quòd nimirum omnes omnino ædes, parietes, cœnacula, fenestras, januas, postes, libri, pocula, patinæ, orbiculi, cultri, gladij, frumæ & annuli, Ethniconum sapientum sententijs ac dictarijs, loco Dei, atque timoris & præceptorum divinorum sunt completi, ne scilicet domini rerum istarum, obliviscantur unquam Doctores sui & doctrinæ ejus. Hoc jam verè est impudenter Deum ac Dominum suum tentare. Etenim, dum loco scholarum Deo aperiendarum Ethnicas scholas isti homines erigunt, atque hac ratione Deum blasphemant, antinantes, apud eum non agi hoc negotium seriò nec cordi illi esse : Ac proinde se quoque propter hanc suam mandati divini transgressionem, nulli penitus poenæ subjugandos esse, tentant hoc ipso, Deum quando nimirum pro concessi-

one Spiritus Sancti eum invocant, atque interim diabolicam doctrinam tentant : quocirca etiam juravit Dominus, se istos blasphematores atque tentatores deleturum de facie terræ.

Schola ista prædicta, quam Deus ipse instituit, esse debebat veluti Mater & origo Ecclesiæ suæ Israeliticæ : Vnde etiam tot Sacerdotes, Levitæ, Cantores & Diaconi provenerunt. Illi doctrinam Divinam unà cum Prophetis & politicis sanctionibus in Ecclesiâ Dei : Inde à Moyse usque ad adventum Christi legerunt, docuerunt, & didicerunt, ita quidem, ut etiam ex istis omnibus virtute Dei omnes ipsius creaturas cognoverint plenissimè, & tantam sibi comparaverint sapientiam, qua certò præciverunt futurum, ut Messias verus Dei Filius ex Virgine in Bethlehem Judæ nasceretur : Et postmodum quando natus erat Christus, & suo tempore ad templum ascendit, ibi ille Doctores invenit ac discipulos legentes ac docentes Moysen & Prophetas, absque omni depravatione & corruptelæ mixtura doctrinæ Ethnicæ. Quia autem credere volebant, verum Messiam jam exhibitum esse & legem atque Prophetas in Christo illo præsentem metam ac terminum suum attigisse, idcirco Christus Ecclesiam illam Judaicam in Christianam Ecclesiam transformavit, loco circumcisionis Baptismum instituit, & novas scholas & Doctores introduxit. Atque illi etiam unanimiter contra Ethniconum doctrinam & eorundem Idololatriam sunt concionati, & populum ad solum Christum remiserunt, illum nimirum esse verum Deum cum Patre & Spiritu Sancto, pari Majestate, gloria & potentia : ac humanitatem veram illum peccatorum nostrorum causa assumpsisse, & crucifixum esse pro peccatis nostris, atque hac ratione à morte æterna nos redemisse, tertia quoque die resurrexisse à mortuis, ascendisse in cœlum, sedere ad dextram Dei, unde venturus sit judicare vivos & mortuos. Hæc doctrina tempore duodecim Apostolorum, & post eorum discessum longo tempore, in pleno fuit vigore, explosa omni Ethniconum Doctrinâ & plurimis etiam librorum eorum combustis, donec tandem perversi illi Ethnici, qui etiam ante Christum natum extra Dei Ecclesiam in pretio & Auctoritate fuerunt, rursus sese per libros suos apud Christianos insinuaverunt atque sese ipsis immiscuerunt & venenum suum inter ipsos seminaverunt, ac Sophisticationibus suis multos Christianos à semel agnita & recepta fide Christiana averterunt, atque præterea omnes Christianorum scholas libris suis repleverunt, uti hoc quotidie in oculis omnium hisce nostris temporibus observatur : Tantum enim Satan Ethnicis illis Sophis-

AA. 19.

phismatum technis obtinuit, ut non solum multos Christianos à vera fide seduxerit, Sed insuper etiam illos, qui erant residui, tanto dementiæ malo excæcaverit, ut Ethnicos illos libros in scholis suis ferant, & radices agere permittant ac tantopere illis delectentur, ut persuaderi illis nulla ratione possit, ut tollant illos & summoveant ex scholis, atque veras Dei scholas, sublati illis, aperiant & instituant. Proinde ut error iste abominandus & horrenda obominatio ex Christiana Ecclesia tandem aliquando extirpetur & scholæ ab illis repurgentur, magistratus in illud serio animadvertet, & ludimagistros coget, libros ejusmodi Ethnicos abolere & igne consumere. Quo facto verbum Dei strenuè crescit & firmiter permanebit, non secus ac tempore Pauli factum est in Epheso, ubi libri quàm plurimi comburebantur: Et enim, si quis avertere & summo vere voluerit malum, necesse est, ut causam mali tollat. Si vis, ne infans aliquis cultro lædatur, adimendus erit ei cultellus & removendus. Quando quidem igitur per libros Ethnicos tantum Ecclesiæ Christianæ damnum infertur, meritò omnes Principes debent in id incumbere sedulo, ut primo quoque tempore doctrinam Ethnicorum & libros eorundem ex scholis suis tollant & summoveant, igneque comburant, & severe & sub gravissimæ poenæ comminatione impressionem eorum atque distractionem prohibeant & interdican: Ac præterea etiam cum doctis, peritis ac prudentibus viris consultationem atque deliberationem suscipiant, qua ratione possunt ubique locorum scholæ ad præscriptum mandati Divini institui ac aperiri, in quibus solus timor Dei & præcepta divina unà cum Prophetis, Psalmis, Evangelij ac politicis sanctionibus Moÿsis, doceantur & prælegantur. In illud etiam simul summo studio & accurata diligentia serio animadvertendum est, ne clanculùm & intra privatos parietes rursus venenum illud & Sophisticatio Ethnicorum aliquibus obrepat, atque hac ratione totum negotium vicissim evertat. Hoc modo res ultipossit diabolo, quò minus valeret tantum & tam miserandum malum in Ecclesia Christiana excitare. Etenim omnia ipsius opera sunt inania, nec quicquam aliud somniat, præter solam inanitatem, qua homines à Deo abducit. A quo monitos vos velim, qui estis discipuli. Porro hoc etiam auditu mirum est, quòd Iudæi, Turcæ, Ethnici libros nostros tantopere oderint, ut non solum non legant illos, sed etiam pro scelere & peccato reputent, si quis vel folium saltem aliquod ex illis manu sua apprehendat. Tantopere nimirum illi religionem ac doctrinam suam amant & tu-

entur, nequid Christiani ei admisceatur. Latantur etiam summè, quando audiunt vel vident abominandos suos libros in tanto apud nos pretio & honore esse, adeoque eos non solum publicè in scholis nostris proponi ac disputari ex illis, sed conciones quoque in suggestu ad populum ex ijsdem haberi, sententiasque ac dicta illorum pro nostræ doctrinæ & religionis confirmatione allegari. Vnde iterum hoc maximum malum emergit, quòd, dum per nostram Christianam doctrinam Ethnicos convertere conantur, tamen nihilominus interim, neglectà Dei scholà Ethnicorum scriptis utimur: Illi concludunt, nostram doctrinam omnino falsam, atque suam è diverso veram atque inculpabilem esse. Proinde etiam malunt in confessione sua Ethnica persistere, quàm ad veram Christianam fidem converti, maxime cum nos ipsi etiam, qui Christiani sumus, istorum opinionibus atipilemur atque ita Ethnici efficiamur: Haud cogitantes, quòd Deus impunè ferre hoc istos Ethnicos Christianos non sinet: Quòd si quis voluerit Ethnicos ab Idololatria sua & falsà atque fictitia doctrina ad veram Christianam Ecclesiam convertere, longè alià viâ & modo insistendum erit: Quippe non solum libri ipsorum omnes ex scholis & universa Ecclesia Christiana ejiciendi erunt & comburendi, sed etiam opertebit falsà ipsorum dogmata solidis Christianæ veritatis fundamentis confutare, redarguere & infringere, atque è contra veram amoris ac præceptorum divinorum doctrinam unà cum sacro Sancto Evangelio, constantem & pio Zelo profiteri & concionari. Hac enim ratione demum illi addiscent & intelligent, quis sit Deus Creator, redemptor, protector & salvator noster, & quòd falsà ipsorum doctrina & Idolatria in totum ei displiceat & sit damnata, tum vel maxime etiam, quòd omnes illi qui non sunt Baptizati, neque credunt Iesum Christum esse Filium Dei, nullam in se vitam habeant, sed cum Diabolo sunt condemnandi: Cum è diverso illi, qui in Christum credunt, sint cum eo resurrecturi atque hæreditario jure occupaturi regnum cœlorum, & in omnem æternitatem illud in summa lætitia ac gaudio coram facie Dei possessuri. Id quidem etiam, quòd omnes Christiani summè in votis habent, ut Ethnicis quoque contingat, & at simul cum ipsis regnum Dei obtineant & possideant; si modò verè ad Christianam fidem convertantur. Etenim Evangelium etiam Ethnicis licitè annuntiatur, & aperta est cœli janua omnibus illis, qui ad Christum & regnum ejus convertuntur, atque illud ex animo quærunt. Hinc jam videtis vos Ethnico-Christianorum scholarum patrohi & ludimagistri, quan-



## SECTIONIS PRIMÆ APPENDIX

tum damnum & malum in Christianam Ecclesiam invehatis, dum discipulos vestros in doctrina Ethnica ab ipsis veluti in cunabulis informatis; ac venenum istud veluti præmansum, illis in os ingeritis, quod à vera ac sana doctrina abducuntur: Et quod etiam hac vestra Ethnicorum Scriptorum professione, ansam ipsis Ethnicis præbeatis, quod minus Christianam fidem amplectantur: Sed, ut in cæcitate sua adhuc obstinatiores perseverent. Deus sanguinem eorum, qui sunt seducti atque hominis à salute æterna impediti, interitum, peret & vindicabit ex manibus vestris. An verò etiam non putatis, futurum, ut vos, in iudicio novissimo discipuli vestri, quos à Deo abduxistis, & Ethnici, quos impedivistis, quod minus ad veritatis cognitionem pervenerint, gravissimè sunt accusaturi & suum de vobis conquesturi; illi quidem, quod à verò eos religionis Christianæ tramite, ad avia Ethnicorum seduxeritis; hi verò, quod publica prælectione ac professione Scriptorum Ethnicorum in Scholis vestris, eos in hæresibus suis & erroribus confirmaveritis, & reddideritis tantò obstinatiores, ita quidem, ut solida veritatis Christianæ principia & fundamenta apud vos non audiverint; multo minus fuerint admoniti ad deserendam falsam doctrinam & Idololatriam ac amplectendam veram religionem Christianam, & quærendum in illa Christum Salvatorem. At verò tamen vos nondum hæc ita futura creditis; sed magno vestro malo tandem aliquando nimis vera esse experiemini. Vel an forsam le-

ve vobis videbitur timorem Dei & præcepta divina deserere & falsam Ethnicorum doctrinam consecrari? An ignoratis Ethnicorum numina & idola veros esse diabolos, à quibus illi falsam suam doctrinam, artes, vaticinia & præstigias sunt mutuati? Quid fuerant Apollo, Diana, Iuppiter, quid Sybillæ? Quid scæminæ montanæ, Pygmæi? Quid Dei sylvestres? Quid virgines seu Nymphæ aquaticæ? An non hos omnes in necessitatibus & difficultatibus suis consuluerunt? deserentes interim verum ac unicum Deum, qui tamen vobis omnem gratiam atque misericordiam ultrò offert, quod velit vobis præterita, præsentia & futura; imò verò admiranda & magna mysteria unâ cum Theauris suis aperire & revelare. Et verò tamen nihilominus & vos agitat dementia, ut malitis diabolum & mendacia illius oracula sequi, & consilia ab ijs petere, falsamque & commentitiam illorum doctrinam promovere & tractare, quàm verò & vivo Deo Soli adherere & salvari. An non novistis, illum esse Deum fortem, zelotem, qui non vult honorem suum dare alteri, sed requirit, ut se solum timeamus & præcepta ac sanctiones suas solas observemus, omnesque res Ethnicas atque Idololatricas aversemur, neque ulla ratione Deum alium præter ipsum habeamus & adoremus. Ita videtis omnes vestras actiones atque opera meram esse inanitatem, in qua etiam funditus peribitis, nisi Ethnicæ doctrinæ nuntium miseritis & toto pectore ad Deum & doctrinam ejus fueritis conversi.

**Membrum hujus appendicis secundum, ex libri septimi capite 16.  
Tabulæ Revelationis Majestatis divinæ extrahitur, in quo  
probat, quod quibusdam istius seculi, spiritus sanctus  
conceditur: ubi etiam declaratur, quod miracula  
juxta quorundam mentes non sint penitus  
hisce nostris seculis extincta, & in exilium  
ab hominibus relegata.**

**Q**uamvis essentia spiritus sit eximie lucida & splendida atque ignea: at tamen splendor ille cum luce atque igne suo nullatenus conspicitur, sed latent ista omnia corporeos oculos, ut pote, qui densis tenebris sunt obducti atque impediti; adeò quidem, ut vix Solis splendor penetrare atque illuminare eos valeat, ut possint visibilem hanc lucem perspicere & creaturas Dei contemplari. Et, licet hi sancti in essentia sua sint admodum magni, ac præterea quoque ipsum pellucidum cælum una cum aëre, spiritibus atque Angelis istis omnino sit repletum; nemo tamen mortalium ejus est sanctitatis atque probitatis, vel etiam eo modo reconciliatus cum Deo, ut vel minimum saltem spiritum possit oculorum suorum acie con-

tueri: Cujus rei & mali causa unica tantum sunt, opera illa carnalia atque damnable, quemadmodum injusti, scortatores, adulteri, lascivi & incontinentes Sodomitæ, avari, luxutiosi, blasphemii &c. Ita quoque iisdem nullum penitus Spiritum sanctum aut Angelum in essentia ejus vera videbunt: Et, si forsan etiam alicui contingeret istiusmodi Spiritus essentiam, qualis illa per se est, videre, uti Stephanus essentialiter conspexit Gloriam Dei simul cum Christo Iesu, protinus tamen ille mendacii argueretur & pro incantatore & venefico reputaretur, colludente cum Beelzebub; quin imò etiam omnes illum persequerentur odio infestissimo atque ad postremum quoque lapidarent.

Tanto-

Tantoperé nimirum occaecatus est hic mundus , ut nemo credat , eam à Deo gratiam homini posse exhiberi , ut videat aliquem spiritum : Hæc incredulitas prodit ac indicat falsos Christianos , quorum fides ne magnitudinem grani sinapis exæquat , quin potius nulla prorsus : Pro Christianis tamen hi ipsi ac pro Filis Dei haberi volunt , cum tamen nullam habeant fidem , quæ alicujus sit effectus & viva : ore tantum credunt , nullatenus autem corde , adedque sufficere sibi putant , si ore tantum & labijs suis fidem confiteantur , cum interim sit cor eorum ab illa quàm remotissimum , nec minori ab eo spatio ac intervallo distet , quàm sejungitur Oriens ab occasu . Radicare oportet fidem in corde & pectore , atque exinde sursum succrescere & proferre fructus hominè Christiano dignos . Proinde frustra hi fidem suam jactitant , cum ne minimus quidem fructus fidei in illis deprehendatur . Quisnam ex illis fidei suæ magnitudine & constantiâ restituit proximo suo sanitatem ? Vel quis ipse per eam convaleuit ? Quis visionem aliquam divinam fidei suæ virtute conspexit ? Vel quis etiam , per ejus veritatem ac constantiam memorabile aliquid aut notabile obtinuit ? Prodeat vel unus saltem ex multis millibus millium , atque indicet minimum duntaxat fidei suæ effectum . Sponsionem fecerim ego , nisi omnes sitis dicturi , quod filium Decurionis sanare non potueritis : atque simul interrogaturi , quid nam sit in causa , quod minus volueritis illud præstare : Sed respondebit vobis Dominus , quod impossibilitas illa sit penes incredulitatem vestram : Si non poteritis certò aliquid operari , fidem veram non habetis : Quod si fidem veram non habetis , Christiani non estis : Sin autem non estis Christiani , quid gloriamini de fide Christiana ? Præcludenda sanè esset hæc gloriatio & jactantiæ via , & excommunicandi essetis , donec promissio fieret , vos admissuros atque præcepturos in Scholis Christianis meliorem & pleniorrem fidei informationem .

Quamdiu autem hoc non fit , habendi estis pro Ethnicis incredulis , & ex societate Christiana exterminanda : Ignominia namque Christum afficitis , dum nomen ejus atque fidem profitemini & in mendacijs vestris deprehendimini . Etenim , inde Christi nomen inter Gentiles Blasphemia & convitijs proscinditur , quod fides vestra inanis & mortua , nihil omnino in nomine Iesu præstet aut efficiat . Vos Magistratus , quam curam geritis Scholarum vestrarum ? Quomodò juvenus vestra in fide informatur ? Vbi sunt libri vestri Christiani ? Quaratione proponunt Doctores vestri Moysen , Prophetas & Evangelia una cum Epistolis ? Quando tandem subsequenter fructus at-

que operationes fidei ex doctrina illorum ? Qui fit , ut nullus videatur illius rei effectus ? Profecto Ethnicis atque venenati libri vestri , ac damnabiles Sophisticationes in culpa sunt & impediunt , quod minus possitis edere ullum fidei opus aut fructum . Verum enim verò vos longè aliud habetis , quod respondeatis , asserentes nimirum , non opus esse hoc tempore miraculis , quippe signa illa in Primitiva tantum Ecclesia fuisse necessaria , ut per illa infideles ad Christianam fidem converterentur : illud autem hac nostra ætate non amplius desiderari , sed sufficere , ut fides hominibus per conciones sine miraculis proponatur . Ego verò amici mei , velim ad unum mihi respondeatis : Quid fecit Christus ? Quid Apostoli ejus , dum in hoc mundo sunt peregrinati ? Norme ita est , quod docuerint atque annuntiaverint poenitentiam , & remissionem peccatorum , ac regnum Dei ad vitam æternam per fidem in Iesum Christum ? Quod iidem etiam ægros & corpore & animâ sanaverint , Dæmonia ejecerint , atque ita exemplum posteris reliquerint , quod in docendo populo & sanandis ægrotorum corporibus & animalibus sequerentur ? Vel , an non etiam ablegavit Dominus Apostolos suos in mundum hoc modo ? Ite in mundum universum & Evangelium annuntiate omni creaturæ , qui crediderit & baptizatus erit , salvus erit ; qui verò non crediderit , condemnabitur : Signa autem , quæ consequuntur eos , qui credunt , sunt hæc . In nomine meo ejicient Dæmonia , novis linguis loquentur , serpentes abigent , & , si quod venenum biberint , non nocebit eis , imponent ægrotis manus & sanabuntur . Imò , etiam credentes edent miracula multò majora his , quæ ipse Salvator edidit . Ita etiam Dominus opera sua per internuntios significavit , nimirum , videre cæcos , claudos ambulare , leprosos sanari , surdos audire , surgere mortuos & Evangelium pauperibus annuntiari : ita videris , qualis esse debeat vestra doctrina in Scholis vestris , quid debeant dicere Doctores vestri , & quaratione oporteat eos fidem simul cum fructibus ejus proponere , annuntiare & propagare .

Citra & extra fructus fidei vestræ docere & credere , non alio modo habendum est , quàm illud , quod est Ethnicorum infidelium , qui neque fidem annuntiant , neque fructus fidei operantur . Quinimò etiā vos estis , ipsis Ethnicis peiores & sceleratiores , utpote , qui Gloriamini de fide & nullo tamen facto eam comprobatis : Etenim oportet secundum Dei mandatum conjungi doctrinam & opera : Sed ausit aliquis intra limites vestros accedere ; qui sancte fide sua ægros , qui precibus & jejunijs Dæmonia ejiciat , aliave opera

Marc. 16.  
Luc. 10.

Matth. 11.  
Luc. 7.  
Iai. 61.

## SECTIONIS PRIMÆ, APPENDIX

Christiana expediat : Nonne ita est, quod sitis in continenter asseveraturi, illum esse Samaritanum & habere diabolum, cuius virtute & potentiâ ista omnia perficiat? Quod si verò diabolus hoc præstare potest, quid nam vos potestis? Vel, an efficacior est diabolus, quam fides vestra? Oportet vos per fidem in Christum Iesum eijcere Dæmonia: Sed vos hoc planè invertitis & diabolo illum honorem attribuitis, quod hoc atque illud efficiat, quo quidem ipso ille vos obsidet, & fidem vestram debilitat & labefactat. Egregios verò Christianos! Quando unquam diabolus ullus eijciat alium? Quomodo regnum ejus subsisteret? Quando unquam diabolus ægrotos corpore & anima sanavit? Et siquidem diabolus tam magna præstare potest, ubi est fides vestra Christiana, quam oportebat istiusmodi signis subsequenter commonstrari? Profectò frigidi estis & oscitantes Christiani, nec fidem vestram cassa nuce emerim, utpote per quam nullum penitus effectum valeatis producere. Scholæ vestræ partim Ethnicæ sunt, partim Christianæ, atque hinc omnis mali origo, dum liberos vestros ineptijs illis corrumpitis, quod minus possint verum fidei Christianæ fundamentum assequi & amplecti: Illic Ethnicorum libri & Scientiæ ipsis præleguntur, atque altissimo interim silentio præteritur, qua ratione Deus pro benigna suæ Gratix,

favoris, sapientiæ ac intellectus & Spiritus sancti concessione, sit invocandus, & quomodo dona ista divina una cum fidei confirmatione sint impetranda atque obtinenda; ita ut sanari in efficacissimo illo nomine Iesu Christi omnes morbi, dæmonia eijci, & increduli ad veram Christianam fidem converti possint: Circa hoc occupari oporteret Doctores vestros atque Ludimoderatores. Verum persuaderi isthæc vobis non possunt: Vnde etiam fit, ut ne granum quidem sinapis fide vestra possitis provocare. Quomodo igitur consequemini à Deo oculorum vestrorum illuminationem, qua possitis aliquem Spiritum sanctum, vel Angelum aut ipsum etiam Deum in gloriosa sua essentia videre? Aded nimirum vestris tenebris istis estis excæcati, ut neque diem à nocte, neque verum à falso discernere atque dijudicare possitis, multoque minus cavere vobis à veneno Ethnicorum illo, referto pestiferis diaboli sagittis, quippe quo jam estis tantopere infecti & occupati, ut in cæcitate ista vestra commisceatis sacra cum profanis, & neque Deum neque sanctos ejus in essentia sua cognoscatis aut videatis. Convertimini tandem, repurgate Scholas vestras, corda vestra emundate, invocate in Spiritu sancto, ita demum confirmabitur fides vestra, ut possitis signa edere fidei vestræ & res spirituales conmeri.

Membrum hujus appendicis tertium ex cap. 105. lib. 5. Tabulæ Revelationis Majestatis Divinæ, in quo adversus Peripateticorum de Lapidis Ceraunij creatione agitur.

**M**axima pars hominū adduci nequit, ut credat, ex aëre aliquid in terram decidere ac deiici. Et, siquando ranæ, vacæ ac vituli aliaque miraculosa decidunt, existimant hæc omnia prius subito vi venti in aërem fuisse sublata atque ita postmodum rursus in terram prolabi: Quando vero audiunt, jaculum tonitruī, veluti ex pellucido aliquo Christallo politum, aut etiam Ceraunium lapidem albo, cœruleo, viridi varijsque alijs coloribus cœlitus demitti, quibus ædes, turres, arces, imò & quandoque petrosæ rupes comminuantur, confringantur, & conflagrent, respondent, lapides illos ex subtili pulvere per Solis ardorem sursum elevato, atque in humidis nubes attracto, nasci, & partim oblonga & partim rotunda forma constringi, atque ita concretos, rursus vehementiore calore vires suas in nubes humidis exerente, cum impetu deiici ac deturbari: Hæc nimirum est illa tantopere decantata Philosophia Aristotelica, ut dolendum sit ita futiliter, ineptè ac ridicule, eos de miraculis Dei loqui, dum veræ scientiæ tergum obvertunt, & mendacibus istis somnijs loco veritatis præteruntur & delectantur: adeoque etiam ja-

ctare ac gloriari in illis non erubescunt. Sed durum est, eos ab ineptijs suis avertere, cum tamen scire illos oporteret, lapides istos per Angelos Dei preparari ac desuper immitti. Animalia etiam ista superioribus locis in aqua nasci, uti antea brevibus indicatum est; aërem quoque ipsum & cœlum ex aqua factum atque etiamnum aquam esse: omnesque in terra gemmas & metalla ex aqua oriri & crescere. Sequitur ergo, quod gemmæ & metalla in aëre seu cœlo, ex aqua fieri, & nonnunquam conijci in hæc inferiora, atque ita filices quoque illos aureos aliosque lapides superius in aqua natos, multis in locis desuper ad nos homines in terram deiici, quibus miracula divina revelantur atque Deus in genere humano celebratur. Quamvis autem hæc & alia pro explodenda Ethnicorum doctrina plurimis in locis sapissimè disputentur, proponantur & solidis veritatis fundamentis in coetu Christianorum confirmantur & annuntiantur, nullus tamen inde effectus verè & realiter sequitur. Siquidem etiamnum hac nostra ætate videre licet, qua ratione Ethnicorum libri non solum in omnibus Academijs & Trivialibus scholis, in urbibus

urbibus & oppidis legantur & juventuti inculcentur, sed insuper etiam immensis commentarijs, non sine summa devotione, labore & sudore tam ab Ecclesiasticis, quam secularibus illustrentur: in quibus variè disputatur de immortalitate animæ, ac de ejus essentia & actionibus, alijsque rebus plus quam notorijs, ita tamen, ut nihil inde subsequatur aliud, quam si qua vacca lambendo detergat vitulum, vitulus enim ille tum nihilominus manet. Eodem, inquam, modo se res habet circa istiusmodi glossas & commentaria, ut quamvis multa ad ista Ethnicorum scripta comminiscantur, illa tamen, uti ab initio erant, ita etiam ex post facto maneant venenata ac damnata Ethnicorum doctrina: Atque adeò etiam illi ipsi Doctores reverendi, si Dijs placet, quia sacram scripturam è manibus dimittunt, multoties & integris suis commentis non rectè intelligant aut assequantur, quid sit anima, quid spiritus sanctus & ejus dona, atque ubi Spiritus sanctus habitationem ac scholam suam habeat & exerceat: tantoperè nimirum fatuos illos exagitat Ethnicorum Scriptorum dementia, ut sacram quoque scripturam ex traditis Ethnicorum interpretari, vel rectius de

pravare non erubescant; cum tamen illa non per tenebras Ethnicas, sed per illuminationem tantùm Spiritus sancti sit explicanda. Quis igitur temerarijs istis & nequam hominibus liberos suos committet, ut venenum Ethnicum ab ijs hauriant, atque una cum magistris ac doctoribus suis efficiantur filij perditionis. Veri ac synceri Christiani hoc à Deo mandatum acceperunt, ut Moysen & Prophetas, imò Christum Dominum suum audiant & sequantur. Ab hisce igitur omnes Ethnici Doctores ac discipuli remoti sunt & exclusi, asserente Christo ipso, cum inquit: Qui non est mecum & verbum meum non audit, contra me est, neque discipulus meus est: Qui non colligit mecum, dispergit, qui me non sequitur, non est me dignus. Iam verò Ethnici Doctores nihil horum faciunt: neque enim Moysen audiunt, nec Prophetas, nec Christum: Quod si audiunt eos, contemnunt; discipuli eorum dici non possunt, sed ab ijs seu ex numero eorum sunt exclusi, si ex eorum numero sunt exclusi, non sunt filij Dei, sed impij, si impij sunt, non sunt participes regni coelorum & consequenter à Deo penitus remoti & ejecti sunt.

**Membrum quartum est caput. 78. lib. 7. tabulæ Revelationis  
Majestatis divinæ: quod aëris mysteria, verumque Meteororum contra Peripateticorum mentes explicat.**

**O**Mnia creata sunt per verbum Dei: Proinde quoque omnes res verbo Dei gubernantur moventur & ducuntur. Hoc nolunt admittere sapiētes hujus seculi, sed peculiariter sibi confingunt opinionem, qua statuunt, naturam omnia peragere, & quod natura per causas secundas in tertias operetur, & stultum ex stulto generet: cum tamen ista eorum figmenta & opinationes nihil sint aliud, quam pura putamendacia: Neque enim natura illa in tota rerum Univerſitate existit, quæ aliquid operetur aut producat, sicuti Deus facit, qui omnia Verbo suo creavit, & quam ille cuique creaturæ benedictionem largitus est & attribuit ei, ipsa ob temperat, atque verbo illi ac jussui Divino obsequitur, ac ne latum quidē unguem ab eo discedit. Omnes omnino creaturæ in metis ac terminis obedientiæ divinæ persistunt, homine excepto, qui à Deo recedit, contemnit præcepta ac doctrinam ejus, confingit sibi ipsi Deos, Idola; religionem ac sanctiones sibi peculiares in ædibus sacris constituit, depravat verbum Dei, compellit alios, ut & ipsi ordinationes atque traditiones suas præferant Verbo Dei, sanctos invocent, reliquias sanctorum pro sacris venerentur, orent pro defunctis, sacram atque à Christo institutam coenam sub una tantùm specie administrent, & siquæ sunt alia istius

generis deliria, quæ observantur in dedecus & extenuationem Verbi divini: id tamen, quod firmum nihilominus permanebit & contemtores suos tandem aliquando judicabit. Eodem quoque modo delirant Sapientes mundi seu Philosophi, quippe, qui non concedunt, Deum operari omnia in omnibus, & quod verbum ejus omnia moveat, concitet & conservet, sed naturæ illud suæ ascribunt, prætendentes, Deum operari per media, & quidem per secundas & tertias causas: atque ita delirantes illi sapientes vel ultro intelligere nolunt, quod Deus unicè per verbum suum, non autem per ulla alia media, atque ita etiam nequaquam per istas ab illis allegatas causas, sed in illis tantùm operetur. Primum corpus, nimirum aquam Deus madidum seu humidum per verbum suum creavit, atque hoc ipsum etiamnum hodie post lapsum tot mille annorum humidum manet: Nulla istic videtur causa alia, quæ aquam humectet vel madidam reddat, super & in aqua Deus condidit aërem, ut natet super aquas & impellat ac moveat illas, atque in liquida & fusili illa substantia ipsas conservet. Hoc itidem fit etiamnum hodiè. Cum aëre etiam simul creavit verbo suo Angelos & spiritus, qui in aëre circa directionem tempestatum, pluviae, nivis, grandinis, pruinæ, nubium, fulguris, tonitruui, ignis, Chasmatum,

## SECTIONIS PRIMÆ, APPENDIX

tum, fulminis, aquarum, caloris, frigoris, humiditatis, siccitatis & aliorum id genus quam plurimorum, munus suum ac officium obeant & exequantur. Atque hoc ipsum quoque etiamnum hodie fit in verbo ejus. De hisce omnibus seculares illi sapientes seu Philosophi libros sibi conscribunt mire ineptos, in quibus ne punctum quidem unum, nedum integra litera vera est, sed quicquid ex cerebris eorum in calamum atque inde ulterius in chartam dimanavit, hoc tantum in illis legitur, quod nihil prorsus est aliud, quam purum putum mendacium. Quin imò etiam ipse Spiritus oris in sapientibus istis omnino mendax & falsus est: volunt tamen illi nihilominus sapientes vocari, & conantur alijs persuadere, ut libros suos ante omnia discipulis in Scholis suis proponant, ac probe eos in illis exerceant, quò doctiores inde evadant; consistere namque in illis totum omnium reliquarum artium fundamentum. Attende autem, quàm futiliter de istis jam commemoratis rebus scribant, unde nimirum nubes, pluviae, nix, grando, pruina, calor, frigus, fulgur, lapis Ceraunius, aquarum inundationes & tempestates bonæ ac malæ oriuntur. Profectò, ne ineptiora quidem somnia alicui obvenire possent, quam quibus asini isti res commemoratas de pingunt. Fit autem id unicè inde, quod neque Deum neque Sacrosanctum ejus verbum cognoscunt, atque adeò etiam sacram scripturam contemnunt, neque legunt in illa, sed delirijs suis duntaxat incumbunt, & mendacium mendacio assuunt. Quod si Scripturam sacram eo studio perlegissent, quolibet & volumina sua mendacia evolverunt, vera de aère & tempestatibus invenissent: Quod nimirum non eo modo circa illas sese res habeat, atque illi in libris suis mendacibus de illis scripserunt: Sed, quòd Deus pro hisce jam commemoratis speciebus peculiares suas arcas Thesaurarias habeat, ex quibus ventos ac tempestates producit, & quòd Angelos ac spiritus suos faciat ventos, & flammæ igneas: Quæ quidem omnia si ex Biblijs sacris deprompta & in unum veluti fasciculum colligarentur, uti forsàn aliquando in peculiari libro illorum omnium pro parte delineatio fier, quo vos ardeliones mendaces cum illis vestris figmentis & delirijs fugeretis? Quoniam enim Deus ad varietatem tempestatum inducendam, peculiares suas arcas Thesaurarias habet, & Angelos ac Spiritus, atque inde omnia illa inducit, quæ videmus: quam mirifice nimirum tempestates oriuntur, quam mirabiliter lapis Ceraunius coalescat, qua ratione æstus & frigus generent tonitru, ita, ut ad arces, ædes ac arbores usque illud pertingat, quoniam unquam veritatis prætextu hæc & alia vestra deliria, ô mendaces impudentissimi, contra expressam sacram scripturam probabitur aut defendetis? Nunquam videlicet illud

probare poteritis, ut vel maximè etiam de animarum vestrarum salute agatur, nisi forsàn sacra scriptura falso sit & mendax. Sed illa jam per tot millia annorum examina sustinuit sua, & in actis præteritis fuit comprehensa vera, atque mendacia vestra ac malitias detexit, eaque ratione vos cum libris vestris confudit, ut non magis, quam Pater vester, diabolus in examine potueritis subsistere. Quid igitur jam prodest vobis tot tantaque mendacia effinxisse, descripsisse & publicè inter homines divulgasse? Nimirum, mundo universo risui estis, & ludibrio, nec quicquam magis in votis habetis, quam factum fieri posse infectum. Porro Deus etiam lucem, Solem ac Lunam & stellas, diem & noctem verbo suo creavit, & sua ipsius servitia imposuit, atque propterea etiam illa omnia secundum verbum illud munera sua obeunt. Vbi igitur natura vestra, quæ peragat ista? Nihil planè uspiam est, præter unicum & solum Verbum Dei, quod ista omnia operetur. Orbem terrarum Deus Verbo suo condidit & firmavit; ille igitur etiam in verbo illo firmiter consistit: Vbi ergo natura vestra, quæ globum terrestrem in continua hæc ejus & immota firmitate conservat? Fecit Deus, ut terra omnis generis plantas per semina earundem proferat, hoc omne fecit ille in Verbo Dei. Vbi igitur natura vestra Periparetica, quæ producat ea? Condidit etiam Deus omnia animalia in terris, in aère, in aqua, atque ad postremam etiam hominem ex terra fecit, atque verbo suo Sacrosancto benedictionem illis divinam impertivit, ut crescerent, multiplicarentur, & replerent terram. Hæc omnia quoque Verbum Dei efficaciter inde à mundo condito usque in præsentem horam in hominibus & animalibus quibuscunque est operatum; ita, ut omnigena animalia & homines nati fuerint, creverint & multiplicati repleverint terram: Hoc omne, inquam, operatum est huc usque Verbum Dei in animalibus & hominibus & etiamnum idem operatur. Vbi igitur natura Aristotelica? Proinde nemo non inde per solida veritatis fundamenta intelligit, quòd omnia per Verbum Dei creata sint, & per idem quoque verbum, in indito sibi primitus in creatione cursu dirigantur, gubernantur, moveantur ac ducantur: Pro ut etiam aer in verbo Dei natat, & per constitutos ad hoc Angelos Dei, ducitur, quòd & quomodò Deus vult: Atque ita etiam ex mandato divino per Moysen difficiles tempestates movebantur & concitabantur in Ægypto secundum voluntatem divinam. Etenim Deus solus & præter eum nemo, clavem tenet ac clavum tempestatum, omniumque aliarum rerum & operationum, quibus movet & impellit & horsum retrorsum, pro libito ac placito suo, nec quisquam illi in eo ullum obstaculum, impedimentum aut remoram obijcere potest, nullus etiam

etiam adest illi coadjutor, nulla ibi natura valet, de qua delirantes illi seculares tam multa garriunt ac scribunt, quibus excæcare homines & pellicere eos ad mendaciorum suorum libros conantur, à quibus tamen cavere sibi debent & prospicere filij lucis. Vos inspectores legitimo ordine ac modo efficit, ut libri isti mendaciorum veteres ac recentiores ex scholis vestris tollantur & comburantur, in mandatis date Doctoribus vestris, ut de novo Biblia universa accuratissimo studio evoluant, & omnia, quæ de tempestatibus atque alijs huc usque commemoratis rebus eò pertinentibus in illis deprehenderint, diligentissime cum omnibus circumstantijs inde accersant, in ordinem certum redigant, & verborum sacræ scripturæ convenientium ac aptorum, ornato ritu extendant, explicant, & sacris Textibus Biblicis confirmant: Atque tum postea ea discipulis condecoranter ac debite proponant & inculcent.

Quamvis enim hoc ipsum leve nonnullis videri possit, attamen est illa res ardua ac maximi momenti, & concernit etiam honorem Divinum, ut filij Dei verè & ex fundamentis sciant & intelligant tempestates, atque alias eò spectantes operationes, non motu proprio, aut casu fortuito, neque etiam tali modo inepto, qualem prædicti illi mendaciorum libri illis affingunt; sed ex providentia Divina & Thesaurorum arcis induci & provenire, ac desuper in hunc mundum inferiorem demitti, quò, si quando tempestates periculosa suboriantur, in vocare Deum possint, ut velit illud tempestatis periculum clementer avertere, & loco ejus pluviam benignam largiri, atque insimul etiam fructus terræ, unà cum hominibus & pecoribus ab omni malo defendere, tueri & conservare, ac ut præterea etiam circa hæc omnia considerent alia, quæcunque cedere possunt in honorem Dei.

**Membrum quintum ex cap. 22. lib. 7. Tabulæ revelationis divinæ extractum: In quo Angelorum officia & actus describuntur.**

**P**rimus inter Angelos est magnus ille spiritus, qui immensam & latissime extensam aquam, quæ coelum vocatur distinat atque in sua essentia conservat, omnibusque rebus crescentibus & viventibus mirifice motum tribuit: Secundo loco positi sunt Cherubin, qui custodiunt & observant arborem vitæ: Ita etiam prænuntiant nonnulli res futuras, & docent homines, alij occidunt & repellunt hostes, alij nivem, pluviam, fulgura & tonitrua dimittunt in terram, & sic in cæteris: Omnes tamen simul serviunt Deo, dum voluntatem ejus in rebus omnibus expediunt, in coelis, in aëre, in terra: Atque adeo in omnibus omnino locis, & id quidem etiam varijs ac mirabilibus modis, ut ex scripturis elicere fas est.

Ex cap. 1. lib. 8. Revel. Majest. Div.

Porro sciendum est, quòd per motus aëris omnia illa, quæ in officij sui executione præstat, perficit, quippe, qui per Angelos aëri præstitutos, in verbo Dei Spiritualiter, ordine, & efficaciter concitatur. Eodem quoque modo res omnes spirituales &

corporales inter cælum & terram atque adeo etiam in ipsa terra, per motum peraguntur: Verbum Dei movet Angelos & Spiritus movent aërem, aër movet aquas; aqua sua humiditate radicali res omnes visibiles in terra connectit, & omnigenos terræ fructus in verbo Dei protrudit. Homines & animalia omnia moventur per verbum Dei, ut pote, per quod acceperunt benedictionem, ita ut in motu illo generent, crescant & multiplicentur &c.

Vos Doctores Ethnici Christiani, parum vel omnino etiam non estis solliciti de Sanctis Spiritibus & Angelis, aut, quid illi ex mandato seu verbo divino egerint omni tempore, atque etiamnum agant, sed contenti estis Ethnicis vestris Evangelistis, Prophetis ac Viribus: Vnde non est mirum, si nescitis, an illi aliquid agant & quidnam operentur. Sed sciatis velim cum discipulis vestris, quòd Deus omni tempore inde à principio usque in præsentem horam fuerit per sanctos suos Angelos operatus, &c.

Ex cap. 17. lib. 7.

**Membrum ultimum ex capite 48. lib. 7. & cap. 106. lib. 5. extractum, in quo asperitatem & duritiem ejus in loquendo ad Christianos Ethnicorum discipulos excusat, & optimum finem, ad quem omnes ejus sermones tendunt paucis explicare videtur.**

**D**rum & grane est hæc omnia præscribere, & forsitan etiam tibi multò gravius est ea audire: ac dices haud dubiè, hæc nimis asperè ac duriter scribi & judicari: Scire autem te velim, quòd uni-

versum hoc opus neminem omnino judicet, sed indicet duntaxat, quid evenire possit illi, qui non Deo, sed Diabolo obsequitur, & à quibus rebus, & quomodo, & qua ratione cavere sibi debeant

R

Chri.



## SECTIONIS PRIMÆ, APPENDIX

Christiani, ne incidant in retia diaboli. De quibus omnibus etiam Evangelium, unā cum omnibus Epistolis Apostolicis enuntiat hæc verba: quod adversarius vester diabolus circumeat tanquam leo rugiens, quærens, quem devoret. Finis autem, ad quem tendere debet quilibet Christianus est, ut quærat lucem omnimodè essentialē, at mundani, tenebrosi, & Ethnicæ doctrinæ sectatores non animadvertunt tantam lucem in primo hoc capite Geneseos accensam esse, ac præterea etiam lucis istius splendorem non observant, atque inde præcæcitæ suæ neque Deum neque creaturas suas neque etiam seipsos vident: Idcirco voluit Deus, hanc illis declarationem ad agnoscendum lumen illud præscribi, quod intelligant, quid sibi velit hoc ejus Verbum **FIAT LVX ET FACTA EST LVX.** Quam latè sese hæc lux in loca omnia superiora, inferiora & collateralia extendat, omniaque penetret & illuminet, quo illa ipsa opera Dei, Filijs ejus obvia & in rebus omnibus perspicua & nota fiant & reddantur: sicuti etiam omnia verba hujus capitis primi Geneseos, eo modo sunt luce illa illustrata, ut ad splendore eorum Deus una cum creaturis suis agnosci & apprehendi & in perfectâ cognitione ac scientia retineri possit. Quid debuit Deus ultra facere, quàm ut eos in luce hujus luminis & scientiæ rerum omnium constitueret? Cum ipsi è diverso, omnibus viribus ex lu-

ce illa evadere enitantur & tenebris inhiēt, quibus jam tum sunt collo tenus immersi, indeque ad nullius & ne vel infimæ quidem etiam creaturæ divinæ cognitionem pertingere valeant, ut taceam interim, quod etiam hoc Verbi Divini lumen in totum à se exturbaverint: Quando autem Deus ipsis & universo mundo lumen verbi sui Divini atque aded etiam cognitionem omnium operum suorum prædicto modo accendit, & hanc insuper declarationem præscribit, monere eos hoc ipso vult, ut ex istis suis tenebris tantoperè sibi desideratis, tandem aliquando ad ejus lucem emergant, eaque illuminentur & veram rerum omnium cognitionem adipiscantur, atque unicè illa ad ejus laudem ac honorem & ad ipsorum salutem ac proximi utilitatem pietantur.

Hæc ille: atque permulta ubique sparsim alia adversus artium hujus sæculi incongruentiam, defectum & contaminationem, atque etiam Philosophiæ & Scientiæ Ethnicorum insufficientiam, quæ omnia hoc in loco describere nimis foret longum, & lectori fortasse tædiosum. Sufficit, ut per ista quilibet sagax & mentis compos videre queat, artes & Philosophiam Ethnicorum esse veritati seu sapientiæ sanctæ (quæ est veræ Philosophiæ fundamentum) aded oppositas & ad invicem contradictorias, ac sunt Lux & Tenebræ, Bonum & Malum, ac denique Deus & diabolus.

F I N I S.



PHI-

Fol. 66r


# PHILOSOPHIÆ MOYSAICÆ

## SECTIO SECVNDA

### IN QVA

**Fundamenta radicalia tam Sympathiæ five**  
*attractionis naturalis, aut coitionis concupiscibilis, & consequenter*  
*omnis Magneticæ Curationis, quàm Antipathiæ five odibilis ex-*  
*pulsionis, atque aded cujuslibet morbi & infirmitatis in, fallibili-*  
*bus naturæ rationibus probantur, Philosophorum ac Caba-*  
*listarum Sapientissimorum assertionibus sustinentur, inviolabili*  
*Scripturarum sacrarum Testimonio confirmantur, ac*  
*tandem varijs experiencijs ocularibus*  
*demonstrantur.*

**Gemina fecit Deus omnia, quorum alterum est contrarium alteri, nec**  
*quicquam factum est, quod mancum est. Ecclesiastici cap. 42. vers. 25.*



**Ego Dominus & non est alter formans Lucem, creans tenebras, faciens bonum &**  
*creans malum : Ego Dominus faciens hæc omnia. Isai. 45. 67.*

# SECTIONIS SECUNDÆ CONTENTA.

Primo.	<p>Myſtica Divinitatis entitas capite 1. &amp; 2.          Eterna aëtus lucidi potentiaëque divi-          nae progenies cap. 3.          Abſtruſa &amp; radicalis Animæ mun-          danæ, atque omnium Animarum          particularium origo: cap. 4. &amp; 5.)</p>	Enuclea- tur.
Secundus in duo mem- bra diſtin- guitur, at- que iſto- rum.	Primum.	<p>Primaria Sympathiæ &amp; Antipathiæ          Principia docet. capite. 1.          Quomodo &amp; quibus vehiculis aëtus          contrarij a ſuperioribus ad inferio-          ra descendant. cap. 2. &amp; tertio &amp;          4. oftendit.          Actiones in anima ſeu Spiritu expli-          cat, quæ Sympathiam &amp; Antipa-          thiam producant: cap. 5.</p>
	Secundum	<p>Lapidis magnetici myſterium aperit:          cap. 1. &amp; 2.          Hominis natura in regno Animali,          cum illa magnetis in minerali          comparat, &amp; in quibus conveniunt          quibuſve diſſentiunt explicat: ca-          pite. 3. 4. &amp; 5.          Diabolum nihil certi ſeu Veritatis per          ſe, hoc eſt ſine creaturis Dei præ-          ſtare poſſe, ſed more tantum præ-          ſtigioſo agere demonſtrat. cap. 6.</p>
Sectio hæc ſecunda in tres partitur li- bros, quorum.	Prius.	<p>Virtutes magnetis Animalis, cum illis          magnetis mineralis confert. cap. 1.          Quatuor in Homine mumias deſcri-          bit, earumque operationes more          magnetico variformiter demon-          ſtrat cap. 2.          Actiones Sympatheticas quæ inter res          a Deo creatas fiunt poſt mutuum          contactum ad diſtans, enucleat          cap. 3. &amp; 4.          Arguit, ipſa Vegetabilia, Spiritus          magneticos æquè bene in ſe conti-          nere, ac animalia &amp; mineralia:          cap. 5.          Curationem magneticam probat Ar-          gumentis fide dignis, eſſe natura-          lem &amp; non Cacomagicam. cap. 6.          Myſterium curationis per transplan-          tationem detegit cap. 7.          Secretum in microcoſmo magnetē,          modumque extrahendi illum do-          cet: cap. 8.</p>
Tertius eti- am in duo dividitur membra quorum.	Poſterius.	<p>Effectus tam Antipathiæ quam Sym-          pathiæ vni eidemque Spiritui inef-          ſe poſſe demonſtrat cap. 1.          Quod ſit licitum &amp; admodum ne-          ceſſarium vt myſterium tam Anti-          pathiæ quam Sympathiæ intelliga-          tur a quolibet medico perito, quo          melius malo cacomagico præve-          niat, cap. 2.          Quomodo Sympathia in Antipathiâ          poſſit alterari, docet. cap. 3.</p>

LECTO-

**T**E scire velim (lector doctrinā & pietate ornatē) quodd, ut præcipua sectionis Tractatus hujusce Philosophici prioris intentio sit, creatorem in creaturis idque mente elevata contemplari, ita quidem sectio hac posterior circa admirabilem & arcanam Sympathie & Antipathie tam speculationem, quàm praxin versatur: Quas duas in mundo tam cœlesti, quàm sublunari proprietates oppositissimas, Majestas divina pro suo placito vel ad creaturas amore & concordia conjungendas atque conciliandas, vel ad invicem odio ac livore prosequendas exercet. Observa ideo & enuclea cum diligentia, si placet, abstrusam hujus sectionis secundæ medullam, mysterium profectò omnium profundissimum & intellectu atque observatu difficillimum, ac proinde inquisitione perpensa dignissimum. Principia illa tria Moysaica iterum pro perspicuiori arcani tam profundæ enucleatione, hoc in loco remetire, usque medullam adhuc magis vivam ac essentialē ut addam, me urget necessitas ipsius rei, suadetque animi mei ad tuum intellectum elucidandum cupido: vale.

**LIBER PRIMVS SECTIONIS SECVNDÆ**  
de Sympathia & Antipathia.

Libri hujus primi Argumentum.

**P**ostquam hujus tractatus Author, inquisitione diligenti præeunte, intellexisset, omnē Sympathiam & Antipathiā immediatē à quibusdam differentibus animæ seu Spiritus vivificantis passionibus fuisse oratas; quarum una est concupiscibilis, altera vero irascibilis, & tamen eas ab effectu creaturis tam animalibus & vegetabilibus, quam mineralibus inesse percepisset, ad causam ejusdem rei radicalem invenendam atque dignoscendam desiderio haud minimo incendebatur. Cùm autem secum iterum iterumque reputasset, æternam virtutem (quæ est caput & radix omnium) esse simplicem & absolutam naturam in se, nullam talem in ipsius essentia diversitatem decernere potuit, quatenus ipsa non nisi unica eademque Identitas in se ipsa æternum existit: Nam juxta sacræ Scripturæ intentionem, sicut tenebræ ejus ita & lux ejus. Vnde colligebat, quod binus æqualis effectus, quorum unus est alteri conditione seu dispositione contrarius, debeat necessario à duobus diversis in eadem essentia integra proprietatibus emanare, videlicet ab ejus Noluntate & Voluntate, quarum una per tenebras, altera per lucem exprimitur: Nam, quando mens æterna & lux infinita (in qua revera non sunt tenebræ ullæ) non vult, tunc se à creatione distrahit & in se ipsa reservat, hoc est, reflectit ardorem suum in se ipso, atque ita nihil suæ præsentia lucida aut creat aut informat, sed universam abyssum (quæ in hoc statu in divina potentia dicitur existere) tenebris undique obrutam, informem & splendore vivifico destitutam relinquit. Atque hæc sua negativa seu contractiva actio est perfectus suæ noluntatis Character, cujus effectus generales sunt Tenebræ & privatio: Sed, cùm è regione, abstrusa illa unitas, benignum & salutarem suæ essentia (quæ est voluntatis suæ expressio) radium & splendorem in Chaos seu abyssum deformem emittit, tunc tenebræ & privatio luci & positioni, ut pote vitæ atque formalis existentia actui locum cedere cogantur. Per istiusmodi ergo suæ contemplationis objectum percipiebat, quod actus ille tam voluntatis, quàm noluntatis in unica unitate essentiali continebantur, quæ in se & per se est tota bonitas, & consequenter, quod noluntas in ea sit nihil aliud, quam ejus voluntas: Nam, quatenus ipsa est unum & omnia, ita quidem ejus voluntas & noluntas non est, nisi unica Identitas in ea & tamen omnia & per omnia: Nā, mediante ea, operatur, quicquid vult more tã privativō,

R 3

quam

Phil. 138. II.

Din. 4.

## SECTIONIS SECVNDÆ ARGVMENTVM. LIB. I.

quàm positivo , cùm in cœli virtutibus , tum in habitatoribus terræ: Quare sequitur, quod tenebræ & lux sunt unum & idem in unitate ista Archetypica: Quoniam omne in ipsa est bonum , quatenus ipsa in se est sola & absoluta bonitas : Ad effectivam & informantem lucis emanationē quod spectat, ipsæ profectō apparent creaturis tales, & varias imò verò infinitas huic mundo contrarietates, producere videntur, quæ à mortalibus secundum effectus, quos ex ijs compèriunt, aut bonæ aut malæ æstimātur: Vt cunque Authori videtur evidēs, quod istæ duæ effluxiones seu extensiones contrariæ in effectū ab una eadēque æternitate essentiali procedentes, fuissent rerum omniam principia, quatenus Chaos obscurum à suis visceribus aquas præsentia lucis edebat, quæ erant unica illa materia , à qua cœli & terra, ac consequenter integer mundus erant facta : Nam vivifica æternæ lucis emanatio eis formam, figuram, virtutem & motionem impertivit : Hisce ergo ab Authore serio consideratis ratio ipsius protinus eum informavit, mundum fuisse ex materia seu subjecto dispositioni contrario compactum atque fabricatum: Non est enim possibile, ut parentes naturā ab invicem dissentientes , proles sibi conditione & naturā consentientes & concordantes pariant : & tamen hujusmodi erat Creatoris voluntas , quod istæ duæ proprietates , quasi toni dissonantes , in unisoni sive unitatis unionem quasi ad suam ipsius imaginem per inviolabile Spiritus æterni amoris & concordiaē vinculum colligari deberent , ut exinde materia, quæ est aquarum tenebrosarum substantia , loco foeminæ , formali & masculinæ emanationi, sive Spiritui illuminanti ab unitate emisso , interserviret: Quo tandem Triunum Typicum , ex dualitate sive unitatum confusione ad imaginem Archetypi statueretur, qui merè Spiritualis existens, fuit vita æterna illa radicalis & mundi essentia , quæ erat sine principio: Atque ob istam rationem necesse est, ut mundus, quippe ad imaginem Archetypi creatus ; animā Catholicā fruatur , qua mediante agere & vivere potest ad exemplar ipsius , à quo tum forma tum materia ejus derivantur, & per consequens opus est , ut binis Prædictis proprietatibus, nimirum illa Voluntatis & Noluntatis induatur: Hinc ergo animadvertit author, quod, cùm internus, Tum externus Typus , seu mundus Typicus debeat necessario contrarijs passionibus atque alterationibus subijci , quæ à binis illis in unitate Archetypica proprietatibus oriuntur : Nimirum , quandoque anima ejus est apta ad dispositionem tenebrosam & privativam, sequendo in ista sua proprietate naturam aquarum , quæ sunt Tenebræ Abyssī. sive chaos informis soboles, in quam potentia divina habet Dominium : Atque hoc statu videtur induere Noluntatis in unitate Characterem , & quandoque ipsa affectat & imitatur actionem & proprietatem lucis quæ ab æterno unitatis fonte emanat : Atque in hoc statu videtur manifestè agere, informare & quasi velle, seu positivam & lucidam induere naturam , & per consequens sigillo seu impressione voluntatis in unitate obsignari. Atque hic est efficax ille voluntatis sacræ effectus: Nam , videbatur Authori , quod , quatenus totus mundus esset ex duabus proprietatibus contrarijs conflatus, nimirum ex luce formali & materia humida obscura, debet consequenter sequi, quod Catholica in mundo anima, seu Spiritus ejusdem , generaliter vivificans , & per consequens quælibet particularis existentia formalis, quæ ab anima Catholica derivatur non aliter , quàm radij infiniti ab unico sole , passionibus & alterationibus conditione oppositis sit obnoxia seu subjecta. Hinc ergo oritur illa assidua amicitia & inimicitia , quæ observatur esse inter bonos Angelos & Spiritus malos. Hinc quotidianæ illæ mutationes & variationes , tam amabiles , quàm odibiles , quæ rarioris varietatis influentiarum vel convenientium vel ab invicem discordantium tam

in coelo æthereo, quàm elementari eveniunt, Hinc effectus illi contrarij procedunt, qui à ventis tum loco tum conditione oppositis vel natura convenientibus in Elementum Sublunare Catholicum expirantur: Vnde tam concordia, quàm discordia cum diversitate multifor- mi meteororum in eo producuntur. Hinc est affectionum multiplicitas, dispositionum oppositio, Spirituum passiones, &, ut verbodicam, sympathya & Antipathyia illa, quæ observatur esse inter creaturas tam simplices, quàm compositas five sint animales, vegetabiles aut minerales, Concludit igitur Author hisce fundamentis statuminatus, quod sit æquum & justum hisce duorum excellentissimorum Philosophorum Heracliti & Empedoclis de hac re opinionibus astipulari, quarum una est, quod omnia fiant per litem & inimicitiam, hoc est ex Inimicitia & Amicitia: Altera, quod ex quatuor Elementis & ex amicitia & lite composita sit anima. Hinc inde arguens contrariam illam dispositionem, quæ est inter Spiritum aqueum seu naturam humidam mundi, & clarum mentis lucidæ radium, respectu eorum originis: Nam, per litem intelligit tam contentionem Spiritualem, quàm corporalem, respectu scilicet illius potentiaë five fortitudinis contrariae: quæ est inter formalem & omnia informantem lucem & Tenebrosam materiam, tam ratione corporis in actione corruptionis, quando anima parata est ab eo discedere, quàm in Antipathetica seu irascibili passione respectu animæ, in qua Spiritus laborat & præter naturaliter patitur. Atque hæ prædictorum Philosophorum opiniones non videntur à sensu sapientis discrepare, qui dicit, quòd Deus gemina fecerit omnia, quorum alterum est contrarium alteri, nec quicquam factum est, quod mancum est.

Eccles. 42.25.

## CAPVT. I.

*In hoc capite demonstratur, quòd Deus sit pura, simplicissima  
& Catholica illa unitas, quæ numerum & multitudinem omnem in se comprehendit.*

**V**T nemo est, ut cunque Mathematicæ perfectionis sphaera exaltatus, aut profundè in mysticis Arithmeticæ abstrusæ visceribus immersus, qui agili maturioris sui intellectus intuitu, rem aliquam observare aut discernere potest, quæ sibi vel ordine vel antiquitate locum ante unitatem meritò vendicare queat, (unde unitas à Philosophorum sapientissimis agnoscitur esse principium & radix omnium numerorum & multitudinis) ita quidem quilibet sibi constans negare non potest, quin, quòd radicalis ista identitas, ut in pura & simplici sua natura consideratur, ab ulla dimensione quantitativa limitari, aut in numero aliquo includi five comprehendi, aut in portiones distinctas dividi, aut substantiâ aliquâ seu Entitate definiri ne queat. Atque hinc à sapientibus concluditur, quòd unitas sit antiquissimum & maximè radicale rerum omnium principium, ut pote, quæ comprehendit in se omnes substantias, quantitates & qualitates, non aliter, quàm punctus in Geometria, in nuda & simplici sua essentia consideratus, observatur esse indivisibilis, quippe, quid vix perceptibile & quæsi nihil determinabile: Et tamen punctus agnoscitur à Mathematicis

esse radix infallibilis, non modò lineæ cujlibet Geometricæ, verùm etiam omnium aliarum continuatarum in Mathesi & Physica dimensionum, quatenus ipse omnes in se comprehendit magnitudines & à nullo comprehenditur.

Ita duo dimensionum quarumcunque Principia, quatenus ordine & tempore omnia alia in rerum natura præcedebant & excellabant, Mathematici experti invenerunt, ad imitationem Typicam five imaginem internissimi, centralissimi & abstrusissimi in divinitate puncti, five unitatis splendidissimæ in eodem statu manentis, quo ante mundi creationem extitit, nimirum, quando se ipsam in se occultam & secretam, hoc est ab omni creationis actu reservavit: Ita, ut in ista hujusce existentiaë unitatis conditione, nec pro Deo haberi potuerit, quatenus ipsa ad huc nullam creatione produxit creaturam, à qua pro Deo coleretur, nec pro Patre ritè haberi potuit, quoniam nullum ad huc filium five Archetypum five Typicum genuisse apparebat, nec pro summo bono æstimari videbatur, quatenus abyssus tenebris ad huc obruta, seu hyle deformata, de lucidâ & vivificâ ipsius bonitate nondum participaret: Nam,

R 4

adhuc



## SECTIONIS SECVNDÆ, LIB. I.

adhuc vacua erat & inanis : neque dicenda erat pulchra & formosa , quia pulchritudinis suæ radios nondum cum creatura communicaverat : Nec directè æternitas vocari debebat , quoniam in isto suo statu abscondito , humanæ capacitati comparebat non omnino existere ; imò verò pro nihilo æstimari & per consequens nullum habere aut cum æternitate , aut ævialitate , aut temporalitate , commercium . Porro etiam nomen Principij in tali conditione sibi vendicare non potuit , quoniam nullum adhuc ad rem aliquam creandam habuit relationem , adeò erat occultata & obscurata à mortalium apprehensione & in ipsius ordine & antiquitate adeò incognita , atque etiam tam inscrutabilis & incomprehensibilis in sua essentia , ut nullo modo aut pro substantia aut quantitate aut qualitate concludi potuisset , sed potius pro quodam Ente Transcendente , in se ipso solummodò reservato atque consistente ; nullum habens principium seu radicem , à qua extraheretur : in cujus nihilominus divina potentia , quasi in loco continente sine fine & termino omnia , quæ jam explicitè apparent , complicitè continebantur : tameti exilis mortalium capacitatis respectu , pro Nihilo æstimabantur . Atque ob istam rationem , nonnulli in veræ sapientiæ legibus versati , monumentis eorum æternis , reliquerunt , quòd Mytica hæc unitas , cum esset . Tenebrose abyssus nebulis involuta & quasi vacua

atque otiosa maneret , pro Nihilo habebatur . Non ens non finis . Quoniam tenuitas & paupertas capacitatis ingenij humani in rerum divinarum consideratione est talis , ut soleat ea imaginari & judicare non omnino esse , quæ non apparent oculis : Propter hanc causam turbæ Cabalisticæ præstantiores , istam radicalem unitatem in sua abstrusa & occulta conditione Aleph Tenebrosam diciturunt , quæ litera Hebraica recipitur inter Iudæorum Doctores vel Rabinos , pro figura unitatis in Arithmetica , & per consequens intelligitur Hieroglyphicè pro Deo , in absoluta sua natura Monadica , quatenus nimirum in se sola videtur esse sine ullo emanationis signo contracta : In quo quidem statu Mercurius Trisnegistus ipsam in verbis his describit : Monas ( ait ) ante mundi exordium sibi ipsi & non alijs reluxit : Et alibi planius : Erat umbra infinita in Abyssu aqua insuper , & spiritus tenuis intellectualis per divinam potentiam in Chaos inerat . Et Moyses : Tenebræ fuerunt super faciem Abyssus . Quibus sapientes licet de longè discernere queant , quid esset potentia divina , priusquam creatura ulla è tenebroso Chao explicitè apparebat , atque etiam de facili concipere possunt , quòd nam esset radicale tenebrarum principium , videlicet radiorum actualium lucis æternæ in lucida ista unitate , in qua non sunt tenebræ ullæ , retentio sive occultatio : ita , ut Tenebræ Originales

pro Nihilo alio haberi queant , quam mera lucidæ à radicali unitate emanationis absentia , quæ est omnis actionis fons & origo , neque etiam potest lux illa vivificationis divina adesse vel emanare , ubi voluntas illius simplicis & absolutæ in unitate absentia est negativa : Hinc ergo ex necessitate sequitur , quòd tenebræ essent super faciem abyssus , & quòd terra esset vacua & inanis seu informis , antequam essentia divina emicabat & ferebatur super aquas : & , quòd tenebræ essent factæ otij atque quietis Tabernaculum : quoniam , ubi actus divinus , seu sacra emanatio abest , vel saltem agere & radios suos emittere non vult , omnia dicuntur in potentia manere , & consequenter sine actuali virtute , hoc est , quasi mortua & immobilia existere : & , quòd durante potentia privativæ dominio proprietatis frigoris & stupiditatis sit in vigore , quoniam calor à motu generatur , & motus est quid à luce inseparabile : & lux ista radicem suam habet in unitate lucida , quæ ob hanc rationem luminis Pater dicitur . Quare sequitur , quòd divina ista essentia in hoc statu contrahit & retinet seipsam in se : & tunc Chaos obscurum in divina potentia reservatum , debet motu & calore privari : & quòd sit ad densitatem & inspissationem ratione dominij frigoris inclinatum : Et quòd sit privationis fundamentum & consequenter vitæ & creaturarum essentia inimica , quatenus natura ejus actui , motui , & calori , qui sunt divinæ emanationis ministri est opposita , & per consequens est mortis , corruptionis & deformitatis origo .

Concludimus igitur , quòd , ut lux sit vitæ , positionis , motionis & voluntatis divinæ in sua revelata natura initium , sic etiam tenebræ primordiales sunt caput & scaturigo mortis , inanitatis , privationis , quietis ac denique noluntatis divinæ essentia : Atque hinc testantur scripturæ sacræ , quòd quando Deo salutare sui vultus radios creaturis emittere placet , ipsæ recreantur bono & vita : at quando in parte abscondit faciem suam lucidam , tunc ægrotant & conturbantur , sed si totaliter auferat vitæ aspectum , immediatè expirant & moriuntur . Hinc etiam Moyses : Deus malos relinquit & abscondit faciem suam ab ijs , ut obveniant ijs mala multa . Et David alibi : quousque abscondis vultum tuum à me ? exilata me vultu tuo , visitatio tua conservat spiritum meum . Quibus patet , quòd essentia hæc divina actionem suæ noluntatis & voluntatis tam post ejus mundi creationem , quàm ante illam observet : in quorū priori detinere solet vitam à creatura mediante privationis actu , in posteriori imperit ei vitam , eamque præservat : Nam per proprietatem suam rarefactivam creavit atque vivificavit mundum & omnia , quæ in mundo sunt .

Genclm. lib. 3.  
de Re. Cabal.

Finand. 12.  
Finand. 3.

Gen. I.

Psalm. 104. 29.  
Deuter. 31. 17.

Psalm. 13. 1.

## CAPVT. II.

*In quo probatur, quod omnia fuerant complicité & Idealiter  
in Deo & ex Deo, priusquam explicité aliquid  
compareret aut factum esset.*

**S**Tatum & existendi modum unitatis  
Sæternæ, priusquam aliquid erat creatū,  
secundum exiguum Ingenij mei validita-  
tem; simul atque effectus, quos in poten-  
tiali seu informi rerum omnium subiecto  
produxit, satis manifeste in præcedentibus  
explicavi: atque etiam ibidem expressi,  
quod omnia in eo statu essent complicité  
& occulte in omnipotente & incompre-  
hensibili divinæ perfectionis puncto com-  
prehensa, in qua eorum conditione mane-  
bant & existebant quasi Nihil, quoad nos:  
quatenus nulla forma (cujus est assignare  
rebus nomen & esse) erat induta, atque  
ided in statu informis virtutis hujus, respec-  
tu nostrum, existentia, sapientes ipsam  
vocaverunt potentiam Divinam: Sed, ut  
hoc totum, Autoritate sacra clarius con-  
firmare queamus: Apostolus ait: Ex ipso,  
per ipsum & in ipso sunt omnia. Et alibi:  
Omnia sunt ex Deo. Et alibi: Vnus Pater  
omnium, qui super omnes, & per omnia  
& in omnibus nobis. Atque iterum: Om-  
nia per ipsum & in ipso creata sunt, & ip-  
se est ante omnes & omnia in ipso con-  
stant. Et alibi: ipse est omnia in omni-  
bus. Et Syriachus: diximus multa, nec ta-  
men assecuti sumus: summa dictorum est,  
ipsum esse omnia. Hisce sacris Poëtæ viden-  
tur convenire dicentes: Iupiter est, quod-  
cunque vides, quocunque moveris. Et:  
omnia Iovis plena &c: Quibus facillimè  
est colligendum, quod Deus genuerit,  
produxerit, fecerit & creaverit nihil, quod  
non esset æternaliter ex seipso & in seip-  
so; ita, ut ab ipso omnia emanarint & pro-  
cesserint, nimirum ex abscondito in mani-  
festum, ex incognito in cognitum ex Sim-  
plicitate pura & Archetypica in similitudi-  
nem Typicam, ex fonte in mare, & ex pun-  
cto in circulum: illud sagacis Philosophi  
verificando: Deus est omnium centrum,  
cujus circumferentia est nullibi: vel, ut alij  
volunt, ipse est centrum & circumferen-  
tia: Hinc ergo mihi liceat inferre, quod  
omne genitum, principiatū, creatum, pro-  
ductum, separatim venit ab ingenito infi-  
nito, incipiente, improducto, in separato,  
uno: Omne inferius ex superiori, omne  
corporale ex spirituali, omne visibile ex in-  
visibili, omne temporale ex ævo, omne ævia-  
le ex æterno. Hinc sicut Deus dicitur, quod  
ex ipso & per ipsum & in ipso sunt omnia,  
ita etiam dicitur, quod ipse super omnia &  
per omnia & in omnibus: Sequitur ergo  
consideratio per egressum & descensum  
universi, vel quasi per progressum à cen-  
tro versus circumferentiam. In Deo omnia  
erant, nihil nisi merè Deus, ex Deo omnia

veniebant in principiū, & tum omnia erant  
nil nisi merè principium, manente tamen  
Deo in se ipso. Ex principio omnia proce-  
debant in Verbū, & tum omnia nihil erant,  
nisi merè Verbū, manente tamen principio.  
Ex verbo omnia procedebant in Spiritum  
Domini, & tum nihil erant, nisi merè Spiri-  
tus Domini, manente tamē Verbo. Ex Spi-  
ritu Domini omnia procedebant in aquas  
scilicet superiores & tum omnia nihil erāt,  
nisi merè aquæ, manente tamen Spiritu Do-  
mini. Ex aquis superioribus omnia descen-  
derunt in aquas inferiores, & tum omnia  
nihil erant, nisi merè aquæ inferiores, ma-  
nentibus tamen superioribus: Ex aquis in-  
ferioribus, quasi Elemento Catholico qua-  
driformiter alterato & astris invisibilibus  
omnia procedunt in corpora visibilia &  
tunc omnia nihil sunt, nisi merè corpora vi-  
sibilia, manētibus tamē Elementis & astris  
invisibilibus. Tandem explicatis atque ab-  
solutis hisce omnibus totum universum in  
quintum esse, hoc est, in hominem est con-  
tractū, ubi omnia nihil aliud sunt, nisi merè  
homo, salvo tamē & integro manente Uni-  
verso: sic postremus omnium existit homo,  
qui habet & gerit in se omnia, & est omnia,  
quippe, qui essentialiter est imago ejus, qui  
erat prior omnibus, qui est benedictus  
Deus, qui erat omnia, qui fudit omnia, &  
qui in hominem concludit omnia. Quod  
quidem totum testimonio sancto & Caba-  
listarū assertionibus confirmare possumus:  
Nā in scripturis habemus, quod Deus om-  
nium fons creaverit tenebras, & quod hæc  
tenebrosa abyssus esset principiū informe,  
quod complicité comprehendebat in se om-  
nia: & quod Verbū illud, esset in principio,  
atque iterum, quod Verbum hoc ē tenebris  
egressū esset: Et, quod Spiritus Domini fere-  
batur super aquas, quæ apparebāt ex Tene-  
brozæ abyssi visceribus. Et quod omnia in  
principio essent aquæ, luminoso tamē spiri-  
tus vigore non extincto: Et, quod hæc aquæ  
essent in superiores & inferiores divisæ, sed  
prima creationis vis in illis superioribus pa-  
tebat, cū coelum Empyreum esset ante  
Elementū sublunare creatū: Tunc ex aqua-  
rum superiorū cum spiritu lucido, quo cœli  
erant ornatī, aquæ inferiores essent forma-  
tæ & ordinatæ: Nam inferiora reguntur à  
superioribus. Denique omnia composita ex  
aquis inferioribus mediantibus astris invisi-  
bilibus ab aquis superioribus emissis creata  
sunt, ac tandē omnium perfectio Adam ad  
imaginē Dei est factus compendium totius  
mundi in se habens, Hermes hæc: Pimander  
mens divinæ potentia mutavit formam &  
universa subitò revelavit: Cernebam enim  
omnia

Rom. II. 36.  
I. Cor. II. 12.  
Ephes. 4. 6.  
Coloss. I. 14.  
Coloss. 3. 11.  
Ecclesi.

Isai. 45. 7.  
Sap. 11. 18.  
Ioh. I.  
Gen. 1.

Ad Asclep.

## SECTIONIS SECVNDÆ, LIB. I.

omnia in lumen conversa suave nimium atque jucundum, quod intuentem me mirificè oblectabat: Paulo post umbra quædam horrenda, obliqua revolutione subter labebatur, in humidamque naturam migrabat, ineffabili tum vultu exagitata, unde fumus magnus in sonitum erumpebat. Et sonitu vox egrediebatur, quam ego luminis vocem exultimabam, ex luminis voce Verbum factum prodijt: verum hoc naturæ humidæ astans, eam fovebat; ex humidæ autem naturæ visceribus syncerus ac levis ignis protinus evolans, altâ petit, aër quoque levis spiritu parens mediam regionem inter ignem & aquam sortiebatur, terra verò & aqua sic invicem commixta jacebant, ut terræ facies aquâ obruta nusquam pateret. Terra postmodum animantia, quæ intus habuerat, peperit: At Pater omnium intellectus, vita & fulgor existens, hominem sibi similem procreavit &c: Quibus arguit, quodd Deus seu mens divina in unitate sua simplici esset potentia divina, & sic in Deo omnia erant nil nisi verè Deus. Tunc mutavit se in principium Tenebrosum, & tunc omnia nihil aliud erant, quam principium Tenebrosum, quippe cui omnia inerant cōplicité, manente tamen Deo, tunc emanatio lucida est facta, qua, fugatis tenebris ex principio Verbum factum est, & tunc omnia nihil erant nisi Verbum, manente tamē principio. Ex verbo omnia procedebant in Spiritum Domini, & tunc erant nihil nisi merus Spiritus Domini & sic in cæteris. Porro etiā scriptum est in libro Bahir: Nihil est principium, nisi sapientia, hæc cum sit in abyssu tenebrarum retracta & immanens quasi otiosa, vel (ut ajunt) ad nihil respiciens, idcirco dicitur Ain. Nihil. Non ens & non finis; quia nos tam tenui erga res divinas ingenij paupertate mulctati, de ijs, quæ non apparent haud secus atque de ijs, quæ non sunt, judicamus: At, ubi se ostenderit, quodd sit aliquid & revera subsistas; tunc Aleph tenebrosum in Aleph lucidum convertitur: sive Aleph magnum, quando exire cupit & apparere omnium rerum causa, per Beth proximè sequentem litteram & nominatur אב Ab. id est, Pater omnis generationis & productionis; facit enim res omnes. Hæc ille: Vnde liquet, quodd illa digressio sit consensu tam scripturæ sacræ, quàm Philosophi & Cabalistæ sapientissimorum. Si autem more retrogrado, à circumferentia rerum in centrale earum punctum quasi à terra in summum cælum ascendere velimus, cum hominē incipiendum putamus, utpote qui erat ultimus atque infimus scalæ superioris gradus, per quam à cœlo in terram demonstratione à priori, & quasi ab Alpha ad Omega descendimus: atque ita demonstratione quasi à posteriori & quasi ab Omega ad Alpha procedemus in hunc modum: Eva, Mater omnium viventium non ex absolute nihilo facta est, sed essentialiter ex Adamo,

qui dicit: hoc os ex ossibus meis, & caro ex carne mea: & antequam Eva extraheretur ex Adamo, tunc quidem in Adamo nihil erat, nisi ipsissimus Adam, qui erat microcosmus & complicatio totius universi. Adam microcosmus non ex nihilo factus est, id est, non ex seipso, nec per se ipsum, sed ex Macrocosmo, mundo majori: & antequam extraheretur inque proprium esse veniret, tum ipse in macrocosmo nihil aliud erat, quam ipsissimus macrocosmus seu mundus major. Macrocosmus non ex mere & absolute Nihilo est factus, sed ex aquis superioribus, hoc est ex mundo Angelico extitit, & antequam hoc fieret, mundus major in superioribus aquis nihil aliud erat, nisi ipsissimæ aquæ superiores, vel ipsissimus mundus Angelicus. Mundus Angelicus seu aquæ superiores non ex nihilo extiterunt, sed ex spiritu Domini, qui eas ex se ipso effudit & super eas ferebatur, & antequam hæc effusio fieret, omnes aquæ superiores vel Angelicæ substantiæ in Spiritu Domini nihil aliud erant, nisi ipsissimus spiritus Domini, sine omni distinctione aut multitudine: Spiritus Domini non ex nihilo venit, sed ex ipsissimo verbo ex ore primogeniti prolato, & antequam Spiritus Domini distingueretur seu procederet ex verbo in proprium esse seu personam, tum ipse in filio & cum filio nihil aliud erat, nisi filius sine ulla distinctione aut multitudine. Verbum sive Filius non ex Nihilo venit, hoc est, non ex seipso, sed ex principio juxta illud: Verbum erat in Principio: Et antequam hoc verbum ex principio in propriam personam nasceretur, tunc ipsum verbū in principio nihil aliud erat, nisi principium, in & cum principio essentialiter unū, sine distinctione aut multitudine. Principium verò, in quo erat Verbum non ex nihilo, neque ex seipso ortum est, sed ex Deo: Ex ore enim Altissimi prodijt, & antequam prodiret, tum principium in Deo nihil aliud erat, quàm ipsissimus Deus essentialiter, æternaliter & simplicissimè unum & idem sine distinctione. Sic Deus, omnium unitas, omnia ab æterno in se habuit, & ipse, ut est in se unum, ita etiam fuit omnia, ita tamē, ut ipsemet in se manserit absque mutatione aut diminutione sui ipsius. Atque ita omnia ab initio produxit & quodlibet in proprio esse distinxit ipse, nihil negotij habens cum Negativo ullo Nihilo, cujus supra mentionem fecimus, cum ipse in se sit unum, seu unitas illa æterna, omnia cōplicité in se comprehendens, & per consequens est fons & origo, à qua omnia tam ævialia & temporalia procedunt & in sua essentia consistunt: Non aliter, quàm omnes numeri Arithmeticæ procedunt seu emanant ab unitate & in unitate comprehenduntur: Nam, utcumque largè se extendit numerus, semper habet unitatem ad ipsum incipiendum, atque ad ipsum pariter concludendum, & rei veritate nihil præter unitatē habet

habet ad partes ipsius interiores constituendas. Sed pro meliori vestra instructione per diligentem in numeros Cossicos inspectionem observare possitis, quomodo Divina & centralis atque essentialis hæc unitas omnes creaturas tam ante, quam post earum creationem in se ipsa comprehendat: Nam scire debemus, quod sit nihil in hoc mundo, quod non est aut radix, aut quadratum, aut Cubus, aut aliqua alia figura existis composita: Radix repræsentat principium omnium proportionum sive magnitudinum Cossicarum, quadratum designat figuram simplicem & Spiritualiter Principiatam, quæ creatur seu efficitur ex Radicis multiplicatione; Cubus autem ex quadrati seu figuræ principiatæ augmentatione in sua radice conflatur: Vnde videre licet quod integrum corpus cubicum & consequenter ipsum quadratum in radice contineatur, & in conclusione est nihil aliud, quam ipsa radix in se & à se ipsa multiplicata: Sed, ut ista mea demonstratio propius adhuc ad intellectus vestri intuitum accedat, suadeo, naturam & proprietatem divinæ istius Monadis seu unitatis accuratiori paulò diligentia consideretis, nimirum, ut ipsa, in simplici & sincera sua existentia se habet, tunc ipsam in mundo typico sine ulla à punctuali seu centrali sua profunditate egressu, tres prædictas dimensiones cossicas in se complicitè, & consequenter omnes alias res, quas jam per creationem explicite produxit continere deprehendetis. Atque hoc lucide per istam Arithmeticam demonstrationem probatur: Nam si unitatem in se ipsa & per se ipsam, tanquam radicem explicaverimus, nihil præter se ipsam pro quadrato producet, quod iterum in se ipsa, multiplicando solummodò se ipsam, loco cubi proferet, nimirum meram unitatem, ita ut radicem, quadratum, & cubum nihil nisi unum & idem invenietis: Vnde evidens est, quod tamen habeamus hic tres unius puncti ramos, qui videntur in formali sua progressionem differre (intelligo radicem, quadratum & cubum) tamen in veritate essentiali, non est, nisi ista realis & radicalis unitas sive identitas, in qua res omnes manent potentialiter seu complicitè, idque more abstrusissimo: Et, ob hanc rationem sapiens ait: Deo omnia

sunt cognita, antequam crearentur. Et Esdras: Dei potentia ante omnia creata finis & initium omnium est. Et Hermes. Ex uno principio cuncta dependent, principium ex uno solo, & principium movetur, ut rursus extet principium, ipsum tamen unum præstat, nec recedit ab unitate: Hoc idem etiam intimare videntur ista Salvatoris verba: Ego & Pater unum sumus, Pater in me & ego in Patre & Pater in me manens ipse facit omnia. Etiam in hunc sensum videtur Hermes loqui de Archetypa mundi structura, ad cuius imaginem mundus iste typicus erat formatus: Quare cum alibi visibilem Dei filium vocat: Monas (ait) generat Monadem & in se ipsum reflexit ardorem. Quibus verbis arguere videtur, mundum Typicum complicitè in mundo Archetypo (Deo sic volente) fuisse descriptum, quem tum postea explicite depinxit. Quibus liquet, quod mundus iste sit factus ad imaginem mundi Archetypi. Sed ni aliqui captiosi, in istam meam opinionem invehentes, exceptionem contra istam meam opinionem caperent, allegantes eam Antiquorum Ecclesiæ, Patrum consensui omnimodè contradicere, ego hoc in loco nonnullos ipsorum de hac re sententias explicabo. Ait D. Augustinus: Ideæ sunt formæ æternæ & incommutabiles in mente divina. Scotus dicit, quod sint res objectivæ, cognitæ ab intellectu divino: At nihil est in Deo, quod non est Deus, quoniam Deitas non est nisi unus idemque spiritus: Vnde sequitur, quod Ideæ in Deo, tametsi secundum varia divinitatis placita sunt plurimæ (nam homo factus est uno modo, & equus alio &c.) tamen omnia sunt non nisi unum in Deo, ut D. Augustinus videtur alibi loculentius in his verbis confirmare. Primus & summus intellectus est ars quædam Omnipotentis atque Sapientis Dei, plena omnium rationum viventium incommutabilium, & omnes unum in ea, sicut ipsa unum de uno cum quo unum. Et alibi ait: Tu es Deus meus & Dominus omnium, quæ creasti & apud te omnium stabilium sunt causæ & omnium mutabilium, Apud te immutabiles manent originæ, & omnium rationabilium, & irrationalium atque temporalium semper vivunt rationes: Et Boetius habet hæc.

*Tu cuncta superno*

*Ducis ab exemplo, pulchrum fabricamus ipse.*

*Mundum mente gerens, similique imagine formas.*

Denique Anselmus modum & progressionem cujuscunque rei exemplaris à fonte Ideali quam doctissime sic exprimit: Forma rei, ait, Artificis est Archetypa & veritas, & dum à potentia in actum producit motus est, in materia, verò jam producta est similitudo & imago, atque hac de causâ Odo Abbas ille doctissimus ait: Numerus Ternarius est principale in animo Conditoris exemplum Conditorum. In quo etiam sensu Hermes loco

antea citato: Monas generat Monadem & in se ipsam reflexit ardorem, quod unitas in mundi Idealis sive Archetypici fabrica emisit verbum, quasi essentiam à se ipsa genitam, & in unitate ab eo haud quaquam distinctam, ac tandem reflexit illum spiritum sapientiæ ab ambobus procedentem in se ipsam. Hinc filius Syrach: Fons Sapientiæ verbum Dei in excelsis, & egressus illius mandata æterna: In hunc igitur modum erat mundus Archetypus

In Tract. de  
num: Ternario.

Ecclef. 23.  
4. Edr. 6.  
Pimand. 10.

Ioh. 13. 10.

Pimand. 4.

Lib. octing.  
quæst. 46. lib.  
1. di. 3.

De Trinit.  
lib. 6. cap. ult.

Soliloquiorum  
cap. 31.

lib. 3. de consol.  
fol.

Pimand. 12.

Ecclef. 1. 5.

## SECTIONIS SECVNDÆ, LIB. I.

typus ante omnia in & ex una eademque Unitate, sed ratione triplici creatus, nimirum per egressionem unius quasi quadratū æternum ab uno, quasi radice æterna, & per regressionem illius emanationis quasi in formam Cubicam, ad rerum omnium Idealium Archetypi complementum, quo tres divinæ in unica essetia infinita proprietates facile discerni queant, atque etiam ratio, qua omnia mundi typici complicité ante ullam creationem essent in Archetypo idealiter comprehensa. Concludimus igitur, quod secundum istam imaginem idealem mundus iste Typicus in triplicitate varietatis esset tum postea formatus & proportionaliter adaptatus, nimirum ad divinæ similitudinis exemplar: Nam, ex unitate in divina & abstrusa sua existentia, nimirum, ut in tenebris seu chao potentiali esset originaliter quo ad nos abscondita, flamma splendidissima formalis essentiae Catholice emanabat, & spiritus sapientiae ab utroque procedens, conjunxit formalem illam emanationem cum materia aquarum potentiali, ita ut horum trium unione, nimirum divinæ lucis, & substantialis materiae tenebrarum, videlicet aquæ coeli erant prius & Terra & consequenter totus mundus, ut testatur D. Petrus: Sed hæc optime hisce paucis confirmat Psaltes Regius: Verbo (inquit) Domini firmati sunt coeli, & spiritu oris ejus omnis virtus eorum: Quo sermone totum aperit: Nam, per Dominum intelligit Patrem, à quo omnia, per Verbum Filium, per quem omnia & spiritum ab ore utriusque mediantem, quod omnis essentia & virtus seu actus in hoc mundo est derivatus. Concludere igitur possumus, quod si unitates mundi Ideales sint ab unitate unica radicali, quasi filij ab uno Patre extractæ, & ab eadem, quæ est infinita in se, includantur: debet sequi necessario, quod triplex membrum mundi istius creati debet esse in & ab illa unitate, quatenus mundus Typicus cum suis membris sit ad imaginem & representationem Archetypi effectus, qui est æterna illa monas, in qua sunt omnia, unde haud injuriâ dicitur ab Apostolo omnia in omnibus. Atque iterum: Omnia creantur per ipsum & in ipso & ipse erat ante omnia & omnia in ipso constant. Et alibi: Ex ipso, per ipsum & in ipso sunt omnia: Vnde haud injuriâ dictatur circumferentia & centrum: Atque centrum omnium, cujus circumferentia est nullibi. Et, ab Apostolo Pater omnium, qui est super omnia & in omnibus. Hinc Rabbi Zoar: Omnia sunt unum respectu Dei, licet varia videantur respectu nostrum. Et Plato ait, quod non modò omnia sint in Deo, sed etiam omnia quæ jam existunt, ut pote, quæ (quatenus sunt in Deo & ab eo procedunt) non sunt nisi unica Entitas. Et Hermes in Tabula sua Smaragdina: Vt omnia essent mediazione unius, ita etiam omnia ab ista unica

re adaptatione procedunt. Et Proclus: Vt omnia ab uno sunt derivata, ita quidem cursu continuo ad illam iterum unitatem reverti festinant, cum qua, quod grandior est concordia, per quam sibi invicem occurrunt, eò plus de ipsa participant. Iterum Plato alibi: Omnia à Deo Altissimo procedunt & summa ope contendunt, ut ad eum revertantur, quoniam in ipso summum ipsorum Solamen, sustentatio & finalis requies consistit. Propter istam ideò rationem Leucippus Philosophus fecit unitatem istam suum summum bonum. His ergo videre licet, quod Antiqui Philosophi à Biblij sacri Harmonia nullo modo differant. Denique Iob hæc omnia adhuc clarius: Revelat, inquit, Deus fundamenta è tenebris & educit in lucem umbram lethalem: ubi per fundamenta intelligit aquas, quæ in tenebrosa abyssu continebantur, ex quarum tum postea existentia coeli & terra, & consequenter totus mundus est fabricatus, mediante Verbo prædicto secundum exemplar sive imaginem Archetypi. Quare haud injuria concludere possumus, quod principia conditione opposita, ab una eademque unitate sive Identitate procedant: videlicet ex nihilo, quo ad nos, seu tenebris privativis, & quasi ex umbra lethali, mutatione formæ ejusdem identitatis à potentia privativa in actum positivum per emanationem lucis è tenebris. Hinc Salomon: Manus Omnipotentis mundum ex materia informi effecit. Et Iob: Aquilonem extendit Deus super inane & vacuum & suspendit terram super nihilum, hoc est, super rem inanem & vacuum formâ: Nam per inane, vacuum, & Nihilum intelligit informes illas tenebras & umbram lethalem, de qua mentionem fecit antea, sive materiam informem Salomonis antea citatam, quæ, quandiu erat in potentia divina, erat in debili mortalium sensu merè Nihil, ut dictum est, quatenus nondum erat informata. His ergo manifestè constat, quod omnia essentialiter in ista radicali unitate æterna comprehendantur, quippe, quæ, ut est una, est etiam infinita, & in eo quod sit tam in suis dimensionibus & essentia, quam potestate seu virtute infinita, necesse habet, ut in se finita omnia contineat: Vnde scripturæ: Ipse est omne in omni: ipse implet omnia & tamen est extra & ultra omnia & in comprehendendo & concludendo omnia, est solummodò in se ipso: & tamen à creaturis suis nunquam absens, quippe quas verbo suo efformavit: & primum voluntate ejus processit verbum ejus Fiat & Factum est.

Iamque quod principium privativum sive tenebras lethales ab infinito omnium rerum centro, cujus circumferentia est nullibi extraximus, nos satis profundè in formalis & vivificæ lucis seu principij activi naturam immergemus, quod ab eadem radice primordiali originem suam duxit, ut hæc

2. Petri. 3.  
Psal.

Coloss. 3. 11.  
Coloss. 1. 16.  
Rom. 11. 36.

Rabbi Zoar.  
Plato.

Hermes.  
Proclus in  
Problemat.  
Theol.

Plato.

Leucippus.

Sap. 11. 18.  
Iob. 26. 7.

ut hac ratione præstantioribus intellectus  
mei coloribus formam illam essentialem  
excellentiſſimam, quæ naturam mundi bu-

midam ſive aqueam à profunda tenebra-  
rum captivitate & quaſi umbra lethali re-  
demit, faberrimè depingam.

## CAPVT. III.

*Quomodo amabilis & ſplendidus amoris Catholici & vivifici Spiritus  
à fonte totius bonitatis effuſerit, tenebrasque litigioſas at-  
que odioſas ab obſcuri Chaos ſive Abyſſi deformis Thro-  
no removerit, ut exinde mundus pulcherrimus ex  
Nihilo actuali ipſius præſentia creare,  
tæ & divina ejusdem pulchritu-  
dine ornaretur.*

**A**dmirabile eſt & ultra captum huma-  
num, quodd ex unica Vnitate in eſſen-  
tia, rami duo, proprietate, more tam oppo-  
ſito inter ſe differentes excreſcerent, nimi-  
rum tenebræ, quæ ſunt informitatis, erro-  
ris, deformitatis, contentionis privationis  
& mortis, origo: ac lux, quæ eſt vehiculum  
& cauſa unica informationis, veritatis pul-  
chritudinis, amoris, poſitionis & vitæ. Non  
eat pro nihilo, quod Manichæi tantâ confi-  
dentiâ tenerent, quodd duo eſſent principia  
coæterna, quorum unum fecerunt Deum,  
quem luminis principem vitæque & ſan-  
ctitatis omniſque bonitatis authorem ag-  
noverunt, & diabolum finxerunt alterum,  
quem tenebrarum principem dictitarunt, &  
originem ſeu initium contentionis, mortis,  
ægritudinis & totius mali. Atque diabolum  
ided ipſi Deo in ſua eſſentia fuiſſe coæter-  
num exiſtimabant, quoniâ nulla poteſt eſſe  
bonitas, quæ ad ſuum contrarium, nimirum  
malitiam non habet relationem: Hac (in-  
quam) ratione volunt, ut Deus malitiei &  
pravitatis, ſit coæternus in ſua exiſtentia  
cum Deo bonitatis: quibus ſuis imaginatio-  
nibus non modò diabolum ex creaturatum  
limbo excludere, ſed etiam unitatem ex na-  
turæ limitibus expellere & Diadē ſive dua-  
licitatem (quæ rei veritate eſt nihil aliud,  
quàm unitatum confuſio) loco illius erige-  
re atque coronare tentant. Et proſecto iſte  
punctus ſeu hoc dubium tam difficilis vide-  
batur diſcuſſionis atque reſolutionis, ut  
nonnulli ex Poëtis & Philoſophis ſapiētio-  
ribus viderentur ipſis hac in re quodammo-  
do altipulari, uti apparet per quaſdam my-  
ſticas & allegoricas ipſorum expreſſiones,  
quas more ænigmatico: diſcurſibus fabulo-  
ſis involvebant: Inter quos Poëta Pronapis  
nomine in ſuo protocœſmo aſſerit, quodd  
Demogorgon (per quem intelligit Deo-  
rum ſummum) undique cum Æternitate &  
Chao rudi fuiſſet ante omnia ſtipatus, ſin-  
gitque, quodd quodam tempore, dum Æter-  
nitas in ſua majeſtate maneret, magnum tu-  
multum & commotionem ſubitò in viſce-  
ribus Chaos ex ortum animadverteret: Vn-  
de, ut ipſe ei auxilium in difficili hoc partu  
præberet, manum ſuam ad parturientem  
porrigit & obſtetricis officio fungendo,  
iſtud ſubitò parere fecit monſtrum quoddâ

deforme & tempeſtuoſum, cui nomen ob  
contentioſam ſuam conditionem *Lirigium*  
erat impoſitum, quod, poſtquam magnas  
perturbationes & commotiones in aëre ex-  
citaveſſet, & aliis ambitioſis ſurſum volare &  
adverſus Demogorgonem ſuum Creato-  
rem pugnare conaretur, à Demogorgone  
protinus in abyſſum profundum præcipita-  
retur: At obſervante ipſo, quodd Chaos no-  
vo iterum partu laboraveſſet, & quodd in la-  
boribus ſuis ſuſpiria ſerventia cum ſudori-  
bus gravibus emiſſiſſet, ipſe noluit manum  
ſuam ab eo removeſſe, quouſque ſecundum  
edidiſſet partum, in quo Pan cum tribus  
ſuis ſororibus, quæ dictæ erant parçæ eſſet  
natus. Cum verò Demogorgon egregia  
pulchritudine & forma Panis eſſet captus  
ipſum omnium mundanorum negotiorum  
præſidem & gubernatorem effecit, juſſit-  
que tres ipſius ſorores, ut more ancillarū &  
miniſtrarum fratris ſui mandatis obediret:  
ſequabatur exinde, quodd Chaos ſuo onere  
ſeu magna illa congerie, ſeu maſſa, qua la-  
borabat jam levatū, Pana ſuum (ſic ſuaden-  
te Demogorgone) in ſuo Throno conſti-  
tueret: Hæc eſt fabula illa Parabolica de  
Demogorgone & Chaos cōmuniter à Poë-  
tis recitata. Allegoria eorū importat, quodd  
generatio & procreatio omnium ab Aliſſi-  
mo & ſummo Deo Creatore procederet,  
quem per Demogorgonem important, cui  
Æternitas vinculo indiſſolubili in unica ſo-  
cietate eſſentiali conjungitur: quoniâ ipſe  
eſt ſolummodò dicendus æternus, qui eſt &  
ſemper fuit principium, ſeu prima rerum  
omnium cauſa: Et fingunt etiam, quodd  
Chaos locum tertium in æterna illa ſocieta-  
te ſibi vendicet, quippe, quodd eſt (ſecun-  
dum Ovidij relationem) materia ſeu ſubje-  
ctum illud confuſum atque indigeſtum, ex  
quo omnia hujus mundi conſtant: atque  
ob iſtā cauſam Antiqui tradiderunt, ipſum  
fuiſſe Deo coæternum, ut pote, quæ erat  
rudis illa congeries, ex qua Demogorgon  
uniſerſalium Pater res omnes juxta volun-  
tatem ſuam creavit ſeu formavit: & per  
conſequens ſubjectum ſive materiam iſtam  
omnium fuiſſe generalem reſum omnium  
Matrem exiſtimaverunt, ex qua & ſuper  
quam Vniſerſalis cunctorum Pater: ge-  
nuir & efformavit res omnes: Vnde con-  
cluſe-



## SECTIONIS SECVNDÆ, LIB. I.

cluserunt, duos fuisse cunctorum genitores Catholicos ab omni ævo, quorum unus erat Pater, alter verò Mater. Et tamen in hoc consentire videntur, videlicet, quod Deus esset causa principalior, voluntque, ipsum Chaos loco socij passivi Demogorgoni inservire, ut ex ea quasi genetrice universali res omnes generet: Et quamvis sapiens & divinus Plato innuere videatur, Chaos ab omni antiquitate socium Dei fuisse, tamen nobis tam ipse, quàm alij similis profunditatis illud à Deo æterna quadam generatione seu productione processisse, ipsumque tum postea ex eo omnia fabricasse intimant. Quocirca concludunt, quod à Deo procederet Chaos & ab ipso minimè est dividendum, atque etiam ei loco Sodalis foeminae pro generatione & procreatione inservit: haud aliter, quàm Eva ex Adamo extracta, dicta erat socia & adiutorium ei in generis humani productione: Hæc est tam Philosophantium Ethnicorum, quàm Cabalistarum mysticorum opinio: Sed ad prædictæ allegoriæ explanationem procedam: Manus Demogorgonis importat divinam potentiam, primogenitum & deforme Chaos, nimirum Litigium, significat principem tenebrarum, qui est oppositionis, discordiæ Pater: Unde ob ejus ambitiosam adversus lucis & vitæ Dominum rebellionem, in Abyssi tenebræ voraginem præcipitabatur: Per secundum ejus partum, qui erat Pan, universam mundi naturam, atque concordem Elementorum dispositionem indignant: inde arguendo, quod post magnam illam discordiam seu commotionem & perurbationem, quæ in prima uteri Chaos dilatione se offerebat concordia pacifica secundo ejus partu sequeretur, quæ erat tam formosa & acceptabilis Deo in ultimo hoc ejus partu, ac discordia deformis esset ei foetida, odiosa & ingrata in primo. His ergo videre possitis, quomodo omnia Elementa in principio in confuso Chaos ventre luctarent & contenderent: Tres parvæ seu sorores fatales dictæ Clotho, lachesis & Atropos, quæ cum Pane erant, denotant tres temporis ordines, nempe præsens, præteritum, futurum: Clothonis curæ tempus præsens committitur, ejusque officium est filum vitæ nere: Lachesis præest tempori futuro, respicit materiam illam, sive Canabaceam sive lineam, quam Clotho aggredditur nere; & Atropos tempus præteritum, quod est irreparabile & irrevocabile importans scindendo filum finit opus. Ego super parabolicam istam relationem intero, quod tamen si Chaos seu tenebrosa Abyssus esset cum Deo & in Deo ante mundi creationem, tamen infinita & sola æterna unitas & essentia radicalis eam creavit & produxit ex se ipsa: Nam illa in sua persona hæc loquitur: Ego Dominus, & non alter est, formans lucem & creans tenebras, faciens pacem & creans malum: Ac si dix-

isset: Ego sum Pater lucis seu fulgentis sapientiæ Spiritus, & ego creavi Tenebrosam Chaos, ex quo tum postea mundi existentiam atque etiam tam discordiam, quam concordiam Elementarem, hoc est, litigium & pacem in hunc mundum introduxi: Ita ut sit evidens, non nisi unicam unitatem æternam esse, quæ in se est mas & foemina: & omne quod imaginari potest, quæ ex se ipsa & in se ipsa produxit omnia, haud aliter, quam Adam comprehendebat in se Evam, quæ erat tum postea microcosmi mater: Hinc ait Mercurius Trismegistus: Mens autem Deus utriusque sexus fecunditate plenissimus, vita & lux cum verbo suo alteram mentem peperit. Et scripturæ hoc idem videntur testificari, dicentes: Qui cæteris generationem tribuo, an sterilis ero? Quare manifestum est, quod ex una eademque unitate radicali æternum existente tam materia, quàm formæ omnium procedunt & quod appareant in respectu earum existentia & progressionum solummodo æviales, hoc est, habentes principia, sed sine fine: ut cunque in essentiali earum radice, nimirum in Deo abstrusissima unitatum unitate, à qua procedunt, sunt æternæ: Ita, ut quemadmodum tenebrosa Abyssus, seu Chaos obscurum, & lucidus informans spiritus, sunt duo principia opposita & ad invicem conditione & proprietate contraria (nam à tenebroso principio discordia, malum, frigus, congelatio, quies, mors, privatio, negatio seu noluntas procedunt: ut è regione ab illo lucido, quod est pulchritudinis & gratiæ typus, lux, concordia, bonitas, calor, rarefactio, motio, vita & positio seu voluntas derivantur) ita etiam ambo hæc sunt non nisi rami generales ab una eademque unitate essentiali assurgentes, qui cum limitibus sui fontis infiniti excedere nequeant, sunt in eo lux & tenebræ & consequenter nullo modo differunt in sua essentia à radice, à qua scaturiunt, quæ est omnia in omnibus. Hinc ergo Psaltes: Tenebræ sunt ei sicut lux ipse: Nam omnia sunt unum in eo, qui est solummodò unum & idem in se ipso, ex quo per quem & in quo omnia: Nam ejus voluntas & ejus noluntas sunt tantum unum in eo, qui est una simplex Identitas; & quæ est ejus voluntas illa est tam ejus affirmatio, quàm negatio, quæ non sunt nisi unicum bonum in eo, qui est tota bonitas: Et tamen respectu creaturæ, cum ipsius negatio dominatur, ipse lucem vultus sui benigni obcondit, & totum est quasi tenebræ, & tunc operatur privativè, quo ad nos: Nam, ubi abscondit faciem suam, omne videtur deforme, inane & essentiæ & bonitate destitutum. Ecce hinc voluntatem negativam seu privativam, quæ rectè nominari potest respectu nostrum ejus noluntas, quia in suo velle respectu sui, videtur nolle, respectu hominum, quibus denegat suam præsentiam: E regione, si ejus affirmatio seu

Pimand. I.

Psal. 138. 12.

Rom. II. 36.

Esa. 45. 7.

seu positiva proprietas habeat Dominium, tunc emittit nobis lucidam suæ pulchritudinis benignitatem, atque ita spiritus creaturæ ipsius præsentia recreatur, & per consequens ipsius bonitate repletur: Ecce etiam hic voluntatem ejus affirmativam seu positivam, quæ respectu tam Dei, quam nostrum, dicitur voluntas: Sed, ne hoc videatur alicui alienum, observet velim sedulo naturam radij illius mentalis in homine: Nam Deus mentem ei ad ipsum informandum & ratione atque intelligentia induendum impertivit: Spiritus (inquit Iob) est in homine, at inspiratio Omnipotentis facit eum intelligere: Et tamen ista unitas essentia, quæ est imago Dei per duas contrarias proprietates in genere operatur, quarum una est affirmare, dare & concedere petitioni petentis per emanationem quandam amabilem: Ecce hic actum positivum in spiritus humani unitate depictum. Alia est negare & auferre aut se opponere petitioni & desiderio querentis, per privativam quandam ablationem seu recusationem præmij desiderati. Ecce hic est effectum negationis seu noluntatis ex hac parte descriptum; nam radius mentalis non emicat seu emanat petitori, sed in se contrahitur seu reservatur. In his duabus actionibus contrariis non nisi unicum effectum laudabilem in hac sola unitate observamus: Nam, tametsi concedit mens mea per amicum & misericordem radij mentis emanationem, ita, ut arrideat expectationi petentis: aut si e contra negatur petitio querentis ad magnum ipsius damnum seu malum, tamen menti cum nolentis, tum volentis, tam affirmatio, quam negatio videntur bonæ, ut pote bona ratione fundatæ: Vnde patet, quod ambæ illæ non sunt mihi nisi unum & idem in effectum, utcumque petenti appareant differre. Pari etiam ratione in æterna & archetypa unitate (quæ & mens divina dicitur, cujus typus & imago est intellectus seu mens humana) actus tam voluntatis, quam noluntatis est unus & idem, & non est, nisi bonitas in ea, quæ est tota & absoluta bonitas, quæ contrarietatem in se non admittit, tametsi creaturæ, quæ subijcitur effectibus tam privativæ, quam positivæ voluntatis ejus privativa seu negativa actio videtur mala: ut è contra ejus positiva seu affirmativa emanatio quippe benignitate & amore plena habetur ab eo pro bono & consequenter cum gaudio recipitur: Nonne docemur autoritate sanctâ, quod bonum & malum, vita & mors, paupertas & divitiæ à Deo sunt? Et alibi, quod, Deo abscondente faciem suam à creaturis conturbantur, recipiente spiritum eorum, expirant, emittente spiritum suum recreantur bono. Et alibi: Visitatio tua præservat spiritum meum. Atque iterum: Attolle faciem tuam & emitte lucem supra nos, & efficiet, ut videamus lucem & splendentes efficiet tenebras nostras. Et Prophe-

ta: Tenebras ponam ijs in lucem. Et Iob: Tenebris in die incurrent astuti & quasi in nocte palpabunt in meridie. Et Apostolus: In tenebris est & in tenebris ambulat, qui odit fratrem. Et Propheta: Tenebræ persequentur inimicos Dei. Et Moyses: Deus abscondit faciem suam ab ijs, ut obtingant ijs multa mala & angustia: Et tamen nulla est istarum duarum proprietatum, quæ non est absolute in essentiali & radicali sua unitate bona, utcumque ultima sit privativa, passiva, odiosa, deformis, contentiosa & mortalis creaturæ, quæ eorum sentit & patitur effectus. Nonne scribitur, quod ipse habeat potestatem vitæ & mortis, & quod deducat ad portas mortis & reducat? Et tamen totum efficitur secundum duplicem ejus proprietatem videlicet nolentem & volentem in unitate essentia, in qua nihil est malum. Vnde sapiens Philosophus à scripturarum sensu in hoc non dissentiens. Non est in monade divina, nisi unum & bonum, in ipso enim factore nihil malum, nihilque turpe. Atque ob istam rationem, quando Iob seipsum sentiret à Deo percussus, idque sine causa & præter justitiæ (ut ei videbatur leges), quatenus pro viro justo æstimabatur, & (ut Textus ait) secundum cor Dei erat: tamen ipse (non obstantibus suis poenis) pio quodam erga creatorem suum zelo instigatus (utcumque agnovit totum suum malum ei ab aversione faciei Iehovæ evenisse) ait: Et tamen absit à Deo impietas & ab Omnipotente iniquitas &c. Præterea patet cuiquam etiam in Philosophia mediocriter perito, quod Deus tam circa creaturæ corruptionem & privationem, quam generationem & positionem versetur. Et tamen nemo Christianorum ignorare potest, quin utraque istarum proprietatum in unica, sincera essentia sit absolute bona, quatenus ipsa est in bonitate completa, tametsi ex altera parte nihil est magis terribile, timendum, abominabile & perniciosius creaturæ, quam est ipsius in propria mors seu corruptio. Si nos Christiani negaremus proprietatem in divina unitate, tam ad deprivandam creaturæ vitam per contractionem radij sui vitæ in se, quam ad vitam impertiendam per dilationem radij ejusdem à centro suæ unitatis versus circumferentiam: non sine ratione nos poëtis atque Philosophis Ethnicis iudicio & captu viliores æstimari possumus: ut pote, qui testantur cum sapiente, quod bonum & malum, vita & mors, honestas & paupertas à Deo sint. Quo arguitur, quod ista unica essentialis divinitas operetur proprietate duplici & more opposito in creaturis mundi. Proclus sequendo antiquam Orphei, Hesiodi, Euripidis & Æschyli Theologiam (qui omnia arcana illa quæ dederunt à personis in mysterijs Dei profundis, suis historiis fabulis involverunt) proprietates istas in supremo & archetypico Sole sub umbra Solis Typici &

Iob.9.

Sap.16.13.

M. Trifonegi  
Pimand.14.

Iob.14.

Ecclef.11.

Ecclef. 11 14.  
1. Sal. 104.  
1. Sal. 47.1. Sal. 18.29.  
Mat. 42.  
Iob.  
1. Ioh. 1.  
Nahum. 1.  
Deuter. 31.17.

## SECTIONIS SECVNDÆ, LIB. I.

visibilis agnoscit : Nam ipse & prænominati Poëtæ mystici, unitatem istam vocant Apollinem diurno tempore : Nam prætendunt, quod in positiva & benigna sua natura, quæ manifestatur per vivificantem ejus in Sole virtutem, ipse componit creaturam ex septem partibus (nam numero quaternario Pythagorici significarunt materiam Elementarem rerum, utpote quæ est quadratum, ad radicem duo, qui est numerus imperfectus & proinde designat materiam; & per ternarium, qui est numerus perfectionis, Hieroglyphicè depingunt formas rerum, ita ut ex horum numerorum conjunctione exsurgat numerus septenarius qui includit perfectum creaturæ complementum, quod in animæ seu formæ & corporis seu materiæ compositione sive unione perficitur. Iterum unitatem hanc eandem Dionysium nocturno tempore vocant, nimirum in tenebrosa seu privativa sua proprietate, asseverantes, quod ipsa sub isto titulo soleat creaturam dominio Apollinis seu diurno tempore creatam seu compositam in septem partes dilacerare: ita, ut videantur arguere, quod una eademque unitas in essentia sit author tam destructionis & corruptionis, quam generationis & vivificationis : Quare duplicia ei assignant nomina, non respectu essentiae ejus, quæ est unica, sed ratione proprietatum ipsius, nimirum ut proprietatem ejusdem essentiae unicam distinguant ab alia per variationem nostrinis. Hinc à Cabalisticis dicitur in una sua proprietate, videlicet privativa & tenebrosa, Aleph Tenebrorum, nimirum, quando contrahit radios suos in se seu avertit faciem à creatura : In alia verò ejus proprietate, nimirum positiva & lucida, eam vocat Aleph lucidum ; nimirum quando emittit benignitatis & pulchritudinis & vitæ radios. Ex his ergo nobis Christianis apparet, quod Ethnici seu Gentiles cum scripturis sacris agnoverint & scriptis parabolicis mandaverint, quod sit in potestate unius ejusdemque unitatis radicalis salvare & destruere, hoc est, vitam dare aut illam auferre, sive aut velle aut nolle, & (ut verbo dicam) operari omnia in omnibus juxta placitum suum : Atque ita confirmatum habetis, quod duo membra naturarum oppositarum ab unica radice æterna scaturiant, & quod ista membra seu proprietates essentielles & principales more contrario in mundo agunt, & per consequens effectus ab invicem differentes producunt: Vnde patet, quod, cum aquæ, ex quibus & per quas (teste D. Petro) cæli erant prius & terra ex tenebrosa abyssu prodierunt & erant quasi secundus ipsius Chaos partus, quem Poëtæ fingunt esse Pana sive naturam humidam universalem ; Facillimum erit sapienti Philosopho considerare, quod passiva istius mundi portio ad proprietatem & conditiones tenebrarum instinctu quodam naturali inclinè, ita, ut si non esset

ratione præsentiae formalis hujus mundi portionis, quæ procedit à lucido spiritu sapientiae, quæ (teste sapiente) est vapor virtutis Dei, & sincera emanatio claritatis omnipotentis, & splendor luminis divini, & speculum sine macula bonitatis ejus, quæ dividit aquas in distinctos orbes sive sphaeras & dat pondus aëri & appendit aquas seu nubes in mensura, facit pluviam statuta & viam fulgetro Tonitruum; si ipsa (dico) <sup>Sap. 7. 24.</sup> non adesset aquis, easque suâ præsentia & actu non excitaret, illæ procul dubio sine ulla differentia in uno statu sine alteratione permanerent. Est iste spiritus, qui dixit ab <sup>Iob. 26. 7.</sup> ore Altissimi prodij & rotunditatem coelorum circumvivi solus, in profundo abyssi ambulavi : Est illa sapientia, inquam, lucida, quam (teste Salomone) Iehova possidebat in principio viæ suæ ante opera sua, ante omne tempus, antequam mundus erat creatus, quando nullæ essent abyssi, antequam fontes erant creati, aut montes elevati, aut terra ordinata: quando posuit coelos, ibi aderat ; quando fortificaret superiores aquas, ibi erat, quando mare limitibus esset terminatum, quando terræ dedit fundationem, ipse aderat ei, tanquam omnia componens. Denique ab ipso omnia sunt <sup>Eccles. 3.</sup> facta & sine eo nihil est factum : Ita, ut si non esset per præsentem formalem istius spiritus actionem, materia mundi aquea in statum deformem suæ matris Chaos reverteretur : Nam, quatenus manet in hoc mundo, inclinatur ad dispositionem suæ matris : Est enim passiva, foeminina, frigida atque etiam est rerum omnium mater, & in alio respectu, vivifica & splendida unitatis æternæ emanatio est masculina, activa, & Pater rerum omnium, quippe, quæ omnia in hoc mundo vivificat : ut ait Apostolus, & juxta prædictorum Poëtarum sententiam, qui ipsam sub nomine Apollinis proponunt. <sup>Prov. 8.</sup>

Hoc igitur bene à nobis considerato, haud difficile erit ex horum duorum principiorum detectione, nimirum lucis & tenebrarum ad radicalem veræ Sympathiae & Antipathiae cognitionem pertingere : quoniam evidens est, quod illud ab amabili, concordanti & vivifico atque appetibili amore procedit, qui à benigna Creatoris emanatione procedit, quæ semper cum suo simili conjungi atque uniri appetit, suumque simile præservare per unionem intendit: Hoc à discordanti, privativa & contentiosa illa affectione derivatur, quam tenebræ & deformitas filijs lucis & vitæ pariunt : Ex his itaque apparet, quod, ut antè harum duarum proprietatum differentiam seu effectum unius unitatis separationem, nempe lucis à tenebris, quæ mediantem verbo seu spiritu divino efficiebatur, omnia erant unum & idem sine distinctione aut differentia : atque hæc unitas seu unum nullo modo erat inter res creatas numerandum, ita, ut in tali statu lux esset tenebræ, & tene-

Col. 1. 16 17

& tenebræ lux, & consequenter harum nulla ab humano captu discernenda, nihil realiter distinguendum, sed omnia erant unum in prima rerum omnium materia, quæ consistebat in æterna unitate: In Christo, ait Apostolus, omnia sunt condita, per Christum & in eo omnia sunt creata, ipse ante omnia & omnia in ipso constant & c: ita, ut in illo respectu, nec erat lux nec tenebræ, nec dies nec nox, nec cælum nec terra, nec Spiritus nec corpus, nec bonum nec malum, nec purum nec impurum, nec generabile nec corruptibile, nec hoc nec illud: & tamen nihilominus omnia ista, sive sint spiritualia sive corporalia, procedebant ab illo subjecto potenciali, quod manebat complicitè in illa infinita unitate, quæ fuit, est & erit omnia in omnibus & super omnia. O admirabilis Dei in operibus suis sapientia! Omnia (dico) ab una sola materia, quæ nihilominus est nihil eorum, quæ facta sunt. Omnia fuerunt abstrusa & abdita, sed secundum dictum Salvatoris nostri: Nihil est tam secretum & occultum, quod non debet manifestari seu revelari: idque mediatione operationis penetrativæ verbi admirabilis Fiat, spagyrica spiritus æterni actione & virtute illud unicum in duo principia conditione contraria dividente, quibus nomina naturis suis convenientia sunt assignata. Nam unum, ut dictum est, lux, atque alterum Tenebræ vocabatur. Primum etiam Diem, & alterum Noctem dictitarunt, atque ita purum ab impuro separabatur. Hinc ergo erat, quod mundus originaliter in duo regna contraria prædictis duobus ramis ab unitate exurgentibus correspondentia divideretur: Qua quidem relatione facillimum erit enucleare, quid in veritate sit lux & tenebræ, quid dies & nox, quid bonum & malum, quid cælum & quid infernus, quid veritas & quid falsitas, quid humilitas & quid superbia, quid iustitia & quid iniustitia, quid gaudium & quid tristitia & moeror, quid dulce & quid amarum, quid pax & concordia, & quid litigium & discordia, quid actio & passio, quid vita & quid mors, quid generatio & corruptio, quid purum & impurum, quid sanitas & quid morbus, quidque salubre & quid insalubre, quid medicina & quid venenum; ac denique quid amabile, & quid odiosum, & consequenter, quid sit Sympathia & quid Antipathia illa, quæ inter infinitas hujus mundi creaturas dominatur. Quod autem totus mundus & quælibet ejusdem creatura ex hisce duobus conflatur contrariis sive naturis oppositis, testantur non modò Philosophorum Ethnicorum sapientiores, sed etiam Scripturæ sacræ: Nam Heraclitus asserit, omnia in hoc mundo ex lite & concordia componi. Et Empedocles, animam ex Elementis (hoc est, ex spiritu aqueo & lite atque amicitia) con-

flari tradit. Et Syriachus adhuc clarius: Gemina sunt omnia, quorum alterum est contrarium alteri, nec quicquam factum est, quod mancum est. Eccles. 42. 25.

Denique, ne lector aliquis scrupulosus me pro tam longo super bina ista principia contraria, discursu condemnaret, operæ pretium existimo, ipsos, qui sunt pietate & judicio præditi, certiores facere, quod exacta illorum cognitio sit haud exigui momenti seu importantiæ, quatenus duo prædicta primordia observantur esse solida ac realia tam universæ Philosophiæ, quàm Theologiæ fundamenta, utpote quorum radix & basis in vera cognitione horum duorum contrariorum sita est: & per consequens, si ipsa non sint bene in primo loco enucleata ac explicata, quomodo tum postea, erit possibile, ut rectè in vera Philosophia pertractentur, aut in ijs sacra scripturæ locis intelligantur, in quibus toties repetuntur? Ad istius autem quæstionis abstrusæ sive ænigmati Sphynghiæ resolutionem atque explicationem quod attinet, videlicet, cur Deus sive Vnitas æterna in suo arcano sensu, intentione sive consilio mentali, ex tenebrôsæ abyssi visceribus seu materia informi, idealiter in ipso consistente, contraria ista duo ordinaverit & excitaverit, ad efficiendum, ut, median-  
tibus illis, omnia mundana in mutuam dissonantiam, pugnam & conflictum permanerent: ita, ut nihil inveniatur de bonitate participans, quod suum non habet contrarium, hoc est, de malitia & pravitare non participat: imò verò ipsum summum bonum, videlicet Majestas divina sine suo opposito non existit: Profectò tam occulta est ista cabala, ut à mortali capacitate explicari atque enucleari nequeat, quippe, quæ est mysteriorum divinorum profundissimū, nisi illud nonnullis electis & Theodidactis immediatè à spiritu sapientiæ (qui est solus Mysteriorum talium scrutator & revelator) concedatur, qui spiritus etiam in nobis est, & spirat, ubi & quando vult, & in scripturis multis nominatur nominibus; nimirū dicitur spiritus veritatis, spiritus sanctificationis, spiritus illuminationis, spiritus revelationis, qui erat primus interpretator secretorum divinorum in pagina sacra cõtectorum: Neque profectò nos decet ex nobismet ipsis, ut inquiramus, cur Deus hoc vel illud fecerit, aut quomodò vel quare illud sic vel sic formaverit: Sed zeloso Christiano convenit, hæc omnia ad illud tempus referre, in quo secretum hoc revelabitur: quod quidem eveniet, cum sigillum septimum aperietur. Tunc enim Mysterium hoc profundum, quod tantæ in mundo contrarietatis causa est, detegetur, & ostendetur ratio finalis; nimirum, cur providentia Dei se ipsam per ista duo principia opposita revelabit, & omnem hujus mundi inimicitiam & discordiam extinguet. Pro finali dissonantia seu discordia istius termino, Apostolus  
illum

T

illum

## SECTIONIS SECVNDÆ, LIB. I.

illum testatur eventurum, quando Filius regnum Patri tradiderit, & postquam omnem Principatum & Potestatem & Virtutem evacuaverit: tunc enim ipse regnare debet, quousque inimicos suos superaverit, & ultimus ille inimicus, qui destruetur, erit Mors, ita, ut quemadmodum duo contraria ab una unitate procedebant, ita etiam ambo hi ramis dissonantes; is, quasi unitatum confusio in unitatem unicam amabilem & concordantem, in qua nulla est inveniendi dissonantia, finaliter reducet; nempe, cum verba ista Revelationis sunt completa: Ecce omnia nova facio:

Apocal. 21.

Vetera enim transierunt. Sed discursum hunc allateralem relinquendo, ad argumentum meum Sympatheticum & Antipatheticum procedam, in quod, ut majori celeritate & facilitate penetrē, & in actionum ipsarum oppositarum inquisitionem altius me immergam, conveniens erit, ut in primo loco modum & rationem describam, quo mundus ex horum oppositorum participatione & commixtione, lucis scilicet & aquæ, quæ est tenebrarum filia, existit & vivit; & tum postea, quid de anima mundanâ antiqui Philosophi determinaverint, paucis expediam.

### CAPVT. IV.

*In quo evidenter tam antiquorum, cum Poëtarum tum Philosophorum sententiâ, quàm sacrarum literarum autoritate, atque alys rationibus firmis probatur, quid sit & ex quibus principys componatur mundi anima.*

**M**ihi, in istius de anima Mundi discursus introitu, propositum est, tam antiquorum Cabalistarum, & Rabinorum mysticorum, quàm Philosophorum sapientum opiniones, de isto subjecto, aded à quibusdam mysteriorum tam profundorum imperitis & ignaris condemnato, & tantâ constantiâ ab alijs, qui oculis sui intellectus lynceis in secreta naturæ viscera penetrarunt, & cum debita reverentia centralem & æternum ejusdem agentem sunt contemplati, stabilito atque celebrato, recensere; ac tum postea in animo meo est, concordantiam illam, quæ est inter eorum opiniones & sacrarum literarum sensum sive mentem explicare. aggredior: Cabalistarum est sententiâ, quod magnus Angelus, quem nomine Mitatron nuncupant (quodd nomen interpretantur Donum Dei) est Catholicus ille spiritus, qui universaliter animat universum mundum: Vnde Rabbi Moyses illum capit pro generali intellectu agente, à quo omnes formæ particulares descendunt. Et volunt, quod ab isto spiritu universali omnes virtutes tam animales & vitales, quàm naturales procedunt, quas etiam Angelos vocant, quorum numerus respectu nostrum infinitus existit. Ex Philosophis Democritus, Orpheus, cum varijs Pythagoreorum, non multum ab ista Rabinorum & Cabalistarum opinionibus, præterquam in sola nominum varietate differentes, autumaverunt, omnia fuisse Dijs plena, quibus in creaturis divinos attribuerunt honores, eosque (preces & sacrificia ijs offerendo) vario cultu & ceremonijs differentibus adoraverunt, præeunte tamen consideratione & cautela tali, quod hos omnes Deos, unico, seu Iovi, seu potius Ichovæ, unitati æternæ, rerumque omnium Patri referrent. Ista nihilominus eorum intentio, ab ignorantibus malè intellecta, erat præcipua Idololatriæ

Renclin. de  
art. Cab. lib. 3.

inter Gentiles occasio, ut pote, sub quo prætextu creaturas loco Creatoris, seu divinitatis in creaturis venerabantur. Ob istam ergo rationem Salomon: Vani sunt homines naturâ, in quibus est ignoratio Dei, & qui ex ijs, quæ spectantur, bonis, cum, qui est, intelligere non potuerunt, neque ex operibus consideratis ipsum opificem agnoverunt, sed creaturam pro creatore receperunt. Similiplanè ratione Platonicæ virtutem illam universalem, qua mediante omnia generantur & præservantur, Animam mundi nuncupaverunt. Hisce etiam ipsorum intentionibus videntur Astrologi Arabici astipulari, quippe, quorum est animus peculiarem rei cuilibet hujus mundi animam à generali isto spiritu Catholico derivatam, assignare. Huic etiam opinioni Mercurius Trismegistus, Theophrastus, Avicenna, Algazel, & alij tam Stoici, quàm Peripatetici, adhærere videntur. Iterum Zoroaster & Heraclitus Ephesius concludunt, quod hæc mundi anima sit immensus ignis invisibilis, ex quo & per cujus actionem omnia generantur, & à potentia in actum producuntur. Virgilius, Poëta ille eximius, illam vocat mentem, quæ per artus & compages mundi transfunditur, qua tota ejus moles abstruso quodam modo agitur. ait enim:

Spiritus intus alit, totâque infusa per artus  
Mens agitat molem &c:

Marcus Manlius, Boëtius & Augurellus in sententiam Virgilij incidere videntur: Manlius autem hæc habet:

Hoc opus immensi constructum corpore mundi

Vis animæ Divina regit &c.

Boëtius etiam ista:

Tu triplicis mediam naturæ cuncta moventem

Connectis animam.

Et Augurellus ait:

Lib. I. Christo.

Nonnul-

Nonnulli quicquid diffunditur undique cœli,  
 Aëraque & terras & lati marmoris æquor,  
 Intus agi referunt animâ, qua vivere mundum  
 Cuncta putant, ipsumque hac mundum ducere vitam:  
 Ast animæ quoniam nil non est corporis expers,  
 Mundus at & mundi partes quoque corpore constant  
 Spiritus hic intermedius fit, quem neque corpus  
 Aut animam dicunt, sed eum, qui solus utroque  
 Participans in idem simul hæc extrema reducunt, &c.

Alchimiſtarum atque etiam Philoſophorum ſapientiores faciunt animam iſtam inſinitam quandam naturam ſeu virtutem, quæ in omnibus ſimilia ex ſimilibus procreare ſolet: Nam natura iſta generat omnia, eaque multiplicat, nutrit & ſuſtentat: quam etiam ligamentum Elementorum vocant, quo ipſa utcumque inter ſe concordantiâ ſymphoniacâ, harmoniæ pacificæ nexu ligantur. Denique Rabbinæ Myſtici affirmant, quod iſte ignis occultus, ſit ille Domini Spiritus ſive amor igneus, qui quando movebatur ſuper aquas, ipſis igneam quandam virtutem Harmonicam impertivit, ſine cuius præſentia & aſſiſtentia ſeu calore benedicto & vivifico nihil ex ijs poteſt generari aut multiplicari.

Ex his ergo colligere poteſtis, veterum cum Cabaliſtarum tum Philoſophorum & Poëtarum de anima mundi intentiones, quæ non ſunt tam impie & profanæ, ac nonnulli iſtius noſtræ ætatis Chriſtiani, magis ſuperſtitioſe zelofî, quam intelligenter docti exiſtimant, ſi res rectè, pro ut eſt: conſideretur & cum ſacrarum literarum ſenſu conferatur: Moyſes ergo habet, quod Spiritus Domini ferebatur ſuper aquas (& Auguſtinus addit) igneum ijs vigorem impertiens. Iam verò, ut vidimus, quod homo, qui vocatur Microcoſmus, ex anima & corpore componatur, quorū anima ejus pro ejus cœlo ſeu parte ſpirituale vel aquis ſuperioribus; corpus verò cum humoribus ejusdem & quaſi aquis inferioribus, quarum baſis eſt terra, haud injuria, atque quod ambæ hæ partes ſunt informatae, unitæ & vivificate à ſpiritu illo vitæ, quem Deus ijs inſpiravit: Ita obſervamus, quod cœlum, ſive ſpirituale humida natura macrocoſmi æterna emanatione ſeu ſpiritu ſapientiæ divino, animetur & vivificetur: Et quemadmodum ſit facillimum diſcernere, quod cœli macrocoſmici ſunt duplices, ut pote, quorum inferiores, quos Elementa vocant ex aquis inferioribus exiſtunt; illi verò ſuperiores, quos æthera dicunt ex aquis ſuperioribus ſeu ſpirituale conſtant: Haud aliter in mundo minori ſeu microcoſmo nimirum homine, cœleſtis ſpiritus receptaculum dignoſcitur eſſe aër: Vnde medici ratione iſtius differentię diſtinguunt inter vitales ſeu æthereos ſpiritus & naturales ſeu Elementares: ita etiam conſiderare debemus, quod materialis humidus ſpiritus

cœlorum in utroque mundo eſt in ſe motus, ſed reſpectu cœleſtis emanationis, quæ ijs ineſt, eoſque informat & vivificat, dicuntur vivere, movere & ſunt vel tenuiores vel denſiores, prout vel majorem vel minorem ſpiritus informantis portionem ſeu præſentiam, quam Deus ijs aſſignavit in ſe habent: Nam, quo magis vel minus abundat ſpiritus ille vivificans in iſta aëris regione, eo eſt ipſa tenuior, purior, activior ſeu agilior ac dignior. Iob ait: Sapientia aptat pondus aëri, & appendit aquas in menſura: Fecit terram in fortitudine ſua & præparavit orbem in ſapientia ſua: & prudentiâ ſuâ appendit Aquilonem ſuper inane & ſuſpedit terram ſuper nihilum in cœlorum ſtructura, & cùm Deus ſtrueret fundamenta terræ, ipſa aderat cuncta componens. Atque iterum ſapientia dicit: Ex ore Altiffimi prodij primogenita ante omnem creaturâ, in initio ante ſeculum creatus ſum, uſque ad futurum ſeculum non deſinam, habitatione ſancta coram ipſo adminiſtravi: In cœlis feci, ut oreretur lumen indeficiens, & ſicut nebula texti omnem terram: in altiffimis habitavi, & Thronus meus in columna nubis, cœli gyrum circumivi ſola, profundum abyſſi penetravi, in fluctibus maris ambulavi & in omni terra ſteti. Feci Arcturum & Orionem, converti in mane tenebras, diem in noctem muſavi, vocavi aquas maris, effudi eas ſuper terræ faciem; cœlos denique mediante ſpiritu meo ornavit Deus: Converti cœlum in gyro in locum ſuum uno die, omniaque numero pondere & menſura diſpoſui & temperavi &c: Quibus testimonijs, & permultis alijs, quæ produci poſſunt, lucidè apparet, quod omnes in mundo mutationes, alterationes, actiones, ornamenta pulchritudinis, motiones, numeri, pondera, menſuræ & conſequenter omnes illæ operationes & diverſitates, quæ ſunt in generali homogenea aquarum maſſa efficiuntur ab iſto divino ſpiritu, cujuſradix eſt verbum, quippe qui ſolus teſte D. Paulo operatur omnia in omnibus. Hinc Propheta regius: Operatur Deus mirabilia, & ampla ſunt, quæ omnia feciſti in ſapientia. Atque iterum: Verbo Domini firmati ſunt cœli, & ſpiritu ab ore ejus omnis virtus eorum: Quæ quidem verba inſerre videntur non modò materiale mundi ſubſtantiâ, quæ per vocabulum cœli innotefcit, ſed

Iob. 28.  
 Pſalm. 14. 7.  
 Proverb. 3.

Eccleſi. 24.

Amos. 1.  
 Eſay. 4.  
 Iſerem. 51.  
 Iob. 26.

1. Cor. 12.  
 Pſalm. 103.  
 24.  
 Pſalm. 33. 6.



## SECTIONIS SECVNDÆ, LIB. I.

2. Pet. 3.

Sap. 11. 18.

Eccles. 24.  
Proverb. 9.

Psalm. 1.

etiam ejus formam inactuantem ac agentē, videlicet principium omnia vivificans, quod arguitur per Verbum & Spiritum, à quibus aquæ prius receperunt suam originem ac tum postea ex aquis istis Catholicis coeli & terra erat numero, pondere & mensura ordinata, hoc est, per Spagyricam Verbi virtutem in orbis differentes distincta, juxta illud D. Petri: Coeli erant prius & terra de aquis & per aquas consistentes Verbo Dei. Ac si quis diceret, quod postquam Spiritus Domini ex tenebrosa Abyssus emerisset (nam, teste D. Iohanne, verbum erat in principio) & actum atque formam & nomen aquis dedisset, ille Spiritus Domini revelaret & operaretur explicitè, & particulariter illud totum, quod Chaos seu Tenebrosa Abyssus generaliter comprehendebat in se complicitè & more confuso. Quare, postquam ipse universalem rerum materiam revelasset, quæ erat aqua; illam paulatim & gradatim anatomizavit, secretam ejusdem medullam manifestavit, quod ab omni æternitate esset in potentia Divina occultatum: & primum substantia & existentia mundi ex ea in genere est producta: Manus Omnipotentis (ait Textus) mundum ex materia informi effecit: tunc aquea & humida illa substantia dividebatur in coelum & terram, distinguendo nimirum aquas ab aquis virtute ejusdem spiritus: In habitatione sancta (ait Sapiens) coram ipso ministravi. Et alibi: Sapiëntia apud eum fuit cuncta componens. Sed hoc luculenter ex isto Mercurij Trimegisti sermone indicatur: Ex luminis (inquit) voce verbum factum prodit, verum hoc naturæ humidæ astans, eam fovebat: Ex humidæ autem naturæ visceribus syncerus & levis ignis protinus evolans alta petit, aer quoque levis spiritus parens in mediam regionem inter aquam & ignem fortiebat; terra verò & aqua sic invicem commixta jacebant, ut terræ facies obruta nusquam appareret &c: Quibus evidenter probatur, quod tenuis ista aqua spiritualis seu natura humida non sit magis anima orbara, quam spiritus humanus vivificante vitæ actu sit destitutus. Nam, ut in anima cujuslibet creaturæ viventis duo sunt præcipue requirenda, nimirum agens & patiens, ita, ubi unum ex istis deest, ibi nulla potest anima creata existere, quippe, quod mundi anima esset sola inspiratio Dei sine vehiculo humidi Spiritus creati, quod est materia coeli, tunc illa mundi vita foret simplex Identitas & unius ejusdemque proprietatis; & consequenter, nulla foret aut actionis in mundo varietas aut contractio & dilatatio rerum in Systole & Diastole, & tunc sequeretur; quod nec actio nec passio animæ inesset. Nam sine natura passiva virtus activa consistere nequit, ut è diverso sine motu activo passivum esse non potest. Chaos (uti dictum est) erat loco foeminini

seu passivi ad actum Demogorgonis sive Dei: Pariter actus seu forma, quæ procedit à divinæ lucis emanatione seu effluxu est masculinus actionis fons & scaturigo, ut & aquæ, quæ à Chaos ventre sunt sortitæ, sunt passionis subjectum. Hinc ergo de facili est colligendum in primis, quid sit anima mundi, & per consequens ex quot & quibus partibus consistat. nam considerare debemus, quod, ut quælibet creatura habet suum internum & externum: ita quidem oportet, ut nos in primis animæ mundanæ internum & externum, quatenus ipsa est creatura, inquiramus: atque iterum, quod sit creatura, in eo declaratur, quia non est Identitas, sed alteritas, qualis est existentia Angelica. Nam si esset Identitas. nulla foret inter ipsam & divinam unitatem differentia, & consequenter, creationis actum, utpote æterna, non admitteret. Iam verò quod ista anima sit alteritas, & consequenter creata, ex eo constat, quatenus ex duobus juxta Angeli consistentiam conflatur; utpote, cujus internum est lux seu flamma illa vivificativa, quæ immediatè procedit à lucida & splendida spiritus æterni emissionem, ut ejus externum est Spiritus ævialis creatus seu purior & limpidior aquarum superiorum substantia, quæ creatur, & animatur ab actu seu virtute Spiritus Divini: Et, quoniam natura ignis vitæ essentialissimi & nunquam morituri dicitur esse ubique & in omni loco mundi: Nam, Scripturæ dicunt, quod Christus impleat omnia; & quod sit omnia in omnibus: Et quod Spiritus Dei sit in coelo, in inferno, in extremis maris, in nocte & tenebris &c: & quod sapientiam suam effuderit Deus super omnia opera sua: & quod Spiritus Dei incorruptibilis in sit omni re: Et, quod coelum sit ei sedes & terra scabellum pedum ipsius. Et, quod Spiritus sapientiæ impleat orbem: quatenus, inquam, est in omni mundi particula & in universo ipsius spiritu, ita, ut jam propter ipsius præsentiam dignitate plenus est ille, qui antea erat vilis & deformis: Certum est, quod sit iste solus spiritus increatus, æternus & centralis in suo externo spiritu mundi creato, qui facit mundum vivere, atque ideo Spiritus iste Angelicus seu alteritas ista est dicta mundi anima: Quoniam est Catholicus seu generalis ille mundi Spiritus, purissimo & lucido aquarum superiorum amictu ornatus, atque ab origine animatus, qui vivificat omnia. Hinc ergo quæstio illa toties inter Peripateticos agitata, & tanta ingenij exilitate resoluta, potest solida istiusmodi speculatione plenè enucleari atque resolvi: Nimirum, quæ nam sit inter animam, mentem divinam atque spiritum differentia: Cum sit evidens, quod mens in stricta sua significatione particulariter considerata pro nudo æternæ emanationis ab unitate radio accipitur per se, hoc est, simplici sua natura

Ephes. 4.  
Coloss. 3. 11.  
1 Cor. 13. 7.  
Eccles. 1.  
Sap. 12. 1.  
Isai. 66. 1.  
Sap. 1.

sua natura ( nullo ad mixtionem respectu habito ): At si Catholicè consideretur, pro universali Spiritus Divini à fonte unitatis effluxu capitur, quem ad spiritum seu naturam humidam mundi universalem informandum seu creandum emisit Creator. Sic Mercurius Trismegistus vocavit Pimandrum, id est, Deum Creatorem mentem divinam, à qua omnia sunt facta, ut in sermone ejus primo denotatur: Hæc erat forma Dei in homine, qua mediante Apostolus dicit, non fuisse rapinam arbitratam se esse æqualem Deo; cujus ratione dicitur alibi, templum Spiritus sancti & membra Christi: at verò spiritus in genuina & stricta sua significatione est internus ille mundi spiritus creatus, seu subtilis & spiritualis aquarum superiorum substantia simpliciter & in se considerata, quæ à mente illa Divina ab illa Archetypica emanatione seu Spiritu Domini, qui ferebatur super aquas, informatur, animatur & illuminatur. Denique animam in puro & integro suo sensu vocamus eam unionem seu mixtionem, quæ facta est inter effluxum illum æternum ac subtilissimum mundi spiritum ipsius præsentia creatum: Ita, ut ex istis discernere possimus imprimis quid sit forma informans seu natura naturans, de quibus tot cecinere Peripatetici etiam in tenebris palpantes & rei tam profundæ penitus ignari: & quid forma informata seu natura naturata. Nam liquet ex prædictis, naturam naturantem fuisse mentalem istam ab unitate æterna emanationem seu effluxum omnia creantem seu informantem suâ præsentia, juxta illud: Misit spiritum suum & creavit omnia. Forma informata seu natura naturata est lux creata seu purus mundi Spiritus præsentia mentis Divinæ informatus: ita, ut quemadmodum divinitas in homine dicitur Verbum incarnatum seu veste carnea indutum: ita quidem Spiritus Divinus spiritum creatum, quasi veste induens potest optimè ad verba ista Pfaltis referri, Amictus lumine quasi vestimento. Inveniemus ergo in eodem Exodi capite, quod organum spirituale, in quo Spiritus Dei operatur & residet, quandoque dicitur Angelus, nimirum quatenus est alteritas, hoc est, respectu ipsius externi. Atque iterum ibidem, Iehova quandoque dictatur, videlicet ratione formæ æternæ seu identitatis illius puræ, quæ agit & operatur in eo. Et alibi dicitur, quod Angelus præcederet Israëlitis in columna nubis diurno tempore & in columna ignis nocturno. Atque iterum dicitur in eadem Historia, quod Iehova eos in eodem ordine & modo præcederet Et sapiens dicit: Fuit sapientia ijs regumentum interdiu & lux stellaris noctu. Atque huius rei ratio alibi sic exprimitur: Noli (ait Textus) exacerbare Angelum meum, quem mitto ante vos, quia non feret defe-

ctionem vestram, quoniam nomen meum est in eo &c: ubi per nomen ejus intelligit Verbum seu Spiritum divinum in externo Angelico, quod illud inspirat & animat, ut ex loco præcedenti Sap. 10. 17. apparet. Quod autem mens divina, quæ suo actu vivificat mundum, ut sumitur simpliciter, sit effluxus, absolutus mentis seu unitatis æternæ in spiritum mundanum, ex isto Textu colligimus: Animam & spiritum dividit & discernit sermo Dei vivus: Vbi per sermonem seu verbum intelligitur radius mentalis, & per spiritum intenditur natura mundi humida & passiva, quæ præsentia verbi seu radij mentalis existit; cujus ablatione annihilatur anima creaturæ per disjunctionem partium illius. De spiritus illius mentalis ablatione & adhibitione ab anima creaturæ: hæc dicit David: Deo recipiente spiritum suum à creaturis expirant; emittente spiritum, recreantur bono &c: Quibus tam animæ ex spiritus mundani cum illo divino unionis creatio, quam spiritus Divini à spiritu mundano divisio & separatio arguitur. At jam istud totum definitionibus animæ in genere nonnullis quorundam Ecclesiæ Patrum atque Philosophorum cum Christianorum tum Gentilium, tum quatenus relationem habet ad corpus aliquod, quam ut consideratur simpliciter in se & in conditione sua separata ostendam: Damascenus ait: quod anima sit substantia spiritualis, à divinis fontibus emanans, simplex, indissolubilis, immortalis, libera, incorporea & indivisibilis quantitate, figura, pondere & colore carens. Cui etiam astipulatur D. Bernhardus. Et Augustinus eam definit in hunc modum: Est mens divina omnia intelligens, omnibusque se assimilans. Atque ob istam etiam rationem Philosophi nonnulli volunt, quod ad similitudinem spiritus sapientiæ sit efformata, qui cognoscitur esse imago Dei: quoniam secum portat, & in se continet cujuslibet rei similitudinem: ab ipsis ergo definitur cujuslibet rei similitudo: unde virtutem in se habet omnia comprehendendi. Iterum omni rei assimilatur, quatenus est unum in omnibus. Sunt etiam ex Philosophis Mysticis, qui animæ humanæ naturam plenius in ista definitione concludunt: Anima est lux quædam divina ad imaginem Verbi, causæ causarum, primi exemplaris, creata, substantia Dei, si gilloque figurata, cujus Character est verbum æternum. Alij eam definiunt sic: Est res incorporea omni decore adornata, sanctæ Trinitati assimilata, æternæ gloriæ adæquata; vel sic: Est spiritus intellectualis semper vivens, semper in motu. Et secundum sui operis officium varijs nuncupatur nominibus: Dicitur vita, dum vegetat; Spiritus, dum contemplatur; senius, dum sentit; animus, dum sapit; mens, dum intelligit; ratio, dum discernit; memoria, dum recordatur; dum vult, voluntas:

## SECTIONIS SECVNDÆ, LIB. I.

At ista omnia non sunt nisi una essentia, sed proprietate diversa &c: ubi eam mentem & spiritum non secundum essentiam, sed respectu proprietatum operandi: Ego verò eos tetigi quasi partes animæ constituētes: Sciatis autem velim, definitiones has posteriores ei assignari, quatenus cum corpore conversatur. Iam verò si more debito istas omnes descriptiones de essentia & proprietatibus animæ, tam in ipsius libertate, quàm tempore incarcerationis in corpore humano examinaverimus, invenimus quidem, quòd à prædicta mea intentione nullatenus discrepare videntur: Nam, primum probatur, quòd sit divinitatis seu emanationis divinæ soboles, & tunc quòd habeat pro suo externo subtilissimum spiritum mundi creatum, quæ mixtio facit eam alteritatem, seu ex duobus compositam, videlicet ex lucida externi fontis emissionem & spiritu mundano, atque idèd in prædictis definitionibus dicitur respectu sui interni, nimirum in prima definitione substantia spiritualis à divino fonte emanans: in secunda thens divina: in tertia imago seu similitudo divinæ sapientiæ: in quarta lux divina secundum imaginem verbi, & substantiam Dei, cujus Character est Verbum: in quinta similitudo sanctæ Trinitatis, coæquata gloriæ divinæ: Quòd autem ista divinitas participet cum spiritu mundano, apparet ex definitione sexta & septima, in quibus (respectu suæ substantiæ externæ) dicitur spiritus, qui spirat in corpore & est vehiculum formalis actus, qui est effectus virtutis radij divini. Vnio igitur spiritus mundani cum mente divina constituit animam, ita, ut anima includit mentem & spiritum; quorum illa est increata; hic creatus, quasi internum & externum unius alteritatis seu compositionis Angelicæ. His igitur in primo loco consideratis, prædictas Philosophorum & Cabalistarum opiniones per testimonia sancta confirmare aggrediar. Et primum cum magno Cabalistarum Angelo Mitatron, quasi dono Dei exordiar, quem dicunt esse Catholicum intellectualem agentem, à quo omnes particulares formæ descendunt. Apostolus ait, quòd ipse vivificat omnia. Et Salomon: Quòd Spiritus Sapientiæ sit arbor vitæ & fons atque origo vitæ: Et si iste spiritus sit fons vitæ, tunc respiciatis velim ista filij Syrach: Deus effudit sapientiam super omnia opera sua & super omnem carnem secundum datum suum: atque hic erat Catholicus & Angelicus iste spiritus, quem Deus, quasi nuntium spiritualem ex se ipso in forma emanationis emisit, ad movendum super aquas eosque informandas & vivificandas, non modò generaliter in majori mundo, sed etiam in qualibet ejusdem particula: Atque ista emanatio erat in verbo Domini, à quo omnia sunt facta & vivificata, utpote in quo erat vita, teste D. Iohanne. Hinc ait Apostolus: Christus im-

plet omnia, & est omnia in omnibus: & in principio fecit cælum & terram & omnia: eaque verbo virtutis suæ portat. Hoc verbo Domini cœli fuerunt firmati & virtute spiritus ab utrisque procedentis omnes cœlorum & consequenter munditotius virtutes, & per consequens mediantibus ijs mundi vita, actus & præservatio est orta: Vnde concludit D. Paulus, quòd Deus non aliquo indigens dat vitam, inspirationem & omnia: & quilibet Philosophiæ peritus agnoscat, animam nihil esse aliud, quàm illud, quòd tam corpus, quam spiritum animat sive vivificat: Cur igitur dubio ulteriori moveamur, an spiritus divinus Catholicus, qui implet omnia & omnia in omnibus operatur, sit fons & origo atque caput vitæ ac animæ mundanæ, qua vivit, movetur & existit: & per consequens essentialis vita & centralis & mentalis forma sive anima mundi, cujus vehiculum seu amictus est spiritus Catholicus mundi tenuissimus, quem movet & excitat haud aliter, quàm corpus ab ipsa anima movetur & exagitur, vel, ut spiritus vitæ à Deo Adamo inspiratus movetur, & exagitur mediante organo subtili aëreo in corpore ipsius? Quid? Existetne æternus & vivificans sapientiæ spiritus, qui dicitur implere omnia & ubique ad esse, & in se habere Catholici & primitivi creati Angeli naturam: Nam (teste Sapiente) prior omnium creata erat sapientia: existime, cum sit Catholica mundi anima seu vita omnium, quatenus est emanatio claritatis omnipotentis & splendor claritatis æternæ, & speculum sine macula Majestatis Dei & imago bonitatis ipsius, qui est unicus, simplex, subtilis, permanens in se ipso & magis penetrans & mobilis omnium rerum (quæ omnes proprietates Angelo à D. Dionysio & à Patribus antea allegatis animæ in abstruso assignantur) existetne, inquam, in omnibus, & coelestem mundi utriusque spiritum nimirum majoris & minoris implebit, & nonne in ijs actus sui vivificantis & multiplicantis effectus producet? Anne manebit in creatura otiosus & vacans? Anne spiritum suum agilem & vivacem in mundum mitteret, ut quiesceret, & activa sua functione abstinere? Non certè: Nam Pater operatur in ipsum secundum suam voluntatem ordinando, & ipse voluntatem ejus in creaturæ spiritu, quem inhabitat, accomplet, ordinata sui Patris exequendo: A Deo Patre, ait Apostolus, omnia per Iesum Christum Dominum nostrum. Hinc Iudith: Deo serviat omnis creatura, quia dixisti & facta sunt, misisti spiritum & creata sunt. Ita, ut magnus mundus cum homine gloriari queat, quòd ad imaginem Archetypæ sive Dei Creatoris esset factus, & quòd in eo vivat, moveatur & existat, secundum illud Apostoli ad hominem, qui est mundus minor. Videtis ergo ex his, quòd Mitatron seu Donum Dei Cabalistarum, quem pro intel-

Ephes. 4.  
Coloss. 3.  
Heb. 1.

Ps. 33.

AA. 17.

Sap. 1.  
Sap. 12.  
Eccles. 1.

Sap. 7.

2. Tim. 6. 13.  
Prov. 3.

Eccles. 1. 9.


Ioh. 1.

1. Cor.

Iudith. 16.

AA. 17.

pro intellectu agentis Catholico habent, est nihil aliud, quam universus ille sapientiae spiritus, quem Deus à Throno suo, vel, ut alibi habetur, ab ore ejus, tanquam maximum erga mundum utrumque sui amoris & benignitatis argumentum & donum emisit; ut pote, cujus praesentia ejus substantia ex nihilo deveniunt aquae, & illae aquae à deformitate & non existentia reducuntur in actum & pulchritudinem vivam, iisque vita & existentia explicitè attribuantur, quae antea erant complicitè in tenebrosa quasi mortis umbra inclusae; intelligo ex deformi Chao, seu Tenebrosa Abyssu, in formam jucundam ex somno lethali & quiete quasi tenebrosa in vivam actionem & motionem & ab obscuritate in lucem producuntur. Atque iste utrique mundo benefactor, dictus est meritò Mitatron, seu Dominum Dei Catholicum, ut pote mediante quo universum nihilum deforme universale aliquid speciosum redditur. Sed, ut melius possim vobis naturam Angelicam istius supremæ intelligentiae dictæ Mitatron, & consequenter mundi animam, demonstratione Philosophica indicare, velim in primo loco modum intelligatis, per quem Philosophi antiqui ac potissimum Platonici suam mundi & spiritus ejusdem harmoniam demonstrant: Heptachordum, quod Plato invenit, & ad animam mundi probandam adaptavit, ex septem Chordis sive proprietatibus partim paribus, partim imparibus consistebat: Nimirum 1. 2. 3. 4. 8. 9. 27. Quas quidem proportionestametsi Proclus & Porphyrius in unica linea descriperunt: nihilominus mihi videtur, quòd Adrastus & Calcidius illas magis propriè lateribus Pyramidis seu Trianguli adaptarunt in istum modum.



In cujus Pyramidis cono seu summitate 1. exprimitur, quæ unitas, quatenus ex uno latere participat cum materiali existentia, nimirum cum 2. 3. & 4. & ex alio latere cum emanatione formali commercium habet, evidens est, quòd iste punctus seu 1, unitas, à qua ambæ hæ lineæ differentes procedunt, est fons & origo tam

materiæ, quàm formæ: Vnde est tam Synesij, quàm aliorum Theosophorum opinio à sensu scripturarum minimè discedens, quòd Deus sit omne, quod est; quippe à quo, per quem & in quo sunt omnia: quòd sit mas & foemina, vel (ut Mercurius Trismegistus habet) utriusque sexus foecundissimus, quòd sit potentia & actus, quòd sit forma & materia: Imò verò, ait, nihil est, quod ipse non existit. Sed hoc totum (ut diximus) cum harmonia sacrarum literarum convenit; ut pote, quæ agnoscunt, Deum esse omnia in omnibus & super omnia: & quòd in ipso omnia consistunt, & quòd ex ipso, per ipsum, & in ipso omnia. Sex aliæ figuræ correspondent inter se directe se ipsas à latere materialis ad illud formale respicientes: nimirum numeri in regno materiali pares, illos regni formalis impares, ipsis proportionaliter convenientes, intuentur: Nempe 2. respicit 3. & 4. intuetur 9. & 8. 27. Quibus equidem correspondentijs species omnium creaturarum cum suis Harmonijs vivaciter exprimuntur, & in prima serie gradum illum Harmonicum animæ mundi, qui erat in principio & in eodem statu adhuc permanet, more quasi Hieroglyphico designat. Nam, imprimis secundum Archetypi exemplar, ab (1) uno sortita sunt (2) duo, qui numerus à Pythagoricis unitatum confusio dictatur; atque ob hanc causam est radicalis & incipiens imperfectionis numerus, qui respectu suæ confusiois & imperfectionis est in eadem relatione ad unitatem, à qua ortum suum habet, ac lucida æterna unitas est ad tenebrosam Abyssum sive informem Chaos, quod à Poëta dicitur rudis indigestaque moles. & quàm rectissimè dicitur imperfectus numerus: quoniam lucis æternitas effluxus, qui est omnis perfectio, illi quasi aquas in potentia nondum sua præsentia fecisset perfectum: Et, ob istam rationem materia aquea, quæ ex Chaos est extracta, est per se confusa, imperfecta: haud aliter, quàm numerus binarius (2) æstimatur respectu Ternarij (3) imperfectus, & non nisi unitatum confusio, quoniam omnis perfectio consistit in tribus terminis; videlicet principio, medio & fine, ita, ut, si eligatis unam unitatem ex 2. pro principio & aliam pro medio, nihil relinquitur pro fine, & per consequens deest ipsi perfectio: Si ponatis unitatē pro principio, & aliam pro fine, tunc ad sunt duo extrema, sed deest illi unitas pro medio: si unam unitatem pro medio & aliam pro fine assignaveris, tunc deest principium. Quare sequitur, quòd iste numerus sit in se imperfectus, & consequenter aquæ per se sunt imperfectæ, ut pote in quarum constitutione natura abyssi Tenebrosæ, seu matris & naturæ humidæ adest; sed deest formalis illa unitas, quæ in se, quasi in Pyramidis sive Trianguli Isoscelis cono adhuc se continet. Pariformiter, si unitas actualis

## SECTIONIS SECVNDÆ, LIB. I.

lem suum effluxum, ut perpulchram & splendidam vitæ unitatē non emisisset, numerus 2, seu deformes aquæ, in ventre Chaos in suo obtuso, confuso aut imperfecto statu mansisset, hoc est, sine forma alicujus rei perfectæ: nempe, Nihil aut aliquid in sola potentia; ita ut materia seu aqua Catholica, antequam ab unitate lucida (quæ tertiam facit unitatem) erat informata, esset planè vacua & inanis: quatenus ei deerat Vnitatis informantis præsentia, mediante qua vacui & inanitatis indispositionem deponit & pulchritudinem plenitudinis induit: ita, ut ejus vacuitas mutatur in plenitudinem, ejus potentia in actum, ejus tenebræ in lucē & ejus deformitas in lympidam, spetiosam & vivificam pulchritudinem: ac denique ejus imperfectio in perfectionem est mutata. Atque hinc dictum est, quodd Deus vidit, quodd creatura ista esset bona, hoc est, impleta erat vivificā divinitatis essentia, quæ est absolutè & tantummodò bona. Hac igitur ratione, nimirum additione formalis unitatis, numerus confusionis & imperfectiois, quæ erat in materiali dualitate cum Chao (quod est materiæ mater) Symbolizante, in mundi lucem editur & producit perfectio seu numerus Ternarius. Nam unitas illa formalis animando & induendo aquas superiores facit primariam, perfectam & dignissimam mixtionis speciem, uniendo scilicet unitatem mentalis lucis & coelestem spiritum in Angelica essentia, quæ tum postea traditur omnia mundana animare atque informare. Atque formalis ista unio significatur Symbolicè per 3. seu numerum Ternarium, qui ob istam rationem dicitur perfectionis, & numerus animæ seu radicalis numerus formæ in cursu naturæ. Hinc ergo est, quodd Platonici & Pythagorici exprimant materiam, quæ est imperfecta in se paribus sive imperfectis numeris & quemadmodum in mundo Archetypo per 1. 2. & 3. in forma sacre Trinitatis designato, non apparent nisi tres Ideales dimensiones in unica divina sive æterna natura & essentia, quæ in modo suæ progressionis designant in arte Cosmica radicem, quadratum & Cubum, quæ important animam supremam & spiritum & corpus mundi idealiter in Archetypo depictum: Et liquet, quodd ista tria videntur ab unica 1. seu unitate exurgere: Nam multiplicando 1. per 1. producit 1. & se ipsam, quæ sunt duo, quasi simplex ideale quadratum, & iterum multiplicando quadratam illam unitatem in se assurgunt 2. & unum, quæ faciunt 3. sive cubum simplicium unitatum, qui arguit perfectionem mundi Idealis, qui est in Deo: ita, si accipimus radicalem & simplicem numerorum ex duabus unitatibus pro radice, producemus ad exemplar prædictum Archetypicum mundum Typicum creatum, nimirum, si tres materiæ dimensiones, videlicet. Longitudinem, latitudi-

nem & profunditatem ejus per progressionem à radice in quadratum, & à quadrato in Cubum materiæ inquiramus: Radix ergo materiæ erat 2: Nam, tamen si suprema unitas se ipsam multiplicet & dilatat in 2. exinde arguens suum primogenitum; tamen, quoniam Spiritus sanctus illuminationis non emanabat, omnia fuerunt tenebrosa quo ad nos: Quare imaginari debemus, quodd materiæ multiplicatio in hoc mundo est nihil aliud, quàm lucis formalis in abyssum aqueam sive multitudinem materialem penetratio: Nam, quo densior existit materia, eò propinquius accedit ad suam radicem 2. sive tenebrosam Chaos. Iterum, quodd ipsa per opulentiam & abundantem lucidæ emanationis formalis præsentiam facta est tenuior, eò propinquius ad formalis unitatis radicem accedit. Hoc, inquam, Mysterio rectè intellecto, omnis scientia etiam in Philosophia abstrusissima facillimè discerni potest. Radix ergo materiæ, quæ est, 2. Tenebrosam Chaos importat: Radix verò formæ, quæ est 3. arguere videtur, quodd radix 2. quæ designat aquas tenebrosas sit per formalem & splendidam unitatis seu 1. emanationem sive extensionem animata; atque ita primus (2) seu numerus binarius erat completus & anima mundi creata seu revelata, nimirum, per Angelicam emissionem seu effluxum. atque hoc modo Cabalistarum Miratton seu Donum Dei seu anima mundi erat primitus producta, quæ juxta traditiones eorum dicta est prima creatura seu primum omnium creatum. Hoc quidem optimè cum hoc Syriacho consentit: Prior, inquit, omnium creata est sapientia: Deus creavit illam in Spiritu Sancto. Atque in & per istam creationem Angelicam omnes etiam alij Angeli sunt facti: Vnde dicitur: Christus est imago Dei invisibilis, primogenitus omnis creaturæ, in quo edita sunt universa in coelo & in terra visibilia & invisibilia, sive sint Throni, sive Dominationes sive Potestates, omnia per ipsum & in ipso omnia sunt, & ipse ante omnia & omnia in ipso constant &c: Ecce hic descriptum habetis verum Spiritum Catholicum, qui non omnia tantum fecit, sed & est omnia, quippe, qui ea vivificat, cum omnia sint in ipso, sed etiam facit voluntatem Patris in omni creatura quam formavit. Hinc ergo dicitur à Rabbiniis Miratton seu Donum Dei, & à Propheta magni Consilij Angelus: & vocabitur nomen ejus (ait Propheta) magni consilij Angelus. Itaque multiplicando 3. in eo habebimus quadratum formale creatum, quod importat 9. ordines Angelorum, qui proprietate dicuntur variate secundum dispositionem & proprietatem effluxionis illius sanctæ, quæ ab infinito luminis fonte ad multiformiter in hoc mundo operandum emittitur. Et formale quadratum 9. in sua radice 3. multiplicatum, producit corporalem cubum: ita, ut omnia

Ecclesi. 1.

Coloss. 1. 13.

Isai. 6.

omnia corpora sint constata ex substantijs tenuibus, multiplicando quodlibet quadratum in sua radice, & prodibunt 27. pro cubo formali & 8. pro illo materiali: Quæ arguunt, quodlibet corpus Elementatum sive materiam compositam: & quemadmodum materia, quod magis multiplicatur in se, eò levior, tenuior, spiritualior & clarior erit creatura, quam informat, ita, ut formalis radix, quadratum & Cubus importent essentias & animas creaturarum tam super cœlestium seu ævialium, quam cœlestium & Elementarium, quæ secundum maiorem vel minorem formæ proportionem vel magis vel minus digniores redduntur. Nam secundum istas in forma multiplicationes creaturæ magis vel minus in valore & gloria exaltabuntur. Videtis jam, quàm longè & quibus proportionibus tam spiritualibus, quam materialibus harmonia mundi Platonica se extendat, atque etiam ex ijs observare possitis, quodd, ubi proportio ista Harmonica non est inter materiam & formam, necesse est, ut ibi adsit tam corporalis, quam spiritualis dissonantia seu discordia, & per consequens Antipathia. Videmus præterea, quodd vitæ radix in compositione Angelica seu alteritate fixatur: nimirum in mixtione simplicis & æternæ atque increatæ lucis & puræ spiritualis materiæ: ita, ut æterna sapientia est actus primus & anima essentialis Angelorum, & ævialis seu Angelicus Spiritus est actus & essentialis vita Stellarum seu corporum cœlestium & influentiarum eorundem, & influentia Stellaris est vita & anima ventorum seu Elementorum (nam vis vitæ impluitur ab Intelligentiis Olympicis in illas elementares) seu ventorum præfides & emanationes spirituales seu effluxiones à quatuor ventis quadrupliciter informant Elementum Sublunare Catholicum sive aquas inferiores. Ac tum postea Elementum juxta proprietatem, quam ventus prædominans ei assignat, multis modis informat meteora sive impressiones Meteorologicas, ex quibus tum postea composita Elementata fiunt, quæ hac ratione à fonte divino totam suam essentiam & vivendi rationem multiformiter trahunt, idque ratione differentiarum organorum, per quæ & in quibus indifferenter agit in hoc mundo. Vnde apparet, quodd Deus in principio cœlum superius sive Empyreum & spiritum intellectualem, quod cœlum est Angelorum sedes primum animaverit, quod radici comparamus, ubi 2. animatur à 3. per additionem 1. seu lucis formalis ad materiam 2. Et cœlum Empyreum (intelligo Spiritum Angelicum) animat stellas & regionem ætheream, infundendo influentias suas in intelligentias Olympicas, quas quadrato referimus: & cœlum stellatum est quasi masculus &

multiplicator in cœlo Elementalī & creaturis ejusdem, quas Cubo comparamus. Profectò non modò Cabalistæ abstrusi, sed etiam Philosophorum profundissimi memoriam sempiternam istius radice perfectissimæ & formatissimæ, seu numeri ternarij cum tribus dimensionibus suis reliquerunt; non illius mercatorij aut vulgariter in Arithmetica noti, sed illius in numeratione formali merè spiritualis & essentialis Characteris, quæ procedit à quadam circulari revolutione & quadrata & cubica multiplicatione. Atque ob hanc causam in arcanis naturæ peritiores suam formale & Misticam Arithmeticam & Geometriam super illud subjectum fundaverunt, quæ non circa communia aut vulgaria subjecta, sed totaliter in profundis veræ cabalæ, naturalis Magiæ & essentialis Alchymię meditationibus versantur: quæ scientiæ, utpote, quas vulgus ignarus temerè & sine causa legitima sub illis titulis condemnat, sunt à secretioribus artistis dictæ scientia Elementaris, Cœlestis & supermundana: tum, quia separatarum (ut ajunt) intelligentiarum & substantiarum naturas pertractant, tum quia sunt omnium dignissimæ, quatenus circa cognitionem Creatoris versantur. Nam maxima perfectio, in qua homo magis gloriari queat, est, ut ad certam Dei cognitionem pertingat: Vnde Propheta: Non gloriatur Sapiens in Sapiencia sua & non gloriatur fortis in fortitudine sua, nec gloriatur dives in divitijs suis; sed in hoc gloriatur qui gloriatur, se scire & nosse Deum. Et certè hæc sunt tres illæ scientiæ mysticæ, quæ cognitioni trium mundorum (intelligo Intellectualis, Cœlestis, & Elementaris) appropriantur: qui mundi juxta Cabalarum doctrinam hisce tribus literis nominis **UTN** Adam representantur. Etiam spectant ad tres hominis seu Microcosmi partes, videlicet intellectum, animam & corpus, quod subijciuntur alterationi & corruptioni. Rabbi Zour super has bases fundatus, dicit, quodd sint tres res, quæ in vicem corresponsdeant in ternaria ista dimensione, quippe, quæ formantur ad exemplum Archetypi seu radicalis Ideæ, nimirum Tabernaculum Dei, quod Moyses erexit, Templum Salomonis & corpus humanum: idque secundum trium illorum numerorum speciem, qui ipsis applicantur, nimirum vocalem seu operativam, qui est extractum mensuræ ad mundum Elementarè formalem, qui est extractum à vocali ad cœlestem & rationalem seu divinam, qui est extractum à formali ad intellectualem: quod totum efficitur apparens per Tabernaculi descriptionem. Hoc Tabernaculum cum tribus prædictis mundis Symbolizavit in suis partibus seu regionibus. Nam earum anterior erat intellecta, & aëri, ventis, nivibus, pluvie atque omnibus alijs impressionibus

Jerem. 9. 23.



## SECTIONIS SECVNDÆ, LIB. I.

tionibus Meteorologicis exposita, & perpetuis quasi aëris alterationibus erat obnoxia. Atque ad hanc Tabernaculi partem commune hominum genus, atque etiam bestię in assidua vitę & mortis vicissitudine, ratione continuorum sacrificiorum & holocaustorum, quę in isto loco offerebantur, frequentabant. Atque idē ista regio importans cubum materialem Elementari mundo quam rectissime refertur, quę conflat ex materia seu aqua grossiori, quasi substantia fluida & inconstans: atque ob hanc rationem proprię vocatur mundus tenebrarum. Hinc ergo Apostolus vocat Diabolum Tenebrarum principem, & alibi eum vocat hujus mundi principem. ista etiam regio corpori humano refertur. Secunda Tabernaculi portio, quę erat undique deaurata & candelabris septem luminum ornata & illuminata, est cœli stellati Symbolum cum septem egregijs ipsis luminibus, nimirum planetis. Atque hoc cœlum, ut est inter duo extrema, videlicet illud Empyreum atque Elementare medium, ita quidem hoc de extremo utroque participat, nimirum de aqua & de igne: atque hinc est, quod cœlum dicatur ab Hebręis **שָׁמַיִם** Schamaym, quasi ab **שֶׁן** Esh, igne, **מַיִם** Maym, Aqua, & à Gręcis **Æther**, quasi igneus aër. Sed aqua ejus existentia est idē incorruptibilis: quoniam ejus appetitus adēdō nectare formali desuper emissio inebriatur, ut omnis alterationis oblitus sit: motum autem seu activitatem suam ab eodem æterno effluxu recipit, qui juxta Salomonis dictum est omni remobilior. Et revera est primus motor Catholicus, qui dicitur primi mobilis præsidens, ad cujus actum omnes Intelligentię inferiores moventur, & ignes suos rutilantes secum in circuitu rapiunt: haud aliter, quā videmus, quod omnes rotę exteriores, per se quasi mortuę ad motum cœli rotę centralis moveri animadvertuntur, ut pote quę rota est earum vita. Hisce ergo colligere possumus, cur ista mundi regio, Cœlum, & Sphæra æqualitatis dicatur, nimirum ratione mixtionis suę ex æquali portione formę & materię: Etiam, cur appelletur Sphæra animę, nempe, quia conflat ex puro & incorruptibili aquarum spiritu, qui est fœmineus & passivus, atque lucido igne seu actu æterno. Nam mens Divina mediante humida ista natura, quę est ejus Vehiculum seu organum, agit, proprietatem suam vivificantem exprimit & exercet in hoc mundo. Hinc ergo agnoscunt etiam Ethnici, quod omnis vita consistat ex calido innato & humido radicali, quorum illud est activum & à Deo; hoc est, passivum & à puriori aquarum spiritu, quem quintam essentiam vocant nonnulli. Ista igitur regio ad vitam seu animam huma-

nam refertur, & relationem propinquam habet ad quadratum tam formale, quā materiale, quod est inter radicem & cubum quid intermedium. Tertia Tabernaculi portio erat *Sanctum Sanctorum*, quę supercœlestem seu intellectualem sive Empyreum importat spiritum, qui nihil aliud est ferē, quā purus & syncerus ignis, & traditur à Theologię Patribus esse Angelorum atque animarum sedes, qui sunt immediati magni sui Domini & principis Lucis ministri. atque hoc testatur duorum Cherubinarum præsentia, qui suis alis propitiatorium tegunt. Hoc cœlum refertur ad intellectum humanum, qui ab Hebręis vocatur *Nessamah*, à Gręcis *Nous*, & à Latinis *Mens*, quę Dominium habet in animam humanam. Ita, ut videre liceat, quod in magno mundo Cœlum Angelicum, quod est maximē formale, igneum & luce divinā plenum, est quasi anima cœli ætherei. Nam per illud & ab illo ista regio recipit suam vitam, motum & existentiam, atque proportionē simili cœlum æthereum seu cœleste est vita seu anima & agens in ipsius cœli Elementis. Nam mediantibus Sole, Luna & cæteris Stellis, quę suas influentias & radices deorsum super terram implunt, terra & aqua & omnes creaturę in ijs agunt, vivunt, generant & multiplicant: ita, ut cœlum æstimetur ab omnibus Philosophis esse mas, & Elementum sublunare fœmina, cujus matrix est terra & aqua. nam terra & aqua recipiunt influentias quasi masculi spermata, atque ita omnes generationes in terra & aqua fiunt. Nam corpus terreū operari nequit sine impressione seu contactu æreo: imō verō ipse homo requirit (ut Peripatetici volunt) assistentiam cœlestem ad suam generationem: Vnde Aristoteles: Sol & homo generant hominem. Porro etiam Philosophi omnes videntur in hoc consentire, videlicet, quod superiora agant in inferiora instar maris in fœminā. Et commune est inter Cabalistas peritiores Axioma, quod omnes res inferiores sint representativę superiorum. Et profectō vir admodum doctus & in istiusmodi scientia abstrusa bene versatus affirmat, quod æviale sive Angelicum cœlum esset ad exemplar illius æterni sive Idealis creatum: atque itidem, quod temporale Elementale esset imago cœlestis, & quod illud etiam ad exemplar æviale esset formatum: ita, ut Icones & actiones mundi obscurioris habent suas similitudines Ideales in & à cœlo lucidiori cœlesti; & mundi Stellaris imagines & actiones fuerunt prius in cœlo intellectuali & Angelico depictę seu delineatę: atque illius itidem Icones suam sortiti sunt originem à radicali exemplari, seu principio in Archetypo existente. Concludo igitur, quod tā Theologi, quā Philosophi mystici conveniunt in hoc, videlicet

Sap. 7.

Remedia, lib. 2.  
de Art. Cabal.

delicet quòd Deus numero ternario, qui est primus numerus impar pro progressionem Arithmetica gaudeat. Nam nos Christiani personarum Trinitatem in unitate veneramur. Et Aristoteles dicit, quòd naturali quodam instinctu, ipsum Deum secundum numerum ternarium revereri instruamur. Nec in consultè est hoc dictum, cum in mundo Ideali essent tres proprietates ab unitate extractæ (ut supra probavimus) ad cuius exemplar mundus realis erat tum postea fabricatus, ita ut Trinitas in Divinitate erat radix totius positionis mundi formalis. Nam per radicem 3. mundus intellectualis & Angelicus erat designatus, per quadratum 9. mundus cœlestis, & per Cubum 27. ille Elementaris, quemadmodum ex prædicta Platonis doctrina elicere possumus. Ad Rabbiorum verò & Cabalistarum opiniones quod spectat, ipsi quantitativas istius ternarij proportionales aliter considerarunt. Nam Cubus radicis 3. consistit ex tribus 9. seu numeris novenarijs: ita quidem ista tria 9 capiunt, eaque ordine Arithmetico sic conjungunt 9.9.9. quæ constituunt (999) nonaginta novem, ita, ut secundum normam Arithmeticam primū novem versus dextram sit simplex digitus seu numerus digitalis, qui ratione suæ simplicitatis, formalitatis & essentialitatis, attribuitur novem Angelorum ordinibus, qui pertinent ad mundum intellectualem: at (9) novem in medio consistens videtur ex uno latere magis participare de forma seu simplicitate, & ex altero de materia: Atque ob istam rationem illum novem orbibus seu sphaeris coeli stellaris attribuunt: Tertius (9) novenarius, qui loco centenorum disponitur importat profundiorē & magis materialem compositionem; quæ ad mundum Elementarem spectat: qui omnes numeri atque etiam mundi regiones tandem in homine terminantur; qui est quasi meatus secundum imaginem unitatis ab ipsis elementaribus ad res cœlestes, & ab illis ad res intellectuales. Denique si unitas, in qua Leucippus Philosophus summum collocabat bonum, sit prædictis tribus novenarijs addita, numerum completè millenarium, qui est cubus ad 10. & finis omnium numerorum secundum Hebræorum Calculationem, constituet. Etiam quadratum radicis 3. quod est 9, additione Aleph, quod est 1. producit denarium numerum, ultra quem (ut Aristoteles ait) nemo unquam invenit numerum. Ad prædi-

cti ergo typi exemplar lux antiqua seu Moysaica fecit fructuum & bonorum, à terra exurgentium, partitionem in partes tres dividi, quarum numerum centenarium, ut pote magis materialem & grossum Laicis & profanis, decimas Ecclesiæ & Presbyteris, ac denique unitatem sive partem decimam pro Deo assignavit, qui ut est omnia, ita quidem non est nisi unum. Sed ad propositum. Cabalistæ adoptaverunt nomen sui Angeli, quem ad animam mundi cum Platonis referunt, ad triplicitatem istam ternariam seu formalem proportionem; nempe 999. inde arguendo radicalem, quadratam & cubicam extensionem sive formæ divinæ in profunditate materiæ emanationem: & consequenter demonstratur, ipsam esse Alpha & Omega, vivificatorem omnium, qui omnibus est præsens & per omnia penetrat. Nam literæ seu Elementa vocabuli Mitatron Sarhapanim, quod significat principem facierum (qui sumitur pro anima mundi) secundum Calculationem Hebræorum ascendunt ad 999. atque idè hoc nomen cum literis ejusdem hunc numerum importat, sed tamen nihilominus cum ista consideratione, quòd vocabuli Etymologia per interpretationem significat DONVM DEI. Nam quod, obsecro, donum impertire majus potuit Deus creaturis suis potentialibus & generaliter universo mundo, quam æternum suæ sapientiæ spiritum, vel suum primogenitum, ut mediante ejus præsentia essentiali ex nihilo quasi aliquid efficeretur, & ut aquarum deformitatem & inanitatem deponendo & reducendo eorum potentiam in actum, & dividendo eas in cœlum & terram, pulchræ & speciosæ redderentur, & existentiâ, essentiâ & vitali facultate præservarentur. Hoc erat ergo verum & Catholicum Dei Donum, cujus incorruptibilis natura in est omni rei, ut eam præservet; & implet omnia, ut creaturis nunquam desit: & quemadmodum hic spiritus est omni re mobilior, ita operatur omnia in omnibus, juxta voluntatem illius unitatis, quæ illud emisit. Hac ergo de causâ & respectu ipsius officij ac quatenus erat spiritus emissus, haud immerito & non sine bona consideratione erat hoc nomen Angeli Catholici teste Scripturâ ei impositum. Possumus etiam aliter demonstrare, mundum ipsum atque animam ipsius esse secundum Archetypi imaginem creatam hoc modo.

Sap. 12. 1.  
Sap. 1.  
Sap. 7.

Deus.....1

Lux.

Cælum.....3

Sphæra æqualitatis.

Terra.....2

Tenebræ,

In qua demonstratione contemplari liceat, quomodo ex 1. quæ erat lux, in qua


non sunt tenebræ ullæ, exurgeret 2, qui ante lucis apparitionem erat, quo ad nos, tenebræ

## SECTIONIS SECVNDÆ, LIB. I.

nebræ seu tenebrosum Chaos seu abyssus ita dictum, quoniam tenebræ nondum ad aquas informandas effulserunt: Inter ista duo extrema interponuntur 3, tanquam pacifica & charitate plena unitas, quæ est medium amabile, duo extrema, nimirum lucem & tenebras, in amicitiam perpetuam conjungendi, seu spiritus divinus amoris & concordia, qui residens in medio inter duo illa principia, tam situ, quàm conditione extrema, unit & conjungit divinum formalem ignem cum humida materiali natura seu tenebrarum spiritu: ita, ut duæ illæ naturæ olim oppositæ, maneat in una sympathetica concordantia, atque ideo formalis iste ternarius vocatur ligamentum Elementorum, litem & amicitiam concordia vinculis connectens.

Excellens ista animæ mundanæ harmonia aliter à me quàm aptissimè mediantibus duabus figuris Pyramidalibus est explanata, quarum una est formalis, altera materialis. Basis formalis Pyramidis, est divinæ lucis fonti contigua, & denotat ista Pyramis lucidam emanationem spiritus omnia informantis & vivificantis, à fonte lucido in existentiam seu materiam informem mundi, ita, ut ejus conus penetret usque ad centrū tenebræ terræ seu abyssi. E regione basis Pyramidis materialis seu æquæ loco est diametri terræ, qui ab ortu in occasum transit per terræ centrum quasi locò à basi formali oppositissimo & remotissimo: ejus verò conus ascendit usque ad centrum basis Pyramidis formalis: uti hic depictum habetis.

*Figura Pyramidis.*



Iam verò, ubi intersectio facta est in medio inter ambas Pyramides, delineavi arcum circuli: quoniam portiones tam formalis, quàm materialis Pyramidis sunt in intersectionis puncto æquales. Ego igitur juxta Platoniorum opinionem voco Sphæram seu orbem per istam intersectionem transeuntem, Sphæram æqualitatis, atque in alio respectu Sphæram animæ, quæ positionem suam habet directè in medietate cœli stellaris, quod propter istam rationem dicitur æther seu igneus aër: ac si quis diceret, æqualis portio spiritus aquarum & formalis ignis à Deo luminis Patre descendens, ut dictum est, atque ideo, ut in præcedente demonstratione colloca- vi, in centro seu medio lineæ, nempe inter divinæ lucis unitatem & tenebrosam Chaos, vel deformem & confusam diadem (2) Ita in mundo erat corpus spirituale Solis visibilis istius mundi Typici collocatum: in quo Sol invisibilis & increatus, mundi Archetypici posuit Tabernaculum suum, atque ob istam causam à Platoniciis Sphæra animæ ritè dicitur. Et certè ab effectu invenimus, quòd omnis vivificatio procedat potenter ab influentia Solari. Porro tam in respectu pulchritudinis eminentis creaturæ illius, quàm actus vivificantis ejusdem liquidò constat, quòd benedictis divinæ lucis scintillis abundet. Iterum experientia quotidiana docet etiam rusticum & agricolam, quòd sit organum lucidissimum, per quod & à quo ipse, qui vivificat omnia benignitatis suæ effectus seu divinum vitæ nectar in inferiora quotidie effundit atque distillat. Iam verò, quòd ista concordantia vitæ perfectissima & excellentissima maneat & sedem suam habeat in medietate lineæ & quasi Chordæ extensæ ab unitate, seu centro basis formalis ad dualitatem seu centrum basis materialis: ac si esset Monochordi mundi Symphoniaci Chorda, per consonantias musicas, sic probo atque demonstro. Perfectissima consonantia in Musica est Diapason, quippe, quæ ex omnibus alijs propinquis accedit ad naturam sacræ unitatis. Nam est dimidia pars unisoni, & per consequens aptissimè sacrosanctæ vitæ emanationi comparatur, quæ ex unitate oritur; atque ideo haud injuria dicitur Idea seu imago unitatis, & ut unitas, cum non sit nisi unica essentia in divinitate, comprehendit tres personas, importantes tres Harmonia Archetypicæ consonantias; ita etiam Diapason comprehendit sub se seu in sua dimensione alias duas Musicæ concordantias, nimirum diapente & Diatessaron: Iam verò, quòd perfectissima illa consonantia in unisoni medietate consistat & sit posita, & duas sua positione centrali in unisono concordantias Diapason procreet, hoc modo probamus. Accipiat Barbiton, vel aliquod aliud instrumentum musicum ex Chordis consistens, & percutiatur aliqua

aliqua ipsius Chordæ apertè & dabit vocem Catholici sive universalis unisoni. Nam, ut Chordæ est unica, ita sonus erit absolute unicus in se & se habebit, ut Pater consonantiarum, quarum primogenita & dignissima erit Diapason, quæ ex ventre seu centro Unisoni procreatur hoc modo: Pre-me Chordam Unisonam constituentem exactè in medietate, & tunc ambæ dimidiæ Chordæ portiones, se habebunt in proportionem dupla, nimirum ut 2. ad 1. Atque ita Diapason perfectissima consonantia sic produceretur. Quod est argumentum sufficiens ad demonstrandum, quod perfectio Diapasonis sit in sede Solari, & consequenter, quod formalis & viva concordantia totius mundi, quasi monochordi (cujus spiritum refero ad Chordam monochordi) à sede Dei ad terram usque extensa, sit non aliter in isto medio & centrali loco, quàm cor, quod est sedes vitæ humanæ: & tamen per radios Solis hæc mundi vita seu anima facta est Catholica & omnia implet: non aliter, quàm sanguis vitalis universaliter per microcosmi fabricam mediantibus venis & arterijs se expandit. Sed, jam metuo, ne istum punctum, nempe ad probandam animam mundi, sim nimium persecutus, quare illum relinquo, ut possim, subiecto præ manibus habito, propinquis accedere, atque eò magis, quoniam libro quarto sectionis primæ, ubi translationem istam D. Hieronimi sustinui esse veram, videlicet: **DEVS POSUIT TABERNACVLVM SVVM IN SOLE**, mysterium Solare plenius pertractavi, jam verò ad secundam Philosophorum opinionem procedam. Antiqui Philosophi, Democritus, Orpheus, cum Pythagoricis asseverarunt, omnia esse Dijs plena: at omnes hos Deos ad unicum summum Iovem referunt: ubi per Deos, divinas virtutes omnibus rebus iufusas intendunt, quas Zoroaster vocavit divinos Illices, & Synesius Episcopus Symbolicas illecebras; alij eas vocant animas, alij sortes, in quibus virtutes rerum dependent. In quibus videntur non multum errare, præterquam, quod essentiam divinam in diversitates Deorum distinguunt: attamen in eo se ipsos excusare & ab hoc errore purgare apparent, quod omnes illos Deos ad Iovem unicum referant: qua quidem relatione continuitatem & indivisibilitatem animæ cum divinitate agnoscere videntur. Conveniunt ergo cum scripturis in eo, quod divinam essentiam inesse omni rei fa-

teantur Platonici & omnes illi Philosophi, qui cum eorum opinione participant, in omni re cum Orpheo & Democrito consentiunt, nisi in eo, quod illi spiritum hunc divinum animam mundi vocant; hi Iovem esse dixerunt, & quod hi virtutes creaturas possidentes Deos dictitant; illi eas animas, peculiares nominant, quæ relatione continuam habent cum anima mundi; Haud aliter & in eodem sensu scripturæ dicunt, quod Spiritus Dei incorruptibilis insit omni rei. 3ap. 12. 1

Concludo igitur, quod, ehm anima mundi habeat pro suo interno splendendam unitatis æternæ emanationem, & pro suo externo subtilem Catholicum aquarum spiritum seu naturam humidam, quæ ei loco humidi vehiculi seu organi materialis inservit, in quo & per quod spiritualiter ubique & in omni re operatur, agnoscere debemus, quod sit quædam contrarietatis species etiam in ipsa anima Catholica mundi, sine qua nulla foret actio & passio in anima creata. At quatenus ipsa est creata ex anima lucida seu natura activa increata, quæ tendit ad Deificationem & exaltationem Spiritus creati, si ipsi adhæreat: & ex creato passivo spiritu, qui est soboles obscuræ & tenebræ abyssus seu Chaos, & idè ad tenebrarum naturam movendam facile inclinatur. Non est mirum, si ratione variæ spiritus istius conditionis ei ad sint, quandoque passionibus bonæ, & quandoque passionibus malæ, quæ non modò in cælis & in terra macrocosmi & creaturarum tam celestium, quàm Elementarium ejusdem, sive sint animalia sive vegetabilia & mineralia, sed etiam in mundo minori, qui est homo more opposito seu contrario operantur: Quemadmodum in primo capite libri hujus sectionis sequenti declarabitur. Sed in primis operæ pretium existimo, verum mysterium animæ peculiaris microcosmi enodare atque enucleare: ac tum postea ostendere, quomodo omnes aliæ creaturarum tam animalium, quàm vegetabilium & mineralium animæ à Catholica ista mundi majoris anima procedant & deriventur, ac in suo vitæ statu ab illa præserventur & multiplicentur: Quoniam hoc dubium à præstantioribus Philosophis nondum est plenè & lucidè ad hunc usque diem disceptatum: & per consequens discursus iste meus non debet etiam ab hujus ætatis doctissimis parviseri. aut leviter & negligenter inspicere.

# SECTIONIS SECVNDÆ, LIB. I.

## CAPVT. V.

*Quomodo omnes anime particulares à Catholica illa mundi anima non modò procedere, sed & suas in ea & ex ea habere præseruationes & multiplicationes dicantur, & primum cum anima creatura nobilissima, nimirum hominis, incipiam.*

Pim. 1.

Pim. 8.

Pim. 9.

**H**ermes, dictus Mercurius Trismegistus, consulté satis dixit, quòd mundus esset factus ad similitudinem seu typum Dei. Quare, ut unus dicitur Archetypus, ita quidem alter typus dicitur. ob istam ergo rationem alibi asserit: Scio mundum à Deo atque in Deo; hominem verò à mundo & in mundo consistere; principium autem comprehensioque omnium Deus. Atque iterum sic: Deus est Cosmi seu mundi Pater, Cosmus verò eorum, quæ in Cosmo, & Cosmus quidem Filius Dei & jure Cosmus appellatus est, quia omnia varietate generationis exornat, nec non indefinente vitæ operatione perpetua necessitatis celeritate Elementorum commissione, ordine genitorum: Cosmus, quæcunque ab ipsa origine suscepit à Deo, perpetuò servat &c: In quibus non videtur ipse à paginæ divinæ sensu discrepare: Quoniam ibi invenimus, quòd Deus in principio creaverit mundum ex materia informi, & quòd naturam mundi humidam seu coelos mediante suo spiritu vivifico adornaverit, & quòd ab inspiratione ejusdem Spiritus vitæ in mundo mundus & omnes creaturæ ejusdem fuerint animatæ, & quòd illæ creaturæ accipiant ab Elementis mundi substantialibus suam existentiam materialem: ita, ut quemadmodum Deus per effusionem spiritus sui vivificantis & omnia operantis in mundum fecit humidam & passivam ejusdem naturam operari; & ille spiritus mundanus sic animatus; quippe cujus vis divina in totum & in qualibet ejus parte effunditur cum natura sua interna naturante; haud injuria nuncupatur anima universalis: ita sine ulteriore dubitatione quælibet anima particularis in vasta machinæ mundanæ cavitate procedit, seu procreatur, dependet, seu præservatur & multiplicatur ab & in anima ista Catholica; utpote, cujus est, teste Scriptura, inspirare & vivificare omnia, & ut alibi habetur, dare vitam, inspirationem & omnia. Quare non modo Microcosmus, sed etiam Macrocosmus in eo vivunt, moventur & existunt. Nec mirum, si vobis Peripateticis assero, omnes peculiare animas consistere in illa mundi Catholica: haud aliter, quàm omnes radij Solares sunt in Sole: cum vestrum sit axioma pro certo statutum, quòd totum comprehendat suas partes: Vnde sequitur, quòd quælibet pars particularis suam hauriat existentiam à fonte totius: Sed Catholicus materialis mundi Spiritus ina-

A& 17.

tuatur & informatur à Catholico æterno Spiritu omnia creante & vivificante, qui in sua essentia est indivisibilis. Quare, ut ab immenso vitæ fonte vitæ influentiæ sub forma infinitorum radiorum invisibilis unius Solis expiratæ creaturis infinitis actualiter emittuntur, ut mediantibus ijs vivant & informantur: ita quidem hi vitæ radij non minus sunt continui & indivisibiles à fonte vitæ seu spirituali & invisibili Sole, quàm radij Solares à Sole visibili discerni aut separari queant. Neque erat sufficiens, ut Adam indueret corpus microcosmicum, videlicet massam Argillaceam seu terream pro portione sua materiali seu elementali, nisi spiritus iste divinus à Deo in mundum emissus suæ divinitatis portionem, nimirum vitæ spiraculum, in illud non inspirasset, quo mediante, movebat, vivebat & in statu humano existeret. atque ideò Hermes haud inconsultè dixit, quòd mundus esset imago Dei, & homo imago mundi. Nam, ut Deus aqueum mundi spiritum suo afflatu vitæ vivificabat; ita ille vitæ spiritus, qui est unica essentia indivisibilis cum Patre, in mundum emissus, universalemque ejusdem spiritum implens, non modò hominem, sed etiam omnem aliam creaturam animalem, vegetabilem & mineralem vivificat, præservat & multiplicare facit. Nam (teste Salomone) Spiritus Dei incorruptibilis inest omni rei. Hoc igitur in loco seu ordine priori sagaciter considerato procede sic.

Sap. 18. 1.

Specierum super terram varietas ab actu creationis procedebat, quando Verbum FIAT erat editum, & immediatè voluntas locutoris à sua sapientia seu verbo in Spiritu Sancto erat peracta. Sunt autem nonnulli viri consulti, qui putant, quòd omnes creaturarum species seu genera per literas 22. Hebræorum & in ijs essent expressæ & idealiter quasi depictæ; non dico illas externas, quæ vulgariter imprimuntur aut atramento vel arte describuntur, quæ sunt mera umbra respectu aliarum, sed igneæ, formales, lucidæ & spirituales, quæ in tenebrosa abyssi seu hylæ facie seu superficie igneo æterni locutoris verbo in principio sunt sculptæ seu depictæ: Vnde originaliter Elementa quasi Hylementa sunt dictæ, quatenus nimirum in obscuro Chaos sive hylæ Cartha seu superficie sunt descripta secundum sensum & voluntatem Creatoris: ac si verbum Creationis Typicæ mysteria à Deo Patre recipiens ea typicè & secundum

secundum exemplar Archetypicum Characteribus formalis ignis vivis delineaverit: Lingua autem, quæ ex ijs est formata, lingua hinc inde sancta appellatur à pluribus hujus seculi Rabbinis sermone super ficiali decantata; à paucis verò essentialiter intellecta: & tamen earum cognitio vera haud minimi apud sapientes in vera tam mysteriorum sacrorum, quam Cabalisticorum abstrusorum enucleatione existit momenti. Sed, ut procedam, Iuxta divini verbi & Characterum ejusdem formalium tenorem, quorum effectus transeunt sine ulla alteratione mundum, quælibet in isto mundo species, seu quodlibet rerum genus, erat creatum, atque iterum quodlibet individuum cujuslibet speciei, & quælibet species cujuslibet generis, fuerunt factæ ab invicem tam in figura & proportionem, quam conditione seu proprietate distinctæ & diversæ. Iam verò, ut superius dixi, quod iste Domini spiritus seu Verbum, existens in se unicus & idem in essentia, sed in proprietate multiplex, efficeret voluntatem sui Patris in Creando res tam differentes, ita quidem continuat & præservat omnes has species seu genera per generationem & multiplicationem in suis statibus successivis, & omnium earundem individua per totum suæ existentiæ tempus, mediante tam æthereo, quam Elementari nutrimento, sustentat: quod quidem alimentum spirituale descendit à cælo ad nutriendos spiritus cujuslibet individui secundum suam speciem. Nam intelligere debetis, quod, ut anima mundi est anima generalis omnibus, ita quidem aer factus est aurei ipsius Thesauri sive pabuli spiritualis cista seu arca, quod, dum occulte & more vaporis invisibilis à cælo in aërem descendit, implet & sustentat omnia: unde, quatenus in aëre aperto natat, tam aptum est ad sustinendam & multiplicandam vitam serpentis, quam illam hominis, avis, piscis vel arboris &c. Nam, ut primum magnetica creaturæ vis (quæ omni momento refectionem & alimentum ab isto Nectare seu pane cœlesti appetit,) proportionem debitam istius spiritus seu naturæ Catholicæ attraxerit & introduxerit, generalem suæ conditionis statum relinquit, & specificam Creaturæ dispositionem induit, hoc est, juxta individui naturam, quæ illud recipit, operatur & in eam se convertit; nimirum in cane caninam proprietatem & essentiam, in cælo illam cœli, in homine humanam, in quercu quercinam, in tritico triticeam &c: sibi assumit naturam: & consequenter est in causa, quod spiritus cujuslibet creaturæ in eo nutritur & sustentetur. Nam, hoc erat mandatum Creatoris, quod, quo spiritu creatura juxta conditionem suam in creationis instanti esset creata, eodem etiam sive in nutrimento sive in aëre sustineretur, præservaretur & multiplicaretur. Hinc dicit Philosophus fide dignus: Est in aëre oc-

cultus vitæ cibus. Quo innuere videtur, quod cibus Quintessentialis, quem creatura à Catholico vitæ spiritu in isto mundo recipit, ordinatione divina ubique in aëre pendeat, & volet, ut semper sit paratus pro cibo vitæ creaturarum elementarum spiritualis supplemento. Hinc scripturæ: Deus dat vitam & inspirationem & omnia: & quod vivificat omnia: Et, quod visitatio ejus conservet spiritum: & quod vita adsit benignitate Iehovæ: Et, quod vitæ fons penes eum sit: Sed istud Propheta alibi luculentius: Deo dante Creaturis colligunt, aperiente manum suam satiantur bono, abscondente faciem suam conturbantur; recipientem spiritum eorum expirant; emitente spiritum suum recreantur. Et Christus ait in Oratione Dominica: Panem nostrum Super substantialem da nobis hodie, ut Hieronymus interpretatur. Et Salvator idem alibi: Pater vester vobis de cælo dat panem verum: Panis enim verus est, qui de cælo descendit & dat vitam mundo: Sed scio à nonnullis adversus me allegatum fore, quod panis iste hoc in loco intenditur pro pane spirituali, & non pro materiali nutrimento. Concedo ego, quod in hoc haud inconsulte loquantur & arguant. Nam cibus iste est spiritualis, atque ob istam rationem reservatur pro creaturæ corde & arterijs, & nihil in se est, quam pura vitæ: Nonne dicit salvator, quod non solo pane vivat homo, sed omni Verbo, quod procedit ab ore Dei? At sermo iste intelligebatur de Manna illa Moysaica, qua mediante Israëlita fuerunt in deserto nutriti. Et Apostolus vocat illud alimentum, & Petram spiritualem, quæ erat Christus. Et ideo dixit Petra illa spiritualis: Ego sum panis vitæ. In hoc ergo verbo solummodo & in nulla alia re, est solum hoc verbum in alimento, quod nutrit & sustentat & non alimenti externum. Nam in hoc verbo inest & erat vita. Hinc dictum est à Moyse post creaturarum creationem: & vidit, quod omnia, quæ creavit, essent bona, hoc est, non inania & vacua, sed essentia divinitatis plena. Hinc ergo omnis creatura dicta est bona participative, quoniam participat de illo spiritu, qui solus est Bonum & Bonitas. Remetiar ego, quid nonnulli ex Philosophis Ethnicis dixerint de hac re, qui (in Christianorum dedecus sit dictum) profundiorum habuerunt in divinis mysterijs inspectionem, quam plurimi istius ætatis doctores, qui Christianorum nomine insigniti majores videntur, ut pote in veris Christiani fundamentis steriles, quam rei veritate sunt. Vnde & aptiores ratione suæ inscitæ redduntur, ea omnia, quæ à Philosophis Antiquioribus sunt prodita, condemnare, ipsosque pro reprobatis & damnationi adjudicatis habere, sermonis profecto Apostoli immemores, quo docentur, quod omnes homines sint ex divina generatione. Sed ad propositum. Zeno

A. 17. 29.  
Job. 10. 12.Psal. 30. d.  
Psal. 36. 10.  
Psal. 104.

Iohan. d.

Matth. 4.

Deuter. 8. 3.

2. Cor. 11.

Ioh. 8.  
Ioh. 1.

Gen. 1.

A. 17.

Zeno.



## SECTIONIS SECVNDÆ, LIB. I.

**Prometheus.** Philosophus animam humanam ignem naturalem; & Prometheus, ignem cœlestem homines vitâ ditantem vocarunt. Et quoniam iste Prometheus traditus est, possessionem ignis istius habuisse, idèd à Poëtis fingitur, ipsum pro surrepticia sua ignis istius é cœlo ablatione graviter à Iove fuisse punitum. At Hermes illam ignem verbi humidæ naturæ adhaerentem vocat. Et Zoroaster atque Heraclitus dicunt, illam fuisse ignem invisibilem, mediante quo omnis generatio & multiplicatio solet fieri. Cum ergo ignis ille vitæ nunquam moriturus sit in Creatura animali, necesse est, ut pro conservatione & multiplicatione illius à suo simili in aëre omni temporis momento nutriatur: quod, ni fiat, necesse est, ut vita creaturæ evanescat, atque ita Creatura pereat. Atque hoc est illud, quod Parmenides videtur intimare, ubi ait: Natura suâ naturâ lætatur. Hanc ob causam ignea vitæ virtus suam positionem habens in cordis creaturæ centro, cum gaudio, delectatione & appetitu insigni per magneticam quandam proprietatem suam simile ex aëre mediante inspiratione attrahit. Nam (ut dixi) occultus vitæ cibus seu alimentum est in aëre. Hæc ergo est ratio, quod Author quidam anonos optimè in mysterijs Dei & naturæ versatus hoc dicat. O natura cœlestis veritatis naturas multiplicans! O natura fortis! Natura vincens & superans suasque naturas gaudere faciens! Quibus arguit, quod adjumento & visitatione istius naturæ cœlestis, spiritus vitales & flammæ ijs inclusæ crescant & multiplicentur. Nam hujusce virtute non modò vita, sed & fructus generationis procedunt & more infinito producantur. Inferimus ex his, quæ jam dicta sunt, quod aër Elementaris sit influentijs vitæ, vegetationis, multiplicationis & formalibus seminibus plenus: quatenus ipse est arca Dei Thesauraria, divinis radijs & donis cœlestibus locuples & exuberans. Nec spectat ista mea assertio ad regnum solummodò animale compositionis, sed etiam ad illud vegetabile: nam hoc ipsissimo spiritu vegetant, hocque multiplicant in infinitum, & suam existentiam habent. Nam ego sum ipse ocularis testis, atque etiam possum, si opus est, demonstrare, quod spiritus tritici vegetabilis, in quo secretus spiritus habitat sit purus sal volatilis, qui nihil est aliud, quàm aër specifici seu tritici essentialis. iste sal volatilis est liquor unctuosus, tam albus & clarus, ut Cristallus, cuius nihilominus internum igne vegetabili repletur, quo mediante in infinitum multiplicatur. Nam iste ignis formalis est vis quædam Magnetica, per quam sibi similis vitæ & vegetationis exuberanter ex radijs Solis, qui est arca Dei Thesauraria vitæ, & vegetationis, mediante vehiculo aëreo extrahitur. Percepi ergo, spiritum istum vegetabilem à suis ligamentis Elementaribus

liberum, & in liquoris lymphidissimi formam redactum, radiorum solis formalium adèd cupidum & tantâ sympathiâ appetentem, quod ipse solaribus radijs per spatium trium horarum expositus, tantam sibi tineturam solarem sive formalem ad se attraheret, ut ab albicante & Cristallino colore in rubinum sanguineum esset factus. Quo experimento facillimè revelabatur formalis tam animalium, quàm vegetabilium multiplicandi ratio. Nam, hæc est ratio, quod granum Tritici in infinitum quasi multiplicatur. Præterea nullus verus & peritus Philosophus ignorare potest, quod nitrosa illa cujuslibet rei natura, quæ non est nisi aër, qui virtute secreti illius spiritus, qui eam inhabitat, tam aërem, quàm formam cœlestem ad se attrahit: quoniam formalis actus non nisi per medium seu vehiculum aëreum in creaturam queat inspirari. Atque hæc est etiam ratio, quod tam quantitativa creaturæ substantia respectu aërei vehiculi, quàm formalis essentia creaturæ augeatur indies, atque incrementum suum habeat: Vnde patet, quod ab illo eodem spiritu tam vegetatio, quàm multiplicatio oriatur. His ergo cum diligentia perceptis, ratio in promptu erit, quomodo Chylosus humor albicans in rubicundum sanguinis colorem sit exaltatione transmutatus, atque etiam modus vegetationis & multiplicationis in animalibus atque multiplicationis seu incrementi per viam generationis animalium. Sed, quoniam in primo Anatomiz meæ tractatu, ubi de Tritici seu Panis Anatomiz sermonem facis amplum de admirabilibus spiritus istius vegetabilis proprietatibus feci, idèd plura hoc in loco de ipsis non loquar, sed ad animæ microcosmicæ mysterium me convertam. Spiritus vitæ erat taliter à Deo in hominem terreum inspiratus, ut subitò massa in creaturam animale esset redactus: Haud aliter, quàm cùm Ruach-Elohim aquas inspirasset, ipsæ erant immediatè animatæ, vivificatæ & in mundi magni imaginem formatæ: ob quam rationem Platonici eum vocarunt magnum animal: Sed, ut mundus erat factus ad imaginem Dei, antequam homo erat creatus, & tum postea ipse homo virtute ejusdem spiritus erat in mundo ad exemplar verbi vitæ seu spiritus prædicti imaginem formatus: ita considerare debemus, quod homo habeat modum vivificationis, sustentationis, præservationis atque multiplicationis suæ ab anima mundi & Elementis ejusdem. Quare Hermes, haud indiscretè descensum & ingressum spiritus mundi vivificantis in corpus humanum hoc modò describit: Aër, ait, est in corpore, anima in aëre, mens in anima, in mente Verbum; verbum autem est eorum omnium Pater. Quibus arguit distinctionem illam à me antea relatum, quæ est inter mentem, animam & spiritum, ostenditque, quod summum animæ mysterium

rium sit mens, Pater & Verbum. Porro etiam concludere videtur, quod verbum sit imago Dei, mens Verbi, anima mentis, aer animæ & corpus æris. Quo discernere possumus admirabile illud ligamentū & nexū quæ membra mundi habeant inter se, atque etiā declaratur, quod prior Elementaris materiæ portio sit aer, & quod purior in aere sublimitas sit forma vitalis seu anima, cujus caput est mēs divina, cujus radix est verbū, in quo erat vita. Quare patet, quod mens illa in anima accipiat pro spiritu sapientiæ, utpote cujus fons est Verbū Dei, ut testatur Syriachus, quippe, quæ implet & vivificat omnia. Est enim in eo, teste Davide, omnis virtus cœlorū, & per consequens vis informandi, generandi, vivificandi, vegetandi & multiplicandi. Ac si ego cum Hermete dicere, quod lucidus & æternus Dei spiritus in spiritu Quintessentiali seu Æthereo faciat animā in aere, eamque introducit mediante vehiculū aëreo in corpus humanū, in quo producit effectus vivificationis & multiplicationis speciei. Quare alibi dicit: Anima hominis in hunc vehitur modū: Mens in ratione, ratio in anima, anima in spiritu & spiritus in corpore: Spiritus per venas arterialesque sanguinēque diffusus animal undique ciet &c: Debemus igitur imaginari, quod aer, qui per inspirationē attrahitur ad cor sit istiusmodi divini vitæ Thesauri plenus, qui ad cor humanū in suo vehiculo per inspirationē introductus semper suū simile ad se virtute quadā Sympathetica attrahere non desinit. Nā natura lætatur & gaudet in sui similis præsentia, uti diximus: atque iterum, quod cor sit pretiosum thesauri vitalis sacrarium, agnoscere videtur David in istis: Cor tuū, inquit, custodi supra omnē observationē: quia ab eo procedunt actiones vitæ. Modus atque instrumenta, per quæ spiritus ille more Sympathetico attrahit, & post attractionē illud aëreum vehiculum quod est superfluum expellit, sunt huiusmodi. Cum sine vitæ & generationis scintillis, quæ in aere occulto modo natant, nemo mortalium; imò verò nulla creaturarū mōtō temporis vivere aut durare possit, necesse est, ut ipsæ assidue & quolibet minuti spatio à creatura attrahantur & per inspirationē introducantur. Nam si hoc isto actu salutari & effectu ejusdem, necesse est, ut animal immediatē præfocetur. Nam per suppressionē & deprivationē aeris anima in instanti à suo actu seu operatione vivificante cessabit, ut pote, quæ est nihil aliud, quàm æternæ lucis in anima mundana actus: Nā conflatur anima, ut dictum est, ex lucida divinitatis emanantis virtute & subtili humida natura mundi, quarum prior calidū innatum, posterior humidū radicale creaturis assignat, atque ideo duplex ista virtus assidue seu continua aeris inspiratione renovatur ac multiplicatur. Hic ergo spiritus animalis & consequenter hominis per inspirationē attrahitur in lavū cordis Thalamum,

seu ventriculū rectarum fibrarū cordis contractione, in quo actu fibræ transversæ & obliquæ relaxabuntur, unde & cordis regio dilatabitur & aperietur, atque ista actio à Medicis vocatur Diastole. In tempore ergo seu spatio istius motionis cor quadam virtute attractiva aërem cum vitali suo thesauro mediante inspiratione per arteriam pulmonum venosam in lavam ipsius regionem introducit, qui Thesaurus tum postea cum pro vivificatione seminali generatione non aliter inservit ac pro spirituali multiplicatione, tum pro nutritione vitalium & internorū generationis spirituum, quàm Hepar succum grossi nutrimenti Chylosum ad spirituum naturalium nutrimentum ac incrementū sibi per venas mesaraicas allicere solet: qui naturales spiritus ad corporis partium vegetationē & augmentationē à creatore destinantur. Iterum postquam natura vitalis istum aëreum spiritum cum arcano suo Thesauro acceperit, eumque in Thalamum cordis lavum, tanquam suum bene ornatum & subtiliter ad aptarū laboratorium introduxerit, eum cribrare, seu Anatomizare, aperire atque ejus viscera scrutari incipit, naturamque cœlestē cum divino ejusdem actu, verum (dico) vitæ Thesaurū seu invisibile vitæ ignem à grossiori & magis inutili suo vehiculo aëreo Alchymia divinā & admirabili separat, salemque quendam subtile, volatile & digniorem aeris portionem, quæ essentialē & immediatū est Thesauri vitalis vehiculū, & quasi anima ætherea in aere, ut Hermes dicit, in aortā sive arteriam magnam, quasi spirituum vitalium sacrarium seu myrothecium, includit, atque superflua aeris inutilis portionem per expirationē in instanti emittit: & ista actio expulsiva fibrarum in substantia cordis transversarum contractione & rectarū dilatatione fieri solet. Nam hac actione cor etiā contrahitur & comprimitur: atque ista actio à medicis Systole dicitur. Intelligendū est autē, quod pro meliori Thesauri istius vitæ aurei in arteriali isto sacrario præsertione & comprehensione Deus in Aortæ orificio regioni cordis sinistræ annexo valvas tres semilunares ordinavit, quæ pabuli illius vitalis ingressu aperiantur, ac tū postea immediatē clauduntur, ne Thesaurus ille inclusus iterū per eandē portam, qua ingressus est, egrederetur. Propter istam igitur rationē valvæ illæ taliter à Deo efformantur, quod ab intus aperiantur atque claudantur ab extra, ita, ut, quemadmodum ē regione duæ illæ valvæ, quæ arteriæ venalis officio inseruntur, sunt foris apertæ & intus clausæ, quæ ideo Mitrales nuncupantur, quoniam mitris Episcoporum sunt simillimæ; atque horum officium est, ut tam aërem inspiratum intromittant, quàm superfluum & inutilem ejus portionem emittant: Vnde patet, quod facilis aëri conceditur quasi Thesauri vitæ accessus in cordis Thalamum, sed negatur Thesauro, quem vexit aer, egressus.

## SECTIONIS SECVNDÆ, LIB. I.

Iam verò istius spiritus vitæ actionem & effectus, postquam in trunco arteriali sit ita inclusus, paucis exprimam. Certum est, quòd ipse sit captivus factus in ejusdē arteriæ ramis & subdivisis canalibus se ipsum per universum corpus humanum dilatet. Nam per ramos Arteriæ magnæ, Carotides dictos, portio rectificata ejusdē jam specificati spiritus ascendit ad cerebrum; per istos (inquā) canales & conductus parvulos, pars super coelestior istius in Chymia naturali extractionis (ut pote quæ est dignitate & subtilitate cæteris totius vitæ fontis super excellentior & per consequens mentis divinæ scintillis repletior) supremā Microcosmici palatij regionē & quasi cælum ipsius Empyreū sibi pro sua sede vēdicat. Huc enim ascendit radius mentalis in suo rationali vehiculo, illumque locū pro suo cælo cælortū eligit: sub ea ramēlege & conditione, quòd virtutis & potestatis suæ radij per omnes Arterij Catholici ramos se expandant seu extēdant. Propter istam igitur rationē omnes medici tam Ethnici, quā Christiani concludunt, quòd actio hominis voluntaria suā sedē seu positionē habeat in cerebro, quatenus illud est facultatis animalis regio: cū ē diverso aliæ duæ ipsius actiones, nempe illa vitalis in corde & naturalis in hepate videtur esse illi animali subjēctæ, cū sint actiones involuntariæ. Atque hæc est causa, quòd cerebrū sit rationis atque intellectus sedes, & quasi primus in machina microcosmica motor. Tunc in secunda serie illa introducti spiritus portio, quæ in officina seu laboratorio naturæ humanæ purificatur & actioni vitali adaptatur in illos Arteriæ magnæ ramulos vehitur, qui cervicales nominantur: suntque arteriæ illæ, quæ assignant vitam regioni pectoris. In hoc ergo loco illa spiritus portio spiritualis illius vivacitatis impressionē induit, quæ ad partes vitales & Thoracales attinent: ac etiam in ramis arteriæ Coronariæ dictis sibi assumit ideā internā illortū spirituum, quæ spectant ad vivificationē cordis: atque ita in cæteris ramis arterialibus, videlicet Humerarijs, Thoracicis, Axillaribus & cæteris cum spiritu isto vivifico, quē comprehendunt. Nam, ut hic spiritus erat in libero aëre, ita Catholicus erat & omnē in se virtutem habet in potentia & complicité: At quando creaturā aliquam ingressus est, tunc specificatur & explicité convertit se in naturā & conditionē cujuslibet creaturæ animalis regionis. Ita, ut invisibilis ille spiritus in vehiculo vix perceptibili delitescens, & quasi in tenui aërei spiritus substantia natans, non solum se expandit & dilatatur ad cujuslibet membri corporis vivificationem & vitæ sustentationē, sed etiam se ipsum in nubeculā spermaticā vix perceptibilem contrahendo (quod accidit, in actu copulationis sive coitus per certā magneticā virtutē divino amore animato) & totius gignentis impressionē jam habēs mirabili & veloci actione & transitu in

duo vasa spermatica præparantia arterialia, nimirū dextrū & sinistrum, à quolibet corporis membro, sed præcipuē à tribus principalibus descendit: Atque ibi coelestis ille spiritus igne divino exuberans ad imaginē radicalis Archetypi, (in quo omnia erant prius spiritualiter & idealiter delineata & cōplicité comprehensa, priusquā explicité, quo ad nos paterent: haud aliter, quàm Rex David gloriatus est, se imaginē templi totaliter digito Dei descriptū habuisse, quod tum postea ad illud exemplar erat realiter à Salomone ædificatū) continet internū & invisibile illius corporis, quod in actu visibīlē tum postea & realiter erat delineandū atque producendum, hoc est, idealiter in se cōprehēdit & possidet hominis interni sive spiritualis figuram: ut ē regione externi, & corporalis hominis ico seu effigies, quæ cōpacta est ē quatuor Elementis, ex spermate hominis visibili in duobus vasibus feminalibus præparantibus venalibus cōtēto, procedit: ita, ut ex spermatis vasortū arterialiū concursu cū illo vasortū venaliū, mixtio facta est inter materiā & formā hominis, hoc est, inter ejus internū & externū; in quo interno est illa antedicta divinitas, quæ domum suam externā ad imaginē speciei conformat. Sed & hoc totū habemus à pagina sacra confirmatum. Tu possides (inquit David) renes meos, ex quo obtegebar in utero matris meæ, non celata est vis mea tibi, ex quo factus sum in abdito artificiosē confectus velut in imis partibus terræ. Massam meā vident oculi tui, & in libro tuo omnia membra mea sunt scripta, ex quibus diebus formabantur, cū nullū ex ijs extaret &c. Vnde liquet, quòd vis divina esset in semine, quod est hominis internū, cujus digitus homo in divina ejus idea antea descriptus ex & in semine externo seu spermate explicité figuratur. Ad istud etiam propositū Iob ista: Spiritus Dei fecit me & spiraculū Omnipotentis vivificavit me &c: ac si dixisset; ex spermatis massa, fecit me spiritus divinus, haud aliter, quàm Adamum ex lutō seu argilla, & postea spiraculo suo vitā inspiravit me, & factus sum in animam viventem. Et Salomon: quemadmodum ignoras, quæ sit via spiritus & qua ratione compingantur ossa in ventre prægnantis: sic nescis opera Dei, qui est fabricator omnium &c: Profecto iste Textus habet intentionem admodum mysticā, & præcipuē ad istud nostrū subjēctū referri potest: Nam, uti istum Textum produxi antea ad spiritus divini in ventris macrocosmicis existentia probandam; ita quidē huic negotio microcosmico aptius referri potest. Nam, ut Iob dicit: Spiritus Dei fecit me: ita textus iste, quàm sit difficile ad generationis humanæ arcanum enucleandū: innuens, hominē ignorare viam & progressionem spiritus divini in spermate: quā ejus intentionē etiam confirmat consequentia Textus: Ignoras, qua ratione compingantur ossa in vêtre prægnantis. At quicunque

161.139.13.

Iob. 33.4.

Ecclef. 11.5.

Job. 30. 10.

cumque intelligit actionē spiritus & viam, qua in isto opere progreditur, sciat modum per quem tam mirabiliter operatur ista. Sed, hoc totum enucleatius à Iobo explicatur: Nonne, ait, sicut lac fudisti me, & tanquam Caseum coagulasti me, cute & carne induisti me, ossibus & nervis compegisti me, cum vita benignitatem exercuisti erga me & visitatio tua præservavit spiritum meum? At ista recondisti in animo tuo: Novi hæc apud te esse &c: ex quo sermonis filo omnis in hac re quaestio & difficultas auferri videtur, imò verò totū istius rei mysterium, nimirum tam in actu generationis, quam in vitæ infantis, tam in utero matris, quam post ejus partum præservatione & continuatione ex ejus observatione aperitur. Nam in isto membro (sicut lac me fudisti) videtur primum arguere, quòd massa spermatica, in qua homo erat complicité contentus, esset bene disposita & composita à vitæ spiritu atque etiam in matricem injecta: Ex qua tum postea, per occultam viam spiritus, homo erat explicité productus seu formatus: Tunc sic pergit ad secundum generationis gradum. (Tanquam caseum coagulasti me &c:) Quo arguit, quòd spiritus iste divinus immediatè post spermatis in matricem injectionem illud in solidiorem substantiam ad instar casei coagulaverit & inspissaverit. Iuxta textum etiam istum præcedentem (memento, quæso, quòd sicut argillam fecisti me &c:) Tunc pergit ad tertium generationis gradum. (Cute & carne induisti me, ossibusque & nervis compegisti me &c:) Finito prædicto coagulationis gradu, jam ad corporis humani partium complementum venit, ex quibus homo externus in matrice figuratur. Ex quibus constat, quòd spiritus divinus in semine fabricet hominem internum in sua propria persona, atque tunc ad vivificationem illius externi hominis ex spermate Elementari sic fabricati, sic pergit: Cum vita benignitatem exercuisti erga me &c: inde arguendo, quòd completo opere materiali, quasi palatio ad Dei formem Spiritum recipiendum apto & appropriato spiraculo suæ vitæ illud inspiravit: atque ita homo, non modò vitæ, sed etiam Mentis & Rationis radio erat præditus. Vnde, quàm rectissimè Apostolus. in eo vivimus, movemur & sumus. Nec satis est, ut quis dicat, Deum hoc totum non ab intus, sed ab extra facere: ac si Spiritus Dei non esset ubique, quatenus omnia implet, & per consequens ab actu generationis nullo modo abesse potest: cū vitæ rei sit inspiratio omnipotentis, & cū spiritus ejus incorruptibilis, in sit omni rei: Nonne etiam dicitur in Ezechiele: Ecce ego introducam in vos spiritum, ut vivatis, & dabo super vos nervos, & succrescere faciam supra vos carnes, & extendam in vos cutem, & dabo vobis spiritum, ut vivatis. Et dixit Propheta: Veni,

Job. 10. 9.

A. 17.

Ezek. 37.

Spiritus, à quatuor ventis & in suffla super infectos istos, & reviviscant, & ingressus est in eos spiritus & revixerunt. Ex quibus videre licet, primum, quòd erat divina virtus, quæ hominem externum efformaverit, priusquam anima viventi erat præditus, & quòd tum postea spiraculo vitæ esset præditus. Porro, ut spiritus iste erat in sublimi vento Macrocosmico, ita etià ipse ad est semini vitali, quòd nihil est aliud, quàm ventus, seu spiritus vix perceptibilis. Per ea, quæ sunt dicta, illud dubium; an anima infundendo creata sit nec ne, satis superque explanatur. Nam, quomodo anima mundi à Spiritu Divini afflatu in spiritum mundanum esset creata, in primis explicui: tum postea, omnes animas ab isto fonte duxisse originem suam, demonstravi dixique, radios istius spiritus vivificantes more ignis invisibilis à cælo descendentes implere aërem, & affirmavi istum naturæ ignem, quatenus est à specificatione liber, esse in potentia ad transformandum tam in naturam speciei vegetabilis vel mineralis, quàm illam animalis: & quòd simul ac speciei alicujus individuum per inspirationem penetraverit, in ipsius protinus naturam convertitur, & tam ad illius generationem, quàm multiplicationem cum speciei conservatione, aimirum similia ex similibus procreando operatur.

Iam verò si quaeratur, cur Catholicus vitæ mundanæ spiritus, cū non sit, nisi unicus, quemlibet nihilominus partem seu fructum secundum illius speciem, & non secundum suam in essentia unitatem, unicum & minime differentem producat. Respondetur, in præcedentibus dixisse, quòd quælibet creatura specifica esset radicaliter, idque mandato creatoris in sua specie ab invicem distincta & differenter procreata, & à verbo seu spiritu creante semper multiplicata & in eadē figuræ specie continuata, quæ erat ei in creatione assignata. Et profectò verisimile est, quòd Deus in secreto suo consilio proplasma & modulum quasi ordinaverit, in quo & ad cujus exemplar creatura potentialis debet formari, priusquam veniret in actum. Pro meliori hujus rei intellectu, debemus scire, quòd sint quatuor vasa spermatica præparantia, videlicet duo in quovis latere; quorum unum est vas venale, & ortum suum habet à vena cava, & ab isto vase sortitur sperma illud, quod ad corporis in fantis constitutionem est ordinatum: & istud sperma nihil est aliud, quàm subtile Elementorum in corporea genitoris compositione à nutrimenti flore extractum, estque visibile quid, & dictatur gemina appellatione Sperma; aliud est vas Arteriale, utpote ab Aortæ trunco scaturiens, in quo habitat spiritus vitæ, est fons & origo hominis interni: nam in eo est invisibilis vitæ ignis: & propriè dicitur Semen, quod est non aliter centrale spermatis in ternum

X 2

invisibi-

## SECTIONIS SECVNDÆ, LIB. I.

invisibile, quàm anima corporis; ita, ut videatur mixtionem horum duorum internus homo in externo complicitè includi. Oportet ergo, ut observemus, quodd, ut duo sunt prædictarum naturarum vasa in quolibet latere ventris, quorum unum est spirituale & quasi masculi & agentis Tabernaculum; alterum corporale seu foemineum, seu Elementale & quasi passivum: ita ista duo in quolibet latere in suo versus testiculum descensu subtile & admirabiles suas implicationes plexusque spectatu jucundos efficiunt, quos Græci Anastomosis vocant, qui quidem partium secretarum amplexus sive textura artificio magni illius Architectoris perficitur (ut Anatomistæ opinantur) quia loco colaturæ inserviant, qua sperma sanguineum reddatur album seu candidum: nimirum, ut in primo loco divideret spermatice substantiam in vase venali; & feminalem in illo Arteriali à massa sanguinea tam naturali, quæ fuit ab Hepate, quàm vitali, quæ oritur à corde, ac tum postea, ut mediante Dedaleo isto Labirintho seminalis forma, quæ est cælum microcosmicum cum spermatice materia, ex qua fit terra ejus, poterit aptè & secundum veram creaturæ specificæ similitudinem ad invicem permisceri: Haud aliter, quàm videmus formam rei esse mixtionem naturali undique per universam substantiam elementalem perfusam sive expansam. Et procul dubio plexus seu Anastomosis istius fabrica est instar impressionis sigilli alicujus notabilis, quæ in homine est humana, in leone leonina, in Aquila aquilina, atque ita in cæteris secundum impressionem istam specificæ creaturæ, quæ est occulta & vix imaginabilis. Istius plexus admirabilis dispositione imitantur Textores, qui fila sua subtile rotas implicationibus

multiformiter dispositis ordinare solent, & imagines tam hominum, quàm bestiarum & vegetabilium varias intexendo secundum formam implicationis producant. Sperma igitur formatur more Argillæ, quæ natura seminaria liquore quodam homœotata & virtute spiritus secreti, qui illam inhabitat, in creaturam convertitur viventem. Hæc duæ ergo naturæ ita inter se secundum leges istius spiritus vivificantis temperantur; & semen seu invisibilis aëris spiritus ita mediante divina illa natura seu primo & centrali ejus motore, qui agit illum spiritum, quasi suum curriculum ita adaptatur, ut corporeum & visibile sperma secundum imaginem suæ creatæ speciei formaretur: haud aliter, quàm Talpam domum suam sub terra suæ capacitati & necessarijs aptam fabricare videmus. Atque hoc est opus spiritus secreti, postquam mixtio illa per anastomosis facta in matricem projicitur. Denique totum illud, quod de subjecto animali est dictum, potest etiam de regno vegetabili intelligi. Nam tota planta complicitè prius in semine vel nucleo suo occultatur, & per eandem rationem erat tum postea in lucem explicitè per virtutem & actum abstrusum spiritus lucis & vitæ in eo dominante producta. Sed nimis longè à mea meta aberravi, idque in subjecto (uti metuo) quibusdam, qui hujus mundi sapientiâ ducti rem, prout est, considerare nolunt, haud grato. Volo igitur jam ad plenum hujus discursus mei Argumentum accedere: cum omnis amicitia & per consequens sympathia ab amabili lucis conditione procedit; è regione odium atque idèd Antipathia à tenebris seu deformi Chao oritur, cujus proles primogenita erat litigium.

LIBER

## LIBER SECVNDVS.

*In quo mysticæ illæ eradiationes, quæ more occulto à duobus principijs oppositis, Tenebris nimirum & luce, & Sympatheticis & Antipatheticis earum effectibus, pertractantur.*

Hujus libri Argumentum.

**P**ostquam author radices Sympathiæ & Antipathiæ essentielles diligenti inquisitione invenisset, easque libro præcedenti explicasset (quippe in quo probat eas non esse, nisi unicam Catholicam sive universalem simplicitatem in essentia, utcumque illa unitas bina proprietate, natura & conditione opposita, haud aliter, quam voluntas est noluntate prædita,) conveniens esse non existimavit solis circumstantijs & rationibus sola probabilitate stipatis colligere & concludere, nimirum, quod res sit. Quare libro isto præsentè summa ope nititur, ut dicti, hoc est, quare & quomodo actus ille duplex sit in vastam mundi cavitatem disseminatus, ostendat. Et profectò postremum hunc ratum aded invenit à mortalium capacitate investigatu difficilem, ut in operis tanti inquisitione haud minimum laboris, & profundissima Artistæ speculatio requiratur: atque ob istam rationem contentus est in viam tam asperam & difficile lumine & quasi stella polari, Spirituum illorum sublimium tam Theologorum, quam Cabalisticorum dirigi & conduci, qui acceperunt istius tam magni dubij resolutionem & enucleationem ab æterno Sapientiæ Spiritu, quippe qui est solus arcanorum tam profundorum revelator, ut Sapientissimus Salomon, Propheta David & Psalter regius testantur: imò verò ille ipse, cum est solus in Sympathia & Antipathia actor omnino sufficiens est ad istud arcanum mortalibus revelandum & in vivis suis coloribus depingendum, quod tantæ animi industriæ & labore, licet vanè & sine fructu quærunt & venantur Philosophi mundani. Ex Canonum ergo & Axiomatum cum sacrarum literarum, tum doctissimorum Rabbinarum, tam Hebræorum, quam Ægyptiorum observatione collegit, quod mundus æternus Archetypus radicaliter ab unico simplici & Catholico luminis fonte procedat, qui emanationem seu effluxum decem proprietatibus varijs præditam mundo æviali seu Angelico emittit: & mundus pariter ævialis divinas illas luminis effluxiones per vehiculum Angelicum in mundum temporalem transfundit: ita, ut æthereæ seu coelestis mundi temporalis regio divinarum influentiarum sacrarium efficitur, è qua magis vel minus juxta voluntatem ejus, qui eas emisit in mundum Elementarè ad mandata obeunda ipsius tam severa, quam benigna impluuntur. Istiusmodi ergo degradatione percepit ipse, quod Deus unicam solam emanationem essentialem atque differentem, mediante suo verbo mundo universo impertiverit, ut omnes in eo res ex unica Catholica essentia plus minusve participantes ab invicem & inter se tam specie, quam individuo discreparent, & quod multiformis effluxus illius divini proprietates creaturas Angelicas seu organa spiritualia differentium conditionum & officiorum instituerit atque creaverit, per quas & in quibus virtute varia & multiformi centraliter omni temporis momento operatur, & per consequens evidenter ei apparet, quod, cum in effluxu seu extensione divina sint proprietates contrariæ fortitudinis, necesse est, ut sint etiam spiritus Angelici naturæ & conditione cuilibet proprietati Divinæ correspondentes, quibus mediantribus in hoc mundo administrantur. Etenim in istis organis spiritualibus sive Instrumentis Angelicis, & per ea radij splendoris æternæ influentiæ descendunt primùm in mundi temporalis stellaræ regionem, & tum postea ab ea in sublunarem sive Elementarem effundun-



## SECTIONIS SECVNDÆ, LIB. II. Membr. Primum

tur, & ad centrum usque terræ ad creatoris placita perficienda penetrant. Denique Author speciale quoddam subjectum & mundo sufficienter notum in suam considerationem capit, ut per experimentalem naturæ ipsius occultæ inquisitionem, possit more magis practico & oculari Sympathiæ & Antipathiæ mysterio mundanis incredulis demonstrare, quod in præcedentibus non nisi Theoricè & per solam speculationem exposuit. Magnes ergo sive Magnesijs est meta illa, ad quam collimat, seu subjectum illud, quod pro proposito elegit suo, utpote cujus occultarum proprietatum effectus quàm aptissimè illis naturæ animalis, vegetabilis & mineralis correspondent. Quare in isto libro præsentī per corporis ipsius anatomizationem & naturæ abstrusæ detectionem viam tentat magis planam præparare ad tales conclusiones experimentales explicandas seu comparationes, quas libro sequenti inter unius atque alterius naturam proponit, quò meliùs natura Animalis atque etiam vegetabilis per illam mineralis detegatur & demonstretur. Et in libri istius conclusione eorum in scitiam & zelum superstitiosum (ut Apostolus ait) sine intellectu denotat, qui aliquam actionem in creatura magneticam essentialiter per singulare Diaboli artificium sive actum patrari posse existimant, ibique Diabolum nihil efficere posse contendit, nisi mediantibus creaturis Dei & virtutibus earum, quæ ad usum potiùs hominum, quàm Diaboli à Deo omnium creatore destinantur.

### LIBRI SECVNDI MEMBRVM PRIMVM.

#### CAPVT. I.

*Quod Sympathia sit lucis Soboles, ut è regione Antipathia suum à tenebris ortum habet. Porro utriusque vocabuli Etymologia sive vera significatio, ut etiam ipsorum natura, hoc in capite discutiuntur.*

**I**N portione hujus superiori verbis generalibus detectam habetis unitatem radicalem & essentialē cum duobus suis ramis proprietate oppositis (qui sunt voluntatis & voluntatis Characteres) nec non duobus Catholicis ejusdem effectibus, nimirum amicitia & odio tam bonis, quàm malis omnibusque illis passionibus, siue sint spirituales, siue corporales, quæ ab ijs derivantur. Restat jam, ut in discursus nostri profunditatem descendamus & ad Sympathiæ Antipathiæque viscera usque penetremus: quæ non modò in rebus mundi temporalis, sed etiam in illis mundi ævialis, ab effectu manifestantur. Nemo enim, in scientia vel mediocriter Versatus, quatenus experiētiā stultorum matre instructus, tanta involui potest inscitia siue ignorantia, ut oculis apertis occultos rerum cœlestium & terrestrium in Sympathia & Antipathia, ijs in creatione inlitis effectus non discernat. Sed, priusquam in rei tam profundæ detectionem me immergam, operæ erit pretium, ut vocabulorum Sympathiæ & Antipathiæ significationem seu Etymolo-

giam aperiam primò, quò meliùs & directiùs naturas siue essentias earum distinctas percipiat. Sympathia est vocabulum græcum, nempe *Συμπαθεια*, & derivatur à *συμ*, id est cum, una, cum & *παθος*, id est, passio, quòd procedit à verbo *πάσχω*, id est, patior. Vnde patet, quòd passio prior ex actu divino seu unitate lucida positiva, quasi concordia & amore procedit & propriè dicitur compassio; passio verò posterior ex potentia divina seu unitate tenebrosa & privativa, quasi discordia & odio oritur, quæ sunt duarum naturarum contrariarum fortitudinis in vicem oppugnantium effectus. Possumus ergo Sympathiam haud ineptè definire duorum spirituum, vel ab eadem in proprietate emanatione divina, vel à duabus similibus irradiantium, hoc est, qui radicales suas emanationes ab eadem vel similibus duabus divinis proprietatibus emanant: Exempli gratia: omnes creaturæ, quæ participant ex benignis & amabilibus illis radijs seu irradiationibus, quæ à Deo per Angelicum organum in Sphæram Iovis emittuntur ab ejus orbe seu Sphæra deorsum usque ad terram effunduntur, & infinitis creaturis illis inibi communicantur, quæ sub ista Dei proprietate voluntatis

voluntatis divinæ Characterē creantur: omnes hæ, inquam, propter istam homogeneitatis naturalis rationem suos ad invicem ejaculantur radios invisibiles amicitia & invicem gaudere videntur; ac si earum unica alterius adventum seu præsentiam suo aspectu congratulari velit: juxta illud cujusdam Sapientis: Natura lætatur naturâ; natura suam naturam amplectitur, eamque gaudere facit. Ratio autem istius gaudij est, quoniam isti omnes sunt quasi fratres unius & ejusdem Patris sive radicis, nimirum Iovis, ac proinde fraterno & lætabundo more gestunt, quando se invicem aspiciunt. Etiam tales planetæ vel stellæ, quæ sunt vel amici vel de conditione propinqua ad illam Iovis: uti sunt Venus, Gemini &c: influentias implunt in creaturas sibi in nativitate subditas, atque etiam in illas Ioviales, nimirum, quæ complexiones suas à fonte Iovali accipiunt. Hinc ergo est, quod creaturæ unius & alterius originis ob suarum naturarum propinquitatem benevolè se invicem aspiciunt & amore satis ardore conjunguntur: Sed contra, ubi duæ concurrunt stellarum influentiæ invicem proprietate & fortitudine contrariæ,

hoc est, ab emanationibus divinis conditione oppositis radicaliter procedentes, uti sunt illæ Iovis & Martis: vel Iovis & Saturni, qui invicem sunt inimici, ad ventus & concursus talium creaturarum seu radiorum earundem aspectus erit ad invicem ingratus cum secreta spirituum reluctatione & renitentia: ita, ut unâ naturali quodam instinctu omnimodè cupit effugere & evitare aspectum alterius: & spiritus unius conatur radijs alterius emissis resistere, ut clarius in sequentibus exprimeretur. Sed, quoniam causa generalis Sympathiæ & Antipathiæ est occulta & secreta quædam emanatio sive irradiatio ab una creatura in aliam, erit necessarium, in negotij tam profundi medullam intueri, quò planius & ludentius fontem & radicem omnium radiationum & emanationum generalem discernamus: Nam hac ratione abstrusam differentiarum in ijs causam detegemus, & ipsarum extensiones, videlicet ab earum radice ad truncum, & à truncò ad ramos ac tandem à ramis ad furculos & folia infinita quasi individua descendendo prosequamur.

## CAPVT. II.

*Quomodo & quibus Dei attributis sive proprietatibus Rabbini Hebraici & Cabalistæ peritiores probant naturarum contrarietatem ab una eterna essentia, quasi omnium rerum radice dependere.*

PRO certo statuitur, quod, ut sunt infinitæ diversarum in machina mundi naturarum creaturæ, ita quidem earum quælibet esset varieformiter in principio creata, & tum postea ab eo tempore more successivo per vanas coeli influentias & multa millia varietatum radiorum desuper descendendum generata & à generationis momento usque ad illud corruptionis sustentata: Quocirca Rabbiorum Cabalisticorum sapientiores affirmant, quod non sit ulla planta aut herba inferius, cui non sit stella in firmamento, quæ percutiat eam & dicat ei, cresce. Neque videntur scripturæ hanc eorum opinionem aversari, uti inferius declarabitur. Sed quoniam radicalis istius rei investigatio speculationem adhuc altiore requirit, opus est in primis, ut cum diligentia perquiramus, quomodo omnis creatio radiorum divinatorum emissionem esset effecta, & an illa radiorum emanatio esset in proprietate vel multiformis, vel unius & ejusdem conditionis ordinata. Vobis satis clarè in præcedentibus manifestavi, quod omnia fuissent in rerum primordio ab uno spiritu Sapientiæ æterno creata, qui, quasi nuntius æternus seu Angelus Catholicus ab Ensoch (ut ajunt Cabalistæ) hoc est, ab infinitudine seu infinito lucis fonte sub forma emanationis seu effluxus

splendidissimi ad omnia complicitè in divina potentia reservata, informanda & in actum explicitum reducenda, emittebatur: hocque ex istis scripti sacri testimonijs probare conabor. Salomon vocat istum spiritum disciplinæ sanctum, vaporem virtutis Dei & emanationem quandam claritatis omnipotentis Dei synceram & candorem lucis æternæ, & speculum sine macula Majestatis & imaginem bonitatis ipsius: quæ cum sit una, omnia potest, & in se permanens omnia innovat &c: Quibus arguit, quod tametsi sit in sua essentia emanatio non nisi unica, tamen ratione multiplicitatis suæ proprietatis omnia potest, utcumque nobis videantur conditione contraria. Hinc dicit Textus alibi: Est in sapientia spiritus unicus, multiplex &c: id est, effluxus divinus essentiæ seu substantiæ unicus, proprietate multiplex. Porro D. Iohannes fatetur, quod vita omnium esset in Verbo. Et tamen essentia Verbi, in quo erat vita, est unica, quippe, quæ est lux, in qua non sunt tenebræ ullæ, utcumque vitam seu conditiones creaturarum esse varias & tam Antipatheticas, quàm Sympatheticas animadvertimus. Et Syriachus ait, quod Spiritus iste ex ore Altissimi prodiret: Et Salomon. Quod esset cum Iehova in principio viæ suæ in creatione cuncta componens:

X 4

nens:

Menclio de  
arte Cabal.  
lib. 3.

Sap. 7. 4 25.  
Ioh. 1.  
I. Ioh. 1. 8.

Eccles. 1. 24.  
Prov. 8.

## SECTIONIS SECVNDÆ, LIB. II. Membr. Primum

neus : Vnde liquet, quod esset per emanationem seu extensionem radiorum Catholicorum ab æterno unico fonte lucido, quod omnes res essent multiformiter figuratæ & animatæ. Sed illa emanatio juxta varietatem voluntatis & placiti sui fontis in varios se extendit radios dispositione & conditione differentes. Quemadmodum enim ab eadem arboris radice truncus seu corpus, rami, furculi, folia fructusque assurgunt : ita quidem divina emanatio, quasi truncus arboris Sephiroticæ directè à sua radice *Ensofph*, seu fonte infinitudinis, procedit, à qua ejus tum postea rami & à ramis furculi, & à furculis fructus oriuntur. Sequitur ergo, quod, ut truncus arboris à radice sua exurgit & quasi creati videtur, ita quidè emanatio seu spiritus iste sacer procedit ab unitate radicali, & quasi de novo creati videtur. Atque hinc sapiens : Prior omnium creata est sapientia & intellectus prudentiæ ab ævo, ipse creavit illam in spiritu sancto, & effudit ipsam super omnia opera sua : Quo denotat, emanationem istam originem suam habuisse à Deo Patre, sed quod radios suos particulares undique emittit ad creaturarum omnium existentiam & virtutes. Videtur Psaltes hinc testari : Verbo Domini, inquit, creati sunt coeli, & spiritu ab ore ejus omnis virtus eorum. Hic ergo ortum istius spiritus habetis & ejus in mundo officium, nimirum, ut cuilibet creaturæ suam vim sive virtutem movendi, vivendi, agendi, multiplicandi, atque se invicem amore vel odio prosequendi juxta voluntatem sui Patris attribuat. Quare ex prædictis liquet, quod spiritus iste respectu essentialis ipsius essentiæ sit æternus, sed ratione emanationis ejus in mundum dicitur ævialis seu naturæ Angelicæ : Vnde Textus præcedens : Et intellectus prudentiæ ab ævo. Procedimus ergo in progressionem & multiplicationem illius emanationis in hunc modum : Ab arboris trunco egrediuntur rami, tam generales, quàm speciales & individui, quorum qui sunt fortiores post truncum sunt quasi Brachia ipsius corporis, tum sequuntur rami minores ac denique furculi. Ad quæ referre possumus in mundo æviali seu Angelico diversas Angelorum stationes ijs secundum dignitates eorum assignatas ratione divinarum influentiarum, quas à suo Catholico ramo seu emanatione sancta Iesu Christo ab *Ensofph* radice seu patre suo emissæ recipiunt. Hoc confirmat Apostolus in his : Christus est imago Dei invisibilis, primogenitus omnis creaturæ, quoniam in ipso condita sunt universa in cælo & in terra visibilia & invisibilia, sive Throni, sive Dominationes, sive principatus, sive Potestates, omnia per ipsum & in ipso creata sunt, & ipse est ante omnes, & omnia in ipso constant &c : ita, ut omnes Angeli superiorum sive empyreorum ordinum non aliter in prima serie procedant ab eo, quàm brachia arbo-

ris à suo trunco. Et quemadmodum videmus, quod brachia, utpote trunco propinquiora, sunt robustiora, speciosiora atque firmiora, quàm rami : ita Angeli Emphyrei sive super substantiales sunt emanationi Catholicæ propinquiores & conjunctiores ; ac per consequens virtute luceque divina opulèntiores atque pulchritudine ornatiores, idque per dignitatis gradus secundum quod magis aut minus immediate tam fontis emanationis increatæ sedem appropinquant, hoc est, quò magis accedunt ad faciem essentia lucidæ increatæ, quæ ipsis lucem & gloriam excellentissimam impertit. Haud aliter, quàm videmus in trunci Brachijs, quod, quò trunco sunt viciniora, eò etiam in eorum existentia sive substantia sunt grandiora. Post hæc videmus, quod rami minores immediate ex brachijs istis exurgunt, habentque locum pro consistentia sua à brachijs distinctum seu divisum, utuncque eorum corpulentia à brachijs non dividitur. Pari equidem ratione observamus, quod intelligentiæ seu Angeli Olympici vel ætherei virtutes & vitam hauriunt immediate ab illis Emphyreis ; idque diversiformiter & in varietate mensuræ excellentiæ, qui istas influentias in corporibus stellaribus, quasi arcis suis Thesaurarijs ad usus inferiorum reservant. Deinde, ut rami à brachijs arboreis procedentes, vitam & esse alijs ramulis ab ipsis exurgentibus attribuunt : ita etiam Angeli Olympici suos influxus illis Elementalibus infundunt, quorum principes sunt in quaternario numero illi, qui quatuor ventis & quatuor mundi cardinibus, ijs vim seu potestatem vitæ, augmenti & generationis atque etiam corruptionis assignando, præfident. Quibus videre licet, quod Deus per sapientiæ spiritum viâ emanationis emissum, & consequenter Angelum magnum primogenitum, quippe primò omnium creatum & nomen habentem suam virtutem Angelis Emphyreis impertit, qui tum postea multifariam ejusdem naturam effundunt in spiritus Olympicos, à quibus iterum Elementares suas hauriunt facultates seu essentias. Et tamen hæc omnes virtutes, essentielles tam in cælo Emphyreo, quàm Æthereo & Elementalari sunt continuæ & indivisibiles ab emanatione sancta, quæ est inseparabilis à sua radice : Haud aliter, quàm truncus arboris radici, & brachia trunco, & rami brachijs, & ramuli seu furculi fructui & folijs animadvertuntur esse continui atque indivisibiles. Ecce ergo (lector judiciosè) mundi ævialis dimensio juxta Textus præcedentis dictum : Christus est imago Dei invisibilis, primogenitus omnis creaturæ, in quo sunt condita universa in cælis & in terra, visibilia & invisibilia, sive sint Throni, sive Dominationes &c : Hoc est, creaturæ mundi ævialis tam in cælis & elementis, quàm in terra conditæ sunt in Christo : Verùm hoc etiam à Patribus Ecclesiæ

Revelin. lib. 3.  
de arte Cabal.

Eccles. I. 4-9.

1. sal. 33.

Col. I. 15. 16.

Dionys. de di-  
vin. Nom. lib.  
6.

Sap. 7.

Bartholo-  
maeus de re-  
bus var. lib. 2.

Apocal. 7.

1. p. h. 6.

Ecclesiæ habemus confirmatum. Nam Dionysius ait, quod Angelus sit imago Dei & occulti ipsius luminis emanatio & speculum splendidissimum sine macula: atque ob istam causam Angelos vocat Algamatha, hoc est, specula purissima, quæ recipiunt lucem Dei. Hinc inde arguendo, quod sint imagines Catholicæ ejusdem emanationis, à qua procedunt. Nam scripturæ dicunt, quod spiritus sapientiæ sit splendor æternæ lucis & speculum sine macula Majestatis Dei, & imago bonitatis ipsius. Et Bartholomæus ait: quod Angeli fuscipiant lumen occultum à Deo per influentiam, idque emittant illis, qui sunt inferioris ordinis & conditionis. Et Augustinus & Damascenus dicunt, quod Angeli sunt lumina intellectualia, quæ suum lumen à primo & summo lumine accipiunt. Iterum Bartholomæus, quod vocantur aurum respectu radorum, quos emittunt: atque etiam dicuntur flumina ignea, ratione lucidarum illarum influentiarum, quas à Deo recipiunt, & tum postea ad illos inferioris ordinis emittunt. Etiam Dionysius dicit, quod ordines superiores copiose recipiunt lumen Dei, & illud tum postea more influentiæ spiritibus illis impertiunt, qui sunt situ & dignitate inferiores; asseritque hanc legem esse in ordinibus Angelorum observatum, quod eorum alij sint primarij, alij secundarij, & alij postremi. Atque ob istam rationem Seraphini Angeli sunt dicti, quia ardent & accenduntur ratione præsentiae eorum immediatæ coram facie Dei. Sed omittendo omnia ista docemur plurimis scripti sacri testimonijs, quod Angeli sint splendidissima lumina, quæ sunt in tertio coelo coram Throno Dei: & quod sint 7. præidentes in coelo stellato, atque etiam 7. Candelabra, quæ important 7. Planetas: & quod sit unus magnus Angelus, qui est caput eorum omnium, qui tenebat septem stellas in manu sua: Et quod sint 4. Angeli, qui habent Dominium super quatuor ventos, in quorum est potestate nocere mari & terræ & arboribus: & quod isti quatuor sint sub imperio unius, qui secum portat magnam præservationis sigillum: Et quod sit princeps tenebrarum, qui est magnus ille spiritus prædicto summo spiritui natura & conditione oppositus, qui habet Dominium in Elemento sublunari; & quod sint tam malitiosæ & perniciosæ principalitates, potestates & gubernatores in hoc mundo, quæ sunt Creaturis Dei adversissimæ, quam benignæ & salutare, generique humano propitiæ. Denique semina plantæ multiplicativa stellis cœli, ut & ipsius folia creaturis sublunaribus comparamus, quæ mutationes suas ab internis seu spiritualibus organicis agētibus habent, ita ut discernere possimus, quod æternitas det vitæ ævialitati, & ævialitas temporalitati: & quemadmodum in mundo æterno videmus, quod prima per-

sona addit principiū secundæ, & quod persona tertia ab ambabus præcedentibus procedit: ita quidē Angeli æviales seu Empyrei effundunt influentias vitæ & existentiae Olympicis seu sydereis; ac itidē illi Elementarij suam vivendi & existendi rationem ab Empyreis per Olympicos hauriunt, atque in fine terra & maria ab istis animantur. Quapropter observandum est, quod Deus operatur mediantibus suis organis Angelicis omnia in omnibus, & quod spiritus ipsius incorruptibilis sit in omni re hujus mundi. Quibus rectè loco priori intellectis atque consideratis, audacter etiā concludere possumus, quod omnes peculiare lucis Angelicæ ab una & eadem Catholica emanatione procedant, & consequenter invenimus, quod diversitas & oppositio naturarum ipsarum oriatur à multiplicitate proprietatū, quæ sunt in generali emanatione ab æterno & ante ullum ævum à Throno unitatis effluenti. Atque hinc est, quod iste effluxus divinus à Salomone dicitur unicus & multiplex respectu varietatis proprietatum ipsius, quibus variè & more quandoque opposito operatur in mundo. Sed totum hoc luculentissimè à Rabbinis Cabalisticis per viam descriptionis arboris suæ Sephiroticæ sive numericæ explicatur. Quare sciendum est inprimis, quod, ut Theologi Mystici non nisi decem nomina specialia in tota testamenti veteris Hebraici serie observant, quæ Deo à proprietate ascribebantur: ita quidem quodlibet illorum ad operationem variam efficiendam designari animadvertunt. Hinc enim erat, quod Hebræi hoc vel illud nomen Dei à scripturis recitari secundum conditionē necessitatis peculiaris pro divina assistentia invocare solebant. Et tamen ex verbo scripto colligerent, quod pura divinitas seu Deitas non sit nisi unica interna & immutabilis essentia; atque propter istam rationem non nisi unico essentiali titulo exprimitur, videlicet Tetragramaton, seu Iehova, quod est ejus nomen inseparabile, utpote, quod ei soli appropriatur: nam illud includit (uti Rabbi Moyses Ægyptiacus ait) & arguit in pura significatione substantiam Creatoris sine ullo cum Creatura respectu seu participatione: ita etiam invenerunt, quod cætera nomina Deo à Scripturis assignantur, quatenus ipse participat cum Creaturis relatione aliqua, vel eas respiciat: & consequenter talia nomina ei ab effectibus & non ab essentia imponuntur & dicuntur nomina à proprietate. Ad nomen verò ejus essentialē quod spectat, erat illud inter Hebræos in tanta æstimatione sive veneratione, quod non erat præterquā in solo Sæctuario, idque à consecratis presbiteris pronuntiātū. Tunc enim erat nomen illud essentialē in illa benedictione editum, quā sacerdos supremus diebus jejuniij promulgavit. Hæc causa erat, quod nomē hoc tantō honore celebraretur, ut nunquā esset temerè prolatū. Ac etiam,

Y quoniam

Sap. 7.

## SECTIONIS SECVNDÆ, LIB. II. Membr. I.

quoniam (ut ait Rabbi Moyſes) Deum eſſe & fuiſſe ſuper omnem eſſentiam, quatenus exiſteret, antequam ulla res eſſet. Atque hoc erat nomē illud pretioſum, quod Moyſes cupivit à Deo cognoscere, quando accipit ab eo hoc reſponſum יהוה, hoc eſt nomen meum in æternum; quodd quidē nomen adeo eſt purum, quia nec articulari nec componi, nec minus humana voce exprimi poteſt. Ad alia verò Dei nomina ſeu denominationes, quæ ab effectu ei aſcribuntur, quod attinet, illa non Deo ſecundum ſuam eſſentiā, ſed ſecundum opera ab ipſo effecta tantummodò attribuuntur, hoc eſt, quatenus apparet omnia in omnibus, & in omnibus exiſtit & operatur. Oportet igitur, ut pro meliori noſtra in hac re inſtructione intelligamus, quodd cum divina natura ſit & operetur in omni re creata atque etiā extra eas exiſtat (eſt enim centrum cujuſlibet rei, cujuſ circumferentia eſt nullibi, hoc eſt, extra omnia) in hoc reſpectu nomē ejus eſſentiale Tetragrammaton eſt commune & Catholicū in omni ramo arboris Sephiroticæ ſive Cabaliſticæ agēs, quippe quodd Dominium habet in integrū illius arboris truncū ſive corpus, & conſequenter omnia alia decē Dei nomina à proprietate ei referuntur, ut brachia trunco, quatenus ſcilicet relationē habent ad varias ejus proprietates ſeu virtutes in una individua eſſentiā. Quare illa omnia nomina ipſi ab operibus attributa in ipſo & ſub ipſo cōprehunduntur, quippe, quodd proprietates tā voluntatis, negationis & privationis, quā voluntatis, affirmationis & poſitionis ejus, & per conſequens mortis & vitæ, maledictionis & benedictionis mali & boni in reſpectu creaturarū (tameſi nihil eſt idealiter in eo malum, qui eſt ſumma & ſola bonitas) odij & amicitie, diſcordie & concordie, Antipathie & Sympathie ſub eo cōprehunduntur. Hos in quā, omnes effectus cōditione contrari, ab una radice ſeu fonte eſſentiali provenire teſtantur Biblia ſacra; quippe quæ habet ſolummodò poteſtatē vitæ & mortis, & deducit ad portas mortis & reducit. Eſt Iehova, qui eſt illuminatio & ſalus & protector vitæ hominis, & eſt ipſe, qui affligit tenebris, morbo & morte. Eſt Iehova, qui mortificat & vivificat, deducit ad inferos & reducit. Eſt ipſe, cui abundantie ſuavitatis, & miſericors, patiens & benignus, & qui in furore ſuo arguit hominem, & conturbat oſſa & animam ejus. Eſt Iehova, qui vulnerat & mederi facit. Eſt Iehova, qui mortem, vindictam, & vexationem minatur. Eſt ipſe, qui facit peſtem, tabem, febrem urentem, lepram, ſcabiem, ulcera, hæmorrhoides & ulcera Ægypti: qui dementia & cæcitate percutit, pavore & cordis tremore, curis & vexationibus afficit: ac eſt ipſe, qui benedicit cibo & potui, quem haurit creatura: atque conſequenter eſt ipſe, qui Antipathiam parit: E regione eſt Iehova, qui benedictiones creaturis concedit, ipſe beat

cibum & potū, quos ſumunt, ita, ut nutrant & præſervent: & eſt ipſe, qui amovet morbos, tollit ſterilitatem, & auget dies hominis: & per conſequens eſt cauſa Sympathie amabilis & concordie inter creaturas: Denique eſt Iehova, qui format lucem & facit pacē & eſt ipſe, qui creat tenebras & malū. Sed, quoniā eſſentialis hæc unitas hos contrarios effectus per proprietates oppoſitas in lucē edidit: ideò Theoſophi ſecretiores varia nomina ſeu potius denominationes generales ei assignarunt, quæ à contextu ſacro collegerunt, quæ ei aſcribuntur ab effectibus, quæ in earum prolatione ſequuntur, quorū alij inclinant ad tenebras & privationē, alij ad lucem & poſitionem, nonnulli ad ſeveritatē, alij arguunt ſuæ benignitatis fructum, quidam indicant actus ſui privationem, qui eveniunt contrahendo radios ſuos in ſe ipſum. Nam tali ipſius actu effectus tenebrarum producuntur, nimirū eſſentialis frigidity, ſtupiditas, immobilitas, quies, congelatio, contractio &c. Aliqui efficiuntur per actualem ipſius effluxum ſeu extensionē à centro ad circumferentiam, nimirum lux, motus, calor, dilatatio, attenuatio &c. Volo igitur divina iſta decem Dei attributa numerare, quæ æternæ eſſentie aſcribuntur, ut in arbore Sephirotica ordine reperiuntur, à cujuſ radice radij æterni multiplicis nature ſeu conditionis ad varieformem radicis voluntatem perficiendam descendunt, quibus multiplices in mundo effectus producuntur. Primum ejus attributum ſeu denominatio à proprietate eſt *Ebieh*, atque hoc nomen omnium creaturarum fontem ſeu originem importat, ſimul atque miſericordie & clemencie fundamentum denotat; quoniam influxus ſeu irradiatio divina, quæ ab iſto canali ſeu fonte descendit gratia, pietate, conſolatione & bonitate Patris æterni eſt plena, cui nos monet Chriſtus ſic orare: Pater noſter, qui es in Coelis &c. Atque hinc alibi dicitur, quodd Pater judicat neminem. Nam eſt officium Patris, ut parcē & gratioſe cum filiis agat. Ita etiam Deus ſub iſtiusmodi ſua denominatione exiſtimatur eſſe Pater omnium, & per conſequens in iſta ſua voluntate eſt benignus & gratioſus ſeu affabilis ſuis creaturis, juxta illud Salomonis: Quin etiam uno afflatu cadere poſſunt creature à juſtitia perſequentē & ventileatæ à ſpiritu potentie ſuæ: Verum omnia meſura numeroque & pondere diſpoſuiſti ſeu temperaſti: nam quodd multum potes, hoc tibi ſemper adest: quandoquidē tanquam momentum eſt lancibus eſt totus mundus coram te, & tanquam gutta roris deſcēdens manē in terrā: Miſereris ante omnia, quia omnia potes, & diſſimulas peccata hominū, ut reſipſcant. Nam diligis omnia, quæ ſunt, & nihil abominaris eorum, quæ feciſti. nec enim comparaſti quicquam, quodd habes odio: Æ qui manſurum fuiſſet aliquid, niſi tu voluiſſes?

Iſai. 45. 7.

ſa. 16. 12.  
I ſalm. 26. 1. 2.  
I. Reg. 2. 6.  
Pſal. 146. 7. 8.  
I ſal. 6. 1. 3. 4.

Iob 5.  
Deuter. 27.

Sap. 11. 21.

luisse? aut conservatum fuisset aliquid, nisi tu voluisses? Sed parcis omnibus, eò quòd tua sunt, ò Domine animarum amans, &c: Ecce hìc denominationis Ehieh fructus seu effectus, nimirum creare & generare omnia, quasi Pater: & ad eorum præservationem & sustentationem paterna quadam effectione curare. Ob istam causam hoc portæ lucidæ, radicali & primariæ in arbore Sephirotica seu numerationi priori arboris præsides, quæ dicitur Cheter, seu Corona, ex cujus meatu radij Iehovæ in effabili & benigna sua creationis conditione seu voluntate positiva ad omnium rerum creationem descendit. Nam Ehieh significat Patrem & radicem totius creationis.

Secunda emanatio Iehovæ in divinis numerationibus arboris Sephiroticæ habet pro suo fonte nomen divinum *Iah*, quod arguit benedictam & gratiosam radiorum ipsius emissionem ad humidæ naturæ seu aquarum é tenebris seu Tenebrosa abyssò extractionem, atque idèd attributum seu porta Cabalistica, per quam radij istius emanationis actuosissimi descendunt, dicitur *Hochma*, hoc est, sapientia, de qua quidem emanatione divina Salomon ista: Sapientiam possidebat Iehova principio viæ suæ, ante opera sua, ante ullum tempus, ante seculum inuncta fuit, cùm nullæ essent abyssi, cùm nulli essent fontes abundantes aquis, antequàm montes fundati essent, cùm aptaret coelos, ibi erat, cùm statueret ambitum in superficie abyssi, cùm fortificaret superiores nubes; quando ponebat fundamenta terræ, erat apud eum cuncta componens &c: Debemus autem notare, quòd hoc nomen *Iah*, cujus influentia est sapientia, versatur quandoque in severitate, licet rarò: Quoniam præcipua ejus intentio est in creando & præservando. Hinc ergo Iehova dixit Moyse: loquendo de magno illo Angelo, quem misit ante Israëlitas ad eos præservandos in via illa per desertum & mare rubrum: Ne exacerbes eum, quia non feret defectionem vestram, quoniam nomen meum est in eo. Quo evidens est, quòd sapientia ista quandoque punire solet, quoniam ex Syriacho patet, ipsam fuisse angelicam illam emissionem, quæ præbat Israëlitis diurno tempore in columna nubis, & nocturno in columna ignis, ut testatur Syriachus. Denominatio tertia est *Elohim*, & attributum seu porta lucida, per quam radij emanationis ipsius descendunt est *Binah*: seu prudentia: atque istud nomen secundum Cabalisticam interpretationem significat terrorem seu timorem, quoniam observârunt, quòd mediante ista proprietate, sive attributo divino mundo evenirent punitiones & strages. Nam sub ista denominatione exercet ipse suam potestatem tam ad subitanam mundi aquarum & Elementi alterationem, quàm ad punitionem impiorum. Atque idèd spiritus illi, qui divinæ hujus influentiæ radios reci-

piunt, dicuntur *Benè Elohim*, hoc est, Filij Elohim, qui sunt instrumenta illa in mundo Elementalì ad voluntatem divinam in ista sua proprietate efficiendam. Virtute etiã hujus nominis aquarum in prima creatione commotio, earumque é Tenebrosa abyssòeductio erat facta: quæ quidem sine extrema oppositione & repugnantia duorum contrariorum, nimirum ignis & aquæ, & consequenter sine horrenda Elementorum dissensione & bello commotiones Tonitruosas in Tenebrosa abyssò ad Verbi *Fiat* prolationem causantem minimè fiebat: Erat enim Spagyrica & altitonanti Verbi virtute & verè Chymica Spiritus Elohim operatione, quòd separatio unius Elementi ab alio, atque etiam unius virtutis formalis ab alia distinctio esset perfecta: Vnde Psaltes Regius: Verbo Domini firmati sunt coeli & spiritu ab ore ejus omnis virtus eorum.

I sal. 33. d.

Percipiendum est igitur, quòd rota arboris Cabalisticæ virtus sub istis tribus membris radicalibus ejusdem complicité comprehenditur: non aliter, quàm mundi Typici essentia, forma & figura, in tribus Archetypi personis divinis triformiter continetur. Porro tria in mundo intellectuali idem prætendunt, quod septem in mundo materiali seu aqueo. Nam 2 sunt radix materiæ, & 3 sunt radix formalis: Vt ergo 1 est formalis radix in Archetypo ad 3 & materialis ad 2: ita quidem 2 sunt materialis radix in mundo Typico ad quadratum 4. Quare sequitur, quòd (4) quaternarius, qui est numerus seu Character Symbolizans cum materia & 3 figura formæ conveniens simul additi producunt universalem mundi substantiam ex materia & forma consistentem. Debemus ergo cum diligentia observare, quòd istæ priores denominationes divinæ pertinent ad illas proprietates, quibus Iehova ad imaginem Archetypi tria priorum creationis dierum opera perfecit, in quibus totus mundus cum suis coelis ac Elementis esset creatus, & quælibet eorum regio aptè & convenienter disposita.

Septem sequentia in Arbore Cabalistica Brachia seu rami spectant ad varias illas alterationes tam propitias, quàm adversas, quæ creaturis in hoc mundo eveniunt. Quare quartum membrum illius arboris habet pro suo præsidente benignam & jucundam atque clementem Dei Iehovæ denominationem. *El*. dictam, cujus attributum seu porta splendida sive numeratio vel canalis, per quem aureos suos effluxus in mundum emittit, vocatur *Chesed*; Latine, Clementia: quoniã divina influentia, quæ transit per eam, est gratiã, benignitate, vitã & bonitate plena, uti infra patebit. Est enim fons, à quo fortunatus ille Planeta Iupiter amabiles & benignos vitæ creaturarum radios recipit: Vnde Iupiter dicitur, quasi Iuvans Pater. Ob istam rationem

Y a Moyse,

Prov. 8. 122.

Eccles.

Archang. Cab.  
de Dog. Cab.



## SECTIONIS SECVNDÆ, LIB. II. Membr. I.

Móyses, orando pro restitutione Miriæ ad sanitatem pristinam, dixit : *Elnarapha na la* : Deus gratiæ, quæso sana illam.

Quintum nomen quinto arboris brachio ascriptum est *Elohim Gibbor* : atque hoc effectus malevolos & insalubres influentias creaturis immittere solet, facitque perturbationes in Elemento Catholico per Tonitrua, fulgura, Cometas; imò etiam excitat super terram bella, contentiones lites, pestem, febres, estque ejus Thesauri arca seu promptuarium stella Martis : Canalis verò seu porta, per quam radij ejus descendunt, vocatur Hebraicè *Geburah*, quodd arguit potestatem, vim & violentiam. Ramus seu brachium proximum, id est, numeratio sexta habet pro suo Domino nomen Dei; *Eloah*, cujus effluxus seu radij sunt vita multiplicatione & pulchritudine pleni : & ob istam rationem truncus seu Canalis, per quem effunduntur in mundum, dicitur *Tiphereth* Hebraicè; Latine Gratiæ, ornamentum, pulchritudo & solarium. Hujus radiorum sacrum est corpus Solare, quod & suam formosam speciem, pulchritudinem & Gloriam coruscantem ab eo recipit : Atque iste est ille Spiritus, de quo Iob intendit, dicens : Spiritu suo ornavit cœlos. Et Syriachus : Sol illuminans per omnia respexit, & Gloriâ Domini plenum est opus ejus. Septima numeratio Cabalistica seu arboris Sephiroticæ brachium seu ramus habet pro suo Domino cognominationem Dei *Iehova Sabaoth*, quasi Deus exercituum, & Deus jubilationis & perfectionis, atque idè attributum, porta seu canalis, per quæ ejus radij seu fulgor exit, dicitur *Netzeth*, quasi Triumphus, victoria, atque etiam iustitia, charitas & amor; quare influentia generationis, multiplicationis & delectationis ab ista emanatione procedunt : Arca autem hujus Thesauraria inter cœlestia est Sydus Veneris.

Octavum nomen à proprietate est *Elohim Sabaoth*, seu Deus exercituum, atque porta, per quam ejus radij transeunt vocatur ab Hebræis *Hod*, id est, laus, honor, formositas. Promptuarium verò cœleste, quod ad influentias ipsius recipiendas & conservandas est ordinatum est stella Mercurij.

Nonum, quod nono arboris brachio assignatur, est *Elchai*, hoc est, Deus vivens, seu *Sadai*, hoc est, omnipotens Deus : atque ejus numeratio seu porta est *Iesod*, hoc est, basis, fundatio, quies, redemptio : Hujus autem effluxus recipit Luna Cœlestis, quæ est quasi parva terra, recipiens omnes prædictas influentias in genere, quæ ab alto descendunt : atque hæc est ratio, quod ipsa tot mutationibus seu alterationibus sit obnoxia, cujus effectus tam in generatione & corruptione, quam in maris exaltatione vel depressione cernitur.

Ultimum cognomen, quod portæ decimæ dicitur *Malchut*, id est, regnum & imperium, præsidet est *Adonai* seu Dominus, quod quidem importat severitatem & captivitatem creaturis per Dei iracundiam atque istius attributi influentiæ cadunt in regionem Elementarem.

Quibus Sapientissimorum Rabbiorum observationibus & collectionibus invenimus, quod in istis decem generalibus numinis æterni proprietatibus per decem attributa significatis, omnia in hoc mundo sive à creatura æstimantur bona vel mala, positiva vel privativa, concordantia & amabilia seu discordantia & odibilia; & ut verbo dicam, sive sint occultæ vel manifestæ opposita, vel in natura seu conditione inter se convenientia disponuntur, & ab unica unitate descendunt : Atque hinc liquet, quomodo ista unitas in essentia, sit multiplex in proprietate & conditione, secundum cujus in Velle & Nolle diversitatem diversa & planè opposita aguntur, & operatur in mundo tam cœlesti, quam elementalī : imò verò est in illo Empyreo, idque emanationibus particularibus à Catholica & Archetypa emanatione scaturientibus : Atque iterum, quælibet dictarum decem emanationum sephiroticarum in infinitis quasi alijs eradiationibus à voluntate sui fontis haud dissonantibus distinguitur : Vnde etiam sequitur, quod quælibet harum proprietatum receptacula habeat in cœlo æthereo stellaria tam fixa, quam erratica, quæ in infinitas creaturas sublunares, tam animales, quam vegetabiles & minerales suas effundunt virtutes, quæ omnes ab invicem juxta influentiarum proprietates, tam formâ, quam naturâ variari animadvertuntur : Atque ratio, cur divinitas creaverit seu emisit unum radiorum effluxum alteri contrarium, erat tam ad præservationem, quam destructionem creaturarum : Nam, ut ultimus harum emanationum effectus erat creatio, generatio & præservatio creaturarum suæ propriæ conditionis & naturæ : ita quidem isti effectus applicari solent aut pro præservatione & restoratione creaturarum deficientium & in firmarum, nimirum, cum venenosum aliquod simplex sive animale sive vegetabile sive minerale ad morbum periculosissimum propulsandum applicamus; videlicet in regno animali viperam, Scorpionem, bufonem, araneam, aut Cautharidem vesicantem &c: in vegetabili Papavera stupida, seu opium Somniferum, Flammulam Canterizantem, Ellebosum vomiterium, Aconitum &c: in minerali Arsenicū, argentum vivum, Resalgar, Antimonium &c: quæ omnia simplicia habent proprietatem tam ad auferendos morbos, quam ad ipsos animalibus inducendos, imò certè & ad ipsa quandoque interficienda conducunt : Et tamen creaturis, quæ radios suarum

suarum formarum radicales ab ista vel illa emanatione acceperunt horum venenatorum influxuum effectus apparent boni & salutiferi : utcunque sunt omnes Deo bonæ, utpote, quæ ab ipso erant ordinatæ, non modo ad sanandum in sua benignitate, sed etiam ad exterminandum & interficiendum in sua severitate, ac denique ad faciendum placitum suum, qui operatur omnia in omnibus, sive sit ad creaturæ beneficentiam sive ad flagellum. Quare Salomon : Ecquid conservatum fuit aliquid nisi tu voluisses ? Vndeliquet, quod omnia sunt Deo bona tametsi impijs, qui patiuntur, videntur mala. Opera Dei universa (ait Sapiens) sunt bona valde : Bona bonis creata sunt ab initio, sic nequissimis bona & mala : Initium necessariæ rei vitæ hominum aqua, ignis, & ferrum, sal, lac, melo, botrus, uvæ, oleum & vestimentum. Hæc omnia sanctis in bona, sic & impijs & peccatoribus in mala convertentur : sunt spiritus, qui ad vindictam creati sunt, & in furore suo confirmaverunt tormenta sua : in tempore consummationis effundunt virtutem & furorem ejus, qui fecit illos, placabunt ;

Ignis, grando, fames, & mors : omnia hæc ad vindictam creata sunt bestiarum dentes & scorpj & serpentes &c : in mandatis ejus epulabantur & super terram in necessitatem præparabuntur, & in temporibus suis non præteribunt verbum. Propter istam ergo causam, nimirum propter secretam naturarum oppositionem, à varijs divinitatis emanationibus ortam, amicitia & odium, & consequenter Antipathia & Sympathia essent à Deo creata, ut sub titulis lucis & tenebrarum se invicem oppugnarent in isto mundo, quæ quidem contentio incepit primum inter Angelos, deinde inter stellas, quæ recipiunt oppositas Angelorum influentias, tertio inter ventos & Elementa, qui venti suæ contentionis spiritus à stellis & ipsarum influentijs recipiunt : ac denique inter creaturas compositas sive sint perfecte sive imperfecte mixtæ. Sed quoniam inter alias oppositas in mundo naturas, Sympathia & Antipathia sunt omnium magis abstrusæ & occultæ, de ipsarum mysterio pro captus mei exiguitate sequentem efficiam sermonem.

## CAPVT. III.

*Hic demonstratur, quod occulta tam Sympathia, quàm Antipathia in creaturis actio radicaliter ab Angelicis irradiationibus ad invicem à creaturis sibi subditis emissis producat.*

Reuclin, lib. 3.  
de art Cabal.

**Q**ui bene in Theosophia sunt versati, volunt, quod omnes Angeli sint ejusdem generis respectu suæ creationis, tametsi eorum unus est alteri plus minusve illuminatus secundum illud officium, cui à Deo sunt destinati : nam considerare debemus, quod Angeli sint immediata organa seu instrumenta, per quæ & in quibus æternitas suam voluntatē præstare solet, tam in coelo, quam in terra, utpote, qui ejus Verbum fiat efficere solent. Vnde Rex David : Angeli Dei validissimi robore, efficientes verbum ejus, auscultantes voci ejus, ministri ejus, facientes placitum ejus &c. Ita, ut sit evidens, quod nihil in mundo temporali sive in coelo sive in terra factum est, sed illud radicaliter à spiritibus mundi ævialis derivatur : Atque hac de causa Reuclinus ait, quod omnia corpora, sive sint cœlestia sive terrena, habeant spirituales quosdam directores & gubernatores, qui ipsorum virtutibus & operationibus præsent, sive sint stellæ, sive vegetabilia, sive mineralia, sive animalia, non modò rationalia, qualis est homo, sed etiam irrationalia. Quare Archangelus Cabalista multos facit Angelorum gradus, variaque ijs assignat officia : Nam alij ait, stant coram Tribunali Dei, ipsum laudantes & hymnis celebrantes : alij solent ei administrare atque etiā nobis : alij custodes sunt vigiliæ nocturnæ : alij præ sunt quatuor quartis anni : atque hi sunt præsidetes quatuor Solis stationum : alij sunt septē

planetarū gubernatores : alij disponunt influentias stellarū fixarum & duodecim signorum, de quibus intendit ille locus apocalypseos, dicens : In duodecim portis (hoc est 12. signa quæ Plato dicit esse portas cœli) sunt 12. Angeli : alij sunt Tutelares & protutione & præsertione creaturarum ordinantur : nonnulli curā bestiarū habent, alij Plantarū : alij lapidum præciosorum & mineraliū : Hos omnes secretiores Theologi & sapientes approbare videtur, simul atque confirmat, quod Deus operetur omnia in hoc mundo inferiori, mediantibus Angelorū administrationibus. Vnde D. Paulus ait quod omnes sint spiritus administratorij, quia à Deo mittuntur ad istud officiū obeundū. Hæc Archangelus. Porro etiā Reuclinus asserit, quod influxio radiorū Angelicorū à stellis debeat esse diversa & naturæ variæ, quoniā Angeli non movent orbes cœlestes motu suo voluntario semper uno eodēque modo, tametsi illi motu violento seu diurno assidue ab ortu in occasum moveantur.

Sed quid verbis opus est pluribus, cum operis Cabalistici progressus hoc totum nimirum mysticam operationem & varietatem actionum in Angelis ad amissim enucleare videtur : Nam si decem Dei denominationes sive attributa producant decem emanationes distinctas & conditione differentes, quæ descendunt per decem portas, seu numerationes Cabalisticas supra dictas, contrarios animadvertuntur

Archangelus  
de dogm. Cabal.

tam in coelo, quàm in terra effectus procreare, sequitur prædicto Pfaltis testimonio, quòd sint tot vehicula Angelica, quæ transportant illas decem influentias in mundum inferiorem, quot sunt portæ Sephiroticæ: & consequenter, quot sunt proprietates differentes in velle divino, atque itidem varietates, tot sunt vehiculorum, quibus ad inferiora conducuntur. Nam velim, ut quilibet sagax intelligat, quòd Doctores Hebraici de natura & proprietate cujuslibet denominationis seu attributi Deo à sacris literis ascripti, per illum ipsum effectum, quem immediatè post ejus prolationem in lucem edebat, haud aliter judicare solet, quàm Philosophus de natura seu complexione hominis ex ipsius Physiognomiae intuitu aut ex signis, quæ vidit in coelo de sequentibus ejusdem effectibus, videlicet de pluvia, ventis, tonitruis &c: præfagire animadvertitur. Iam verò (ut dictum est) si sit divina influentia lucis, quæ animat & informat quemlibet spiritum Angelicum, debet ex necessitate sequi, quòd quilibet istorum Angelicorum conductorum seu vehiculorum influentiarum divinarum sit ab altero differens seu diversus in proprietate: quoniam formales illæ influentiæ, quæ ipsos animant, ab invicem sunt diversæ, & consequenter erunt naturali inclinatione pròni atque parati ad voluntatem Creatoris efficiendam secundum illam emanationis seu radorum influentiæ proprietatem, quàm à porta sua Sephirotica recipiunt. Ad Angelica ergo illa receptacula seu vehicula quod spectat, quæ ad diversas divinarum influentiarum seu irradiationum species recipiendas sunt ordinata, mihi propositum est pro meliori lectoris intellectu in prima serie portas seu Canales Sephiroticos exprimere: Deinde ordines Angelorum recitare, ex quorum numero illa vehicula Angelica existunt, quæ irradiationes illas recipiunt: ac tum postea stellas coelestes, quæ sunt coelestia illarum influentiarum super coelestium promptuaria sive sacraria nominare; ac in loco postremo aliqua de effectibus, quos influentiæ istæ deorsum à stellis in regionem Elementarem effusæ, tam in aëre, quàm aquis & terrâ producunt, faciam verba. De attributis divinis simul atque emanationibus sanctis cum peculiaribus ipsarum proprietatibus capite præcedenti sumus locuti: ad residuum verò quòd attinet, lectorem scire velim, quòd decem illæ particulares radorum emissiones ex totidem portis seu canalibus Sephiroticis in vastam mundi cavitatem ad complementum voluntatis Creatoris factas, habent suos peculiare aurigas seu conductores. Nam in hoc Theologiæ peritiores conveniunt, quòd, ut superiores Angelorum ordines recipiunt sua lumina & splendidissimas emanationes immediatè à Deo, ita quidein ea emittunt atque manifestant ordinibus Angelorum inferioribus: atque

propter istam rationem dicuntur specula polita, quatenus lumina sua à facie Dei seu æterna ipsius emanatione recipiunt: quæ (uti antea probavi) est omnium horum luminum Angelicorum caput. Atque iterum, ut Theosophi abstrusiores serijs suis ex pagina sacra collectionibus decem distinctas proprietates, atque etiam totidem varias cognominationes seu nomina Dei ijs appropriata observarunt: ita quidem perceperunt, quòd esset Angelus aliquis singularis, qui cujuslibet eorum irradiationis influentiam reciperet, & naturâ ac proprietate illius esset præditus, ut pote, mediante qua vivunt & animantur, quatenus, ut Angeli externum est spiritualis aër; sic ejus internum est formalis illa emanatio, cujus virtutis est vehiculum: atque hæc est generalis inter Theosophos occultos opinio, quibus Dionysius & Bartholomæus videntur consentire, quòd nimirum unus Angelus se immiscere cum alterius negotio seu officio, aut alterius labores suscipere non debeat, nisi sit talis Angelus ordinis inferioris, qui subijcitur Authoritati & gubernationi Archangeli sui, cujus etiam proprietate & natura insignitur, ut infra dicitur latius.

Oportet igitur, ut sciamus, quòd officium magni & Catholici Angeli Mitatron esset tam universale, & quòd in primis versatus esset circa informationem totius mundi & divisionem lucis à tenebris, atque etiam vivificationem spiritus mundi aquatici & diurnam coelorum revolutionem: atque idè dicitur; idque haud inconsultè, quòd esset divina illa Catholica emanatio, quæ dicta est sapiëntia æterna, quæ ob istam causam dicitur omnium prius creata, à qua tum postea omnia sunt creata. Hinc ergo dictum est, quòd Angelus ille contineat in se omnem perfectionem Angelicam, haud aliter, quàm omnes radij Solares comprehenduntur in corpore Solari. Nam, ait Paulus, est imago Dei invisibilis, primogenitus omnis creaturæ, in quo condita sunt omnia visibilia & invisibilia, sive Throni, sive Dominationes, sive Principatus sive Potestates, omnia per ipsum & in ipso creata sunt, & omnia in ipso constant. Quare & Rabbinus Hebraici essentiam primæ emanationis ad Angelum Mitatron applicant, quæ dicitur suam viam in mundum per regalem portam Cheter seu Coronam fecisse, vocaturque prima creatura, quatenus denotat spiritum Catholicum mundi, qui prius omnium recepit primogenitum sive imperialem emanationem ab attributo Dei *Ehieh*, quòd est nomen æternitatis, quippe, quod respicit tempus præteritum, præsens & futurum. Ob istam ergo causam Magnus Angelus se nominat *Alpha & Omega*, principium & finem. Prima influentia ergo, quæ erat vitæ essentia Catholica recipitur ab Angelo isto Mitatron, quasi Dono Dei, postquam per portam

Ecclesi. 1.

Coloss. 1. a 15.

tam

tam Cheter in supremum Angelorum ordinem, dictum Seraphin, emittitur, qui ratione propinquitatis illius ad Thronum Dei ardere & inflammari amore igneo traditur atque hinc inde est, quod ordo iste tantâ excellentiâ & pulchritudine ornetur, nimirum ratione istius primariæ & effulgentissimæ emanationis, quæ tam amabilis & benigni Patris luminis copiâ impletur. Ab hinc ergo Angelus iste potens lucidos hofce effluxus in coeli ætherei cavitatem conducit, ac in illo, quasi Catholico ejus sacrario, reservat: Atque spiritus lucis istius præsentia, mox animatur & vivificatur, ita, ut admirabili ipsius actionis ratione dicatur primus cœlorum motor, ut pote, in quo movetur cœlorum mobile, ad cujus motum reliqui cœlorum orbis, mundum naturalem constituentes, ab ortu in occasum spacio 24. horarum feruntur.

His ergo liquet, quid sit anima mundi, nimirum emanatio ista sancta spiritu cœlorum sic amicta, Divina irradiatio, penetrans per secundam portam Hochma, quæ emittitur à divino cognomine Tah: transit per ordines Cherubimorum, qui significant plenitudinem scientiæ, & abundantiam donorum sapientiæ: atque istius irradiationis influentiæ recipi dicuntur ab Archangelo Zophiele (quod nomen denotat pulchritudinem) quatenus infinitis particularibus vitæ radijs impletur. Sunt tamen alij ex Cabalists, qui hunc radorum istorum conductorem Razielem vocant, qui illos immediatè in Firmamentum sive cœlum stellatum dirigit, & præcipuè in Zonam illius cœli, qui Zodiacus & signifer nuncupatur, arguens per hanc nominis sui Etymologiam, quod radij istius in eo complicitè reconditi delineant idealiter infinitas creaturarum particularium species, quas omnes tum postea realiter & explicitè in regione Elementari depingit.

Tertia radorum effluxio fit per portam Binah, cui præest nomen divinum Elohim, & descendit immediatè in ordinem Thronorum; inde arguendo severam Dei proprietatem & iudicio plenam. Hos radios recipit Archangelus Zabriel, vel, ut alij volunt, Zabriel, significans Genium Cholerae magnæ. Atque hic spiritus conducit hos influxus ad Sphæram Saturni, quam implet Spiritibus sive Intelligentijs suæ naturæ, quas vocant Saturninos, vel Bene-Elohim, ac tandem hi effundunt in mundum Elementarem, nimirum, aërem, aquam, terram, influentias seu subtiles spiritus suæ naturæ.

Quarta emanatio conducitur per Canalem Chesed, cui præsidet nomen sanctum El, recipitur ab Archangelo ordinis dominationum, qui arguit potestatem contra malignos spiritus, assignatque vitam & affluat creaturis: atque Archangelus iste dicitur Zadriel, qui significat genium justitiæ, atque iste spiritus juxta naturam

influentiæ, quam conducit, est veræ justitiæ in proportionem vitæ ac Elementorum amicus: & per consequens vitæ creaturarum fautor & Patronus. Hos radios decorum in orbem Iovis vehit, cum infinitis spiritibus suæ naturæ ac conditionis implet, quæ Intelligentiæ Ioviales dictantur, quæ in creaturas sublunares ipsis subditas suæ influentiæ portionem impluunt, qua vivunt, multiplicantur atque præservantur.

Quinta radorum emissio fit per portam Geburah, cui præses est nomen divinum Elohim Gibbor: atque hi radij dicuntur ad ordinem Potestatum descendere atque Archangelus, cui radij isti committuntur, vocatur Samael, vel, ut alij volunt, Hamael; estque Genius, qui importat terrorem: atque ista Intelligentia radios istos conducit in Sphæram sive orbem Martis, eumque implet spiritibus sive Intelligentijs suæ naturæ, igneoque suæ conditionis ardore conflatur stellam Martialem, à qua influentiæ Martiales in Elementarem regionem, & præcipuè creaturis ipsi subditis effunduntur.

Sexta radorum divinarum emissio fit per Canalem Sefiroticam Tiphereth, cujus dominus est Cognomen Dei Eloah: atque hi immediatè in ordinem Virtutum, descendunt. Hinc Isidorus ait, quod Angeli istius ordinis recipiant illuminationem, purgationem & perfectionem à Deo atque Archangelo Michael duce (qui significat, quis tanquam Deus) in Sphæram Solis conducuntur, & ab eo ad inferiora, ad creaturarum vivificationem, multiplicationem, præservationem, & orationem distillantur.

Septima radorum extensio fit per portam seu Canalem Netzesh, cui præest nomen Iehovæ Sebaoth, & ab ea transeunt ad ordinem principatum, à quo per Archangelum Anaëlem ad Sphæram Veneris vehuntur, à qua tum postea ad creaturas ei in mundo Elementari subjectas descendunt.

Octava radorum emissio fit per portam Hod, atque huic præsidet nomen Elohim Zebaoth: hi descendunt in ordinem Archangelorum, ubi ab Archangelo Raphaële in Sphæram Mercurij conducuntur, & ab ea creaturis in mundo Elementalibus subditis immittuntur.

Nona lucis emanatio fit per portam Iesed, cui præest nomen Sadai, quæ descendit ad ordinem Angelorum, & ibi ab Archangelo Gabriele recipiuntur & ad orbem lunæ conducuntur, à quo ad inferiora pro creaturarum ei subditarum animatione & vivificatione descendunt.

Decima & ultima radorum extensio fit per Canalem Malchut, cui dominatur nomen Adonai, atque ista descendit immediatè (ut Cabalists volunt) in ordinem beatarum Animarum, à quo in regionem

## SECTIONIS SECVNDÆ, LIB. II. Membr. I.

Elementalem. Hæ sunt Cabalistarum de isto irradiationum Angelicarum mysterio intentiones.

Per continuitatem ergo istarum singularum emanationum oppositarum à Deo ad Angelos principales, & ab ijs ad spiritus Olympicos, atque ab istis ad dæmones sublunares, colligere possumus; primum, quod Deus Solus operatur omnia in omnibus: Deinde, quod secundum varietatem suæ voluntatis varieformiter agat in hoc mundo: & consequenter scire debemus, quod ejus voluntas sit multiformis in proprietate, quoniam res efficiuntur tam in coelo, quam in terra secundum multiformem operationem, ut ab effectibus colligere fas est. Quare, si Deus operetur omnia in omnibus, necesse est, ut diversitas illius operis à multiplicitate suæ voluntatis procedat: Atque propter hanc causam Hermes ait: Voluntas Dei summa est rerum perfectio, quæ necessitas sequitur; necessitatem verò concomitatur effectus: Et per consequens concludit, quod Deus in momento temporis tam ejus voluntatem, quam effectum ejusdem complere soleat: At quod non vult, ut existat, illud quidem esse nequit: Quare, quod existit in rerum natura, cujuscunque sit proprietatis, illud efficitur secundum voluntatem unius ex istis divinis attributis; Neque (inquit Hermes) credibile est, Deo displiciturum esse, quod placuit, cum & futurum id & placitum multo antè sciverit. Atque ideo Salomon: Ecquid mansurum fuisset aliquid, nisi tu voluisses? Terrib, quod secundum varietatem divinæ voluntatis res omnes essent creatæ, quarum una aut spiritualiter Sympathizat in affectione cum alia, aut inter se Antipathizant ambæ, ratione radiorum contrariæ conditionis, juxta vel concordantem vel oppositam naturam irradiationis Angelicæ seu emanationis radiorum unius spiritualis creaturæ ad aliam: quæ contrarietas conditionum procedit à varietate proprietatum, quæ sunt in voluntate unius æternæ essentiae. In hunc ergo modum fuerunt omnes hujus mundi creaturæ, tam spirituales, quam corporales compositæ; atque hoc modo erant vivificatæ atque animatæ per radios, quorum unus est alteri conditione contrarius, aut ratione suæ concordantiæ & similitudinis naturæ: Exultant magnopere, quando radij unius influentiæ se invicem respiciant. Scire autem debemus, quod, quamvis quælibet creatura habuerit radicalem suam informationem ex istis emanationibus: tamen in earum generationibus & multiplicationibus possunt variare & discrepare à conditione creatorum seu generatorum suorum parentum, ratione unionis duarum differentium irradiationum in hora natiuitatis. Hinc ergo evenit, quod filius tum figurâ tum conditione possit dissimilis esse suis parentibus: Nimirum, equus magis

furibundus aut mitis, quam ejus genitor, planta, aut fructus, magis laxus, aqueus & insalubris, quam arbor, à qua in forma furculi decerpebatur: & consequenter per applicationem radiorum Angelicorum contrariæ fortitudinis in natiuitate hominis irradiatio seu radiorum ex planta, vel flore vel bestia &c: emissio potest perpetuò Antipathizare cum isto homine: uti ego novi nobilem foeminam, cujus naturæ rosæ irradiatio erat ita contraria, ut solo ejusdem, dum dormiebat, contactu, vesica in facie esset elevata: Porro etiam alius felem, alius anatem tanto odio habebat, ut solo eorum aspectu in lypothymiam quasi incidere solerent. Et cum oppositio inter Elementa sit manifesta respectu illius contentionis & pugnae, quæ est inter naturas dissonantes, videlicet frigus & calorem &c: ita, ut in hoc casu radix Sympathiæ & Antipathiæ hujusmodi seu potius oppositionis Elementorum bene cognoscantur ab omnibus, nempe ratio inimicitiae inter aquam & ignem, atque inter aërem & terram: Intelligendum est tamen ex ijs, quæ superius sunt dicta, quod sit causa adhuc magis latens & interna veræ Sympathiæ & Antipathiæ in rebus, quæ à quibusdam occultis stellarum naturis ascribitur, cum rei veritate procedit ab influentijs illis Angelicis contrariæ fortitudinis, quæ invisibiliter & more abstruso à creaturis emanant, quæ sub emanationibus contrarijs & dissonantibus sunt natæ: Quod quidem Reuchlinus optimè ex istis describit: Philosophis (ait) Peripateticis probatur id, quod coelum quodlibet Sphæricum præter formam suam essentialiorem habet assistentem intelligentiam orbis sui morticem, quæ vocatur Angelus; eò quod ad hoc officium missa, intelligens & volens complet jussa Creatoris, tanquam inter Deum & naturam, virtus media, à qua fiunt operationes, in rebus, quas natura eorum vel non fecerat, vel non sic fecerat, quas alij provenire dicunt à proprietate occulta; alij, quia tale. Hæc ille. Quibus patet, quod occulta Sympathia & Antipathia rerum tam in coelestibus, quam terrestribus procedant & deriventur à mysticis & arcanis actionibus seu irradiationibus, Spirituum Angelicorum, qui primum accipiunt illas proprietates à peculiaribus influentijs seu emanationibus, quæ descendunt à portis Sephiroticis, seu à fonte æterno. Sed, quoniam non est officium Astrologi se tam profundè mysterijs illis immergere, quæ ad mundum ævalem spectant; utpote, cujus est stellas coelestes efficere fontem & originem illorum effectuum, quæ descendunt ad operandum tam per Sympathiam, quam Antipathiam in rebus inferioribus; volo ego jam more Astrologico indicare, quomodo tam Sympathia, quam Antipathia à multiplici stellarum influencia insurgant.

Asclep. 4.

Sep. II.

Reuchl. lib. 3.  
de art. Cabal.

CAPVT. IV.

*Vbi ratio Sympathie & Antipathie Astrologica enucleatur, ubi etiam probatur, quod, cum omnes spiritus inferiores suarum naturarum influentias de desuper accipiant, & cum creaturae Elementares non sint nisi imagines celestium, debet necessariò sequi, quod, ut sunt tum Sympathetici tum Antipathetici aspectus sive irradiationes inter duo vel plura celestium corporum, debet etiam pariter esse emissio radiorum ab uno corpore Elementari ad aliud, qui juxta naturam emanationis sunt vel Sympathetici vel Antipathetici.*

**F**Acto radicali cum Hebræis mysticis & Cabalisticis Theologis de Sympathia & Antipathia sermone, restat jam, ut illarum arcana more Astrologico aperiamus, nimirum sumendo organum visibile pro invisibili agente, hoc est, creaturæ externum pro interna ejus virtute Angelica & influentiam stellarem pro occulta & centrali emanatione divinitatis, quæ (ut dictum est) effunditur in spiritus seu intelligentias illas, quæ inhabitant & illuminant stellas, & ab ijs lucis. illius influentias in mundum Elementalem ad animandos ventos pro quadruplici communis Elementi Catholici mutatione & Meteororum multum procreatione corporumque perfectè inxtorum productione emittunt: Oportet ergo (Astrologicè loquendo,) ut sit manifesta oppositio & convenientia non modò in respectu manifestorū Elementorū seu ventorum, qualitatū sive naturarum, quæ dignoscuntur esse tam in stellis fixis, quàm erraticis (nam signa zodiaci aquea contrariantur igneis, & nocturna diurnis, orientalia occidentalibus, masculina foemininis &c.) Sed etiam respectu magis occulto: nam in Astrologia peritiores notarunt, quod, ut Iupiter, Sol & Luna sunt amici cum Saturno conjuncti; ita quidem Mercurius, Mars & Venus sunt ei inimici: Iterum omnes Planetæ excepto Marte sunt amici Jovis. Porro etiam est nullus planetarum, excepta Sola Venere, qui est amicus Marti, sed inter cetera Sol & Mercurius sunt ipsi inimicissimi. Etiam Iupiter & Venus sunt amici Solis: contra verò Mars, Mercurius & Luna sunt Solis inimici. Omnes planetæ dicuntur amare & fovere Venerem excepto Saturno. Iupiter, Venus & Saturnus sunt amici Mercurio; ejus verò inimici sunt Sol, Luna & Mars. Amici Lunæ, sunt Venus, Iupiter & Saturnus, ejus inimici sunt Mars & Mercurius. Amici Capiti Draconis sunt Iupiter & Venus; ejus inimici sunt Saturnus & Mars. Denique inimici caudæ Draconis sunt Iupiter, Luna, Venus; ut è regione amici ejus sunt Saturnus & Mars. Præter ista notandum, quod si alia amicitiae & inimicitiae species inter planetas, nimirum cum eorum unus est in sua exultatione, in domo alterius, & in hoc res subjecta influentiae unius, amanter reci-

piet aspectum alterius. E regione verò Detrimentum unius in domo alterius, faciet spiritum unius creaturæ, quæ nascitur sub illo planeta, qui habet detrimentum & per malum aspectum alterius, qui est in propria domo, in qua est detrimentum, ut Antipathetice respiciat rem aliquam, quæ subijciat Dominio alterius. Hoc, inquam, modo rei natæ præsentia sub planeta, illius Domus erit ingrata & odiosa alteri, cujus Domini nativitas, detrimentum est in eadem domo. E contra verò observandum, quod duæ creaturæ inter se Sympathizent & cum læticia & gaudio se invicè aspiciant, quando earum nativitatis Domini convenient in natura, virtute occulta & fortitudine: verbi gratia si Mars sit Dominus nativitatis unius, & Venus alterius: hi duo Planetæ naturali quodam instinctu inter se conveniunt: Atque itidem Venus, Iupiter, Mercurius & Luna concordant inter se. Porro etiam scire debemus, quod signum illud zodiaci, quod multas unius planetæ dignitates in se habet, ut sunt Domus, Triplicitas, Facies, Exaltatio, Terminus &c: optimè Sympathizabit & concordabit cum genitura illius planetæ: cum ex altera parte signū vel fixa aliqua firmamenti impressio, quæ est in conditione planetæ opposita, aut infortunijs plena, exempli gratia, si esset Planeta in suo casu vel detrimento &c: facit mediantibus suis radijs occultum quoddam odium. Præterea modus ejaculationis eorum radiorum ab invicem proferre solet satis mirabilem alterationem inter duas creaturas sive subjecta: Nam, ut radij stellarum se habebant ad invicem in nativitate animalis, ita verus radiorum aspectus permanebit & exprimeret in re nata vel vegetatione producta. Igitur naturam illorum radiorum seu irradiationum secretarum, quæ stellarum influentias concomitantur more adhuc magis amplo & pleniorè exprimere intendo, quoniam in ijs consistit Astrologicum Sympathie & Antipathie in rebus inferioribus secretum.

Primum igitur scire debemus, juxta profundissimorū Astronomorum & præcipue Alkindi opinionem, quod omnis stella habeat propriam naturā & conditionē, in qua radiorū ejectio cum alijs continetur: & si cur unaquæque suā habet propriā naturam, quam

Alkindus libro de radijs.

Z



## SECTIONIS SECVNDÆ, LIB. II. Membr. I.

quam totaliter in nulla alia contingit reperire, in qua radorum emissio continetur: sic ipsi radij in diversis stellis sunt diversæ naturæ, sicut ipsæ stellæ sunt in natura diversæ: omnis enim stella suum habet situm in mundana machina ab omnibus alijs diversum: Vnde provenit necessariò, quòd omnis stella alium sortitur respectum, quàm alia ad omnes alias, & res omnes & loca in mundo contenta. Aspectus autem varius variat effectum radorum, sicut & aliæ proprietates ipsarum stellarum variæ. Vnde fit, quòd omnis stella aliud & aliter operatur in locis & rebus diversis: quantumcunque modicis & quàm modicè differentibus, cùm tota stellarum operatio per radios procedit, qui in omni aspectu vario in se ipsis variantur: Nam radius, qui à centro stellæ ad centrum terræ procedit fortissimus esse probatur in operationis suæ specie: qui verò à centro terræ obliquatur secundum proportionem obliquationis in effectu debilitantur; nisi in quantum stellarum aliarum radijs concurrentibus in iisdem locis confortantur: In omnē enim locum omnis stella radios effundit, propter quod radorum diversitas in unum conflata, variat contenta omnium locorum: cùm in omni loco diverso diversus sit tenor radorum, qui à totali stellarum harmonia derivatur. Hoc insuper, quia continuè mutatur per planetarum & aliarum stellarum motum continuum, secundum locum mundi Elementorum, & eorum contenta omnia continuè movet in diversas condiciones exeuntes in actum, secundum exigentiam ejusdē temporis harmoniæ, licet humanis sensibus res aliæ mundi videantur permanere. Liquet igitur, quòd omnia loca & omnia tempora diversa constituunt individua in hoc mundo: quod facit cœlestis Harmonia per radios in mundum projectos sese continuè diversificans. Quibus liquet, quòd irradiationes omnium stellarum diversas operationes in rebus hujus mundi habeant secundum diversitatē proprietatum rerum: Quatenus res omnes ab horum radorum emanatione sive emissionē existunt & derivantur. Porro etiam notandum, quòd cœlestis harmoniæ conditio sit talis, quòd cùm omnes stellæ sint diversarum naturarum, atque ob istam rationem omnes earum radij sint effectuum diversorum in mundo Elementari, evenit, quòd radios earum operationes adjuventur in eadem materia seu subjecto, atque iterum in alio inter se impediuntur. Observandum est etiam, quòd super rem quamlibet hujus mundi inferioris, stella ordinatur prædominans, atque iterum est quoddam signum cœleste, quòd operi & proprietati ejusdem præsidet. Ex ista ergo radorum stellarum conditione inter se tam magna oritur rerum differentia & diversitas, ut vix reperiendæ sint in mundo res

duæ vel plures, quæ in omni respectu sunt ad invicem similes, tamen sensus humanus in aliquibus casibus sit sufficiens ad apprehendendam earum differentiam. Concludunt ergo, quòd cœlestis harmonia operetur tam differenter in diversis locis & temporibus, ut quandoque similia & nonnunquam dissimilia tam figurâ, quàm proprietate producat. Etiam nunc temporis similia per motum similem, & quandoque dissimilia per motum dissimilem, nimirum per motum tardum & velocem. Quibus bene ponderatis, & cùm sit evidens, quòd mundus Elementaris sit factus ad exemplar cœlestis, ita, ut quicquid continetur in mundo elementalī, continet in se imaginem cœlestis, minimè dubitare debemus, quòd omnia in hoc mundo, sive sint substantiæ sive accidentia essentialia, emittant radios suos ad invicem ad imitationem stellarum illarum, sub quarum Dominio sunt orta: Nam aliter foret impossibile, quòd in se comprehenderent figuram mundi stellaris: Sed hoc manifestè & sensibilibiter in quibusdā rebus confirmatur: Nam ignis emittit calorem partibus suis vicinioribus, atque itidem terra undique suæ frigiditatis radios expirat: Etiam medicamenta sumpta intrinsecus, vel extra applicata, radios suæ virtutis in corpus effundunt. Observamus etiam, collisione corporum duorum solidorum, sonum per effusionem radorum suo modo edi: Iterum res coloratæ suos extendunt radios, quibus mediantibus oculis percipiuntur: odorabilia etiā suæ virtutis radios undique emittunt, ut odore percipiantur. Quod cùm ita sit, audacter asseverare possumus, quòd omnis res hujus mundi, quæ habet actualem existentiam, suos radios undique suo more ejus cavitatem implendo emittat. Et ob istam rationem Alkindus testatur, quòd quilibet hujus mundi inferioris locus continet radios omnium rerum, quæ actualiter existit in eo. Atque ut quælibet res differt ab alia, ita etiam radij cujuslibet subjecti naturâ & effectū à radijs omnium aliorum: Vnde accidit, quòd operatio radorum omnium rerum in re qualibet diversa, sit varia & distincta. Hucusque explicavi Astronomorum doctissimorū hac in re, nimirum de irradiatione cœlestium sententias, quibus nobis videntur innotescere, quòd quælibet creatura hujus mundi Elementaris non modò ab istis radijs cœlestibus informatur, sed assiduè mediantibus ipsorum influentijs successivis præservatur, & consequenter quòd res omnes, quæ in hujusmodi influxibus cœli existunt, sunt typi seu imagines spirituum eorum cœlestium, quorum radijs sunt informatæ. Quare necesse est, ut per Alkindi regulam sequatur, quòd, si sint typici seu Icones effigierum cœlestium, quæ eas informant, tunc opus est, ut modo simili radios suos.

suos, licet invisibiles emittant: haud aliter, quàm stellæ, à quibus suæ existentiae influentiam hauriunt: Nam scire debemus (ut in radicali nostra inquisitione est dictum) quòd radij essentiales descendentes à Deo in custodiam Angelorum & ab Angelis communicati stellis, & à stellis descendentes in creaturas sunt continui, quoniam indivisibiles: Nulla est enim formata virtus à Deo scaturiens, quæ ullo modo dividi aut in partes distingui queat, aut à suo fonte separari. Quod, cùm ita sit, debet necessariò sequi, quòd in corporibus, in quibus sunt, effulgeant alijs, aliosque aliorum subjectorum sive creaturarum radios aspiciant: haud aliter, quàm stella una coelestis in hoc vel illo aspectu intuetur aliam. Quare observetis velim cùm diligentia, & attendatis seriò ad ea, quæ à me superius sunt dicta, nimirum, quòd quælibet in cœlo stella habeat suum amicum & inimicum: & quòd ratio istius oppositionis tam inter Angelos, quàm stellas coelestes esset diversitas proprietatis in voluntate divina: Vnde tot inter Cabalistas orta sunt Dei attributa varia. Procedo igitur in hunc modum, & dico, quòd si in harmonia coelesti eveniat, ut sit aspectus aliquis vel radiorum ejaculatio potens, qui concurrat cum radijs seu emanatione illius stellæ, quæ est Dominus vitæ rei genitæ, & quòd stella fortiter aspiciens sit inimica Domino vitæ, cuius radios intuetur, tunc spiritus creaturæ sic genitæ vel auctæ passionibus discordantibus, ut sunt timor, ira, tristitia, suspicio, erit obnoxius, idque præcipuè si inimicus Domino vitæ fortior seu potentior existens in Schemate coelesti applicationem suam faciat Domino, valde infortunijs & præcipuè malo aspectu debilitato: ita, ut hac via contingat spiritui rei genitæ quædam insensibilis Antipathetica perturbationis species inter genitum & rem, quæ naturaliter subijcitur stellæ conditione oppositæ. Etiã si res seu creatura producta suam nativitatem incipiat, cùm inimicus sui Domini sit potentissimus in cœlo & radios suos contingant simul: Tunc necesse est, ut creatura sub inimici Dominio nata, se habeat in Antipathia cum creatura illa, quæ nata est sub priori Domino seu stella, ratione emissionis radiorum contrariæ fortitudinis & naturæ: Quoniam Genius prioris est terrefactus & quasi odio excitatus ad aspectum alterius, quippe cuius stella priori stella inimicus erat & in cœlo fortior. Quare necesse est, ut duæ illæ creaturæ terrestres prædictis duabus stellis subjectæ invicem præsentent & aspicientes emissionem radiorum suorum contrariorum afficiantur Antipatheticæ, & earum, cuius Dominus est fortior prævalebit: Non aliter, quàm res se habebat cum earum stellis in cœlo. Sed, observare debetis, quòd, tametsi radij fortiores sunt Antipathetici ad debiliores, non sequitur, quòd debiliores sint Antipathetici

ad fortiores: cùm semper accadat, ut fortior passio sit in debiliore, ut actio fortior restat in fortiori: At verò si subjectum seu creatura alicui stellæ in cœlo subdita se offerat coram subjecto seu creatura, cuius Dominus in cœlo est prædictæ stellæ inimicus, si nullus malevolus esset in nativitate prioris inter illas stellas aspectus, non sequeretur evidens inter illa duo objecta ex eorum irradiationibus Antipathia, & tamen earum radij eò magis ad actualem oppositionem inclinentur, si in tempore seu hora concursus eorum, hi inimici coelestes se invicem respiciant, seu cum radijs suis aspectum malevolum faciant. Verbi gratia, si Iupiter sit Dominus nativitatis; aut productionis rei & Mars ipsum intueatur in quadrili seu opposito aspectu & coram ista creatura (sitque si placet homo) se præsentans feles sive catus Dominus, cuius genitura erat Mars, plures sibi in cœlo dignitates vendicans, quàm Iupiter: tunc quidem aspectus huius felis erit admodum homini illi ingratus. Præter ista, potest feles à quadam stella fixa, cui radicaliter subest, in aspectu hoc Antipathetico adversus tum stellam fixam, tum erraticam alterius animari. Sed è regione, si radij duorum planetarum, vel signorum vel plurium in una & eadem generatione seu productione creaturæ concurrant; ubi stella, quæ habet majus Dominium est Dominus creaturæ seu rei, utrum sit animalis, vegetabilis vel mineralis, & isti planetæ & stellæ fixæ sunt invicem amici, tunc si aliquod subjectum se præsentet, quòd oritur sub Dominio & radijs alterius ex illis planetæ: Hæc duo subjecta radios suos hic in terram emittentia, se invicem amabunt; & vinculis Sympathiae & amicitiae conjungentur: atque eò major erit concordia, quòd magis inter se conveniunt in natura, proprietate & benevolentia aspectus in instanti suarum nativitatum sive productionum. Exempli gratia, si Iupiter sit Dominus nativitatis humanæ & aspectum habeat cum Venere in sextili vel trino, atque Venus sit in cœlo tempore genituræ canis, felis vel similibus potentior, hoc est, dignitatibus pluribus gaudeat, habetque relationem per radios suos ad Iovem in bono aspectu, tunc dico reciprocam fore inter istas duas creaturas in Sympathia affectionem. Etiam si similis in cœlo amicitia fuerit in momento productionis alicujus vegetabilis, tam homo, quàm bestia illa delectabitur in præsentia & fructu ejusdem simplicis vegetabilis, & si illud comedat, optimè cum ijs conveniet; & si sit odorabile, ipsius odore afficientur magnoperè. Atque hoc totum est intelligendum in rebus, quæ à sua creatione non erant opposito more & conditione contraria creatæ, hoc est, inter quas Antipathia non erat ab origine ordinata cuiusmodi sunt venena & similia, quæ nihilo minus successivè ex istiusmodi cœli irradiatio-

# SECTIONIS SECVNDÆ, LIB. II. Membr. I.

ditionibus amabiliora & minus damno-  
sa, atque etiam convenientiora redduntur  
ad salutarem tam hominum, quam bestia-  
rum usum. Etiam ab Adæ lapsu inimicitia  
ingens est inter hominē & serpentem posi-  
ta, & tamen ratione hujusmodi Sympathe-  
ticæ à cœlo confluentiæ inveniuntur non-  
nulli inter homines, qui angues & serpentes  
amore & amicitia habent, & in eorum so-  
cietate delectantur. E contra alij tam ra-  
tione radiorum contrariorum, quam odij  
originalis ipsos magnoperè evitant & pe-  
ste magis effugiunt. Sed, ut ad negocij  
istius nostri radicem revertamur, causa  
Antipathiæ & Sympathiæ rerum mani-  
festa, à radicali proprietatum seu attribu-  
torum divinorum oppositionis mysterio  
profluit, quæ proprietates multifariæ à  
secreta & abdita æternitatis unius volun-  
tate emanant (uti antè luculenter:) Et ta-  
men Astrologi hujus rei causam varijs stel-  
larum irradiationibus attribuunt, ut po-  
te, qui experientia docti solam Sympa-  
thiæ & Antipathiæ rationem in ijs con-  
sistere credunt: at de radicali istius rei  
arcano, ne cogita verunt quidē: At-  
que hinc erat, quodd omnes Philosophi  
in genere, inferiora à superioribus regi,  
mundumque inferiorem esse corporibus  
superioribus contiguum, concludunt. Et  
Ptolomæus ait, quodd vultus hujus seculi  
subjecti sint vultibus cœli: & Aristote-  
les, quodd mundus iste sit supernis latio-  
nibus fere continuus, ut inde vis ejus  
universa regatur. Et Hippocrates: de  
cœlestibus autem rebus & sublimibus  
mihi nihil dicendum videtur, nisi, qua-  
tenus homines, animaliaque cætera,  
quæ in terris degunt & gignuntur nata-  
que sunt, principia & originem inde ha-  
bere demonstrabo, & quodd anima de  
cœlo est, quodd dolere, languere, mori,  
& denique quicquid boni malive est in  
homine de cœlo proficiscitur &c: Et  
hanc ab causam Halij ait: Medicus, qui  
astronomiam ignorat, est tanquam cæcus  
viam baculo examinans, huc atque illuc  
miserabiliter cespitans pro qualibet boni  
malive apparentia. Sed, ut propinquius  
adhuc accedamus ad hujus negotij me-  
tam. Cichus Eschulamus ait, quodlibet  
signorum zodiacalium recipere nomen  
suum speciale & particulare à natura seu  
proprietate alicujus animalis terrestris aut  
aquatici, cui habet Dominium, dicens,  
quodd unum soleat cum altero Symboliza-  
re: Et Moyses Arabicus affirmat, quod-  
libet animatum habere stellam peculia-  
rem, cujus influentijs seu irradiationibus  
nascitur & præservatur: idque mandato  
divino. Exempli gratia: stellæ, quæ sunt  
in constellatione arietis, gubernant & Do-  
minium habent super Arietem terrestrem,  
atque itidem Scorpio cœlestis vim suam  
exercet super illum terrestrem, cui præest.  
Et Reuchlinus ait: Non est tibi ulla planta

aut herba inferius, cui non est stella in Fir-  
mamento, quæ non percutiat eam.

Concludimus ergo, quodd Astronomo-  
rum atque Philosophorum intentio est cor-  
porum visibilium actiones intelligere pro  
illo spiritu seu virtute in illis, qui rei verita-  
te regit & vivificat omnia inferiora & in-  
fluentias multiformes ab organis suis stel-  
laribus expirat & minimè stellaris sphæ-  
ræ, ut Ethnici sapientes falsò existimant,  
qui profundius in mysteria divina, Dei-  
que naturam ulterius non penetrarunt,  
quàm oculi eorum corporei sive expe-  
rientia ocularis eos gubernavit: At verò  
ipsi, qui se in arcana Dei & naturæ im-  
merferunt, principium in istis cœli in-  
fluentijs magis occultum & centrale per-  
ceperunt: Vnde Mercurius Trismegistus:  
Dij in astrorum ideis cum signis eorum  
conspiciebantur, dinumeratæ sunt stellæ  
secundum eos, qui inhabitant illos Deos  
&c: ubi per Deos intelligit emanationum  
Angelicarum varietates, quæ ab unica  
divinitate proficiscuntur: aut potest  
Archangelos seu intelligentias illas prin-  
cipales pro Dijs intelligere, quæ sunt sin-  
gularum illarum emanationum duces, con-  
tra quos Apostolus, idque haud injuriâ exci-  
pere videtur, dicendo: Etsi sunt, qui dicun-  
tur Dij sive in cœlo sive in terra (siqui-  
dem sunt Dij multi & Domini multi) no-  
bis tamen unus Deus, Pater, ex quo om-  
nia & unus Dominus Iesus Christus, per  
quem omnia & nos per ipsum: Sed non  
omnibus est scientia &c: ac si dixisset,  
Deus Pater sive radicalis unitas est fons,  
à quo omnia scaturiunt & Catholica ejus  
emanatio immediatus actus, per quem  
solum omnes virtutes, actiones & vivi-  
ficationes sunt diversimodè effectæ, tam  
in cœlo, quàm in terra, ita, ut non sit  
Angelus, sed Deus in Angelo, qui ope-  
ratur. Hinc Picus Mirandulanus: ad cœ-  
lum non est referendum, si quid à nobis  
fit, quodd nostras vires videtur excede-  
re, sed potius vel ad Angelos vel ad  
Deum: Vnde & Rabbi Moyses. Angeli  
non semper movent orbes cœlestes eo-  
dem modo: quo fit, ut non semper eo-  
dem modo fiant mutationes horum infe-  
riorum: Maximam namque vim & pote-  
statem Angelica exercet conditio in res  
corporeas, quapropter intellectus agens,  
à quo influunt formæ, nominatur Ange-  
lus & appellatur præfectus universitatis, ut  
dixerunt Sapientes nostri, vocaturque  
Mitatron, à quo quidem gubernantur  
omnes virtutes singulares, quæ pariter  
Angeli dicuntur, quorum est multitudo,  
quo ad nos infinita, sed quo ad Creatorem  
finita & determinata, hæc ille: Et Rabbi  
Breslins: Creator quotidie creat cœtum  
Angelorum, quos alij vocant formas,  
quia sunt substantiæ formales, quibus  
tota sphæra generabilium & corruptibi-  
lium est plena. Iam verò per istum in-  
tellectum

Ptol. ser. 9.  
Centiloq.  
lib. 1. Meteor.

Hipp. de Car-  
nibus.

Halij in Proce-  
nulo cujusdam  
sui operis.

Eschul. lib. de  
12. signor.

Lib. 3. de arte  
Cabal.

rim. 3.

1 Cor. 8. 5. 6.

Lib. 4. de  
Astrol. cap. 4.

Rabbi Moy-  
ses.

Rabbi Breslins

tellectum agentem seu Mitatron, ut pote, qui est totius mundi præses, quem in prædictis dixi esse mundi animam, quæ animat rem quamlibet particularem, radios suos formales infinitos emitendo, concipere possumus, quodd Hebræi mystici eandem illam potestatem significarint, quam Apostolus loco præcedenti Domino nostro Iesu Christo assignavit: quatenus, ut ipsi fecerunt suum Mitatron Catholicum Angelum sive præsidem universitatis procedentem per viam emanationis ab *Ensof* sive infinitudine, ita Apostolus arguere videtur, quodd omnes formæ & res quælibet alia procedit à Deo Patre, & habet suam existentiam per unicum Dominum Iesum Christum.

Ad propositum ergo: Vt Deus ab infinito suo unitatis fonte duo principia naturis contraria ordinaverit, nimirum lucem & tenebras: ita quidem primo genitum tenebrarum erat litigium, seu princeps tenebrarum, qui vocatus est Satan, cuius Dominium est in tenebris & super omnes res tenebrosas & proprietates privativas: atque iste habet sub se quadri-formes Angelos seu Dæmones differentium conditionum, qui habent Dominium super quatuor ventos & Elementum Catholicum, suntque ad mandata sui principis in negotio tenebroso & per consequens discordiæ Antipathiæ & privationis patrandæ paratissimi: juxta illud Apocalyp. 7.1 Apocalypseos: vidi quatuor Angelos stantes super 4. Angulos terræ, tenentes quatuor ventos terræ, ne flarent super terram & super mare & super ullam arborem, & clamavit Angelus ascendens ab ortu Solis voce magna quatuor Angelis, quibus datum est nocere terræ & mari &c. Iam verò quilibet istorum Angelorum præsidum multas habent divisiones & subdivisiones legionum Dæmonum sive spirituum sub suo imperio, qui tunc secundum suam voluntatem agunt, quando assignatur ijs spirandi & aeris perturbandi potestas. Omnes autem hi animantur ab influentijs, quæ à spiritibus Olympicis sive cœlestibus effunduntur, ut etiam ipsi suam animationem & dominationis tempora habent ab Archangelo imperiali, qui ab ortu Solis ascendit assignata: Atque hi Angeli ventosi sunt immediati voluntatis æternæ & radicalis in mundo Elementari diffusores. Ob istam ergo rationem, ut nos videmus, oculariter: quodd radij Solares illuminent totaliter objectum illud, quod intuentur, & quodd ista illuminatio fiat ratione multitudinis radorum, qui in illo uniuntur, ita etiam omnes emanationes, quæ deorsum in corpora stellaria feruntur, ea radorum in finitudine implent, qui radij ijs loco Angelorum subdivisorum inserviunt eaque red-

dunt seu convertunt in naturam totius emanationis illius, quæ stellam illam animavit: Atque hac de causa omnes stellæ Olympicæ sunt in proprietate similes: Eadem etiam ratio est in radijs Angelicis, qui à ventorum Thronis ad aërem & omnia inferiora, nempe aquam & terram cum numero infinito spirituum nocentium de natura sua implenda emittuntur. Et tamen hoc est certum, quodd ut Deus omnia, ut existerent & essent (Teste Salomone) creavit, ita ipse ex paterna sua bonitate curavit, ut tot boni Angeli cum spiritibus sibi subditis à radijs suis bonis scaturientes ipsis malis præsiderent, quod malitiam & malevolentiam eorum supprimerent atque obtunderent, qui itidem suas in aëre seu Elemento Catholico mansiones habent: Vnde liquet, quodd quilibet illorum ventorum nocentium præses à meliori & digniori & magis propitia intelligentia gubernetur à sua malitia pro placito suo restringatur. Nam Textus ait: Et vidi Angelum ascendentem ab ortu Solis, habentem signum Dei vivi & clamavit voce magna quatuor Angelis, quibus datum est nocere terræ & mari, dicens: Nolite nocere terræ & mari neque arboribus, quousque signemus servos Dei nostri in frontibus eorum &c: Ita, ut videamus hic, quodd sit Angelus quidam imperialis, qui est spiritus sive intelligentia bonitatis & præservationis, qui potestatem habet super quatuor Angelos mundi inferioris tam bonos, quam malos, & per consequens est Dominus & imperator super malignos Angelos non modò quartæ orientalis, sed etiam aliarum trium: atque iste videtur esse magnus ille Michael, utpote cui Orientalis plagæ gubernatio & ipsius Solis præsentia assignatur: Atque iste creditur esse ille Catholicus, quem Cabalisticæ Mitatron dictitarunt, de quo antea locutus sum: atque alij illum æstimant pro imagine æternæ sapientiæ, à qua omnia sunt facta: utcumque erat Angelus ille imperialis, qui victoriam super Draconem atque Angelos ipsius triumphavit, & per consequens eos detinet sub suo Dominio: Ita, ut, quemadmodum Satan est princeps tenebrarum & lucis & consequenter Christi & creaturis suis inimicus ita magnus iste Angelus (in quo est nomen Ichovæ, ut testantur scripturæ) in quo est vita & lux sine tenebris ullis, est princeps lucis & potestatem habet super lucem, positionem & vitam; atque ideo principi tenebrarum earum & effectibus ab ijs ortis est inimicus: Atque ob hanc causam, ut Satan habet suos exercitus in aëre aperto per quatuor ventos dispersos atque undique disseminatos, ita etiam iste princeps imperialis lucis & vitæ suos conductores Angelicos cum legioni-

Apocal. 7.3.

## SECTIONISSECVNDÆ, LIB. II. Membr. I.

Lev. M. Rac.  
lib. I.

Te Dec. lev. lib.  
de 10. Nun. e-  
rat.

Ezekiel 37.

bus eorum undique in Elemento Catholico, nimirum aëre, aquâ & super faciem terræ expansos habet, ut custodiant & vigilent malignos spiritus in actionibus, & ut eorum violentijs & in sultibus invisibilibus resisterent, nisi Deus ipsis potestatem liberam agendi concedat, signatis prius electis in eorum frontibus salutis sigillo, ne ijs pariter noceant: At iste Dei exercitus quatuor pariter duces habet de natura quatuor etiam ventorum, qui duces bonitate, gratiâ, iustitiâque abundant: Hinc Theosophi & Cabalisticæ mystici: Ut in exercitu Dei duo sunt Antesignani, nempe, Michaël, Gabriel, Vriel & Raphaël: Sic in exercitu pariter Satanæ latissima gerunt signiferi ultores vela Samaël, Azazel, Azael, Mahazael, uti Rabbi *Menahem Recanat* affirmat: quarum priores bellum gerunt in Oriente, secundi in Septentrione, tertij in Meridie, & quarti in Occidente. Hi autem duces Satanæ nocentes & malevoli creduntur esse quatuor illi ventorum præfidentes malevoli, quorum meminit Apocalypsis loco superius citato: Ad quatuor autē Dei duces quod attinet, quod ipsi sint etiam primarij ventorum custodes & gubernatores ex isto Rabbi Tedaci levi sermone colligimus: Deus, ait, quatuor ventis creavit quatuor Angelos, qui præfecti sunt super eos in die & nocte: Michaël, qui est ex parte Clementiæ & milerationis constituitur Manana, id est, præfectus super ventum orientalem usque ad dimidium, diei & usque ad noctem, regitque ventum occidentalem Raphaël, qui similiter est de parte Clementiæ, tum Gabriel in virtute iudicij & severitatis præfectus est vento Boreali super dimidium noctis & duas mensuras mundi: Noctem verò vel Vriel præfides. Austro &c: Ita, ut videamus, quod, ut sunt bonæ irradiationes & spiritus benigniores, qui secreta emanatione se extendunt à ventorum Angulis in aërem apertum, nimirum illi, qui secretò & arcano more à benignis Iehovæ attributis emanant, ut sunt El per Iovem, Elaah per Solem, Sadaï per Venerem &c. & tunc Michaël, Raphaël, Gabriel & Veiel mediantribus suis legionibus voluntatem divinam exequuntur. Præter ista sunt mali & corrupti spiritus contrariæ fortitudinis ventis, qui originem suam habent ab Elohîm, Elohîm Gibbor & Adonai, quorum promptuaria celestia sunt Saturnus, Mars & Luna: Neque velim, ut quis admiratione ducatur, quod multipliciter bonarum & malarum proprietatum, quæ à ventis manifestantur, à divina essentia deducam, quæ voluntatem suam à proprietate varia complendam, potestatem quatuor suis Archangelis prædictis impertit: cum Propheta iussu divino dixerit: Veni, spiritus à quatuor ventis & in suffia interfectos istos, ut reviviscat &c: Quibus Propheta agnoscit, quod non esset, nisi unicus in essentia spiritus vivifi-

cans, quod totum hoc compleret, & per consequens, quod quatuor proprietates oppositæ in quatuor Angelis, qui sunt ventorum præfides sint influentiæ sive radij essentiales, non nisi unius & ejusdem Spiritus vitæ in essentia. Ratione horum spirituum contrariæ fortitudinis in aëre quandoque boni & propitij eventus accidunt creaturis mundi inferioris, nimirum quando boni spiritus habent Dominium, ventique salutare spirant, quod solet evenire, dum stellæ benignæ Dominium habent in coelo, & quandoque cum mali & perniciosi privativo & destructivo successu observantur flare, cum à pravis & malevolis spiritibus gubernantur, quippe quorum emanationibus spiritus maligni ubique in aëre volantes & quasi natantes ad facinora erga creaturas patranda animantur & incitantur & in flatibus seu irradiationibus invidis à suis præfidentibus crudelibus emissis, exultant & gaudent abunde, quippe quorum emissionibus spiritus isti contrariis fortitudinibus olim consopiti jam excitantur ad bellum & furorem: Sed & totum istud à Iosepho Castaliensi optimè explicatur. A Ioseph. Castali. lib. de porta lucis. terra, ait, usque ad Firmamentum non est locus vacuus, sed omne plenum formis; ex illis ~~partibus~~ ex illis capaces gratiæ ac miserationum, & sunt inferius multæ effigies foedæ, noxiæ, tentatrices, & omnes commorantes & volantes in aëre: & non à terra ad coelum locus vacuus, quin totum sint species: Ex illis ad pacem, ex illis ad bellum, ex illis ad bonum, ex illis ad malum, ex ijs ad vitam, ex ijs ad mortem, & omne id in habitatione inferiori, in qua nos sumus &c. Quibus arguit, quod Elementum totū sublunare spiritibus tam bonis, quam malis impleantur. Quare citra omnem controversiam est inter hos spiritus contrariæ fortitudinis ~~affiduum~~ bellum & conflictus interesse in regione hac elementari, quorum ~~Agonistarum~~ alij sub velo principis lucis & vitæ seu positionis ordinantur, & alij sub alis illius tenebrarum, privationis & mortis, quorum hi sunt ad placitum sui principis tenebrofi obeundum paratissimi, & admodum familiares sunt cum natura humida sive aqua, quæ est mundi materia, & tenebrofi Chaos sive abyssi soboles. Atque ideo instinctu naturali magnum super ipsam Dominium habent: Unde ratione inclinationes ipsius ad tenebras facillimè à societate lucis seducitur: Hinc à Scripturis intelligimus, quod mundus materialis, caro & Diabolus sunt vinculis arctissimis ad invicem conjuncti: unde, ut à tribus istis præcaveat quilibet pius Christianus admonetur: Hinc etiam Satan nomine principis aëris, qui est aquarum inferiorum pars spiritualior, à quibus materialis mundi substantia est orta: illi verò boni attendunt principem lucis & vitæ suum Dominum, qui est Sapientiæ Spiritus à lucidissimo æternitatis sermone procedens. Atque

Atque isti præcipue in mundi & creaturæ ejusdem vivificatione, præservatione & adoratione versantur. Hac ergo ratione, nimirum oppositione horum spirituum contrariæ fortitudinis omnes passionēs in spiritu & per consequens animā mundi tam majori cum creaturis ejusdem, quam minori immediate derivantur, nimirum bonæ, ut sunt lætitia, charitas, spes, confidentia, misericordia, magnanimitas, amor seu amicitia & concordia in microcosmo à cordis dilatatione, & in Macrocosmo appetitus, concupiscentia, delectatio, audacia seu magnanimitas, vegetatio & omnes beneficæ in eo actiones ex gratiosa spiritus ejusdem per animam mundanam, rarefa-

tionem & dilatationem : Atque iterum pravæ in spiritu microcosmi passionēs, quales sunt : Tristitia, odium, desperatio, Timor, Ira, furor, verecundia & discordia à cordis contractione procedunt : & in mundi majoris spiritu & creaturis ipsius stupor, congelatio, discordia, irascibilitas, timor, odium, ac denique Antipathia à contractiva animæ mundanæ dispositione fortiuntur : Quæ omnes passionēs vel bene afficiunt creaturas & ad vitalium spirituum Solatium & felicitatem conducunt, vel earum spiritus aggravant, & infelices ratione nebularum tenebrosarum & contrahentium reddunt.

## CAPVT. V.

*Quæ nam in spiritu seu anima actiones in genere producant Sympathiam & quæ Antipathiam, & quomodo Sympathia siue compassio à quadam spirituum in uno vel duobus particularibus dilatatione seu radiorum vitæ seu essentia positivæ & benignæ à centre emissionem versus circumferentiam procedant : At è contra Antipathia per radiorum à circumferentia ad centrum contractionem contingit.*

**N**Otum feci vobis in præcedentibus, quoddam duæ proprietates essent more Archetypico seu ideali & complicito in una radicali unitate seu essentia æterna comprehensæ : quarum una ab ejus Noluntate, & altera ab ejus Voluntate est producta. Ecce hic radicem, ex qua originaliter tum Sympathia, tum Antipathia est orta, quarum hæc à proprietate privativa, seu Noluntate divina ; illa à positiva seu voluntate ejus initium ducit. Tum postea vobis recitavi, quoddam ab ista radice seu unitate in essentia geminus ramus siue duplex membrum esset derivatum : exprimens Typicè & explicite effectus & naturas illarum proprietatum contrarias, quæ complicitè in radice Ideali comprehendebantur, videlicet tenebras, quæ sunt fructus privativæ suæ noluntatis ; & Lucem, quæ est Character verus seu signum indubitatum voluntatis illius : & deinde probavi, quoddam istæ duæ fuerint omniū rerum principia. Ecce ergo hic principia duo immediata Sympathiæ & Antipathiæ, ab una stirpe seu radice derivata : In loco tertio demonstravi vobis, quoddam separatione puri Chaos Tenebrosi ab impuro (quæ virtute Spagyrica lucidissimæ emanationis seu verbi æternæ unitatis efficiebatur) humida siue aquea mundi natura essentialis spiritus omnia informantis esset creata seu essentialiter informata ; ita, ut in unione istarum duarum naturarum contrariarum, nimirum essentia informantis seu naturæ naturantis & naturæ naturatæ siue informatæ substantiæ in unum spiritus mundi erat animatus : & tum postea secundum Sapien-

tes Philosophos anima mundi vocatus, quæ erat illa compositio Angelica Duorum, quæ hac de causa est alteritas nuncupata : uti Deus in simplici & æterna sua natura consideratus dicitur Identitas. Iam verò passiva portio, ex qua Alteritas erat facta, dicitur humida creata natura, seu materia mundi naturata, cujus activa siue interna essentia est & vivax & agilis ab æternitate emanatio, quæ (ut nos Apostolus docet) vivificat omnia & implet omnia, & est omnia in omnibus. Horum duorum uni constituit animam mundi Catholicam, quæ vocatur respectu simplicis creationis & emanationis vivificantis Mens, & ratione spiritus ab ea creati spiritus ; & consideratione utriusque simul in unum uniti, anima : Ecce hic tertium progressionis Antipatheticæ & Sympatheticæ à simplici æternitatis radice gradum, nimirum creatum materiam seu spiritum, in anima mundi existentem, tenebrosæ Chaos sobolem ; & ob istam causam naturaliter ad privativos & negativos tenebrarum effectus inclinatur, & per consequens est aptissima ad impressiones Antipatheticas seu discordantes recipiendas, quas Angelici tenebrarum spiritus ei imprimere solent : Nam, ut facra lux, quæ humidum mundi spiritum & per consequens integram aquarum massam animat, ex quibus cælum & terra erat facta, uti asserit D. Petrus, est magis nobilis, activus & agilis omnium rerum, teste Salomone, ita etiam in parte opposita materia, quæ informatur (atque idè creatum corpus & spiritus admodum est degenerans à luce) & minimè propriam suam naturam



## SECTIONIS SECUNDÆ, LIB. II. Membr. I.

ad motum vitamque inclinatur: Nam Philosophorum verba sunt, quod materia sit per se ad motum inefficax, ab ipsa anima lucide degenerans. Quare libenter &c. ex gemina sua dispositione induit matris suæ Chaos, seu tenebrosæ hylæ conditionem, quæ proclivis est ad requiem, immobilitatem, tenebrositatem, frigiditatem, spissitudinem & congelationem: Propter hanc ergo causam patitur materia aquea utriusque oppositi impressiones, videlicet, quandoque inclinatur ad tenebras, & tunc inspissatur & opaca, frigida, fixa, ponderosa redditur, in qua ejus proprietate tendit deorsum & ad frigidum centrum seu sedem tenebrarum, quæ sunt ei loco matris & in hoc statu redditur rebellis & oppositissima luci & motioni ac calori: atque ita actionibus lucis & vitæ redditur Antipathetica: quomodo admodum videmus in aëre & spiritu mundano, qui est clarus, Diaphanus, tenuis, mobilis & sursum tendens, quod totum habet à luce cœlesti descendenti, tamen è regione, appropinquatione seu accessione septentrionalis frigoris, quod est tenebrosæ Chaos soboles: ille spiritus subito mutatur, nam congelatur atque opacus, spissus immobilis fixusque redditur, quatenus in nives, pruinas, glacies, grandines & consimilia condensatur: ita, ut Antipathetica istiusmodi frigoris tenebrarum accessione discordans factus sit & aversetur ab amabili illa unione & Sympathetico accessu, quem habet cum regione lucis. Ex altera verò parte lucida animæ forma, quæ est æternæ illius emanationis essentia, dat aëri spiritum, vitam, actionem, motum, calorem, levitatem seu tenuitatem & transparentiam: vel, ut Apostolus habet, vitam, inspirationem & omnia. Et notare debemus, quod propinquius accedit spiritus ad naturam lucis, eò firmiora esse vincula seu nexus concordie Sympatheticæ ipsius: Nam, ut Sympathia consistit ex rebus similis nature, ita, quod magis spiritus appropinquat ad formam, eò firmior est ejus Sympathia seu concordie nexus, fortiorque & efficacior ejus virtus: Nam quod magis spiritus creatus illuminatur, eò minus illius naturalis inclinationis & amoris meminit, quem ad obscuram & deformem suam originem habuit, ita, ut mediante exaltatione tam depurata sua, ad ipsius divinitatis naturam appropinquare videatur: Atque idem Platonis est opinio, quod, si medius hominis interni spiritus nimirum ille, qui est inter radium mentalem & obscurum corporis spiritum, adhæreat magis menti, quam spiritui Elementalī corporis, tunc in boni Dæmonis naturam migrabit: Sed si deorsum ad obscurum corporis spiritum Elementalem respiciat, tunc convertetur in conditionem Cacodæmonis, eritque obscuræ suæ parentis naturæ quàm proximus: Etiam à Scripturis docemur, quod adhærendo huic luci divinæ, nimirum

Christo Spirituali, tandem in eandem imaginem transformabimur, nimirum, si spiritus nostri interni intermedius inferiora negligendo, hoc est, carnis concupiscentias respuendo ad gaudia & mundities superiorum se erigat: Sed, ut ad animam mundi majoris revertamur: Si spiritus æreus in potestatem tenebrarum & principis eorum tradatur, sit corporeus, & in corporis opaci imaginem convertitur, nimirum in gelu, nivem, grandinem &c: Verum si effectus caloris & formalis lucis, actus prævalerit super stupidum tenebrarum frigus, tunc corpus prædictum, vel niviale vel glaciale &c: opacitatem suam exuert, & reddetur Diaphanum & transparens, hoc est, à terrestrinatura fixa & opaca in aqueam, lympidam & fluentem reducetur: atque iterum per alium gradum accessus ad lucis Dominium magis adhuc dilatabitur, ita, ut à statu aqueo visibili in statum invisibilem & æreum redigetur. Porro etiam gradu tertio appropinquationis ad lucem in statum & conditionem ignis depurabitur: Denique gradu quarto in naturam substantiæ æthereæ sive cœlestis transmutabitur, in quo statu amittit omnem ad mutationem appetitum, & jam omnino est oblitus privativæ stirpis, à qua est originaliter ortus: in quo etiam statu transgreditur corruptionis limites, & conditionem induit incorruptibilem, utpote mutationibus minimè jam obnoxius: Ac tandem per quintum gradum transcendit in mundum temporalem, migratque in statum avianlem seu Angelicum: Se enim jam habet in pari cum substantia Empyrea conditione: Atque ita plus minusve exaltatur in dignitate, quod magis vel minus actui æternæ seu Catholicæ influentiæ formali est obediens: Nam debemus intelligere, quod tota inclinatio æternæ emanationis sit, ut istam tenebrarum sobolem à confusa mundana multitudine ad æternæ lucis unitatem & vitam reducat, ut è regione tenebrarum potentialium conatus in contrarium vergat. Finis lucis creantis actionis integer tendit, ut ligamentis amicitie & unitatis Symphoniacis omnia in mundo divisa & ad invicem contraria in unitatem connectat, hoc est, ut Catholicum tenebrarum filium similem ei reddat, quo tandem in exilium sempiternum relegata Antipathia, mundus & suprema ejusdem mens æterno amore & amicitia inter se Sympathizent. Sed tamen huic optimæ lucis intentioni summo opere resistunt tegebræ, ut unitatis dualitas perpetuò remaneret in mundo, qua concordie vincula, discordie odio violarentur, & Antipathie leges in amicitia & pacis detrimentum inter mundana containerentur. Quibus liquet, quod subjectum illud ab obscuro & deformis Chaos visceribus mediante lucis emanatione redimitum jam manet, quasi media substantia inter ista duo extrema, nimirum,

lucem

lucem & tenebras, atque idè est subiectum passivum à Creatore ordinatum ad utriusque extremi impressiones seu Characteres sustinendos. Vnde fit, ut sit quandoque subiectum Sympathizæ, nimirum quando est obediens ad unionem & lucem, & quandoque Antipathizæ, nimirum, quando est rebelle lumini. Atque ita patefactum jam habemus omnis in anima mundana passionis subiectum. Hæc itaque erat sola ratio, cur Philosophus Heraclitus tantâ confidentiâ asseverarit, omnia ex lite, & amicitia fuisse conflata: Empedocles, animam esse ex amicitia & inimicitia compositam. Enarrabo ergo vobis jam ordinem illum concordiz, quem æternus amor (qui à Patre luminis & amoris emanavit) in qualibet mundi regione ad binas illas naturas differentes ab invicem distinguendas posuit, collocando inter eas subiectum seu sphaeram intermediam cum utroque extremo naturâ opposito conveniens. Et in primo loco ordines in universo Spiritu mundano describam, ac postremò de quolibet spiritu particulari vivificato seu in actuato, tam intellectualli, seu Empyreico, quàm vitali seu Æthereo & naturali sive Elementalī efficiam mentionem.

Oportet, ut duo principia opposita in duobus unius semidiametri mundi rotundi extremis, collocemus: & in primis imaginabimur, quòd sedes Dei lucis sive actus divini sit in summa cœli ævialis seu Angelici vel Empyreici convexitate, vulgari more loquendo, hoc est, in circumferentia mundi sit ordinata: Et tunc æstimabimus Thronum tenebrarum seu divinæ potentiz situm suum habere in mundi centro, nimirum terra, quasi loco à lucis præsentia remotiori & magis opposito. Hic intueri potestis duo concordiz & discordiz, amoris, inquam, & odij, & consequenter Sympathizæ & Antipathizæ principia, quorum effectibus scripturæ sacræ atque etiam Philosophorum scripta & gesta sunt plena. Materia Catholica, videlicet aqua, quæ erat originaliter ex abyssu tenebrosa abstracta (de qua cœli erant prius & terra extracta & virtute verbi divini ædificata) totum illud spatium inter utraque extrema occupat, & virtute spagyrica emanationis illius sanctæ in regiones ita numero, pondere & mensura erat in aquas superiores & inferiores disposita atque divisa, quarum illæ superiores fuerunt bonæ & lucidæ divinitati obediens, ac in naturam igneam conversi, unde cœlum Empyreum erant dictæ: Nam propter earum ad lucidam Dei naturam emissam obedientiam igne intellectuali & luce Angelica abundavit: atque idè ista aquarum portio erat pro sede Angelorum bonorum & animarum beatarum ordinata. Aquæ inferiores è regione, quatenus erant sæcæles, grossæ, impuræ & consequenter

magis erga lucis principem inobedientes, quoniâ de tenebrosa sua matre, terra præcipue participarunt, locum & sedem prope radicem suam acceperunt, totumque illud spatium implebant, quod est inter cœlum & terram, quod cœlum Elementare distabat: quòd ob istam causam omnibus generationis & corruptionis mutationibus subijcitur: Vnde propter varias in eo passionis & perturbationes cognoscitur esse Satanæ atque Angelorum ipsius pravorum sedes: Quare ipse à scripturis princeps hujus mundi, & alibi princeps aeris dicitur, & primarij ipsius subditi nuncupantur Principales, Potentatus & gubernatores istius mundi, ut testatur Apostolus: Ecce hic duo illa naturæ creatæ extrema, à cuius superiori generalis Sympathia & amor sive Symphoniacus in rebus consensus procedit & efficitur in hoc mundo: ab ejus inferiori universalis Antipathia, odium & dissensio rerum in hoc mundo inferiori tunc nimirum contingunt, quando severa Dei attributa in mundum stellarum influentias contrariæ naturæ effundunt, quæ postmodum per earum in mundum inferiorem emissiones animat & libertatem dæmonibus Elementaribus seu ventosis ad vires suas destructivas & Antipatheticas in mundo isto exercendas concedunt: Exempli gratia, attributum Elohim deorsum in globum Saturni fructus suæ gelidæ & glacialis facultatis destillat, quibus spiritus illius orbis animantur & corroborantur, qui tum postea virium suarum portionem spiritibus ventorum Septentrionalium & terrenis, qui sunt ijs substituti, impluunt: Vnde Archangelus Cabalista ait: Hoc nomen *Elohim*, quod nos Deum habemus interpretatum, omnia fovet, & omnibus succurrit, summa pietate & clementia, id quod est illi proprium, & idè illi gratia attribuitur. At per ipsum nomen *Elohim* veniunt severæ punitiones & strages & Angeli ei infervientes dicuntur *Ben Elohim*, id est, filij *Elohim*. *Elohim* ergo terrorem significat & pavorem. Hinc locus Aquilonaris ei assignatur, à quo procedit omne malum. Hæc ille: Quibus discernere possumus, quomodò spiritus, qui sunt dispensatores salutarium & bonarum, quàm malevolarum seu destructivarum influentiarum, sunt atque comprehenduntur in aquarum inferiorum abyssu seu congerie: Denique medius mundi spiritus dicitur firmamentum, cujus est officium dividere duo extrema ab invicem: atque iste spiritus intermedius talis est conditionis, ut æqualiter de utroque extremo participet, in cuius centro situm est emanationis æternæ tabernaculum, à quo lucis suæ radios deorsum ad centrum usque tenebrarum ex una parte emittit, & ex alia parte suam radicem ab *Elohim* respicit fursum per gloriosam sive ornatissimam portam

Ephes. 2.  
Et hec. 6.

Cosm. in  
Cab. dogm.

A a

sive

## SECTIONIS SECVNDÆ, LIB. II. Membr. I.

sive attributum Tiphereth ascendendo, à quo tantam accipit gratiam, pulchritudinem & virtutem vivificam; ita, ut lux Solaris sua emanatione penetret omnia; omniaque suâ præsentia impleat & vivificet: estque Pater non modò vitæ, sed & vegetationis, multiplicationis & præservationis: atque hic spiritus suum in cœli centro idèd posuit Tabernaculum, ut una perfectissima consonantia spirituali, nimirum Diapason possit Angelos superiores illuminare & corroborare, atque etiam stellas circum circa eum dispositas radijs suis illustrare, aliaque materialia ad mundi Elementaris & creaturarum illius centrum usque penetret, ut pariter radorum ipsius virtute animentur & vivificentur: & consequenter, ut spiritus tenebrarum ad gloriosum faciei illius conspectum debilitarentur: ac si chorda extenderetur à fonte lucido in cœlorum cacumine regnante, ad centrum tenebrôsæ abyssi seu globi terrestris, ista chorda percussa reddet unisonum: at si in medio premarur, quælibet pars dimidia resonabit diapason ad illud unisonum, arguens duplicem perfectionem à lucida emanatione Catholica procedentem; quarum unius est vitam, vegetationem & quamlibet virtutem aliam aquis inferioribus imperire: atque altera concordiam Sympatheticam facit in superioribus: Iam verò, ut corpus Solare & substantia Ætheris est spiritualis materia consistentiæ aquarum mediæ, manifestum est, quòd sit subiectum facillimè passionibus tam Sympatheticis quàm Antipatheticis alterabile: nam aliter non foret receptaculum immediatum istarum oppositarum & contrariarum emanationum, quæ descendunt ab attributis Dei differentibus: Sed ab effectu invenimus contrarium: nam aliqua stellæ suprà amicæ & Sympathizant in natura cum quibusdam creaturis sublunaribus, atque iterum aliæ odio se invicem prolequantur, & per consequens in mundum inferiorem contrarios effectus emittunt, qui contrarias passiones seu impressiones in spiritibus vitalibus seu animabus quarundam creaturarum Elementarium excitant. Porro etiam invenimus, quòd vita animalis consistat in oppositis actionibus, videlicet in Systole & Diastole, hoc est, contractione, quæ fit à materia spirituali; & dilatatione, quæ fit per actum formalis lucis, ita, ut natura materiæ operetur per contractionem à circumferentia versus centrum: at conditio essentia formalis est dilatare, radiosque suos emittere à centro ad circumferentiam: Eriam Philosophi & medici testantur, in somno & quiete spiritus vitales solere à circumferentia ad centrum se contrahere secundum tenebrôsæ chaos atque venti Borealis conditionem, quæ attractiva suâ facultate efficit, ut agilis

& volatilis mundi in ferioris spiritus sive aër reddatur quietus, fixus, & condensatus: sic etiam contractione radorum spirituum reconciliatur somnus: at è regione in vigilijs concludunt: quòd illæ fiant per radorum seu spirituum à centro ad circumferentiam emissionem: quòd quidem est duorum effectuum contrariorum verificantis firmamenti operationis in animabus sive spiritibus creaturarum sublunarium argumentum: & tamen ratione æqualitatis cujuslibet actionis & passionis ad invicem habent dispositionem compositam, secundum quod in naturali vitæ operatione, quæ descendit de desuper, inter se conveniunt: Hinc ergo evidens est, quòd à cœlo stellato radicaliter descendat Sympathia & Antipathia.

Ad mundum Elementalem quod spectat, certum est, ipsum effectibus manifestis duarum istarum contrarietatum abundare, atque idèd ne aliqua continua præternaturalis sequeretur perturbatio, quæ magnum istum formalem opificem de suo eventu expectato depraveret, qui erat, ut pacem & concordiam in machina ab ipso formata poneret, quamlibet hujus cœli sublunaris regionem proportionaliter, hoc est, numero, mensurâ & pondere distinguebat, ut hac ratione orbis amicabile, quasi indifferens amicus inter duos extremos inimicos poneretur; ita, ut portioni Graviori aquarum inferiorum minimam formæ mensuram assignaret, ut ratione sui ponderis ad centrum totius fabricæ caderet, & in eo fixè permaneret, & vocabatur terra: tunc secundæ aquarum inferiorum portioni duplicem lucis formalis proportionem impertivit, ut mediante ea per unicum gradum altius elevaretur: Vnde factum est, ut sphaera aquarum terræ proxima, facta sit tenuior, levior & mobilior, quàm terra: Nam duplex lucis proportio efficeret, ut aqua congelata & fixa parumper liquefieret & fluxibilis atque transparens redderetur; ita, ut partim propter continuitatem substantiæ ipsius cum illa terræ, & partim respectu suæ frigiditatis est amicus temperatus & indifferens ad terram, & amicabile intermediator inter terram & aërem, qui sunt sibi invicem inimicissimi: Non est enim ita frigida ac tetra, nec ita humida ac aër: Deinde lucidum mundi agens, assignavit alteri aquarum inferiorum sive Elementi Catholici portioni tres partes suæ lucis; ita, ut illa in existentiam tenuiorem & magis levem, quàm erat sphaera aquæ visibilis converteretur, & vocatur iste orbis aër, qui ratione triplicis suæ in formali luce proportionis, erat calidior & magis dilatatus, quàm aqua: Quare, ut aqua erat frigida; & tamen non ita fri-

ita frigida, ac est terra & humida; sed non ita humida ac aër: ita quidem aër est calidus, sed non ita calidus ac ignis, & humidior aqua. Ratione ergo suæ humiditatis, ista proportio Catholici Elementi est ex una parte amicus aquæ & respectu suæ caliditatis est ex altera parte amicus igni: Denique spiritus vitæ increatus aquarum inferiorum portionem altius adhuc per gradum unicum subtiliavit & depuravit, eamque in summam coeli Elementalisi sphaeram redegit per additionem gradus suæ caliditatis alterius, atque hac ratione in dispositionem calidam & siccam est redacta. Unde fit, quod respectu suæ siccitatis convenit cum terra, & ratione suæ caliditatis cum aëre, sed ipsa est calidior aëre, & non ita siccā, ut terra. Ecce hic manifestus est Sympathiæ & Antipathiæ Elementalisi effectus, quem pacificus Dei amor inter Elementa discordantia posuit: Nam ejus actione aqua, quatenus amica ambobus, interponitur, quasi mediator pacificans inter duos inimicos, terram & aërem: & aër quasi amicus aquæ & igni, qui sunt invicē oppositissimi loco mediatoris & moderatoris amicabile interponitur inter eos, & ipsos in pace præsetvat: Denique ignis est mediator inter duos inimicos aërem & terram, & eos in pace conservat: Unde liquet, quod Christus iste Spiritualis (ut ait Apostolus) portat & sustinet omnia ex massa aquea existentia, virtute verbi sui: & ut Hermes ait: Humida natura virtute verbi morè Harmonico in Elementa disponitur; ita, ut virtute ista omnis effectus manifestus seu Elementaris Sympatheticus efficiatur in Elemento Catholico, de quo sapiens ista: in se Elementa duo convertebantur, sicut in organo qualitatis sonus immutatur, & omnia suum locum custodiunt: Sed, quando ordo iste Harmonicus seu proportio Symphoniacā est violata, tunc inimici inter se concurrunt & contra se ipsos ad perturbationem totius fabricæ sublunaris sæviunt: Nam aër cum terra sine ullo obstaculo aqueo contendit, & aqua violenter invadit Dominium ignis sine medio aëreo, ita, ut bellum gerunt inimici ad invicem crudele, nisi amicus utriusque extremi concordiam & amicitiam inter ipsos ponat. Hic videre potestis, quomodo Sympathia & Antipathia suas habeant in regno Elementalī vicissitudines, & qua ratione per nodi amicabile Elementorum solutionem, eorum amicitia in odium convertatur: nimirum, quando in mente Iehovæ est ventos & influentias ejus alterantes emitte, ut, mediantibus ijs, corroboret & excitet suæ iræ & vindictæ ministros sublunares adversus creaturas tertæ.

Iam verò probare aggrediar, quod omnes effectus Sympathetici & Antipathetici ab actu spirituum hujus mundi administrantium secretò procedant. Quod sit magna inter Angelos discrepantia inter

mente sanos non ambigitur: nam, tametsi omnes Angeli essent originaliter divinæ unitati annexæ; tamen ratione rebellionis & ambitionis Luciferi illud unionis vinculum erat corruptum & violatum, & tunc facta est aquarum in inferiores & superiores divisio, ut ista ratione boni, pacifici & obedientes Angeli à malis, contentiosis & rebellibus per Firmamenti, quasi Diaphragmatis sive septi transversi interpositionem separarentur; ita, ut Angeli tenebrosi essent aquis inferioribus & sæculentis inclusi: illi verò lucidi suam sedem in aquis superioribus haberent, quæ luce æterna essent undique illuminatæ.

Ita videre potestis, quod Angeli coeli (ut pote, qui ex aëre puriori seu subtiliori humidæ naturæ spiritu, quasi eorū externo creatur, atque lucida unitatis emanatione, quæ est eorum internum) sint respectu materialis eorum substantiæ, quæ participat de utroque extremo, affectionibus sive passionibus tam Sympatheticis, quàm Antipatheticis, atque etiam accidentibus in creaturarum Elementarium spiritibus subjecti & per consequens ratione varietatis & contrarietatis suarum proprietatum, in eorum potestate est effectus tam Sympatheticos, quàm Antipatheticos proferre. Exempli causa comparabimus Sympathiam & Antipathiam Catholicam animæ mundi majoris cum illis particularibus spiritibus sive animæ, quæ est in homine, cum scilicet quodlibet particulare esset formatum ex universalī; debemus igitur intelligere, integram essentiam animæ vel spiritus humani, utcunque est invisibilis, se ipsum extendere & manifestare per virtutes & facultates suas: Nam per virtutem suam irascibilem contemnit & odit, per concupiscibilem appetit & desiderat; & per rationabilem distinguit & discernit inter utramque. Et profectò integer essentia animæ effectus in prædictis tribus potestatibus consistit, ut pote, quarum prior refertur ad actionem aquarum inferiorum, quæ sunt aptæ discordare & commotionibus perturbari, quatenus sunt litigij seu principis tenebrarum sedes sive mansio: secunda comparatur naturæ firmamenti, quod est regio vitæ & amoris salutaris: atque ultimo relationē habet ad cælum Angelorum bonorum seu aquas superiores, quas vocant cælum intellectuale, cuius est inter res sibi subditas seu objectas discernere. Unde patet, omnem sensum ab anima humana dependentem & proprietate sua rationali procedere, ut ab alijs duabus omnis effectio, motus sive passio animæ oriuntur. Iam verò quatuor sunt animæ satis notæ affectiones, quarum duæ à potestate ejus concupiscibili emanant, nimirum lætitia & spes (nam in eo, quod amamus lætitiā afficimur, aut spern & expectationem illius rei habemus, quæ gaudere nos faciet) duæ verò aliæ ab ejus irascibili facultate derivantur, nimirum

## SECTIONIS SECVNDÆ, LIB. II. Membr. I.

dolor & timor : nam solemus jam dolere in eo, quod odimus, aut solemus timere illud, quod nos dolere faceret: Et revera debitâ inquisitione facta, invenimus, istas quatuor animæ microcosmicæ affectiones non esse solummodò principia & communia subjecta omnium vitiorum & virtutum moralium, sed etiam tam abstrusæ seu arcanæ, quàm manifestæ & apparentes Sympathiæ & Antipathiæ in mundo cum majori, & creaturarum ejusdem, tum minori, origines. Nolim enim, ut sitis ignorantes, quod, cum anima hominis ab emanatione æterna in tabernaculo mundo habitante, oriatur, necessario debeat sequi, ut anima in magno mundo omnes easdem in se habeat facultates, quibus illa microcosmi sive humana est prædita: Nam tritum illud Philosophorum est axioma: Quod facit tale, est magistale: at omnes prædictæ in anima humana virtutes seu proprietates ab anima macrocosmi, & mente divina, quæ eam animavit, procedunt: Vnde sequitur, esse tam rationabilitatem, quàm concupiscibilitatem & irascibilitatem in anima majoris mundi, tametsi nobis non manifestentur: idque probamus primùm, quia Deus attributa irascibilitatis & severitatis habet in se: Nam ab attributo nominis divini *Elohim Gibbor*, nimirum porta *Geburah* emittuntur ignes & flammivomi iracundiæ divinæ radij, Samaele Archangelo duce in sphaeram Martis, qui sunt Iræ & Bilis in creaturis authores, & per consequens facultatis irascibilis in mundo majori origo: Vnde fit, ut hujusmodi influentijs, irascentes & ignei producantur in mundo Elementalī effectus, cujusmodi sunt tonitrua, fulgura, comete, accidentia omnia irabunda. Quare teste scriptura sacra sunt ira & vindictæ divinæ argumenta: Quippe quorum effectus frequenter sunt bellum, pestis, fames &c: Nec enim solum convertunt spiritus in naturam iracundam, sed etiam in eo disseminant effectus & imaginationes sanguinolentas & truculentas, malitiam, ambitionem, violentiam, diffidentiam, traditionem, rapinam & id genus alia. Porro etiam nomen Dei *Elohim* influentias suas per portam *Binah* in Sphaeram Saturni, ex eaque in regionem sublunarem impluens, est timoris, odij, suspicionis, tristitiæ & malevolentiae tam in magno, quàm in minori mundo causa. Ecce hic facultatis irascibilis geminarum ipsius affectionum, videlicet doloris & timoris radices. E regione verò nomen Dei Ichova *Sabaoth* per portam suam *Netzach* effundit radios concupiscibiles, Archangelo *Anael* duce in globum Veneris, atque ob istam rationem Philosophi & Astronomi experientia & observatione docti, stellam istam, facultatis concupiscibilis reatricem fecerunt:

quemadmodum etiam Dei denominatio *El* effundit radios rationis, justitiæ & religionis atque etiam naturalis vegetationis in sphaeram Iovis: Sed præter cætera illud *Leb* facultatem naturalem per portam sapientiæ effundit liberaliter. Secundum, quoniam magnus mundus habet intellectualem seu rationale coelum & concupiscibilem proprietatem in qualibet creatura tam animali & vegetabili, quàm minerali patefactam, atque irascibilem, quæ ratione odij & horroris inter res apparet. Etiam, quod sit irascibilis proprietas in regione Elementari, testatur inimicitia illa, quæ est inter aquam & ignem, atque ærem & terram. Quod etiam sit amor & concupiscentia inter res in eo evidens redditur, quia simile gaudet in suo simili, & natura naturâ lætatur: atque ideò res quælibet per naturalem quandam inclinationem pro possibili movetur & se convertit ad suum simile. Sic videmus, quod ignis afficiatur ad ignem movere, aqua ad aquam, terra ad terram tendat: Sed super omnia spiritus vivificans cujuslibet rei viventis, qui est cœlestis, atque ideò locum & sedem Elementorum excedit, ardentius afficit & inhiat suo simili ac in ipsius præsentia ac societate delectatur, ut propter istam causam passio cujuslibet creaturæ sit futura eò magis Sympathetica, & Sympathia inter res majoris virtutis quod propinquiores in natura & consanguinitate sunt rebus vel præsentibus vel absentibus seu distantibus. Exempli gratia, si ambæ sunt ejusdem mineræ aut substantiæ numero, vel si sint individua specifica numero differentia, ut *Vinea*, pinguedo sive sanguis humanus unius hominis potest Sympathizare cum alio ad distans. Magnes unius mineræ potest more Sympathetico affectare ferrum alterius ad distans: Et hujus rei rationem tam radicalem, quàm immediatam in præcedentibus recitavi, nempe, quia ambæ naturæ ad unicam divinam influentiam pertinent, hoc est, à radijs Angelicis, seu irradiatione ab una eademque stella tam fixa, quàm erratica emissa procedunt: Nam dictum est: non esse animal, vegetabile aut minerale super terram aut in mari, quod non habeat in coelo suam stellam peculiarem, à qua suam vitæ, vegetationis, præservationis & multiplicationis virtutem & influentiam non hauriat. Iam verò quælibet natura Angelica habet radios suos appropriatos ab aliqua ex divinum attributorum emanatione, quæ in sacrarium aliquod stellare transfertur; à quo actu spirituum Olympicorum effunditur & ministris in regione elementari spiritualibus ijs subditis impertitur: quæ quidem emanatio stellaris operatur tum postea in quolibet individuo specificato

secun-

secundum naturam suam, uti antea est narratum. Exempli gratia stellæ in Ariete coelesti, influentiam præcipuam & connaturalalem habent super animalia ejusdem speciei in terra: & stellæ Scorpionis super Scorpiones & similes bestias terrestres. Cancer coelestis supra cancrum, locustam & similia animalia marina: Nam invenimus experientiâ docti, quod, si cancer marinus capiatur, dum Sol & Luna reperiuntur in magna illa stella, quæ invenitur in pede cancri coelestis, eximie erunt pedis illius in arte medicandi virtutes, adversus venena & humores malignos: At si ullo alio tempore capiatur, cancer, erit haud magni momenti vel operationis ad dictos effectus. Iterum notandum, quamlibet stellam fixam seu constellationem zodiaci suo proprio frui planeta, cujus dicitur domicilium, qui concurrit ad fortificationem vel alterationem illius influentiæ: Nam diversitas applicationis aliarum planetarum ad illud facit diversitatem operationis, etiam in ejusdem animalis spermate vel plantæ semine vel secreto mineralis spiritui: & tamen nihilominus magis minusve inter se convenient & in natura Sympathizabunt, secundum quod radij cujuslibet planetæ se invicem ita aspicientes concedent eis licentiam: Nam, si concursus sive aspectus sit duorum planetarum amicitium unius & ejusdem Triplicitatis, nimirum ubi domus eorum sunt Elementorum concordantium, tunc Sympathia erit fortior. Quod etiam Agrippa haud inconsultè sic confirmat. In rebus proprietates occultæ, non ab Elementalibus natura, sed coelitus insitæ, sensibus nostris occultæ, rationi vix Denique notæ: quæ quidem à vita spirituque mundi per ipsos stellarum radios proficiuntur, quæ à nobis non aliter, quam experientiâ & conjecturis indagari possunt. Scire ergo debes, quod unaquæque res movet ad suum simile & inclinatur ad ipsam secundum totum posse suum. Hæc ille: quo arguere videtur, quod Catholicus Angelicus spiritus, qui vivificat mundum, in cujus parte diviniore virtus sive potestas attributorum omnium divinorum Sephirothica consistit: in qua etiam (ut testatur

Agrip. Phil.  
occ. lib. I.

Ezekiel. 3. 7.

Ezekiel) continentur quatuor ventorum vires; est præcipuus & maximè eminens ille actor, qui diversis suis subdivisis varieformium radiorum emissionibus in & per organa sua stellaria omnes illos occultos effectus inferiores operatur, qui in commupium sive vulgarium hominum capacitatis seu intellectus sphaeram cadere nequeunt, utrunque eos hoc vel illo modo sese habere confirmat experientia: ita, ut non sit particularis radius ab illo emissus, qui suum secretum actum seu proprietatem non habeat, haud aliter ab

alio variantem, quam oculari experientia effectus eorum inter se discrepare docemur: Nam, quicquid erat originaliter in secreto Archetypi consilio decretum, illud à generalitate in multas specialitates & à qualibet specialitate in infinita individua seu particularitates fuit effectum seu dispositum; ita, ut ævialis effectus sit imago ideæ æternæ, & mundus temporalis sit ævialis similitudo, atque iterum in mundo temporali seu typico omnis stellaris affigies est exemplar ideæ Angelicæ, atque iterum res elementares sunt umbræ Iconum spiritualium in cælo. Quare, ut Deus emittit emanationem suam, cujus imago est mundus Angelicus in modorum diversitate, atque respectuum multiplicitate: ita spiritus Angelici sua lumina differentia & distincta ordinibus inferioribus, & quælibet sphaera superior inferioribus effundit, atque ita à stellis, quæ etiam sua lumina sibi invicem per varios aspectus applicant, ea in & supra creaturas gradatim deorsum ad terræ meditullium usque impluuntur: quæ creaturæ ad exemplaria suarum stellarum, sibi invicem, licet invisibiliter, radios tam Sympatheticos quam Antipatheticos ejaculant: Nec revera dubitare debemus, quod radij tales sint concordantes & discordantes in inferioribus, cum in ipso unitatis fonte, à quo omnia emanant, oppositionem proprietatum, videlicet Noluntatem privativam & voluntatem positivam observamus: atque haud aliter credendum est, quam quod materia passiva spiritualis animæ mundi sit subjectum illud, mediante quo & in quo divina illa unitas amantes & positivas, hoc est, Sympatheticas passiones & vivificantes vitæ radios exuberanter effundendo, gaudia & jucunditates cum appetitus materiæ spiritualis complemento excitare solet: ita, ut in radicem suam naturalem, nimirum matrem, Chaos seu tenebrosam abyssum in oblivione jam habeat & in sobolem seu filium lucis per adoptionem convertitur: atque ideo in hoc statu videtur participare atque Sympathizare cum aureis illis almæ & vivificantis lucis imbribus, qui à benefici Dei attributis impluuntur & jam omnes illas influentias privativas odio habere & cum pavore evitare incipit, quæ ab attributis Dei severis, infalutiferis & destructivis effunduntur: haud aliter, quam lucem videmus à tenebrarum aspectu abhorreere & sui similis præsentia delectari, aut ut vitam mortis & bonum mali sibi contrarij terrore concuti. Hinc ergo provenit, quod filij lucis, qui super spiritum Catholicum illuminatum fundantur sive inferuntur, fugiant & quasi pestem evitent filios tenebrarum, eorumque opera habent in horrore



## SECTIONIS SECVNDÆ, LIB. II. Membr. I.

& odio: Atque hujus rei ratio est, quoniam humidus iste creatus spiritus jucunditatem, voluptatem & felicitatem status istius illuminati jam persentiens, timet magnoperè, ne privativæ tenebrarum emissiones, aut infelix iracundiæ divinæ emanatio, suum lumen acquisitum obfuscarent, vitæque splendorem obtenebrarent, hoc est, ne passionibus suis Sympathizantes, gaudia nimirum seu lætitiâ in tempestates Antipathizantes tristitiæ & mœroris, videlicet contrahendo pulchras amoris jucundi emanationes à circumferentia ad ejus centrum, atque ita illum de salutari & vivifico illo vitæ & concordie irradiatione privando, nimirum occultatione faciei seu lucidi Dei actus, quem emisit à centro creaturæ ad ejus circumferentiam ad ipsam recreandam & exhilarandam secundum istud Moysis in persona Iehovæ: abscondam faciem meam ab eis, & evenient eis mala & angustiae multae: & dicet in illo tempore, verè quia Deus non est mecum, invenerunt me hæc mala. Et David: Deus abscondens faciem suam à malis, perturbantur, si recipiat in se spiritum suum expirant; emittente verò spiritum suum recreantur bono & vita &c: Atque hoc idem potest tam de Catholico macrocosmico spiritu intelligi, quam de illo microcosmi, atque etiam aliarum creaturarum, quæ omnes habent suas à spiritu macrocosmico origines: Nam quando natura illa divina, quæ Solem coelestem animat, esset irata pro morte Salvatoris mundi, in momento passionis illius radios suos à circumferentia creaturæ illius nobilissimæ ad ejus centrum contraxit: Unde factum erat, quod suum lumen & pulchritudinem immediate perdidit & contra communem naturæ consuetudinem & leges instar picis niger & tenebrosus redderetur: ita, ut jucunda illa Sympathia, quam creaturis interioribus atque etiam illis coelestibus suâ præsentiâ impertivit, istiusmodi accidente pro aliquo temporis spatio esset in Antipathiam mutata: Hæc ergo erat privativa in corde macrocosmi passio, & quasi ejusdem syncope, cum attributum illud Dei pulcherrimum *Eloah* ab effusione suarum effluviarum lucidarum per portam pulchram *Tipherah* pro tempore abstineret. Etiam palpabiles tenebræ, quæ accidebant in Ægypto fuerunt passio in aëre privativa, quæ contrahendo lucis divinæ à circumferentia ad centrum eveniebat. Istiusmodi etiam passiones minantur Soli, Lunæ & Stellis versus finem mundi: Nam, si mundus esset factus emissionem divinæ emanationis (Spiritu enim Dei coeli sunt luce ornati) sequitur, illius ablatione omnia iterum in statum suum primordiale, hoc est, in tenebras privativas seu planè nihilum & deformitatem conversum iri: Sed productio istiusmodi bonarum & Sympatheticarum passionum à centro ad circumferentiam, atque iterum

malarum & Antipatheticarum passionum & effectuum, qui vitæ Sympathie repugnant optimè vitalium in homine actionum examinatione detegitur atque explicatur: Nam duæ observantur esse in spiritu humano virtutes activæ, quarum una est voluntaria. Quæ instar principis cujusdam imperatorij videtur actionibus alijs præesse & dominari: haud aliter, quam divinus ille Angelus *Mitatron*. Primò in mundo majori mobili (quod ad voluntatem refertur) præfidere dicitur; & per illud seu mediante illo orbes coeli inferiores illos Elementares circumvolvunt. Eodem inquam, modo, primus in fabrica microcosmica motor est mens seu radius divinus seu Verbum, quod (teste Mercurio Trismegisto) est caput animæ humanæ; alia virtus in spiritu vitali est involuntaria, quippe quæ imperatur & gubernatur ad placitum radij intellectuales seu rationalis: Haud aliter, quam sphaeræ inferiores ad voluntatem primi motoris in primo mobili movere coguntur: ita, ut vitalis in homine actio sit unicus illorum ramorum, qui est involuntarius & haud secus voluntati mentali est subjectus, quam coelum stellatum, quod est vitæ sedes, utpote in quo Sol, qui est cor mundi suam habet residentiam) coeli empyrei mandatis obedit. Iam verò, ut invenimus, quod secundum voluntatem divinæ essentiae in regionem coelestem, & consequenter inferioribus infusam, effluxus seu effectus tam amabiles & delectabiles ad voluptates & jucunditates in creatura excitandas à positiva seu dilatativa unitatis proprietate procedit, quam tristes odibileque à virtute ejusdem privativa & contractiva, in qua Deus faciem benignitatis suæ avertit à creatura (atque hinc inde cum concupiscibiles seu Sympatheticæ passiones, tum odibiles & irascibiles seu Antipatheticæ efficiuntur in hoc mundo) ita quidem tam experientiâ, quam observatione Philosophorum & medicorum doctissimorum docemur, actionem vitalem, quæ gubernatur juxta mentem voluntatis superioris, aut dilatatur à dilatativa primi motoris voluntate, cordisque sacrarium aperit ad producendos in spiritu vitali passiones illas bonas, quæ Sympathizant cum vita & luce, videlicet spem, confidentiam, Amorem, misericordiam & mansuetudinem, aut contrahitur & cordis thalamos claudendo, spiritus in eo in unum congregat, unde in spiritu vitali generantur passiones malæ ac privativæ, quæ solent cum bonis illis vitæ lætitiâ afficientibus Antipathizare: Ex cordis enim contractione tristitia, curæ, desperatio, timor, odium, ira, furor, verecundia &c: adeò, ut quemadmodum ex passionibus bonis spiritus mediante dilatatione sursum ad fontem lucidum usque respiciebat, & voluptatum ac jucunditatum ejusdem intuitu, mirabili afficiebatur gaudio: ita quidem ex malis, spiritus mediante contra-

Deuter. 31. 17

Psalm. 104.

contractione, visione lucida privari cogitur, & per consequens aspectum suum solummodo ad tetra inferiora & miseriarum vallem habet. Vnde factus est passionum ejusdem tenebrosarum vitæ atque salutis contrariarum particeps. Ex istiusmodi autem harum duarum in microcosmo passionum enucleatione, possumus facillimè colligere rationem earum in mundo majori, cum eadem sit ratio partis & totius: ita etiam passiones mundi majoris, & cætera ab his dependentia possunt facillimè intelligi & discerni ab illis minoris: Exempli gratia: Magnes lapis se habet respectu matris suæ, terræ, ac homo ad Patrem suum mundum integrum: Nam ab Hermete vocatur homo filius mundi: ut ex parte Magnetis Cardanus, Baptista porta, D. Gilbertus cum alijs. vocarunt illum terræ filium & Terrellam: Invenimus (inquam) in Magnete omnes passiones tam Sympatheticas, quàm Antipatheticas, quæ matrem suam terram afficiunt: Nam habet in se suos polos cum terra: omnesque inconformitates in natura evitat, effugitque ab illo, quod est suæ naturæ contrarium, ut Terra: atque iterum Sympathizat cum eo, quod est sibi in natura simile: Æquinoctium, Coluros, Meridianos ac Tropicos haud aliter, quàm terra sibi vendicat, ac denique non modò

sensum in suo motu arguit, sed etiam quandam in sua actione rationem manifestat: nimirum, in recusando illud, quod est naturæ suæ contrarium & amplectendo atque desiderando id, quod est conditioni atque harmoniæ suæ magis conveniens, uti infra parte istius libri sequenti atque lib. hujus 3. ostendetur clarius. Denique quomodò radius iste mentalis mandata seu influxiones benignitatis & severitatis ab alto emittat, in discursu meo præcedenti explicatur, nimirum, permittendo malos tenebrarum Spiritus Dominari in inferiora, aut adjuvando bonos spiritus ad officia gaudij, voluptatis seu jucunditatis perficienda. Ecce hic totius Sympathizæ & Antipathizæ mysticæ summa & complementum continetur, quæ aliqui ratione profunditatis seu difficultatis in illius inquisitione, solent, idque haud injuriâ, secretò alicui potestatis Angelicæ actui attribuire, quæ est media quædam inter Deum & creaturam virtus. Atque ob istam causam Angelica existentia definitur esse tanquam virtus inter Deum & Naturam media, à qua fiunt operationes in rebus, quas vel natura eorum non faceret, vel sic faceret, quas alijs dicunt provenire à potestate occulta, & alijs, quia tale.


Reuelin. lib. 3.  
de art. Cab.

## CAPVT. VI.

*Quomodo Harmonia proportionibus probetur, quid sit Sympathia & quid Antipathia.*

**D**iximus in præcedentibus, omnem in Catholico aquæ Elemento alterationem fieri à spiritu illo omnia operante, qui implet cælum & terram, ut pote sine quo existeret nequeunt, unde D. Petrus: Cæli erant prius & terra ex aqua & per aquam consistens Verbo Dei. Probavimus etiam, omnes illas in aquis universalibus alterationes & diversitates ortas esse mediantibus rarefactione & condensatione actu & virtute prædicti spiritus effectis: asseruimus etiam, omnia ista numero, mensurâ & pondere varieformiter; imò verò ratione contraria (sic volente Creatore) fuisse peracta, ut exinde res ab invicem variarent & distinguerentur: Vnde Textus: Gemina fecit Deus omnia, quorum alterum est contrarium alteri, nec quicquam factum est, quod mancum est: Hinc ergo concordia & discordia; hinc Sympathia & Antipathia: Quod omne demonstratione ista musica exactè & ad amussim indicare possumus. Videmus in macrocosmo, universum soni medium esse aërè, ex cujus mensura & proportionem varia, varij eduntur toni seu voces ad invicem vel consonantes vel dissonantes. Quid, obsecro, auribus exquisiti musici discordi in Symphonia to-

no magis ingratum? Quidve consonantiâ magis acceptum? Videmus profecto, tonos à fistula editos secundum proportionem spiritus sive aëris mundani differe solere; ita, ut ab eodem Musici afflatu proferat sonos admodum ab invicem differentes; imò verò & discordantes: Nam si duas fistulas ejusdem dimensionis sonare simul officiamus, quandoque earum voces in debita proportionem convenire, & animum audientis delectare, & nonnunquam more odioso dissentire, dentesque audientium quasi stridere facient. Pariformiter omnes spiritus in creaturis majori vel minori aëre proportionantur, uno semper eodemque vitæ spiritu agente atque operante, haud aliter, quàm in fistulæ activitate videmus: atque ita juxta eorum concordiam vel discordiam, vel conveniunt vel dissentiant ab invicem: haud aliter, ac marculi Pythagorici in substantijs suis corporeis fuerunt proportionati vel disproportionati: Eriam chorda super duo monochorda æqualis magnitudinis extensa, facit sonos vel concordantes vel discordantes, secundum majores vel minores sectiones illius: Exempli gratia.



Vbi chorda A. <sup>+</sup>. unius monochordi percussa discordiā producet ad sonum chordæ B. <sup>+</sup>. vel D. <sup>+</sup>. vel F. <sup>+</sup>. alterius monochordi: at si A. <sup>+</sup>. percutiat in uno, conveniet cū chordæ portione C. <sup>+</sup>. vel E. <sup>+</sup>. alterius. Vnde liquet, quod, quamvis ambæ chordæ sint unius latitudinis, tamen semper respectu illarum vel brevitatis vel longitudinis aer tam præportione, quàm dispositione in rarefactione & condensatione varias observantur super eas edere voces, tam dissonantes, quàm consonantes: nam chorda curtior ejusdem extensionis majori & fortiori sua vibratione attenuat aërem magis & consequenter acutiorem reddit vocem: è regione longior chorda ejusdem extensionis ut <sup>+</sup>. A. graviolem facit tonum abbreviorem, quoniam aer est in tali mol-

li motu minus rarefactus, & per consequens vox est magis gravis, profunda & quasi suffocata ratione densitatis aëris: Denique sive in gravibus sonis sive in acutis vel mixtis, aëris proportio & pondus est in causa Symphoniz vel antiphoniz mediante actus spiritus in ipso Catholici, quem vel sufflanti fistulam vel pulsanti chordam comparamus, quippe sine quibus vox nec concordans nec discordans redditur in di-  
ctis organis. Quibus concludimus, quod medium in quo & per quod spiritus divinus tam Sympatheticæ, quàm Antipatheticæ agit in hoc mundo est aer seu spiritus, qui haud aliter in creaturis agit, quàm aer in fistula vel aliquo alio organo Musico.

## LIBRI SECVNDI Membrum ij.

In quo natura Magnetica verè & ad amussim anatomizatur, rationesque actionum Symphoniz & Antipathiz enucleantur.

### CAPVT. I.

*Author proœmium ad istum suum discursum Magneticum in hoc capite facit, & tum postea ad Chaos opinionem de attractiva corporum magneticorum origine & virtute procedit.*

**V**Obis in membro hujus libri præcedere Sympathiz & Antipathiz principia enucleatè explicui: sed, quoniam non omnibus datum est virtute Theoriz speculationis sola in Thesaurum seu sacrum Dei abstrusum penetrare, quod in creaturæ profundo centro continetur; melioris vestrum instructionis & informationis gratia, descendam parumper, & secretum hoc subjectum, quod præ manibus habeo, vulgaribus & ocularibus quibusdam demonstrationibus vobis explanabo: ut ergo magis Methodicè procedere possim, in isto hujus libri membro fundamentum tantummodò præcipuum exponam, super quod conclusiones nonnullas experimentales ædificabo, quibus incredulos, qui huc usque ratione eorum ignorantiz rebelles & oblatinati in sua infidelitate erronea extiterunt, ad certiolem & securiorem fidei portum dirigere atque introducere possim. Et quoniam Sympathiz gesta, atque etiam illa Antipathiz in omni re efficiantur virtute & potestate Magnetiva (cujus est tam odibili & irascibili expulsiōne resistere)

quàm sibi attractione concupiscibili allicere (uti infra dicitur) necessarium & conveniens existimo, ut cum diligentia, idque oculis Argoicis inquiramus, & intuitu nostri intellectus etiam lynceo in obscurum lapidis Magnetici mysterium introspeciamus, quo securius cum judicio & certiori ingressione nostra in demonstrationem tam arcanæ contemplationis, practicā faciamus: Nam cum secreta operatio tam unguenti armarij, quod ignorantes mundani tanto odio & vituperatione sunt persecuti, quam Mummiæ tam corporalis, quàm spiritualis ex hominibus & bestiis extractionis ratio, atque etiam vitalis, infirmæ atque insalubris animalis naturæ in aliquam vegetabilem vel alterius animalis sani naturæ transplantatio, cum modo suctionis, virtutis & roboris unius animalis & ejusdem in aliud infusionis: Secreta Spiritus plantæ alicujus cum illo hominis aut alterius animalis alligatio: ita, ut quicquid uni evenit, nimirum aut humidum aut siccum aut calidum aut frigidum, de illo etiam participabit & alter. Cum, inquam, istiusmodi

istiusmodi operationes dicantur Magneticae, quatenus virtutes actuosas Magnetis imitantur; summa ope ac conamine nitamur, ut viam in omnium mysteriorum istorum anatomizatione atque revelatione aperiam, videlicet Spiritualis Thesauri Magnetis dissectione faciam, ut hac ratione in formalis interioris aut centralis & essentialis actionis seu virtutis fontem atque fundamenta tam ipsius irascibilis, quam concupiscibilis passionis introspeciam: Nā si subtili rationis nostrae intuitu meatus invisibiles & antra arcana ejusdem invenire, ac tum postea punctum seu essentiam earum essentialium centalem observare ac denique internum cujuslibet actionis causam detegere queamus, facillimum erat caetera superare, cum, quae externo effectui apparent, similia debent necessario esse homogenea, hoc est, unius ejusdemque conditionis respectu naturarum suarum interinarum, uti infra latius explicabitur: Sed prohi dolor! cur praesumo ego, qui sum Apostolorum minimus, aut saltem ex mille minimus viam sive iter tam periculosum ad insulam illam incognitam, in qua abstrusa magnetis natura in medio scopulorum inaccessibilium & periculo plenorum inhabitat, cum tot Philosophi sapientes super incerta & tempestuosa maria opinionum navi gaverint & erraverint, ac tandem domum revertentes nova de istius rei mysterio tantummodò illa, nimirum de Magnetis existentia & essentia virtutum activarum, quae ab alijs sunt praedicta, retulerunt atque ita de proprijs nihil omnino habent, praeterquam quod vel externa operatione vel ab aliorum relatione intellexerunt. Deus bone! Quot sunt in isto mundo puppes stultorum plenae, qui, postquam in eorum studijs & scientijs operam per multos annos, maria imaginationis vanae ac vix probabilis sulcantes navarunt & in senectate sua ad portum pueritiae sunt reversi; habentes sua ingenia & intellectum pauperibus fragmentis sive mercantia, de ipse dixit, sive opinionibus aliorum onustum: Sed de centrali istius arcani scientia, nihil habent de proprio, quod dicant Ita, ut nos Christiani, post peregrinationem vitae & studiorum nostrorum in hoc studiorum nostrorum in hoc mundo, existimemus tandem esse sufficiens asseverare, quod Aristoteles, Plato, Galenus, Hippocrates vel saltem iste vel ille hoc dixerit, & per consequens, quod sit ita certum & infallibile. Cum e regione percipimus, scripturas Philosophiam veriorē & certiorē nos docere, quae illi Ethnicorum est oppositissima. Istiusmodi ergo studentes mundani optimè hisce verbis ab Apostolo indignantur, quippe, quos narrat esse semper discētes, sed ad scientiam veritatis nunquam pervenientes: Nā, quomodo obsecro est possibile, ut caeci possint caecos directē ducere? Alij diu na-

vem suam huc atque illuc gubernantes atque ad sedem habitationis virtutum istius lapidis dirigentes, ad insulae ejus petrosae limites vix ac ne vix quidem attigerunt; & tamen non sine admirandis historijs seu relationibus ex tali itinere collectis redierunt: Ac in fine inventiones eorum novae repertae sunt adeo superficiales, ac effectus scrutationis sive inquisitionis eorum frivoli: & tandem totum non nisi conjecturale est probatum. Alij tam longè in eorum inquisitione per stellae polaris allestamēta fuerunt ducti, ut mari glaciali firmiter cum sua puppe inhaerint, nec ulterius progredi potuerint, sed in glaciei resolutione reversi sunt admirandis imaginationibus de montibus Magneticis & castellis ferreis, etiam per octo supra lunam gradus usque ad sphaeram octavam referti: Imò verò & sunt alij, qui super stellatum illum locū volant. Quibus concipere licet, quomodo Philosophorum quilibet secundum Phantasie suae Chimerae leges varia non in aëre, sed etiam supra stellas ipsas ad animam magneticam inveniendam imaginetur phantasmata: Sunt nonnulli, qui in ejusdem investigatione à terrae continente non recedunt, sed ipsā inter stellas coeli numerari existimant, quae solem pro fixo suo centro habent, ut pote, circa quem perpetuò observantur periphericè: Ita, ut ipsam terram habere formam stellarem à forma illa Peripatetica longè discrepantim effingant. Denique quilibet istorum habet suam opinionem ab altero differentem. Ut autem intelligatis, hoc totum esse verum, vobis aliquid novorum ad inquisitionem istiusmodi Magneticam pertinentium, post longam in mari fluctuoso seriose contemplationis eorum viam, paucis recitabo. Inter eos aliqui in tali conamine magis alte sapiunt & coelos videntur pro testibus ad suam assertionem confirmandam invocare; aliqui vela dant usque ad montes Hyperboreos; alij ad Insulas alias Septentrionales ad fundamentum tanti miraculi detegendum tendunt. Alij spiritus suae inquisitionis in terrae viscera immergentes, inveniunt, eam esse universam formam stellarem ejusdem. Quidam volunt, more atomicae emissionis ex corpore lapidis & rei attractabilis virtutem talem fieri. Sed inter omnes alios ratione praedictos, qui in puppi stultorum navigarunt, vix annumerare audeo unum, quippe, qui videtur alteri Grillo esse simillimus, quatenus opinatus est, virtutem Magneticam esse Cacomagicam sive actum Diaboli. Iamque ex illorum, qui spiritu suo ad mysterium istud inveniendum viam fecerunt in coelum, unus vult, quod ratio directionis Magnetis ex cauda constellationis urae sit colligenda, affirmando, quod istius stella in ura praevalet & dominium possidet super istum lapidem & ab eo transferatur ad ferrum. Haec est Marsilij Ficini opinio.

nio. At ego respondeo, rem ita se habere haud posse, quoniam testatur experientia, ferrum ex seipso suis proprijs frui polis æque ac magnetem, & quod vult, debita adaptatione perquirere & suo naturali instinctu se ipsum convertere & dirigere in propriam polorum suorum stationem: In hanc etiam Marsilij ficini opinionem cadit Petrus Peregrinus, qui sequendo regulas fratris Baconis, inquisivit directionem Magneticam ex polis coeli. Etiam Cardanus vult, quod causa immediata variationis virtutum hujus lapidis ex stella in cauda Ursæ existente exurgat. Lucas Gauricus etiam ipsis videtur hac in re astipulari, sed ipse simul addit huic negotio virtutem Saturni & Martis, atque etiam dicit præcipuam in Zodiaco constellationem ad hoc conferentem, & cujus influentijs lapis iste subijcitur, esse virginem. Albertus Magnus concludit, ipsum Magnetem atque etiam ipsum ferrum dirigi ad stellam Polarem, dicitque ipsa haud aliter eam sequi, quam Herba Heliotropium solem. Bessardus fecit suam de hoc lapide sententiam ab alijs discrepare, quippe existimans, polum Zodiaci esse virtutis Magneticæ fontem. Iterum collegium Conimbricense causam istius rei à parte aliqua coeli non longè à Polo distante. At verò Martinus Cortesius putat, attractivam istam virtutem à loco ultra polos seu coelos mobiles descendere: Ex alia parte, Gaudentius Merula asseverare videtur Magnetem ferrum ad se trahere ea intentione, ut illud dirigat ad polum Borealem, quoniam ipse est superior ad ferrum ordo, cum constellatione ursæ. Fateor ergo, radios qui dilatantur ad fratres suos captivos redimendos & libertatem ijs reddendam, eosque ad patriam suam dirigendos esse paratissimos & fraterna pietate inclinatos. Sed non possum ego intelligere dicta Merulæ in hoc sensu. Alij putant coelos in genere esse virtutis istius lapidis originem: Nam Paracelsus ait, esse stellas, quæ existentes plenæ potestatis Magneticæ, ferrum ad se attrahant &c. Atque ista opinio videretur probabilis, quoniam ferrum movet ad suos polos, etiam absente Magnete (ut dictum est) Fernelius videtur hæsitare, cum modò fateatur, causam istius actionis esse abditam, & modò, nempe alibi, facit coelos istius actionis causas. Scaliger propinquius ad punctum veritatis accedens huic actioni seu virtuti assignat causam quandam coelestem ei penitus ignotam, asseuerando, quod Magnes terrestris non sit derivatus à globis seu montibus stellaribus, sed ab essentiali potentia seu essentia illa, quæ erat ipsorum fabricatrix, qui gubernat in ea coeli portione, quæ pendet in puncto septentrionali. Atque huic opinioni adhæ-

rere videtur Plato, ut pote, qui agnoscere videtur, essentiam Magneticam esse potestatem divinam. Ex profecto bene in hac re loquuntur, sed in sensu tam largo, ut ista eorum assertio bene in se considerata appareat discipulis eorum, quasi ignotum per ignotius: Nam, ita terminis generalibus affirmare possumus, omnia esse à Deo: Sed descendemus jam à coelesti eorum speculatione, atque ad humilitatem eorum respiciemus, qui magis cauti videntes, & ad proverbium illud vetus Noli altum sapere attendentes, magis pronè intuentur, quoniam ad terram solummodo & ipsius effectus respiciunt: Atque istius seriei sunt Fracastorius, qui rationem & causam originalem virtutis Magneticæ attractivæ inquirens, imaginatur, montes Hyperboreos, qui scopulis istius lapidis abundat, ferrea istiusmodi subjecta ad se attrahere. Et hoc istius figmentum videtur quibusdam doctis adeò plausibile & rationi congruum, ut illud tam in eorum scriptis Astronomicis, quam tabulis Geographicis, & mundi descriptionibus & cartis marinis sequantur. Quod quidem nihilominus si esset verum, faciliore attractu naves in mari Boreali transeuntes ad se allicerent. Olavus Magnus, & nonnulli alij, qui ejus sustinent traditionem, volunt vim hujusmodi attractivam provenire ab insulis nonnullis septentrionalibus, quæ tali subjecto magnetico abundant. Sed has eorum Phantasias vento inani committendo ad aliorum procedo hac in re sententias. Lucretius Carus, quidam sectæ Epicureicæ Poëta, videtur somnare, ferri attractionem procedere ab atomorum ex subjecto effluxione: Nam, quemadmodum (inquit ille) juxta Epicureorum opinionem, atomi subtiles ex re qualibet emanant, ita pariter atomi, quasi semina Magnetica à ferro per quandam coitionem ipsius cum Magnete in locum sive spatium interpositum, quod est inter eos, emittuntur, & per unionem aut complicationem corporis utriusque, ferrum attrahitur &c. Huic etiam sententiæ Aphrodisæus, Iohannes Costeus, Plutarchus atque etiam Thomas Aquinas inclinare animadvertuntur: Cum in rei veritate deberent scire, quod nulla attractio sit facta per emissionem à centro ad circumferentiam, hoc est, per dilatationem & dissipationem; sed è regione per attractionem & introductionem à circumferentia ad centrum, quemadmodum in syringa videmus, cujus attractione aqua in ejus concavitatem allicitur per ejus linguæ emissionem, à manu movente aqua emittitur, quasi à centro &c. Quare sequitur, emissionem radiorum seu seminum atomorum ferro non posse esse causam unionis sive motionis ipsius ad lapidem: Sed debet necessariò esse magnes, qui facultatem habet sibi attrahendi radios seu spiritus ex ferro: Nam apparet evidenter, ferrum non attrahere se ipsum ad lapidem, sed

ab ip-

ab ipso. è centro attrahitur. Thales atque Anaxagoras credunt, Magnetem habere suam in se vitam, quoniam observatur substantiam sibi similem ad se attrahere; haud aliter, quam creaturæ viventes faciunt. Lucretius & Orpheus existimant, sympathiam illam esse inter Magnetem & ferrum, quæ apparet inter marem & foeminam, atque in ista eorum opinione haud plurimum videntur aberrare. Averroës, Scaliger, & Cardinalis Cusanus putant ferrum movere ad magnetem, tanquam ad suam originalem matricem. Galenus est opinatus, magnetem propria sua forma substantiali ad se attrahere. At jam opus est, ut accedam ad opinionem socii sive collegæ mei admodum docti D. Gilberti, & pro profunda ejus in naturam magnetis inquisitione famigerabilis. Ipsi est animus, quoddam vis Magnetica ista sive attractiva in Magnete procedat ab actionibus formalibus, hoc est, ab originalibus & primarijs virtutibus seu vigoribus: concludit enim, magneticam virtutem derivari à peculiari seu singulari forma, ab illa forma seu causa specifica in corporibus mixtis differente, cujus meminerunt Peripatetici: Dicitque, esse quandam formam, quæ est propria globorum stellarum & partium eorum homogenearum sive incorruptarum essentia sive entitas, quam ipse vocat primariam, radicalem & astralem formam, videlicet talem, quæ est in sole, Luna & alijs stellis celestibus: Atque etiam dicit, more simili esse stellam in terra, quæ est illa vera magnetica potentia, quæ vocatur actus seu vigor primus, concluditque istam formam non derivari à toto coelo, affirmatque, influentiâ aut qualitatibus occultis procreari; nec etiam à stella aliqua particulari: Nam virtutes suas Magneticus habet à terra &c. Hæc erat doctissimi mei quondam colle-

gæ de actu magnetico sententia, cujus labores & industriam in diligenti naturæ Magneticæ investigatione, ut non possum haud parum commendare, ita è diverso ratio mihi non permittit, ut speculativæ ipsius hac in re fundationi seu radici penitus consentiam. Quis enim credere potest, terram; multo magis ipsius particularia posse virtutem aliquam radicalem ex se ipsis habere, cum sit evidens, quoddam tam terra, quam coelum ex aquis sint prius orta, atque ideo, ut coelum erat ante terram, necessario sequi debet, formalem terræ virtutem totaliter à coelo descendere, & per consequens terra non habuit talem proprietatem à se ipsa, sed ab illo spiritu, qui eam creavit, ut infra elarius explicabitur: Inter Philosophos Ethnicos Plato, & ex Christianis Scaliger & Fernelius credunt, causam illius attractionis esse divinam & de deo, sed quomodo, aut quare ratione descendat, ne exprimunt quidem: Atque ideo, tametsi in generalitate nihil nisi veritatem sint locuti, tamen in verbis taliter expansis nihil in specie videntur exprimere. Concludam jam cum ultima opinione, quæ est omnium maximè inanis & ridiculosa: Franciscus Rucus videtur dubitare de magnetis virtute: Non enim hæsitat existimare, omnes istiusmodi effectus ut pote ultra caput ipsius esse cacomagicos, hoc est, ex impostura & subtili delusione Cacodæmonis sive Diaboli derivatos. Et tamen vir iste est magis tolerabilis, quam istiusmodi homines scrupulosi, qui aucter asseverare haud erubescunt, actum illum admirabilem in unguento armario esse absolute Diabolicum & cacomagicum: Nam vir iste non loquitur, ut ipsi determinatè, & sine uliori dubitationis alca, ut ipsi, sed dubitative solummodo.

## CAPVT. II.

*In hoc capite opinio authoris de originali & immediata operatione & virtute primum more Astrologico, & deinde ratione ex Philosophia sacra deprompta declaratur.*

**C**ertus sum vos recordari, quoddam in præcedentis mei discursus filo in primis declaraverim, ipsum Deum in genere operari omnia in omnibus: Ac tum postea modum explicui, quo illa ipsa unitas in divina essentia sit multiplex in proprietate, secundum multipliciter voluntatis ipsius sacræ. Atque in eo probatur, ipsam esse in proprietate multiplicem, quoniam effectus actionis cujuslibet particularis, qui non sine voluntate ejus in actum reducuntur, sunt in finiti in varietate. Atque ob istam rationem vobis indicavi, quoddam

uni eidemque essentiz sacræ decem diversæ in scripturis assignantur denominationes, ac attributa totidem ijs appertinentia; quorum alia emittunt emanationes vivificas, quibus aquæ sublimatione seu rarefactione erant expansæ, & in coelos lympidos & perspicuos formatæ: Atque istiusmodi influentiæ sunt illæ, quæ virtute Dei Iah per attributum Hochma implantantur, atque etiam, quæ ab Eloah per portam Tiphereth, pulchritudinem & claritatem importantem in globum solis descendunt: Quarum est spiritum mundi dila-



## SECTIONIS SECVNDÆ LIB. II. Membr. II.

dilatatione & rarefactione clarificare, atque de tenebris emundare: & istiusmodi influentiæ officium est procedere in evocando spiritus à centro ad circumferentiam. Ac è contrario sunt quædam alia Dei attributa, quæ radios attractionis & contractionis emittunt, cujusmodi sunt Binah, seu prudentia, quæ effundit influentias suas in spheram Saturni: Mediantibus ergo istis, spiritus Dei in sua prudentia ligavit & suspendit cœlos, quasi annulos catenæ aureæ ad invicem, & sustinuit Elementi Catholici orbes in suis destinatis locis, & contraxit grossiorem aquarum portionem à circumferentia centrum versus, atque eam more grosso & tenebroso ibidem confirmavit & fixit: Ita, ut proprietatis attractivæ, contractivæ & retentivæ fons sit Binah, cujus præsidens est nomen Dei Elohim, quod propter rationes vobis in superioribus relatas, est proprietatis septentrionalis caput, ac per consequens frigoris, siccitatis, opacitatis, congelationis, incrassationis & requietis, quæ in centro versatur, ut pote? quod est terminus ad quem motus à circumferentia fit, quas omnes proprietates à spherâ Saturni præcipuè recipiunt. Et propter istam rationem virtus centralis, quæ est in visceribus terræ, attrahit & allicit ad punctum istud naturaliter omniagravia, quæ, quando ad centrum terræ usque pertingunt, ulterius penetrare nequeunt: Nam est ad centram istam metam, quod attributum Binah à nomine Dei Elohim animatum collimat, & divinitas illa, quæ terræ centrum inhabitat, est sacra illa essentia, quæ sub nomine & proprietate Elohim existit receptaculum immediatum, cujus emanationis est ordo Angelicus Thronorum, cujus est (testibus Rabbini Cabalisticis) spectare ad terram & aquas grossas atque compactas, & arca hujusmodi effluxorum Thezaurus in cœlo stellato est globus Saturni, cujus ob istam rationem proprietas est frigida & sicca, contractiva, astrictiva & retentiva: Quippe cõjus radij in effectu est contrahere ad centrum. Atque ista influentia est præcipua in ventis Borealibus dominantibus, qui venti sunt frigidi, sicci, contractivi, congelativi, estque planeta iste, qui administrare solet virtutem stellæ Polari, ab Egyptiis Al-rucakba dictæ, ut pote, cui assignantur ab Astrologis naturæ Saturni & veneris: Ac propter hanc causam, est principalis adiutrix & assistens in executione non modò effectuum attractivorum Elohim, & per consequens induit naturam Saturni, qui influentijs & effectibus Boreali-bus Elohim seu Binah abundat, sed etiam participat de natura veneris, quæ est facultatis concupiscibilis domina: Atque ista de causa facit naturalem coitionem,

hoc est, appetit & attrahit ad se seu in centrum Saturninum suum simile, voluptuoso quodam desiderio & delectatione: Haud aliter, quàm foemina appetit virum, seu materia foemina formæ masculinæ avidè inhiat. Hæc ergo est ratio, quòd terra ad se attrahit effigies illas formales, quæ de cœlo descendunt, quas tanquam spermata desiderabilia non sine magna voluptate abscondit in sua matrice seu visceribus: Nam cœlum à veris Cabalisticis & Philosophis dicitur masculus ad terram, quam pro cœli foemina habent. Quare non possum non consentire cum Lucæ Gaurici opinione, quæ est, quòd stella in cauda ursæ majoris sit præses & Dominus ac vivificator Magnetis: Atque etiam, quòd Saturnus sit Planeta, qui ei in hoc negotio adjungitur: Ac denique quòd habeat præcipuam relationem ad constellationem Virginis in Zodiaco, quippe, quod signum eandem habet cum stella Polari longitudinem: Atque etiam, quoniam ipsa est pariter cum stella illa naturæ terrestri, stipticæ, attractivæ & retentivæ, atque etiam de conditione Saturni & veneris: Omnes hæc, inquam, rationes fortissimæ fuerunt motrices, quòd hæc sint præcipuè cœlestes in dispositione Boreali in mundo inferiori agentes, & per consequens in attractivo Borealis terræ & Terrellæ poli motu & cujuslibet particularis ejusdem. Attamen hoc ego addo, quòd, cum influentia à Binah emittitur per Thronos, necesse habemus credere, prius per cœlum octavum transire, atque ibi vasa nonnulla eligere magis apta ad portionem Theauri sui recondendam: Cujusmodi in Zodiaco sunt Virgo, Capricornus, Taurus, uti ab eorùm effectibus comprobatum est ab Astrologis: Vnde signa dicuntur terrestria, quippe conditione frigida sicca, stiptica, attractiva, coagulantia & incrassantia: Verùm extra Zodiaci margines elegit pro summo sacrario influentiarum suarum in hoc cœlo constellationem ursæ majoris, cujus maxima virtus & potestas est stella illa eminens in ejus cauda, quæ idèd pollet & excellit omnes alias constellationes in effectuum & mandatorum frigidorum, contrahentium & congelantium proprietatis Elohim executione, quoniam à calore & præsentia solari est remotior; & per consequens in facultate & vigore suo naturali efficacior & robustior. Hinc ergo est, ut ventus Borealis influentijs istius stellæ animatus, mundum Borealem frigore, gelu, glacie, nivibus & grandine afficiat: Quod autem facit tale, est magis tale: At stella ista suo influxu & ispiraculo contrahit, congelat, coagulat, inspissat, retinet

tinet & ligat; Quid ni ergo pariter non agat cum corpore terreno suis influentijs subiecto? At ceteræ constellationes hoc idem præstare nequeunt, quia eam qualitas propinquiori solis præsentia moderatur, atque etiam contractiva earum virtus à planetarum & signorum humidorum intuitu relaxatur. Et tamen consensus Saturni cum ista stella in eo evidenter declaratur; Quia dum ipse in coelo Dominium habet, existente ipso in Capricorno, vel virgine, stella ista polaris suos effectus gelidos potenter (idque præcipue Hyemali tempore) declarabit: Nam rebellior erit glacies, frigidior reddetur aer, & cum mundanis, arboribus nempe & animalibus inclementer aget. Vnde evidens est, Saturnum commercium quàm propinquum cum stella ista habere. Procedo igitur de desuper ad terræ centrum in hunc modum, stella Polaris emittit in partibus Polaribus vehementer suas influentias, ac præcipue corporibus ei subiectis, & Saturnus atque triplicitas Zodiaci terrea, communiter in inferiora influentias effundit suas cum stella polari convenientes; sed cum majori moderatione respectu propinquitatis aliorum planetarum eorum virtutibus oppugnantium, quas omnes à Binah seu Elohim radicaliter acceperunt. Hæ omnes stellæ intermedie huic extremæ nimirum polari in facultatis suæ Borealis & attractivæ executione assistunt, eamque ad illud opus peragendum fortificant: Nam assistentiæ eorum, venti Boreales redduntur robustiores & magis violenti, quibus spiritus mundi vehementius contrahitur in nives, glacies, pruinas &c. Rerum calores à circumferentia ad centrum alliciuntur & res antea vivæ, jam quasi mortuæ sunt. Quibus addiscere possumus terram non fuisse prius nisi aquam tenuem, quæ tam postea spiritu Elohim in substantiam densam & terream per contractionem & coagulationem convertebatur. Vnde fit, ut tam diu, quàm sit terra, sit habitura in se dispositionem spiritus Elohim, mediante quo in terream effigiem per viam congelationis erat facta: Nam virtute Elohim Ruach terra arida apparebat extra aquas tam bene, quàm coelum, ut testantur Moyses & D. Petrus: Imò verò mediante spiritu ipsius, omne coelum & quælibet sphaera elementalis ad invicem vinctulis quasi firmis colligantur: Ita, ut quemadmodum proprietate nominis Iah (benignitatem Echieh quasi omnium rerum patrem significantis) per attributum Hochma descendente, aquæ generales sive spiritus mundanus erat illuminatus atque animatus: Ita etiam illæ aquæ sic animatae, erant in regiones seu sphaeras distinctas divisæ & ad invicem more pacifico ligatae per virtutem Binah seu emanationem vel proprietatem retentivam E-

lohim: Vnde David: Verbo Domini firmati sunt coeli & spiritu ab ore eius omnis virtus. Propter hunc respectum in omni separativo opere creationis & informationis, non modò simplicium coelorum & Elementorum, verum etiam creaturarum ex ambobus compositarum, nomen Elohim erat semper à Moyse pronuntiatum, nimirum, quando tenebræ essent absorptæ & contractione separatae ab aquis lympidis: cum grossæ & inferiores aquæ essent distractæ contractione à superioribus, cum tenuiores coeli per inspissationem distinguerentur à spissioribus Elementis, quando terra arida esset per frigoris coagulationem in centrum totius fabricæ contracta, quando densior Ætheris portio in globum seu corpus stellæ coagulabatur, cum elementa essent in corpus compositum coagulatione compacta: Totum, inquam, hoc erat opus divini Elohim, qui, ut sacraria condensatione conderet, ad aliorum attributorum Dei influentias seu Thesaurus recondendos, ita quidem orbem Saturni erraticum

## STELLA POLARIS.



Virgo Zodiaci

atque illas fixas Aluckabæ & virginus & aliorum fixorum syderum ordinavit ad suos proprios Thesaurus reservandos: Et quoniam constellatio Virginis est ita disposita in Zodiaco, ut omnis ipsius virtus quasi à pyramidis basi in stellam Polarem quasi ejus conum contrahatur, Idèò apparet, vim virginis multum conferre ad gelidos & contractivos stellæ polaris effectus producendos. Atque hæ duæ fixæ constellationes à Deo constituuntur principales, ad Saturno in suis negotijs interveniendum ministri, qui simul atque strictum cum venere commercium habent: Vnde tanto desiderio concupiscibili in attractivis suis facultatibus sunt præditæ, uti in Magnete & ferro videre licet. Atque hinc est, quòd Astrologi hisce duobus unam eandemque naturam mixtam, nimirum Saturni & veneris assignarunt: Quoniam experientiâ perceperunt, ipsas eundem in proprietate actum præstare: Verum illa polaris, est Virgine longè in sua activitate efficacior, majusque in inferiora dominium habet & præcipue in eas creaturas, quæ ejus dominio, ab origine, Deo sic volente, sunt subditi, cujusmodi præcipue sunt Magnes & ferrum. Quare, ut sit certum (juxta Philosophorum

& Cabalistarum sententiam) superiora regere inferiora, adeò, ut sicut fit inferius, sic prius factum erat superius: Ita quidem necessàriò sequitur, quòd polus Borealis in aëre seu sublunari elemento assignetur septentrioni, consequenter operetur per ventum Borealem, & in aqua effectus ipsius character est mare glaciale, & in terra expressè explicatur & manifestatur per punctum Borealem Magnetis seu Terrellæ, quæ omnia per contractivas, retentivas, frigiditas & siccitas istiusmodi constellationum naturas animantur & ad effectus tales producendos exagitantur: Quemadmodum iterum hæc habent illam potestatem, quam in aërem, in aquas, & in terram exercent, à Thronis Angelicis, qui radicaliter eam à fonte Elohim Ruach per attributum Binah, qui solet coagulare & inspissare mediante contractione & centrali attractione effectuum rarefactorum à rarefacta, & transparente, rara & lucida forma in spissam, opacam & ponderosam existentiam: Quemadmodum in pruina, nive, glacie & grandine, operante actu septentrionali seu proprietate verbi Elohim manifestatur. Vnde Psalmista regius: Emittit nives sicut lanam & pruinas sicut cineres dispergit, deficit gelu tanquam frusta, coram frigore & eius quis consistet? Liquet igitur, esse contractivum & coagulantem Iehovæ actum in proprietate sui nominis Elohim, qui immediatè res istas, mediantibus organis suis Borealibus, primum Angelicis, deinde stellaribus per angelica, utpote Angelicis animatis, ac denique ventolis & Elementalibus, qui animantur ab influentijs stellaribus, & angelis inferioribus ducuntur; adeo, ut essentia omnium centraliter agens, non sit nisi unica in Deo Iehova, & ab eo, qui est in essentia unicus & exprimitur solummodò per essentiale nomen Iehovæ, ac respectu varietatis proprietatum in plurimos distribuitur ramos, juxta voluntatem variam unius essentia divina: Atque quilibet ramus illuminans se ipsum in plurimos surculos formales sive radios varios dividit, atque hi in infinitas actiones non differentes à capitalis sive radicalis emanationis proprietate: Exempli gratia: Influentia ab Elohim descendens in sphaeram Saturni cadit, sub cuius dominio sunt infinitæ creaturæ: Nimirum illæ, quæ à prima earum creatione subijciuntur ipsius influentijs, quemadmodum sunt res omnes, quæ terrestris imbuuntur conditione, videlicet frigida, sicca, stiptica, attractiva, retentiva &c. Sed istam Cabalisticam & Astrologicam probationis semitam relinquendo, descendam jam ad talia testimonia, quæ sacra Philosophia mihi concessit.

In præcedentibus retuli, æternam unitatem, in essentia sempiternæ una se ipsam per proprietatem in Triunitatem dividens sive transformantem idealiter effor-

masse seu descripsisse mundum Archetypum seu internum, secundum cuius exemplar tum postea mundum typicum sive externum explicite delineavit atque fabricavit: Vnde necesse est sequatur, quòd, si mundus typicus sive naturalis esset ad imaginem Idææ mundi interni sive mentalis, tunc quæ partes & proprietates in hoc mundo capacitati nostræ manifestantur, fuerunt etiam eadem in Archetypo: Nam, quod facit tale, est magis tale. Non erat domus aliqua, quam prætendit Architector fabricare, quæ non erat prius idealiter in animo conditoris delineata, ac tum postea super chartam depicta, ac demum realiter ex lapidibus seu lateribus & ligno ædificata. Ita etiam fatetur David, se habuisse templum, quod tum postea Salomon construxit, idealiter digito Dei depictum: Iam verò cum Deus in secreto suo consilio in hunc modum delineasset & ordinasset mundum Idealem in se ipso, ut istum mundum spirituales explicite & realiter sensui humano compararet, emisit se ipsum ex se ipso, nullâ interim divisione essentia ipsius factâ in forma æternæ emanationis, (quæ dicta erat ipsius imago & sapientia) qua mediante mundos iste generalis cum qualibet ipsius particula ad effigiem, seu exemplar ideale, quod erat in ipso, est fabricatus: quod cum ita sit, & cum divina essentia non possit ullo respectu in partes dividi, utcumque in proprietate videtur variare, sequitur, quòd quilibet radius particularis, qui varieformiter à Catholica ista emanatione ad rerum variarum creationem emittitur, sit unica, indivisibilis cum emanatione radicali essentia. Atque hinc dicitur ab Apostolo & Salomone, implere omnia, & esse omnia in omnibus & existere incorruptibiliter in omni re, & implere orbem terrarum. Progreddior itaque hoc modo: Si mundus creatus habeat suam effigiem & sua membra ac omnes particulares suas proprietates à formali & vivificante mundo, qui erat idealiter delineatus seu descriptus in ista divina & omnia informante & creante emanatione seu spiritu sapientia; tunc consequenter omnia membra, proprietates & naturas istius mundi esse graphicè & admirabiliter descriptas in mundo supernaturali, eo nihilominus manente uno & eadem in essentia: Atque ideo, ut in eo Catholica imago mundi æterni continetur, ita quilibet radius sive irradiatio, quæ exir indivisibiliter ab eo, continet in se figuram huius mundi. Atque ob istam causam Philosophi sapientes dixerunt, quamlibet creaturam proportionem quandam mundi majoris possidere, per quam facta est in se parvulus mundus, quemadmodum infra clariùs ab exemplo Magnetis demonstrabitur. Atque iterum homo dicitur omnis creatura, quatenus participat de omnibus, ita ut anima ejus traditur esse ad imaginem sapientia facta, omnium-

Alkindus cap.  
de radijs.

omniumque in se gerere similitudinem ac ideo alibi vocatur omnium similitudo. Atque ratio est, quoniam mens in homine non est nisi una unitas, atque hinc alibi definitur esse quædam divina atque indivisa substantia. Alkindus more Astrologico sic discurret: Si alicui datum esse totam conditionem coelestis harmoniæ comprehendere, mundum elementorum cum singulis suis contentis in quocunque loco & quocunque tempore plene cognosceret, tanquam causatum per causas: Si etiam aliquam rem hujus mundi in tota sua conditione cognosceret, coelestis harmoniæ conditio ipsum non lateret, sed etiam causam tanquam per effectum suum comprehenderet: Omnis enim res, quantumcunque modica in mundo elementorum agens, totius coelestis Harmoniæ est effectus: Hæc ille. Quibus verbis vir iste profundè in mysterijs naturæ versatus videtur afferre, quod, ut est ab unitate in multitudinem descensus, ita quidem illa multitudo explicata est complicitè in unitate radicali, ut etiam unitas ista omnem multitudinem implet. Hac ratione unitas seu 1. est in 2. & 2. in 3. & 3. in 4. & 4. in 5. &c. & tamen illa unitas, quæ est principium, est etià & finis & medium & omne in omni cujuscunque numeri. Ad hunc modum lux informat Angelicam creaturam, Angelica stellarem & stellaris Elementalem, & Elementalibus compositam: At semper non est nisi unica & indivisibilis lux, quæ centraliter agit & operatur in his omnibus: Quare aperiatur creatura composita & inspiciantur Elementa, dividantur ea à puro, & inveniemus naturam stellarem sive quintam essentiam: Ac si ista substantia stellaris aperiatur, concipiemus subtilem illam alteritatem naturam Angelicam, in qua consistit divinus actus aut radius immediatus à Deo. In hoc ergo opere concurrunt separatio prioris aspectus sensibilis à posteriori intuitu intellectuali: Ita, ut observare queatis, quomodo omnia sint in re qualibet, & res qualibet in re omni. Atque hinc Hermes Mystice non secundum sensum commune loquendo, ait: Qui fornacena cum vase nostro construit, novum mundum conflat. Sed quid pluribus opus est verbis, cum hoc totum demonstratione oculari verum reperimus: Scimus enim Magnetem non esse, nisi terræ generalis portiunculam, & tamen in se comprehendit omnes cœli & telluris circulos cum utrisque polis eorum; imo verò & illam ipsissimam naturam in omni respectu inter ambos polos & circulos, quos terra generalis habet, unde à quibusdam Terella, quasi minima terra dicitur: atque ita etiam tota terra potest nuncupari. parvus mundus, quatenus in se habet duos polos, circulos atque etiam astrales & elementares naturas magni mundi non aliter, quàm magnus mundus in his omnibus respectibus repræ-

sentat Archetypum, qui delineatur intellectualiter, in omnia operante spiritu sapientiæ seu sacra emanatione: Imò certè, ut nos adhuc profundius in nostra diminutiva inquisitione immergamus, si portio ex virga ferrea, quæ naturaliter respicit septentrionem & Meridiem rumpatur, illa parvula portio habebit pariter respectum ad septentrionem & Meridiem cum suo integro, & per consequens, ejus circulos non aliter, quàm ejus totum possidebit: & nihilominus ipsa virga observabit Septentrionem & Meridiem, ut antea. Hoc idem invenietur in Magnete, uti inferius declarabitur.

Sed, ut propinquius adhuc ad istius Mysterij explicationem accedatis, intelligendum est, æternam istam irradiationem esse essentialiter & spiritualem radicem, ex qua mundus magnus in genere, ac tum postea omnis res particularis in eo fuit in suo genere formata ac figurata; primum, secundum generales decem emanationes divinas & eorum proprietates, quas Philosophi Ethnici quodammodo referre videntur ad decem sua prædicamenta: Deinde secundum species suas subalternas multorum graduum, & ordinum dignitatis, quæ omnia tum postea erant factæ manifestæ, per infinita individua, quæ juxta diversos illos multiplicis voluntatis Dei radios, quos ista æterna & radicalis emanatio ijs effundebat, ex suis generibus producebant; qui omnes radij particulares, sive majores sive minores, cum non essent separati in essentia ab universali emanatione seu spiritu sapientiæ, qui omnia fecit & qui est radix eorum, sunt virtus lapidis illius Angularis spiritualis, super quem omnis creatura tam generalis, quàm particularis formaliter ac essentialiter consistit & superædificatur. Atque iste lapis Angularis est illa maxime interna & centralis essentia in omni re, quæ, ut vitam ei impertit, ita quidem est omne in omni illius rei, quam in actuat & vivere facit: Atque ideo anima, cujus centrum est iste lapis Angularis, dicitur esse in toto & in qualibet parte. Sed definam jam loqui de activitate istius essentiae in alijs creaturis, ut solummodò in subiecto nostro, quod est terra & progenies ipsius, inter quas Magnes Fœmininus & ferrum masculinum præcipue numeramus. Philosophia vera & sacra nos docet, quod globus seu massa ponderosa telluris ab isto lapide angulari sustineatur, & per consequens in se habet multiformes suas virtutes ab ipso. Vbinam eras (ait Iehova) quando fundebam terram? Quis disposuit mensuras ejus, aut quis extendit super eam lineam? Super quo bases ejus sunt defixæ? Aut quis jecit lapidem ejus Angularem? Ecce hic divinæ Philosophiæ axioma ab ipso creatore propositum Proh Deum! Quàm indignæ sunt Peripateticorum de admirabili terræ structura opiniones re-

rob. 38.

# SECTIONIS SECUNDÆ, LIB. II. Membr. II.

Colof. 2.8.


Hebr. Y.

Sap. L.

Vide lib. I.  
cap. 5. Gilberti  
de Magnete  
pro hoc expe-  
rimento.


Specu rudimentorum & doctrinæ divini  
iltius oraculi, quæ fundatur super lapidem  
Angularem Iesum Christum: Et propter  
iltam rationem merito nos monet Aposto-  
lus, ut caveamus, ne à Philosophia & vana  
fallacia decipiamur, quæ est secundum tra-  
ditionem hominum & juxta Elementa ilti-  
us mundi & non secundum Christum, in  
quo habitat plenitudo divinitatis corpora-  
liter, qui est caput omnium principalitatum  
& potestatum &c. Vbi innuere videtur,  
Christum, qui est verbu & æterna & omnia  
creans Dei sapientia, esse emanationem il-  
lam Catholicam, quæ erat radix inprimis  
naturæ Angelicæ, quam organum prima-  
rium fecit: Ac tum postea omnia inferiora  
mediantibus organis suis Angelicis fecit  
per communicationem radiorum vitæ cū  
ijs, qui non differunt ab ea essentia, nec di-  
vidi possunt ab ejus fonte, qui ided dicitur  
implere omnia: Christus (ait Textus) im-  
plet omnia; atque alibi: Esse omnia in om-  
nibus: & quod portat omnia verbo virtutis  
suz: Ipse fundavit terram, & opera ma-  
nuum suarum erant coeli &c. Hic ergo  
erat, spiritus ille Ruach Elohim, qui in cre-  
atione coagulando separavit subtile à spif-  
fo, fecitque, ut massa urida compareret ex  
aquis, eamque in altum vexit, & virtute  
suz essentia vivifica super nihilum susti-  
nuit. Quare evidens est, istum sapientia  
æternæ spiritum fuisse lapidem illum An-  
gularem spiritalem, super quem terræ  
moles, & quælibet ejusdem particula di-  
versa ab initio statuminaretur & in hunc  
usque diem fixa & strabilis permaneret:  
Quippe, super quem, quasi securissimam  
suam foundationem residet: Vnde sat liqui-  
dò declaratur, quod, cū spiritus iste im-

pleat orbem terrarum, ipse quamlibet ejus-  
dem particulam plus minuse virtute di-  
versa & distincta, quasi dono ijs ab ipso  
distributo induit. Quam ob rem, ut nulla  
virtus essentialis, quæ ab eo derivatur po-  
test ab illo separari, ita quælibet terræ par-  
ticula magis vel minus proprietate totius  
imbui debet, cū ejus totum movetur su-  
per unam lineam sive axin spiritalem: Ut  
verba prædicta Iehovæ important, quæ  
biformi proprietate secundum naturam  
duorum contrariorum principiorum, antea  
descriptorum, ab una unitate divina pro-  
cedentium differt, nimirum ab ejus Nolen-  
tate seu privativa & contractiva natura:  
Nam operatur per privativam, contracti-  
vam, frigidam & congelantem suam dis-  
positionem, quæ magis vel minus augetur  
aut diminuitur secundum quod vel pro-  
pinquior vel remotior est à polis, videlicet  
Boreali & Meridionali; & ab ejus volun-  
tate seu positiva, dilatativa & dissolvente  
natura, ut pote, qui quasi sol centralis, spi-  
ritualis à medio puncto suæ axis emittit ra-  
dios suos ad circumferentiam: Haud aliter,  
ac sol coelestis & æternus ejus agens, qui  
idem est cum illo terreno, radios suos ab  
Æquinoctio ejaculat, quod est circumfe-  
rentia ad medium & centalem punctum  
in axe terrestri ad polos ejusdem; sed pro-  
pinquius ad polos, quam ad Tropico-  
rum cujuslibet hæmisphærij limites non  
accedit. Atque hæc est ratio illius Antipa-  
thiæ, quæ observatur esse tam in ferro,  
quam in magnete: Nam, si in primo ordi-  
ne Magnetem exacte in medio seu loco  
æquinoctialis inter duos ejus polos, nimi-  
rum punctum lineæ æquinoctialis sic divi-  
seris.



Ac tum postea partem mediam Hæmis-  
phærij Borealis C. A. ad polum australem

B, applicueris in hunc modum.




Partes istæ ita conjunctæ à se abhorre-  
bunt, & quasi sensu naturali præditæ ab in-  
vicem effugient, & à tali conjunctione de-  
clinabunt: Quippe, quarum medietatum  
in tali positione naturæ sunt admodum ad-  
versæ: Quoniā A. est sedes Æquinoctialis  
lineæ & per consequens proprietatis rare-

factivæ & dilatantis, & alterius Hæmis-  
phærij B. est locus Poli, qui est sedes natu-  
ralis contractionis & attractionis: Quo-  
rum locorum ille, est sedes naturalis calo-  
ris, & hic frigoris: Vnde ille dilatatione  
sui solis rarefaciendo expellit à centro ad  
circumferentiam; hic contractione radio-  
rum

rum sui solis inspissando attrahit & contrahit à circumferentia ad centrum, ibique attractum retinet & quiescere facit. E regione sympathia in Magnete & ferro apparet, quando simile tam ordine, quàm conditione naturali applicatur suo simili: Nam si offeratur pars Hæmisphærij Mag-

netis unius, ad illam alterius, mirificè videbunt ambo gaudere: Nam subito se mutuo amplectentur: & ad invicem unientur. Porro continuatione axis spiritualis alis, unus polus applicatus ad alium, attrahet ad se hæmisphærium alterius, atque ita ambo poli unionem facient hoc modo.



Vbi Polus Borealis C. naturali amore videtur osculari B. & B. pari læticia & amore recipere C. Quibus quilibet sibi constans speculator discernere potest, rationem sympathiæ & Antipathiæ atque etiam attractionis & dilatationis in qualibet creatura, & quomodo res quælibet naturali quodam instinctu inclinet, ad suum in proprietate & ordine simile; atque è diverso naturaliter declinat & fugit à suo contrario: Cum contrariæ istæ proprietates ab oppositis actibus in una radicali essentia procedant, quemadmodum immediate experimento magis particulari & familiari explicabo.

Ex instrumento meo experimentali, quod Philosophici istius mei discursus sectionis primæ libro primo descripsi, observare potestis, duos punctos duobus mundi polis correspondentes, videlicet matrati seu vitri caput, quod repræsentat polum Borealem, & aqua in parte ejusdem inferiori, quam ad polum Meridionalem refero: Aër inter hæc duo extrema interpositus spatiofo mundi coelo seu spiritui sublunari comparo, in cujus medietate videlicet 1. linea æquinoctialis secatur vel transit; ut pote, quæ exactum suum situm habet inter duos polos. Invenimus semper, quodd, quando aër in summitate seu capite vitri inclusus sit magis frigidus, nempe, cum status Boreales in mundum emittuntur, ipse erit magis contractus atque in spissatus, ac consequenter ad motum suæ contractionis exuget ad se vel elevabit in altum aquam inferiorem. Quo quidem concipere fas erit, rationem attractivæ naturæ non modò in ventis Septentrionalibus, verum etiam in Magnete & omnibus alijs rebus quæ per contractionem aëris seu spiritus attrahunt & sugunt ad se; & consequenter, quodd habeant illam proprietatem à potestate spiritus divini, qui mediantibus organis suis Angelicis spirat à septentrione. His etiam manifestatur ratio, cur unus polus alliciat ad se & attrahatur ab altero in Magnete, nimirum, propter continuationem axis spiritualis, qui efficitur & constat ab uno lapide Angulari sive essentiali

& centrali spiritu, uti dictum est, tamen ex duplici conditione opposita disposito, qui etiam secundum multiformem graduum diversitatem operatur: Vnde dixit Salomon, spiritum illum esse simplicem seu unicum, hoc est, respectu divinæ suæ naturæ, & multiplicem, hoc est, quatenus operatur juxta modum multiplicem: Nam, ut operatur circa axis polos, sibi virtute frigoris loci atque siccitatis attrahendo & assurgendo, ita juxta Æquinoctium & movendo gradatim à polis ad illud millies in proportionem, plus minusve in dilatatione variatur, ratione multiplicium graduum caloris, quem sol ista centralis aëri impertit: Atque hoc non solummodo in vitro seu instrumento nostro experimentali demonstratur, quatenus in venimus, quod magis sol coelestis cum divino isto agente centrali nobis appropinquat, eò magis aër extraneum, eorum calore dilatatum, dilatare etiam aërem, in collo & capite instrumenti contentum: Cujus dilatatione & rarefactione aqua frigore antea elevata jam præcipitatur, ac si quis diceret, calorem repellere jam frigus hyemis, quæ introivit per imbres & pluvias à meridie in proprium suum hæmisphærium missas. Quare ut natura poli frigidi est attrahere & allicere sibi per condensationem (quod quidem mediante condensatione sive facultate Saturnina perficitur) ita quidem naturæ calidæ æquinoctij cum partibus ei adjacentibus est, suum, oppositum expellere per dilatationem, quæ efficitur mediante calore rarefaciente. Atque ista est causa (ut in prædictis est demonstratū) quodd lapidis Magnetici æquinoctium sit in inclinatione sua naturali, ut cum polis jungatur, tam ad versum, atque è diverso poli abhorrent ab Æquinoctijs. Etiam hæc est ratio, quodd in polo dicti lapidis sit tanta attrahendi & ad se alliciendi potestas, & quodd stylum ferri more perpendiculari hoc est ad angulos rectos ad se attrahat: At quodd propinquius acus, ferrum seu filum ferreum erit ad locum Æquatoris applicatum, eò obliquior erit ejus coitio seu conjunctio cum lapide: Ita, ut quando applicetur directè super æqui-




## SECTIONIS SECVNDÆ. LIB. II. Memb. II.

æquinoctium lapidis, omni angulari con-  
tactu privabitur; nam prout & super ven-

trem quasi jacebit in loco illo: Vti videre  
licet in sequenti ista demonstratione.

Pro descrip-  
tione & ex-  
plicatione ha-  
jus V. Gilber-  
tum. 2. cap. 6.  
de Magnete.



Sed, quoniam demonstrationes istius-  
modi videntur vulgaribus nimis intricatae  
& obscurae: Quippe, qui sunt Solis centra-  
lis, quem Philosophi vocant Archæum, na-  
turæ ignari: Ac etiam difficile erit ipsis,  
quid sit terræ axis, quidve poli concipere:  
Atque iterum, quia Magnetis usus & spe-  
culi instrumenti praxis pluribus est peni-  
tus incognita: Procedam ego ad quandam  
probationis atque hujus rei applicationis  
speciem, quæ cujuscunque hominum condi-  
tionis familiaris est.

Non potest negari, quin homo atque  
etiam omnes aliæ creaturæ tam vegetabi-  
les, quam animales sint compositæ ex ani-  
ma vivente, quæ est earum internū, & cor-  
pore, quod est eis externū, hoc idem est de  
terra etiam judicandū: Quoniam ipsa spi-  
ritum internum habet, mediante quo ope-  
ratur diversè. Atque iterum, ut nullum est  
animal vel vegetabile, quod sine aëre exi-  
stere potest, ut pote quo mediante res quæ-  
libet existit, & per inspirationem vivit: nā  
istius mediij vehiculo influentia coelestis  
ipsis introducitur: Ita quidem Elementum  
aëreum mediantibus suis influentijs nutrit  
spiritum internum terræ. Nam aër de de-  
super conducit, influxus coelestes in corpus  
terrestre, quod est mineralium atque vege-  
tabilium matrix. Vobis in præcedentibus  
recitavi, omnia inferiora cum suis operati-  
onibus, esse typos & similitudines rerum  
superiorum, & Deum animare Angelos, &  
Angelos informare stellas, & dæmones seu  
Intelligentias stellares seu Olympicas in-  
fluentias suas emittere in ventos, & ventos  
animare Elementum aëris Catholicū qua-  
driformiter, hoc est, secundum naturā qua-  
tuor ventorum, quæ quidem quadriformis  
informatio, dat sive assignat nomē quatuor  
Elementis: Et quamvis in aëre Catholico  
non sit nisi unica substantia in essentia, ta-  
men illa variatur in natura sua, secundum  
quadriformem conditionem juxta volun-  
tatem & proprietatem spiritus illius unci,  
qui est solus actor seu agens sufficiens in  
istiusmodi metamorphosi seu Proteotica  
transformatione ab una natura seu forma  
in aliam: Vt cunque in isto negotio organis  
sive vehiculis tam Angelicis, quam stellari-  
bus utitur, sic enim dicitur vehi & quasi æ-

quitare super Cherubin & volare super alas  
venti: Ob istam rationem Propheta dixit:  
Veni, & spiritus, à quatuor ventis & inspira-  
super interfectos istos, ut vivant: non dixit,  
venite, sed veni spiritus. Quibus arguere  
videbatur, esse unicum & non plures spiri-  
tus, qui fiat essentialiter à quatuor ventis, &  
per consequens, istum spiritum in essentia  
esse tantum unicā rem, tametsi sit quadri-  
formis respectu suæ proprietatis; & quod,  
ut in isto spiritu Archetypico, totus mun-  
dus erat Idealiter in polos & alias portiones  
natura differentes circulis spiritualibus di-  
visus. Ita quidem in omnibus regionibus  
mundi observat constanter unū eundem-  
que positionis characterem, nimirum eun-  
dem in mundo stellari ac in aëreo: & in aë-  
re ac in aqua & terra: Nam polus Borealis  
coeli assignatur stellæ polari, atque indica-  
tur per characterem astrillius, qui inveni-  
tur in extremo caudæ ursæ majoris: In aë-  
re, manifestatur in illo puncto, à quo Bore-  
as flat, qui exactè natio, situ & positione  
stellæ polari correspondeat. Iterum, quod  
terra observet eundem ordinem in dire-  
ctione sui poli, evidenter ex Magnetis  
& ferri conversione ad stellam polarem  
apparet. His igitur constat esse non nisi  
unicum spiritum, qui operatur omnia in  
omnibus. Procedo ergo in demonstratione  
mea, quæ est tam familiaris cuilibet cre-  
aturæ, ut neminem, nisi mentis inopem la-  
tere possit. Quis enim ignorare potest,  
aërem, cum spirat à Borea, esse in conditio-  
nem frigidam & siccā, & per consequens  
in conditionem & consistentiā terræ mu-  
tatum, nimirum à clara, lympida, transpa-  
rente, dissolutā & delata in perturbatā, o-  
pācam & obscurā, grossā, ponderosā  
atque contractā aëris substantiam. Nam  
experientia docet, aërē, flante Borea, in ni-  
ves, grandines, pruinas & glacies converti;  
hoc est, ab aëreo spiritu in corpus terreum  
seu solidum à statu invisibili & mobili in  
statum visibilem & fixum: Ac denique in-  
teger aër mutatur in spiritualement & corpo-  
ralem terram: Atque istam transmutatio-  
nē accipit ab illa frigida & contractiva fa-  
cultate, quā accepit à vëto Boreali seu pro-  
prietate Septentrionali spiritus divini, qui  
ordinat & disponit omnia, eaque ab una  
forma

1202.36

forma in aliam per spiritum suarum narium alterat ( ut scripturae more Allegorico loquendo , dicunt ) sive per ventosas illas emissiones seu Angelicas emanationes, quas emittit à quatuor terrae Angulis : Ita, ut mediante spiritu suo à plaga seu Angulo Septentrionali proprietatem suam attractivam atque contractivam & retentivam ac aggregativam exercet , qua sugit & contrahit à circumferentia ad centrum, atque ita congelat, coagulat, inspissat, indurat & fixat spiritus molles per contractionem illarum partium , quae erant antea porosae ac dilatatae. Sed aliqui fortasse replicabunt & dicent, Quomodo probabile est, illam emanationem aut emissionem spirituum à porta Binah sub nomine Elohim , aut irradiationem seu emissionem spiritus à Borea & duobus suis ventis collateralibus posse mollia indurare per contractionem, aut sugere ad se & introducere spiritus à circumferentia ad centrum, cum eorum emissiones sint directae à Septentrione versus Meridiem, & nullam faciant reflexionem, quia ulla talis à circumferentia ad centrum contractio fiat. Respondeo, hoc more mirabili & ab ingenijs electioribus observando effici. Debemus igitur ordine priori considerare, proprietatem attributi Binah, cui praest nomen Elohim esse ante omne principium ordinatam, ut negativam seu contractivam Nolitatis seu tenebrarum aeternae unitatis naturam indueret: Nam, quando Deus non vult emittere vultus sui lucem, ardorem & virtutem lucis suae in se reflectit ( ut Mercurij Trismegisti verbis à sacris scripturis hac in re non dissentientibus utar ) hoc est, contrahit à circumferentia in centrum, atque hac ratione creatura est luce & vita deprivata. Ista Dei proprietates est Antipathetica illis mundi partibus , atque etiam creaturis , quae vitam habent à naturali calore, qui initium suum ab actu & emanatione Dei benevola ducit, in qua à se, hoc est, ab unitate ad multitudinem, quasi centro versus circumferentiam, seu creaturas suum velle seu virtutem positivam emisit: Sequitur ergo, quod, quamvis emissio ventorum à septentrione sit directa, tamen proprietates eorum essentialis immediatè ab organis Dei Angelicis procedens, est contractiva & attractiva à circumferentia ad centrum, quatenus est emissio, quae per animationem divini spiritus & actionem in natura Elohim, redditur frigida sicca, coagulativa, congelativa & ad quietem disposita, atque idè est Antipathetica & dispositioni aeris oppugnans, quippe qui est calidus humidus, & consequenter ab actu illo dilatativo animatur, què spiritus Catholicus expirat seu emittit ex sole suo caelesti aliisque stellis vivificantibus, ut sunt Iupiter, Venus: Atque ob hanc causam evenit, quod, cum spiritus Boreales emittantur in aerem, necessarium sequi debet, ut ad contactum Antipatheticum istorum spirituum frigido-

rum, naturale calidum seu vita aeris fugiat & se ipsum contrahat à sua circumferentia centrum versus, atque ita aer partim per motionem illam contractivam in se ab antipathetasi seu concursu sui contrarii facta, & partim per mixtionem formae terrestri cum eo congelatur, & ad tetra quasi mortuus & immobilis in forma nivis, grandinis, pruinae vel glaciei praecipitatur. Vita aeris calidae motus retrogradus à circumferentia ad centrum per contactum frigoribus Borealis vehementem istiusmodi experimento luculenter declaratur: Nam, si optimum vini spiritum sine igne extractum desideretis, exponatur dolium vino plenum aeri aperto, dum maxima frigoris & ventorum Borealiu inclementia in coelo urgeat, pruinae & glacies vix tolerabiles in terra & aquis severe grassentur, atque intra paucos dies vini exterum glacie coactum invenietis, quod si in centro perforare velitis spiritum vini optimum effluere videbitis. Quibus evidens est, vitam vini ad contactum vehementissimi frigoris effugere à circumferentia ad centrum sui corporis, quasi ad locum remotiorem à sede actus & dominationis frigoris. Pariformiter etiam videre licet, vitam aeream in alijs creaturis, cujus formalis existentia consistit in dilatativa Dei proprietate cogi frigoris inclementia volare à circumferentia ad centrum, relinquendo partes exteriores gelidas & rigidas atque congelationi mortali & Lethali quieti obnoxias: Quod quidem observamus non modò in creaturis animalibus, sed etiam in vegetabilibus, cum sanguis eorum ( ut ita dicam ) sive succus hyemali tempore à frigore Septentrionali se inclinans in eorum centro congelatur; ita, ut quasi mortua videatur, quousque Sol vernalis eorum spiritus in centro consopitos, quiescentes & quasi mortuos ( nodum Borealem resolvendo ) vivificet & ad circumferentiam evocet, quo functione eorum vitalem & vegetativam iterum exercent. Propter istam ergo rationem liquet, non esse rei veritate, nisi unum Elementum Catholicum, quod partim privativae & tenebrae, & consequenter contractivae Dei proprietati subijcitur, partimque capax est ad positivam, lucidam & dilatativam ejus dispositionem induendum. Et commune hoc subjectum esse spiritum sive aerem mundi sublunaris in eo patet, quippe qui minori inspiratione seu contractione à ventis Occidentalibus facta in aquam; majori vero compressione & constrictione à ventis Septentrionalibus facta, in naturam terream reducitur: è contra, minori dilatatione & rarefactione à ventis meridionalibus facta, efficitur vapor seu fumosus aer, & majori adhuc rarefactione & sublimatione à ventorum Orientalium dominio, idque praecipue ætivo tempore facta producit ignis sive coruscatio, ut antea est relat. Et ambae hæ varietates proprietates ad unum e-

undemque spiritum attinent, uti diximus. Certè ista demonstratio neminem decipere potest, quatenus creaturæ etiam irracionales naturali quodam instinctu moventur vel ad sympathizandum & gaudendum clementiâ & consolatione unius proprietatis, aut ad fugiendos & evitandos severos alterius insultus, quippe, qui antipathizant cum eorum naturis. Sed, ut ad propositi nostri medullam revertamus, Manifestum est ex eo, quod est dictum, spiritum Borealem esse contractivum, attractivum, inspissativum, atque ad tenebras, immobilitatem & quietem pronum, & Meridionalem seu potius ventum spirantem ab æquinoctio esse ei in natura contrarium, quatenus est paratus ad effectus illos destruendos, quos venti Boreales prodixerunt, videlicet aërem congelatum, & in nives, pruinas, grandines, & glacies, in aquam resolvere & aquam in aërem subiliare, & opacum reddere transparens, & densum efficere subtile, atque ideo inter has oppositas proprietates non magis reperitur Sympathia, quàm in prædictis demonstravi esse inter æquatorem Magnetis atque ejus Polum, qui inter se convenire nequeunt. Atque iterum, ambas has naturas oppositas procedere ab una eademque divinitate seu spiritu essentiali Catholico, cujus est operari omnia in omnibus ubique, & consequenter tam in terra, quàm in coelis testimonium istud veræ Philosophiæ confirmare videtur. Deo emittente (ait Textus) sermonem suum in terram, quàm celerrimè excurrit, qui nives emittit, sicut lanam, & pruina, quasi cineres dispergit, & deijcit gelu, tanquam frusta, coram frigore ejus quis consistit? Emittit verbum suum & liquefacit ista, simul ac efflat ventum suum effluunt aquæ &c. Quibus manifestum est, idem verbum seu spiritum Dei congelare per unam proprietatem & dissolvere per aliam, & consequenter, ut Deus est unicus essentiâ, ita quidem esse eundem spiritum, qui efficit quadriformes istas in unico spiritu mundano alterationes, quas antiqui distincta dixerunt Elementa, quoniam ad hunc usque diè determinare haud potuerunt, quænam esset essentialis Elementorum forma. Sed, si bene quatuor Elementa considerassent, de quibus tot fecerunt verba; at (ut videtur) parùm essentialiter ea intelligebant, aut si rectè percepissent, coelum & terram prius fuisse ex aqua & per aquam creatam consistentem verbo Dei, uti Philosophia sacra nos docet; tunc procul dubio communem eorum substantiam fuisse non nisi spiritum unicum creatum & in lucem mediante spiritu divino productum: Atque etiam, quòd quadriformis illius informatio esset ab unica increata essentia effecta, ut pote, quæ Elementum hoc Catholicum quadruplici emanatione multipliciter informat (ut sæpius probavimus, ita, ut voluntas unius spiritus creantis effecta per, & o-

perante in quatuor Angelos naturarum oppositarum, faciat, disponat & quotidie alteret spirituale hoc subiectum aqueum, hunc vel illum statum, in quo secundum subiecti naturam illud hujus vel illius elementi nomine insignire videntur, quod totum ex instrumenti nostri experimentalis demonstratione evidenter comprobatur. Nam, aër in eo inclusus vel per contractionem vel per dilatationem convertit se in formam cujuscunque Elementi, atque in ejus carcere seu receptaculo alteratur secundum naturas ventorum varijs temporibus in aëre Macrocosmico regnantium. Iam verò, quemadmodum quæri potest, unde terra & aquæ, quæ hic inferius perpetuò resident & loco elementorum se habent, suum ducant ortum: Respondeo esse effectus, quos venti originaliter Deo seu Ruach-Elohim sic volente, ex aquis prodixerunt, atque hi effectus primitus ab aëre seu aquis invisibilibus, eos in aquam visibilem per unum gradum inspissando, illamque per aliud in substantiam magis grossam, solidam & fixam, nimirum terram aridam inspissando sunt derivati, uti ex doctrina Moysis declaratur. Nam Apostolus & Philosophus sacer hoc verificare videtur, ubi ait: Credendum est per fidem, ea, quæ sunt visibilia, fuisse prius ex rebus invisibilibus. Atque iterum, si duo corpora inferiora se ipsa in aërem paulatim & gradatim, licet insensibiliter non resolverent, foret impossibile, ut terra aut aqua tantam aquæ pluvialis, lapidum, sulphuris, & hujusmodi aliorum solidorum & sensibilibus copiam daret, quæ quotidie à coelo vel aëre cadunt, idque sine augmentatione vel aquæ seu maris & terræ vel diminutiones aëris, imò verò in eadē naturali semper magnitudinis proportionē invenirentur: Vnde dixit sapiens; omnia flumina intrant in mare, & mare non redundat &c. Hisce ergo satis (ut opinor) luculenter declaravi vobis proprietatis contractivæ & attractivæ poli Borealis rationem: Quatenus contrahunt à circumferentia ad centrum, quod est actui vitæ humanæ contrarium: Idèò res omnes, sive sint aëreæ, aqueæ vel terreæ, quæ reducuntur ad rigidam & frigidam Proprietatis Borealis conditionem, attrahunt fortiter ad se; quemadmodum per instrumentum nostrum experimentale probatur, quippe, in quo aër inclusus radijs & frigida & sicca virtute robusti venti Borealis animatus, fugit seu attrahit in altum aquas inferiores, nimirum a 7. Hæmisphærij æstivalis ad 1. qui est sedes Æquinoctij, & ab 1. sedes Æquinoctij ad summitatem seu extremitatem 7. Hæmisphærij hyemalis, videlicet usque ad matracij caput. Atque propter hanc etiam causam spiritus cujuscunque terreæ substantiæ, frigore & sicco congelati, attrahunt & allicit ad se illos alterius terreæ, fortiter ab extra ad intus, uti in bolo armenico videre licet: Sed hoc fit ratione

Ecclesi. 1.

Phil. 1. 47.

2. Pet. 3.

suæ siccitatis, unde ipse gaudet, suum contrarium sibi attrahere: At verò attractio in Magnete fit longè aliter: Nam ipse virtute naturali matris suæ terræ indutus & essentiam stellæ Borealis in se habens, quæ est de natura Saturni & veneris: Avidè & cum concupiscentia & desiderio haud minimo, masculinos sulphuris spiritus ex ferro ad se attrahit & fortiter retinet, quæ quidem attractio non fit tali modo, ac est illa Antipathetica, quæ est absolutè à circumferentia ad centrum; nimirum, quando res aliqua timore quasi percussâ, radios suæ vitæ contrahit in centrum, ut ab illis adversarijs in ejus circumferentia versantibus declinaret & se ipsum absconderet, hoc est, non ut conjungeretur cum suo simili, sed ut separaretur à suo contrario: Attractio, inquam, Magnetica aliter se habet: Nam, ut in Antipathetica attractione fit separatio irascibilis à radijs inimici intuentis, & exacta contractio ab extra ad intus sine ulla attractione seu potius cum quadam expulsionem persequentis seu intuentis: Ita è regione in ejusmodi attractione Magnetis sit radiorum à centro extra ipsius circumferentiam emissio, ut amici adventum congratuletur: Vnde sibi simile etiam ultra sui corporis dimensionem amplectitur, & à suo simili comiter more reciproco recipitur, ac tandem ad suum hospitium illud attrahit, non ut eum odio prosequatur, sed, ut ipsum amicitia & gaudio naturali afficiat, & lætum reddat juxta illud Philosophi: Natura naturâ gaudet & lætatur: Vnde fit, ut in istiusmodi motu spiritus ipsius non recedant aut contrahantur à circumferentia in centrum, sed maneant hilariter sine timore cum suo amico & circa circumferentiam versantur: Non possum equidem congressum seu amplexum horum duorum melius describere, quàm per amicum quendam singularem, diu ab amico absentem, quem, ut primùm dominus palatij à porta respiciens è longinquo venientem percipit, subito exit, eumque amicè excipit ac manu ad ædes suas conducit; vel, si femina viro suo diu absenti pariter in via, occurrat, & pluribus amplexibus præcuntibus recipiat ad se. At si amor ille Magnetis sit sui nutrimenti causa (nam ajunt Magnetem limaturâ ferri nutriri, roborari & animari) tum quidem spiritus in Magnete & eorum motum cum aranea haud in eptè comparare possum, cujus domus est quædam in quodam suæ telæ angulo spelunca, captâ igitur in ejus reti muscâ, aranea subito & cum gaudio egreditur, muscamque rapit & ad suum fert domicilium, ut ipsius corpore reficiatur: Ita, ut videatis etiam hic esse quandam Sympathiam inter spiritum muscæ & illum aranæ: Nam aliter, tantâ concupiscentiâ non affectaret essentiam muscæ, quæ procul dubio ei erat in natura similis: Sed hoc non ita propriè pro sympathia haberi potest. Ex altera parte attra-

ctionem seu contractionem Antipatheticam, quæ fieri solet partim iracundè, partimque timoris accessu haud insulfè comparare queam testudini & limaci, quæ animalcula, ubi nullum adest periculum vel damnum, emittunt capita sua & limax cornua sua è testudine simul atque vermis pro parte è terra exit post pluviam solari calore delectatur: At si vel testudo vel limax vel vermis aliquem videat timendum, vel se invadentem, subito contrahunt se in se & in domibus suis se recondunt: Haud aliter se res habet cum spiritibus in Antipathia effectis: Non enim trahunt spiritus sibi contrarios ad se, sed se ipsos in se ab eorum aspectu ab extra ad intus contrahendo, attrahunt. Sed relinquendo eorum opinionones, qui credunt, istam Magnetis attractionem esse sui potius nutrimenti, quàm amoris Sympathetici causam, ad eam inclinamus, qui cum amplexu eorum sympathetico tenent: Nam cum sit certum, tam ferrum, quàm Magnetem ab eadem minera, vena & natura extrahi: Sunt enim uterque dispositionis terræ & Borealis: & cum Magnes & spiritus ejusdem formales sint magis ornatî & aggravati superfuitatibus, quàm ferrum igne examinatum & depuratum, aut suum simile ex ferro seu chalybe depurato magno appetitu attrahere tentant, quò melius eorum assistentia ab onere tali liberarentur, & in istiusmodi actione alliciunt ad se ferrum (quod, quasi spiritus suos formales relinquere nolens, per naturalem quandam continuitatem, motum radiorum suorum formalium sequitur) aut ut solatium ei & opem, imò verò & refectionem aliquam ferat; haud aliter, quàm materia foeminina allicit & appetit masculum formalem, ut ejus masculino spermate & sulphurea forma reficiatur, quam formam illi ambo ab ideali Catholici agentis Boreali natura originaliter acceperunt, qui sustinet & animat terram, ut testatur Iob. Idem hoc alia similitudine, sed ex regno vegetabili comprobabo. Observamus, granum tritici, non participans cum natura terræ, hoc est, tam diu, quàm est supra terram & non seminatum in terra, suum simile à cœlo, quo multiplicari possit, attrahere non posse: At postquam matriçi terræ committatur, seu sepeliatur in terra & quòd terra vincula suæ compositionis per corruptionem dissolverit, spiritusque hac ratione captos liberaverit, tunc spiritus incipere ad se allicere, & deorsum ad se attrahere radios solares, influentiaque constellationis suæ tam fixæ, quàm erraticæ, ut eorum ope penitus ab Elementaribus suis ligamentis liberentur, & median- tibus radijs ejusmodi suæ naturæ à cœlo missis, sursum eleventur, & quasi in patriam reascendant: Ita, ut simile additum sibi simili reddatur fortius in suo ascensu: Nam ab experientia docemur, formam celestem seu radium vitalem inclusum grada-

tim repere & paulatim assurgere è terra & summo conatu sive appetitu tendere ad suam sedem nativam, à qua prius descendebat: Sed quoniam Elementum ignis est spiritui Æthereo contiguum, atque idèò permittere non vult, radium cœlestem ascendere sine eo: & quoniam aër est vicinus contiguus cum igne, idèò non minus durabit, ut ignis sursum sine ipsius consortio tendat: Atque iterum, aqua illud ipsum sibi vendicat privilegium, ut uniatur in plantæ ascensum cum aère: Denique terra non sinet aquam altius ascendere sine suo amplexu, ut pote, ei proxima societate conjuncta, ac ratione suæ gravedinis ascendere nequeat, aquam inferius suo amplexu retinet, ut & aqua aërem, & aër ignem, & ignis naturam ætheream: Atque ita spiritus illi irradiati, qui pro libertate suorum fratrum videbantur descendere, vinculis istiusmodi Elementaribus à suo motu ad sursum impediuntur, cogunturque in aère pendere, ubi loco ascensionis eorum ad cœlum in granorum multitudinem augentur. Atque ego propriâ meâ experientia, videlicet in Chymia Elementorum seu partium Tritici separatione notavi, fœminam in Tritico, quæ virtute Magnetica influentias cœlestes sibi similes attrahit, esse quoddam sal tenerum, & volatile ex depurata seu aërea terrestri substantia, sed admodum in igne cœlesti dives & scaturiens: Atque idèò volatile unione utriusque extremi redditur: Ita, ut sit ista fœmina illa, quæ allicit & deorsum trahit Magneticè radios de cluiper, eosque ad naturam suam multiplicandam retinet: Haud aliter, quàm auceps ave captivâ ad alias aves ejusdem speciei in retia sua alliciendas utitur. At verò pro natura minerali fœminea, quatenus corpus ejus est magis solidum & compactum & nō facile corruptibile, illa per eam ipsam rationem, nimirum per attractivâ salis sui (stiptici) virtutem, essentiam radiorum ferri, tanquam à stella suæ naturæ ad consolandos & redimendos suos spiritus ad se allicit, & consequenter mediantibus suis spiritibus corpus masculinum ad se affugit & attrahit: Quoniam unum ab alio non potest congruè dividi; & quando ipsa illam attraxerit, eam firmiter retinet, partim consolationis & corroborationis causa, partimque ad multiplicandam suam essentiâ. Atque idèò Philosophi illi decipiuntur, qui Magnetem more occulto formalibus ferri spiritibus nutrirî negant, ajuntque, quodd, quamvis ipsius virtus esset per ejus in limatura ferri immersionem seu sepulturam aucta: Tamen, quoniam Magnetē nec mensura augmentatum invenerunt, nec ferrum suo pondere diminutum, concludunt, eum non nutrirî. Sed ipsos scire oporteret, formales in aère radios non plus ponderis ei addere, quàm lumen candelæ aut vitro, aut aquæ, quæ illuminat, & tamen formaliter nutritur, & essentia formali multiplicatur,

tametsi non substantia materiali aut quantitate. Denique, ut externum frigus, facit calidum in aère formali se ipsum contrahere, & à circumferentia centrum versus retrogredi ad evitandos insultus sui adversarij: Ita etiam externum frigus eum coarctat in spatium magis strictum, mediante reverberatione Antiperistatica & contractione facta à penetratione frigoris Borealis: Sed in Magnete Spiritus est Saturninus, & haud aliter sugendo suū simile introducit per assistentiam etiâ corporis Saturnini, siccitate naturæ Mariialis animatus: Quæ natura etiam Septentrioni à quibusdam ascribitur, sed præterea affectat suum simile in ferro: Atque idèò per affectionem & appetitum Sympatheticum eò magis ad opus attractionis ansumatur: Atque præter ista omnia apparet, esse etiam facultatem attractivam in corpore ferri, quæ trahit ad se spiritus Magnetis: Haud aliter, quàm masculus seu Mars in sua natura appetit venerem: Sed, quoniam fœmina ratione suæ frigiditatis maximè affectat & cōcupiscit societatem masculi, radij spirituales suæ attractionis majori fervore & desiderio appetunt, & per consequens magis attrahunt & alliciunt ad se masculum, qui est calidior & perfectioris naturæ: Verum hoc optimè observatur in dispositione ferri, quod ego existimo pro mare: Nam, quamvis ipse per se sine Magnetis assistentia, polos suos naturali inclinatione ad polos mundi convergit, tamen observamus, hoc fieri magis lentè, tardè & minori cum appetitu & consequenter affectione magis formali, quàm materiali.

Colligo ergo ex ijs, quæ sunt antea dicta, duo similia, quæ sunt de natura Æquinoctiali & Zonæ temperatæ se in vicem per amissionem Sympatheticam radiorum afficere & amplecti, à centro usque ad circumferentiam: Atque talis est illarum creaturarum amor, quæ per proprietatē emanationis positivæ vivunt, uti sunt animalia calidæ dispositionis, sive sint sicca aut humida, atque idèò non unum sensibilibiter trahunt spiritum ad aliud, sed operantur per unionem, quæ facta est à conjunctione sive concurrentia luminum post radiorum eorum formalium emissionem. Atque hujusmodi relationem habent ad proprietatem spiritus illius, qui emittitur à ventis Orientalibus vel meridionalibus, quorum naturæ est dilatare à centro, atque idèò nō contrahere à circumferentia. E contra duæ naturæ similes, quæ proprietatem polorum & Zonaum frigidarum amplectuntur, se invicem amant & amplectuntur, per modum contractionis, nimirum attrahendo & sugendo unius & alterius naturæ à circumferentia utriusque ad eorū centrum: Quemadmodum videmus in Magnete uno per medium diviso, ejus pars unica attrahet & affugit aliam ad se, & miro conamine tendunt ambe; ut invicem in loco æquinoctiali

alis mutuo jungantur: Haud etiam aliter fit illa attractio, quæ facta est inter Magnetem & ferrum, quæ ambo sunt creaturæ Saturni & Virgini & stellæ polari subiectæ. Ab istis physicis & astronomicis nostris assertionibus non multum videtur contemplatio Chymica variare: Nam si in tali speculatione naturam Magnetis respiciamus, inveniemus quidem, non oriri à naturali, sed potius monstroso partu seu generatione; ut pote, qui ad instar muli ab inæqualibus & dissimilibus notatur parentibus procedere. Nam, si consideremus modum compositionis ipsius, percipiemus, ejus matrem seu massam corpoream passivam esse communem, petrosam ac terrestrem Mercurium, & ejus patrem, seu formam activam esse spiritum metallicum, sive sulphureum & Martialem: Ac denique inveniemus, eorum mixturam effici in hunc modum. Liqueor Mercurialis de lapidea terrestri seu Saturnina natura existens adhuc in prima sua materia & quasi concha, existensque propinquus vicinus Mercurio Martis, Nam hæc duæ naturæ inveniuntur communiter in eadem terræ vena propinquæ sive in societate mutuo ad invicem: ob istam rationem sibi transmutationem acquisivit levem. Atque ita apparent hæc duæ naturæ arcta quadam contiguitate & ferè continuitate simul conjungi; adeo, ut compositio ista mediam obtineat inter metalli martialis & lapidis Saturni naturam, ac haud ineptè Mercurius imperfecto modo transmutatus, seu quæ Mercurij Hermo phroditici Saturnini species, in quam, cum spiritus Sulphurei Martialis, tanquam forma metallica ingreditur, recipit illos spiritus martiales, eosque quasi propria eorum passiva Mater in suo ventre conservat: Atque hac ratione massa illa in corpus petrosam coagulatur. Iam verò, cum quilibet spiritus, & consequenter iste lapidis magnetici per illud, quod est ei in natura similis, avidè ut nutriatur desideret: Quæ quidem ejus nutritur seu spiritus nutriendus præcipuè in farre invenitur. Accidit ob hanc causam, spiritum internum Martialem in Magnete attrahere ferrum ad se, & occulto quodammodo videri nutrimentum ex eo ad se sugere & allicere. Concipio ergo, salem fixum, in ferro seu Magnete esse partim ex calida

& sicca Martiali natura atque ideo conditione ignea, terrea; & partim ex frigida & sicca stiptica atque Saturnina facultate, quam etiam à terra recipit. Adeo, ut duo concurrant testimonia mirabilis attractionis in Magnete. Et, quoniam Venus dicta est amica foeminae & Sodalis Marti, ipsa Magneti desiderium, concupiscibilem fontem attractivæ Magnetis facultati impertit, & hac de causa refranat & deprimit proprietatem irascibilem & odibilem in Marte suis amplexibus foemininis. Verum, si ferri internam ferri aut Chalybis naturam introspeciamus, hoc totum per effectum elicimus: Nam ego familiari quodam mentis corpore ferreo seu Chalybem in speciem Cupperosæ seu vitrioli reduxi; quæ quidem mineralis Salis natura est tam familiaris cupro, quam ferro: Nam Vitriolum per eandem è cupro extrahitur rationem. Iam verò in Vitriolo & Cupperosa, dispositionem seu naturam calidam & ardentem cum Sulphure quodam terreo & attractivo inveniimus, quod haud aliter fugit & attrahit ad se, quam Bolus Armena aut terra sigillata humiditatem solet. Unde liquet, tam Martialem & Saturninam, quam veneram, conditionem in sale Magnetico & ferrogineo concurrere. Præterea reperiemus, influxus Martis se ipsos naturaliter cum ventis Borealibus miscere, & per optimè cum natura terræ convenire. Quoniam in Elementorum circulatione terra respectu suæ siccitatis consentit & Sympathizat cum igne. Porro etiam Prolomæus ventis illis Aquilonaribus, qui sunt violenti, influentias Martis ascribit. Præterea spiritum Martialem esse causam virtutis attractivæ in quolibet sale corrosivo atque etiam hebra & gummi ei subiecto, apparet manifestè ex Euphorbio, scammonia, Laureola Flammula, & calidis corrosivis venenis: Nam istiusmodi simplicia (ut nos docet Hermes) potestati & constellationi Martis subduntur. Hinc ergo testatur experientia, vitriolum esse frigidum, acidum & stipticum in suo externo, & tamè calidum, causticum & corrosivum in suo interno: Atque iterum Ferrum, quod nuncupatur Mars, quatenus Martis influentijs sit subiectum, est vitriolum seu Cupperosa in suo interno, ut etiam cuprum in fluentijs veneris ob id dignoscitur, unde & Venus dicitur.

## CAPUT III.

*De hominis in regno animali excellentia & de admirabili Magnetis natura in regno minerali.*

Possum aucter, idque haud ineptè Magnetis conditionem, cum illa hominis comparare, considerando admirabiles virtutes & dignitatem unius in regno animali & miraculosas atque mysticas proprietates & operationes alterius in regno minerali. Ad hominem verò quod attinet, de ipso dignitatis ipsius causa in primo loco efficiam mentionem: Thesaurus tam supereminens & admirabilis in ipso recoditur, ut sapien-

tes summam hujus mundi sapientiam in vera sui ipsius cognitione, hoc est mysterij illius secreti, quod in homine delitescit revelatione consistere existimaverint: Nam homo dicitur esse centrum cujuslibet creaturæ & centrum atque miraculum mundi, in se comprehendens omnium creaturarum tam celestium, quam terrestrium, & consequenter ipsius Magnetis proprietates, unde & Microcosmus vocatur: dicitur etiam Tem-



## SECTIONIS SECVNDÆ, LIB. II. Membr. II.

plum Dei, Membrium Christi & habitaculum Spiritus Sancti (uti ab Apostolo docemur) nec quidem imaginandum est, Deum voluisse sibi mansionem in loco indigno eligere: Atque ideo in hujus subiecti consideratione & in arcanæ rei que tanti momenti inquisitione, opus habemus, ut cum exactissima nostra discretionē & iudicio à visibilibus in homine procedamus ad ejus invisibilia, hoc est, ut acutiori ingenij nostri acie per viam demonstrationis à posteriori nimirum ab externo homine, in secretis, mysticis ac internis ipsius existentis viscera penetremus. Quare procedimus in hunc modum. Cum homo haud injuriā ab Hermete traditur esse filius mundi, uti ipsum mundum Dei filium dicitur, quatenus ad imaginem Archetypi fabricatur: Atque ob istam rationem Microcosmus dicitur; operæ pretium erit intelligere, quod ipse etiam more Macrocosmi, in cælum & terram dividatur & per consequens in se haud aliter comprehendat suos circulos, cœlos, polos & stellas in proportionē ei competenti, quā Macrocosmus: Atque etiam, ut invenimus, icones spirituales cœlorum cum suis circulis & polis etiam in terra Macrocosmi & omni particula ejus delineantur: Quomodo in Magnete & ferro videre licet. Ita quidem interni hominis Character in homine externo delineatur & exprimitur: Haud aliter, quā de figura ensis & vaginæ proportionē, aut nuclei effigie ex cortice dijudicare possumus. Ad polorum mundanorum inventionem in homine quod spectat, haud minima inter Philosophos de ea facta est controversia, cum Plato, Pythagoras atque Aristoteles manum hominis dextram plagæ orientali ad aptaverint, ac eorum ratio est, quoniam diurnus cœlorum motus, qui procedit à primo mobili, efficitur ab ortu in occasum, atque ideo per hanc eorum rationem, ejus plaga occidentalis debet sinistro correspondere, atque in disponendo hominem secundum istam positionem, ejus facies debet respicere septentrionem, atque posteriora Meridiem. Et Empedocles videtur huic opinioni se opponere, asseverando, Solstitium æstivale sive Tropicum Cancri, parti mundi dextræ assignari: & tunc sequetur, quod statio solis hyemalis sive Tropicus Capricorni sit sinistræ dicata, ac juxta istam directionem, facies humana debet respicere occidentem: At animi mei sententia est hisce eorum opinionibus penitus opposita: Quoniam tam rationibus Theologicis, quā ex sacris literis collectis sum persuasus, faciem humanam debere naturali positione solis ortui sive plagæ orientali ad aptari, & tunc ejus posteriora respicient occasum & consequenter manus ejus sinistra indicabit Polum septentrionalem, ut & dextra Meridionalem. Probatum ista positione in primis testimonio sacro: Nam Patri-

archæ, Prophetæ & Apostoli in majori sua devotione facies suas ad orientem convertebant. Quod quidem erat argumentum, illam mundi plagam anteriori hominis parti esse dicatam divinitus. Porro etiam in March. 14. Evangelista legimus, quod fulgur egredietur ab Oriente & in Occidentem transibit. Et alibi dicitur: Metimini quamque ad Numeri. 35. plagam Orientalem & ad plagam Australem & ad plagam Occidentalem & ad plagam Septentrionalem &c. Ac si dixisset: Metimini agros ante vos & ad dextram vestram & post terga vestra & ad sinistram. Et Job. 23. 2. apud Iobum invenimus: Si ad Orientem ero non appareat, si ad Occidentem, non intelligam eum, si ad sinistram, quid agam? Non apprehendam eum, si mevertam ad dextram, non videbo ipsum: Vel, ut Fr. Vatablus & Pagninus interpretantur: Si mevertam ad Aquilonem, dum operatur ipse, & non videbo, abscondet se in Meridie, nec videbo. At Tremellius sic interpretatur: En, si antrorsum iu ero, non aderit, si verò retrorsum, non animadvertam eum: Cum ageret ipse ad sinistram, non tamen videbo: Operiet dexteram plagam, nec tamen respiciam &c. Ita, ut quod Pagninus facit orientem Mundi angulum, Tremellius vocat faciem seu partem anteriorem mundi &c. Unde sine ulteriori, ut opinor, controversia apparebit, directam hominis dispositionem secundum mundi majoris situationem esse, ut facies ejus ad aptetur ad orientalem terræ angulum: Atque ob istam rationem, oculi ejus bini atque etiam aliarum creaturarum in suæ fabricæ frontispicio disponantur, ut post tenebras nocturnas longas, solem Orientalem sua cum delectatione & desiderio respiciant, ut in præsentia ejusdem creatoris opiparē in ea habitantem adorarent, in cujus aures aspectu est noctis tenebræ dominium expellere, & consequenter ipsum quasi solis æterni ac invisibilis typum salutare, qui etiam (ut nos scripturæ docent) ultimo die ab oriente apparebit ad renovandum atque purificandum mundum corruptibilem igne: Sequitur ergo, partem hominis dextram debere respicere Meridiem, ut ejus portio læva spectat ad septentrionem. Quod etiam totum eod certius apparet, quod magis rationi Philosophicæ conveniunt: Nam hepar positionem suam in dextra corporis regione habens, communiter cum natura Meridiana si sympathizare videtur, quatenus sua virtute sanguinem acrem & calidum generat, eumque per alveos venales undique in Microcosmi terram emittit, ut mediante eo vegetet: Haud aliter, quā ventus Meridionalis tepidos & madidos producit imbres ad terram macrocosmicam irrigandam, ut hinc inde plantæ & herbæ, quæ super terram crescunt, vegetentur, au-geantur & multiplicentur abunde: Sinistra verò corporis humani portio haud ineptè refertur

terteri quàm aptissime potest, ad plagam mundi Septentrionalem seu polum Arcticum. Nam, quemadmodum in illo angulo aer, aqua & terra est admodum frigida & sicca & ad congelandum apta, atque etiam conditionis itipicæ & contractivæ seu restrictivæ, ita etiam invenimus, quoddam, cujus positio est in sinistra corporis parte sit receptaculum Melancholici sive humorum frigidorum, spissorum, acidorum atque terrenorum: Similiter, ut flatus Boreales macrocosmi solent plerumque pulcherrimum lumen Solare obscurare atque abscondere, atque hac ratione tenebras ac obscuritatem Hæmisphærio nostro procurare, animadvertitur: Ita etiam in mundo minori, Ventositates & fumi à liene expirati, observantur cordis ventriculos contrahere, & loco passionum bonarum, lucidarum, & piarum, cujusmodi sunt læticia & gaudium, amor, charitas, spes &c. Producere solent passiones seu perturbaciones pravas & obscuras, quales sunt tristitia, metus, desperatio & huiusmodi alia, faciuntque, ut cor affectus syncreticos patiat. Sic ergo eligere fas est polos duos in microcosmo oppositos, cum illis in macrocosmo ad amissim in effectu concurrere, numerando polum Meridionalem ab Æquinoctiali. Nam si dividamus Magnetem in medio, inter duos suos polos, pars illa æquinoctialis, quæ est polo Arctico proxima, inserviet & manebit in loco poli Meridionalis: Atque iterum, si illa medietas dividatur in loco Tropici Cancræ, divisio illa circa Tropicum erit polum Meridionalis. Sed, ut magis intrinsecus adhuc in mundum minorem introspiciamus, inveniemus profecto, ipsum super spiritualem illum lapidem Angularem super ædificari, à quo mundus major erat factus, atque terra ejusdem sustentata: & consequenter in isto lapide Spirituali mundus & quælibet ejusdem particula erat idealiter delineata ab origine, priusquam ad imaginem terræ, quæ dicitur spiritus sapientiæ esse plena, fuisset formata. Hinc ergo dicitur homo seu mundus minor, Templum Dei & corpus ac membra Christi, ac habitaculum Spiritus Sancti, uti antea est relatum. Ob hanc ergo causam credendum est, secretos esse polos, circulos atque stellas tam Spirituales, quàm corporales compositioni humanæ assignatos: Haud aliter, quàm ipsos exactè & sine omni dubitationis alea in terra & omni portione ejusdem magnetica invenimus: Ita, ut in homine sunt proprietates Ventorum Macrocosmi, & consequenter in eo passiones procreari possunt, & ex eo produci, quæ sunt tam Antipatheticæ, quàm Sympatheticæ.

Iam verò si loco secundo more debito & cum diligentia Magnetis naturam contideremus, haud minima in ipsius proprietatum observatione rapiemur admiratione:

Imò verò inveniemus, captum atque rationem humanam fere excedere, quoddam lapidis mineralis, utcumque surdus, immobilis & stupidus tales nihilominus Spiritus possideret, qui insensibiliter occultas suas facultates seu virtutes per & trans saxa durissima, ligna firmissima & solidissima metalla, haud in conceptu humano transpirabilia; Imò ipsū vitrū impenetrabile quasi, atque alias huiusmodi substantias compactas, quæ nulla sensibilia in se habent spiracula, seu porositates, penetrare valet, & quoddam possit in se ipsum atque in ferrum operari, & quoddam polum Arcticum in distantia tam remota, ut remotior respectu nostri excogitari Vix possit, nimirum à terra usque ad cælum quippe octavum, ubi est stella polaris, quæ longitudo est quasi in commensurabilis, tam constanter intueri queat. Audacter pronuntiare audeo, universam scholam Peripateticorum, quæ cujuslibet rei rationem reddere, ac omnia, quæ ad occultissimorum & intimatissimorum secretorum naturas spectant, scire profitemur, se ipsam admodum perturbatam & in imaginationis phantasticæ ac Chimeriæ labyrintho involutam atque confusam inveniet, priusquam negotium hoc nebulosum discutere, aut ad ænigmatis tam profundi viscera penetrare, hoc est, priusquam ad optatum huiusce inquisitionis metam pertingere potuerit: Ut pote, quæ digito verioris & Diviniore Philosophiæ, quàm est illa Ethnica judicatur, cujus totius actionis & virtutis origo & principium formale est lapis ille angularis Catholicus Christus Iesus, in quo est divinitatis plenitudo, uti nos docet Apostolus. Nonne est res admiratione digna, spiritum istum Magneticum transire & penetrare solere, haud aliter, quàm illè celestis humanus, ubi aëri denegatur ingressus? Nonne est Argumentum evidens, esse de progenie celesti, cum effectus tales, etiam non obstantibus corporibus solidis interpositis inter ipsum & ferrum, producuntur? Quare non ita ovanter jactitet & gloriatur Plutarchus, uti in loco illo fecit, ubi nodum illum intricatum Gordonium solvere tentat, reputando illud pro dedecore & defectu in Philosophis doctis, qui in istiusmodi mysterio versati, in ejusdem profunditatem non sunt demersi, cum ille ipse tandem egregium suum in ista stricta sua inquisitione denotet errorem: Quippe cujus conclusio est, insensibiles emanationes seu emissiones aut effluxiones, quæ egrediuntur ex Magnete & producunt attractivos tales effectus, sint grossæ & flatuosæ. At si iudicio paulò maturiori negotium istud considerasset, tunc quidem perciperet, aërem subtilissimum atque admodum rarum viam ullam aut porositatem non posse invenire per ligna plana seu tabulas ligneas & lapides politos, aut laminas argenteas aut aureas, ac multò minus spiritibus grossis & flatuo-

## SECTIONIS SECVNDÆ. LIB. II. Memb. II.

lis conceduntur spiracula , per quæ trans- | apt ingredi queant. Sed, ut ad directam  
versum corpora talia compacta penetrare | discursus hujus nostri semitam revetar.

### CAPVT. IV.

*De dispositione duplici attractiva in homine, quarum unica cum na-  
tura Magnetis convenit, altera vero ab ipsa differt, in hoc eti-  
am capite, ratio cur viri mortui cadaver, Mag-  
netica sive attractiva virtute induan-  
tur, lucidè explicatur.*

**V**T in dimensione Magnetis esse mul-  
tiplices attrahendi species sive modos  
observatur (nam ejus attractiva facultas est  
aliter affecta circa ejus polos , nimirum  
perpendicularis , quàm in ejus æquatore:  
Quippe , quæ ferrum more pronio & pro-  
strato ad se allicit) ita etiam magna repe-  
ritur differentia inter effectus virtutis il-  
lius attractivæ , quæ in homine reperit-  
tur. Nam lien habens naturam & pro-  
prietatem Borealis Poli, suum simile, nimi-  
rum succos Melancholicos & terrestres  
virtute quasi Saturnina directè attrahit: At  
cista fellis, suam facultatem attrahendi à  
proprietate Martiali Sulphurea seu terre-  
streitate ignea accipit, atque hepar dilata-  
tione meridionali sive æquinoctiali fan-  
guinem , quem prius rubicundum fecit,  
mediantibus canalibus venosis per univer-  
sam terram Microcosmicam dispergit at-  
que transfundit. Sed in primo loco per po-  
rosa organa chylousam cibi substantiam ab  
intestinis attrahit, quas omnes attrahendi  
& expandendi facultates nunquam exer-  
ceret, nisi caloris naturalis incitamentis ad  
illud opus esset animatum. Et, quàm vis  
calor ille ex natura sua magis dilatando  
dissipat, quàm, ut attrahendo contrahat,  
tamen ille incitat & animat instrumenta  
quædam corporalia , quæ à natura ad tale  
opus perficiendum, nimirum ad fugendum  
& alliciendum sibi per contractionem, at-  
que iterum ad se dilatandum per relaxa-  
tionem ordinantur. Atque ob istam ra-  
tionem Cor, Stomachus, intestina, venæ  
&c. Formatae & compactæ sunt ex fibris  
directis, attractionis gratia, & transver-  
sis, retentionis causa, & obliquis propter  
expulsionem. Atque iterum aeris per as-  
peram arteriam & nares attractio, haud  
quivit perfici sine ope & auxilio pulmo-  
num, qui minimè sine caloris dilatantis &  
vivificantis animatione atque incitatione  
operari aut movere poterunt. Ita, ut in  
hoc casu, omnis externi aeris attractio,  
quæ fit per poros in partes, carnosas, & per  
pulmones in Lævum cordis Thalamum,  
procedit immediatè à dilatativa caloris  
naturalis actione, & perficitur mediantibus  
instrumentis, idque præcipuè per pul-  
mones & cor: Haud aliter, quàm videmus,  
Syringam seu fistulam, si ejus organum  
interius extrahatur, parum aerem vel a-  
quam ad se trahere: At si illud interius de-  
trudatur, aerem vel aquam illam attractio-  
ne introductam iterum emittere seu ex-

pellere: & tamen ambæ hæ nature oppo-  
sitæ in unico instrumento procedunt ab  
unico Spiritu humano dilatato, qui opera-  
tur. Debemus igitur intelligere (uti est  
antes dictum) hominem componi ex ma-  
teria, quæ est ejus patiens, & forma, quæ  
est ejus agens: Atque ut materia prius pro-  
cedebat ex subiecto aqueo chaos tenebrosi  
abyssi egrediente, atque idè est per se Bo-  
reali & privativæ dispositioni, nimirum  
quieti, frigori, mortificationi & mino-  
ritati proclivis. Ita quidem est ista ma-  
teria, quæ facit contractionem tam in cor-  
de & per consequens in pulsum motu,  
quàm in alijs corporis partibus, hoc est, na-  
turalis materiæ in homine inclinatio est  
contrahere Spiritus à circumferentia ad  
centrum, cum è diverso forma, quæ à loco  
derivatur versatur in dilatatione atque  
idè in animatione & exagitatione mate-  
riæ, quæ sine istiusmodi agente à Borea-  
li matris sue frigore stupida & quasi mor-  
tua remaneret. Atque ista est ratio Sys-  
toles & Diastoles in motu cordis, qui pro-  
venit ab illa actione & passione sive opera-  
tione & resistantia, quæ facta est inter lu-  
cetum, calorem seu formam æquinoctia-  
lem & materiam tenebrosam frigidam  
aut polarem, in compositione humana. Va-  
de evidens est, quod, ut mundus major  
dictus est ex lite & amicitia constari, ita  
etiam mundus minor hæc injuriâ ex con-  
trarijs componi traditur, videlicet ex lucis  
sobole & illa tenebrarum. Iam verò in hoc  
videtur facultas hominis vivi attractiva, ab  
illa Magnetis in eo discrepare: Quoniam  
Magnetis non apparet sensui humano adeò  
vividus & agilis ac homo, sed quodam-  
modò videtur mortuus, quatenus à vena  
sua ferruginosa dividitur. Atque iterum  
ipse non evidenti dilatatione à calore vivi-  
fico procedente, mediante substantiâ or-  
ganicâ, sed virtute contractiva partim cer-  
vestri & partim cetrâli, quæ prius dilata-  
tione suos emisit radios, ac tunc demum ad se al-  
liciendo contrahit, atque ob istam rationem  
major ipsius attrahendi potestas consistit in  
polo: Attractio verò hominis viventis pro-  
cedit à caloris vivifici dilatatione à centro  
versus circumferentiâ, qui efficit, ut instru-  
menta materialia tam ad attractionem,  
quàm retentionem & expulsionem, officia sua  
præstent, & quandoque operatur præcipuè  
ad contractionem, hoc est, movere solet à  
circumferentia versus centrum, videlicet  
cum voluntate divina privativæ emanatio-  
nis

nis radios recipiat : Quemadmodū , quando cor contrahitur , unde fit , ut passiones pravæ , ut sunt tristitia , melancholia , invidia , desperatio , timor &c. Oriantur , de quibus antea est relatum . Quandoque etiam calor natus reflectit ad sensum solarium requietem radios suos interne , uti in actione somni , qui est mortis & tenebrarum imago videre licet : At verò è regione se ipsum à centro ad circumferentiam dilatat , quando vult , ut Spiritus animales vigilent & operentur .

Hiscæ ergo imaginari possumus , attractivam Magnetis facultatem esse primum ab extrinsecus ad circumferentiam , & ab illa ad centrum , ita tamen , ut res corporea Spiritus desiderati , retineatur à Spiritu retinente & à centro contrahente in circumferentia , uti in ferro à Magnete , & palca à Carabe attracta videre fas est . Ista est enim ratio sui similis in ferro & chalybe sibi attrahendi ratio , quæ substantia ferrea respectu suæ à Mercurio petroso heterogeneo purificationis , naturæque jam purificatæ homogeneitatis homini vivo comparatur , qui spiritibus vivis se dilatantibus animatur . Velim enim , ut quilibet intelligat , non esse ullam in terra creaturam , quæ non habeat suam Astrologicam seu stellarem influentiam ; quæ ( quamvis ipsam oculariter discernere nesciamus ) emicat , suumque ad suum in specie simile non facit aspectum , videlicet ad tales creaturas , quæ sunt conditionis stellarum , quibus influentiæ eorū distillant . Verum si duæ creaturæ fuerint naturâ mutuò dissonantes & contrariæ , tunc earum una more Antipathetico diverget & reflectet radios suos ab alio . Ferrum ergo instar masculi vivificantis Magneti occurrens , ei sui amoris radios facillimè emittit , qui eos tam avide sibi virtute spirituum suorum interiorum Martialium etiam ad suum centrum attrahit atque introducit : Atque attractione radiorum ferri formalium secum etiam vehit & ducit corpus ferri , quod possidet stellares sive Martiales influentias . Pari etiam respectu , videlicet appetitus concupiscibilis Magnes in virtute fortis , loco foeminae ad debilitatem , videlicet , in quo non est tantus appetitus , haberi potest . Haud etiam aliter res sese habet cum homine vivo ac cadavere alterius : Nam , tametsi multa corpora videntur esse mortua , tamen Magus Naturalis intelligit , in ejus carne & ossibus atque etiam sanguine admirabiles delitescere spiritus , qui miracula haud minora ; imò verò majora , quàm illa Magnetis præstare queant . Atque idè velim , ut quilibet Mysterijs Dei in natura creaturæ perversus & sua imaginatione nimium occæcatus , melius ab experientia instruat , priusquam tantâ audaciâ & sine hæsitacione asseveret , nullos mēbris hominis amputatis , nec cadaveri hominis mortui in esse spiritus , imò quidem ipsum Diabolum nihil spiri-

tum ipsis conferre posse autemant . Nam moneo ego judices tales audaces atque temerarios , ut sciant , quòd , ut Magnes ( utcumque oculis massa apparet mortua ) observatur sibi centraliter appetitu vivo sugere & allectare spiritus radiosos cū corpore alterius Magnetis & totus Magnes & quælibet ejus portio à toto divisa , hoc idè juxta suam proportionem præstabit : ita etiam probare & confirmare possum demonstratione oculari , quòd debita applicatione carnis ex aliquo cadaveris membro desumptæ , ad carnem hominis vivi per nonnullas horas , homo , cui applicatur debilis & invalidus reddetur : Et tamen paulò post Mummiæ illius Magneticæ corporalis remotionem , ille vires suas pristinas recuperabit : Verum , ne relatio ista mea videretur adversarijs figmentum , quatenus allegare possunt , rerum istiusmodi applicationem posse magis in hominis viventis imaginatione quam corpore operari , & quòd sine vero fundamento se esse debilem sibi persuadeat , & quòd nullus produci queat affectus externus , quæ hoc probare possit , Respondeo ego , tantæ esse istam applicationem efficaciam , ut mummiæ spiritualim in forma visibili extrahere observetur : Nam ratione frigoris exterioris membri , mummiæ in superficie corporis Magnetici sic extracta condensabitur , haud aliter , quàm aer in nubem aut nubes in nivem : Ita , ut colligi possit & in speciem quandam Panaceæ reduci , modò si persona , ex qua extrahitur , sit sanæ complexionis & in suo corpore salubris . è regione verò pro medicamento tā corruptibili & Antipathetico haberi debet , ubi corpus morbo aliquo venenoso seu contagioso , nimirum morbo gallico , lepra , & similibus inficitur , ut infra clarius explicabitur . Iam verò ratio istius actus seu operationis in parte hominis mortui Magnetica est , quòd , ut cū corpus esset vivum à radijs lucidis activis animabatur , & per omnes ipsius lucis vivificæ proprietates gauderet : Nam erat activū , mobile , dilatativū ac denique æquinoctialis seu Australis conditionis ; Ita , ut sanguis extincto calore naturali proprietatē tenebrarū induit : Nam mortificatur à frigore , cōgelatur , potentialis , hoc est , immobilis & cōtractivus redditur ejus actus , ac ( ut verbo dicā ) de natura Zone rigidæ & poli frigidi , adeò , ut , ubi antea , dum in vita esset , radios suos à centro ad circumferentiam emitteret , ac benedictiobus emanationis Dei vivificantis & positivæ frueretur , jam in apparitione mortis conditionem & emanationem proprietatis Divinæ contractivam , privativam & mortificantē induit . Et tamen nihilominus nolim , ut sapientes cogitent , quòd , quoniam corpus vivum in cadaver mortuum convertatur , idè sit Spirituum vitalium omnino vacuum , cū à scripturis sacris confirmatum habent ,

in corruptibilem Dei Spiritum in esse omnibus, & per consequens tam in mortuis, quàm in vivis: Nam spiritus iste incorruptibilis, secundum ejus in quatuor ventis proprietatem, est aliquando in motu à centro rei, cui inest, ad circumferentiam: Nam istiusmodi sua activitate creaturam vivificat, eamque facultate sua æquinoctiali seu australi agere, & vivere facit: Sic dicimur in Deo vivere, movere & esse: Movetur (inquam) in ista sua proprietate à centro Solis cœlestis ad omnium creaturarum inferiorum animationem, nimirum evocando spiritus earum, incorruptibiles, ad centrum ab hyemali frigore reperiectos, à centro ad circumferentiam ipsarum: Quemadmodum in vegetabilibus videre licet, quæ tempore hyemali apparent mortua: Quoniam spiritus vitæ relinquunt circumferentiam eorum, & in centro, quasi loco à frigoris insultibus remotiori se abscondunt, ibique acquiescere videntur. At vero quando spiritus iste percipit & sentit fontis lucidi appropinquationem, ut pote à cuius radijs solamen & auxilium recipit, incipit paulatim à centrali suo palatio emergere & plantæ circumferentiam jam visitare gestit, atque radijs cœlestibus, qui in eorum auxilium de de super emittuntur, unitas, tenebrosam privationem & frigora congelativa è suo tabernaculo summa ope expellere tentat, ut ad vegetationis & multiplicationis actum liberis procedat, quemadmodum in tritico in terra sepulto seu seminato liquet: Haud aliter, dico, natura Magnetis Martialis, spiritu Saturnino originaliter in suum centrum contracto, exagitur atque incitatur, & cum pari gaudio formales ferri radios ad se sugit, à cuius spiritu Sulphureo Martiali, ipsi originaliter scaruriebant: Atque tali etiam modo spiritus Cadaveris, mediante frigore mortificante, à circumferentia in centrum coactus, atque ibidem in quiete & sine actione remanens, reddit corpus & quamlibet ejusdem partem fixam & immobilem. At verò cum aspectum seu applicationem ad vivæ suæ speciei circumferentiam faciat, tunc equidem à suo centro circumferentiam usque (ac si in centro esset quasi fame oppressus) exurgit, suumque simile in homine vivo (quod se ipsum dilatat & per poros more radioso ad suppetias ipsi afferendas ejaculatur) appetitu avido ad se vectum, Mummiâ Spirituali versus centrum attrahit ut vitâ etiam, qua vivebat antea, induatur, atque ut illius præsentia recreetur. Sed nummia unctiosa spiritualis viri

mortui, spiritibus lucidis repleta & super superficiem hominis vivi à frigore inspissata subito congelatur; & pro usu privato conservari potest. At verò hoc melius confirmari nequit, quàm per exemplum virtutis contractivæ, restrictivæ aut congelativæ excrescentiæ fumosæ salis, in ossibus mortuorum contenti: Nam applicatione illius, nimirum Vzneæ seu moschi crescentis, super cranium mortuorum, ad sanguinis eruptionem in homine vivente, sanguis in homine vivo calidus, affectione quasi Antipathetica motus retrogreditur, & ei denegatur exitus à congelante & astringente excrescentiæ hujusmodi Borealiter affectæ operatione. Sed omittendo pro aliquo tempore istiusmodi cōclusiones, quæ ad Magnetem hominis mortui Mummialem, ejusque virtutes spectant, quid dicetis, si sit Microcosmicus Magnes, qui ex homine vivo sine aliquo vitæ aut sui corporis detrimento colligi queat: Cujus virtutes tam respectu generationis & partus sui naturalis ac monstrofi, ut pote à parentibus dissimilibus derivatus, atque etiam ex substantiis specie differentibus ad instar muli, videlicet ex Mercurio terreo & Cholericis Sulphuris spiritibus humanis compactus, quàm etiam ratione suæ attractionis spiritualis Mummiæ, ex homine vivente, atque etiam (quod est magis adhuc admirabile) transplantationis ipsius, tam in animalibus, quàm vegetabilibus speciebus modo alieno & admiratione digno tam Sympatheticè, quàm Antipatheticè operatur. Scio profecto, ista nova statim proacribus Diabolicis vijsque illicitis ab ijs reputatum iri, qui ad judicium injustum & iniquum sunt proclives, quatenus ista sphæram capacitatis superant: & tamè pro certo intelligo, ea esse vera, atque à nonnullis experta non sine admiratione multorum; imò quidem istum Magnetem Microcosmicum cum usu ipsius haud ignoramus, cujus actus actuumque effectus, quando à sapientibus comprobabuntur, tam naturales apparebunt, quàm eorum effectus ab ipsis bene ponderati, videbuntur prima fronte admirabiles & capacitati humanæ alieni ac admodum abstrusi. Verum enim verò, si ea, quæ à me sunt antea recitata intelligantur rectè, serioque sint ponderata, causa eorum non apparebit admodum abstrusa, ut limites naturæ excedat. De istiusmodi Magnetis Microcosmici actione tam sympathetica, quàm Antipathetica, mihi Deo concedente plura in sequentibus videlicet libro hujusce ultimo discurrere proposui.

## CAPVT. V.

*In hoc capite explicatur causa secreta, quare; & modus, quomodo Magnetis tam Microcosmicus quàm Macrocosmicus ad instantiam; imò quidem dimensionem in cognitam seu intervallum indeterminatum aperari soleat.*

**F**osterus in libro quodam suo, cui titulus Hoplocrisma spongius, Philosophiæ suæ tenuitatem satis superque in eo expressit, ubi dicit, quòd, quoniam Solis & stellarum lumina nubes obscuras, corporaque opaca penetrare nequeant, idèd formalis hominis essentia non valet in suo motu seu cursu ad metam aliquam distantem movere sine impedimèto aut oppositione montium, castellorum, nemorum & similium. Sed, si paulò profundius se in Philosophiæ veræ visceribus immerisset, tunc procul dubio agnosceret, sperma æthereum, seu influentias stellares esse in conditione multò subtiliores, quàm sunt lucis visibilis vehicula: Imò quidem sunt tenues & exactè spirituales & admodum mobiles, ac tam penetrantes & vivæ, ut sint potentes, atque etiam soleant perpetuò sine aliquo manifesto obstaculo aut resistentia ad terræ viscera seu centrum penetrare, atque ibidem metalla omnium specierum secundum influentiæ conditionem generare. Atque istius rei testimonium ferunt omnes Philosophi tam antiqui, quàm recentiores. Subtilitatem ergo Spiritus huiusce Plotinus iuxta mentem Platonis explicare videtur in verbis istis: Tanta est Ætheris tenuitas, ut omnia corpora penetret universi, tam supera quàm infera, & cum ipsis conjunctus aut implicitus majora minimè reddat, quia spiritus iste interior cuncta opera eorum mole minima nullum prorsus augmentum recipiente alit atque conservat. Hæc ille. Atque ratione puritatis ac subtilitatis naturæ istius cœlestis cœlum, à Philosophis & Poëtis mysticis terræ maritus seu sponsus vocatur, quam vestem vocarunt: Imò verò ipsæ cœli stellæ, in quarum serie Copernicani numerant terram, assimilantur uxori cœli, ut pote, quæ ab eo haudaliter extrahuntur, quàm ex latere Adæ Eva: Nam definiunt esse densiores partes sutorum orbium, unde fit quòd pro cœli membris habeantur, nihil est tam tenue, subtile ac penetrans quàm est spiritus ille, à quo ipsi per condensationem derivantur. Hæc autem est ratio, quòd veri Alchymistæ tot de suo cœlo, quòd & quintam essentiam vocant, admiranda narrent, inde arguendo, ratione puritatis ac subtilitatis ipsius res omnes penetrare posse. Et Philosophi dicunt, istam quintam essentiam esse naturam illam suam, quam definiunt esse vim quandam in rebus infinitam, omnia permeantem entia, cunctas res generantem easque augentem alentemque &

ex similibus similia procreantem. Et certè, si cui quam realiter considerare placuerit, quæ à me sunt antea allegata, recordabitur me dixisse, virtutes Angelicas ab emanatione archetypica effluere, esseque divinarum Idearum typos, atque etiam spiritum æthereum esse Angelicis influentijs repletum, quæ radicem suam essentialem à Deo & in Deo habuerunt: Ita, ut in rei veritate non sit Lux stellaris, quæ tam profundè penetret, aut tam universaliter operetur, sed æternus ille centralissimus spiritus, qui sua divina & haud resistibili essentia per omnia penetrat & permeat, tam in cœlo desuper, quàm in terra & aquis inferius. Atque totum hoc videtur à Philosophis Mysticis, (tamen non nisi obscurè) confirmari, quando vocant Saturnum, qui Pater erat Iovis seu caput seu Cheter Catholicæ emanationis; patrè cœli & terræ, hinc inde arguentes, quòd in emissionem spiritus sapientiæ creaverit & informavit cœlos, juxta illud Iobi: Cœlum ornasti Spiritu tuo. Et David: Verbo Domini firmati sunt cœli & spiritu ab ore ejus omnis virtus eorum. Et D. Petrus habet, cœli erant prius & terra ex aquis & per aquas existentes verbo Dei. Certum est ergo, totum actum essentialè in spiritu æthereo esse emanationis divinæ actum seu splendidum incorruptibilis Dei spiritum, ut verbis utar Salomonis. Atque idèd necessariò sequitur, Spiritum illum, qui meretur esse immediatum influentiæ talis minimè resistibilis & potentissimæ vehiculum, debere esse conformem ad ipsam naturam in puritate & subtilitate, quæ eum informavit: Qui à Salomone dicitur esse omni re mobilior & subtilior & attingere ubique propter suam munditiem & innovare omnia & implere orbem terrarum. Hoc ergo erat illud, quòd coëgit nonnullos etiam ex Christianis Philosophis in sermonem istum irrumpere: Deus est natura, & natura, Deus. Quo intelligere videntur, naturam naturatam & radicaliter informantem, fuisse æternam illam emanationem, quæ fecit atque informavit naturam humidam mundi, qui ob istam rationem est dictus natura naturata, videlicet præsentia ipsius naturæ naturantis, sive Divini Spiritus Dei, qui ferebatur super aquas, istque igneum vigorem seu virtutem impertivit, quemadmodum partim testimonio literarum sacrarum, & partim D. Augustini asseveratione videre licet. Oportet ergo, ut nos debita harum

Iob.  
Psal.  
2. Petri. 3.

Sap. 12. r.

Sap. 7.

Sap. 1.



rerum à nobis allegatarum consideratione habitâ, sciamus, quod, si influentia completè à spiritu incorruptibili Domini anime-  
tur, tunc necesse est, ut proprietatibus natu-  
ræ illius spiritus Divini imbuatur, & consequenter debet esse omnium spiritu-  
um maximè subtilis, agilis, mobilis & pe-  
netrans: Atque in eo respectu magis erit  
potens ad omnia, quæcunque solida sine  
ullo impedimento aut resistantia pene-  
tranda, atque etiam ad omnia generanda,  
augmentanda & nutrienda magis accom-  
modatus & paratior, Ac si incorporetur  
aut specificetur, individua similia ex simi-  
libus procreare solet. Porro etiam respec-  
tu capacitatis humanæ infinitam in ra-  
diorum suorum emissionem habet extensio-  
nem, atque ideò, ut illa limitetur, est im-  
possibile. Quod quidem omne experien-  
tia seu demonstratione huiusmodi oculari  
demonstrabo. Invenimus in praxi Mag-  
netica, Magnetem virtute sui Spiritus  
subtilis, qui eum intrinsecus & centrali-  
ter animat, tam potentem reddi in vir-  
tute sua attractiva, ut sine ulla resistantia  
radios suæ activitatis per saxa durissima,  
signa spissa, metalla compactissima, atque  
etiam vitra quasi impenetrabilia trans-  
mittere valeat. Quod argumentum est  
evidentissimum, spiritum istum esse de  
natura longè penetrabiliore & subtiliori,  
quàm aer ille sublunaris, quatenus ei de-  
negatur etiam per Chartam tenuem aut  
pelliculam transitus. Pari etiam ratione  
internus cœlestis hominis spiritus, qui est  
radij istius vivificantis vehiculum, est tam  
subtilis in se, ut nihil potius sit ei resiste-  
re, quando radius mentalis internus, ad  
quamlibet metam, utcunque ab homi-  
ne remotam & in capacitate humana in-  
accessibilem, collimet. Nam, cum cœle-  
stis ille in homine spiritus sit ad ex em-  
plar spiritus Divini formatus, necesse est,  
ut in istiusmodi sua actione eum limitet:  
Iam verò subtilitas actus Divini in spiritu  
humano ab Hermete hoc modo exprimi-  
tur. Quicunque hac Dei natura fulti sunt,  
intelligentiâ suâ cuncta complectuntur,  
quæ in terra sunt & quæ in mari, & si quid  
est præterea supra cœlum, atque adeò lei-  
pos erigunt, ut ipsum quoque bonum in-  
tueantur, &c. Quibus significare videtur,  
omnem sufficientem Dei actum in pene-  
tratione & transmigratione per omnia;  
qui actus consistit in radio mentali, cujus  
actui non resistendo, influentiæ cœlestes  
penetrant & operantur ubique in terra &  
in mari sine ulla resistantia aut impedi-  
mento intermedio. Hisce ergo evidens  
est, quod, ut quælibet creatura inferior  
specificata, hoc spiritu essentiali est prædita  
& in ipso consistit ac super ipsum, quasi  
reale suæ veritatis fundamentum seu lapi-  
dem verè angularem ædificat; Ita æquidè  
radiatorum ipsius emissio, non est ab aliqua  
sphaera activitatis terminanda, ut quidam

indiscreti & magis sensuales, quàm intel-  
lectuales Philosophi asseverare haud eru-  
buerunt: Cum teste sapientissimorum  
Philosophorum turbâ, spiritus iste defini-  
atur esse vis in rebus infinita & per conse-  
quens non definita seu determinata: Nam,  
quàm longè ipsa emittit suæ activitatis ra-  
dios ex centro stellæ cœlestis, etiam eou-  
que potest spiritus iste centralis in terra &  
creaturis ejusdem suæ emanationis diame-  
trum extendere: Ita, ut quemadmodum  
radiofa stellæ cœlestis influentia deorsum  
penetrat usque ad terræ centrum, eodem  
planè modo quælibet stella cœlestis pene-  
tret ascendendo usque ad centrum suæ  
stellæ cœlestis, à quo radicaliter erat deri-  
vata; & quod opulentior, dirior & magis  
exaltata erit forma illa stellaris in creatu-  
ra, eò propinquius accedit ad naturam  
stellæ magis dignæ atque occultæ in cœlo,  
& per consequens facit radiorum suorum  
sive semidiametri suæ emissionis extensio-  
nem longiorè & validiorem. Iam verò,  
ut videmus quamlibet influentiam astralè  
in creatura naturali quodam instinctu id-  
que morè Sympathetico fontem cœlestè  
seu stellam à qua primitus est orta, aspice-  
re, atque itidem stellam illam cœlestem  
pariter paterno quodam respectu influen-  
tias suas deorsum ad filium suum terrenum,  
seu filialem suam formam vel ignem in  
creatura fovendum & nutriendum, emit-  
tere, adeò, ut earum ambæ mutuo inter se  
gaudere videantur & in reciproco eorum  
amplexu se recipiant secundum istud Phi-  
losophorum: Natura naturâ lætatur & na-  
turam continet. ò natura cœlestis verita-  
tis naturas Dei mutuo multiplicans: Ita eti-  
am species creaturarum, quæ una eadem-  
que influentia induuntur, solent ratione  
suæ similitudinis ad invicem radios sym-  
patheticos, hoc est, naturâ consensientes  
ejaculare, quibus in concordia & amore  
conveniunt. Atque ob istam rationem axi-  
oma Philosophorum antea allegatum est  
tale: Natura ex similibus procreare solet.  
& hæc est causa, cur quælibet forma spe-  
cifica in suo simili congaudere, suumque  
simile sine transgressione à suæ speciei li-  
mitibus procreare animadvertitur. Verbi  
gratia natura humana producit hominem,  
equina equum, semen fœniculi fœnicu-  
lum, faba fabam: Granum tritici triti-  
cum &c. Atque etiam natura rei taliter  
creata est amicissima sibi simili, radiof-  
que sympathiæ amabiles emitit, ut con-  
veniant & concurrant cum radijs, qui à  
suo simili emittuntur, ita ut ambæ naturæ  
consentiant & mutuo amplectantur: Vti  
in Magnete cum Magnete, atque Mag-  
nete cum ferro videre est. Nam si unus  
Magnetes inveniat seu occurrat alteri, am-  
bo se virtute Saturnini Sulphurei Spiritus  
aspicient atque se mutuo amplectentur  
Nam debita eorum applicatione unus ad  
aliū, emissionem radiorum à centro ad cir-  
cum-

conferentiam se aspiciunt, atque iterum contractione illorum radiorum in se invicem amplectuntur & allicient se ad se. Quod etiam inter ferrum & magnetem observatur: Nam, quoniam ferrum eidem constellationi cum Magnete subijcitur, suae stellae centrali fruitur, illi Magnetis in omni respectu convenienti: Nam ob istam essentialem eorum consanguinitatem in eadem miniera semper seu vena terrestri repetiuntur, ideo se invicem amare & tanto appetitu recipere observantur. Nam ab experientia docemur, lapidem foemminum, admodum & instar meretricis luxuriose ferrum nasculum attrahere & appetere: & non è contra, uti Averroes, Scaliger & Cardinalis Cusanus erroneè & falso existimant: Quippe quorum est sententia, ipsum ferrum allicere ad se Magnetem tanquam ipsius Originem & matricem, unde erat orta: Nam hac ratione polus Borealis in Magnete per se & à sua inclinatione propria citius ad stellam polarem, quæ est fons influentiarum centralium utriusque, moveret, quam Magnetis: At hoc totum experientia probatur falsum.


Iam verò ad confirmandam infinitam horum radiorum centralium in dictis duobus corporibus, minimum stellæ polaris & Magnetis seu ferri efficaciam optata est, ut prius Theoriâ quadam idoneâ sumus deduxi, ut tum postea faciliori cum Methodo in praxin descendamus. Radius (inquit Alkindus) qui à centro stellæ ad centrum terræ procedit fortissimus esse probatur in operatione suæ speciei &c. Quibus arguere videtur ad distantiam, quam incommensurabilem oculus stellæ radius seu influentia radiosa operatur & agit, etiam & in sua imagine seu effigie in terra. Nam alibi dicit hæc: Liqueat, radios stellares diversa constituere individua in hoc mundo &c. Iterum pro stellis centralibus seu influentijs stellaribus corporum inferiorum, & radios eorum extensionibus, hæc alibi Mundus Elementaris est exemplum mundi Syderei, ita, ut quolibet res in eo contenta ipsius speciem contineat, manifestum est, omnem rem huius mundi radios facere suo modo ad instar Syderum, alioquin formam Syderei mundi ad plenum non haberet, sed & hoc in aliquibus sensim manifestatur. Ignis enim radios caloris ad loca proxima transmittit, & terra radios algoris. Hoc igitur pro vero asserentes, dicimus, omne, quod actualem habet existentiam in mundo, Elementarium radios emittere in omnem partem, qui totum mundum Elementalem replent suo modo. Præterea distantia unius rei ab alia facit differentiam in effectu radiorum in rebus huius mundi: Hæc ille. Quo sermone certiores nos facit; Primum, nihil esse in mundo inferiori, quod non habeat suum simile in illo superiori à quo suæ ef-

fectus radios atque influentiam recipit: Atque iterum, quod, ut illa stella coelestis suos radios etiam ad terræ centrum ejaculetur, atque ideo tam latam habet activitatis sphaeram, ut quamlibet mundi totius concavi portionem scrutetur, ita etiam scintillæ illæ stellares seu radiantes, quas creaturis sibi subjectis emittit, cum stellæ earum sint in substantia & forma unum & idem cum suo fonte & consequenter continuatæ sunt cum eo, & ab eo haudquaquam spiritu & luce indivisibiles, omnes perscrutantur angulos regionis sublunaris; Imò verò ad fontem earum coelestem penetrare solent, à quibus vim suam vitæ fortiuntur, uti infra demonstrabitur, idque è claris indicatur, quoniam quolibet magni Magnetis portio utcumque minima, suos sibi polos ac circulos distinctos vendicat, æque, ac ille magnus, seu integer à quo erat excisa. His ergo redditur apparens, actionem cujuscunque rei elementaris effici tam ad distans, quam quando duo corpora sunt simul per contactum mutuum conjuncta. Verum rerum Elementariû actio, dum ab invicem separantur, debita applicatione atque influentiarum radiosarum in invicem infusione perficitur, quod vix credibile ratione occultationis actionis ipsius videretur, nisi illud nos experientia ex observatione attractionis ferri à Magnete ad distantiam doceret. Porro etiam imagines rerum de longe in speculis opticis discerni animadvertimus. Nec erat quidem minimum in Pythagoricis, atque nonnullis ex Philosophis Christianis artificium, suas mentes seu intentiones, alijs in locis diffitis seu regionibus longè à se distantibus viventibus, ratione reflexionum per vitra Mathematicæ præparata ac disposita in disco lunæ exprimere. Verum enim verò Philosophi nostri externi, qui solo sensu gubernari volunt, de determinata quadam activitatis sphaera somniant, limitesque huic spiritui sive naturæ mysticæ assignare haud erubescunt. Exempli gratia, quoniam Magnes attrahit ferrum, ut plurimum non nisi ad distantiam dimidiæ mensæ vel ulnæ unius; ideo ipsi putant ac concludunt vivificantem ipsius virtutis actum ulterius penetrare aut se in aëre extendere non posse, & consequenter solo corporis & non intellectus oculis ducti, terminare hæc sua observatione externa volunt Spirituales Magnetis extensionem: Sed, si oculos suæ inquisitionis corporeos claudere, ac more Philosophorum pericissimorum lumine mentali actionis tam abstrusæ medallam intueri velint, perciperent quidem, extensionem Spiritus radiosi in Magnete æqualem esse cum semidiametro propriæ stellæ coelestis suæ, cum utrumque sint unius ejusdemque essentiae: Ac pariter similis in ferro spiritus & cujuscunque ipsius portio, sed sunt plurima, quæ evidentem in Magnete effectum impedire possunt;

## SECTIONIS SECUNDÆ, LIB. II. Membr. II.

sunt, videlicet rei sive ferri ponderositas, cujus ratione illud extra circulum sensibilibus suæ emanationis attrahere nequit, atque radiorum à Magnete, emissorum dissipatio seu dispersio, nam radij ejus, postquam à Magnete emittuntur, eo magis in aëre aperto expanduntur, quod remotis à Magnete evolant, quemadmodum ex ista demonstratione luculenter explicatur.

Plenitudo virium in Stella  
Polari & ab ea.



Magnet


In qua A est Magnetis Polus, B. D. Basis radiorum ejus cum integro ejus vigore, quæ terminatur & se adaptat in principio virgæ ferreæ B. D. Ita, ut in tali contactu ad distans, nihil radiorum occulte à magnete scaturientium deperdatur: Sed tota ejus vis sita est in ferro, atque ob istam rationem ferrum facile à Magnete attrahitur, quoniam vis unita est fortior. At verò cùm ferrum in distantia longiore seu à Magnete remotiori disponatur, videlicet in C. tunc quidem major Basis Spiritualis pyramidalis emissionis portio, dilatatur atque extra latera ferri sine ullo ejus contactu, seu occurfu directo cum eo transit, at-

que ita virtutis Magneticæ actus nimis debilis redditur ad rem adeò ponderosam sibi in tali distantia attrahendam. Verùm quia stellæ ipsius coelestis radius, magnetis emissionibus occurrit easque fortificat, idè evidens est, stellam polarem operari in Magnete ad excitandam & animandam similem in eo vigorem: Atque ipse Magnetis taliter animatus atque in vigore suo vivifico auctus actioni stellæ illius correspondet, penetrando uno eodemque sympathetico consensu etiam ad centrum sui fontis coelestis, quod quidem facillimè in eo præstari potest, quoniam uterque sunt unius ejusdemque essentiae: Nonne animadvertimus hoc externa apprehensione esse verum, cùm observamus polum Magnetis Borealem in debito naturali atque obediendi respectu, stellam polarem constanter ad tantam distantiam respicere, quod aliter fieri non potuit, nisi radij eorum essent in medio, aëris, imò quidem in ipso æthere atque etiam in terra & mari conjuncti? Quis enim negare potest, ipsius stellæ polaris radios descendere in terram & operari atque conjungi cum radijs sibi similibus in magnete, ferro, atque etiam in terra cocta, cùm hoc idem ab experientia oculari doceamur? Si ergo Magnetes & ferrum ac terra sunt istius stellæ scintilla, cur obsecro, more sui fontis non emicarent scintillæ istæ pariter & ascenderent sive emitterent suos radios ad Stellam illam coelestem? Cùm certum sit & experientiâ probatum, vel minimum Terræ seu Magnetis magni fragmentum ex suo toto excisum seu divisum, adeò esse in suis circulis & polis completum ac ejus integrum. Vnde liquet, virtutem cujuscunque rei à formali scintilla in ea latitante procedere: Nam scintilla seu radius Solis eandem habet pro sua proportionem potestatem agendi & illuminandi, quam ejus fons Solaris, haud aliter ac videmus candelam parvulam taliter pro sua quantitate coruscare, quàm major illa, à qua lucis suæ principium duxit. Quare non est dubitandum, quin, si stella polaris suos radios impluat in corpus Magneticum, centralis etiam corporis magnetici Stella suos pariter radios ad coelestem sui fontis polaris sedem emittit. At verò praxi Astronomica docemur, distantiam seu intervallum inter hæc duo corpora, nimirum Stellam polarem & terram sive Magnetem esse adeò grande & immensum, ut extensio major in rerum natura respectu nostrum vix ex cogitari queat, nimirum illa inter coelum octavum, in quo est Stella polaris & terram: & tamen invenimus, hæc duo corpora se invicem respicere & simul operari sympathia admirabili; Imò quidem & quandoque, ubi non fit recta inter se dispositio, videntur inter se Antipathia satis notabili discrepare. Quid? An debet abstrusi istius Spiritus actio Phantasticæ seu ima-

Imaginarie alicujus activitatis sphaerae limitibus, juxta hominum nonnullorum imperitorum & nimis superficialiter in occultis Theauris atque atcanis seu centralibus actionibus Dei in creatura versatorum, opiniones terminari? Pari etiam ratione necesse habemus concedere, quod sit similis radorum occultorum concursus sympatheticus inter ferrum & Magnetem, quoniam eorum uterque, habet in se Stellas centrales seu radios influentias unius ejusdemque naturae sive essentiae ab uno fonte descendentes, quorum emanationes occultae, transeunt ad distantiam nobis incognitam, tamen earum effectus, accidentaliter nobis non magis appareant, quam ecclestes illae influentiae, quae de oculo super mineralia, vegetabilia, & animalia descendunt. Nihilominus si historiis & relationibus fidem aliquam adhibuerimus, à Serapione, Olao Magno & ipsis Mauris accepimus, apud Indos, versus polum Borealem esse scopulos nonnullos Magneticae consistentiae, qui naves à Magna distantia ad se trahunt, imò quidem, & tantam esse eorum in attrahendo virtutem, ut etiam clavos ferreos à lignea navium substantia quandoque extrahant, unde fit, ut naves & cymbas suas clavis ligneis & non ferreis condere cogantur. Atque iterum, quid est dicendum ad opinionem illam medici ac Philosophi doctissimi Fracastorij, quippe, qui post longuam suam in naturam Magnetis inquisitionem, concludere tandem videtur, rationem; cur Magnes suum polum ad Septentrionem convertat, esse, quoniam in illo mundi angulo multi reperiuntur montes ex lapide Magnetico consistentes, qui ferrum de longè ad se attrahunt. Quod si esset verum, sequeretur, ejusmodi scopulos Magneticos potuisse à sede æquinoctij ad punctum congelatum poli Borealis operari: Nam experientia docemur, nautas etiam usque ad lineam æquinoctialem facere acus magneticæ usum, ad explorandum, in qua altitudine navigent. Veruntamen, licet hoc nonnullis videbitur alienum & impossibile, tamen sunt quidem artis Geographicæ periti, atque in cartarum marinarum compositione versatissimi, qui huic Fracastorij sententiae firmiter adherent. Quibus videre licet, aliquos viros vulgariter sapientes atque doctos, videri intimare illam activitatis sphaeram limitatam Magnetis virtuti à Peripateticis & Christianis academicis assignatam, esse vanam & nullius momenti. Sed ut jam à regno minerali ad illud vegetabile & animale ascendam: Observamus quidem esse relationem admirabilem inter stellas fixas & erraticas, atque per eandem rationem inter plantam & plantam: Exempli gratia. Compertum est (teste Mizaldo) radios ac flores herbas Heliotropij, atque illius Cechorei, solere more Sympathetico radijs solaribus gaudere, & cum radijs il-

lius influentia convenire, eamque comiter amplecti: Nam se ipsas convertunt etiam in die nebuloso ad diurnum Solis motum: è contra verò nocturno tempore, ratione absentiae Solis flores earum se contrahunt, ac si essent tenebrae ac frigidae nocti inimicae. Etiam cepa in quibusdam regionibus (ut testatur Plutarchus) virefcit in decremento Lunae, atque iterum marcescere notatur crescente ipsa. Est etiam magna Sympathetica relatio inter cancrum ac utramque Lunam: Nam, dum crescit Luna, eorum succi augentur, at verò decrefciente ea, ipsi pariter in sua substantia diminuuntur. Porro ad irradiationem unius plantae ad aliam quod spectat, observatum est, Rutam herbam summa cum amicitia ficum arborem respicere, unde fit, ut haec planta nullibi melius aut copiosius vigeat & feliciori cum successu vivat, quam si sub ficu arbore plantetur. Atque esse etiam Sympathiam notabilem inter earum naturas, in eo redditur manifestum, quia in gustu & odore haud sunt dissimiles. Præterea si Myrtus prope arborem Granati plantetur, eam magis fercilem ac fructiferam efficit, atque ex altera parte granatum reddet myrtum magis edoriferum: Vnde liquet, unum praesentia alterius gaudere & lætari. Ac rei veritate ambo animadvertuntur convenire in unam conditionem Elementalem, ut pote quæ arbores sunt frigidae, siccae & astringentes. Verum ad exprimendam ingentem illam relationem Sympatheticam, quæ est inter naturam vegetabilem & mineralem, præcipue & cum diligentia observare debemus occultam illam in Corylo proprietatem: Nam si tempore quodam statuto, virga Corylina in extermitate furcata, ex arbore sua colligatur, & utraque pars furcata manu utraque sustineatur, ea tamen lege, ut locus, ubi virgulae trunco seu Baculo jungantur simul cum trunco

A. B. Directè perpendiculariter erigatur, Atque istiusmodi Baculi positione, ille, qui virgam seu bacillum tenet, montis summitatem, in quo minera auri vel argenti excogitatur esse, pertransit: Cum autem directè super metalli venam ambolet, virga perpendicularis A. B. Etiam inviro homine se (mirabile dictu) versus terram inclinabit: At verò, si non ad sit in monte minera talis tunc in suo



## SECTIONIS SECVNDÆ, LIB. II. Membr. II.

Agric. lib. de  
foss. Munst. de  
Geogr.

suo situ orthogonali constanter manebit: hoc esse verum, ego ipse testari possum: ed quod nonnulli Germani in fodinis Cambriæ seu Walliæ argenteis laborantes, hanc ipsissimam viam ibidem in venæ argenti inquisitione tentaverint. Porro est hoc artificium valde inter Germanos familiare & optime notum atque praxi quotidianæ adhibitum, in montibus Saxoniz & Hungariæ, ubi invenitur mineræ auri & argenti. At ne scrupulosi nonnulli huic rei fidem nihilominus minimè adhiberent, ipsos scire velim, Georgium Agricolum atque Munsterum mentionem de hac re in suis de Mineralibus tractibus facere, artificiumque hoc pro vero & experto confirmare. Deus bone, quantum tumultum facerent unguenti armarij hostes seu adversarij ad tale spectaculum intueundum? Quid? Quod ramus arboris insensibilis, duplici in suo termino virgula divisus, possit metalli argentei vel aurei sedem detegere, & consequenter per 600. orgyas in terræ viscera mediantibus suis radijs invisibilibus, idque trans scapulas venasque petrosas penetrare valeat. Anne hoc possibile, ut vegetabilis natura, quæ est minus activa, mobilis & calida, quàm est illa animalis, actum talem præstare possit, cum sit omnino (vix asserunt) impossibile, ut radiosa influentia seu emanatio animalis, queat ad distantiam remotam cum suo simili cooperari propter impedimenta castellorum, montium, scopulorum, nemorum, nebularum & similibus? Procul dubio concludent istiusmodi Philosophi superficiales, hoc mysterium vel minimè omnino verum esse, vel si sit, tunc non posse sine actu Diaboli perfici. Nam, cum spiritus animalis istiusmodi unionis aspectum ad talem distantiam complere nesciat, ane probabile est ut vegetabile insensibile hoc per se & ex propria sua inclinatione præstaret? Talis, sat scio, erit eorum hæc de re censura, qui ad iudicandum, antequam res, pro ut est, intelligatur, sunt paratissimi, cum sit in rei veritate harmonia illa in omnibus creaturis inferioribus proportionata, quæ ipsæ corporibus cælestibus seu potius Divinis in ipsis influentijs correspondent, quæ orbem suum ab unica capitali, Catholica & æterna emanatione ducunt, quæ radios suos tum essentielles tum Sympatheticos, quàm Antipatheticos in quem liber Globum Stellarem immediate infundit: Atque ipsi itidem eos in mundum Elementarem impluunt, efficientes hac communione consensum Harmonicum inter ambas istas regiones: Atque idè Alkindus ait: Omnia, quæ fiunt in hoc mundo & consingunt in mundo Elementorum, à cælesti Harmonia sunt translata. Certum est igitur, radios metallicos concurrentes in suo actu cum influentijs radijs vir-

Alkind. de  
rad. stellar.

gæ furcatæ esse in causa, ut illa virgæ Corylaceæ portio, deorsum se declinet, haud aliter, ac Magnes observatur ferrum & alium magnetem fortiter per ejus polum attrahere: Scio, quod alienum videbitur ejusmodi hominibus substantiam metallicam radios ex suis venis emittere: Verum si aded essent in vivis metallorum naturis versati, ac artifices illi, qui laborant in fodinis montium Tirolæ & Hungariæ, tunc oculari experientiâ certiores forent facti, quod ipsæ quandoque fulgura & tonitrua in terræ concavitate emittant, quæ opificibus admodum sunt periculosa, ita, ut nisi subito ex minera immediate post signa data exeunti, vel prone humi jaceant, extremum ut plurimum pariantur. Hæc à nobilibus Germanis fide dignis accepi, quorum alij fuerunt testes oculares: Sed ut in proposito nostro procedamus, est pariter inter creaturas inferiores Antipatheticos quidam aspectus haud aliter, quàm inter Stellæ nonnullas cæli speciales cum erraticas cum fixas: Atque unius creaturæ aspectus, agnoscitur alium alacrius abhorreere, ita, ut in eorum radiorum applicatione una observatur ab alia irascibili reformidabili seu odibili aversione declinare atque reflectere, Mizaldus ait, Cucumerem, ac si esset voce tonitruorum terrefactus sapiens ab ea mutari: Cæpa recusatur ab Aegyptijs in cibus, quoniam admodum ab alijs vegetabilibus differre observatur: Nam, ut omnes aliæ herbæ præter ipsam in lunæ augmento crescunt; Ita è regione sola cæpa vigescente luna suum recipit detrimentum atque diminutionem. Est etiam notabilis inter arborem ficum, nec non & vitulum marinum & fulgura Antipathia: Vnde oritur, quod istæ duæ à fulmine minimè percuriantur. Porro inter arundinem & filicem haud exiguum animadvertitur esse odium; Ita, ut, si radix pini ponatur super ramos alterius, cum quodam quasi contemptu & odio deijciatur. Inter omnes etiam bestias Elephas odio habet parvulum murem: Vnde evenit, ut, si quid frumenti, quod ijs pro nutrimento adhibetur, à muribus edatur vel tangatur, illud statim recusent atque abhorreant. Similis quædam Antipathia observatur esse inter naturas Catablepæ atque mustelas: Nam mustelæ sunt catablepæ instar veneni. Gallus gallinacius vulpem more Antipathetico evitat. Omnes colubri & augues timent & evitant arborem fraxinum, atque idè summâ curâ umbram ipsius tam matutinam, quàm pomeridianam effugiant. Iterum, Dioscorides ait, Taxum arborem usque aded venenatam, ut, si quis subter eam sedeat, damnum exinde sit accepturus, & quandoque vitam suam amissurus, Cælius Rodi-

Mizald. lib. 1.

Plin. lib. 8.  
cap. 10.

Ibid. 12.

Plin. lib. 16.  
cap. 13.

Dioscor.

Rodiginus asserit, colubrum timore hominis nudi percuti. Bene notum est & à multis authoribus confirmatum, catablepam, quæ non est nisi parvulum animal, solo suo nihilominus aspectu per mille ab ea passus interficere. Etiam homo lippitudine oculorum affectus, potens est alium hominem satis longè distantem, secreta quadam radiorum contagiosorum emissionem inficere atque etiam lippum reddere. Videmus, cæpam Lachrymas ex persona ad distans, idque sola radiorum suorum ejaculatione elicere. Præterea notum est factum, quodd, ut simile existens salubre soleat suum simile more salutari recipere; ita etiam simile existens corruptum, more Antipathetico, idque ad distans inficit & intoxicat suum simile, quod erat sanum. Quemadmodum observamus, oculum unius hominis ophthalmiâ affectum; Inficere nullum alterius hominis membrum præter oculum. Atque etiam unus phthisicus sive pulmones ulceratos habens, pulmones alterius hominis suo aulicè etiam ad distantiam convenientem vulnerat & lædit, idque applicatione seu concurrentia duarum irradiationum unius naturæ, quarum una est more Antipathetico affecta atque veneno, unde & aliam etiam, cui applicat, contaminare solet. Sed, ut ad Scopum nostrum Magneticum, qui est tam Spiritualem, quam corporalem, redeam, Affirmo, esse tantum respectum Sympathiæ Spiritualem inter unam creaturam atque alteram, ut amatum more mirabili Spiritum amantis sibi attrahat atque alliciat. Hoc idem ego ipse mirabiliter à cane meo aquatico effectum vidi: Nam in itinere meo Lugdunum Galliarum versus penularium meum super arcum ephippiarium pendens (in quo præter alia mihi necessaria, literæ Camby erant inclusæ) male perdidit, & cum ad ipsum perquirendum retrogredi tentassem, cursoris equum nullo modo præter consuetudinem, ut retro iret compellere potui. Vnde necessitate coactus eram, ut canem ad mea bona amissa perquirenda eaque mihi afferenda remitterem: Recessit canis, & postquam per spatium ferè dimidiæ horæ esset absens, penularium istud meum ore reportavit, quod quidem erat admirabile, considerando me equestrem fuisse, atque adeo, ut nullius pedis mei aut tractum seu odorem perferre potuerit & tamen nihilominus directè ad penularium, à me siti Tantalea in hiatus, properavit & percipiendo in eo mei odorem, rem protinus agnovit, eamque festino cursu ad me adduxit. Sed, ut propinquius & magis pertinenter ad huc accedam. Amicus quidam in societate mea tunc temporis existens, canem suum aquaticum in civitate Londinensi nocturno tempore perdidit: Interea nos ambo Domum quandam privatam, in qua vix fuit antea, sumus ingressi: Cumque in cubiculo ejusdem domus colloquium inter

nos privatum etiam clauso ostio habuissemus, paulò post semi horam canis revertitur & ad portam accedit, ipsamque strenuè suis unguibus, ut aperiretur, scalpebat, quo dominum adiret suum. Quibus evidens est radios affectionis ipsius, utcumque absenti corpore à suo Domino radiorum nihilominus sui Domini aspectum minimè deseruisse, unde factum est, ut ipsi cum ad locum incognitum tam directè conducerint. Nonne est etiam admirabilis illa Sympathetica emanatio ex columba dicta tabellaria, qua & cujus lumine tam directè per tot millia ad domum, in qua erat orta & enutrita tendere solet? Quam propter illam rationem tam charè amat & afficit, ut, tametsi per 500. millia in suo corbe clausa portetur, ipsa nihilominus directè retrò cum literis ejus collo Susphensis volabit. Quod quidem argumentum est evidens, ipsam directè à radijs suæ affectionis in via gubernari, qui modo quodam Spirituali continuantur & uniuntur, nec separantur à loco, in quo maxime delectatur. Quid dicemus in duabus personis, quarum una masculum & altera foeminam amat, & sine omni ratione afficit; Atque idè radijs affectionis suam amatam persequitur, tametsi è regione hæc illam abhorret, negligit, & non reciproco affectionis gradu recipere potest, sed radios sui amoris in odium avertit. At verò, ubi duo mutua affectione & unionne Sympathetica se recipiunt, ibi quidem actionis virtus ad distantiam longiorem suos producet affectus: Haud aliter, ac, quando duæ stellæ coeli radios suos semidiametraliter emittunt, & in uno eademque Harmonico affectionis puncto conveniunt. Imò verò, quemadmodum videmus experientiâ docti, esse magnam Antipathiam inter Spiritum contractum hominis interfecti & interfectorem; Adè, ut Spiritus vitalis mortui in suo centro frigoris contactu post mortem contractus, per passionem quandam irascibilem Antipatheticam, iterum à centro ad circumferentiam movere animadvertatur; faciatque sanguinem congelatum iterum resiliere & movere versus homicidam, ac si secundo sui hostis insultui resistere, vel si vindictam adversus eum capere vel petere voluisset: Ita quidem agnoscere & confiteri debemus, quodd, ubi Spiritus unus ratione Sympathetica cum alio similis naturæ concurrat, ibi potestas debet esse major; & consequenter actio ejus potest vim suam ad longiorem distantiam exercere, ut evidentè demonstratur in abstrusa operatione inter telam vulnerariam, unguentum armarium & personam vulneratam: De quibus verba tot feci in hostili illo concursu, qui inter Fosterum Presbyterum & me est factus,

E c z vide.



## SECTIONIS SECVNDÆ, LIB. II. Membr. II.

videlicet in libro illo meo adversus ejus librum dictum HOPLOCRISMA SPONGVS, sive spongia ad unguentum armarium delendum, cui libro meo titulus est, spongiæ Fosterianæ Presbyteri compressio. De cujus libri medulla in hujus mei discursus sine, Deo concedente veniam, dicam plura.

Argumentum Fosteri consistit in impossibilitate operationis unguenti, seu potius vivi sanguinis emanatione seu influentiarum ad sanguinem mortuum & congelatum emissionem, tam remotam ad distantiam à nonnullis propositam. Quæ quidem impossibilitas, si vera in regno animali esset, quod cæteris duobus regnis magis dilatatum & minus vinculis corporeis ligatum; ad miror ego, cur non sit magis impossibile, in corpore minerali ratione suæ soliditatis firmæ atque constrictæ & per consequens ad influentiales radios continendos atque retinendos minus apto, quam in corpore aliquo magis Laxo, molli & poroso. Præterea corpus animalis vivi est calidum & igneum & consequenter ad dilatandum & radios suos remotius emittendos promptius; ut illud minerale est frigidum, atque ideo in radiorum suorum ejaculatione minus activum & potens. Et tamen nihilominus experientiâ docemur, Magnetem stellam polarem respicere, eique aspectum suum Spirituales emittere, atque itidem, stellam illam radios suos in eadem distantia ferè in commensurabili ad metam suam mineralem ejaculare, quemadmodum in præcedentibus est demonstratum: Quod cum ita sit, cur, obsecro, non potest Stella animalis à fonte Stellari seu coelesti derivata, radios seu influentiam etiam suam in sanguine congelatam terræ suæ unctuosæ, videlicet unguento infusam, aut in Spiritum sanguinis invisibilem in poros instrumenti vulnerantis, & præcipue ferri ratione naturæ suæ attractivæ sulphuræ absoꝛptum effundere? Nam experientia confirmat, quod, quamvis sanguis nullus corporeus inveniatur super Gladium, vel pugionem & similia: Tamen, si locus teli, qui vulneravit, unguento perlinatur, curat etiam ratione aspectus sui Sympathetici: Nam Chirurghi rurales seu rustici sunt experti, quod, quando non sunt ausi vulnus aliquod profundum probare ferreâ examinare, tamen per impositionem Gladij in ignem facillimè disceꝛant, quàm alitè relum in carnem penetraverit. Nam portio illa teli seu Gladij, quæ vulneravit, calorem suum mutavit, & magis fusca vel coerulea, quàm reliqua apparebit: Hac, inquam, sua observatione intelligunt, quàm profundum sit vulnus. Atque ideo hoc est argumentum egregium ingressionis spirituum sanguineorum in instrumenti vulnerantis substantiam: & consequenter liquet, esse Spiritus essentielles, quæ emanant seu exeunt à sanguine à corpore exilienti.

Quibus arguitur ad versus M. Fosterum, quod, si grossiores in sanguine Spiritus valeant firmam chalybis substantiam penetrare, probabile est, Spiritus eorum tenuiores posse sine ulla resistentia res omnes alias utcumque compactas ad instar influentia permeare. Nec possunt ista à me jam nunc relata videri vel miracula vel saltem impossibilia, cum etiam experientia testetur in muto & surdo seu insensibili minerali hoc idem esse effectum: Nam acus seu Chalybs solo Magnetis contactu solet spiritus ipsius imbibere, qui quidem Spiritus à ferro ita absorpti penetrant per ejus totum, & consequenter cuilibet ipsius portioni in sunt: Nam Axioma hoc à præstantioribus Philosophis in mysterio Magnetis optimè versatis, est tale.

Si obelus ferreus seu fili grossi ferrei portio, ex uno termino, Magneticè tangatur, vigor Magneticus totum permeabit forrum, habebitque illud virtutem contrariam in utroque extremo seu polo axis illius, unam nimirum Borealem atque aliam Australem, & pars axis dimidia erit unius naturæ & altera ejus medietas alterius. *Problemæ.* *Ridleys: Tra& Mag. cap. 6.* ~~ARTICULUS~~ a. Vbi a. Habet naturam Septentrionalem & b. australem. Hic est canon eorum generalis.

Verum enim verò huic meo proposito propius accedam & demonstrationem meam à minerali ad vegetabile, transferam, ut hac ratione simile per suum simile meliùs; & perspicuiùs in subiecto nostro animali exprimere queam. In animo meo igitur est, grano tritici insistere, quod, cum in terra sit mortuum & putrefactum, radios Solis influentiâ à morte resuscitatur: Nam simile, magnetica quadam virtute, attrahit ad se suum simile, & simile suo simili gaudere solet, ac simile resuscitatur & vivificatur, hoc est, à sua quiete centrali evocatur à suo simili illud evocante, alliciente & amplectente, atque hac ratione substantia radiosa, seu atomi solaris influentia in grano tritici ociosa manens & nihil operans, in centro ejusdem jam grano corruptione dissoluto, excitatur à suo simili externo ad agendum & operandum pro sua ex ceno elementari seu viscosis compositionis elementaria ligamētis redemptione. Atque ideo, ut Spiritus vitæ in tritico contractus erat à frigore circumferentiali externo in centrum, ita jam præsentia Solaris irradiationis recentis de desuper descendens, à morte quasi ad vitam resuscitatur, & hac ratione assistentia radiorum coelestium surgit extra grani corrupti limites, ac terræ superficiem penetrat, pendetque extra & super eam in aëre aperto, summoque conamine tenet in patriam suam solarem, à qua descendeat, ascendere; Sed in suo motu ad sursum à sub-lunari substantia, tanquam catenis elementalibus, quæ ipsum undiquaque includunt & ligant, ex omni parte sale aëris volatili circum-

Vitellus de  
demonibus.

circumdatum & loco ascensionis suae ad patriam suam desideratam, coactus est fixae summmitati stipulae suae adherere : Atque suam speciem ibidem multiplicare ac ita alia grana ipsis similia producantur in aëre. Simili etiam ratione Sol vitae microcosmo in sanguine regnans, radiorum suorum Spiritualium emissiones facit, qui sunt ei continuitate inseparabili conjuncti & per consequens à Spiritu in sanguine congelato, qui telo vel ferro absorbetur minime divisi : Nam tam purus, subtilis & dignus est vitae humanae Spiritus, ut qualibet creatura natura, naturaliquodam instinctu cupiat de eo participare ; Imò verò ipsi *Dæmones*, lucifugi dicti, ob istam rationem corpora humana possidere dicuntur, nimirum propter excellentem in eo temperiem, ut testatur *Pfellus*. Nec velim, ut quisquam meam assertionem respuat, cum sit certum, in ipsis lapidibus atque mineralibus surdis, esse passionem concupiscibilem, quemadmodum in *Magnete* & ferro videre licet, & spiritus ferri, tametsi sit mineralis, est etiam ejusdem conditionis in Catholica sua natura, cujusmodi sunt omnes alij spiritus. Quare nolim, ut aliquis admiretur, eò quod dixi, mineralem spiritum effectare illam animalem & vegetabilem : Verum ego demonstrationem satis probabilem ad istud probandum producam. Est comes quidam nobilissimus Angliae, dictus *The Carle of Bridgewater*, cujus Hortalanus manum suam falce foenaria crudeliter in gramine metendo vulneravit, magna sanguinis copia est perfusa, nec fisti potuit haemorrhagia, comiti annuntiatum est hoc, ejusque hac in re opem implorant : Quippe quem unguentum armarium habuisse & in usu ejusdem fuisse optime versatum novērunt, ipse protinus iussit, ut falx à ligneo suo sustentaculo seu manubrio percuteretur & ad se adduceretur. Hoc à vulnerato audito ille marculo in manu vulnerata retento lecto satis valido ferrum percussit, quo facto in instanti, sine ullo alio remedio cessavit sanguis, nec ab illo impulsu guttam aliquam perdidit, ac si Spiritus mineralis, qui illam animalis comprehendebat esse, lectu illo terrefactus & pavore quodam & Spiritus vulnerati in cussus, ac proinde integram suam attrahendi & spiritus percutientis retinendi facultatem amisit, aut quod Spiritus vulnerati, in ferrum imbibiti, in harmonia cum Spiritu vulnerati consentientes in eo quasi vindicta, quam vulneratus sumpsit in ferrum seu telum, gradere videretur : Nam sciendum est, esse Sympatheticam & Antipatheticam irradiationem aequè inter animalia & mineralia, ac inter animalia & animalia, & mineralia ac mineralia. Sed observa obsecro secundum hoc de unguento armario experimentum. *Bevis Thelwell* eques auctatus, mihi fide sua data retulit, quendam rotarum lignearum fabrum graviter securi

fuisse vulneratum, hic à chirurgis prius erat tractatus, sed sine ulla dolorum mitigatione : Ita, ut per quatuor vel quinque noctes dormire haud potuerit : Tandem ejus amici auxilium ipsius instanter exoraverunt, ut pote quem multum Boni unguento armario praestitisse intellexerunt : Ipse autem securim ungebat, & uti mos est, lintheo involuebat, ac protinus dolores sunt mitigati, ita ut jam dormire inceperit. Quo audito, ipse tentandi gratia, nimirum, ut rem sibi à pluribus relata experiretur, paucum lineum à securi removebat, & ex unico securis unctae angulo unguentum scalpello abradebat ; Quo facto, certior immediate factus est, ipsum vulneratum admodum esse de dolore ex unico vulneris angulo subitò exorto conquestum : Vnde ille confestim nudam & abrasam securis portionem iterum illinivit, & confestim sedatus est dolor. Hoc idem etiam experimentum à *Capitaneo Stiles* & *Nicolao Gilbourne*, Equite, viris fide dignissimis est probatum, uti in responso meo ad *Fosterum* inferius explicatum apparebit. Possum etiam affirmare ex mea cognitione, in *Cœmeterio* super montem de *Bredstreet*, Anglicè *Bredstreet hill*, in civitate Londinensi, quandam viduam generosam, pyxidem hoc unguento plenam possidentem multos dolore dentium affictos, curasse, efficiendo inprimis, ut dentium dolentium gingivas Bacillo acuto vel ex roremarino vel simili pungerent, quosque paucillum sanguinis emanaret : Hoc peracto, Bacilli partem seu terminum sanguine perlutum in unguentum immergit, & paulatim cessarunt eorum dolores. Inter reliquos mulier ex vicinioribus quaedam, conditione temeraria, contentiosa, & probra dicaculé dicere satis apta, dolore etiam dentium vexata est, ac tandem eodem modo cum cæteris curata. Hæc nihilominus paucis post diebus verba opprobriosa ancillæ illius generosæ dedit, nec quidem Dominae beneficii pepercit malevolâ suâ linguâ : Quibus generosa allatis, ut erat more jocosæ disposita, inquit ipsa ridendo, tunc tentabo ego experimentum mihi ab unguenti istius datore relatum : & protinus pyxidem unguenti adit, bacillumque ad hanc mulierem pertinentem extrahit, ac in pelvim aquâ plenam injecit : Quo facto mulieris illius temerariae dolores redierunt, ac reconciliatione tandem facta secunda vice est curata. Quibus accidentibus à me cum diligentia observatis præcipuum Spiritus inclusi solacium in ipsius à frigore externo præservatione, consistere animadverti ; & quod si unguentum ab eo removeatur, aer gelidus, qui est spirituum sanguineorum activitati adversus, erit ad ipsos congelandos potens, atque ita per consensum influentiae radiosae vitae à vulnere ad Spiritus inclusos emissæ & ad eas inseparabiliter continuatæ (nam erat unus

## SECTIONIS SECVNDÆ, LIB. II. Membr. II.

idemque Spiritus juxta Ezechielis testimonium in duabus proprietatibus qui fiat à septentrione & ab austro) intemperies contingit Spiritui incluso & congelato in telo ab effectu remissionis radiorum evocatorum, & quasi per cartificationem vulneri patientis. Iterum considerare debemus, sanguinem separatum quemlibet in se habere Microcosmi respectum: Haud aliter, ac una Magnetis portio ab integro divisa, in se omnes totius Macrocosmi proportionem habet, nempe polorum, Equinoctij &c. Equè ac totus, adè, ut Idea membri vulnerati existat in Spiritibus sanguinis emissi, suamque relationem ad quamlibet ejusdem partem faciat, haud aliter, quàm poli portionis alicujus integri Magnetis, utcumque minimæ, respectum habent ad totum; Vt etiam est similis attractio occulta & emissio radiorum inter parum sanguinis missum & integram sanguinis massam in venis retentam, ac est inter Magnetem parvum à Magno amputatum, & totum. Concludo igitur, quòd, ut Spiritus sanguine amputato congelati, & ferrum jam possidentes virtute caloris homogenei atque unctuositatis unguenti, quasi maturefcere & paulatim respiratione insensibili versus suum fontem exhalare observantur, non aliter, quàm scintilla grani tritici in sua terrea à frigore externo præservata, extra terræ Margines aspirare & sursum ad solem cœlestem tendere conatur: Ita quidem vulnus in vulnerato paulatim sanari vidimus. Atque huc usque pro modo actionis inter vulnus & unguentum armarium sive Magneticum: Iam verò de intervallo seu intercapedine, quæ sita est inter vulnus & unguentum, discurrem paucis.

Distantia inter Stellâ Polarem & Magnetem est incognita, & tamen unam in alteram per radiorum suorum reciprocorum sursum & deorsum emissionem operatur: Unde constat, nullam hisce eorum actionibus posse sphaeram activitatis ascribi: Sol atque Spiritus in grano tritici eodem plane more inter se agunt; Nimirum continuatione unius ejusdemque naturæ. Ecce ergo hic limitata & conterminata activitatis sphaera omnino aboletur, quoniam nemo potest justè determinare Solaris influentiæ extensionem, de cujus essentia granum in tritico participat: Non aliter, quàm Magnes parvulus à Magno excisus suis similiter cum illo Magno fruitur polis & circulis. Homo influentiam subtilissimam Spiritumque vitæ vivacissimum ei ab alto infusum, hoc est, inspiratione divina inspiratum habet, in quo sita est quatuor ventorum proprietas, uti nos docet Propheta Ezechiel: & consequenter ideam cujuslibet naturæ in se habet. At istius spiritus essentia est indivisibilis, atque idè Spiritus vivificans ab eo in hominem missus, omnes Spiritus illius, qui eum misit eu infudit, proprietates, non aliter, quàm

minor Magnes (ut iterum iterumque huic experimento insistant) ex majori demptus proprietatem majoris in omni respectu acquirit, & consequenter Spiritus unius non Magis ab altero dividitur, quàm radij Solares à Sole. At verò Spiritus Domini, qui implet omnia (uti ait Salomon) suæ operationis virtutem magis minusve intendit in homine, prout est ejus voluntas, atque idè nullo modo phantasticam illam activitatis sphaeram admittit, quàm humana illa sapientia, intelligit subjectum Philosophiæ Paganorum (quod est stulticia coram Deo) invenit, ob istam igitur rationem Hermes hæc habet: Anima mente deoque plena intima mundi replet, complectitur extrema, vitamque hæc omnibus suggerit, Dat vitam Magno illi animali mundo & Spiritum omnibus, quæ in eo vivunt. Atque ipse alibi: Naturâ in corporeâ nihil est capacius, nihil velocius, nihil validius aut potentius: Sic iterum à te ipso incipiens meditari, atque animæ tuæ præcipito, quæ citius, quàm præcipies, evolabit, lubeto, inquam, ut transeat in Oceanum illa, priusquam jufferis, ibi erit, inde, ubi nunc est, nequaquam discedens. Iubeto iterum, ut in cœlum volet, nullis pennis egebit; Nihil enim obstabit cursui, non Solis incendium, non ætheris amplitudo, non vertigo cœlorum, non Syderum antiquorum corpora, quin penetrans omnia ad supernum usque corpus transcendat. Quin etiam, si volueris globos omnes transire cœlorum, quodque superius est investigare, id quoque tibi licebit. Ad verte, quanta sit animæ tuæ potestas, quanta celeritas. Hæc ille: Quibus duobus Hermetis testimoniis observare possumus inprimis, animam in genere, atque idè in specie seu particulari esse divinitate plenam, & per consequens, istam Divinam essentiam, quæ operatur omnia in omnibus, in esse huic animæ & cuilibet membro ejusdem, uti testatur Apostolus. Atque hinc est, quòd Philosophus iste verus in loco antea citato dixerit, animam mente deoque plenam esse: Secundo, istam Divinitatem in Spiritu Catholico creato omnia implere in Angelica quadam existentia, hoc est, quatenus spiritu vasto mundano quasi veste induitur. Et huic astipulari videtur pagina sacra, dicens: Spiritus Dei incorruptibilis inest omni rei, atque idè est actus vitæ mundanæ essentialis, quemadmodum libro primo istius Sectionis probavi, unde & dictus Hermes alibi: Animæ universæ, per omnem mundum ab una mundi totius anima profluunt, tanquam distributæ circumferentes &c. Quod quidem cum illo Salomonis antea allegato convenit, nimirum, quòd omnes in isto mundo animæ sint quædam emanationes radiose ab irradiatione Catholica procedentes, quæ à fonte æterno actus illuminantis procedit, quibusdam parcius, & nonnullis copiosius.

Hinc

Ezechiel. 37.

Fimand. 17.

Sep. 12. 1.

Fimand. 18.

Hinc ergo homo dicitur Angelis in dignitate esse paulò minor, ratione largæ lucis à Deo ei concessæ portionis. Spiritus Dei (ait Iob) fecit me, sed inspiratio omnipotentis fecit me intelligere. Tertiò, quòd in noctu quasi oculi potens sit, anima penetrare per omnia, idque ad quamlibet distantiam, & per consequens ab aliqua sphaera activitatis imaginaria non terminabitur. Sed M. Fosterus cum suis associatis ait & replicat, spiritum istum, qui debet in sanguinem & sanguine ad unguentum operari, esse naturalem & minimè divinum. Profectò non possum ad hanc ipsorum assertionem non subridere: Ac si quis diceret, quod actus iste vivificans atque etiam omnium aliarum facultatum ad Spiritum humanum pertinens, suam originem ab uno eodemque fonte divino non hauriat, cum ab Apostolo doceamur, quòd in eo vivimus, movemur & sumus: Iterum dicitur, in sanguine esse vitæ seu Spiritus vitalis sedem. Et D. Iohannes in Verbo erat vita. Dicam igitur, quid quidam verus Philosophus scribat de hoc puncto. Anima (inquit) ad similitudinem totius sapientiæ facta, omnem in se gerit similitudinem, estque Spiritus intellectualis, semper vivens, semper in motu & secundum sui operis officium varijs huncupatur nominibus: Dicitur vita, dum vegetat; Spiritus, dum contemplatur; Sensus, dum sentit; Animus, dum sapit; Mens, dum intelligit; ratio, dum discernit; Memoria, dum recordatur; Dum vult, voluntas: At illa omnia non sunt, nisi unica prius essentia anima, utcunque sint proprietate diversa. Hæc ille. Vnde patet, eundem esse actum essentialem, qui facit vitam & contemplationem, sensum ac intellectum, & qui producit memoriam & rationem: Denique est ille, qui vult & non vult. Quæ cum ita sint, nonne graviter peccant homines ignorantia obruti, qui volunt & perhibent, actiones occultas istius Spiritus abstrusi, quo mediante ipsi vivunt, moventur, intelligunt, inter bonum & malum discernunt, recordantur, vident, audiunt, tangunt & gustant, esse effectus Diaboli? Atque hinc inde splendidissima ipsius animæ dignitas & honor (arcanas ejus operationes Diabolo ascribendo) irreligiøs ac falsò loco gratiarum ei debitæ actionis pro assistentia sua violatur, & in oculis mundanis commaculatur. Et, cur, obsecro tam absurdè faciunt illi? Quoniam scilicet ad profundam ipsius activitatis medullam, qua mediante vivunt, moventur & existunt, se nesciunt immergere. Hinc ergo activitatis ejus extensionem limitibus juxta placitum suum terminare haud erubescunt, qui (utcunque hoc sit ipsis ignotum) ab ipso suam vitam & voluntatem accipiunt, ipsi iudicibus temerarios limites pro placito ascribendo, est in sua existentia infinitus, quatenus est Spiritus ab emanatione

divina haud divisus, quæ in sua extensione est infinita. Ergo evidens redditur, Spiritum istum vivificantem actiones suas ad quamlibet in mundo metam à quacunque natura specifica; sed præcipuè à creatura microscopica emittere, idque eò citius & volentius, si meta sit unius ejusdemque conditionis cum vehiculo spiritus, nimirum sanguine effuso, commensurando in primis distantiam, quæ est inter vulnus & unguentum. Præterea invenimus hoc confirmatum, ab alijs ipsius operationibus in eadem minera microscopica effectis, à qua radios suos ad distantiam haud determinatam ejaculat. Exempli gratia, experientia comprobatur, idque vijs merè naturalibus, nulla delusione Diabolica seu artificio superstitioso concomitante, quod si urina icteritij ad medicum deferatur vel ad aliam personam, etiam ad multa millaria ab ægroto distantem (quemadmodum à nobilissimo comite de Mulgrave, viro admodum iusto & religioso est super centum personas probatum) & medicus vel alius cum urina illa & cineribus fraxini pastam componat, eamque in 3 vel 5. portiones dividat, easque in formam rotundam deducat, & in singulorum globorum summitate foramen parvulum faciat, illudque urina cum unico croci grano impleat, ac denique hos globulos in aliquo vase loco convenienti seponat, Ipse Comes, dico, cum filiabus suis testatur, hoc fuisse verum, & virtute istiusmodi sæpe se curare solitum esse, ubi experimenta medicinalia nimis ad hoc opus debilia atque invalida sunt reperta. Et jam ego istius rei testimonium perhibebo: Anno 1630. Chirurghi uxor juxta turrim Londinensem habitans, icteritia & ventris torminibus laborabat graviter: Post plures medicos opera sua in vanum adhibentes, me tandem vocarunt; Sed non obstante meo conamine morbus in vigore suo perstitit: Quare ipsa me de curationibus à comite isto peractis mentionem facientem audiens, oravit, ut literas meas pro ipsa ad nobilem illum mitterem. Puer cum literis urinam protinus ad comitis domum ferebat, ubi duos alienos gratias pro eorum de icteritia curatione agnoscences invenit. Pro amore mei urina erat recepta, reditque servus. Sed observetis velim sequelam, ut primùm puer cum urina suæ dominæ discessit ab ea, ægrotæ animus erat admodum à foeminis quibusdam garulis &c. Superstitiosis, perturbatus, quippe quæ ipsam fecerunt certam, ram istam sine ope Diaboli seu cacomagie præstari haud poruisse, atque ideò hunc actum fore tam pro ejus corpore quam animo periculosum. Quo audito, ut illa ipsa erat conditio ne satis superstitiosa, suspiciosa & nimis incredula, clamare incepit contra Magiam & veneficium, & admodum facta est inquietata. Quod cum intellexissem, eam ut pote ingratam & incredulam, nolui amplius vi-

## SECTIONIS SECUNDÆ, LIB. II. Membr. II.

Vitare sed subito ad nobilem mihi, ut opus illud, si potuisset, globulos rumpendo destrueret, nulliusque momenti efficeret; Renuntiavit, se hoc facturum, verum affirmavit, hoc fuisse nimis tardum, dicendo opus illud, invito eo fore completum. Et profecto mulier hinc inde subito incepit convalescere, & fortasse ipsa curandi rationem alicui alij medicamento, nullius in hoc opere momenti, ascripsit. Non possum etiam aliam hoc in loco de hac re Historiam cellare. Quædam scemina nobilis Baronis filia & Equitis auri nobilissimi uxor, morbo ieteritio laboravit vehementer, curavi eam fere binis vicibus, sed iterum invaluit morbus. Quo viso, consului marito, ut urinam ad comitem mitteret: Fecit quod monui. At comitissa ipsa voluit curam hujus sceminae nobilis suscipere honoris gratia. Aliquid momenti effecit hæc ipsius præparatio in morbi curatione, eam verò ad felicem exitum perducere non potuit, unde urina iterum secunda vice mittitur & à comite disponitur, ac statim nullo interea temporis medicamento adhibito, convalescit. Hujus rei plurimi præter me fuerunt testes. Denique ego ipse modum atque rationem hujusce curationis haud ignoro: Nam comes ille, nobilissimus, ex sua gratia eum mihi communicavit, imò verò & virgines, filia ejus nobilissimæ multos tam pauperes, quam divites ex gratia curaverunt. Et comes mihi affirmavit, se nonnullos ad distantiam centum fere milliarium curasse. Iam verò istius curationis ratio non aliter efficitur, quam illa unguenti armarij. Nam Spiritus Sanguinis in persona infecta habet continuatam relationem ad suum salem; Imò verò & ejus habitatio inest aëreo Sanguinis Sali, qui quidem Sal, cum sit subtilis terra, in cujus centro Spiritus contrahitur, & cum sit ille Sal per urinam, quæ est serum Sanguinis, dispersus, allicit atque attrahit sibi suum simile à corpore infecto, à quo existens ipse quasi resuscitatus & de novo vivificatus, radios novos emittit ad occurrendos, consolandos & corrigendos radios illos infectos, qui ex corpore ægroti ejaculabantur. Atque iterum spiritus humoris ieteritij inficiens, ratione tum croci, tum salis in cineribus reprimitur; Ita, ut, quemadmodum ille moritur, ita huic ieteritius insultans cum venenoso suo Spiritu paulatim marcescat ac finaliter extingatur. Quibus patet, quod mediante uno eodemque Spiritu in sale urinæ atque illo in sanguine ægroti sive ieterici sunt ambo more Sympathetico recreati & emundati, atque humor corruptus, idest Spiritus inficiens, tam in ægroti corpore, quam in urina more Antipathetico extinguitur atque annihilatur. Hoc igitur respectu comparamus illam compositionem ex cineribus, urina & croco in istiusmodi curatione ieterica cum unguento armario & consolidatione vulnerum, atque

urina ab ægrotato translata, ad massam sic compositam cum sanguine seu spiritu in telo seu gladio vel similibus: Ac exsuscitationem Spiritus congelati in sale urinæ, refero ad Spiritum revivificantem & exagitantem in sanguine mortuo seu Spiritu à porosa ferri seu teli substantia imbibito. Aded, ut videmus hunc unum & eundem consensum: Nam, ut sanguis mortuus processit à vivo fonte sanguinis, ita quidem urinæ, quæ est serum seu serosa sanguinis substantia Spiritibus sanguineis haud quaquà destituitur in transplantatione Spirituum sanguineorum humanorum. Quid censemus de admirabilibus ad alia animalia vel vegetabilia effectibus? Certè haud illos latere potest, quin Mysterijs Magiæ naturalis tam macro, quam microcosmicæ versati sunt, Munia Spiritualia, cujus sedes est in sanguine microcosmico ex corpore humano mediante quadam substantia Magnetica ex eodem subiecto electa extrahi posse, atque in bestiam, arborem vel plantam transplantari; Ita, ut hac etiam ratione morbus ægroti possit ab eo in dictas creaturas transferri, istiusmodi operationis seu Magnetis microcosmici virtute, atque hujus rei praxis libro sequenti luculenter explicabitur. Similiter Johannes Rumelius Pharamundus profitetur, se plurimos podagra laborantes tali via curasse, nimirum pedum ac tibiærum ægri pilos & ungues abscindendo, eos in foramen, terebrâ ad medullam quercus usque factum, intrudendo, ac tandem foramen illud obturamento ex eadem arbore formato firmiter occludendo, ac denique locum perforatum stercore vaccino undique oblinendo. Tunc, (inquit) si podagra in trium mensium spatio non reveniat, quercus erit sufficiens, ad morbum more Magnetico ad se attrahendum: At si in eo spatio reveniat, tunc hoc est argumentum insufficientiæ magneticæ quercus virtutis. Quare tunc procedit in hunc modum: Aliud in alia quercu perforat foramen, ut antea, & frustra, quæ ex foramine in perforatione exierunt colligit, ea contundit, in sacculum lineum confuit, hunc sacculum loco dolenti applicat, atque hoc facere solet per tres dies ante novilunium, tunc in hora novilunii aufert sacculum à loco & extrahit frustra lignea, eaque in foramen immittit, illudque obturamento forti occludit. At si tandem post tres menses non perfectè curetur, tunc ad tertiam suam operationem pergit, quæ est huiusmodi 1. capit pilos & ungues patientis, eosque ligat ad dorsum locustæ seu cancri fluvialis, animalque ita in flumen projicit, & patiens curabitur. Hoc profiterur iste in medicina Doctor in quodam suo libello idiomate Germanico impresso: Atque ibidem mundo publicare videtur, se multos primo hoc suo, experimento curasse, atque haud paucos primo & secundo, ac denique se quam plurimos podagricos de-

plo-

ploratos modo suo ultimo ad pristinas sanitatis limites reduxisse, testatur. Concludit autem, istum curandi modum communiter inveniri certum, in illis podagris, quæ a causa sulphurea contingunt: At (inquit) in ijs, quæ a salis & Mercuriali natura procedunt, frequenter errat. Atque proinde ipse Magicam istiusmodi curandi rationem relinquendo, ad illam, ex topica adhibitione consistentem, se accingit.

In tractatu illo meo, dicto, Spongiæ Fosterianæ expressio, Historiam satis mirabilem recitavi, de admirabili illa Sympathia, quæ est inter herbam dictam rosam Solis & matricem mulieris; dixique, quomodo ipsa in aquam Plantaginis imposita se ipsam claudat vel contrahat, & quod si pars illius aquæ bibatur à muliere partu laborante, atque herba in aqua ad aliam removeatur domum, tamen nihilominus partu ipsius instante flos vel herba illa paulatim se aperiet atque dilatabit, haud aliter, quam matrix parturientis asfolet. Evidens profecto argumentum, quod radij, qui emittuntur ab istis duobus, inter se mutuo Sympathizent. Concludo igitur esse manifestum, quod, cum Spiritualis attractiva virtus in qualibet creatura inferiori descendat à Stellis cœli, & sit unius continuatæ naturæ cum ipsis, ut radij solares, qui non

sunt, in terra à suo fonte lucido divisi, sequitur, ipsas radios suas insipientias sibi invicem nequaquam aliter emittere, quam duæ stellæ cœlestes à quibus stellæ creaturarum descendunt, suos aspectus in aëre aperto facere animadvertuntur: Ita, ut, si duæ in cœlo stellæ sint amicæ, mutuo soleant Sympathizare, & quasi seipsos in sui occursum seu irradiatione amplecti: At si sint sibi inimicæ, tunc in suis applicationibus Antipathizabunt & volenter ab amplexu declinabunt. Ad distantiam autem, quam in mutuis actionibus observant, quod attinet, illam imaginari debemus, tam longè se extendere, ac radij ipsorum, qui faciunt applicationem, ad invicem distant. Et velim, ut tales, qui tantummodò in rebus sensibilibus versantur, sciant, harum creaturarum actionem per applicationem ad invicem occultè operari, tamen si affectus illius actionis non semper sensui subiiciatur, nec non concipiant, suadeo, quod, quod propinquiùs in affinitate naturali Stellæ sunt in cœlo, & per consequens creaturæ istæ inferiores, quæ Spiritibus superiorum subiiciuntur, eò efficaciores erunt effectus eorum Sympathizantes, quoniam radij eorum ejaculabunt & convenient magis directè, hoc est sine ulla deviatione vel declinatione ad invicem.

## CAPUT VI.

*Quod Diabolus ad stratagemata sua adversus genus humanum perpetrando, usum rerum naturalium sive creaturarum Dei faciat, sine quibus nihil præstare potest: Ac utram res illæ naturales sint adeò Cacomagicæ & per consequens ab hominibus evitandæ, quoniam effectus earum occulti sese quandoque voluntati Diaboli conformant.*

**L**egimus in multis sacre scripturæ locis, Diabolum usum facere de creaturis Dei ad sua stratagemata & machinationes pravas adversus genus humanum perpetrandas. Exempli gratia, Satan ad fortunas Iobi auferendas, paupertatemque ei inferendam, usus est ventis Dei, & vocavit (ut testatur Textus) ignem Dei à cœlo ad bestias sive armenta ipsius consumenda. Deus tamen nobis Christianis melius, quam, ut ob istam rationem creaturæ illæ Dei, pro Cacomagicis & Diabolicis idè à nobis haberentur, quoniam Deus ipsas ad voluntatem suam per Diabolum exequendam, aliquando, disponit: Ipse etiam fecit Diabolum aëris principem; Ita, ut in ejus potestate sitæ sint tempestates in mari atque cœlo Elementari incitare, & hac de causa aër quandoque & à quibusdam distatur Synagoga Satanæ, Quid? Anne idè aërem & ventos abhorre & in abominatione habere debemus, quoniam Diabolus quandoque ijs mediantibus facinora sua patrare notatur, cum aër nonnunquam

à corruptione ventorum agitatione, purificatur & clarificatur, ut testatur Aristoteles. Nam, si aër non excitaretur & moveretur à ventis, facilè, haud aliter ac stagna mortua, putresceret: Iterum, si aërem evitarem, aut in horrore haberemus, quibus vehiculis, aut quo (obsecro) Spiritu viveremus, cum in spiritu aëreo consistat vitæ nostræ seminarium. Legimus etiam in scripturis, Deum fecisse solem indifferenter oriri super bonos & super malos, & Solem & Lunam, quandoque detrimenta terræ ac hominibus afferre, ut è regione alijs solatium & salutem conferunt: Atque idè Rex David ait: Sol te non percutiet diurno tempore, nec Luna nocte, Deus te præservabit ab omni malo. Luna, quæ etiam Hecate à Poëtis nuncupatur, traditur esse veneficarium & magorum Dea: Nam ipsi Hecate, Medea famosa illa Maga, ad opera sua nefanda propitiandæ, suas effudit preces, & tamen aër, aqua & terra lunæ madore virtuteque humida irrigantur, atque etiam plantæ, nec non & animalia ipsam vegetationis

Fol. 121. r.

F f



## SECTIONIS SECVNDÆ, LIB. II. Membr. II.

tationis patronam sive almam matrem agnoscunt. Ipsa est, quæ facit maria tumescere, atque iterum alia ipsius in cœlo positione seu aspectu, maria deprimuntur, humioresque in qualibet creatura vegetabili, inveniuntur magis parci & diminuti; Imò quidem observamus, omnes malignos spiritus aquaticos ipsius influentijs esse subiectos, atque etiam Satanâ tempora diversarum positionum, seu conjunctionum & applicationum lunæ cum alijs Stellis tam fixis, quam erraticis, in suis malignis actionibus observare: Est enim ipse à longo tempore astrologiæ admodum peritus, novitque cuiusque cœlorum positionis effectus, ac per consequens nequaquâ ignorat minuta fortiorum eorum influentiarum super creaturas animales, vegetabiles vel minerales, quæ ijs subijciuntur. Atque idè intelligit tempora, in quibus deorsum effunduntur, atque in ipsarum virtutibus valde est expertus, quæ tunc temporis sunt in majori vigore & efficaciâ præditæ, quando influenza potens propriarum suarum constellationum, ferit directè super eas, spiritusque earum centrales excitat ad extremum occultarum & arcanarum suarum naturarum sive conditionum, emittendum atque manifestandum: & tunc in eodem instanti colligit ille herbas seu lapides, aut usum facere de membris animalium, vel saltem veneficas seu incantatrices docet hoc idem præstare, siq. mysterij constellationum seu radiorum applicationis cognitione in tempore collectionis illarum creaturarum: Ita, ut, quando ipse usum tentant facere per se sine suo magistro de iisdem simplicibus, neglecto ex ignorantia tempore electionis, ea inveniant, debilia & nullius quasi virtutis, quoniam Spiritus cuiuslibet herbæ, animalis & mineralis sunt debiliores, quando Stellæ quæ est cuiuslibet eorum nutrix & quasi Mater coelestis, minimâ habet in cœlo potestatem seu dominium. Quod omne pro vero medicus astrologicus experientiâ doctus, haud ignorat: Nā ipse colligens herbam hanc vel illam, in eo puncto, quando constellatio tam fixa, quam erratica, quæ Dominium essentiale habet super ipsâ, est in majori sua dignitate sive potestate in cœlo, invenit admirabilem in ea facultatem, atque efficaciam, nimirum tam in ejus occultâ, quam manifestâ proprietate: Cùm è regione, si herba tali tempore colligatur, quo ejus patrona seu Mater & nutrix coelestis sit debilis ac virtute vacua, apparebit in sua operatione quasi mortua & vix ullius efficaciz. Quibus sat liquidò cõstat, esse creaturas Dei, quæ naturis seu Spiritibus suis essentialibus operantur, & effectus tam Sympatheticos, quàm Antipatheticos producant, quibus Diabolus ad suâ malitiam exequendam utitur, non aliter, quàm medicus, Philosophus seu magus naturalis, suas bonas intentiones herbis, animalibus & mineralibus perficere tentant. Quid igitur est dicendum? Quod, qui utuntur in suis nego-

tij creaturis Dei, & mediantibus ipsarum virtutibus, sive sint animales, vegetabiles, sive minerales, operantur, sint propterea pro Cacomagis æstimandi, operaque eorū pro Diabolicis habenda, quoniam Diabolus quandoque eorū subtiles & abstrusas actiones ad suum nomen & famam inter istius mundi sapientes statuminandam atque exaltandam accommodat? Nonne est Deus, qui tales creaturis suis effectus solet operari & coram mundanis producere? Nonne has creaturis virtutes seu facultates verbo suo primitus in creatione impertivit, easque per successionem generationis in hunc usque diem continuavit? Cur igitur non est ita possibile homini, qui ad imaginem Dei formatur, vera tempora seu horas electionis ad creaturas illas colligendas, & usus seu virtutes earum intelligendas atque usurpandas æque ac Diabolo? Quid? Anne, homo ipse post Adæ lapsum ignorantia aded occæcatus est, ut lucem quasi à tenebris vix possit distinguere? Adamum autem post suum lapsum noviste Stellarum virtutes & conditionem cuiuslibet creaturæ terrestris particularis, quæ alicui earum subijcitur, partim colligimus ex sacris scripturis. Nam aliter foret ei impossibile nomen genuinum & naturæ conveniens cuiuslibet illarum assignare. Verum, si Adæ successio sit aded cæca, ut de coloribus haud quamquam possit distinguere, atque idè secretorum talium Dei Thesaurorum est ignarus: Quomodo, quæso, habet Diabolus inspectionem in ijs ita profundam, cū sit certum, ipsum propter illius adversus suum creatorem rebellionem longè imius, quam genus humanum fuisse præcipitatum, & per consequens obscuriori tenebrarum velo quàm homo obductum, unde & tenebrarum princeps haud injuriâ dictatur? At mundani replicabunt, sat scio, Diabolum esse Spiritum sine corpore & ob istam rationem, esse magis ad secreta Dei in creaturis discernenda potentem, quare & citius & melius comprehendere potest, quàm homo, ut pote creatura gròssa, compacta & corporea: Atque iterum homo omni mundi ætate moritur, sed Diabolus ratione ævitatæ & vitæ perpetuitatis est procul dubio experientiâ maximâ præditus. Respondeo, quod, tametsi homo moritur & non diu manere solet in hoc mundo, & licet in suo intellectu parumper obfusceretur ratione lapsus primi ipsius parentis, & quamvis (ut ait Salomon) ejus anima à corpore malè digesto aggraveretur; Ita, ut vix possit per se, ea quæ in oculis suis sunt distinguere, tamen ipsi conceditur in Principio post Adæ lapsum à Deo veritatis revelatio, & rerum in natura abstrusarum detectio, quæ ei successione seu traditione Cabalistica etiam à primo ejus Patre Adamo, atque etiam quibusdam immediatè revelatur arcanum Dei, per Spiritum ejus sacro Sanctum, quem sui-

com-

Sep. 7. 17.

concessit electis : Nam, mediante sapientia (ut ipse testatur Salomon) ille novit dispositionem terræ, virtutes Elementorum, Principium, medium & finem temporum, morum mutationes, divisionem temporum, cursum anni, Stellarum dispositionem, naturas animantium, conditiones ferarum, vires ventorum, differentias plantarum, virtutes radicum, imò verò (inquit) res omnes abditas seu occultas detexi, nam sapientia, quæ est omnium operatrix, me docuit. Atque iterum invenimus, ipsum in mysterijs omnium Plantarum, etiam ab humili Hysopo ad proceram Cedrium Liban fuisse versatum : Fuit ne igitur actio aliqua in Salomone Diabolica, respicere, inquirere & praxin adhibere in secretis plantarum, animalium & lapidum, & scientiâ suâ Astrologicâ Stellâ illas in cœlo animadvertere, & quæ sint radicales illarum matres in cœlo & nutrices, addiscere, & tempora eorum collectionum aptiora observare, cum ab ipsa sapientia Divina creantur & in ijs & per eas essentialiter operentur, ac tandem ipsum nomine fecit suarum arcanarum operationum participem, quia Diabolus etiam sua observatione acuta particeps est factus illarum, illisque ad vias suas inferiendas utitur? Quid? Quoniam dico, ipsum habere scientiam huius vel illius simplicis creaturæ colligendæ & eligendæ, dum sit in maximo suo vigore, idque per observationem relationis illius, quæ est inter Stellâ earum & ipsas, idem non debet etiam homo fieri illius & ejusdem cognitionis, nimirum naturalium eorum particeps, aut sciens & intelligens reddi in arte collectionis seu electionis eorum sine ope aut revelatione Diaboli: Cum verbis apertis à scripturis doceamur, Deum ipsas creaturas omnes pro usu humano condidisse, debentne æstimari Diabolica in illis hominibus, qui ijs utuntur: atque idem hominibus interdici, quia Diabolus eas suis malignis, inventionibus usurpat? Ac si quis diceret, Deum quicquam creasse pro usu Diaboli, & non ad generi humano in sua necessitate pro suo libero arbitrio inferiendum, cum alibi dicatur, homini datam esse potestatem, ut cuilibet creaturæ prædominaretur. Quod si simplex aliquot animal, vegetabile aut minerale, damnum quandoque & in nonnullis casibus homini inferant, & veneni partes agant, tamen alio respectu salutaria esse probantur. Non reperitur aded pravus & malitiosus ventus, qui alicui non flet bonum. Colocynthis, Scammonium, Euphorbium, Cucumer asinus, Tithymallus, brauca ursina, Flammula & similia in regno vegetabili, quandoque venenosa in effectu esse approbantur, & tamen à sagaci medico salubriter corpori humano adhibentur: Etiam in regno Minerali Arsenicum, Auripigmentum, Antimonium, Rosalgar, argentum vivum & similia in sphaera minerali;

nonnunquam & sine præparatione aut correctione applicata interficiunt, & tamen felici Magi naturalis manu adhibita, sanitatem deperditam restitunt: Denique in regio animali Bufo, vipera, Scorpio, Aranea, Cantharides, & similia venenosa admodum esse cognoscuntur, & nihilominus mo, resalutari, præparatione debita facta, applicari sive adhiberi possunt, & loco eorum venerationis, à veneno præservare dignoscuntur, ut pote quæ frequenter pro alexipharmacis habentur. Præterea ut nihil in mundo existit, quod magis efficaciter per viam sympathiæ & secundum naturam operatur, quàm una salutaris & sana natura cum alia: Ita quidem nihil est, quod magis antipatheticè, hoc est, naturæ contrario ac destrudivè agit, quàm corruptio unius spiritus intoxicati atque venenati cum Spiritu sano ejusdem speciei. Atque hujusce rei ratio est, quoniam communicatione radiorum avida, appetit & desiderat auxilium quasi, & suppetias in tali sua calamitate tabescente, à Spiritibus suæ naturæ sanis, recipere, quibus Spirituum suorum infectorum radius assistentiæ gratia applicat, quemadmodum tempore contagionis, Spiritus instar vaporis ascendens vel emanans à persona infecta, radios suos contaminatos ad Spiritum à suo simili sano emanante amplectendum emittit, atque ita continuatione unius ad alteram, igneum illud unius venenum, coinquinat & intoxicat salutarem alterius naturam, idque solummodò cum specifico sibi simili: Nam pestis, quæ communiter hominibus est familiaris, non adhæret aut se jungit Spiritibus bestiarum, videlicet ovibus, vaccis & similibus, ut etiam e regione, lues sive contagio inter oves, non solet Spiritum humanum inficere, sed similis natura specifica semper invenitur aptior ad radios suos sibi simili applicandos. Propter istam igitur rationem evidens est, quod, ut ex homine sano Mummia Spiritualis sana extrahi potest, quæ est admodum generi humano salutaris, aded ut pro universalibus ipsius respectibus, Panacæ seu Medicamæti Catholici loco ad sanitatem tuendam haberi queat: Ita etiam ex Mummia hominis Spirituali extrahi potest quædam stupenda corruptio, quæ est spiritui sano admodum venenosa, perniciofa ac maligna. Ob istam ergo causam quidam civitatis Tunetis Iudæus (ut mercator fide dignus, qui noviter de Fessa Barbariæ in civitatem Ligournam Italiæ appulit, mihi fidenter retulit) post quàm per multos dies juxta portum ambulasset & nautam capillis rufis indutum in navi Anglicana oculis fixis esset intuitus, & se ipsum fingens, se amore ipsius fuisse vehementer captum, ita egit cum misero illo, ut ipse tandem pro 300. libris se ipsum Iudæo vendiderit, existimando, se aliqua optata postea occasione dara, clanculum à suo Domino evasurum: Paulò

post exornata nave & nautæ reliqui, antequam discederent, suo socio captivo valedicere cupientes, ad Iudæi domum properant, qui, postquam ipsi, ut suum socium ante eorum discessum viderent valedicendi causa petijissent, in locum quadratum, solem æstuantem directe aspicientem, eos dūcebat, ubi illum rufsum dorso ipsius fracto, & ligno inter dentes adaptato cū faucibus & gutture tumefactis, quippe (uti tum postea ijs erat relatum) in ejus os intrusæ viperæ morsu vulnerantes, adversus solem suspensum pelveque argentea ori ad liquorem ab eo destillantem recipiendum subterposita, non sine magno stupore intuebantur, ex quo postmodum liquore Iudæus illæ in humanus venenum ad eò lethale conflagit, ut solo ipsius contactu homines interficeret: Dixitque Iudæum illud pretio ineffabili quibusdam mercatoribus vendidisse. Veneni huic similis confectio mihi relata est à quodā Pharmacopœo Papali Avenionensi, atque etiam illam ab eo tempore aliorum etiam Romæ degentium testimonijs habui confirmatam. Cardinalis (ait) quidam ex sua meretrice capillis Russis ornata & jam ab eo facta grvida, eam, post partum infantis, in terram usque ad mammas sepelivit & vipersas duas (vel ut Germanus retulit) duos bufones famelicos uberibus applicuit, quorum morfu venenoso sanguis graviter erat infectus. Quo facto, ipsa more antedicto adversus solem suspensa, liquorem reddidit admodum lethalem, ac præterea lac, tum postea in bufonum ventribus repertum, tam contagiosum erat, ut nihil supra. Ratio autem, cur venenum perniciosius ex homine ruffo extrahatur, est, quoniam à nativitate sua influentijs Solaribus tales homines sunt subiecti & per consequens corruptioni ac putrefactioni magis obnoxij: Vnde fit, ut Mummia eorum Spiritualis cū sit veneno animali contaminata, post ejus fermentationem & putrefactionem valde reddatur subtilis, penetrabilis & malitiosa. Et quamvis insit Mummie infectæ desiderium Sympatheticum, ut cū suo Simili conjungatur; Tamen, quia inficitur & intoxicatur Spiritu bestię venenosæ Antipathetico, qui jam ei prædominatur, non potest suum simile more Sympathetico amplecti, sed etiam Antipathetico suo ad ditamento, Spiritum sanum sibi similem contaminat, atque ita adventitium & heterogeneum illud venenum hos ambos spiritus in suam naturam destructivam convertit. Fuit quidam Eremita prope Aquilexiam Provinciæ degens (cujus fama erat tunc temporis, cū ibi vixi recens & in cujuslibet ore) qui simili philtro venenoso totam illam civitatem peste desperatissima infecit; ita, ut Magna populi illius civitatis portio, exinde vita esset deprivata; In cujus contagionis vigore si Eremita esset ad quempiam vocatus, in ejus solius potestate

erat eos sanare, atque ob istam causam Eremitæ Sancti nomen sibi acquisivit. Nam ut ipse tudites five Marculos portarum domiarum civitatis, quodam veneno tetigit; Ad eò, ut quicumque pulsaverint portas interficerentur; Ita quidem ipse Antidotum secum portavit, quo contaminatos in pristinum sanitatis statum redigere solebat. Hic vir Diabolicus erat tandem detectus, & poenas pro meritis suis luebat gravissimas: Nam post tormenta varia tandem igne in cineres est redactus. Pari etiam astutiæ seu veneficio pestis non diu ab hinc erat in civitatem Turingæ Pedimontanæ, à quibusdam personis pestiferis & quæsi Diabolis incarnatis introducta, qui etiam sceleris sui poenas luerunt, quippe quorum carnes, redetecta, forcipibus igne candescentibus erant avulsæ atque dilaceratæ. Sic etiam pestis per quandam pulveris venenosi asperersionem erat in civitate Mediolanensi accensa. Quibus liquet, istiusmodi inventionibus pravis & impijs Spiritus internos hominum fuisse corruptos, æremque externum veneno manere quodammodo inquinatum. Neque debet hoc naturalistæ vero, seu Philosopho digno, apparere alienum, cū sit experientia probatum ærem salubrem, flatu Austri venenosum in dispositionem corruptam & contagiosam reduci, & quòd aer, qui erat purus & impollutus, jam anhelitu personæ peste laborantis, aut pestiferi Carbunculi seu Anthracis halitu coinquinetur & venenosus reddatur: Ac ille aer ita corruptus, vicinum suum ærem sanum simul atque corrumpet. Observeamus, obsecro, quomodo Spiritus infectus, personæ peste, aut variolis, aut morbillis, aut Phthisi, aut Ophthalmia aut lippitudine inquinatæ, spiritum hominis sani ad satis Magnam distantiam inficere: & quæ ratione spiritus leprosi, Epileptici, morbi Gallici per contactum immediatum hoc idem præstare soleat. Invenimus etiam illud, quod erat salubriter in homine creatum, jam devenisse & redditum esse mala ordinatione contaminatum & venenosum. Quid igitur dicam? Anne hinc inde concludendum, quòd ideo naturam nostram relinquamus seu deseramus, quoniam quandoque malo contaminatur & lethalis nobis nonnunquam redditur? Vel an igitur judicaremus, naturam humanam abominabilem esse & ab ipsolumine abhorrendam, quoniam venefici & incantatores solent (eos docente Diabolo) usum carnis, Capillorum, unguium excrementorum & sanguinis, atque etiam Mummie ipsius, tam corporalis, quàm Spiritualis, ad incantamenta, philtro atque veneficia sua perpetranda, faceret? Quòd hoc ita se habeat, invenimus non modò Historiæ testimonijs, sed etiam quotidiana veneficarum praxi confirmatum. Nam Apulejus narrat, quomodo amica ejus Fotis, esset à sua hera (quæ erat in cantatrix & Philtrosum atque

atque veneficij perita) ad officinam Barbitonforis ad capillos hominum exinde clau- culum furripiendos missa, ut eos in suis negotijs Magicis impenderet: Etiam ibi loci ostendit, rem fuisse in illis diebus fre- quentem ratione multitudinis incantatri- cum, quæ in Thessalia abundabant, habere vigiles cum luminibus seu candelis suffi- cientibus ad custodienda cadavera mor- tuorum post mortem hominum, ne vene- ficæ, quarum mos erat, clanculum, idque nocturno tempore sub forma aut mustelæ aut animalium similium, portiunculam ali- quam cadaveris illius surripere, eamque ad conamina sua Cacomagica usurpare. Præ- terea res est Nectromanticis communis, se- pulchra mortuorum visitare aut cadaveris portiunculæ auferendæ causa, aut ut par- tem aliquam panni linei, in quo involuntur cadavera surriperent; aut ratione cistæ seu pheretri, in quo conduntur, cui mum- mia Spiritus in hæret, ad negotia live o- pera sua improba perficienda. Erat in con- fessione cujusdam veneficæ, quæ filiam cu- jusdam Comitissæ Britannicæ, nimirum Rutandæ veneficio interfecit, se nullam potuisse super ipsam habere vim live pote- statem, quousque auxilio cujusdam suæ filiæ, illo tempore in domo Comitissæ ma- nentis, chirothecam virginis illius recupe- rasset, ac tum postea, se, mediante ea Domi- nium super corpus ipsius habuisse agnovit. Atque causa erat ratione relationis illius, quam Spiritus Mummiæ virginis, quæ sudoris vehiculo substantiam chirothecæ imbibebat, quam illa in corpore ejus vivo habebat, haud aliter ac Spiritus in telo vulnerante respectum habet ad Spiritum vulnerati, ut quemadmodum illa se habet aut in calida aut in frigida intemperie, ita quidem se habet cum Spiritu vulnerati. Vbi etiam apparet, quod, quando aut te- lum aut ferrum coopertum fortè, aut acci- dente aliquo detegatur, vulnus devescit magis dolorosum & frigore intempera- tum: & quando experiendi gratia aliquid tinguenti à telo abradatur, seu auferatur, illa vulneris portio, quæ parti abra- sæ correspondet, dolore & perturbatione affici- tur. Eodem planè modo veneficæ prævum & perniciosum suum venenum Mummiæ, chirothecæ, calceo, subiculæ, sicco lineo & similibus applicare solent, quibus è longè seu ad Magnum distans, malitiam suam ef- ficiunt. Legimus etiam in libris de Caco- magia tractantibus, in quantâ apud Caco- magos & incantatores æstimatione habe- antur membra infantum, & præcipuè eo- rum curis seu corum, ex quo post varias Diabolicas atque Necromanticas eorum consecrationes pergamina sua virginea cre- are tentant; In quibus nomina Dei atque Angelorum, quos invocant, atque etiam Characteres Planetarum seu Stellarum, ad quas Angeli illi pertinent, solent inscribere. Debet ne igitur ob istam causam effe-

ctus naturæ humanæ Magneticus, aut Spi- ritualis ipsius Mummiæ cum similibus in homine, pro Diabolicis & damnablebus haberi, quoniam eorum mysterium in sen- su malo veneficis à Diabolo revelatur, & secreta eorum proprietates in usum impium & minimè Christianum convertitur? An- ne idèd à nobis recusandus atque repudi- andus est aër, quoniam potest vijs & mo- dis perniciosus corrumpi atque in venenum lethale converti? Aut estne ignis à socie- tate humana idèd excludendus & pro dam- nabili adhibendus, quia ipse malè applicatus destruere & consumere notatur? Cum è regione, si rectè applicetur nutrimentum & solatium astantibus affert. Si contami- natione aut mutatione unius Mummiæ in dispositionem contagiosam seu veneno- sam, alia sana inficiatur, uti unum peste in- sectum alium ad distans afficere cernimus, atque unam domum igne accensam aliam accendere, tametsi non sint contiguæ; De- betne, inquam, ob hanc causam aut aëris aut ignis usus in exilium ab humana socie- tate relegari? Aut idèd abhorrendus est ignis Dei à cælo descendens, quoniam Sa- tan usum de ipso in sensu destructivo, ni- mirum ad possessiones Iobi consumendas fecit? Anne dicendum est, proprietatem Mummiæ Spiritus occultam, atque ad- mirabilem Spiritus humani efficaciam in salubribus & pijs usibus esse idèd repudian- dum, quoniam ipsa corrumpendo in dispo- sitionem venenosam converti queat? Vel estne bonus gladius & ad tutelam corporis ordinatus idèd reiiciendus aut rumpendus, quoniam impius ipso virum bonum inter- fecit? Res bona malè applicata damnum afferre potest: Influentia & Lux Solis cœ- lestis, in quo situm est vitæ spiraculum, si malè à subiecto terrestri recipiatur, pravos ut plurimum effectus producere animad- vertitur: Imò verò ipse Diabolus observat statuta anni & solaris cursus tempora, & ta- men neque Sol, neque ullæ virtutes live ac- tus ipsius debent pro Diabolicis haberi. Simili plane modo, si descendamus à sphæ- ra animali ad illam vegetabilem & mine- ralem, percipientis, Magam live incanta- tricem illam famigerabilem Medeam, u- sum in suis incantamentis specialem fecisse (uti etiam hoc idem traditur de alijs vene- ficis & necromanticis) de herbis, lapidibus & mineralibus, sine quorum naturalium ope, nec ipsa, nec ejus Dæmon, qui secre- tas eorum virtutes & effectus illi revelavit, quicquam in sua arte ad desideria sua ini- qua perpetranda præstare potuerunt. At- que ob istam rationem (uti ab Ovidio colli- gimus) alta montis Atæ cacumina pera- gravit ipsa, ut herbas suo proposito inser- vientes ibidem colligeret. Sunt magorum quàm plurimi, qui, occulta proprietate & virtute lapidum, ipsi à Diabolo revelato- rum, Cacomagicos suos producant effe- ctus, tametsi ipsi Stellarum influentias, quæ

## SECTIONIS SECVNDÆ, LIB. II. Membr. I. K.

lapidibus illis dant vires, atque tempora earum collectionis atque præparationis ad tales effectus producendos prorsus ignorant. Exempli gratia fuit venesica quædam seu saga in Scotia, quæ in sua examinatione falsa est, se proprietate quadam lapidis occulta, qui ab ea tunc temporis ablatus erat, potuisse quæstionem quamlibet resolvere: Dixit enim, quod, si res petita esset vera, lapis statim Sudorem emitteret; At si esset falsa, tunc sudorem nullum apparere: Etiam dixit, lapidem istum, res multas sibi per ejus de colore in colore mutatione revelasse. Denique, quando astantes aliquot de hac re experimentum exoptarent, respondet, se velle id libenter facere, modò si lapidem illum suum sibi concederent: Sed ipsi timentes, ne auxilio illius è manibus eorum evaderet, hanc ei petitionem prorsus negarunt: Hoc factum fuit à *Queens Fery* in Scotia. Alij à Diabolo instruuntur, ut metallum aliquod eligant, illudque sub constellatione quadam apta præparent & in eo Characteres Stellæ, cui subest, insculpant, nomenque Angeli seu Intelligentiæ, quæ est Domina illius Stellæ describant, hocque eo præcipue tempore tentant, dum Stella illa in cælo sit fortior & potentior & ab impedimentis aliorum planetarum magis libera; & tunc inveniunt, ejusmodi laminas metallicas esse in operatione Magica admodum efficaces. Quid? Quoniam Diabolus novit virtutes & proprietates harum rerum naturalium & potens est ministros suos in malo earum usu instruere, Anne idè sequitur, Adamum, Salomonem & Sapientes ab Oriente venientes, ac quàm plurimos alios bonos & pios homines talibus simplicium naturalium virtutibus, temporibus electionis & collectionis, & modis applicationum ipsorum in re Bona & licita; Imò verò & si justa se offerat occasio in sensu contrario, idque sine limitum naturæ aut Magiæ licitæ transgressione, fuisse ignaros, cum verum istius operationis subjectum sit sapientiæ Spiritus, qui est basis sive fundamentum naturalis Philosophiæ, quid facimus nos de modo, quo Moyses est usus in dispergendo illos cineres, qui ulcera Ægyptiaca non sine habitantium stupore produxerunt. Sed alij replicabunt & dicent, hoc fuisse more supernaturali effectum: At inspiciant velim in occulta naturalium animalium, vegetabilium & mineralium secreta & mysteria adeò mirabilia, ac sunt ista in ipsis naturaliter comprehensa, omni commercij Diabolici suspitione seposita, invenient. Anne habendus est Pater ille reverendus Albertus Magnus pro Cacomago, quia abstrusas, occultas ac mysticas animalium, vegetabilium atque lapidum virtutes detexit? (Hoc idem etiam Hermes, Plato, atque alij profundissimi Philosophi fecerunt) aut debent isti inter affectus Diaboli numerari, quoniam nove-

runt tempora seu horas collectionis & modum præparationis earum? Minime Herclé: Nam arcana ista à Philosophorum seu sapientum profundorum traditione acceperunt, qualis erat Adam, Salomon, Hermes atque alij istiusmodi veri Magi, qui talia mysteria traditione Cabalistica de seculo in seculum reliquerunt mundo. Nonne erat miranda in annulo Gygis proprietas, quæ ipsum quandoque invisibilem reddidit? Et tamen homines istius mundi ignorantia occæcati volunt, hujusmodi in creaturis effectus à Diabolo, & non mirifica verbi Divini operatione procedere. Vnde videntur Omnipotentem Dei Spiritum suo honore privare, utcumque Salomon verbis apertis facetur, se omnia secreta, electionis tempora & mysticas Stellarum naturas & occultas virtutes ac proprietates animalium, plantarum, radicum & rerum omnium aliarum, tam occultarum, quàm manifestarum à Solo Spiritu sapientiæ accepisse, unde sermonem illum verbis istis concludit. Omnium enim, opifex (ait) me docuit sapientiæ. Quibus verbis inferre videtur; Primum, quod Spiritus Sapientiæ detegat atque aperiat homini, abstrusa Philosophiæ veræ Mysteria, quæ consistit in cognitione & revelatione naturalium virtutum, tam in superioribus, quàm in inferioribus. Secundò, quod sit hic idem Spiritus, qui tales animalibus, vegetabilibus & mineralibus infernè, indidit virtutes & medicamentis illis per omnia operatur. Quod, cū ita sit, quid obsecro, in creando virtutes essentielles potest Diabolus ad Stratagemata seu facinora sua perpetranda, quàm ipse homo? Cū homo sit creatura rationalis æquè ac Diabolus? Aut cur illi attribuamus nos illa, quæ in rei veritate, spectant ad spiritum omnia creatorem & operantem in creatura interna? Si hominis sit iniquitatem alicujus actionis Diabolo arrogare, qui hominem ad malum instigat, eumque ostendit modum, ad malas & iniquas suas voluntates exequendas, hoc quidem rite ad ipsum Diabolum spectat, quippe qui creatus est ad destruendum (ut ait Propheta Esaias) atque ad hujusmodi suum officium complendum, ei in usum veniunt creaturæ à Deo creatæ. Nam usum ignis Dei celestis adhibuit ad destruendas Bestias Iobi, ad eruendam domum, destruendos ejus filios, & ad corumpendum aërem, ut peste ea, Israëlitas ob peccatum Davidis interficeret. Nec quidem erat unquam observatum, quicquam per se adversus hominem, præterquam, quod Spiritum humanum tentando atque seducendo & phantasiam hominis portentis prestigiosis deludendo, patrare potuerit. Verum observatur semper, aut mediante malo creaturarum usu, mortalium corpora destruere, aut ea reddere insalubria & morbida. Nam modis & vijs talibus Antipathizantibus naturalibus, hoc est, creaturis, quæ sunt natuta & conditi-

64p. 7.

Nicol. Penni-  
gius. de De-  
monologia,  
lib. 1.

ditione rei, malo efficiendæ contrariæ, operatur, tamen Deus creaturas tales Antipathizantes pro usu hominis salubriori & magis directo creaverit. Concludo igitur, necesse esse, ut Cacomagi ac venefici nihil mali alicui imponere possint, nisi operentur per substantiam creaturæ realem & manifestam, cujusmodi sunt pulveres, unguenta, herbæ & similia. Exempli gratia Claudæ, Fellicæ, Ioan, Banno & Nicholæ Piscatrix cum tota sua societate confessæ sunt in Lotharingia 9. May 1581. à Diabolo sibi traditos fuisse pulveres detriplici conditione, qui colore etiam erant distincti: Nam (inquiunt) ille pulvis niger interficit aspergendo cum super cibos, aut fricando corpus cum eo, aut aspergendo illum super vestimenta: At ille rubicundi coloris, morbos & infirmitates parit: Pulvis verò albus solet morbos illos curare, quos peperit ille rubens: Atque Odella Boncuriona examinata 18. Ianuarij 1586. Dixit, morem esse veneficis sui ordinis & conditionis, pulverem quandam in via dispergere, per quam ipsi progredierentur, quos odio persequerentur. Et Francisca Perine facta est die 4. Novembris 1588. Herbam quandam traditam esse sibi à Diabolo, ut in via poneretur, per quam Riberianus iret, (quia pyra ejus furto sustulerat) cujus virulentia is statim ægrotavit: Franciscus Follers, Margarita Warny & Iacobus Equine confessæ sunt 15. Ianuarij 1584. se habuisse unguenta, quibus illiverint Virgas & flagella; Aded, ut, si cum illis solam vestem alicujus tangeret, necessum fuerit, ut ipse paulò post moreretur. Etiam dixerunt, quod si manus suas hoc unguento Magico perunxissent, si vestimenta cujuspian tangerent, intra paucos post dies morerentur. Atque ex his exemplis videre potestis, quomodo Diabolus realiter malum operari nesciet, nisi Solis venenis à creaturis desumptis: Nihil enim veritatis ab eo solo provenire potest, sed meræ delusiones atque apparitiones præstigiösæ, nimirum eæ, quæ videntur & tamen in effectu rei veritate nihil magis sunt, quàm imago depicta respectu veræ substantiæ. Atque ided, ne jactitent velim ministri, Diaboli, istiusmodi in natura admiranda provenire ex mera Diaboli inventione live actu ejus solo: Nam veri Alchymistæ testantur ex propria sua experientia & praxi, materiam suam, quando manet in putrefactione & nigerrimum acquirit colorem, esse Tyreo Serpente venenosior, & per consequens subito interficere, quare admonent operadores, ut à fumis ipsius præcaveant: At verò quando apparet in decoquendo inter rubedinem & albedinem, patientem inter mortem & sanitatem, atque ided in statum morbidum reducit; Verùm in actu suæ albedinis, quæ significat perfectionem in maturitate, infirmitates curat & malitiæ illi prævenit quam pulvis niger induxit; Ita ut

videre liceat, Diabolum non posse plus ex naturæ mysterijs elicere, quàm generi humano datum est cognoscere. Iterum, ad pulveris istiusmodi exitialis per plateas Mediolanenses quod spectat, traditum est, illud factum esse anno 1629. Pro unguento verò lethali, quod solo contactu interficere solet, hoc composuerunt Judæus atque Cardinales antea allegati, ut creaturas Dei æquæ ac Diabolos violarent. Ac iterum hoc ab Eremita more impio erat effectum, qui marculos portarum cum ijs (ut dictum est) in fecit, atque ipse etiam suum secum habuit Alexipharmacum, æquæ ac Diabolus & Cacomagici ejus discipuli. Ex istis ergo videre potestis, hominem mente seu animo impio præditum, & ad creaturis Dei bonis nocendum inclinaturn esse, tam pronum, ac Diabolum ad herbæ, animalia & mineralia à vero illo sensu ob quem à Deo sunt creata, videlicet ad beneficium humanum vertenda: Quare & meritò inter Diabolos numerari potest, atque nomine Diaboli incarnati insigniri, eò quod ipse carne ac ossibus indutus, sine ope Diaboli multas inveniat destruendi & veneno interficiendi vias: Haud aliter, quàm Diabolus, spiritalis, hoc est carne & ossibus destitutus.

Concludo igitur, magnam esse in mundanis incredulis absurditatem & demeritiam, abstrusa & arcana Dei in creaturis magnalia, tanta temeritate & audaciâ & pro inventionibus atque actionibus Diaboli habere atque mundo publicare, etiam si eorum effectus, quo ad nos sint perniciosi, & multò magis, cum sint boni & salutiferi, ac est ille unguenti armarij, cum non modo ipsi Deo, sed etiam hominibus intellectui vero fruentibus, quod sit creatura animalis, vegetabilis, aut mineralis, quæ producat effectus insalubres & lugubres per abusum, atque illos bonos in debita & appropriata eorum facultate, quæ ordinata erat originaliter à Deo pro beneficio & salute generis humani. Nam Deus creavit omnes creaturas bonas, & per consequens ad bonos usus: Sed est malitia Diaboli, quæ eas divertit de proposito à Creatore ordinato, juxta illud Salomonis. Creavit Deus, ut essent omnia, & sanabiles fecit nationes orbis terrarum, & non est in illis medicamentum exterminij, nec inferorum regnum in terra, creavitque hominem inextinguibilem & ad imaginem similitudinis suæ fecit eum, invidia autem Diaboli mors introivit in orbem terrarum &c. Nam sciendum est, ante lapsum Adæ omnia fuisse directè & justè sumpta, atque ided minimè à vero tramite fuisse detorsa: Sed, postquam de arbore boni & mali gustasset ipse, oculi ejus corporei fuerunt aperti, & creaturæ tam pro malo, quàm pro bono distinguebantur & in utrumque usum fuerunt conversæ: Nam ab illa hora mysterium tam iniquitatis, quàm justitiæ in

Sap. 1.  
Sap. 2. 24.



mundo regnare occēpit, & malum primo in mundum post lapsum ingressu, seu limine, incepit se bonitati, ac virtuti apponere, atque in illa praxi seu conflictu primordiali, iniustitia & vitium adversus iustitiam ac virtutem prævalebant. Hic ergo videre possumus, in principio omnium, Diabolum seu serpentem, fundamentum totius mali, mediante re naturali, nimirum pomo posuisse; Ac deinde susteligneo, quo Cain iniustus, occidit suum fratrem iustum Abēlem; Cū ē regione & in sensu contrario, hoc lignum, in forma crucis (arguentis oppositionem illam, quæ in hoc mundo facta est inter bonum & malum) erat instrumentum mortis ipsius, sine qua nulla erat salvationis aut redemptionis certitudo.

Ex his ergo animadvertimus, omnes operationes occultas, procedere à virtute in rebus naturalibus seu creaturis occulta, quæ à Spiritu Divino erat à Deo tam generi humano detecta, quàm ab acuta Satanæ observatione concepta. Bonis, inquam, hominibus à bono Dei Spiritu erat detecta ad beneficiendum & malo resistendū. Nam, nisi prava creaturæ dispositio cognoscatur, alexipharmacum seu Antidorus ad ejusdem curationem vix haberi potest: At malis etiam quandoque à Diabolo ad malefaciendum & iniquitatem exequendam revelantur. Enumerabo autem nonnullas virtutes abstrusas in tribus creaturarum compositarum regnis, nimirum animali, vegetabili & minerali. In primis ergo in regno animali, bubo dictus est ab Alberto Magno plures in se continere virtutes: Nam, inquit, si cor ejus ac pes dexter ponantur super hominem dormientem, ipse protinus in somno aperiet, quicquid ab ipso factum est, aut quodcunque ab eo petieritis; Dicitque hoc pro vero à quibusdam suis patribus fuisse repertum: Atque iterum, si ipsi sub axilla disponantur, nullus canis adversus eum latrare ausus erit. Etiam sanguis capri traditur vitrum reddere non modò malleabile, sed etiam instar pastæ, molle, modo si vitrum in eo cum acete coquatur; Ita, ut si contra parietem projiciatur, non frangetur. Et, si quis faciat unguentum de eadem compositione & faciem cum illo illinat, res ei terribiles apparebunt: Et si illius compositionis portio igni imponatur, & sit aliquis præiens, qui laborat Epilepsia, & magnes eum tangat, subitò in paroxysmum Epilepticum cadet, quasi mortuus: At si aqua frigida ei ad bibendum adhibeatur, statim resurget: Hæc ille. Præterà ait, quòd, si candela sanguine Cameli inungatur, omnes homines loci, capitibus Camelorum imbui videbuntur. Atque ita procedit ipse in Historia illa sua cum admirabilium illorum descriptionibus, quæ ab occultis Bestiarum, vegeta-

bilium & lapidum proprietatibus efficiuntur. Si M. Fosterus cum suis socijs replicabit & dicet, hæc omnia esse pura mendacia. Respondēo ego, fuisse Philosophum doctissimum, atque Theologum famā celebratum, illorum auctorem, qui ista fide sua tradidit: & haud dubio (si ad huc inter vivos fuisset superstes) affirmaret, ipsos oportere prius addiscere atque intelligere veras electionis horas, in quibus simplicia illa colligi debent, atque etiam scire stellas, quæ in ea, Dominium habent, cum temporibus majoris earum fortitudinis & exaltationis in cœlis. Ad me autem quod attinet, fateor me secreta in homine & brutis haud ignorare admirabilia, quorum omnium Peripatetici nullam planè rationem sufficientem reddere possunt: Exempli gratia, quòd lœtj piscis intestina desiccata, urinam potenter provocent, quòd Epilepsia possit suctione seu attractione sanguinis, à naso Talpæ exciso, curari, & quòd post deglutationem illius sanguinis patiens præter modum ægrotabit, quemadmodum experientiā nonnullorum & inter reliquos, cuiusdam nobilissimæ foeminae comitatus Cantia docemur. Etiam quòd Talpa combusta & in pulverem redacta habeat occultam quandam virtutem passionem Colicam expellendi: Quòd cor & hepar ranæ sit medicamentum Epilepsia curationi appropriatum: Quòd exuvie serpentum, partum muliebrem expellunt: Quòd menstrua in muliere epota lepram inducant: Quòd bufo combustus sanguinem præter modum fluentem sistat: Atque etiam aranea viva, si modò naribus adhibeatur. Hæc omnia ego cum multis alijs suum expecto.

Pro alijs occultis lapidum, metallorum, herbarum atque animalium virtutibus veri Salomonis discipuli & imitatores, Hermes, Plato, Thebith, Albertus Magnus, Dioscorides & alij, eas nos docent abundè. Qui omnes procul dubio non ita stulti ac veritate inanes atque frivoli viderentur, ut mendacia tam ingentia, aut tantas impossibilitates mundo publicarent, nec falsò asseverarent, res istas in eorum cognitione fuisse ad exitum perductas: Atque ita hac ratione, illam inter mundanos reputationem, quam sibi sapientiā suā insigni comparaverunt, more tam stolido amittere. Verum jam ad pleni negotij hujus nostri praxin, nimirum ad illum Sympatheticum & Antipatheticum respectum, qui est inter varias Mummiarum corporis humani species & ocularem demonstrationem à Magnetis proprietate productam, me conferam; Atque in animo meo erit, plura in hoc ultimo libro vobis demonstrando probare, quàm aliquis alius ad hunc usque diem effecit unquam.

## LIBER TERTIVS.

*In quo probationes practicae & conclusiones experimentales, ad confirmandam Sympatheticam microcosmi attractionem sive coitionem, atque Antipatheticam seu odibilem expulsionem per proprietates lapidis Magnetis Macrocosmi, pertractantur.*

Authoris ad præsentem istum librum Proœmium, in quo ea, quæ antea sunt dicta remetiuntur paucis.

**V**Obis in discursu hoc meo præcedente recitavi, atque demonstratione sufficienti probavi, Spiritualem, Christum, sive verbum Divinum seu sapientiam æternam esse veram Philosophiæ essentialis Basis seu fundamentum; Ut pote, qui est securus & nunquam deficientis lapis Angularis, in quo & super quem tota creatura consistit atque ædificatur, quatenus in eo existit vita, & illa vita est Lux illa essentialis, quæ vivificat omnia, & per consequens operatur omnia in omnibus, uti scriptura verbis expressis testatur. Nam, si Spiritus Domini vitam & inspirationem & omnia vitæ creaturæ impertit: Atque iterum, si ille Spiritus orbem terrarum impleat, atque rei cuilibet hujus mundi insit, ut scribit Salomon; Tunc necesse est, ut agnoscamus, quod Spiritus cujuslibet rei specificæ centralis sit illa Divinitas, in qua radix essentialis omnis Magneticæ attractionis & Antipatheticæ expulsionis consistit: Nam, cum ipse sit Catholicus ille amor, qui cuilibet particulari existentiae se impertit, eique actionem & motionem assignat, quo naturam sibi similem ad se, nutritionis, assistentiæ atque consolationis gratiâ alliciat, ita quidem organum, in quo operatur satis forte & validum reddit, ad emanationes tales expellendas & propulsandas, quæ ei vel ordine, vel qualitate, vel essentia dissentiant, aut se specificæ suæ existentiae & conservationi opponunt, aut damnum aliquod inferre conantur. Obistam igitur rationem, Spiritus iste, creaturam affectione duplici, nimirum desiderio concupiscibili & odio irascibili induebat, quorum hoc, cogaudet, & Sympathizare solet cum suo simili, atque ideo illud ad se ad suam assistentiam & consolationem allicit & attrahit, illud, per aspectum odiosum seu Antipatheticum, evitat atque expellit, quod ei sit natura oppositum aut nocuum. Atque iste est actus Sapientiæ illius omnia creantis & sustinentis, quæ creavit quamlibet creaturam successiva quadam præservatione, quam à suo simili, ut existat in hoc mundo, attrahit, & consequenter ei etiam facultatem irascibilem concessit, ut se à rebus ei in natura contrariis muniret & defenderet: Quibus videre possumus, quomodo Spiritus iste vivificans omnia manu minimè parcâ moderetur; Adeò, ut, tametsi omnia per oppositionem, nimirum lucem & tenebras creaverit, atque idem in respectu humano bonum & malum; tamen ordinavit ac disposuit, ut quodlibet individuum indueretur facultate irascibili, atque odio Antipathetico ad evitandum & effugiendum malum, hoc est, sibi vel ordine, vel natura, vel ambobus adversum, quousque tempus illud compleatur, in quo, post ejus exaltationem, omnem contrarietatem & discordiam, per unionis firmæ stabilitatem, ex mundis utrisque evacuetur: Quod etiam D. Paulus videtur sic confirmare: Cum evacuerit omnem Principatum & potestatem & virtutem, oportet eum regnare, donec ponat omnes inimicos sub pedibus suis: Novissima autem inimica destruetur mors, omnia enim subjecit pedibus ejus; Cum autem ei subiecta fuerint omnia, tunc & ipse Filius subiectus erit illi, qui subjecit

G g

illi

Coloſ. 2. 1.

Job. 1.

1. Tit. 6.

1. Cor. 12.

A. 7.

Sap. 1.

Sap. 12. 1.

1. Cor. 15.

## SECTIONIS SECVNDÆ, LIB. III. Membr. I.

Iohan. 12.

Apeal.

illi omnia, ut sit Deus, omnia in omnibus &c. Ista Catholica virtus Magnetica agnoscitur à Spiritu, in Christo, ex istis verbis: Si exaltatus fuero à terra, omnia traham ad me ipsum &c. Ac si dixisset: Ego, attractivâ & Magneticâ meâ virtute & unione reducam omnia in unionem atque identitatem meam, hoc est, in meam propriam naturam ea inferam. Ecce (inquit Textus alibi) omnia nova facio &c. Quibus liquet, quodd, ut initio omnia ab uno sunt orta, utpote in eo implicite comprehensa, & tum postea in explicita eorum existentia, sub duobus Principijs contrarijs continentur: Ita quidem in fine omnia sub Principijs discordantibus comprehensa, in unum & idem radicale Principium reducuntur. Sed adhuc Principijs contrarijs subijcitur: Nam totus mundus cum membris ejusdem ex lite & concordia ex inimicitia & amicitia, ex tenebris & luce, ex bono & malo componuntur, atque idè sub unius istius sapientiæ Divinæ protectione existunt, quæ gubernat omnia, & conatur victoriam super confusionem atque discordiam habere. Vt tandem pax atque unio sive consensus universalis fieri queat in isto mundo, & consequenter, ut res omnes revertantur in ipsam, in ipsa vivant, & cum ea uniantur, quæ est unica & sola Charitas; Ipsa creatura habet potestatem efficere consensum Symphoniacum cum suo simili, atque è regione, ut irascibili seu Antipathetica quadam proprietate suum contrarium aut evitet, aut summo conamine repellat.

Iam verò cum Spiritus iste insit omnibus, atque idè in re qualibet specifica, sequitur consequenter, quod attrahat illud Sympatheticè, quod est conservativum suæ naturæ & conditioni in qualibet re specifica ex animali, vegetabili, & minerali regno: & expellit Antipatheticè, ab ea, quod est nocivum, odibile, & detestabile, seu dispositioni suæ est contrarium: Atque huc usque, quod ad abbreviationem præcedentis meæ Sympatheticæ ac Antipatheticæ Theoriæ spectat. Iam verò me in utriusque earum praxin parumper immergam, ut hac ratione facilis ad credendum inducaris, quod talia, quæ Theoricè à nobis sunt antea propalata, sint efficacia, praxin realem lemiter (contra vanam, insipientum nonnullorum hujus mundi opinionem) idque naturaliter, hoc est, sine ulla Cacomagica aut Diabolica operatione producendam. Procedam, igitur ad propositum meum, atque ut Magis Methodicè incedam librum hunc in duo membra diversa distinguam, quorum prius Sympatheticos pertractabit effectus: Posterius eventus illos Antipatheticos, qui Magneticè in regno animali vegetabili & minerali proferuntur, breviter explicabit.

**LIBER**

## LIBRI TERTII Membrum. I.

In quo effectus in Sympathia mirabiles, qui Magnetica,  
attractione similis ad simile perficiuntur,  
lucide pertractantur.

## CAPVT. I.

*In hoc exprimitur, quomodo per quandam comparisonem Magnetis  
mineralis & virtutum ejusdem attractivarum, cum illis anima-  
lium & vegetabilium in lucem demonstrabilem proferre  
queamus, admirabiles illos effectus, qui in ipsis  
ambobus delitescunt.*

**C**um sit res observatione inter sapien-  
tes digna, nihil esse in regno coelesti,  
quod suum in illo terrestri non habeat si-  
mile, ita quidem nihil est in regno mine-  
rali, quod suo simili in regno vegetabili  
non fruitur: Atque iterum, sphaera Ve-  
getabilis imago tam in amore & odio, si-  
ve in attractione & evitatione seu unione  
& divortio in animali est reperienda: Sed,  
quoniam in regno minerali nihil in virtu-  
te actioni & vitae animalium propinquit  
ipso lapide Magnete reperitur, quatenus  
suum simile ferreum sensibilibus affectat,  
illudque amore concupiscibili prosequi-  
tur, nec non illud avidè attrahit, ac tandem  
se more mirabili cum eo instar maris ac  
fœminæ in regno animali conjungit & u-  
nit. Propter istam rationem omne simile  
in animali vel vegetabili regno, quod secū-  
dum hunc modum, nimirum in suo simili  
attrahendo operatur, haud injuria Magne-  
ticum dicitur. Hinc inde Paracelsus  
in istiusmodi Mysterijs versatissimus, cum  
de mummij Mysticis tam corporalibus,  
quàm Spiritualibus facit mentionem, at-  
que etiam de vijs & modis activis ad eas  
tam ex corpore vivo, quàm mortuo extra-  
hendas, ipse pro meliori suorum discipulo-  
rum instructione, atque etiam talium, quos  
artis filios nuncupat, exempla à lapide  
Magnetis & ferro deprompta producit:  
Nam per ipsos talium Mummiarum ex-  
trahendarum modum satis clarè denotat;  
& per consequens suo more, quid sit ani-  
malis & microcosmicus Magnes, medi-  
ante quo, Mummia microcosmica è suo  
corpore elicitur, explicat, videlicet, quòd  
sit res seu substantia quædam corporea,  
quemadmodum existis ipsius verbis colli-  
gere, fas est: Mummia (inquit) Spiritualis  
non operatur; Nisi per corporalia media:  
Quibus arguit modos corporeos, seu Mag-  
netica illa corpora, quæ Mummiam hanc  
ex corpore animalis viventis extrahere so-  
lent, eamque operari faciunt tam domi  
per contactum immediatum, quàm aliunde  
& ad distans; Imò quidem ad interval-

lum incognitum, idque mediante trans-  
plantatione debita. Ille ergo, qui sapit, &  
in mysterijs naturæ profundus, & cui Sym-  
pathetica concordantia, abstrusa proprie-  
tas, natura, virtus & Magnetis atque ferri  
origo, sunt bene notæ, agnoscat procul du-  
bio, quòd eorum Exempla homini pos-  
sint quàm aptissimè conferri: Nam, per  
eas, Magnetem microcosmicum facili-  
mè discernere, rationemque attractio-  
nis Mummia Spiritualis ex homine in-  
telligere, ac simul atque illius usum &  
finem ad salutem humanam destina-  
tum concipere potest: Ut igitur res il-  
læ, melius lectori dilatentur atque enu-  
cleentur, operæ pretium existimo, ut in  
primo loco chordam eandem concor-  
dantiæ Symphoniacæ percutiam, quæ  
naturam ac originem lapidis Magnetis,  
atque ferream concernit, quam aliquan-  
tulum plenius libro meo præcedenti teti-  
gi, ut exinde majori cum facilitate, qui  
nam sint Magnetes microcosmici, colliga-  
mus.

Ut in capite 3. lib. 2. istius tractatus  
vobis patefeci, quod esset evidens, lapi-  
dem ipsum Magnetem sive Calamitam,  
ex origine aliqua naturali minimè proces-  
sisse, sed potius ex partu seu initio mon-  
stroso, quippe qui, ut ab effecto vide-  
tur, ad instar muli ex genitoribus seu  
parentibus dissimilibus atque naturâ in-  
æqualibus procreatur, cum ejus Ma-  
ter, seu massa corporea passiva, apparet  
evidenter, esse quædam Saturnina Mer-  
curialis substantia, ejus verò Pater si-  
ve forma magis activa Spiritus metal-  
licus, Sulphureus & Martialis. Iam ve-  
rò modus, secundum quem mixtio ho-  
rum duorum fit, est hujusmodi: Cum  
Saturninus Mercurialis liquor lapideæ  
naturæ, esset adhuc in sua prima materia  
propinquus Mercurio Martis (nam hi  
duo communiter inveniuntur simul & in  
eadem miniera, videlicet natura Mag-  
netica & ferrea miniera) ob istam ra-  
tionem, nimirum ratione propinquitatis

## SECTIONIS SECUNDÆ. LIB. II. Memb. II.

eorum in consanguinitate (ut ita dicam) seu existentia, non nisi levis ac facilis requireretur, ad ambos in unum corpus colligandos, transmutatio : Atque hinc est, quod naturam inter metallum ac lapidem mediam, retineat : Vnde haud ineptè Mercurius Saturninus semi transmutatus dici potest, in quem, quando Sulphur Martiale, quasi forma Metallica ingreditur, illum pro Matre sua, passivè habet, ut pote, qui ipsum in se conservat & in corpus saxum coagulatur, quod calamita, seu lapis Magnes nuncupatur. At, quoniam quilibet Spiritus ab eo, quod propinquus & similis est suæ naturæ, affectat & appetit nutrirî, quæ natura & Spiritus præcipuè in ferro invenitur, imò verò ferrum & Chalybem perfectissima ab eadem miniera seu matrice provenire, nimirum ex corpore Magnetico observatur; Necesse habemus credere ex ejusmodi consideratione, quod Martialis ac Saturninus Spiritus Magnetis, ad se, idque à centro suo corpus ferreum attrahat ac sugat formales suos radios, quasi Spirituale suum nutrimentum ab eo extrahendo; Sed, quoniam ferreum corpus non tam citò relinquet Spiritum suum internum, idè sequitur, simul cum suo Spiritu attrahi ad Magnetem: (experimentiâ enim docemur, quod Magnes à ferri Spiritibus nutriatur & in suo vigore augeatur) atque iterum, ipsum ferrum Spiritus sibi similes in Magnete reperiens, appetit pariter æquali coitione, ut ipsorum fieret particeps atque in conjunctio sive unio haud aliter inter eos est facta, quàm inter marem & foeminam. Sed, quoniam Magnes est Mercurio lapideo Saturnino plenior quàm ferrum, quippe quod ab illa superflua materia virtute ignis emundatur atque purificatur magis & per consequens propinquius ad naturam masculi accedit, idè Magnetem ad se non tam avidè, quàm Magnes affugit: Est enim vetus & bene confirmatum axioma, quod materia desiderat & appetit formam, eamque tam avidè ad se allicit & amplectitur, ac foemina solet masculum. At verò, quod ferrum sit loco masculi, in eo liquet, quoniam virtutem & vires addit Magneti: Nam si polus Magnetis Chalybe seu ferro armetur, cum longè ultra propriam suam naturam animat, nam in causa est, quod lapis pondus ferri longè gravius ad se attrahat, quàm potuit sine suo ferreo additamento præstare. Hoc igitur rectè considerato, cum majore facilitate colligere possumus, quidnam rei & qualis conditionis Magnes ille Microcosmicus esse debeat, qui Spiritum seu mummiam Spiritualem microcosmi, omni sine damno aut corporis detrimento aut debilitate extrahere potest. Si ergo opus hoc admiratione dignum aggredi velimus, necesse est hoc faciamus cum Magnete Corporali ex homine vivo ex-

tracto, cujus productio & generatio debet in omni respectu illo terreno & minerali microcosmi convenire, de quo antea amplam fecimus mentionem: Quem quidem hoc in loco apertè nominare mihi idè non proposui, sed solis circumstantiis insinuant, ut ista ratione à virtute ac honestate dignis & veræ Philosophiæ peritis percipiatur, atque ab indignorum, malignorum, stolidorum turba abscondatur: Nam, ut mediante hac re, Magna salutis humanæ utilitas afferri potest, ita etiam è regione vires ipsius ad sensum malèvolam, mala multa proferri, & scelera haud in re publica tolerabilia patrari possunt. Sufficiet igitur Sapientibus intelligere, quod sit res quædam, ex corpore sine violentia extracta, quæ terream, mercurialem ac Saturninam existentiam habet, à Martiali, seu sulphurea atque cholericæ formæ, ad instar Magnetis mineralis, imbuta sive animata, quæ post debitam præparationem habebit virtutem specificam extrahendi Mummiam Spiritualem, tam sanam, quàm infectam à corpore microcosmico, quæ tum postea ad distantiam à patiente transferri aut trans plantari potest.

Velim autem, ut quilibet intelligens Philosophus, sciat, quod natura omnium rerum Magnetica, tam Antipathetica, quàm Sympathetica solummodò in Sulphurea virtute Spirituum vitalium consistat, qui ratione suæ incarcerationis apti seu prompti sunt, suum simile per contractionem sui ipsius à circumferentia ad centrum attrahere: Ita quidem animale, vegetabile & minerale subjectum, quod est immediatum Spiritus Sulphurei receptaculum, quadratione suæ puræ Saturninæ Mercurialis terræ, suum simile ad circumferentiam virtute actus Spirituum inclusorum attrahit, quo mediante, vegetant tam in aëre, quàm in volatili eorum sale, quod Saturnina & Boreali quadam conditione ad instar nivis condensatur & pruina, in æthereo & cœlesti eorum igne, quo vivunt. Atque iterum Spiritus Sulphureus retrovolat, vel radios suos in sal suum centrale reflectit, postquam à centro ad circumferentiam emanaverit, ratione accidentium Boreallum, videlicet frigore externo, uti in igneis seu cœlestibus seminariis aëri instrumenti nostri experimentalis inclusis apparet, quippe qui cum spirante Borea vel vento Boreali, idè contrahitur, quia Spiritus Sulphuris sive ignis cœlestis, qui ei inest, olim calore expansus, si à frigoris suæ naturæ oppositi insultus evitando, se ipsū in aëris inclusi centrum recolligit, & quasi nebula aërea involuit, ut melius à frigoris inclementia muniatur. Nā (ut in posterū Magnetica quadam demonstratione docebitur) Sulphureus æquator est polis frigidis Mercurialibus admodum adversus. Etiam in corpore humano, dum Borealis sive stupidus quidam pavor illud ob-

sedis,

sedet, Spiritus vitæ sulphureus observatur se à circumferentia ad centrum contrahere, atque hac ratione exanguis pallor seu luror, aspectum faciei & universi corporis externum occupare notatur: At verò motus istiusmodi Spirituum retrogradus, est Antipatheticus, & à passione contranaturali efficitur. Iterum, Sulphurei illi Spiritus libertate adepta se ipsas dilatant & expandunt in aërem apertum; Vt pote, qui nullum habent Magnetem evidentem ad eos vel centraliter attrahendos vel in locum arctiorem contrahendos.

Concludimus igitur, quod Magnes microcosmicus debet egredi, vel originem suam habere à sulphureo microcosmico Spiritu in suo proprio sale, in quo consistit ejus forma, & à Mercurio magis extraneo atque alieno, qui ratione suæ vicinitatis & propinquitatis, ad ejus minieram est magis familiaris cum eo, & quasi ademptione ei alligatus: Atque iste Mercurius, est materia hujus Magnetis passiva: Quare ex istis duabus Microcosmi vivi portionibus, nimirum formali & materiali, Magnes iste noster elicitur, quo mediante Mummia Spiritualis ex homine vivo extrahitur, cujus ope & actu mirabiles curationes simul atque damna perniciose possunt tam ad distans, quam per contactum immediatum effici. Etiam ille internus Magnes, sive attractivum sal in homine, in cujus interno, Sulphureus Spiritus vivificans sedem suam habet, & ex cujus conditione & radice Magnes noster prædictus

oritur, eisdem effectus salutes, atque quam plures alias raras conclusiones experimentales præstare potest, si à viva persona aut in Sanguine, aut unguibus, aut pilis hominis vivi transferatur, ac debito modo transplantetur, idque per effusionem quandam insensibilem.

Est etiam & alius Magnes microcosmicus, qui ab hominis mortui cadavere desumitur, cujus ope Mummia Spiritualis ex homine vivo elici, & humanæ saluti, tam immediata applicatione, quam transplantatione illius in vegetabile, nimirum in herbam vel arborem, conferre potest, ut infra dicetur clarius. Sed, quoniam Methodus ac ordo harum rerum in ista nostra demonstratione à posteriori, hoc est retrogrediendo ab effectu ad causam originalem harum rerum, erit admodum capacitati humanæ conveniens, operam in ista mea explicatione dabo, ut à grossis Elementis ad magis subtilia & abstrusa ascendam; Ac si gradibus proportionis à terra ad astra me paulatim elevarem. In animo igitur meo est, ea loco priori vobis enucleare, atque Magneticè demonstrare, quæ per solum duorum corporum, unius ejusdemque naturæ & conditionis contactum perficiantur. Sed, priusquam incipiam cum illa Mummia, quæ extrahitur è corpore mortuo, maxime in loco priore, opinor, fore necessarium, ut aliquid de Cadaveris humani mysterio hoc in loco tradam, quo melius & magis Methodicè in sequentibus incedamus.

## CAP V T. II.

*Quod sint quatuor corporalis Mummie genera, quorum unum est salutare & in usum Medicinalem venit, in isto etiam capite experimentum quoddam cum quibusdam demonstrationibus ocularibus, ad Magneticam sive attractivam Spirituum Balsamicorum virtutem confirmandam, quæ mummia salutaris inest, satis luculenter exprimitur.*

**Q**ui naturam tam internam, quam externam hominis satis profundè considerarunt, hi certè perceperunt, Mummiam microcosmicam esse conditionis duplicis, corporalis scilicet & Spiritualis: De illa autem corporali meum erit in primis hoc in capite loqui: Alterius autem dispositionem pertractabo inferius. Ad illam corpoream quod spectat, est illa aut naturaliter Sympathetica aut immaturaliter Antipathetica: Invenimus ergo experientiâ docti, quod Mummia corporalis naturalis, post debitam ejus præparationem, quæ propria sua proprietate Magnetica efficitur, sit tantummodò medicinalis & salutifera; Alia verò, nimirum illa innaturalis

aptior est morbos & infirmitates parere & homines sanos inficere, quàm, ut ullum ipsis ægrotis aut remedium aut solamen afferre queat: Nam, ut juxta quatuor Elementorum naturas sunt quatuor corporales seu substantiales Mummie: Ita etiam ipsæ secundum Elementa illa, quorum naturis sunt indutæ distinguuntur, ex quibus illarum tres sunt corruptibiles, & morborum ac mortis productores, nempe illa terrea, aquea, atque ignea; & solummodò illa, quæ est ærea est ad vitam humanam præservandam utilis, quippe naturæ humanæ amicitabilis. Ad tres istas species, quæ corruptionem generant quod attinet, ratio cur ipsæ deveniant ita corruptæ, est hujusmodi.



## SECTIONIS SECVNDÆ, LIB. III. Membr. I.

Pro axioma in Philosophia generali habere debemus, quodd corruptum corruptipentis naturam induat: Exempli gratia, si cadaver hominis in terra corrumpatur, tunc mutatur & transit in naturam terræ, & pro salute humana inutile devenit; Imò quidem magis destructivum, quam constructivum aut salutare redditur. Iterum, si corruptio fiat in aqua, tunc quidem caro corrupta aut corpus mortuum, aqua imbutum, acquireret & induet naturam mucilagineam; Atque idèd incommodum atque inutile pro conservatione vitalium spirituum erit: Denique immoderata ignis violentia Spiritus in corpore Mummiali consumuntur, & expirabunt. Iam verò ratio, cur Mummie dictæ corporales in tali statu sint pro sanitatis tuitione inconvenientes, est, quoniam illæ prædictæ tres ita destruunt & corrumpunt corpus earum, ut cogant ejus terram, aquam & ignem in suam propriam materiam reverti: Adeo, ut cum terra & aqua ordinantur esse duorum Elementorum, videlicet ignis & aëris receptacula, quæ ambo, solummodò in corpore in corrupto conservari possunt, debet necessariò sequi, quodd in tribus prædictis Mummijis, Spiritus illi vivificantes debeant evolare atque evanescere ob defectum corporis naturalis quod jam factum est corruptum, putridum & consequenter innaturale. Cum igitur nihil requiratur in vera Mummia, quàm illud, quod aptum est ad vitæ conservationem, imò verò pro sola vita seu Spiritu, qui est aër, qui in exilium relegatur & expellitur à tribus prædictis Mummijis, idèd nihil ex ipsis extrahi potest, præter ægitudinem, mortem ac destructionem & consequenter effectus Antipatheticos: Ita, ut si corpus interfectum seu præfocatum, sanum corrumpatur sub terra aut in aqua, non erit idoneum aut proprium ad usum corporis humani salutarem: Ille idem respectus est corporibus talibus habendus, quæ ex infirmitate aliqua moriuntur, & quamvis hæc non sint visibilibus corrupta à tribus dictis Elementis externis, tamen nihilominus evenit aliquando, ut quædam invisibilis, corruptibilis influenza sive impressio, fiat aut causetur ab externo Elemento in interno. Hinc ergo

procedit bellum illud intestinum, in corpore humano, quo Elementa se invicem interficiunt & corrumpunt, sed modo ac ratione planè diversa, aliter videlicet in uno corpore, quàm in alio, secundum quod unum Elementum vel Elementaliter alteratio dicitur habere Dominium super aliam: Atque hæc est ratio, quodd tanta morborum varietas frequentet corpus humanum. Verbi gratie, Hydrops procedit à forti impressione aquarum; Febris Hæctica & ardens ex igneis oriuntur in sultibus; Ac lepra à Dominio terræ & fixa ejus falsedine &c. Atque idèd, ubicunque talis corruptio Elementaris corpori cuiquam accidit, ibi Salutaris Mummie corporalis spiritus, cum habitatione seu mansionem ipsius funditus subvertitur, unde & spiritus coactus est discedere; ac per consequens spiritus, Mummiales contrarij prædominantur: & ad operandum Antipatheticè & destructivè præparantur & apti sunt: Quemadmodum in secundo libri hujus membro exprimitur latius. At verò si corpus sanum & infirmitatis expers per, vel in Elemento aëris interficiatur, hoc est vel præfocatione, suspensione & hujusmodi, tunc nulla invenietur in eo cadavere dictorum Elementorum corruptentium impressio, & propter hanc causam manebit in corruptum, nec aliquam resolutionem Elementarum tam diu permittet, quàm in aëre reservatur. Si ergo corpus seu Tabernaculum spirituum & Balsami vitalis maneat integrum, tunc aëreus vitæ Balsamus, non compelleretur à sua mansionem recedere, tam diu, quodd corpus seu cadaver nec natura nec arte dissolvatur. At si dissolvatur tunc corpus illud mortuum, relinquet utani ma atque etiam Spiritus astralis, qui unum cum alia reconciliavit: Sed vitalis vegetabilis & Balsamicus Spiritus manet in corpore incorrupto. Sequitur ergo, quodd ista aërea species Mummie microcosmicæ sit maximè pro spirituum vitalium in homine vivo conservatione propria, si debito modo extrahatur, & præparetur, ac tandem à medico perito ægrotis adhibeatur. Iam verò ad experimenta nostra Magnetica, ad subiectum mummiale pertinentia accedam breviter.

### P R O P O S I T I O.

Si ista salutaris Mummie aëreæ species cum suo vehiculo aut organo Magnetico rectè eligatur, induet ratione absentie vitæ activæ & Dominij frigoris, conditionem poli Borealis, & consequenter per rationem istam, illi Spiritus aërei inclusi, (quid corpus viveret, erant calidæ seu æquinoctialis naturæ, atque idèd magis dilatativi à centro circumferentiam versus, quàm contractivi, jam verò per mortem coacti sunt agere & movere à circumfe-

rentia ad centrum) si à centro sint excitati, atque evocati à Spiritibus, qui sunt vivi & æquinoctiales tum redduntur ac fiunt attractivi & attrahunt sibi mummiam æquinoctialem, nimirum contrahendo eam versus suum centrum: Ac per consequens, ista aërea Microcosmica Mummia debet induere Magneticam proprietatem poli Borealis, atque idèd contactuali ejus applicatione, ad suum simile in homine vivente, suget & attrahet avidè & valdè sensibilibus

liter naturā sibi similem illamque per attractionem introductam retinebit, ita, ut illa possit debita præparatione reddi Sympathetica, ac in optimi pro salute humana medicamenti statū reduci: Vel è regione potest taliter ab impura & contagiola Mummia

creaturæ alicujus infirmæ corrumpi aut cōtaminari & Antipathetica fieri, ut mediante ea, morbus possit transferri seu trāsplantari ab una creatura, videlicet ab ea infectā, ipsam relinquendo sanam, ad aliā sanam, ipsā coinquinando & efficiendo morbidam.

*Experimentum super hoc.*

Ego ipse accipiebam sive eligebam portiunculam Mummie Borealis, videlicet Carnis hominis suspensā, in qua Mummia centralis inhabitabat centraliter, atque eam corporis mei parti applicui, quæ erat propinquior in situ naturali ad Mummiam applicatam; Ligavi eam loco satis firmiter per totam noctem, & inveni eam in primo contactu, valde frigidam & instar glaciei Borealis gelidam, post quam autem per aliquod tempus ibidem remansisset, percipi quidem in Spirituum ipsius congelatorum & Borealiter in centro contractorum, à calore corporis mei æquinoctiali, excitatione, aliquid ex meis Spiritibus Mummialibus & vivificis avidè attrahi & partes adjacentes quandoque ac quasi per

vices & accessiones, in operatione Magnetica sensibilibiter & modo quodam doloroso avelli ac contrahi. Denique post aliquod spatium, nimirum tempore matutino, removebam corporale illam mortui Mummiam, eamque inveni valde tam in odore, quam colore alteratam, ratione spirituum meorum quantitatis, quos ei attraxit, quos ambos spiritus, ita in unum more Magnetico congregatos, pro salubri corporis mei usu præparavi atque reservavi: Verum, quoniam forsā assertio hæc mea, quibusdā incredulis apparebit falsa, ego cujuslibet hujus rei particularis seu membri possibilitatem, exemplis sive demonstrationibus comprobabo.

*Prima demonstratio, facta per relationem ad naturam microcosmicam habitam.*

**A**D probandum & demonstrandum, quod spiritus Microcosmicus, non aliter quàm aër Macrocosmicus ad quamlibet impressionem polarem induendam sit aptus, & per consequens magis attractivus & Magneticus in Boreali seu frigida sua proprietate, quàm in habitu suo æquinoctiali seu Australi, Machinam seu speculum nostrum experimentale intueri debemus, quod pro demonstratione, Catholica, ad Philosophiam meam sectione prima descriptam, inserviebat, quippe in quo percipimus, quodd, quando venti æquinoctiales, nimirum aut Australis aut Orientalis spirent, tunc aër vitro inclusus; Atque idè ille exclusus Catholicus aër, est minus Magneticus seu attractivus, quàm cum venti Boreales spirant. Atque hoc in eo evidenter probatur, eò, quodd, quando dicti venti spirant, aër internus & consequenter ille externus aptior est ad se dilatandum, ratione emanationis spirituum illorum sulphureorum seu coelestium à centro ad circumferentiam, qui in quolibet dictorum spirituum aëreorum inseruntur: Nam tali emanatione facta est expulsio quædam, seu potius partium aërearum expansio, per rarefactionem corporis earum: Atque idè observetur in instrumento, quodd aër, dum flant venti calidi, aqua non ascendet in collo vitri ultra signum seu figuram 1. sed magis deorsum depellitur: è contrario verò, quando venti Boreales spirant, aër tam in elemento Catholico dilatatus, & mobilior redditus contractione condensatur, & in nives, glaciem &

pruinās immobiles redigitur, hoc est terræ induit conditionem, ita ut videamus, aërem in hoc statu esse admirabiliter contractivum: Quemadmodum ad vivum in instrumēto illius descriptione lib. 1. sect. 1. hujus facta, depingitur: Nam spiritus vitro inclusus attrahit aquam ponderosam inclusam sursum super 1. & se constringit & coarctat in minus seu Augustius spacium? Vti redditur evidens, quando nives & pruinae diu habuerunt in Macrocosmo Dominium, in quo tempore aquam contra suam naturam usque ad 7. colli machinæ seu vitri scandisse observabimus, cujus quidem rei rationem in præcedentibus indicavi: Nimirum, quia occulta sulphurea natura spiritus, qui est Sol, lucis & in vita actor, in suo aëreo spiritu vectus, frigoris eum persequentis insultus evitat, seque aëre circa centram ejus sedem obducto & condensato adversus sui inimici actus manet.

Eodem planè more frigidi & congelati Mummie mortuæ spiritus, centraliter ob eandem rationem contracti & quasi mortificati & congelati, per Mummie illius applicationem ad corporis vivi spiritus, quasi frigidum, Borealem aërem ad Æquinoctialem seu Australem solem, atque ita hominis vivi contactu excitati, atque evocati, avidè eos in vivo corpore, quasi eorum opem & suppetias adversus hostem suum frigidum implorando, attrahunt & possessione eorum videntur gaudere ac fortificari, & quodammodo satisfieri. Quodd autem hoc sit ita exemplo itto

## SECTIONIS SECUNDÆ. LIB. III. Memb. I.

demonstrativo à Magnetee desumpto, facil- I limè, eo quo sequitur modo, probabo.

### 2. DEMONSTRATIO.

Quod nec Spiritus in corpore mortui | lentè & moderatè, attrahant, in hunc mo-  
Spiritus mortuos, nec Spiritus in corpore | dum ex Magneticæ dissectionis observa-  
vivi vivos ad se Magneticè nisi admodum | tione arguitur.

### PROBLEMA. I.

Polos Australis unius Magnetis, naturali | alterius : At vero si polus Borealis unius,  
quodam odio evitat polum australem alte- | applicatur polo Australi alterius, se invi-  
rius, & nullo pacto se sinent mutui amo- | cem naturali inclinatione amplectentur,  
ris vinculis conjungi : Sed unus naturali | & forti attractione sibi adhærebunt.

### Exempli gratia.


Accipe Lapidem Magnetem, polis di-  
stinctis perspectum, tam meridionali,  
quàm Boreali signatum, pone illum in par-  
vulam cimbam ex subere confectam, vel  
in pelve vel dolio aqua repleto fluctuet,  
sintque poli ad planum Horizont rectè dis-  
positi, aut saltem non multùm elevati &  
obliqui : Tene alterum lapidem, in manu,  
cujus poli sunt etiam cogniti : Ita, ut Polus  
Meridionalis ejus, sit versus polum Sep-  
tentrionalem, natantis prope ipsum à late-  
re : Sequitur namque illicò fluctuans lapis,  
lapidem, (modò intra vires ejus & domina-  
tum fuerit) nec desistit nec deferit, donec  
adhæreat : Nisi manum subducendo, con-  
junctionem cautè evitaveris : Perinde eti-  
am, si polum Septentrionalem illius,

Quem manu tenes, opponas meridionali  
polo lapidis natantis, concurrunt inter se  
& mutuo sequuntur invicem : Contrarij  
enim poli contrarios alliciunt. Iam verò si  
Septentrionalem Septentrionali & Meri-  
dionalem Meridionali eodem modo op-  
ponas, lapis lapidem fugat, & tanquam cla-  
vam impellente navita divertit, & in con-  
traria velificat qui æquora sulcat, nec uspi-  
am constat aut acquiescit, si alter insequi-  
tur : Disponit enim lapis lapidem, conver-  
tit alter alterum, in ordinem reducit & in  
suas concordantias deducit. Hæc Gilber-  
tus libro 1. cap. 5. de Magnete, cui con-  
venit Ridelæus in tractatus sui Magnetici  
cap. 22. & 24. disponendo duos lapides, in  
suis vasis vel Cymbis affabrè sic dispositos.

Gilbertus de  
Magnete lib.  
1. cap. 5.

Ridelæus Tra-  
ctat.  
De Mag. cap.  
22. & 24.

Rid.  
Vol. 75.



Applica-

• *Applicatio ad rem nostram.*

**P**ari siquidem ratione Mummia mortua, seu naturæ ac dispositionis Borealis, aut non omnino, aut non nisi debiliter in suum simile operabitur: Nec quidem magis præstabit, caro æquinoctialis vel australis, hoc est, calida & viva in sibi simile: Sed è contra poli invicem contrarij

mutuò agunt in se invicem, & virtutè Magnetica tentabunt, ut simul uniantur, idque attractiva & contractiva. Boreæ microcosmicæ, sive frigida hominis mortui carnis, quæ secretò quodam instinctu calidam Æquinoctij, seu austri humani naturam concupiscit.

3. *DEMONSTRATIO.*

Ad fortificationem autem & augmentationem Spirituum in Mummia quasi mortua & impotenti, per contactum Mummie Meridionalis seu carnis vivæ quod attinet, probatur modo Magnetico

esse possibilis, per istam sequentem demonstrationem problematicam, quæ nos docet, quòd Magnes Borealis aut Mummia aërea exaltatur in sua potestate per illum Meridionalem.


*PROBLEMA. 2.*

Magnes robustior majorque, vires auget Magnetis debilis minoris, atque etiam ferri supra polum Magnetis majoris, posito minori: Borealis polus robustior evadet & obelus (tanquam sagitta adhæret polo A. Boreali, non polo B. omnino: Polus etiam A. cum in recta linea fuerit superne cum axe utriusque Magnetis juxta

Magneticas leges conjuncti; Obelum attollet ad perpendicularum, quod non potest, si Magnus Magnes remotus fuerit propter proprias vires imbecilliores. Hæc Gilbertus. lib. 2. cap. 25. de Magnetis, cui astipulari videtur Riddleus. cap. 23. tractatus Magnetici.

Gilbert. lib. 2.  
cap. 25. de  
Magnetis.

Gilbert de  
Mag. lib. 2.  
cap. 25.

*APPLICATIO.*

Simili planè modo Mummia Borealis in carne mortua, sua conjunctione cum natura australi seu carne viva excitatur & viribus exaltatur: Nam fugit & allicit hac ratione Spiritus novos & vigorem amplio-

rem ad se à Magnete fortiori, illum relinquendo ob istam rationem debiliorem: Sed hoc sequenti isto problemate succulentius declaratur.

*PROBLEMA. 3.*

Si duo Magnetes duobus dentibus ferreis seu Chalybeatis armati vobis exponantur, quorum unus est fortior, alter debilior multum, quorum axis sive Diameter inter dentes sunt æquales seu ejusdem longitudinis, & tunc adaptabitis den-


tes horum à contrarijs polis provenientes ad invicem, invenietis, quòd lapis fortior apprehendet & elevabit debiliorem, & debilior cum fortiori unitus atque incorporatus virtute illa, quam recipit à fortiori, elevabit fortio-rem & majorem à terra.

H H

& fix.

## SECTIONIS SECVNDÆ. LIB. III. Memb. I.

& firmiter retinebit eum, tametsi sit gravius multum, quam est pondus, quod iste lapis minor solet communiter elevare.



In qua demonstratione superioris & minoris Magnetis A. B. E. poli seu dentes sunt A. B. Quorum A. est Borealis. B. Australis, inter quos est eadem in

longitudine distantia seu axis, quæ est inter dentes seu polos majoris Magnetis C. D. F. nimirum inter C. & D. cujus C. est polus: Meridionalis est. C. Borealis verò D. ut possint more Magnetico ad se invicem adherere.

### APPLICATIO.

Ita etiam debilior seu Borealis Mummia, utcumque in quantitate minor, vires attrahet & multiplicabit Spiritus facultate sua Magnetica à massa majori & fortiori Mummia australis sive vivæ.

Denique, quod in applicatione istius Mummie Borealis seu gelidæ mortuæ, ad illam australem vivam seu æquinoctialem, maximè evidens & fortior attractio procedit à Mummia Boreali, ex isto lapidis Magnetici exemplo apparet.

### PROBLEMA. 4.

Est quædam Magnetica attractio à Magnetis æquatore, sed admodum differens ab illa ipsius poli Borealis, tam in violentia, quam modo attrahendi: Nam attractio æquinoctialis est magis naturalis & suavis ac si esset medium inter utroque polos. Et tamen in substantia totus lapis non est, nisi terra unica, tametsi in forma

li executione sit diversus. Exempli gratia, erectio obelli ferrei erit minus perpendicularis, & attractio est eò debilior, quod propinquius accedit à polo versus æquatorem: Atque iterum, omnes qui scripserunt Historiam Magneticam, maximam attrahendi virtutem polo Magnetis Boreali ascribunt: Vt infra declarabitur latius.

### PROBLEMA. 5.

Duo Magnetes qui armantur duobus dētibus ab utroque extremo descendētib; in eodē diametro sive simili longitudine, tunc dētes collocandi sunt simul qui sunt contrariæ naturæ: Nimirum dens poli Borealis unius, cum dente poli Australis Alte-

rius: Atque hoc ad invicem adhærebunt, unusque ad se trahet & elevabit alium. Verum. Si pedes polorum ad in vicem applicant non uniuntur neque in invicem operantur: Vt in demonstratione problematis.

### APPLICATIO.

Ergo nec Sanguis Australis in Australem hoc est vivus & currens viventem & mobilem non trahet, nec Borealis in Borealem, sed Australis in Borealem & Borealis in Australem nimirum vivus Sanguis mediante suo Spiritu, in mortuum, effusum, atque congelatum, seu Spiritus mortui, ef-

fusi, ac congelati in vivum illum sili attrahendo & ad se uniendo, uti in curatione armario videtur.

Concludam jam cum demonstratione à Mummia bestiaram desumpta, quæ est huiusmodi.

#### 4. Demonstratio, quæ est Animalis.

Commune est & vulgariter in usu, carnis bovinae crudæ portionem accipere, eamque ad nadium capitis, seu superiorem colli partem applicare, ad divertendos catarrhos sive defluxiones ab oculis. A quodam fidei & Doctrina digno eram certior factus, quod, cum homo quidam rationis non multum capax, qui oculis rubentibus & lachrymantibus laboraret, à quodam consuleretur, ut carnem bubulam omnino crudam, in collo ad retro distra-

unde mala erat ejus fortuna, medicamen hoc tam fortiter attraxisset, quod loco extractionis humoris peccantis oculos ejus ex eorum sede & loco evulserit. Similiter generosa quædam mihi, quondam patiens affirmavit, quod applicatione carnis huiusmodi crudæ collo suo ad oculorum suorum defluxiones curandas, ipsa sensim, idque ab eo tempore, diu percepisset propter fortem copici attractionem, oculos suos quodammodo ad interiora reclinantes: Nec ad hunc usque diem persuaderi queat, quin ut oculi sint profundius in capite, quam par est immergi, tametsi fateor, me illud

AB

vix & ne vix quidem illud potuisse percipere.

Ex istis igitur ratione longè fortiori arguitur, quòd experimentum superius à me allegatum sit in omni (ni fallor) respectu

pro vero demonstratum, quatenus ipsius Magnes ex subtilibus aëreis Spiritibus Mummialibus interna & centrali quadam virtute, in massa Magnetica congelatis, componatur.

### 5. Demonstratio relativa animalis Magnetica.

Vir quidam nobilis, Bohemiae Burgravius dictus, huiusmodi medicina pro sua podagra curatione est usus: Accepit carnis bubulae crudae portionem & cum vini paxillo eam humectavit, locoque affecto applicuit, istud medicamentum per singulas sex horas renovando, & magnam copiam materiae foetidae ac sordidae extraxit, & si tum postea canis aliquis carnem illam comederit, ille etiam eodem inficietur morbo & claudicabit, atque erat super duos illius Magnatis canes probatum: Vti Hans Tanker minister sive presbyter, ad Baronem Lord Hoffman asseveravit: Atque ipse agnoscit, se oculis suis proprijs vidisse effectum super alium canem: Si ergo massa ista grossa substantiae Magneticae p-

tuisset in suo simplici natura tam fortiter ad se attrahere, multum magis debet fides nostra super Mummiam magis Spiritualem & aëream sive Magnetem Mummialem fundari sive collacari, qualis est illa ex homine vivo more antea citato extracta, quam non adeò apertè, sed solummodò per relationem ad monstruosam Magnetis generationem descripsi, ut à sapientibus & pijs, & minimè à stultis & malevolis impijs & Diabolis incarnatis intelligeretur, quippe mediante quo tam malum patrari, quam bonum effici queat, scio etiam pro re experta, Epilepsiam à servo sororis Roberti Cotton Militis, in canem modo haud dissimili fuisse translatam, libero manente tum postea homine.

### 6. Demonstratio etiam animalis.

Habetur pro maximo in peste remedio, quando Carbunculus apparet. Subiunctionem deficcatum aceto maceratum ad tumorem seu locum affectum applicemus: Nam istud medicamentum topicum traditur venenum morbi vivaciter ad se attrahere: Hoc saepius erat probatum, & à quolibet procul dubio infecto prospero cum successu probari potest. Ratio autem est, quia boso est Magneticè attractivus & stipticus, partim respectu sui veneni frigidi atque etiam Borealis, stupidæ, gravis, atque melancholicæ dispositionis, & partim, quoniam observatur sanguinem sistere: Ita, ut iste grossus, & terrestris Magnes venenosus, suum præstet officium in attrahendo venenum à Carbunculo sibi simile, ta-

meti non ita subtiliter & Spiritualiter, ac Mummia illa Elementaris, aut aërea Borealis facit à vivo seu australis naturæ homine.

Vobis recitare possum naturas plurimorum vegetabilium, quæ habent proprietatem ad se alliacendi ac attrahendi, modò si in febrilibus intemperiebus, vel plantis pedum aut pulsibus brachiorum adhibeantur: Sed quoniam opus tale vobis tædium fortasse videbitur, relicto eo, ad secundum in virtute Mummiarum Magnetica gradum, procedam, qui spectat etiam ad distans, imò verò ad longitudinem incognitam, idque mediante Spiritualis in aëre attractione, uti capite isto sequenti latius.

## C A P V T. III.

*Quomodo relatione rerum naturalium ad invicem, ipsæ (facto prius inter se contactu corporali) mirifice operentur, hocque Magnetico consensu & Spirituali continuitate, postquam contactus est factus tam in curatione morborum, quam consumptione sui similis per mutuum operationem ad distantiam sive spatium in cognitam.*

**P**rocedam in hoc meo discursu, utoccepi, nimirum à generali propositione ad diversitates experimentorum, quæ

tum postea facta esse possibilia, varijs relationibus demonstrativis comprobabo.

## P R O P O S I T I O.

Possibile est, ut duæ Mummiae conditione oppositæ, hoc est una existente in statu mortuo & Boreali; Alia verò in dispositione viva & australi seu æquinoctiali, possint post contactum corporalem inter

eas factum, operari ab una in aliam ad magnam distantiam, mediante, Spiritualis quadam relatione, quæ tam Antipatheticè, quam Sympatheticè continuatur inter eas.



1. *Experimentum dictam propositionem confirmans.*

Nobilis quidam Italus habuit malâ fortunâ nasum suum excisum atque amputatum : Hic consilio sui medici vulnus fieri iussit in Brachio cujusdam sui servi seu captivi, cui vulneri ipse nasum suum mutilatum mediâ applicuit, firmiterque ad illud ligavit, & in hoc statu continuavit, quousque unio completa inter carnem servi & sui Domini erat facta. Post hæc portio seu frustum carnis servi naso adhærens erat excisum, & in formam nasi redactam, vulnus autem servi à chirurgis est sanatum, & ipse pro dolore & patientia & merito suo, non modò manu mittitur, sed & præmium, nimirum bonam pecuniarum portionem accepit, viamque Napolin versus fecit, quæ civitas à domo seu residentia sui Domini erat ad minus centum milliaria : Caro igitur nasi adaptata, prosperè vivebat, & à venis tam diu quàm servus vivebat, nutrimentum suum accepit. Accidebat autem, quòd manumissus ille Neapoli moreretur, unde eveniebat, ut caro naso adaptata immediatè marcescere & gangrænâ paulatim affici inceperit, ita, ut sicam subito & sine mora non excindisset, in periculo mortis fuisset procul dubio. Hæc mea relatio à multis literatis ac alijs fide dignis pro vera confirmatur, & apud Italos communiter est publicata, & à docto quodam Germano scriptis suis publicè sustentata.

Hac igitur Historiâ videre possumus, quòd tam diu, quàm duo corpora, quæ contactum fecerunt, essent unius ejusdem-

que conditionis, videlicet Australis sive æquinoctialis, ipsa, utcumque ab invicem remota, admodum Spirituali Sympathia inter se operabuntur, hoc est, non obstante Magno illo intervallo, erant nihilominus præsentia in Spiritu, vel mutuo conveniebant radiorum Sympatheticorum aspectu, & hac ratione caro unius Spiritualiter vivificabatur à vivo alterius fonte, haud aliter, ac granum tritici nutrimentum suum habet, & vivificatur applicatione radiorum solarium ad illud : Sed quando Australis seu Æquinoctialis proprietates unius, nempe servi, in Borealem, mortuam & frigidam naturam erat mutata, tunc vivificans in eo Spiritus ab actione sua cessabat, hoc est, à pristina sua ad carnem adaptatam applicatione quiescebat, & loco vivifici illius aspectus, Spiritus ejus jam in Borealem conditionem redactus, allectat & fugit ad se totam illam naturam, quam dispositio ejus australis ei impertivit. Eodem videlicet planè modo, quo Borealis pruina in mundo, interficit quasi & Boreali & contractiva sua facultate extrahit vitam grani, seminis, aut plantæ, aut herbæ. Atque ob istam rationem Gangræna, (quæ est morbus Borealis) portionem carnis naso adaptatam occupavit. Hic ergo videmus, quomodo idem Spiritus alteratus ab Australi sive æquinoctiali in Borealem dispositionem, per modum contrarium, innaturalem & privativum, idque secreto & è longinquo operetur.


1. *Demonstratio Corollaria à macrocosmo desumpta.*

Videmus in instrumento Calendario seu experimentali nostro antè descripto, quòd inter caput vitri & locum aquæ, videlicet per integrum matricij tubum, sit Spiritus aëreus invisibilis, qui tamen ex se non videatur, nihilominus in effectu visibiliter operatur. Nam, si externus aër sit admodum calidus, tunc aër vitro inclusus dilatatur, quod exinde liquidò declaratur, quoniam aqua elevata tunc temporis deorsum depelletur, tamen nullum aliud agens oculare invenitur : Verum intuitu intellectuâli discernere possumus, illud virtute vivæ lucis in aëre Sulphuræ emanationis fieri, cujus secreta radiorum emissionem, aër inclusus rarefit, & rarefactione aquam in tubo sublimatam præcipi-

tat : è regione verò, frigore Boreali, aqua elevatur in altum, ratione Spirituum emissionis contractionis ; Ita, ut percipere queamus, quomodo emanationes vivæ, & consequenter agentes & vivificantes Spiritus, è vivo & calido fonte microcosmico creaturis ad animandum & vivificandum aptis emittantur. Sed si fons ille deveniat frigidus & glacialis, loco additionis actionis australis vitæ, mortiferam & privativam distractionem pariet, quod etiam facillimè in instrumento meo experimentali ex Spirituali concurrentia, seu potius invisibili atque insensibili continuitate, quæ facta est inter utraque in instrumento extrema, est observandum.

2. *Demon-*

## 2. Demonstratio de lapide Magnetici proprietate derivata.



Gilbert. lib. I.  
de Magnete  
cap. 5.

**A**ccipiemus lapidem Magnetis oblongum sitque A. D. in quo A. sit polus Septentrionalis, D. verò Meridionalis, hunc in duas partes æquales seca per æquinoctialem circa B. C. Postmodum exponatur portio A. B. in suo vasculo ex subere vel ligno consistente, ut in dolio seu alio vase aqua pleno fluctuet: Eriam disponatur altera medietas C. D. in alia cimba seu vasculo, æquali primæ, & similiter fluctuet, & inveniemus, quòd istæ duæ medietates B. C. existentes unius ejusdemque naturæ æquinoctialis

summo cum appetitu contendunt, ut ad se invicem iterum uniantur, ac ad eandem continuitatem, in qua erat prius, reducantur: Atque ob istam rationem Spiritus, qui inter eas continuatur, utcumque ipsæ corpore ab invicem dividantur, cum sit invisibiliter utrique portioni conjunctus & unitus, ambasillas portiones dirigit, & per emanationem actualem ex utraque parte effluentem, fugit, attrahit & quasi agglutinat utramque earum in propriam & connaturalem illam positionem, in qua erant prius. Hæc Gilbertus.


## A P P L I C A T I O.

Hicce ergo ratio continuationis Spirituum inter carnem captivi Neapoli degentis, & illam, quam ejus Dominus pro nati formatione accepit, evidenter demonstratur, atque possibilitas ejusdem ad amissum (ut mihi videtur) confirmatur. Et, quamvis obijci queat, lapidem Magnetis non attrahere ultra suum or-

bem sensibilem, tamen huic objectioni respondeo ego, quòd, tametsi homines hujusce rei conjecturam faciant, ex sensibili ponderum attractione, tamen impossibile erit, penetrantes actionis illius radios, qui sunt inter corpora Magnetica terminare, quemadmodum in libro præcedenti luculenter demonstravi.

## SECTIONIS SECVNDÆ. LIB. III. Memb. I.

### *Prograssio in præcedenti Magnetica demonstratione.*



Gilbertus.  
lib. I. de  
Mag. cap. 5.

**E** Contrario verò si proportionis prædictæ æquinoctialem C. cum polo A. in suis Cimbris seu vasculis conjungere sive applicare tentaverimus hoc modo.

Vna portio statim, quasi talem unionem abhorrens evolabit ab altera ac summo quasi odio talem evitabit amplexum, quoniam conjunctione tali, ut pote cujus

natura irregulari pervertetur, unde & forma lapidis mirum in modum perturbabitur: Atque idèd ista ab invicem fuga, sive odium inter se à mala naturarum discordantium in ordine suo genuino positione atque applicatione oritur, quippe qua bellum intestinum & odium ac Sympathiam inter ambas illas portiones excitantur.

### APPLICATIO.

Qua demonstratione apparet, quòd Spiritus æquinoctialis seu australis prædicti captivi sive servi viventis, jam in Borealem naturam mutatus, nullo modo conveniet, ut antea cum natura Australi carnis naso Domini adhuc viventis adaptatæ, sed mutatus est jam in naturam Antipatheticam & destructivam, hoc est, bellum contraria proprietate adversus illam videtur ge-

rere, quoniam radios ipsius Spirituum tam rapaciter à circumferentia ad centrum, videlicet à carne, Domino accommodatæ sive mutuo datæ, attrahit, quam more æquinoctiali sive Boreali, dum vivebat, à centro ad circumferentiam, nimirum à fonte vivo in captivo, ad suum simile in Domino.

### 3. Demonstratio à lapide Magnete deprompta.

Ridens tractatu  
Mag.

Apparens est etiam, quòd acus Chalybea Magnete contacta, aspiciet Magnetem ad omnem positionem, dum Magnes fortis & vivax existat: Sed, quando Mag-

nes est quasi mortuus, hoc est, cum virtutem suam vi ignis amiserit, proprietas etiam ejus morietur: Ridens in tractatu Magnetico.

### 2. Experimentum propositionem prædictam confirmans.

Antè tempus, in quo, ut Anatomiam vice mea publicam, in collegio Londinensi Legerem mihi erat conceditum, præ manibus meis (ut mos erat) cadaver cujusdam suspensi, illud privatim seu in domo mea Anatomizandi gratia habui; Quo tempore à D. Kellert pharmacopæo eram sollicitatus, ut erum cujusdam sceminae fati nobilis quæ tumore quodam scirrroso ibi loci laborabat, manu mortui tangi &

fricari permetterem, quoniam ipsi (uti dixerunt) ab aliorum experientia erant docti, illud opus ad istiusmodi mali horridi extirpationem atque abolitionem, admodum esse efficacem. Generosa cum suo marito & fratre se domum meam contulerunt, & quod affecit, est protinus pro voto peractum. Paulò post, nimirum non pluribus ab eo tempore diebus Pharmacopæus cum dictæ scirrhosæ marito domum

ancam

ineam revertendo agebat mihi gratias pro favore illo meo, affirmando, illud negotij haud parum uxori suae emolumentum ac solatij attulisse, dixerunt enim, tumorem ab eo tempore gradatim fuisse mitigatum. Iam verò ab isto experimento elicere fas est, quòd contactus istius Mummiae Borealis in manu viri mortui faceret, ut australiter accrescens & vegetans ille tumor, qui

magis magisque radios suae vitae à centro ad circumferentiam extendebat, decresceret, & diminueretur, ac quasi tabesceret ratione centralis continuationis & unionis Spiritus Borealis in mortuo, cum eo qui prae naturae leges vegetabat in vivente, idque ad spatium sive distantiam satis remotam.

### 3. Experimentum ad illam eundem effectum.

Evidens est atque saepius inter vulgares etiam homines probatum, quòd, si verrucæ carne bubula recente fricentur: Atque illa caro in campum aliquem translata sub terra sepeliatur, ut caro sepulta corrumpendo consumetur, ita etiam verrucæ paulatim marcescent & contabescant: Simili etiam planè ratione experientiâ observatum est, quod si verrucæ cum portione lardi fri-

centur, ac postea lardum illud clave ferreo ad postem Solem respicientem affigatur, ut lardum illud pedetentim languescat ac diminuetur in Sole, ita etiam & verrucæ paulatim decrescant ac diminuantur.

Porro etiam ipsae verrucæ contactu cadaveris gradatim evanescent & morientur.

## APPLICATIO.

Hisce evidenter probatur, quòd, ut res in suo esse sive existentia & incremento more Sympathetico præservantur, ita etiam ipsae aspectu quodam Antipathetico sive Spirituali continuitate inter duas naturas remotas, quarum una erit Borealis, altera Australis seu æquinoctialis mutuum earum contactum corporalem, una quæ tetigit, efficiet, ut altera contacta paulatim evanescat, & juxta naturam tangentis diminuat. Nam, ut Borealis proprietas est calori Australi inimica, ita quidem contactus ipsius facit, ut res naturales virtute caloris illius cres-

centes, qualitate frigida tabescant & paulatim diminuantur, mutando naturam vivificam & vegetantem contactam in naturam ejus decrescantem, contractam & mortificantem. Vitrum nostrum experimentale nos docet, frigoris actionem, esse omnimodè illi caloris in uno eodemque Spiritu contrariam, & à scripturis docemur, si sufficientem experientiæ fidem adhibere nolumus, quod verbum Dei in australi sua proprietate dissolvit ac destruit nives & glaciem, quas idem Boreali sua conditione in existentiam adeò compactam fecit & construxit.

## CAPUT IV.

*Quomodo quædam partes excrementitiæ à membro infirmo hominis vel alterius animalis sumptæ, & in arborem seu plantam aliam vegetabilem transplantatæ, habere soleant relationem sive continuatatem Spiritualem cum membri impotentis & infirmi Spiritu, à quo excinduntur: & per consequens ipsius agroti.*

EGO melioris Methodi gratia hujus capitis frontispicio propositionem quan-

dam, uti illi præcedentis, inseram, quæ erit talis.

## PROPOSITIO.

Magnetica Mummia Spiritualis virtus habitat & agit etiam in excrementitijs & superfluis membri cujuslibet excrecentijs, & ibidem manens, postquam ab eo excisione separentur, & in convenienti Magnetico, vegetabili seu planta transplantentur; Ita, ut secreta quadam emanatione seu applicatione radiorum ab eo ad

radios membri à quo fuerunt decerptæ, facta: & per consequens relatione illa continua, quæ est inter eos & corpus seu membrum, à quo derivantur, possunt ambo mediante assistentia Magnetica plantæ seu arboris, cujus naturam idem membrum marcidum habet, ad distantiam haud determinatam operari.

### 1. Experimentum hoc idem confirmans.

Præceptor meus Mathematicus nomine Rutherus & natione Helveticus erat tunc temporis, cum Romæ degerem Cardinalis Sancti Georgij ingeniator, sive machinator expertissimus, mihi fide sua as-

severavit, quòd si quispiam membrum aliquod, ut manum, aut Brachium aut tibiam aut pedem, & similia consumptum, aut Atrophia confectum habeat, ab illo membro sive sit pes vel Brachium, ungues & capil-

## SECTIONIS SECVNDÆ. LIB. III. Memb. I.

los & cuticulam abradat, eosque salicis trunco (foramen usque ad ejus medullam terebrâ faciendo) imponat, ac foramen illud clavo ex eodem ligno confecto obturet, observando tamen in ista actione, ut Lona sit in augmento, atque boni planctus in signis multiplicativis, cujusmodi sunt Geminî; & Saturnus (qui desiccât valdè) sit in sua depressione, membrum aded consumptum paulatim regenerabitur, atque iterum crescat & vegetabit, haud aliter, quàm arbor, in qua partes excrementitiæ includuntur, quotidie vigeat & florescat.

Etiâ ipse mihi asseveravit, me eundem inventurum effectum, si excrementa illa in Coryli radicem (foramine prius facto) inposuisssem, foramen illud tum postea cortice ejusdem arboris occludendo, locumque finaliter terra tegendo: Dixit sua fide, sapius fuisse expertum, quodd, ut arbor illa cresceret, ita & membrum deficiens & languescens se prosperè gerebat: Sed super omnia me monuit, ut exactam cœlorum dispositionem observarem, nam sine ea, ista curandi ratio minus efficax invenietur.

### 2. Experimentum aliud Magneticum ad propositi- nem prædictam confirmandam.

*Ex libello  
ejus lingue  
Germanica  
impresso.*  
Iohannes Rhumelius Pharamondus factus est, se sapius podagram prædictis medijs, nimirum eadem transplantationis via curasse: Nam abscissis capillis & abrasis ungibus pedum, tibiarum & crurum (foramine prius ut antea in quercus centrum usque facto) eos in cavitatem illam intrudit, tunc foramen clavo ex eodem ligno facto obturat, ac denique locum fimo vaccino oblinat. Iste author dicit, se hac inventione curasse quam plurimos. Verum enim verò, si forte accadat, ut non obstante tali actione intra trium mensium spatium revertatur, tunc ait, istud est argumen-

tum; Quercum istam esse nimis, ad fortiter sibi Magneticè attrahendum, in sufficientem: Et tunc in hunc modum proceditur: Foramen aliud in secundam quercum terebrat & frustra ex foramine in terebrando exentia reservat, eaque in sacculum parvulum lineum confuit, quem tum postea loco doloroso sive membro infecto applicat: Atque hoc opus per tres dies ante novilunium aggreditur, tunc in ipsa hora novilunij remouet sacculum à loco affecto & illum in dictæ arboris foramen includit & clavo, ut antea, obturat &c.

### 3. Experimentum ab eodem Authore expertum.

Ille ipse Author videtur asseverare, se hac eadem transplantationis ratione Herniam curasse, atque modus ipsius est huiusmodi. Herniosum accipit ovum recenter jactum & cum eo adhuc calido fricat locum podagricum, sed clementer, idque sapius; Tunc auferre solet corticem Magnæ arboris & cum Magna terebra facit foramen, aded Magnum, ut valeat ovum in se recipere: Tunc iterum arbori suum corticem ablatum, ut antea imponit, foramen optimè cum eo obturando, locum tum postea cemento seu luto Arborali oblinendo. Quod totum negotium debet ordine & tempore debito præstari. Nobis narrat, quodd quando cortices arboris simul concrescant & invicem adhærent, tunc temporis, etiam hernia seu ruptura se confirmabit & labia agglutinabuntur, sed, si eveniat, ut hernia illa non sit in spatio unius mensis curata, tunc aliam quercum perforat, colligitque frustra, quæ cadunt in perforando, eaque contundit & in parvulum sacculum concludit ac confuit, locoque affecto applicat per tres dies ante novilunium, & tunc circa horam novilunij in fora-

men quercus intrudit, in omnibus faciendò, ut antea.

Plures alias ibi loci observationes tam respectu temporis, videlicet si primum Herniæ incrementum esset in incremento vel decremento lunæ, quas omnes brevitate causa hîc relinquo.

Denique ait, quodd si Hernia non prototo hoc deveniat consolidata, tunc perforat foramen in quercu & imponit in illud ungues & pilos manuum ac pedum patientis, atque etiam pilos pudendorum, obturando tum postea illud, ut dictum est: Affirmat enim, quodd, quando foramen illud contrahetur in unum, tunc etiam Hernia agglutinabitur; Ibi etiam rationem ostendit, quare nonnunquam pluribus vel paucioribus istiusmodi operationibus in ista curandi via, uti sit coactus secundum naturam Herniæ, quam aggredi conatur: Videlicet in Hernia incipiente unica prævalebit operatio, ad inveteratas verò plures requiruntur: Dicitque, quodd in ista curatione tempus & mensura arboris cum foraminis profunditate sit præcipuè consideranda.

### 4. Aliud

## 4. Aliud experimentum ab ipso prolatum.

*Hydrops*  
Etiam dicit, si ungues pedum & manum hydropici ad cancrum fluviatilem transplantentur & dorso illius alligentur, ipseque tum postea in flumen projiciatur, ipsum hac ratione ab hydrope liberari. Quibus videre potestis, experientia aliorum probata instructi, quod medulla seu vigor predictae propositionis sit in omni respectu confirmatus.

*NB* Atque iterum si ungues, pilos & cuticulae rasuras comburamus, & eorum fumum per Alembicum sive fundo recipimus

percipiemus quidem, quod oleum quoddam Balsamicum flavum ab ijs exsurgat, quod erit valde attractivum & desiccans, vulneraque agglutinans: Atque ideo apparet, quod hisce excrementis insit quaedam virtus Balsamica, tamen si ignorantibus, ipsa non nisi virtutis seu valoris exigui esse compareat. Sed istiusmodi Magnetica partium excrementitiarum virtus, potest etiam quodammodo per lapidis mineralis proprietatem demonstrari Exempli gratia.

*Magnetica hujus rei Demonstratio.*

Possimus haud inepte excrementiarum harum superfluarum massam, Magneti minori, chalybe vel ferro armato comparare: Ut pote, quae, quando transplantatur in plantam: In facultate sua attractiva devenit fortior atque efficacior: Nam ferrum polo Magnetis utcumque debili additum, ipsum fortificat in suo vigore, ipsum habilem reddit, ut pondus gravius ad se attrahat: Nam ferrum ei dat vires & vigorem.

Pari siquidem ratione si excrementia Magneticae corpori arboris Magneticae inferantur; Tunc arbor illa suget & attrahet ad se suum simile, nimirum Spiritus

membri tabescentis seu deficientis, eos reddendo vegetabiles, adeo, ut possint crescere & augeri, quod quidem munus sine hoc obire haud potuerunt, sed è regione decreverant, & marcescebant: Nam Spiritus attractus & per dilatationem à membro ad naturam arboris vegetativam continuatus, similem videtur cum arbore induere conditionem & per continuitatem, animat Spiritus in membro languidos ad crescendum & vegetandum: Iam verò ad istam relationem Magneticam demonstrandam, problemata quaedam ad naturam Magnetis spectantia in lucem producam.

## 1. PROBLEMA.

Est fortis unio in Magnete, chalybe vel ferro armato, & pondera graviora mediante ista unione attolli possunt, quam si lapis nudus maneret & sine armatura: Gilbertus lib. 2. de Mag. cap. 19. Hujus au-

tem rei ratio est, quoniam vis unita est fortior; Quod autem ferrum debili Magneti addit vigorem, ex isto sequenti problema te confirmatur.


## 2. PROBLEMA.

Si fuerit lamina ferrea tenuis manu extensa vel fixata polo Magnetis inferiori, inter Magnetem & pondus, tunc Magnes duplum elevabit, & quandoque decup-

lum: Atque ab ista praxi sive experientia adamantis cum chalybe vel ferro, armatura erat prius inventa.

Gilbert. lib. 2.  
cap. 19. de  
Magna.

Ridie. cap. 24.  
tra et. Mag.



Vbi duo sunt exempla, in quorum priori A. B. sunt poli dentibus ferreis armati: A. B. C. D. Magnes undique circa polos C. A. D. B. Armatus E. F. G. pondus ferreum, quod sustentat lapis A. B. C. D. Per polos armatus A. B.

In posteriori K. H. L. & M. N. I. duo poli Magnetis H. I. K. L. M. N. Quorum unus attollit pondus O. I. N. Q.

## APPLICATIO.

Simili correlatione, si Magnes animalis potestate vegetabili armetur, tunc magis efficaciter, & vigore multiplicato attrahet ad se Spiritus à majori animali Magnete, seu potius animali ferro: Etiam problema hoc sequens est notatu dignissimum.

## 3. PROBLEMA.

Quodlibet corpus, cui Mumia viva Paracelsi in alio homine propinatur, illico fit Magnes. Paracelsus. Tractat. 3. Philos.

## APPLICATIO.

Atque ideo viva Mumia membri Languiscentis & aridi, partim unguibus & pilis ejusdem inclusa: Ac tum postea in corpus illud

I i



## SECTIONIS SECVNDÆ. LIB. III. Memb. I.

illud vegetabile translata, illud corpus vegetabile, quod eos recipit immediatè, post actum unius in aliud efficitur Magneticum; sibi membra deficientis, Spiritus ad se trahit, ijsque vegetativæ suæ facultatis portionem impertit: Atque ita vis Magnetica in pilis, in unguibus (utcumque in se

sunt debiles, validiores & efficaciores in virtute fiunt, per ipsorum in fortius Magneticum vegetabile plantationem; Ita, ut unum alterum fortificet, & potentior reddat in sua actione: Atque adhuc Lucidius sequenti isto problemate demonstratur.

### 4. PROBLEMA.

Debilis Magnes, à fortiori ex parte unius ipsius poli contactus seu perfrictus, virtute & vigore meliorabitur.

Etiā si ponatur Magnes minimi & vix perceptibilis vigoris super Magnetem

majoris virtutis, idque præcipuè super polos, atque ostendet ille vigorem tantum, ac si esset lapide fortiori, cui conjungitur, fortior.

### APPLICATIO.

Simili planè ratione transplantare possumus superfluum excrescentiam, in qua non nisi Mumia apparet virtutis Magneticæ signum, super Magnetem vegetabilem, sive plantam vegetabilem fortiorē, atque præcipuè in ejus nuca sive axi: Atque ipse emittet vigorem quendam Magneti-

cum æqualem illi plantæ. Quod quidem in eo arguitur, videlicet, quia potestatem vegetabilem ad membrum marcidum suis radijs dirigit: Iam verò, quod relatio inter arborem & membrum per Spiritualem continuitatem efficitur, istiusmodi problemate explanatur.

### 5. PROBLEMA.

Si ferrum oblongum conjungatur ad polum Magnetis, & termino illius aliud applicetur ferrum; & ad terminum secundi tertium & sic cum pluribus; Magnes virtute Spiritus radiosæ suæ emanationis

hæc omnia ferro concatenabit & ad instar catenæ ad invicem adhærere faciet; Idque vel plura vel pauciora, secundum lapidis vigorem: Vid. Ridl. cap. 22.



A, B, C, D. Magnes: E. polus ferro armatus. F, G. Ferrum longum: H. I. Aliud: L, M. aliud, N. aliud.

### APPLICATIO.

Quibus sat liquidò declaratur, quòd, ut Spiritus Magnetis est continuatus & ratione suæ continuitatis est aptus ad corpora distincta in unionem conjungere atque retinere; Ita etiam emanatione Magnetis duplicis in unum, à centro ad membrum In firmicis uniti continua vegetativæ successio in ipso paulatim generatur: Iam verò, quòd, duo Magnetes vires suas in unum unientes seu congregantes emanationem vigorosam emittant, & per consequens majori virtute Magnetica imbuantur; Probat per secundum problema, 3. demonstrationis Capitis secundi allegatum.

## CAPVT. V.

*Hic probatur, quòd vegetabilia in se Spiritus Magneticos contineant, quibus mediantibus sensibilibus tam à regno Animali & minerali, quàm à vegetabili attrahunt: Et in primo loco exprimitur per 2. propositiones & tum postea illa varijs demonstrationibus experimentalibus sustentur.*

### 1. PROPOSITIO.

Est quædam vis sive virtus Magnetica tam in vegetabili, quàm in animali ac minerali, quæ operatur more attractivo

tam in suum simile in regno vegetabili, atque etiam in illo animali & minerali.

#### 1. Demonstratio experimentalis.

Effectus istius propositionis experientia est multiplex, atque etiam ex ijs, quæ in

capite præcedenti sunt allegata, indicatur, quòd relatio seu unio Magnetica, quæ fit inter

inter vegetabile & animale sit sufficienter nota, atque etiam in posterum clarius adhuc enucleabitur.

Eriam si aliquis febre laborans accipiat herbam, quæ dicitur Iberis, nimirum illius manipulum & illam calceis suis imponat, & ira ambulet, quousque caleſcat, percipiet quidem, quod herba ista attrahet ad

se bonam quantitatem materiæ agnosce, & hac ratione fertur curare febres. Sed (ait Author) herba ista tum potest in via, qua aut homo aut bestia tendit, sterni non debet: Nam illud animal, quod illam calcit, inficietur ac febricitabit statim. Christophorus Schutzen Germanus affirmavit, se sæpius fuisse illud expertum.

## 2. Experimentum.

Iohannes Karſmannæus pro vero tradidit, verrucas manuum atque aliarum partium auferri posse, capiendò stramina & secando nodos in ijs, atque præparat pro qualibet verruca duo, & stramina debent esse in longitudine pollicis, deinde disponendæ sunt illæ duæ sectiones in hunc modum

super verrucam; Ita, ut modi directè tangant verrucas: Atque opus

est, ut fortiter premantur super verrucam, ac hoc denique est cuilibet verrucæ faciendum cum duplici stramine: Quo factò, effodiatur foramen sub canali, à qua pluvia cadit ab ædibus, imponantur & lapide tangantur: Ac inveniatis (ait) ut stramina putrescant, ita etiam & verrucæ paulatim decreſcant & evanescant.

## 3. Experimentalis demonstratio.

Mita traduntur de herba Chamæleon: Atque relatū est mihi à quodam nobili Germano pro re certa, & communiter à quàm plurimis nota, quod aurigæ in finibus Bohemiæ, solcant quandoque mediante herba Chamæleonte attrahere vigores aliorum equorum, eosque imponere in suum: Unde fit, ut equi eorum in oneribus portandis efficiantur longe robustiores & validiores, quàm fuerunt antea: E regione verò alij fiunt ad labores sustinendos, debiliores multum: Hoc (inquit) fit vel per se, si herba vel potius radix horâ propriâ atque ipsi convenienti colligatur, vel post quâ

Mummia succum per trans plantationem imbiberit. Radix detur in cibo vel appendatur & attrahit à proximo, qui non habet herbam appensam: At si herba illa ei appendatur, tunc ea Magnetica vis ei non nocebit: Quia simile non agit attractiva virtute adversus suum simile; Quare impedit ac obtundit attractivam virtutem sui similis. Iste meus Author asseruit fide sua, se virtutem equi alterius mediante hac herbâ attraxisse, & inter dentes sui equi in freno: Sed dixit se portionem ejusdem secum reservasse. Hæc ille fide data, si credere fas sit.

## 4. Experimentum.

M. Balthasar Wagnet ait, se sæpe esse expertum curationem istam Magneticiâ in inflammatione ac rubedine oculorum: Accipit radicē malvæ communis, quando Sol est in medietate Virginis, & ad capitis seu

colli nucam sive summitatem applicat, firmiter eam ad locum ligando, atque hoc rubedinis ac inflammationis causam ad se attraxisse.

## 5. Experimentum.

Est quædam Magnetis species, quæ dicitur Evax, quem Plinius Magneticam habere facultatem carnes ad se attrahendi refert: Atque etiam alibi nos docet, quod sit alia Magnetis species Sarda dicta, quæ ligari tam fortiter attrahendi ad se habet pro-

prietatem; ut ab invicem separari nequeant, nisi lignum ab eo incisione dividatur. Quis etiam ignorat notabilem illam familiaritatem, quam succinus habet cum palea, cum sit omnibus apparens, quanto appetitu hæc ab illo alliciatur.

## 6. Experimentum.

Quidam ulceribus in corpore variis vexatus, à quadam vetula erat instructus, ut pro sua curatione inquireret rubum Magnam, cujus caput post ejus in aërem ascensum, ad terram more circulari; descendebat & ferræ demum quasi secunda vice inferebatur: Inventâ autem tali rubo

(nam & ipse multas in vita vidi) jussit ipsum vestibis nuniè exutis, ut trans foramen seu orbem istius rubi retro ter recederet: Fecit, ut monuit, & curatus est: Hoc quidem erat mea cognitione hic in Anglia effectum.

## 7. Experimentum.

Quid dicendum est de admirabili illo, quod est inter minieras aureas atque argenteas, ac virgam Corylinam bifurcatam commercio, qua Germani atque alij aliarum regionum, ad fossibilia pretiosa in terra detegenda, utantur, de qua antea stylo

pleniori sumus locuti. Certè opertis oculis, exinde colligere fas est, quanta sit inter ista Sympathia, & quàm avidè vegetabile naturam mineralem affectat. Sed relictis istis ad propositionem secundam veniamus.

## 1. PROPOSITIO.

Ordo singularis, & tam in Sympathia, quàm Antipathia partium vegetabilium inter se typicè per relationem seu respectum, qui habetur inter eas & Magnetem exprimitur: Quo arguitur, quòd vege-

tabile & minerale & per consequens animale, unam & eandem proportionem Symphonicam sive Harmonicam, tam in eorum ordine Sympathico, quàm irregularitate observant.

*Problema ad confirmandam hanc propositionem.*

Gilb. lib. 3.  
cap. 6. de  
Mag.

In rebus omnibus Magneticis, sive sint vegetabilia, sive mineralia & consequenter animalia, semper natura ad unitatem convenientem tendit: E contra verò, ubi par-

tes eorum secundum naturæ cursum & ordinem ad conjunctionem non inclinatur, ibi oritur perturbatio & quasi repudiatio sive separatio partium.

*Demonstratio à Magnete minerali.*

Cape Magnetem ablongum, sitque C. D.



C. tendit in Boream telluris B. & D. in meridiem A. divide hunc lapidem oblongum in medio inter duos polos ubi æquator transit, nimirum inter E. & F. & erit E, tendens in A. & F. tendens in B. sicut enim in integro, Ita in diviso natura petit hæc corpora nimirum E. finis conveniēter, & desideratè cū F. rursus coit ac cohaeret: E verò non jungit unquam cū D. nec F. cū C. tunc enim oportebat C. converti contra naturā in A. Austrum, aut D. in B. Boream, quod

est alienum & incongruens. Separato lapidem in loco secto & convente D. ad C. & optimè conveniunt ac combinantur; Nam D. tendit in Austrum, ut prius & C. in Aquilonem: E. & F. connatæ partes in minera jam sunt diffusæ maximè: Non enim conflunt propter affinitatem materiæ, sed à forma motum & inclinationem suscipiunt: Ita termini, sive conjuncti sive divisi eodem modo tendunt Magneticè ad telluris polos, in prima integra figura & divisa, perinde, ut in secunda figura, perfectumque est Magneticum. F. E. in secunda figura in unum corpus confluxum, atque C. D. primitus in sua vena genitum & F. E. in suos super aquam fluctantes; Ita, ut istius lapidis termini, utrum sint uniti aut disjuncti ad polos terræ, secundum unum modum Magneticè tendunt, tam in lapidis integri, quàm divisi figura, uti in secundo exemplo apparet: Et concursus Magneticus F. E. in secunda figura in corpus unum erit adeò completus, si taliter in sua vena procreata.

 *Applicatio ad vegetabile.*

Eadem planè formæ Magneticæ convenientia vel inconvenientia, quæ notatur esse in Magnete minerali, observabitur etiam in vegetabili: Nam si accipiamus virgam arboris salicis, sive plantæ alterius

facile crescentis: Sitque A. B. & A. erit superior virgæ portio & B. inferior & radici proximior. Hoc modo Gilber. lib. 3. de Magn. cap. 6.

Divide



Divide hanc virgam in ejus medio D. C. Dic ergo, quod, si terminus D. inseratur in termino C. crescet naturaliter & augebitur : Eriam si B. inseratur super A. partes ad invicem consolidabuntur, & efflorescent. Sed si D. inseratur super A. vel C. super B. litigabunt & bellum intestinum inter se gerent, & consequenter minimè unquam ctescent, sed necesse est, ut planta intereat ratione ordinis præposteri, & in-

convenientis positionis partium ipsius: Quoniam vis sive virtus vegetabilis, quæ uno modo ac viâ incedit, jam à cursu suo proprio divertitur & compellitur, atque coactione exagitur in partes contrarias.

Plura de hac re non dicam, sed ad conclusionum istarum Magneticarum practicalium, cum demonstrationibus earum onus, accedam.

## CAPUT VI.

*Quomodo Magnetica curandi ratio probetur & demonstretur esse naturalis, & per consequens haud quaquam Cacomagica, uti nonnulli haud sibi constantes existimant falsò.*

Hoc ut possimus meliori methodo præstare, exprimemus more priori & quasi capitis frontispicio, propositionem maximè materialem ad istiusmodi curandi spe-

ciem pertinentem, atque tunc postea earum probationibus evidentibus à virtute præcipue Magnetis derivatis, elucidabo & luculenter demonstrabo.

## PROPOSITIO.

Si, factà continui solutione sive vulnere, externi sive effusi sanguinis portio cum suis Spiritibus, cum telo, vel portio Spirituum ejusdem sanguinis, sine ulla ejusdem apparitione, quæ in telum, vel in alicujus rei alterius vulneris fundum perferuntis, penetraverit ad aliquod distans incognitum ac indeterminatum, transferatur ad unguentum aliquod conveniens, hoc est, cujus compositio est Balsamica & naturæ creaturæ vulneratæ congrua, modò si ordine decenti adapteatur, & in eo quasi inseratur atque transplantetur, tunc unguentum ita hisce Spiritibus animatum, eveniet protinus Magneticum & ad Spiritus radiosos, qui insensibiliter ac invisibiliter è vulnere irradiabunt, directione Spirituum Sanguineorum in telo aut re alia, quæ eos recipientes atque imbibentes applicabit, & vivaces ac australes radij, à vulnere scaturientes sive effulgentes, volunt mediante Boreali unguento, seu potius Spirituum ibidem inclusorum attractione, more Magnetico animate & se ipsos unire, cum Boreali & congelatis, seu fixis Spiritibus sanguineis in unguento tentis, eosque incitare, ut australiter sive æquinoctialiter, hoc est, à centro ad circumferentiam agant : Ita; Vt per reciprocam istiusmodi actionem, unio-

nem, seu continuitatem, radij vivaces australes agent, radios sopidos sive somnolentos, gelidos, fixos, Boreales revivificent, qui unguentum virtute Magnetica animabunt, & unguenti Spiritus animatos, Spiritibus utrisque reddent agiles, atque hi, Spiritibus, qui erunt priùs transplantati in unguento, eadem unione seu continuitate suam, virtutem Balsamicam Spiritibus in vulnere, priùs Magneticè attractis impertiant. Atque isti tum postea, harmonia quadam inseparabili, eam ad vulnus usque transmittunt hæc ergo est illa Sympatheticæ atque Antipatheticæ relationis seu respectus ratio, quæ experientiâ observatum, esse inter unguentum & vulnus : Ita, ut si totum spatium teli, qui fecit vulnus, ungatur & cooperiatur & à frigore defendatur, unus inveniet consolationem, ac dolor ejusdem mitigabitur : Sed, si pars unguenti vel cultello vel re quapiam alia abradatur, aut abstergatur ab ense, securi vel telo alio vulnerante, sequetur & sentietur immediatè tum postea dolor atque intemperies in vulnere : Etiam, locus teli unctus temperatè teneatur calidus, vulnus se taliter quo habebit, at si ipse detegatur & in aëre frigido detineatur, tunc quidem eveniet, quod vulnus vorabitur, & frigore etiam afficiet.

## SECTIONIS SECVNDÆ. LIB. III. Memb. I.

Quædam demonstrationes Problematicæ, ad cujuslibet propositionis prædictæ particulæ veritatem confirmandam; & consequenter ad Demonstrandum, quoddam Magicus istiusmodi  
 • curationis; modus possit naturaliter, atque ideo haud Cacomagicè, præstari.

**P**rædictæ propositionis particulæ facillimè ab illis ocularibus Demonstrationibus probari atque sustineri possunt, quæ à virtuosa Magnetis mineralis operatione produci possunt; Quippe cui omnia corpora Magnetica cum actionibus suis ritè comparare queamus: Quatenus ipsa suas

denominationes ab ipso Magnete minerali habent, atque ideo unguentum istud armarium, dicitur etiam Magneticum.

Procedo igitur ad propositum meum; Hanc meam propositionem in varia membra sive portiones dividendo, in hunc modum.

Membrum  
Primum,

Primum membrum sive portio præcedentis propositionis, cum nonnullis conclusionibus experimentalibus à Magnete electis, ad illam confirmandam atque Demonstrandam.

**I**N primis ergo colligimus per præcedentem propositionem, quoddam duo corpora Magnetica similis naturæ, possint Spiritualiter, mediante repositione & naturali incitatione similis naturæ, concurrere

& ad invicem uniri, & quoddam hac ratione telum vulnerans, sive aliud materiale penetrans imbibere soleat Spiritus sanguineos, fiat Magneticum.

### *Demonstratio à Magnete descripta.*

**L**apidem polis distinctis perspectum habebas, hoc est tam Meridionali, quam Boreali signatum, pone in suo vase ligneo, ut fluctuet, sintque poli ad planum Horizontis rectè dispositi, aut saltem non multum elevati & obliqui: Tene alterum Magnetem in manu, cujus poli etiam cogniti sunt; Ita, ut polus Meridionalis ejus sit versus polum Septentrionalem natantis prope ipsum à latere: Sequitur namque illicò fluctuans lapis, lapidem, (modò intra vires & dominatum fuerit) nec desistet nec deferet, donec adhæreat: Nisi manum sub-

ducendo, conjunctionem cautè evitaveris: Perinde etiam, si Septentrionalem polum illius, quem manu tenes, opponas Meridionali polo lapidis natantis, concurrunt inter se & se mutuo sequuntur invicem: Contrarij enim contrarios alliciunt: E contra verò Septentrionalis Septentrionalem, & Meridionalis Meridionalem pellit, si eodem modo apponatur: Atque ita lapis lapidem fugat, & tanquam clavum navitâ impellente divertit & in contraria velificat: Gilb. lib. I. cap. 5. de Mag.

Gilbert. lib. I.  
cap. 5. de  
Mag.

### *2. Demonstratio ab eodem.*

Simili planè ratione, si ferri portionem in parvula cymba ligneâ collocemus, & Magnetem in alia, percipiemus quidem, ferrum simili celeritate & festivitate ad Magnetem in sua propria navicula situm properare: Nam observabimus, quoddam eo-

rum quilibet ad se invicem vehetur, & unus alteri in media via ad hærebit; & quoddam, postquam desiderium cujuslibet eorum sit completum, hoc post factam coitionem, ex propria sua inclinatione quiescet.


### *3. Demonstratio à Ferro.*

Ferrum ipsum solum per se, nullis excitum lapidibus, alienis viribus nullis imbutum, aliud ferrum allicere deprehenditur: Quamvis non ita avidè rapere & subito convellere, quemadmodum robustior Magnes, quod sic cognoscito. Suberis cortex exiguus, nucis avellanæ magnitudinis rotundus, trajicitur filo ferreo usque ad

fili medium, in aqua tranquilla cum nataverint, appone fini illius alteri, prope (ita tamen, ut non tangat) finem alterius ferrei fili, & filum filum trahit, & alterum lentè subductum sequitur, atque hoc tantum convenientibus terminis perficitur: A. cortex seu suber, cum ferreo filo: B. finis alter;

Gilb. lib. I.  
cap. 11.

Parum



**P**Arum supra aquæ superficiem elevatur. | tur à C.  
C. finis alterius fili, quomodo B. trahi-

#### 4. Demonstratio à ferro.

Gilb. Ibid.

Alio modo probatur hoc in majori corpore : Pendeat longa virga ferrea nitida (qualis pro velis & fenestrarum cortinis paratur) in æquilibrio, tenui filo serico: Hujus extremitati alteri in aëre quiescenti, admove ferri massulam politam, oblon-

gam, convenienti termino in distantia semidigitali : Vertit se ferrum libratum ad massam, tu eadem celeritate manum cum massa subducito, via ad pendentis æquilibrium circulari, subsequitur ferri librati finis & in orbem vertitur.

### APPLICATIO.

Hiscæ ergo exemplis redditur liquidum, quomodo duo Spiritus similis dispositionis, seu Potius unius in natura identitatis sint apti & naturaliter dispositi ad concupiscendum & amplectendum suum simile: Idque non modò per contactum sed etiam ad distans, hoc est, ubi spatium aliquod vel loci intervallum quobus illis corporibus Magneticis interponitur, & per consequens, quòd non sint corpora, quæ agunt (nam illa sunt à se invicem divisa) sed Spiritus formales in illis corporibus, quæ astrali quadam emanatione, inprimis se invicem Sympatheticè & amicabiliter aspiciunt, ac tum postea per unam æqualem attractionem sese amplectuntur & quasi osculantur. Atque idèd alienum aut impossibile sapientibus non potest videri, quòd Spiritus Sanguinei in unguento, ac illi in vulnerato soleant in tam magna distantia, quæ inter unguentum & vulnus est, concurrere

& convenire, hoc est, per aspectum Sympatheticum ad invicem applicare : Cùm ambo hi Spiritus non sint, nisi radius unus quintessentialis indivisibilis, utcumque sint proprietate Elementaliter alterati: Haud aliter ac aër, à vento Boreali factus est differre ab illo Australi, tametsi uterque iste aër sit in sua existentia, non nisi unus aër essentialis & individuus.

Ad ramum prædicti membri ultimum quod attinet, arguit quidem, quòd Spiritus sanguinei possint à telo vulneranti imbibere unde & juxta hujusmodi axiomà Paracelsi, locus seu portio teli vulnerans, facta est in Magnetem : Ejus enim assertio est talis.

Quodlibet corpus, cui Mummia viva in alio homine propinatur, illicò fit Paracelsi traç. 3. Phil.

Magnes.

Sed & hoc Magneticè per problema istud probatur.

#### 5. Problema seu demonstratio à Magnete.

Ferrum à Magnete ex parte poli Magnetis incitatum seu animatum, attrahit ad

se simile Magnetis, qui illud tetigit.

### APPLICATIO.

Quod Spiritus animalis vulnerati, animales in momento ictus, in telum vulnerans penetrare soleant, & quod telum percuciens illos avidè imbibat & sibi assugat, probatur ex sequenti ista observatione.

Chirurgi nonnulli ruri degentes, & ob sui imperitiam vulneris periculosi profunditatem probà tentare aut scrutari minime ausi; Telum, sive sit ensis, sive pugio, sive cultellus & similia accipere assolent, illudque carbonibus ignitis imponunt: & quamvis nullam caloris differentiam dis-

cernant in telo ante ipsius in ignem emissionem; Tamen postquam ab igne extrahitur, locum in telo vulneranti in colore ab ejusdem residuo mutatum observant, idque ratione Spirituum illorum, quas portio illa feriens imbibebat: Atque hoc communiter verum, aliorum experientià reperitur.

Verum etiam est alia probatio, quæ exactè etiam hoc idem approbare videtur: Nam si vipera seu Caluber ense vel cultello feriatur, Spiritus venenosus irascibilis ser-



## SECTIONIS SECVNDÆ. LIB. III. Memb. I.

Quædam demonstrationes Problematicæ, ad cujuslibet propositionis prædictæ particulæ veritatem confirmandam; & consequenter ad Demonstrandum, quodd Magicus istiusmodi  
 • curationis; modus possit naturaliter, atque ided  
 haud Cacomagicè, præstari.

**P**rædictæ propositionis particulæ facillimè ab illis ocularibus Demonstrationibus probari atque sustineri possunt, quæ à virtuosa Magnetis mineralis operatione produci possunt; Quippe cui omnia corpora Magnetica cum actionibus suis ritè comparare queamus: Quatenus ipsa suas

denominationes ab ipso Magnete minerali habent, atque ided unguentum istud armarium, dicitur etiam Magneticum.

Procedo igitur ad propositum meum; Hanc meam propositionem in varia membra sive portiones dividendo, in hunc modum.

Membrum  
Præsum.

Primum membrum sive portio præcedentis propositionis, cum nonnullis conclusionibus experimentalibus à Magnete electis, ad illam confirmandam atque Demonstrandam.

**I**N primis ergo colligimus per præcedentem propositionem, quodd duo corpora Magnetica similis naturæ, possint Spiritualiter, mediante repositione & naturali incitatione similis naturæ concurrere

& ad invicem uniri, & quodd hac ratione telum vulnerans, sive aliud materiale penetrans imbibere soleat Spiritus sanguineos, fiat Magneticum.

### *Demonstratio à Magnete descripta.*

Gilbert. lib. I.  
cap. 5. ac  
Mag.

**L**apidem polis distinctis perspectum habeas, hoc est tam Meridionali, quam Boreali signatum, pone in suo vase ligneo, ut fluctuet, sintque poli ad planum Horizontis rectè dispositi, aut saltem non multum elevati & obliqui: Tene alterum Magnetem in manu, cujus poli etiam cogniti sunt; Ita, ut polus Meridionalis ejus sit versus polum Septentrionalem natantis prope ipsum à latere: Sequitur namque illico fluctuans lapis, lapidem, (modò intra vires & dominatum fuerit) nec desistet nec deferet, donec adhæreat: Nisi manum sub-

ducendo, conjunctionem cautè evitaveris: Perinde etiam, si Septentrionalem polum illius, quem manu tenes, opponas Meridionali polo lapidis natantis, concurrunt inter se & se mutud sequuntur invicem: Contrarij enim contrarios alliciunt: E contra verò Septentrionalis Septentrionalem, & Meridionalis Meridionalem pellit, si eodem modo apponatur: Atque ita lapis lapidem fugat, & tanquam clavum navitâ impellente divertit & in contraria velificat: Gilbert. lib. I. cap. 5. de Mag.

### 2. Demonstratio ab eodem.

Simili planè ratione, si ferri portionem in parvula cymba lignea collocemus, & Magnetem in alia, percipiemus quidem, ferrum simili celeritate & festivitate ad Magnetem in sua propria navicula situm properare: Nam observabimus, quodd eo-

rum quilibet ad se invicem vehetur, & unus alteri in media via ad hærebit; & quodd, postquam desiderium cujuslibet eorum sit completum, hoc post factam coitionem, ex propria sua inclinatione quiescet.


### 3. Demonstratio à Ferro.

Gilb. lib. I.  
cap. 11.

Ferrum ipsum solum per se, nullis excitum lapidibus, alienis viribus nullis imbutum, aliud ferrum allicere deprehenditur: Quamvis non ita avidè rapere & subito convellere, quemadmodum robustior Magnes, quod sic cognoscito. Suberis cortex exiguus, nucis avellanæ magnitudine rotundus, trajicitur filo ferreo usque ad

fili medium, in aqua tranquilla cùm nataverint, appone fini illius alteri, prope (ita tamen, ut non tangat) finem alterius ferrei fili, & filum filum trahit, & alterum lentè subductum sequitur, atque hoc tantum convenientibus terminis perficitur: A. cortex seu suber, cum ferreo filo: B. finis alteri;

Parum



**P** Arum supra aquæ superficiem elevatur. | tur à C.  
C. finis alterius fili, quomodo B. trahi-

#### 4. Demonstratio à ferro.

Gilb. ibid.

Alio modo probatur hoc in majori corpore : Pendeat longa virga ferrea nitida (qualis pro velis & fenestrarum cortinis paratur) in æquilibrio, tenui filo serico: Hujus extremitati alteri in aëre quiescenti, admove ferri massulam politam, oblon-

gam, convenienti termino in distantia semidigitali : Vertit se ferrum libratum ad massam, tu eadem celeritate manum cum massa subducito, via ad pendentis æquilibrium circulari, subsequitur ferri librati finis & in orbem vertitur.

### APPLICATIO.

Hic ergo exemplis redditur liquidum, quomodo duo Spiritus similis dispositionis, seu Potius unius in natura identitatis sint apti & naturaliter dispositi ad concupiscendum & amplectendum suum simile: Idque non modò per contactum sed etiam ad distans, hoc est, ubi spatium aliquod vel loci intervallum duobus illis corporibus Magneticis interponitur, & per consequens, quòd non sint corpora, quæ agunt (nam illa sunt à se invicem divisa) sed Spiritus formales in illis corporibus, quæ astrali quadam emanatione, inprimis se invicem Sympatheticè & amicabiliter aspiciunt, ac tum postea per unam æqualem attractionem sese amplectuntur & quasi osculantur. Atque idè alienum aut impossibile sapientibus non potest videri, quòd Spiritus Sanguinei in unguento, ac illi in vulnerato soleant in tam magna distantia, quæ inter unguentum & vulnus est, concurrere

& convenire, hoc est, per aspectum Sympatheticum ad invicem applicare : Cum ambo hi Spiritus non sint, nisi radius unus quintessentialis indivisibilis, utcumque sint proprietate Elementaliter alterati: Haud aliter ac aër, à vento Boreali factus est differre ab illo Australi, tametsi uterque iste aër sit in sua existentia, non nisi unus aër essentialis & individuus.

Ad ramum prædicti membri ultimum quod attinet, arguit quidem, quòd Spiritus sanguinei possint à telo vulneranti imbibi unde & juxta hujusmodi axiomà Paracelsi, locus seu portio teli vulnerans, facta est in Magnetem : Ejus enim assertio est talis.

Quodlibet corpus, cui Mummia viva in alio homine propinatur, illico fit Paracel. tra. 3. Phil.

Magnes.

Sed & hoc Magneticè per problema istud probatur.

#### 5. Problema seu demonstratio à Magnete.

Ferrum à Magnete ex parte poli Magnetis incitatum seu animatum, attrahit ad

se simile Magnetis, qui illud tetigit.

### APPLICATIO.

Quod Spiritus animalis vulnerati, animales in momento ictus, in telum vulnerans penetrare soleant, & quod telum percutiens illos avidè imbibat & sibi assugat, probatur ex sequenti ista observatione.

Chirurgi nonnulli ruri degentes, & ob sui imperitiam vulneris periculosi profunditatem probè tentare aut scrutari minime ausi : Telum, sive sit ensis, sive pugio, sive cultellus & similia accipere assolent, illudque carbonibus ignitis imponunt : & quamvis nullam caloris differentiam dis-

cernant in telo ante ipsius in ignem emissionem : Tamen postquam ab igne extrahitur, locum in telo vulneranti in colore ab ejusdem residuo mutatum observant, idque ratione Spirituum illorum, quas portio illa feriens imbibebat : Atque hoc communiter verum, aliorum experientià reperitur.

Verum etiam est alia probatio, quæ exactè etiam hoc idem approbare videtur : Nam si vipera seu Caluber ense vel cultello feriatur, Spiritus venenosus irascibilis ser-

## SECTIONIS SECUNDÆ. LIB. III. Memb. I.

pentis in substantiam Chalybis penetrabit: Atque hoc quidem ex isto experimento confirmatur: Nam, si quis tum postea ab isto telo ita infecto vulnere, locus iste, qui Spiritus animales venenosos imbibet, taliter venenabit vulnus, ut vix tum postea curabile sit futurum, nisi antidotus quædam cum vipera vel colubro conflata, ei

rectè adhibeatur: Hoc à quodam Gallo nobili accepi, qui affirmavit, se expertum vidisse. Simili planè ratione, si Scorpio contundatur & vulnere à Scorpione facto applicetur, illud citò curabit, quòd aliter mortale esse deprehenditur: Vti etiam omnibus in Italia & Gallia est notum, hoc idem oleo ex scorpionibus facto fieri.

### *Secundum propositionis prædictæ membrum sive portio cum probationibus ejusdem.*

Membrum. I.

Secundò quòd, si corpus aliquod Magneticum, sive sit animale, vegetabile aut minerale in partes dividatur, natura harum partium Spiritualis, semper tendit inclinatione naturali, ad unitatem & conformationem à Deo primitus ordinatam, tametsi hæ partes dividantur ab invicem &

ad bonum distans removeantur, quod est Argumentum, eas esse non nisi unam continuam rem in Spiritu, atque idèd pars unica diversè cooperatur, radiosque actuales suæ identitatis Sympatheticæ ad aliam emittit, utcumque earum corpulentia ab invicem sunt divisæ & distantes.

### *I. Demonstratio istius membri cum confirmationibus ejusdem.*

Hoc quidem satis superque (ut mihi videtur) per demonstrationem ad primi membri confirmationem allegatam, atque adhuc clariùs per 2. Demonstrationem capite 3. hujus, quippe in qua declaravi, quòd si Magnes longus in medietate inter duos polos dividatur, nimirum in æquatore lapidis, & quælibet harum medietatum, in suis cimbis ad fluctuandum super aquam quietam imponantur, Spiritus utriusque dimidij influentialis, qui est in essentia unicus & cum utrisque est continuus, desiderabit & omnimodè tentabit corpora sua sic vulnere vel continui solutione distincta, iterum unire & in pristinum suæ sanitatis statum reducere, & ob istam rationem B. & C. (quorum illud est Meridionale videlicet B. hoc verò, nempe C. Septentrionale) quæ prius erant partes continuatæ, sed jam per Spiritum illum inseparabilem, qui dat vitam utriusque, ambæ in unum alliciuntur & contrahuntur & in pristinum suæ continuitatis statum rediguntur: Hoc est, ex duobus lapidibus fit unus: Ita, ut por-

tio Spiritus in C. attrahit atque allicit ad se corpus B. portio Spiritus B. assugit atque allicit corpus C. ad se: Nam notandum est, quòd unitas Spiritus semper appetit & affectat unitatem corporis illius, cui inhabitat; Nam Spiritus formalis seu quintessentialis in varietate dispositionis Spiritus ærei minimè delectatur: Atque idèd cupit specificam illam domum sive palatium inhabitare, quod priùs immediatè post ejus à patria coelesti seu parentibus Stellaribus descensum, possidebat. Atque hæc est ratio, quòd unus Spiritus est aptus, imò verò & lætatur cum suo simili communicare, sed præcipuè unus & idem Spiritus debet necessariò agere & nunquam abesse ab alio: Atque idèd, quando Borealis & gelida quasi natura à proprietate australi seu æquinoctiali incitatur & exagitur, si rite adaptetur & Australis ferri proprietas à polo Magnetico Boreali alterius tangatur, & attractionem suam fortius prestabunt.

### *Problema hoc idem confirmans.*

Si corpora Magnetica dividantur & pars aliqua à quolibet eorum integro abscindatur vel rumpatur: Pars illa ita separata habebit suos polos Borealem & Australem æquè ac integrum: Atque idèd quælibet ferri seu Magnetis particula à suo integro seu toto divisa, habebit Borealem proprietatem atque etiam Australem: Quo manifestè confirmatur capacitibus sapien-

tum, quòd Spiritus cujuslibet individui habeat Borealem & Australem conditionem, & per consequens attractivam, contractivam atque etiam dilatativam naturam, non (inquam) Spiritus solummodò totius, sed etiam cujuslibet particulæ ejusdem, cum Spiritus formalis sit in ejus toto & qualibet ejusdem parte.

Gilb. 110. 2.  
cap. 32.

## A P P L I C A T I O.

Potestis igitur ex istis colligere, quàm sit possibile, quòd Spiritus in sanguine mortuo seu telo imbibitus, translatus ad distans

& è longe in unguentum ad vulneris curationem conferre possit: Quippe, quòd unguentum non longè à natura vulnerati distans

ferens

ferens potenter operatur, idque præcipue respectu salis vegetabilis ac usneæ, in qua Spiritus delitescunt, qui quidem Spiritus applicatione Spirituum Australium seu virorum in homine vulnerato, directione sanguinis transplantati conductorum, reviviscit & cum iisdem Spiritibus coopera-

tur, non modò in sanguinis emanantis sustentia, sed etiam in curatione & consolidatione vulnerum; uti infra ostendetur latius.

*Tertium propositionis prædictæ membrum confirmatur  
hisce testimonijs.*

Membrum. 3. Tertio, quod non sit externus animalis sanguis, sed internus, qui à suo fonte separatus, & in alia quasi terra seu loco unctuosus transplantatus, operatur Mag-

neticè à loco, ubi plantatur ad fontem, à quo prius stuebat: & hoc sustinetur & confirmatur in hunc modum.

*Demonstratio ad membrum istud confirmandum.*

**I. P R O B L E M A.**

Non est corporeum, quod defluit à Magnete, aut quod ferrum ingreditur, aut quod à ferro expergefacto refunditur, sed Magnetem forma primaria disponit; Magnes verò ferrum sibi familiate, simul

ad formatum vigorem revocat & disponit, propter quem ad Magnetem ruit, & avidè se conformat. (mutuis viribus concorditer, promoventibus) Hæc Gilbertus lib. 2. cap. 4. de Magnete.

Gilb. lib. 2.  
cap. 4. de Mag.

**A P P L I C A T I O.**

Est ergo Spiritus planè formalis, seu subtilis & coelestis influentia, quæ mutuo operatur à vulnere ad sanguinem transplantatum, & consequenter neque corpus, neque sanguis aut aer, aut unguentum, in quod sanguis effusus, & per effusionem quasi mortuus, seu Spiritus Sanguinei transplantati continentur: Ita, ut Spiritus excitati, in unguendo, aspectum suum ad radios sui excitatoris applicent: Boreale (inquam) Spiraculum Meridionalem, atque ita unio facta est inter Spiritus unguenti cum sanguine ei adaptato ac illis corporis vulnerati. Et ut videmus, quod concursu venti Borealis & Australis in aëre macro-

cosmico, ambo Spiritus simul & in eandem formam uniantur, & Magneticè cum aëreo suo vehiculo in nubem contrahuntur, quæ in se ignem formalem, nempe fulgura ac corpus aqueum continet: Ita quidem duæ emanationes efficiunt ac producant contractum aëreum Spiritum, in loco applicationis, vel concursu eorum, qui in actu suæ contractionis Spiritum Balsamicum in unguento residentem & ab eo emanantem attrahit: Haud aliter, ac videmus in instrumento nostro experimentale, quod aër eo frigore contactus, non sit pro illa contractione ad huc visibilis: Sed hoc ulterius adhuc sic confirmamus.

**2. P R O B L E M A.**

Ferrum allicitur sive attrahitur solummodò per immaterialem actum formæ, hoc est, per progressum incorporeum, qui operatur & decernitur in subiecto ferreo, tanquam continuato homogeneo corpore: Atque ista est ratio, quod ferrum movetur & attrahitur ad Magnetem, sine ullo

interpositionis alicujus corporis densi ac bene compacti impedimento, atque iterum ferrum attrahit ad se Magnetem, & concursus ad unitatem, fit per mutuam consensum & vigorem, qui quidem concursus propriè dicitur attractio.

Gilbert. de  
Magn. lib. 2.  
cap. 4.

**A P P L I C A T I O.**

Hic videmus illam relationem, quæ est inter Magnetem & minieram, ex qua Spiritus ille, qui animat Magnetem, extrahitur. Exempli gratia, capite antedicto, Spiritus Mummie microcosmicæ in excrementia sua excrementitia, in plantam transplantatur, atque ita planta illa ab eo Spiritu

animata, in Magnetem facta est, qui Spiritum suum vegetativum dirigit, ut Spiritui aut radijs membri tabescentis applicet.

Iam verò ad membri prædictæ propositionis quarti probationem venio.

K k

Mem.

## SECTIONIS SECVNDÆ. LIB. III. Memb. I.

Membrum. 4.

Membrum istius propositionis quatuor probatur in hunc modum.

Quartò , quod sit Spiritualls penetra- | quam aliqua Magnetica operatio comple-  
tio facta ab uno corpore ad aliud , prius- | ri queat.

*Demonstratio.*

Hoc membrum est sufficienter ab ijs , confirmatum , & tamen adhuc clausis istis  
quæ in prædictis membris sunt antè dicta , sequenti problemate exprimitur.

### P R O B L E M A.

Magnes ducit Magnetica , quæ ab ejus | quo apprehenditur , permeatque etiam ad  
viribus vigorem avidè concipiunt , non in | alteram extremitatem vis illa , non per su-  
extremitatibus tantùm , sed in intimis & in | perficiem tantùm , sed per interiora & uni-  
medullis ipsis : Nam bacillum ferri , ut ap- | versum meditullium.

### A P P L I C A T I O.

Hiscè evidenter apparet , quòd radij for- | qui in eo occultantur & per consequens  
males unius Magnetis , penetrant usque ad | unguentum more reciproco in Magnetem  
centrum alterius , atque itidem alter more | per Spirituum sanguinis animalium imbi-  
reciproco penetrat ad centrum usque illi- | bitionem factum , radios suos attractivos  
us : Ita etiam Spiritus vulnerati penetrat | applicat ad illos , qui à vulnere emittuntur ,  
atque permeat partim per sui ipsius emis- | & in ista sua actione à Spiritibus Sanguinis  
sionem , & partim sui similis , in unguento | mortui in unguento dirigitur : Quem-  
attractionem , etiam in viscera seu medi- | admodùm infra declarabitur luculen-  
tullium unguenti ad Spiritus sui generis , | tibus.

Membrum. 5.

Membrum propositionis prædictæ quintum cum suis probationibus.

**Q**Vinto , quòd percipiemus actum  
Magneticum , seu operationem Spi-  
rituum cœlestium seu astraliorum deor-  
sum influentium non esse mente humana  
determinandam , aut in motu suo ullo im-  
pediendam , si modo in istius negotij pro-  
fundum oculo intellectuali velimus intro-  
spicere.

Ad meliorem istius membri anatomi-  
am & expressionem , necesse habemus pro  
certiori lectoris instructione , ut illud in  
duos ramos seu particulas separatas distin-  
guamus , quarum prior explicabit exten-  
sionem emanationis à Spiritibus duobus  
astralibus factæ non esse humano in genio  
limitibus certis determinandam , utcumque  
ipsa per externum aliquem effectum vide-  
atur quodammodò conjecturari : Secunda  
particula probabit , quòd tales radiosæ stel-

lares influentiæ seu emissiones quinter-  
sentiales , quæ à Magnete in ferrum , aut ab  
uno Magnete ad suum in natura simile eja-  
culantur , & consequenter ab omni alio  
corpore Magnetico conditionis in essentia  
similis , non possint impediri per corpo-  
rum solidorum & bene compactorum in-  
terpositionem , uti Philosophi nonnulli in-  
consulti temere & audacter nimis in suis  
scriptis asseverarunt.

Ad primum autem ramum quod atti-  
net , qui radiorum seu formalium exten-  
sionem seu emanationem à corporibus Mag-  
neticis terminationem imaginariam intra  
sphæræ activitatis cognitæ limites , ejus-  
dem rei impossibilitas ( utcumque Philoso-  
phi nostri Peripatetici contrarium sinxe-  
runt ) istiusmodi demonstrationibus pro-  
blematicis sequentibus arguitur.

Quædam Propositiones Theorematicæ & Problematicæ,  
contenta istius articuli sive particulæ pri-  
mæ confirmantes.

### 1. T H E O R E M A.

Vigor in corporibus cœlestibus , medi-  
ante quo moventur , animam ipsis in esse,  
testatur , atque ob istam rationem à Philo-  
sophis sapientioribus actu seu Spiritu quo-  
dam divino imbui atque animari exist-

mantur , cujus virtute moventur : Quod  
cùm ita sit , extensio applicationis radio-  
rum debet etiam esse incerta , & per conse-  
quens limitibus constantibus destituta ,  
quoniam Spiritus ipsorum emanatione  
semel

semet facta , quandoque in aëre, nonnunquam in aqua ; Atque haud raro, imò vero omni momento , idque sine ulla resistentia etiam ad terræ centrum penetrant , ut ibidem in regno minerali operentur , ipsius subjectis diversis, diversimodè pro more influentiarum quibus subsunt , deformali

eorum actu & virtute impetiendo , per quam in acuta eorum penetratione agunt : Atque idèd creaturæ istæ inferiores similis naturæ, sunt pòrentes ad virtutes suas radiosas tam longè extendendas, & radios suos ad distantiam tam indeterminatam ac sunt stellæ applicandos.

## 2. THEOREMA.

Rectè tunc dicitur Magnes movere Magnetem, & quòd eorum unus disponat aliun per primariam eorum formam, quam à fonte Stellari recipit : Atque idèd haud absurditas ulla erat in sapiente Tha-

lete Milesio , nec erat dementia aliqua in Scaligero , animam Magneti assignare ; Cum centraliter & ab interno Principio incitatur , dirigitur & circulariter movetur.

### 1. Problema istud Theorema confirmans.

Si duo Magnetes in superficie aquarum sibi invicem expositi fuerint in suis navigijs , non statim occurrunt , sed, primum convertunt se mutuo, aut minor majori obtemperat commovendo se circulari quodam modo, tandemque cum secundum na-

turam dispositi fuerint , concurrunt : Hæc Gilbertus lib. 2. cap. 4.

Ille idem etiam effectus apparebit inter Magnetem & ferrum , ut infra declarabitur.

## ADDITIO.

Et quamvis quis replicare queat , quòd iste actus in Magnete cum Magnete sive in Magnete cum ferro videatur ab effectu externo certa quadam dimensione determinari & consequenter verba à me antea prolata haud multum adhuc ad indeterminatam emanationis corporum Magneticorum dimensionem probandam conferre : Respondeo ego, sensibilem inter Magnetem & Magnetè actum, arguere haud videri ; Quòd, quoniam duo illa corpora ponderosa suum motu evidentem habeant non

nisi ad talem distantiam, idèd Spiritus eorum ulterius sese extendere aut radios suos ulterius applicare haud quaquà possint : Nā est unum operari sensibiliter per violentiam massæ ponderosæ attractionem, atque aliud, ut una solummodò forma amplectatur , & in Harmonia quam naturali concurrat cum alia , atque ista alteratio illis, qui optimè in proprietatibus Magnetis versantur , per problema hoc sequens ad amissum verificatur.

## 2. PROBLEMA.

Orbis virtutis latius extenditur , quam orbis morionis cujusvis Magneticæ, efficitur enim Magneticum in extremo , etiam

si non moveatur locali motu , qui propius ad motu Magnete efficitur : Nam tunc tota corporea massa movebit ad eum.

## 3. PROBLEMA.

Acus Magneticæ contacta aspiciet Boream etiam à puncto æquinoctialis ; Quod quidem est apparens argumentum exten-

sionis indeterminatæ virtutis lapidis Magnetici.

Aliud problema hoc idem præstans.

## 4. PROBLEMA.

Separatæ partes à Magnete integro utrosque polos induunt , si divisio non fuerit parallelepticè : In parallelo si divisio fuerit, unum polum in eadem , qua prius sede retinere possunt : Hæc Gilbertus, lib. 2. cap. 32.

Ac Ridleus. cap. 21. sui tractatus Magnetici, ait : Si minor Magnetis pars à majore auferatur , ea portio minuta eadem vitam & vigorem imbuetur, quem integer lapis possidebat : Haud aliter , quàm infans vitam suam à patre hauriens , patri suo in

vita & partibus correspondet , eritque fructum istud majoris lapidis, quasi nova creatura : Nam habebit suos polos & æquinoctialem æquè & completè ac integer lapis habuit.

Etiā , si virga ferrea , ut est illa cortinae, suspendatur, suamque positionem habeat Borealem & Australem sine ullo Magnetis contactu (nam, si cudatur Borealiter & Australiter , induet proprietates easdem , nimirum virtutes polares & movebit in aëre, si filo serico suspendatur, aut

K k 2 cymbæ

Gilbert. lib. 2. cap. 32.

Ridleus. cap. 21. Tract. Magn.



## SECTIONIS SECUNDÆ. LIB. III. Memb. I.

cymbæ constitutur, ut super aquam fluctet, ad Boream & Austrum juxta suos polos, si (inquam) parvulum virgæ frustum rumpatur ab ejus Borea, illud frustum ha-

bebit suos polos, Borealem nimirum & Australem æquæ ac ejus totum; Videlicet virga longa, à qua erat ablatum.

### APPLICATIO.

Quibus liquet, quod si quælibet portio seu fragmentum Magnetis seu ferri habeat suos polos æquæ ac totum, tunc Spiritus, qui inest ijs, habet suam relationem vel applicationem ad stellam polarem majoris mundi, atque etiam respicit virtutem Australem atque etiam polum ejusdem: Nam, nisi ei inesset animæ mundanæ scintilla, quæ in ea secundum exiguum ipsius pro-

portionem, hæc aliter, quàm in mundo majori, operatur, impossibile foret, ut utrumque polum tanta exactione respiceret, uti experientia testatur: Ac ob id, ut actiones animæ mundi sunt aded Catholicæ, ut non possint limitibus certis terminari, etiam se habent Spirituales & Astraliæ creaturarum inferiorum emanationes sive irradiationes.

### 5. PROBLEMA.

Gilbert lib. I.  
cap. 12.

Ferrum rectum sex pedes longum, digitali crassitie (ut antea) in iusto æquilibrio cum filo serico tenuiori & firmo; Filum verò variè debet esse contextum, ex varijs fericis filis non una simplici via contortum, sitque in camera parva clausis ostijs fenestrisque omnibus, ne ventus ingreditur, aerque cubiculi moveatur quovis modo, tardè movetur, donec tandem acquies-

cens, finibus suis ostendit Boream & Meridiem, quemadmodum Magnete tactum ferrum in Horologijs sciotericis & compassis & nautica pyxide solet.

Præterea inveniemus, quod Magnes aut res aliqua alia, quæ excitatur à Magnete in suis cymbis disposita, suum aspectum diriget super acum in suo verticali, versus polum Borealem.

### CONCLUSIO.

Est ideo manifestum, quod extensio Spiritualis seu formalis Magnetis emanationis, atque etiam illius omnium aliorum corporum Magneticorum, non sint limitibus certis concludenda: Quatenus ipsa agit & applicat suos radios ad sedem & stationem usque stellæ polaris: & stella Polaris similiter influentijs suis emissis more reciproco operatur; Applicat ad, vel aspicit Magnetem, atque ita inter istos radios ascendentes atque illos descendentes facta est continuata Spiritualis unio, quoniam oculariter discernimus; quod tam Magnetes, quàm ferrum, Magna cum diligentia & cum manifestâ Sympathia aspiciant & moveantur ad stellam illam. His ergo ritè ponderatis, consideret quis velim, quanta sit illa intercapedo sive spatium, quod est inter terram & octavam sphaeram, ac procul dubio percipiet, illud esse quasi infinitum seu potius incommensurabile, & consequenter irradiationes à corpore Magnetico factæ, aliqua Phantastica & sensibili activitatis (juxta imaginariam Philosophorum nonnulorum phantasticorum sen-

tentiam) terminare nesciunt. At si actus talis & ad tantam distantiam, vel stellæ Polaris vel Magnetis denegetur à nonnullis, & illa Fracastorij, cum illa etiam multorum aliorum doctorum opinio recipiatur & pro Authentica habeatur, quæ dicit ipsum Magnetem & ferrum, atque acum à Magnete tactam, se tendere ad Septentrionem ratione attractionis variorum Scopulorum ex Magnete consistentium, qui in montibus hyperboreis siti sunt: Si ista (inquam) opinio pro vera statuatur, tamen ex ea elicere possumus actum Magnetis ipsum & respectum actualem, quem corpora Magnetica faciunt, ad illum non posse limitibus ullis certis terminari, cum in ista etiam consideratione, talium corporum irradiationes, observabuntur cooperari à loco Æquinoctialis usque ad scopulos Hyperboreos: Sed istam eorum opinionem alibi falsam atque vanam. probavimus. Iam verò istud totum, quod dictum est ad præsens hoc nostrum propositum, nimirum primum hujusce membri articulum applicabimus.

### APPLICATIO.

Primum & secundum problema nos docet, quod sit talis cœlestis & Astralicus subtilis Spiritus in omnibus Magneticis terræ corporibus, qualis est illis cœlestibus: & per consequens, quod radij cujlibet eorum, tam longè penetrare queant (tamen ista penetratio sensu discerni nequeat) quam radij cujlibet stellæ. Hisce percipere possumus, cœlestem in homine

Spiritum, qui est ex puriori & subtiliori substantia, quàm ille Magnetis; Emittere valere radios suæ virtutis, non modò ad metam illam, ad quam collimat Magnes, sed etiam ad summum Divinitatis Thronum: Iterum hinc inde arguitur, quod Spiritus in sanguine transplantato, potens sit in vulnus ad quamlibet distantiam operari, atque itidem, quod radiosus vulneris Spiritus.

Spiritus valeat cooperari & continuatum cum illo respectum habere. Tertium denotat, quod tametsi unguentum & sanguis in eo comprehensus non appareant ad longinquum mobiles, nihilominus cooperari, & cum Spiritu vulnerati ad distantiam & proportionem loci incognitam conjungi possunt. Per quartum & quintum elicere possumus, aspectus sanguinis Borealis ad austrum extensionem, esse ab æquinoctiali ad polum, nimirum per 90. gradus. Verum enim verò affirmo ego, quod, ut Borealis & Australis animæ mundi emanatio vastam mundi cavitatem implet: Ita etiam Mediante eâ & in ea potest actus iste animæ humanæ se ipsum longè ultra capacitatem carnis & Sanguinis extendere: Atque idè ipse, non nisi intellectualiter est concipiendus: Per quintum intelligimus, quamlibet Sanguinis humani seu Mummie Spiritualis particulam à toto divisam, habere & idealiter continere in se omnes partes seu proportionales, quas totum sive integrum possidet: Atque idè tam

Boreali, quàm Australi aspectu soleat operari & per consequens deorsum à cælo proprietatem similem pro occasione data allicere sive attrahit. Nam ob istam rationem hic Spiritus dicitur à Propheta venire à quatuor ventis, & tamen non est, nisi Spiritus in essentia unicus, utcumque est in proprietate quadruplex: Nam erat virtute huius, quod mortui à Propheta specificati resurgerent: Atque idè tam longè, quàm venti Borealis aut Australis extensio potest esse, tam longè potens est Spiritus iste in homine radios suos Spirituales emittere.

Ezekiel. 36.

Iam verò veniam ad probationem articuli secundi, qui penetrationem Spiritus istius acutam demonstrat ostenditque, quod sine ullo impedimento perficiatur contra opinionem nonnullorum ignorantum, qui credunt, Castella, scopulos, sylvas, montes & huiusmodi alia posse Spiritus istius subtilis & omnia permeantis motum atque actum impedire: Ejus probatio fit hoc modo.

Fosterus &amp; alij ejusdem farnia.

*Demonstrationes secundum hujus membri articulum comprobantes.*

Articulus. 2.  
hujus membri.

**1. PROBLEMA.**

**N**Eque ignis, nec aqua, nec terra ingressum actionis aut penetrativæ virtutis in Magnete super ferrum impedire valet; quatenus experientia comprobatur, quod Magnes allicit seu attrahit ferrum ad se, non obstantibus aut igne aut corporibus solidis: Exempli gratia sit flamma aut candela juxta lapidem, appone filum breve ferreum, & cum appropinquaverit, per medias flammæ ad lapidem penetrabit, verforiumque seu acus in verforio, nec lentius nec minus avidè applicat

ad Magnetem per medias flammæ, quàm aëre apertò, ita ut non impediunt flammæ interpositæ coitionem. Hæc Gilbertus lib. 2. cap. 4.

Gilb. lib. 2.  
cap. 4.

Ita, ut videre possimus istiusmodi experimento, coitionem horum corporum Magneticorum esse nullo modo interpositione ignis aut perturbandam aut impedendam; Etiam si aqua vel terra ipsis interponatur, tamen hoc idem præstabit Magnes officium.

**2. PROBLEMA.**

Gilbert. lib. 2.  
cap. 4.

Ferrum allicitur actu immateriali seu processu incorporeo, qui operatur & concipitur in ferreo subjecto, tanquam in corpore continuato homogeneo: Ac ob istud ferrum movetur & attrahitur à Magnete, atque iterum ferrum attrahit ad se Magnetem, & concursus sive convenientia in unitate erit per eorum radios facta, tametsi corpora densa ad eorum coitum impedienda sint interposita: Gilbert. lib. 2. cap. 4.

Ita, ut elicere fas sit ex isto problemate, quod substantiarum diversarum interpositio nil possit in impediendo illam Spirituum coitionem, quæ facta est inter illa duo corpora; Quod est argumentum, quod influentiales seu formales Spiritus nequeant suo motu impelli; Atque idè subtilis iste Spiritus, qui ortum suum ducit ab anima mundi, à Philosophis sagacioribus dicitur omnia permeare entia, verum hoc sequenti problemate planius.

**3. PROBLEMA.**

Gilb. lib. 2.  
cap. 2. de Magn.

Magnes sive frictione aut calore, siccus aut humore perfusus, tam in aëre, quàm in aqua Magnetica provocat; Tum etiam solidissimis interstitis corporibus, vel lignorum tabulis, aut lapidum aut metallorum: uti auri, argenti, aut ferri crassioribus laminis: Hæc sunt verba Gilberti. lib. 2.

cap. 2.

Et Riddleus, quod, etiam si illæ substantiæ, quæ non sunt Magneticæ collocentur inter acum verforij & Magnetem, tamen haud possunt impedire orbem & progressum vigoris Magnetici: Exempli gratia, si Magnes claudatur in pyxidem

K k 3 aut

## SECTIONIS SECVNDÆ. LIB. III. Memb. I.

aut ligneam, aut lapideam aut stanneam, aut argenteam &c. Tamen nihilominus | Magnes orbem suum Magneticum extendet.

### A P P L I C A T I O.

Concludimus igitur per typicam istiusmodi expressionem, quod Spirituum vitalium in homine emissiones sint tam subtiles ac penetrantes, ut nulla corpora interposita valeant eos in motu suo determinato impedire : Nec non est sanguis ille Magneticus in unguento Magneticè excitatus, in concursu & unione cum eodem Spiritu Australi seu vivificante, impediendus, hocque præcipue, quoniam formales unus Spiritus sunt continui & homogenei ad alterius.

#### *Procedo jam ad sextum prædictæ propositionis membrum.*

Sextum membrum est, quod postquam corpus aliquod (sive sit animale, vegetabile aut Minerale) sit per transplantationem alterius factum Magneticum, aut Magnes, ad aliud corpus, facit per attractionem suorum Spirituum, amatorem ad se, ijs virtutem & proprietatem impertire, quæ pertinent ad se ipsum : Ita, ut, quemadmodum amator participare solet cum natura amati; ita etiam amatum soler cum natura & conditione amatoris communicare, hocque præcipue, si modò sint in genere homogenei atque affectione reciproci.

#### *Quædam demonstrationes problematice ad istud membrum confirmandum.*

##### 1. P R O B L E M A.

Quodlibet corpus, cui Mummia viva | res.  
in alio homine propinatur, illicò sit Mag-

### A P P L I C A T I O.

Problema hoc est animalis & non mineralis naturæ, sed inferre videtur, quod per transplantationem sanguineorum spirituum humanorum, unguentum protinus Magneticum reddatur & attractivum, | haud aliter, quam in præcedentibus affirmavi, ungues & pilos in quercum transplantatos, ipsam statim communicando Spiritus unius cum Spiritibus alterius, attractivam & Magneticam reddere.

##### 2. P R O B L E M A.

Magnes nihil potest præstare, quod fer- | at : Idque non modò contactu, sed etiam  
rum Magneticè excitatum efficere neque- | ad rationabile distans.


### A P P L I C A T I O.

Nec pariter quicquam potest Spiritus in homine vivus agere, quod Sanguis mortuus in unguentum transplantatus, præstare non potest : Si modò more recipro- | co coeant; Imò verò Spiritus in unguento ulterius procedunt, nam nativam influentiam in vulneratum inspirant.

##### 3. P R O B L E M A.

Gilb. lib. 2.  
cap. 4.

Ferrum Magnete contactum aliud ferrum recreat, illudque ad motus Magneticos instruit; Ita, ut tertium etiam ferrum ad se trahat, verbi gratia : Magnes appli- | catus ad A. trahit clavum seu obelum B. similiter post B. trahit C. & post C. D. remotis verò clavis B. & C.



In eadem distantia Magnes A. non attollit in ætrem D. clavum &c. Hæc Gil- | bertus.

### A P P L I C A T I O.

## APPLICATIO.

Ferrum B. comparatur ad Spiritus, qui prius animantur à Spiritibus vivis in homine, & qui animant Spiritus unguenti, qui sunt de natura Microcosmica, ratione salis in usnea volatilis, quod est tallum Spirituum vegetantium atque vivificantium receptaculum, qui dant vitam homini, præterquam, quod jam Borealem proprietatem induerint & quasi pro mortuis habeantur. Spiritus autem isti in unguen-

to referuntur ad C. qui agunt & operantur. postquam ita excitantur in D. quod Spiritus ex vulnerato emissos importat: Aded, ut elicere possimus, quod non sit, nisi unus & idem spiritus continuatus, qui in actionem reducit tria diversa subjecta cum spiritibus eorum, nimirum sanguis effusus & transplantatus, unguentum & corpus vulneratum.

## 4. PROBLEMA.

Magnes & vena ferrea sunt idem & eandem habent naturam, atque etiam in una Miniera, quasi Gemini, inveniuntur. Imò & robustus Magnes ferrum in se continet, atque ided ferrum, quod ab utrisque eorum extrahitur, habet omnes Magneticeas virtutes, tam in vena, quam post factam

separationem, sed magis debiles & impotentes, nisi excitatur à Magnete, aut ipsi addatur, hoc est, nisi Magnes cum eo armetur: Nam hac ratione reddetur in sua facultate Magnetica fortior, quam ipse Magnes.

## APPLICATIO.

Simili planè ratione sanguis in vulnerato, atque ille, qui transplantatur, ut in unguento purificetur & confortetur, ab una eademque derivantur vena, atque unam eandemque matricem habent, atque ided idem extractus sanguis retinet in se omnes virtutes Magneticas sed Magis debiliter, & in potentia magis, quam actu, nisi ab Australi sanguinis virtute excitetur, aut Balsamica unguenti natura armetur: Nam, si ita præparetur ac muniatur, videli-

cet, si ita incitetur & dirigatur, possidebit & suam potestatem Borealem: Atque illa Balsamica & attractiva virtus usneæ est aded potens in sua Boreali & Saturnina conditione, ut subito quasi sigillo confirmet & sistat per congelationem Australem illum sanguinem, qui fluit, haud aliter, quam videmus, ventum Borealem convertere in ignem & immobilem nivem atque grandinem.

## 5. PROBLEMA.

Magnes & ferrum inter omnia alia corpora nobis cognita, sunt in natura & conditione, propinquiores ad terram: Nam in se retinent substantiam admodum ge-

nuinam & homogeneam & ad terram appropinquantem: Atque ided hæ tres substantiæ naturâ ad invicem conveniunt.

## APPLICATIO.

Hicce liquet, quam sit propinqua relatio inter corpus humanum, quod comparamus cum terra, & sanguinem, qui exit è venis, quem referimus ad Magnetem, atque unguentum Spiritibus sanguineis relatū, quod ex sanguine erat extractum: Nam pinguedo & usnea atque Mummia erant de sanguine: Scripturæ enim nos docent, animam carnis, & per consequens pinguedinis & ossium esse in sanguine sitam: Quo fas est considerare, quod, quamvis hæ tres substantiæ corporeæ differant, tamen in homogeneitate Spiritus conveniunt: Ac ob hanc causam non est mirum, si sit continuitas quadam inter Spiritum Sanguinis corporei, atque illum in unguentum transplantatum. Nec profecto aded debemus admirari in commercio illo naturali, quod est inter Spiritus Sanguineos & unguentum, aut, quod unio tam subitanea fieri soleat inter eos, aut quod il-

lud debeat tam subito fieri Magneticum, five Magnes, sola adaptatione eorum in Balsamica & sanativa ejus in vulnus operatione: Idque præcipue, quoniam per Spiritus in eo transplantatione adaptatos, dirigitur, & post animationem radios suæ naturæ in suum simile convertit, cum sit tam propinquum in Spiritu & proprietate ad sanguinem vulnerati & frustum ferri, ut portio Magnetis ab integro abrupta sit suo toti: Quæ quidem portio in omnibus convenit cum Spiritu sui patris seu fontis, à quo est derivata: Ita etiam videmus, quod, quamvis aer macrocosmicus videatur naturâ secundum suam positionem variare (nam aer Borealis est frigidus; Australis verò seu Æquinoctialis calidus) est tamen non nisi unus & idem Spiritus continuus, utcunque in hanc vel illam nubem, distingui videatur: Atque iterum Spiritus internus seu formalis, qui quatuor ventos

## SECTIONIS SECVNDÆ. LIB. III. Memb. I.

Ezekiel. 36.

diversimodè animat , est non nisi unus & idem Spiritus indivisibilis (uti ab ore Prophetæ accipimus) similiter est unica & eadem Spiritus identitas, quæ agit in vulnere & in sanguine effuso seu transplantato , atque unguento : Quatenus omnes

hi tres non fuerunt nisi unus sanguis , ut D. Paulus docebat Athenienses : Nimirum , quod omnes homines veniant ab uno sanguine, & consequenter ab uno Spiritu in sanguine. Hoc etiam isto problemate confirmo.

AA. 17.

### 6. P R O B L E M A.

Attractio facta est in corporibus primarijs , atque illa sunt ad invicem propinquiora , & unius mutui inter se concentus, ratione eorum identitatis in conditione. Atque ob istam rationem Magnes attrahit

ad se ferrum , atque itidem ferrum allicit ad se ferrum , & terra terram adducit , ac iterum horum quodlibet sibi alterum trahit.

### A P P L I C A T I O.

Hinc ergo colligitur ratio , cur sanguis sibi sanguinem attrahat atque unum corpus suum simile , & unguentum animatum ab una eademque natura suum simile affectet ; Atque ideo Paracelsus haud inconsultè dixit (ut antea) quodlibet corpus , cui Mummia viva in alio homine propinatur , illicò fit Magnes : Atque idè haud injurià possumus pronuntiare , cum ab ipsa experientia hoc manifestatur : Quod quodlibet unguentum , & præcipuè illud Microcosmicum , quod imbibit aut comprehendit Mummiam Spiritualem Sanguinis alterius hominis , confestim fit Magnes, & per incitationem Mummie Spiritualis,

quam continet , avidè affectat & appetit suum simile : Atque propter hanc causam illud attrahit & allicit ad se , atque exinde ei tam impertit sanitatem , quam illud cum suo attractore de proprietate sua vivifica communicat. Plura ad fortem istius unguenti attractionem, post ejus à Spiritibus hominis vivi animationem probandam, proferre potui : Sed in hoc faciendo fortasse tædium potius , quàm delectationem lectori inducam ; Atque iterum in præcedentibus mentionem satis amplam de ea feci ; Atque idè relinquam ego membrum hoc , ut ad septimum procedam.

### *Membrum Septimum propositionis cum problematibus.*

Septimò, agentem, qui alienum seu peregrinum corpus ; Multò magis illud, quod est de consanguinitate ipsius, Magneticum facit , & concupiscibile seu affectionabile ; Idque specie propinquitatis in natura, esse Spiritum cruentum transplantatum in unguentum animale, seu plantam vegetabilem, (de qua antea verba feci) qui

etiam Spiritus, est Magneti unctuosò director, ut in subiectum & Spiritum ejus, unde sic erat derivatus, Magneticè operetur , qui Spiritus si fortis & validus sit, potenter operatur ; Sin debilis aut languidus, debilem duntaxat producit operationem.

### *Nonnullæ demonstrationes problematicæ ad confirmandum membrum antè dictæ propositionis.*

Hoc membrum in meliorem intenti nostri explicationem in tres articulos seu partes dividamus necesse est , quarum prior probabit, Spiritum transplantatum reddere unguentum , cui commissus est, Magnetem ad vulneratum : Secunda, quod ipse sit solus dux & director poten-

tia unguenti, & conductor facultatis ipsius Balsamica ad Spiritum vulnerati : Acultima demonstrabit , quomodo debilis ac impotens Spiritus non nisi debiliter operetur per se , & tamen assistentia & adminiculo sanioris ac robustioris naturæ recreetur & iterum confortetur.

### *Demonstrationes confirmantes contenta primi articuli hujus Membri.*

asil b. de Mag.  
lib. 2. cap. 25.

Experientia nos docuit, & huic rei astipulatur Baptista Porta , quod si Magnes debilis, pulveribus chalybis ad tempus obruatur , evadet validior & potentior in attractione sua : Similiter chalybs naturâ suâ efficietur præstantior & validior : Sed Paracelsus magis adhuc in relatione sua ve-

ritati appropinquat , dicens , extractione Magnetis candentis in oleo Croci Martis, qui conficitur ex selectissimo Chalybe Corynthiaco, ed usque, dum amplius nihil imbibat, ita corroborabitur hic Magnes , ut decuplo plus virium in attractione sua possideat, quàm habebat antea.

### A P P L I.

## A P P L I C A T I O.

Simili relatione Spiritus Languidus in Sanguine transplantato imbibitus, unguento animali, (quod eandem relationem in se habet ad Mummiam Spiritualem, quam oleum Croci Martis ad Spiritum debilem in Magnete) revivificabitur ac recreabitur in vigore suo Magnetico, ac mixtus cum unctuofo suo simili, constituet Magnetem compositum, qui similem sibi Spiritum potentiùs longè attrahet, quam poterat antea: Vicissim, ut parvulus seu debilis Magnes obrutus pulveribus terræ ferruginosæ, quæ est de natura ipsius, vires suas deperditas recuperat: Sic etiam Spiritus sanguineus inhumatus terræ unctuosæ, de natura sua propria, attractione sui similis à fonte sanguinis & salutaris spiritus ab unguento, sic unitur unguento, ut per animationem creet Magnetem aptissimum,

qui naturam hanc Balsamicam utrique communicando, attractione membri fauciati reddit se ipsum medicinabilem; Ita, ut continuitate & integritate spiritus per contactum immediatum spiritualem, deferat spiritum usneæ Balsamicum, aliorumque ingredientium unctuosorum ad vulnus. Nonne observamus, quòd aqua, quæ per acervum seu cumulum salis transit, virtutem salis omnimodè induat, licet effluxus ejus sit perlongus, & quòd ea natura salis ab uno ejusdem extremo ad aliud communicet, & multò magis aer naturam loci, per quem transit procul vel longinquum transferet, & tamen omnis ille aer sic animatus erit continuatus, & per consequens multò magis subtilis ille spiritus coelestis, qui aërem in habitat.

## 2. P R O B L E M A.

Gilbert. de  
Magn. lib. 2.  
cap. 4.

Ferrum contractum recreat aliud ferrum per contactum, illudque instruit

ad motiones Magneticas.

## A P P L I C A T I O.

Simili proportionem in regno animali sanguis transplantatus per Australem seu vivum suum fontem, animat ac recreat Magneticè unguentum; Ita, ut operetur

in vulnerati spiritum emanantem, & attractionem ad se naturam vulneratam, emissionem suam Balsamicam meliorando & in pristinam conditionem restituendo.

## 3. P R O B L E M A.

Ridley. tract.  
de Mag. cap.  
16.

Si Magnetem nullius sensibilis roboris aut virium, quasi, Magneti roboris ac vigoris validi & potissimum polis imponamus, vigorem illa robustioris ac majoris, cui uniebatur, æqualem ostendet: Sed postquam removebitur, minor ille erit adeò

debilis, ut antea, nisi sæpiùs repetatur: Idem effectus planè sequetur, si frustum ferri Magneti robustiori applicetur, sed si tollatur à lapide, tunc omnis virtus ferè evanescet & deperdetur.

## A P P L I C A T I O.

Simili ratione sanguis debilis Borealis in unguentum transplantatus, & applicans se ipsum viventis spiritus emanationi, præservatione & corroboracione unguenti fortificatur, & attrahit seu operatur efficaciter, reddetque totum unguentum Magneticum: Sed, si accadat, ut unguentum vel separetur seu abradatur à loco teli, in quod spiritus penetrarunt (ut Bevis Tell Well, eques auratus, fecit periculum in securi, quæ sauciârat plaustrarium) vel decutatur aut abstergetur, (ut accidit in securi; Quæ sauciârat nauegum, per improvisam deiectionem capuli gladii Nicolai Gilbourni, equitis aurati) dimittet virtutem suam, quam recipit à Spiritibus sanguineis in homine vivo & liturâ Balsamicâ unguenti; Ac proinde vulnus ea divisione, quæ aut magis dolorosum erit, ac antea: Sed si unguentum loco iterum appli-

cetur, telumque obvolvatur calidè concursus Magneticus renovabitur, dolorque confestim sedabitur, ut probatū est in multis: Atque hæc disturbatio seu intemperies non fit aëre frigido solum efficiente dolore rigidum ac torpidum in vulnere, sed etiam vulnus calore ignis fit tam inflammatum ac adustivè dolorosum: Nam, Iacobus Virat, quondam mihi famulus, sed jam reginæ Pharmacopola, habitans in Blake Friers, anno proximè elapso, conficiebat hoc unguentum, & tentandi gratiâ, quendam phlebotomo suo in Brachio vulnerabat, & postmodum in unctum Phlebotomum igni admovebat, ut liquefieret unguentum & Phlebotomum incalesceret, atque ita evenit, ut in illo instanti vulneratus ardorem adeò Magnum in vulnere suo persentiret, ut vix esset ferendus: & tum è vestigio iterum perungebat Phlebotomum.

L l mum



## SECTIONIS SECVNDÆ. LIB. III. Memb. I.

num, & vulneris confestim dolor sedabatur, & mox confanefcebat : Pharmacopola in vivis est, atque ad id confirmandum paratus erit : Idem melius confirmatur per hoc problema.

### 4. PROBLEMA.

Rid. ibid.

Si Magnes debilis in loco alterius polorum ejus Magnete validiori perfricetur, ille per vigorem & virtutem meliorabitur, si non in potentia augetur.

### APPLICATIO.

Eadem proportio actionis est inter Mummiam in unguibus & capillis, & Magnetem vegetabilem, ut etiam inter illum in sanguine transplantato & in unguento : Nam Magnes vegetabilis seu quercus reducebat secretam illam ac occultam in ipsis Mummiam à potentia in actum, referando naturæ abdita ; Haud aliter, ac in terra solet granum tritici, putrefaciendo : Atque ita etiam est potentialis seu Borealis natura Mummiæ Spiritualis sanguineæ, cum sit extracta & in actum terræ unctuosâ seu unguento Magnetico redacta.

### 5. PROBLEMA.

Rid. cap. 19.

Si acus Magnetica contrectata prius tactu Magnetis candescat igne, amittit omnem potentiam polarem suam, & virtutem ac facultatem directivam : Sed, si recens tangatur iterum, recuperabit virtutem & actum.

### APPLICATIO.

Itaque per conversionem propositionum (nam contrariorum eadem est ratio) si sanguis transplantatus, qui trangebatur Magneticè spiritu vitæ, frigore congeletur, omne robur suum ac operativam directivamque virtutem amittit : Sed, si roboretur unguento ac reanimetur, per spiritum Australem seu vitalem, ut antè, non reviviscet modò & aget iterum ; Verùm etiam reddet unguentum Magneticum, ac dirigit illud in cursu suo ad Memb rum affectum.

### 6. PROBLEMA.

Rid. de Mag. corpor. cap. 24.

Si tenuissima lamina Chalybis affigatur neutri polorum Magnetis, nimirum inter Magnetem & viam ejus, Magnes ita attollet, duplo ; Imò quandoque decuplo plus, quàm poterat antè : Ab hac praxi inchoabat armatura Magnetis, cum Chalybe seu ferro, juxta diversos modos.

### APPLICATIO.

Pari modo translatus sanguis Borealis, est Magneti haud immeritò comparatus, & unguentum ad armaturam ferro : Nam uniendo sanguinem congelatum cum unguento, virtus attractiva & vis Magnetica multò major est, & potius est fortiter sugere & attrahere sibi Spiritum Australem, sanguinis viventis, in vulnerato : Idque dulcidiùs probop per sequens problema.

### 7. PROBLEMA.

Rid. cap. 24.

Si duo Magnetes, armati duobus dentibus, separatim nobis ante oculos statuantur ; Altero existente valido, alio verò debili seu multò minori, cujus axis seu diameter inter dentes est æqualis & similis longitudinis, conjunge dentes eorum, qui procedebant à polis & partibus contrarijs invicem, tunc fortior apprehendet & attollet debiliorem ; & debiliior unius ac incorporatus cum fortiori, virtute, quàm recipit à fortiori, tollet à terra & retinebit fortio rem ac majorem admodum firmiter, licet sit multò ponderosior pondere, quod lapis parvulus ordinariè elevat.

### APPLICATIO.

Hoc typo minerali docemur, (mutando mensuras ponderum in proportionem in vigore spiritus) congelatum, effusum, ac transportatum sanguineum spiritum oblitum & quasi armatum unguento, cujus natura æquè est propinqua, ac sanguis est spiritui, factum esse Magnetem usque adeò potentem, ut potens sit ad se attrahere majorem ac robustiorem naturam sanguineam, per applicationem ad ipsum minorem Magnetem Borealis naturæ, & quasi polum suum Borealem ad Magnetem majorem.

rem naturæ Australis : Nam hisce medijs in regno minerali , unio naturalis fit , ut probatur hoc problemate.

## 8. P R O B L E M A.

Ridley. Ibid. Est naturalis quædam ; & violenta ac depravata unio : Illa verò naturalis est, cum coitio à polis contrarijs , nimirum polo Boreali & Australi fiat : Iterum, quòd fortior attractio sit à polo Boreali, hoc confirmat problema.

## 9. P R O B L E M A.

Ridley. cap. 6. Polus Borealis est polus ad omnia propolita ac intenta Magnetica fortissimus ac robustissimus, si quantitatem illam habeat, quàm Australis possidet.

## A P P L I C A T I O.

Ridley. cap. 6. Quibus patet, Borealem naturam , quæ est in Magnete unctuosò, ac spiritum ejus influentialem, longè magis attracturum esse, quàm Australis seu calidus Spiritus, aut æquinoctialis attrahere potest, nisi pro ut participat de natura Boreali , naturali quadam ad suum simile concurrentia : Atque hæc est ratio, quòd naturalis unio dicitur esse , ubi concurrentia oppositarum naturarum polarium est facta : Nam ab illis fortior fit attractio, quia natura sola frigoris est contrahere, ut è contra, caloris est dilatare. Vis ista polaris conclusivè sustinetur hoc problemate, cum quo hujus articuli confirmationem concludo.

## P R O B L E M A.

Magnetes, ferro armali polum duntaxat apprehendunt.

Ridley. cap. 24.

## A P P L I C A T I O.

Ac si diceret, Borealem seu congelatam Mummiam, unguento propriæ naturæ suæ circumdatam & quasi armatam, ac Australem seu vivam Mummiam carne repletam atque stipatam, sibi invicem Magneticè propè polos applicare, nimirum vividam Mummiam propè Australem & æquinoctialem, & debilem ac congelatam, propè Borealem : Ac proinde attractio manifestata est à Magnete unctuosò atque agente ejus imbibito.

Articulus 2.

*Iam ad secundum hujus Membri articulum seu portionem devenio.*

*Demonstrationes confirmantes contenta secundi hujus Membri articuli.*

Quod ad secundum articulum hujus membri attinet, qui demonstrat, Mummiam sanguinis transplantati, Spiritualem esse virtutis seu vigoris unguenti Magnetici ad vulnus, ad quodvis intervallum, directorem & ductorem, indicat, illud hoc testimonio demonstratur.

## 1. P R O B L E M A.

Gilbert. de Magn. lib. 2. cap. 4. Et Ridley. de tract. Mag. 7. cap.

Magnes conducit ac dirigit res Magneticas, quæ concipiunt vigorem ac vires ab eo non modò in exterioribus ; Verùm etiam, in interiori ac venosa medulla : Exempli gratià, ut primùm particula ferri apprehenditur ; Magneticè ad finem usque excitatur, ubi tangebatur ; Atque ipsissima vis ei sic impertita, ad alteram usque extremitatem, tam superficialiter, quàm centraliter penetrat.

## A P P L I C A T I O.

Hoc exemplo probatur, formalem sanguinis Mummiam simili planè modo operari cum Unguento, quod se habet ad ipsam, ut ferrum ad Magnetem : Ita, ut, quemadmodum Magnes per ferri contactum, facit illud post imbibitionem vigoris sui spiritualis Magnetem : Sic etiam post receptionem hujus Mummie sanguineæ unguentum redditur Magnes : Quatenus per ejus totum, vigore quodam Magnetico animatur, & virtute animæ hujus Mummialis dirigit radios suos ac virtutem Balsamicam ad

L l a fon-


## SECTIONIS SECUNDÆ. LIB. III. Memb. I.

fontem, à quo Spiritus ille Mummialis originem suam ducebat: Directionem autem hanc esse veram, per ista sequentia problemata probamus.

### 2. PROBLEMA.

Unus Magnes alium Magnetem disponit, alter alterum convertit, ac in ordinem suum reducit & conducit, illumque ad concordantias suas dirigit: & quando convenerunt ac juncti sunt invicem, firmiter sibi cohererent invicem: Exemplum evidens est: Nam, si duo filamenta ferrea unius longitudinis accipiamus, quæ in extremitatibus per polos contrarios excitantur, eaque per subera rotunda quantitatis

nucis avellanæ intrudantur, quæ postmodum aquæ innatant ac fluctuare imponantur, percipietis illa paulatim se dispositura atque ordinatura, ac contactum Borealem Spiritualem unius, prius axem suam directuram, & postmodum attrahere polum Australem, dum ambo sibi in morem duorum equitum cum suis spiculis occurrant & obviunt.



### DEMONSTRATIO.

#### APPLICATIO.

Mumia Spiritualem in Sanguine transplantato est unus Magnes, qui unguentum cum in modum disponit, ut ad Magnetem etiam quadret: Atque hic Magnes dirigitur Spiritu Mummie in concordantias Mummie Spirituales, quæ expirat ex vulnere, quam attrahit & unit, & partim

de virtute ejus vivifica participat, & partim communicat cum ipso de Spiritu suo Balsamico, qui ratione continuitatis suæ cum vulnere facile, licet invisibiliter, transfert ad vulnus: At jam ad tertium hujus membri Articulum seu particulam procedo.

#### *Demonstrationes contenta hujus membri tertij ejusque ultimi articuli confirmantes.*

Articulus 3.

**A**D tertium & ultimum Articulum hujus membri quod attinet, qui ostendit, quodd Spiritus debilis ac impotens non nisi debiliter ex se operetur, sed per assistentiam naturæ robustioris recre-

etur & fiat vigorosus: Hoc totum est per complures conclusiones problematicas confirmatum, quæ ex Magnetis proprietatibus producuntur.

### 1. PROBLEMA.

Gilbert. lib. I.

Magnes amittit virtutem suam attractivam, & quasi deficit ætate, si ætè aper-

to diu exponatur, nec servetur ac obruatur limatura seu scopijs ferri.

#### APPLICATIO.

Gilbert. lib. I.

Similiter sanguis vivus, ubi primùm ex venis suis mineralibus calidis est effusus & de aëre frigido gustavit, suam activam virtutem amittit & deveniet gelidus & quasi mortuus, nisi cum carne, & reload

sibi appropriatum unguentum transferatur, quod illum ab aëre frigido præservat, locoque limaturæ ferri ad Magnetem, ad Mummiam spiritualem defendendam ac muniendam, inservit.

### 2. PROBLEMA.

Baptista Porta Magnetem in limatura Chalybis servabat bono temporis spatio, ac postmodum reperit illum multò vigorosiorem ac efficaciorum in virtute ejus

attractiva, quàm antea. Similiter Paracelsus calfaciendo ac imbibendo Magnetem oleo Martis, ejus vigorem multis gradibus augere, ut dictum antè.

#### APPLI-

## A P P L I C A T I O.

Simili modò , si Mummia Spiritualis in sanguine transportato , debilis aut Languida , servetur ad tempus in unguento animali , reddetur Magis vigorosa in tantum , ut animaverit totum unguentum.

## 3. P R O B L E M A.

Ridl. in tr. 2.  
de Mag. corp.  
cap. 17.

Imponatur Magnes nullarum virium seu roboris , quod facile percipi queat, Magneti eximij roboris ac vigoris , potissimum polis , & exhibebit vigorem , ac si æque esset virtuosus , ac Magnes , cui unitus est ; Sed postquam ablatus est , erit æque debilis ac antea , nisi sæpius repetatur.

## A P P L I C A T I O.

Sic etiam si Spiritus transplantati cum Sanguine , unguento sano ac Balsamico implantantur , colligent vires : At , si unguentum vel abstergetur , vel ignis calore defluat ab arnis , confestim amittet vim suam : Atque iterum , si recens inungatur , & calide obvolvatur , è vestigio recreabitur iterum , ut antea. Præterea hoc etiam Problemate antea prolato confirmatur , quod est tale.

## 4. P R O B L E M A.

Ridley. ibid.

Si Magnes debilior perficitur ad polos suos Magnete fortiore , meliorabitur inde virtute ac vigore suo , si non augeatur inde.

## 5. P R O B L E M A.

Ridley. ibid.

Validior , ifque major Magnes , auget virtutem minoris , si ille imponatur polo majoris illius : Nam tunc polis ejus Borealis erit vigorosior.

## A P P L I C A T I O.

Validus sanguis ac spiritus in vulnerato aspectu , facit sanguinem debilem ac spiritum , qui in unguentum transplantatus est , Magneticè operari , & applicare ac dirigere spiritum unguenti ad illum fortiter , quod non præstaret sine unione illa , quam cum suo fonte habet , qui est vividior , agilior ac robustior.

## 8. Membrum propositionis cum probationibus suis.

Octavum membrum hujus propositionis est , quod in omnibus operationibus Magneticis. Necessè est , ut sit applicatio reciproca seu aspectus factus inter amatorem & amatum , ut inter materiam seu foemininum , quod concupiscit , & formam seu marem , qui concupiscitur : & per similitudinem seu continuationem spirituum formalium suo simili , quod agit in materia , unitur : Sic spiritus Borealis cum suo unctuofo Magnetico corpore efficaciter concupiscit & radios formales & æquinoctiales seu emanantem spiritum ex vulnere appetit , Magnetemque unctuosum , ad effectus suæ concupiscentiæ producendos dirigit , quod facile perficitur , modo si continuatio fuerit inter spiritus eorum. Sed ad probationes nostras.

*Demonstrationes quædam problematicæ ad confirmandum hoc problema.*

## 1. P R O B L E M A.

Gilbert. de  
Magn. lib. 2.  
cap. 4.

Cōitio Magnetica est actus Magnetis & ferri , non unius , sed utriusque ad instar viri & mulieris.

## A P P L I C A T I O.

Vt mulier , quæ frigidior est & magis Borealis naturæ , concupiscit virum , qui est calidioris & Australioris dispositionis : Sic etiam similitudine quædam Sympathetica in utriusque spiritu coeunt , ac sua femina affectionis uniant : Consimili prorsus modo spiritus frigidus in Sanguine congelato , spiritus sanguinis vividus & activus concupiscit , & postquam unusquisque coierunt , uniant naturas ac tertium quoddam procreant ; Vt filium , qui de utroque parente perticiat.

## 2. PROBLEMA.

Prima formæ principalis in ferro virtus, in Principio erat distincta: Sed jam quidem fusionem seu liquefactionem corporis ejus, confusa est, cum Magnetica seu ferrea vena igne examinaretur: & tamen nihilominus, postquam integer & pervalidus Magnes applicatur illi, in pristinum suum

actum ac vigorem revertitur: Nam ejus formâ dispositâ atque ordinatâ cum Magnete, uterque conjungunt simul vires sociabiles, consentiuntque simul sine ullo corporali contactu & per consequens unum redduntur.

## APPLICATIO.

Eadem ipsa est ratio contrariorum, ac proinde idem dici potest de frigoris extremitate, quod in problemate allegatum est de illa caloris. Dicimus igitur, sanguinem, qui, quamdiu erat in vena sua naturali, distinctus erat in actione sua, jam effusione ejus in aërem gelidum, factum esse confusum ac omni manifesta formali actione vacuum: Cum verò assistentiâ unguenti excitatur, denuò spiritali emanationi sanguinis robusti applicatur, rectificatur iterum, conjungiturque naturam suam cum po-

tentia adaptam, quam ab unguento accepit; Atque ita unio naturarum utriusque conflatur, qua spiritus vulneris participat cum natura Balsamica Mummie: Iterum in vera dicti problematis natura sine ulla propositionis conversione, sanguineus in unguento Spiritus calore nimio reddebatur confusus, ut apparet M. Jacobi Viroti Pharmacopoeæ experimento, in admovendo phlebotomum igni, postquam jam Brachium alterius sanciarat, ac unguento esset perlitum.

## 3. PROBLEMA.

Gilbert.

Bini Magnetes in cymbas diversas dispositi, ac ad superficiem aquæ exposti, si sufficienter intra orbes virtutum suarum collocentur, se præparant affectione mutua, ut ad invicem concurrant, & sub finem mutuo sese amplectantur ac adhærescant.

Similiter, si ferrum adaptetur in una scapha, & Magnes in alia; Ferrum festinabit eo ipso modo ad Magnetem, & Magnes etiam in sua scapha movebitur ad ferrum; Aded, ut uterque à loco suo eo mo-

do ferantur, ut postmodum sibi invicem jungantur, atque ut probè satis facti ac contenti in amore sui conquiescant.

Simile efficietur, si duo filamenta ferrea <sup>Ridiculus, cap. 14</sup> à Magnete excitata, per similia subera transeant ac ad natandum aquæ imponantur: Nam videbitis, ea se mutuo amore amplecti, movendoque gradatim sensibilibiter coitura, & extremitatibus suis percussura, atque contræctatura se invicem.

## APPLICATIO.

Similiratione sanguis Borealis seu congelatus, seu Mummia sanguinea transportata, conductu vehiculi sui unctuosi, quod etiam præsentia ejus factum est Magneticum, unionem Australem vividorum ac mobilium sanguineorum Spirituum vulnerati, ut materia formam, seu foemina marem concupiscit: & quoniam Spiritus continuatus est inter utrumque, quemad-

modum aër continuatus est inter polum Borealem & æquinoctialem Australem, in macrocosmo, licet unaquæque extremitas sit diversæ naturæ, nimirum altera frigida ac sicca, congelativæ, attractivæ ac immobilis; Altera calida ac humidæ, dissolutivæ discussivæ, & mobilis seu agilis: Ided facile concurrunt, sibi invicem amplexu Sympathetico obviant.

## 4. PROBLEMA.

Ridiculus cap. 22.

Vnio naturalis Spirituum Magnetico-rum est, cum coitio fit per partes contra-

rias, uti per polos, Borealem & Australem.

## APPLICATIO.

Sic sanguis Borealis seu Spiritus in sanguine transportato, qui congelati sunt, Borealem proprietatem assumpserunt, facile concurrent cum Spiritibus Australis aut æquinoctialis naturæ, nimirum cum illis fontis viventis, unde proveniunt. Cum simile suo simili gaudeat naturaliter; Potissimum cum aëre frigido ac crudo cir-

cundatur, atque ita cogitur se ipsum contrahere cum aëreo suo vehiculo à frigido suo adversario: Nam, Spiritus ab æquinoctio derivati instinctu quodam naturali, gelidam terræ & septentrionis dispositionem evitat: Ac proinde profugus seu contractus, in centrum attrahit ad se vivos radios sanguinis Australis: Hæc est ratio in Macro-

Macrocosmo, quodd, cum Boreas Spirat fortiter, nec Auster usque adeo valide, aer in nubem condensatur contractione igneorum formalium, & Aequinoctialium seu radiorum Astralium, in aere condensentur, qui ob frigus externum fugit ab aeris circumferentia ad centrum; Adeo, ut hanc ob rationem saepius observetur, quodd in fulgura ac coruscationes erumpat: Haec etiam contractio in aere incluso, cum externus aer friget, facile in effectu per vitrum calendarium, seu instrumentum nostrum experimentale discernitur, nimirum cum aqua elevata est & aer inclusus, contractus seu coarctatus in spatium angustum.

*Nonnum membrum propositionis cum probationibus suis.*

**M**embrum nonnum propositionis est, quodd valida attractiva cujullibet Magnetis facultas sit conditionis Borealis seu Septentrionalis proprietatis, ac per consequens praecipuam suam facultatem attractivam à Stella Polari habeat, ac proinde juxta morem Magnetis attrahit à circumferentia ad centrum: Iterum, omnia desiderata atque adamata, quatenus formalia sunt, de aequinoctiali facultate participant, cujus est radios per dilatationem à centro emittere; Ac proinde eorum per applicationem unio facit temperamenti mixtionem, quae est inter polum Borealem atque aequinoctialem, id est, partim attractivam, & partim dilatativam: Quemadmodum est vitalis hominis Spiritus, qui agit in systole & Diastole, vel contractione & dilatatione: Eodem prorsus modo se habet coitionis Magneticæ actus.

*Nonnullae demonstrationes problematica ad confirmandum membrum hoc.*

**I**n primis probatum vobis dabo demonstrativè, idque relatione facta ad Magnetem, efficacissimam Magneticam attractionem esse à polo Boreali, & consequenter, quodd necesse sit, ut sanguis, induendo Borealem ac congelativam facultatem, admodum reddatur attractivus & contractivus sui similis, pro ut mobilem ac tenuem expansum aërem, in nivem spissam flante Borea, vel in pruinam, gelu aut grandinem converti videamus.

**1. PROBLEMA.**

Polus Borealis semper est ad omnia Magnetica proposita vigorosior & robustior, si quantitatem habeat, quam habet Australis.

23. Riddle, cap. 6.

**APPLICATIO.**

Qua propter Spiritus Sanguineus, induendo naturam Borealem, efficacissimus est ad operandum in naturam Australem, Magneticè vel attractivè.

**2. PROBLEMA.**

Magnes attrahit ferrum validius à polo Boreali, quam ulla alia ejusdem portio.

Gilbert. de Mag. lib. 1.

**APPLICATIO.**

Hoc confirmat antedictum problema: Spirituum consimilium, in Magnete unidenique attractio Magnetica Sanguinis duofo, quo reddetur robustior in operatione sua.

**3. PROBLEMA.**

Magnes possidet punctus suos, id est, veros suos polos, in quibus major ejus vis residet: Atque hanc ob causam non attrahit ferrum aequali virtute ab unaqueque parte: Atque etiam subjectum Magneticum non movetur nec fluit, ad quamvis Magnetis partem.

Gilbert. de Magn. lib. 2. cap. 4.

**4. PROBLEMA.**

Partes polo Boreali viciniore fortiores in attractione, & remotiores, debiliores ac infirmiores in virtutibus suis attractivis esse observantur.

Riddle. & Gubb.



## DEMONSTRATIO.

Iam verò varijs demonstratur modis, maximam attrahendi virtutem esse à Septentrione: Ac primò quidem, si suspendamus longam quandam ferri portionem per filum, (ut dictum antè) pars mundi Septentrionalis attrahet ad se extremitatem ejus; Ita, ut directè ad Septentrionem ac Meridiem spectet.

Ridleus, cap. 14.

Secundò, si filamentum ferreum longitudinis quatuor digitorum transeat per suber, ac postmodum Magnete excitetur, suberque aquæ imponatur, Stella Polaris extremitatem ferri ad se alliciet.

Ridl. cap. 17.

Tertiò si oblongum ferrum Septentrionaliter ac Meridionaliter fabricetur, atque ita collocetur, ut in eadem positione refrigescat, tunc animabitur atque induetur virtute poli, ac movebitur in aëre suspensum ex filo, vel cymbæ impositum super aquam, & trahetur à Septentrione, ac habebit quasi coitionem cum Boreali

Ridl. libid.

Stella.

Quartò, si oblonga portio luti seu argillæ recens exultæ, versus Septentrionem ac Meridiem refrigeret, tunc recipiet potentiam Magneticam à terra & polo.

Quintò constituite duos Magnetes cum polis eorum unius denominationis, nimirum polum Septentrionalem aut Meridionalem utriusque, ad extremitatem utramque ex portinacula argillæ igne candescentis, dum refrigescit, & utraque extremitas unius erit naturæ.

Ridleus.

Sextò imponatur portio luti oblongæ formæ igni, ac postmodum Septentrionaliter ac Meridionaliter refrigescat, & accipiet polarem virtutem: Ex hinc, ure denuò igne, & illa extremitas, quæ refrigerabat prius Septentrionaliter, jam refrigerat Meridionaliter & commutabitur in naturam Meridiei, & altera in naturam Septentrionis.

## APPLICATIO.

Ex primo igitur horum Problematum atque experimentorum apparet, fontem attractionis vigorosæ esse à polo, eo quòd proprietas frigoris Borealis est attrahere, ac proinde Spiritus Sanguineus, induendo naturam Borealem, redditur Magneticus, æquè ac ille è luto seu ferro.

Procedam igitur jam tunc ad demonstrandum effectum, quem hic Septentrionalis ac Meridionalis Spiritus concursu suo mutuo atque unione producant, pro

ut videmus Septentrionalem ac Australem polum, concursu suo immediato proferre æquinoctialem, quæ est vernalis ac temperata; id est, calida ac humida, qualis est sanguis vivens: Ita, ut media natura, quæ de utroque participat extremo, producat inter confluentiam aspectus eorum, seu applicationem, quæ recipit ab uno & communicat illam cum alio: Probationes hæc Magneticæ sunt hæc.

## 5. PROBLEMA.

Ridle, cap. 19.

Binis corporibus Magneticis invicem in polis suis junctis, poli illi duo se invicem contingentes, naturam habent æqua-

toris seu æquinoctialis, nec excitabunt aut tenebunt acum ita tangentem.

## APPLICATIO.

Borealis seu contractus sanguineus Spiritus, junctus applicatione quadam cum æquinoctiali Australi aut vivos aut dilato, alter induet per hanc conjunctionem naturam æquinoctialem, quæ relationem

ad quamlibet extremitatem habet, nimirum recipiendo à Spiritibus unguenti & dando seu impertiendo illos Sympatheticæ vulneri.

## Membrum decimum propositionis cum suis probationibus.

**M**Embrum propositionis dicimus est, quòd per Spiritum viventem Australem (portione sui similis per effusionem ejus in apertum ac frigidum aërem debili, languida, Septentrionali seu congelata facta) potest post transplantationem revivificari, vegetari ac corroborari, atque ita revertendo ad naturam suam Australem seu æquinoctialem, potest unione

quadam Sympathetica fieri una homogenea, cum vivo sanguineo Spiritu, natura, transferens secum partem naturam plantæ seu massæ animalis, cui implantatus est, atque ita potest efficere, ut quælibet natura extrema participet cum Symptomatibus alterius, sive bona illa sint ac salutaria, sive maligna ac dolorosa.

Non-

*Nonnullæ demonstrationes Problematica ad confirmandum  
hoc membrum.*1. *Problema antè recitatum.*

Si Magnes nullarum virium ac roboris, si esset æquè fortis ac ille, cui unita est  
quod facile discerni potest, polo Magnetis Sed postquā ablatum est, æquè debilis erit,  
validioris imponatur, ostendet vigorem, ac ac erat antè, nisi repetatur hoc sæpius.

## A P P L I C A T I O.

Sanguis Australis penetrans per Magnetem unctuosum, animat eum, atque animando vivificat illum, & tam Spiritum transplantatum ab externi aëris inclementia præservans, quàm illum per naturam suam attractam Australem calefaciens, Spiritus emortuos languentis sanguinis ita transporta, vivificat, pro ut Spiritus, in grano mortuo tritici terræ in humato, terram cum radijs Solaribus vivificatam, denuo quasi à morte ad vitam animari cernimus. Quòd si verò unguenti portio, auferatur à loco reliquæ armorum, quibus sanguis adhæret, vel ubi Spiritus Sanguinei penetrabant, Spiritus revivificati languescent denuo, & vulnus dolorosum erit, pro ut erat, antequam sanguis unguento inhumaretur: Similiter etiam, ut, si terra removeatur à Spiritibus vigorosis in grano mortuo, languescent, nec planta crescet nec multiplicabitur: Verùm si unguentum, ut antè, animatum reapplicetur, vulnus prosperabitur ac consanescet sine dolore, non aliter, quàm si terra, quæ removebatur à Spiritu revivificato in grano, reapplicetur illi confestim, ille Spiritus crescet iterum.

2. *PROBLEMA.*

Si Magnes debilis ad unum polorum suorum cum Magnete validiore perfricitur, exinde virtute ac vigore Emellorabitur, si in ea non augeatur inde.

*Demonstratio: Ad hoc confirmandum.*

Expertum est quotidie ab ijs qui cervisiam faciunt, quod si cervisia plane mortua & nullius vigoris, imponatur cervisiz novæ & recenter operantis, vertetur in certam visam optimam & summæ virtutis.

## A P P L I C A T I O.

Probatio hæc typica etiam exactè confirmat idem membrum, nimirum, quòd vivi Spiritus vigorabunt illos languentes.

3. *PROBLEMA.*

Magnes aliquid de virtute sua attractiva amittet, & senectute quasi languescet, si diu aëri aperto exponatur, & in liniatura ferri non reponatur aut recondatur.

## A P P L I C A T I O.

Sic etiam sanguis humanus, ex sua minera effusus aërique aperto expositus, languet ac debilis redditur, nisi in unguento armorio, quod est de natura ejus, reservetur.

4. *PROBLEMA.*

Vnum ferrum à Magnete excitatum recreat alterum, illudque ad motiones Magneticas instruit.

## A P P L I C A T I O.

Sic Mummiale unguentum, per radios emissos Sanguinis vivi animatum, Spiritus in sanguine transportatos recreat, incitat & animat.

## Membrum Vndecimum hujus propositionis cum probationibus suis.

Vndecimum Membrum est, quòd alteratio aëris operatur æqualiter super utrumque extremum: Quod evidens est argumentum cōtinuatæ unitatis in spiritu, inter sanguine transplantatū in unguento & vulnus, ut, quā passionē intemperatus ac inclemens aër operatur in uno, illa perferuntur ab altero: Haud secus ac si filum ad utramque processum extremitatē, extendatur & ligetur altera extremitate, altera extremitas Sympathizat

## SECTIONIS SECVNDÆ. LIB. III. Memb. I.

aut agit similiter per consensum : Quod argumentum est evidens , aërem esse medium seu vehiculum , per quod influentia spiritualis transit , dictumque formalem cœlestem seu influentialem spiritum , qui in eo fertur per contactum immediatum communicare cū intemperie vehiculi ejus aërei , & per consequens hoc medio mutatur per vices ac portiones in dispositionem

Septentrionalem seu Australem ; Ac proinde per frigus externi aëris , spiritus à vulnere fugit , illudque relinquit male affectum ac dolorosum , cū hac attractionis specie , naturali quodam calore privetur ; Ita , ut Sympathia in Antipathiam convertatur , ut apparet , cū unguentum à loco vulnerrante armorum , vel totaliter , vel ex parte auferatur , ut est antea dictum.

### *Demonstrationes nonnullæ problematice ad confirmandum hoc membrum.*

#### 1. P R O B L E M A.

**I**N vitro calendario seu experimentalis , cujus tam sæpe facta est mentio , inter ejus caput seu matrarium superius , & aquam inferius , aërem quandam continuatum in vitri collo deprehenditis , & imaginemini oportet , aërem istum inclusum non esse sine spiritibus suis sulphureis , qui dilatatione sui , dilatant etiam aëreum , cui insunt , vehiculum , & cū vehiculo dilatato aqua præcipitatur , & contractione spirituum eorum , aëreum vehiculum contrahitur pariter , & aqua exsugitur : & tamen videmus , aërem , qui est inter utrumque extremum , esse unum aërem ab uno extremo ad alterum continuatum ; Atque idè multò magis occultum ac cœlestem Sulphureum spiritum , qui habitat atque agit in eo , estque instar animæ in corpore , in toto & in qualibet parte : Idque indivisibiliter , ac minimè in partes divisus : Cumque hic inclusus agens spiritus , unus exi-

stens numero , derivetur ab anima mundi , Vt universalis spiritus operatur in majore mundo , nimirum à Septentrione aut à Meridie : Pari modo etiam hoc membrum universalis illius spiritus operatur in aëre suo incluso : Nam , si Catholicus mundi spiritus agit aut spirat à Septentrione , ac producit in aëre effectus congelativos & contractivos , tunc quidem centralis in vitro spiritus similiter operatur , juxta eundem modum : Nam contrahit vehiculum suum & exsugit aquas : Sed , si Catholicus mundi spiritus spirat ab Austro , tunc aër antea contractus , jam iterum dilatatur , & tunc etiam spiritus inclusi formales in vitro , operabuntur juxta eundem modum , ac dissipabunt & extendent vehiculum suum aëreum in proportionem seu modo ampliore , ut oculari demonstratione in dicto instrumento discernere licet.

#### 2. P R O B L E M A.

Boreas flans in Macrocosmo continuat essentiam status sui à Septentrione ad Meridiem : Sed , quò magis lineæ æquinoctiali appropinquat , eò debilior est ejus in contractione & congelatione effectus , in hoc cum Magnete conveniendo , cujus partes , Quò polo sunt viciniore , eò existunt in facultate sua operativa seu attractiva potentiores , & quò longius absunt , eò sunt infirmiores ac debiliores : Sed hic spiritus emanans à Septentrione ad æquinoctialem , est unus idemque spiritus in essentia , licet in proprietate variet in suis partibus . Similiter auster prædominans , ab æquinoctiali ad Septentrionem , suum flatum sine ulla essentia suæ discontinuatione emittit & tamen , quò magis appro-

pinquat Septentrioni , eò debilior est vis ejus in dilatatione ac dissolutione : & tamen spiritus est unus idemque in essentia cum illo Septentrionis : Est enim una tantum anima mundi , seu spiritus vivificans mundum , quem Platonicis existimant habere habitaculum in sole : & David ait : Posuit Tabernaculum suum in sole : Ac proinde venti à quibusdam vocantur filij Titanei : & Propheta æquè arguit unitatem & omnipotentiam spiritus hujus vivificantis , ubi inquit : Veni spiritus à quatuor ventis & insuffla interfectos istos , ut reviviscant : Vbi arguit , non esse , nisi unum spiritum essentialem , qui ( ut Salomon refert ) implet mundum , estque in omni re mundi , sed multiplici proprietate.

Ezek. 36  
Sep. I. 12.

#### *Applicatio conclusiva.*

Concludimus igitur , spiritum in vulnere sanguine non exhausti , & in sanguine exhausto unum esse spiritum in essentia , licet variet in proprietate : Ac proinde , cū sit continuatus ac indivisibilis in essentia , Mirum non est , quòd ab uno extremo ad aliud diversimodè , nimirum Mag-

neticè & attractivè ab unguento agat : Nam ratione essentia suæ ab Australi seu vivo sanguine in corpore , induit naturam Bo-realè & ad se sugit atque attrahit suum simile , postquam in aërem emanarit , & Polus Australis seu punctus æquinoctialis , per dilatationem emittit spiritum suum attrah-

bon.

hendum, atque ita facta est communicatio inter naturam Balsamicam & vulneratum, eo ipso spiritu diversimodè operante. Et ego insigne exemplum in macrocosmo vobis referam, quando Sol est ultra æquinoctialem Austrum versus, (quod hyeme accidit) tunc natura Borealis potentissima est in attractione, congelatione, inspissatione, citra æquinoctialem: Vt è contra natura Australis maximè viget ac efficax est in dilatazione, dissolutione ac subtiliatione; & tamen clarè discernatis, quomoddò unus idemque spiritus, in mundo operetur, ab uno extremo ad aliud: Nam, cum Sol aërem in Austro & aquas ibidem dilatat, quas hyems antecedens per attractionem frigoris inspissavit; & dilatazione eas dissipat, tunc aër ille ac aqua ita dissipata reperit locum ampliorem, ac fugit à solis aspectu Septentrionem versus: Atque iterum proprietas Borealis ejusdem spiritus, hyemali tempore maximè potens existens, per attractionem fugit ac dirigit Magneticè hos spiritus, qui fugati sunt ab Austro, & quò propius attrahit eos ad polos, eò citius condensat eos in nubes, quæ ob naturam Sulphuream, quam affert ab æstate seu æquinoctiali, immediatè resolvuntur in pluvias: Atque hæc est ratio, quòd venti Australes sunt usque adeò frequentes inter nos hyemali tempore; & consequenter, quòd pluviae abundant in illo tempore: Ita, ut videre liceat, quomoddò duplicata proprietas unius ejusdemque spiritus, operetur in uno eodemque tempore circa effectum unius ejusdemque rei in uno eodemque aëre Catholico mundi, ut dixi antea in Philosophia mea Moysaica: Vt etiam in ascensione ac descensione fontium in

quovis hæmisphærio simile efficitur: Quæ omnia vivaciter ac dilucidè expedita sunt in vitro Calendario, ut expressi antè. Ex quibus convincitur, quòd, cum spiritus microcosmicus unicus sit in conditione cum illo macrocosmico: Sequitur, quòd, licet corpus ejus dividatur, tamen spiritus manet indivisibilis, seque potest dilatare ac contrahere ad illam extensionem, ut probatum est proprietatibus ventorum duorum contrariorum, quorum spiritus continuatur ab utroque extremo & per minutulas Magnetis particulas, quæ completos suos polos æquè ac integer possident. Similiter ex his videre licet, hujus spiritus operationem non esse ulla Peripateticorum imaginaria activitatis sphaera limitandam, & consequenter operari posse ad ullam distantiam, si à vero ac homogeneo Magnete dirigatur & conducatur, hoc est, Magnete consentiente ad minus in specialitate, si non in individualitate, vel utraque: Vt sanguis vulnerati, qui transplantatus est, & ille in corpore, qui uterque est identitas in natura, & similiter, ut est usnea & Mummia in unguento, quæ est de eodem specifico, licet non individuo.

Vides igitur (lector judiciose) quàm planè hoc negotium, seu antedicta propositio demonstrata fuerit, tam per Magnetem & praxin naturalem in majori mundo, quàm in praxi vitri Calendarij, quod nuncupo instrumentum demonstrativum meum experimentale, sed, cum tot peregrina accidentia, quæ Incidunt in hac curatione, casu & ex improvviso, quorum ratio hæcenus dari nondum potuit; Paucis illa in secunda propositione attingam, ac proinde hoc caput finiam.

### Propositio secunda.

**NB** In curatione vulnèrum per unguentum armarium observatum fuit, quòd, si tempore curationis hæmorrhagia incidat, ab alia quadam vulnerati parte, ut fluxus sanguinis narium, mictus sanguinis; Vel ab alio quodam vulnere; Vel si rem habeat cum muliere menstruosa interea temporis, virtus unguenti divertetur, ejusque efficacia nullius erit momenti: & ratio quidem, quam reddere queam, est, quoniam spiritus

Australis sanguineus, qui regnans in venis, emittebat ac dirigebat radios suos ad unguentum quòd facile attrahebat, alia via deducitur, attrahiturque à subiecto Magnetico contrario, divortium quasi fiet per secundum Magnetem, inter spiritum emanantem & attractivum in unguento: Ex sustinebo, demonstraboque, hoc verum esse experimento hoc Magnetico.

### Problema ad confirmandam propositionem

Lib. 2.  
cap. 32. de  
Magn.

Duo Magnetes seu Ferramenta excita, ritè coherentia, alteris Magnetis aut feramenti exciti robustioris adventu, divortium faciunt: Quòd recens adveniēns fa-

cie averfa fugat alterum, & illi imperat & duorum antea junctorum conatus definit &c.

### APPLICATIO.

Sic videtis, quàm aptè hi duo Magnetes concurrant, nimirum antè allegatus actus animalis, cum illis mineralium; Finio hoc caput hac assertione: Spiritus, qui subtiliationem ac actionem suam à calore

naturali recipiunt, vivaciter agunt, quàm diu existunt, intra sensibilem orbem radiorum lucis calefacientiam, excitatorum à centro ad circumferentiam: At verò, si dicti spiritus discedant aut exeant ex orbe

M m 2

lucis,

lucis, & actu tenebrarum frigido circumcingantur, se ipsos contrahunt à circumferentia ad centrum, atque ita quiescentes in centro, cessant agere, nisi incitentur aut provocentur virtute caloris, qui subtiliat, & subtiliatione reddit utrumque extremum simile; Ut probatum est per vitrum calendarium & per hæmorrhagiam vulneris &c. Ut dictum antè. Quare audeat concludam, spiritus in sanguine vel corpore Sanguinis translatos vel ab armis vulnerantibus, vel in Bacillo aut acu textoria exsuctos, aut proba, aut similibus, posse evocari, extrahi, revivificari ac uniri ad fontem suum, partim præservando illum ab externi aeris inclementia, dum denudeatur calore confortabili speciei suæ, & partim viva coitione seu concurrentia ac conjunctione sui similis, aspectu favorabili ac salutari. Fui (vereor) nimis tardiosus in hoc capite, & tamen non prolixior, quam materia rectè postulat, considerando,

quomodo mundus fuerit perturbatus, & omnes Philosophi scopo ingenij sui mandent, de vera ac debita hujus curationis modi inquisitione, ut pote, qui in conclusionem tam parum proferre & minus demonstrare poterant, modum istiusmodi curandi esse naturalem, quod viam darent sine contradictione, censuris præposteris ac temerarijs hominum sibi sapientium, ut qui sanè constituere vellent, hunc curandi modum prorsus Cacomagicum & Diabolicum, quod ipsi insultanter idèd moliantur sustinere, quoniam Philosophi apparenter præcellentes, qui in defensionem hujus unguenti calamum stringebant, tam parum dicere ac proferre poterant, eaque ad tam leve intentum & tam levis momenti, ad intentum pro contrario: Iam dicam pauca de alijs Historijs, quæ referri possunt ad eandem curandi rationem.

## CAPUT VII.

*Quomodo sit possibile operatione naturali ac Sympathetica, ut morbus in Sanguine, curetur saltem transplantatione excrementorum ejus ad longinquam distantiam in terram vegetabilem, non vegetantem, sed corborantem naturam infestam morbi mortificatione.*

POSSIBILE est, ut morbus contagiosus in sanguine & corpore curetur seri excrementi Sanguinis, nimirum urinæ ægroti translatione ad remotam distantiam, in

cineribus cujusdam vegetabilis, quod aptum est ad confortandam naturam & ad tollendam ac destruendam infectionem, quæ debilitat eam.

*Historia experimentalis ad confirmandum hoc.*

Est comes quidam nobilis, haud inferioris apud nos Anglos notæ, jisque vir prudens, religiosus, & optimæ reputationis, qui communiter solet curare icterum ad distantiam, quandoque (ut mihi retulit) 100 milliarium, idque solummodò mediante ægri urinâ translata ad se: Et modus hic est, cineres arboris fraxini admiscet urinæ ægri, atque inde in pastam redigit, indeque in globulos numero 3. 7. vel 9. & in summitate cujusvis dictorum rotundorum, facto foramine, indit Croci filamentum, atque ita replet illud cum urinæ residuo, ac tum postea collocat seu disponit hisce globos in locum aliquem secretum, ubi nullus violet eos: & immediate icterus in patiente, sive longius sive proprius absit à medico, decrescit, atque hoc experimentum probatum est in pluribus centum, & pauperibus & divitibus, & complures eorum tales erant, de quibus medici desperarant: Hoc non ipse solum, verum etiam nobilissimæ Dominæ filiæ, quæ gratis in Dei gratiam benefecit pluribus pauperibus, affirmant verum esse: & tantum ipse affirmare possum, quod vocatus ad uxorem Chirurgi Anno 1632. Postquam alij

Doctores dereliquissent eam, quæ foedissime infecta erat dicto morbo arquato, & usâ etiam Pharmacis, sed in vanum: Ad ipsius petitem, ablegabam famulum ejus rus, cum literis ad dictam nobilem, ad implorandum ejus auxilium, sed interea temporis, quo mittitur urina, persuadebatur dicta foemina à quibusdam fatuis mulierculis, fieri altu & Magiâ: Quod admodum perturbabat ipsam, ut duriter etiam famulum suum tractaret in reditu: Hinc expedio nuntium è vestigio, expetens, ut ejus Amplitudo destruat, quod fieri fecerat ab ingratitudinem dictæ foeminæ: Renunciat mihi, se velle, sed replicabat simul fore in vanum; Nam sanitati restituet eam jam, faciam quicquid velim: & sanè convaluit ipsa immediate. Similiter erat quædam nobilis foemina Baronis filia, uxorque Equitis aurati nobilissimi, Guilhelmi Brooke, quæ turpiter defœdabatur dicto morbo, deprehendensque, remedia usualia in medicina parum aut nihil conferre sibi, urinam ipsius mittebam ad dictum Comitem nobilem, qui faciebat, quod in se erat: Cum vero deprehenderem, morbum semper adhærescere ipsi, licet urinæ quidem colo-

colorem mutaret, consensu equo, certificabam nobilem illum de modico effectu medicinæ habito; Petebat is, ut mitterem urinam dentid: Atque ita infecta illa Domina secunda vice urinam mittebat, & incipiebat confestim conturalescere & intra

paucos dies perfecte atque integrè fuit sanitati restituta. Est & alius, qui ad cognitionem meam plus quadraginta curavit hoc morbo infectos, evaporando urinam eorum lento igne: Quæ (Deus est testis) satis longè abhinc vel à superstitione vel veneficio.

*Demonstrationes quædam problematicæ ad confirmandam probabilitatem hujus propositionis.*

**1. PROBLEMA.**

**V**ngues & pilæ gri foraminis quercus inelbisi; clausoque foramine cum paxillo seu clavo ejusdem ligni, illudque

luteo oblinendo, curant membra Atrophici laborantia, ut probatum est antea.

**APPLICATIO.**

Ac proinde multò magis materia serosa, quæ à sanguine separata est, quia sal essentialis, vegetabilis sanguinis in specifico, in quo sunt scintillæ quædam spirituum vitalium, miscetur cum eò, & virtute eorum est Sympathia seu respectus continuus inter sal & sulphur, inter globos & sanguinem infectum: Nam (ut probatum dedi in præcedenti capite.) spiritus urinæ æquè continuatus est cum illo in sanguine, ac erat spiritus vulnerati & unguenti; Ita, ut continuitate aliqua atque unione consensus, facultas curativa cinerum vegetabilium operatur spiritualiter, tam super infectum sanguinem in corpo-

re, quam super urinam; Ac propterea hoc causæ est, quòd, ut sal in cineribus operatur, in salem in urina; Sic uterque eorum communicant virtutes suas concentu mutuo, ratione ejusdem continuitatis sanguini; Ita, ut, quemadmodum virtus plantæ cum croco tollit ac intoxicat infectionem in urina; Sic etiam consensu mutuo, qui est inter duo inficientia extrema, nimirum sanguinem & urinam, infectio in sanguine observetur paulatim deficere, & lassiuscere ac perire: Sed, producam vobis Problema Magneticum ad confirmandam possibilitatem hujus propositionis.

**2. PROBLEMA.**

Duo Magnetes aptè coherentes ad polos oppositos, accessione validioris Magnetis seu ferri incitati abortum faciunt, & recens accedens, facillè depellet alterum,

qui est facie adversa, ac imperabit illi, atque ita coherentia seu unio aliorum duorum, cessabit ac finietur.

**APPLICATIO.**

Sic unio illa, quæ fiebat inter spiritum infectum cum corrupto humore & sanguine corrupto separatur, atque innaturalis, cogitur aufugere ac discedere à naturali ad miniculo alterius, qui potentior est innaturali, qui est minus homogeneus & aptus ad rectificandum & purificandum per unionem sui spiritus impuritatem in sanguine naturali, & ad tollendum ac mortificandum corruptorem in urina.

Non opus, ut de his plura ad eorum probationem proferam, cum caput præcedens hoc plenè confirmet; Idque relatione ad Magnetem habità, & ad vitrum Calendarium in quavis particula hujus propositionis. Siquidem, ut sanguis transf-

plantatur à fonte sanguinis vulnerati, & quasi implantatur & inseritur unguento: Sic etiam urina cum sanguineis spiritibus transfertur à fonte Sanguineo icterici, & plantatur seu collocatur in aream cinerum salutarium; Vnde, non aliter in vivo sanguine operatur, quam sanguis aut spiritus in unguento in venis vulnerati.

Iam verò procedam ad Magnetem Microcosmicum, qui exemptus est ex vivo homine, & in animo meo est vobis paucis, & tamen generaliter, effectus in Sympathia mirabiles, delineare, quos ipse, sua Mummiæ Spiritualis ex corpore humano extractione ac transplantatione veraque applicatione, producit.



## CAP V T. VIII.

*In quo secretus Magnes, qui ex Microcosmo seu homine vivente extrahitur, universaliter una cum modo attractionis ejus, seu extractionis Mummie Spiritualis ex homine, & applicatione & operatione ejus tam Antipatheticâ, quàm Sympatheticâ explicatur.*

**I**Am verò Abstrusam, per transplantationem curandi rationem, paucis aperiam, quæ si probè consideretur, multis gradibus illam unguenti armarij excedet. Nam, non solum curat ad distans, ut illud, sed eundem operatur effectum per spiritum vegetativum plantæ; & tamen spero, Historiam hanc meam sapientum auribus minimè Cacomagicam visam iri, sed saltem naturaliter Magicam; Ac proinde ordinatam à Deo, ad operationem, in vero ejus usu, in hominis bonum & beneficium: Nam & cum finem spiritus sapientiæ docebat eos, qui prompti erant ad sapientiam (ut Salomon testatur) tam ea, quæ oc-

culta sunt & abdita, quàm ea, quæ manifesta & apparentia sensui humano: Cumque bonum per se converti possit per abusum in illicita & mala intenta, ut gladius tam ad occidendum, quàm ad servandum, ut vobis in posterum dicetur. Quapropter Dei est voluntas, hæc mysteria ab imperitis occultari, vel ad minus illis vulgaribus denegari, qui perverso sunt animo, & destinavit, ut ijs detegerentur, qui honesti sunt, sapientes ac Deum timentes: Sed, dimittendo omnia problemata, ad rem me accingam, & eâ, qua coepi methodo, procedam.

*Propositio generalis.*

**M**agnes ex homine vivo sine ullo detrimento sanitatis ejus extrahi potest, qui diversa quadam ad partes corporis convenientes applicatione, Mummiam Spiritualem, vitalem seu naturalem, pro placito applicatoris ex uno eodemque homine vivente, idque absque ullo detrimento corporis ejus extrahit seu ex fugit, quæ rectè cum Magnete, qui imbibebat illam,

transplantata ac reddita vegetativa, operabitur, æque administratione interna, quàm ad longum intervallum, vel per Spiritualem emanantem relationem, postquam debito modo disposita est & adaptata tam sanitati, ac præservationi, quàm infectioni ac detrimento & destructioni humani generis.

*Explicatio cujusvis Membri bujus propositionis.*

**H**æc propositio consistit ex pluribus Membris, quorum prius spectat ad generationem, conditionem ac præparationem Magnetis: Secundum, modum applicationis pro extractione Mummie spi-

ritualis aperit, Tertium aperit modum variæ transplantationis Mummie illius sic extractæ, ac finaliter tam usum, quàm receptum illius: De quibus omnibus particulis seu membris sic ordine.

*De Magnete Microcosmico.*

**N**uncupamus hunc Magnetem Microcosmicum, eo quod proprietatem habet Magnetis mineralis; Ac ob id facile conjici poterit ab ijs, qui judicio pollent, quid sit; Comparando Magnetem animale cum illo mineralis: Nam, ut mineralis Magnes non est naturalis sed monstruosi partus: Non enim à similibus & æqualibus genitoribus generatur, sed procreatur ad morem Mule, siquidem ejus Mater, seu passiva corporea massa, est vulgaris Saturninus ac saxeus Mercurius, sed ejus genitor seu forma activa est Metallinas, Sulphureus, Martialis spiritus: Sic etiam hic Noster Magnes Microcosmicus consistit ex Sulphureo, Martiali spiritu, qui est quasi genitor ejus formalis, & de peregrino atque exotico Mercurio, qui nihilominus est proximus vicinus in positione &

conditione, Mercurio Microcosmico, ut passiva ejus seu Mercurialis materia: Quod ad mineram quidem, ex qua extrahitur, est homo vivens, desumiturque ac derivatur ab ipso sine ullo detrimento sanitatis ejus, & post debitam præparationem ejus, redditur Magnes aptissimus ad exsugendam atque attrahendam Mummiam spirituales ex homine vivo, idque sine omni sanitatis detrimento ac noxa.

Ratio autem, cur Magnetis istius nomen in publicum viva voce non protuli, in præcedentibus satis apertè explicui, nimirum, ut ad indignorum manus non perveniret tale arcanum; Atque de ipso nihilominus hoc in loco feci mentionem: Quoniam (in oblivionem & exilium perpetuum relegato illo malo, quod afferre potest) respectu usus sui salutaris, quatenus scilicet converti potest

potest in sanitatem & præsertionem humani generis, sic dignum est expressione & citatione in literis aureis, omnibus probis ac pijs, mentis maturæ ac ingeniosæ; Licet sciam à quibusdam scrupulosis criticis & mucosæ naris hominibus, effectus illius salutares, qui inde procedunt, nuncupabuntur Cacomagici & ascribentur actui Diaboli: Licet audacter asseverare mihi

liceat, me expressisse subjectum Magnetis nostri tam dilucidè ac planè, illudque descripsisse circumstantijs relativis, tam effectivè, ut Philosophus aut Medicus, nisi sit affinitatæ capacitatis, facile expedire & expiscari illud, ac diducere realem materiam ejus possit, allusione typica facta inter illud & mineralem Magnetem, in compositione, nativitate & proprietatibus.

### *Actus transplantationis Mummie Spiritualis.*

**Q**UOD ad actum seu modum transplantationis attinet, Paracelsus inquit, extractam Mummiam Spiritualem non operari ad sanitatem & præsertionem, nisi medijs mineralibus, vegetabilibus ac animalibus: & proinde necessarium est, ut spiritualis Mummia attracta seu extracta ex corpore, virtute Magnetis animalis, introducatur in naturam vegetabilem, quæ Mummia dicta, de se existens vegetabilis, per adoptionem quasi in illam introduci potest, atque vegetativa natura ac conditione indui.

Debemus itaque portiunculam Magnetis hujus imbibiti, cum certa proportionem terræ ejus materiæ permiscere, & in hac compositione semina talium herbarum serere, quæ ad hunc vel illum morbum expellendum, & hanc vel illam malè affectam partem Principalem corporis humani, vel hoc aut illud membrum infirmum,

quod in regione continetur sua, curare apta sunt, ut, Exempli gratia: Pro pulmone in regione, vitali, cum morbus est Phthisis, semen lini seu Juniperi, in regione naturali, cum est hydrops; Pimpinellam seu Absynthium: In partium contusione & attritione, hypericonem seu Plantaginem; Ut tumoribus seu vulneribus, persicariam, consolidam majorem aut vel minorem; In morbis salis, ut sunt dolor dentium, dolor oculorum, in menstruis fluentibus Persicariam maculatam &c. Herbarum crescant necesse est in terra hac composita, idque in aëre aperto: Utque herba seu planta crescit, Sympatheticè & Magneticè extrahet Spiritus imbibitos Mummiales ex Magnete, atque hoc modo efficiet, ut Mummia ex quovis membro particulari extracta, juxta ejus conditionem apta ad curandas infirmitates membri proprii reddatur.

### *De usu ac virtute Mummie transplantatae.*

**P**OSTREMÒ, ad modum quomodo uti debeamus Mummiam hac transplantatam, postquam in naturam seu conditionem vegetabilem mutatur, quod attinet, sciendum est, quodd.

**Si** morbus humidus sit, comburatur necesse est herba cum terra Magnetica denudò; Si magis sit morbus temperatus; Nimirum, inter extremitates aquæ & ignis, tunc herbam in aëre seu fumo ad siccandum suspendito, & morbus deficient paulatim, pro ut herba marcescit; Vbi præbueris ad comedendum herbam illam seu fractum bestiæ, quæ est validioris naturæ, quàm ægrotus, bestia inficietur eo morbo, & homo morbidus liberabitur.

**Si** verò morbus sit siccus & de natura combustiva, ut est icterus Phthisis &c. & cum in animo est curare, atque ex corpore expellere, tunc accipiens herbam cum terra ejus Magnetica, eamque projicito in aquam currentem, & morbus deficient & evanescet paulatim.

Similiter, si Mummia Spiritualis ita ex quodam membro particulari hominis sanè extracta, in vegetatione sua continua conservetur; Si dempto ejus fructu, cum transplantantes in quercum solidum, hoc medio membrum, ex quo Mummia erat extracta crescet continuè & continuabitur in naturali sua ac robusta proportionem ve-

getationis, absque defectu.

Iuxta eundem modum etiam salices, nisi eò quod increpant tam subito, ab id minus aptiores sunt ad hoc opus; Ne membrum nimis festinanter cresceret: Nam, illo modo multa consequi possunt incommoda, ut exempli gratia: Si juxta dictum modum pili alicujus, salici includantur, crescent tam subito & usque ad eò copiose; Ut, nisi removeantur inde, aut salix igne cremetur, oculi & cerebrum perferantur inde noxam ac detrimentum, ut fluxiones dolorosas excitet: Nimirum in subitanea accretione aut nimia humiditate arboris: Ac proinde juxta hominis proportionem, necesse est inveniat & eligatur arbor proportionata, in quam Mummia est transplantanda: Sed quercus ante alias est eligenda arbor, quod non nisi temperatè & validè crescit & augetur, & hominis ætas, dies quercus vix excedet per Mysticum hoc attractionis genus, verus ac Sapiens ille Magus (sic enim appellare mihi licet legitimum Philosophum, qui in morem Salomonis, per proprietates rerum naturalium, talia in effectum reducere potest, quæ in admiratione multis (ut dixi) gradibus potentiam seu actum unguentum armarij excellunt: Nam, medante eo, sapientes amorem induxerunt & familiaritatem inter eos, qui capitali odio inter se

## SECTIONIS SECVNDÆ. LIB. III. Memb. I.

diffidebant : & multa alia stupenda hoc medio præstari possunt. Paracelsus loquens obscure de facultate hac Mummiali, ostendit, quomodo simia & Anguis seu Coluber, (inter quos Antipathia naturalis seu confictus acque odium esse semper observatum fuit) possint sibi invicem reconciliari: Sed ad rem nostram.

¶ Si membra, ex quibus secunda Mummia fuit extracta, sint corroboranda, tunc extractam Mummiam vegetare facias, ut antè, per transplantationem temperatam,

& juxta naturalem proportionem in queru, vel aliqua alia arbore sana consimili. Si verò membra æquo sicciora sint, tunc fac, ut extracta eorum Mummia, vegetetur in salice, & inde vicissim transplantetur in aliam quandam arborem temperatam. Similiter etiam in complexionem humidam, potest ad tempus transplantari in calida & tardè crescente arbore, qualis est Juniper, solummodò observando, ut fructus, in quem Mummia est transplantata, præset, vetur ab omni externo nocumento.

### DEMONSTRATIO.

**N**on est, quodd tempus in ultiore demonstratione possibilitatis operationum istarum, in Spirituali transplantata Mummia, conteram, cum iisdem probationibus, quibus modum curationis per unguentum armarium & transplantationem, confirmavi, quod descriptum est in capite libri hujus prædicto, plenè ac dilucidè ratione harum occultarum & arcanarum actionum in hoc curandi genere expediti ijs, qui nolunt cum Thoma quicquam credere, nisi quod sensu confirmetur: Ac proinde pro manifestatione actionis hujus occultæ per naturarum relationem, vos etiam ad illum ipsum locum remitto, ubi unguentum comparatur vegetabili & Magneti; Spiritus sanguinei ad Mummiam Spiritualem: Modus applicationis radiorum à Mummia, ad membrum ægrum, ad applicationem transplantatorum sanguinorum Spirituum, ad membrum vulneratum, præservatio Spirituali-ter crescentium Spirituum in unguento, à frigore ad præservationem fructus vegetabilis, in quo plantatur Mummia ab injuria externa, ita, ut eadem sit utriusque ratio, & consequenter eadem sit demonstrationis via in ambobus.

Nimis tædiosum est hoc loco operationes efficaces hujus secretæ Mysticæ Mummie exprimere; & certum scio, imperitum aliquem Momum, seu ignorantem quendam Cynicum, vel risurum vel obla-

tratum illis, quæ jam à me dicta sunt; Nam, quis major scientiæ inimicus quàm ignarus? Ac proinde reliqua occultæ hujus Mummie proprietates & effectum ejus Sympatheticum, criticis ejusmodi celabo, atque in Thesauro veritatis reponam: Vno verbo dico, nimirum, quodd mediante ea pleuritis, Hydrops, Phthisis, vertigo, Epilepsia, morbus Gallicus, Paralysis, Cancer, fistula, ulcera putrida, tumores, vulnera, berniæ, fracturæ, superfluitates, suppressiones menstruorum in mulieribus, ut & sterilitas in ijs, hætica, Atrophia seu membrorum consumptio, & similia, medijs hisce naturalibus Magicis, curari possint, idque ad distans & sine ullo immediato contactu: & Paracelsus affirmat, hunc Magneticum curandi modum, qui magia naturali efficitur, omnia alia Physica secreta, quæ extrahi possunt vel ex herbis, aut radicibus, aut mineralibus, virtute atque operatione excellere. Denique, quoniam de Magneticis Medicamentis in libro illo, Tractatu meo de Medicamentoso Apollinis oraculo descripto, ulteriorem de istis Mysterijs feci mentionem, vos qui estis judiciosi, docti & prudentes ad illum refero.

Iam verò ad secundam hujus libri partem seu membrum preparabo, quod de Antipatheticis experienti hujus Mummialis effectibus tractat.

## Pars seu Membrum Secundum hujus

Libri, qui praxin Antipathie pertractat.

### CAPVT. I.

*In hoc capite Author exprimit, quomodo illo ipso eodemque Spiritu, in creatur, atam Antipathetici, quàm Sympathetici, effectus produci possint: Hic etiam ratio redditur, atque enucleatur, cur Spiritus infectus & conditione venenosa corruptus, maxime sit suo generi venenosus ac contagiosus.*

**V**T certum est, simile naturaliter gaudere suo simili: Natura enim lætatur natura, ac natura corrigit & corroborat na-

turam suam, si sana sit & Spiritibus vivificantibus ac salubribus plena, sic etiam natura, si intoxicaretur & inficiatur à natura vene-

venenosa : sicut ipsam sanam ac salubrem naturam uniendo, cito corrumpet, atque inquinabit illam: Atque ita hoc genere abortivæ ac depravatæ unionis, Antipathia loco Sympathia substituitur: Iam verò quomodo hoc in natura sit possibile, paucis vobis referam. Ut natura Magnetice affectat & allicit ad se suum simile: Ita quidem, si illud simile, quod affugit sibi, corruptione inquinetur, dictus attrahens spiritus, utcumque sit sanus, cito glyciptoron, nimirum venenum sapiat, atque ita similiter corrumpetur aequaliter cum illo spiritu, qui ipsi est homogeneus, in quo residet infectio, coactus ex improvise fovere confluentem dissensionem & Antipathiam, in Tabernaculum suum recipere, pro ut videmus, Spirituum sanum in animali, qui ficiens simile spirituale cœleste pabulum, quod occulte in aëre vagatur, ut recreetur inde, ex improvise inimicum secum adducere, nimirum fumum pestilentem ac corruptum, quo opprimitur & incenditur igne puerido: Ita, ut non esset desiderium aut appetitus sani spiritus, venenum illud introducere, sed spiritum ipsi similem, qui intoxicabatur: & iterum unusquisque spiritus, qui gravatur ullo Antipathetico & innaturali accidenti, experit excutere Antipathiam contentiosam, & reassumere Sympathiam illam pacificam, qua antea fruebatur: Sed se ipsum ad hoc opus nimis impotentem inveniens, aptus est adherere sanis ac bonis Spiritibus ad sui recreationem, cum quidem vis unita fortior, & si plures salubres Spiritus sui similes jungerentur sibi, tunc eo facilius adversarium suum Antipatheticum vinceret & expelleret: Sic etiam videmus unum lippum, ejaculando radios suos contagiosos in recreationem ad mediocre intervallum, fieri flammam, quæ incendit Spiritum sanum, cui applicat: Nam venena spiritualia, sunt secreta flammæ ignis maligni similia: Quapropter, ut Spiritus unione quadam junguntur invicem & multiplicantur ad instar olei oleo additi: Sic flamma contagiosa increfcit & pacitur aequaliter utroque: Nam, ut sanus Spiritus experit societatem sui similis ad confortandum illud, & corruptus spiritus ita desideratus etiam concupiscit sanum Spiritum, ut sibi adversus inimicum suum assistat: Itaque corruptio fugitur & attrahitur ab utroque, & Antipathia cogitur inter eos quiescere, nec eos derelinquit, dum penetravit & corroserit usque ad ipsa eorum viscera, & intoxicavit illa. Et notandum est nobis, non esse Spiritum venenatum, qui citius se jungat Spiritui, quam talis, qui specificus est & naturæ homogeneus: Hæc enim est ratio, quod unus hominis spiritus infectus epidemia, usque adeo multiplicat illam, potissimum in genere suo, ut etiam infectio illa maligna, dicta (The Murren) furit

præcipue in Spiritu ovium, nec tentat spiritum aggredi humanum. Nonne communiter videmus, similem naturam alteram putrefactione maxime esse exitialem suo simili? Sic vermes ejecti è corpore & sicci in pulverem redacti, interna administratione enecant lumbricos: Sputum reiectum à pulmonico post debitam præparationem, curat Phthisin: Splen hominis præparatum inimicum est spleni tumentis: Calculus vesicæ aut renum, per calcinationem curat ac dissolvit calculum: Tactus manus mortui curat tumores scirrhusos: Scorpio contusus, aut corpus ejus maceratum oleo, curat vulnera scorpionum: & oleum viperæ, ut etiam trochisci carnis morsum viperæ: Mortuus ac congelatus sanguis & excrescentia ex ossibus humanis salta, est Antipathetica hæmorrhagiæ: Tandem nihil est, quod magis præpotens sit ad corrigendum impedimentum in spiritu, quam applicatione spiritus ejusdem specifici alterati à natura sua per ejus contrarietatem: Sic etiam nihil est, quod citius inficiat naturam sanam, quam natura sibi ipsi homogenea, quæ jam corruptionem induit: Atque hæc est ratio, quod infirma ac corrupta Mummia unius hominis tam apta est putrefacere ac corrumpere illam alterius: Quod etiam non solum Paracelsi verbis hisce discernere possumus: Corrupta (inquit) Mummia corpus etiam sanum quod attingit, & cum quo unitor corruptit: Ea autem sani corporis corruptio est corporis alterius, ex quo Mummia sumota est, valetudo & sanitas: Ut exempli gratia; Si vir sit leprosus, egoque extraham Magnete microcosmico Mummiam ex eo, tradamque sano homini, leprosum illum suæ restituet sanitati: Sanum verò, qui accipit, turpiter eodem morbo inficiet, ut vobis expedietur in posterum latius. Sed, antequam medellam hujus negotij aggrediar, fas erit, ut transgressionem efficiam Apologeticam, ne quidam ex invidia potius & indiscretione, quam in verâ Magia naturali profunditate, me Cacomagiæ indignè incusent, idque duntaxat, quia penitus sunt in Mysterijs licitarum illarum artium naturalium ignari, quales Salomon revelabantur, ac sapientibus hujus mundi in bonum ac beneficium humani generis per bonum Dei Spiritum detegebantur: Nec propterea evitandi sunt, eò quod per homines malignos ad malos effectus converti queant; Atque ita à veris usibus, in quem finem Deus illos destinabat diverti: Sed potius peritus naturalis Magus, qualem verum medicum esse convenit, prius scire debet bonos usus mysteriorum ejusmodi occultarum in natura, ut meliori cum effectu, ijs, pro generis humani commodo ac sanitate amissa restaurando, uti ac applicare possit: Ac tum postea, ut non sit illorum abusus insciens, qui illis produci

Paracels. de  
Phil. tract. 3.

N n      ducl

## SECTIONIS SECVNDÆ. LIB. III. Memb. II.

duci possunt, ut inde eò commodius ante-  
veniant, divertant ac deponant omnes  
ejusmodi malignos effectus, quales homi-  
nes impij vellent illis in detrimentum ac destruc-  
tionem creaturaram proferre.

### CAPVT. II.

*Brevis Apologia pro usu mystica seu Spiritualis Mummie, & adproban-  
dum, quòd tam abusus ejusdem Antipathetici, quàm usus Sympa-  
thetici, atque omnium aliorum naturalium à Mago natura-  
li, seu sapienti medico preventionis causa scribat-  
que intelligi debeant: Licet non in actum  
redacta, sed saltem, ubi necessi-  
tas requirit.*

**E**Quidem non ignoro, complures cyni-  
cos latrantes, Criticosque invehentes,  
atque Momos Satyricos fore, quorum sola  
voluptas igne indignationis seu malitiæ fo-  
veri assolet, qui suffocati quasi cæco ac tor-  
penti ignorantia fumo occoecati, dicent:  
Quòd, si effectus Mummie Spiritualis  
Sympathetici liciti & concessi sint medi-  
co, tamen proprietates ejus Antipatheticæ  
odiosæ sunt ac minimè ferendæ; Imò qui-  
dem Cacomagiciæ sunt, quia Diabolus in-  
struit ministros suos circa abusus, seu ma-  
lum usum Microcosmicæ hujus speciei  
corruptionis; Ac proinde hanc ob causam  
vel ipsa scientia ejusmodi rei tolerari non  
debet &c. Hæc objectiones (scio) sensus  
& rationis expertis genus Blateratorum, de  
negotij tam mystici scientia movebit: Ve-  
rùm si dicta illorum inter sapientes locum  
inveniant, quid obsecro eveniet de arte Sa-  
lomonis in Magia naturali, aut cur ipse (qui  
sapientissimus hominum putabatur) usque  
ad eò deciperetur, ut ad cognitionem om-  
nium aspiraret, & tam naturæ humanæ  
inimicos, quàm amicos intelligeret? Nam  
dicitur de ipso, illum scivisse naturas crea-  
turarum viventium, ferocitatem bestia-  
rum, cogitationes hominum, differentes  
plantarum virtutes radicum, atque aliorum  
omnium, quæ occulta erant & secreta:  
Imò, cur diceret, sapientiam artificem om-  
nium docuisse se? An non igitur plantæ,  
animalia & mineralia, quæ tam valida sunt  
naturæ humanæ venena, quàm ei benigna  
& salutaria? Sciebat (inquit Textus) natu-  
ram omnium creaturarum viventium seu  
animalium: & cur, si modò illud esset ve-  
rum, quod convitiatores ita effutunt? Cur  
proprietates eorum, quæ venena sunt, ac  
damnosa generi humano cognosceret ac  
contempleretur? Nunquid Aspis, vipera,  
coluber & putrefaciens ille ac corrumpens  
vermis, qui Seps vocatur, aut Gallicæ Pod-  
risseur, ratione putrefaciētis veneni: Serpēs  
dictus Dypsas, qui spiritus siti immensura-  
bili afficit: Amphibena, Basiliscus, Draco  
& Hollio, Salamandra, Cantharides, alio-  
rumque infinitus numerus, tam terrestri-  
um, quàm aquarum animalium: Nunquid  
(inquam) sunt ista venenosa ac mirum in

modum perniciofa humano generi? Scie-  
bat etiam differentias ac virtutes planta-  
rum: Sed dicent judices temerarij, quid  
rationis habebat spiritus sapientiæ, ut de-  
tegeret ac demonstraret Salomoni effe-  
ctus abominabiles herbar dictæ Aconitum,  
quæ usque ad eò perniciofa est & homini &  
pecudi, ut Poëtæ illam ad ripam fluminis  
venenosi Acharontis in inferno crescere  
fingerent. Cicuta, quæ Character erat  
mortis inter Athenienses (nam succo ejus  
homines morti condemnatos intoxicabant)  
Iusquiamus, Papaver, ex cujus succo som-  
niferum Opium derivatur, Scammoneum,  
Euphorbium, Colocynthis, Apium risus,  
Tythymallus vel Cataputia, Colchicum,  
Flammula & multa alia vegetabilia simi-  
lia: Similiter inter Mineralia Antimoni-  
um, Argentum vivum, Arsenicū, Rosalgar,  
æs viride, Lithargyrium, Cerussa, Vitrio-  
lum aliaque infinita? Ad quæ replico; Om-  
nia hæc, licet in se sint venenosa, tamen de-  
bito modo tractata & præparata à sapien-  
tibus, sunt medicinalia, eosque scire velim-  
Deum omnia bona creasse: Sed est Diabo-  
lus, ejusque instrumenta, quæ per malum  
eorum usum seu applicationem illa odiosa  
ac detestabilia naturæ humanæ reddunt:  
Nam, ut genuino ac legitimo suo usu & ap-  
plicatione possunt effectus Sympatheticos  
producere: Ita quidem abusu suo nihil, nisi  
Antipatheticas actiones confictusque re-  
belles pariunt in natura humana: Deus (in-  
quam) ea ordinavit ad bonos usus, nimirum  
pro sanitate humana, sed Diabolus ea more  
destructivo & malitiosè applicat: Quod  
etiam antè ductus sapiens seu Magus natu-  
ralis Salomon hisce in verbis confirmat:  
Deus (inquit) creavit omnia, ut existerent  
& essent, faciebatque omnes terræ ratio-  
nes sanas ac durabiles, ita, ut non esset in il-  
lis medicina destructiva: Similiter Deus  
creavit hominem inexterminabilem, sed  
erat malitia Diaboli, ut mors intraret mun-  
dum: & maligni ac impij imitantur ipsum,  
suntque ex semine illius: Vnde liquet, fuisse  
Diabolum & homines improbos, qui sunt  
mortis & exterminij instrumenta; & sanè  
veri Diaboli incarnati, qui adaptant illud  
usui malo, quod revera bonum ac legiti-  
mum

num est in se. Quid plura? Anne quoniam Diabolus bonas res applicat ad usum malum, idè illud in perpetuum ab horreari debet & evitari à sapientibus? Ac, est ne ob istam causam bonus ejus usus ex humana societate excommunicandus, & in æternum pro Cacomagico, damnofo & Diabolico habendus? Vt exempli gratia: Quia Diabolus & ejus adherentes, intelligo veneficos & necromanticos, institutione ac manu ductione Diaboli, applicant Mummiam humanam tam corporalem, quàm Spiritualem pro perniciosiss ac destructivis suis inventionibus, propterea omnes, qui utuntur eodem ad intentum bonum ac salutiferum, sunt pro Cacomagis æstimandi? Anne est indicium, quòd medicus, qui morbos per illud curare solet, ob eam rationem commercium cum Diabolo habeat? Aut necesse est, Christianum medicum, quia notum ipsi est malum, quod proprietates rerum naturalium innaturali quadam & Antipathetica adaptatione patrare possunt, idè illud malum in iacturam sanitatis humanæ debere exequi? Sanè si res, pro ut sunt, considerentur probè, scientia boni & mali in creaturis optimè ad medicinæ artem quadrat, medicæque scientiæ convenit. Nisi notitiam habeat tam de malo quàm bono, quomodo ei possibile est curare in commoda, quæ à malo efficiuntur: Si quidem, nisi notà causà effectus difficilimè aut nunquam curabitur. Exempli gratia: Quomodo perficietur curatio, aut causà extinguetur aut tolletur? Verus Magus non intrat scientiam simplicium venenosæ naturæ, ut mediantibus illis noceat, sed, ut discernat Alexipharma, quod debebat prævenire malitiam ejus: Vt Scorpio Scorpionis, Vipera Viperæ noxas persanat. Anne est necesse, ut quisque gladius suo gladio occidat aut lædat? Nonne defendere potest aliù, ne interficiatur aut lædatur? Sic etià nec sequitur, ipsum medicum necessario debere intoxicare patientem suum, quia venenum novit, atque etià modum corrigendi & emendandi ejus malignitatem, quod patientem sua sanitate privavit: Nisi enim venenum noscatur, Alexipharma diffculter habebitur: Si Heremita Aquæ sextensis ille (de quo antea dixi) novisset speciale Antidotum ad eos curandos, quos veneno infecerat & peste affligerat, complures eorum quos postea curabat, cecidissent unà cum reliquis: Si incarnati sint Diaboli, quorum voluptas est destruere (ut quidam homines gladiati voluptatem capiunt in schismatibus, cædibus &c.) alij, qui usum ignis noverunt, malè illum applicant, ut ille, qui Dianæ templum Ephesi igne destruebat: absit, ut tales naturales creaturæ, quales sunt ignis, ferrum & similia protinus abijciantur, nec in verò eorum exerceantur usu, ed, quòd damnum inferunt, cum in abusum rapiuntur: Sancti, sunt æquè ac

sunt Diaboli in terra, qui notis sibi impijs inventionibus ac machinationibus istorum Diabolorum, cum Archimagistro suo Satana valent se vindicare, eosque armis suis proprijs invadere ac superare. Scholastici discunt ab Aristotele artem Sophisticationum & fallaciarum, non ut decipiant, sed, ut præveniant fallaciam, & sic honestus, artificiosissimus ac fidelis medicus, mysteria veneni, maxime Spiritualis, scrutatur, non cum intento intoxicandi aut damna inferendi, sed, ut majore cum cæritudine & efficacia vigorosa, moliatur curationem morbi, & ut causam, eâ prius notà, tollat, naturà cum venenis probè intellectu, curatio erit ed certior. Vulnus venenosum viperæ (ut dixi) curatur Antidoto Theriacali, in cujus compositionem caro viperarum ingreditur: Oleum Scorpionum, seu ipse Scorpio per se contusus, curat ictum Scorpionis, idque attractione quadam Magnetica sui similis. Quòd cum ita sit, cur non prudens medicus intueatur naturà venenorum Spiritualium, æquè ac Spiritualia alexiteria quæ sunt in homine, cum venenū, quod vulnerat, deprehēdimus esse ratione suæ horrogepeitatis in natura Magnetè perfectissimum, ad sugendum ad sescum simile? Si per sanam Mummiam in homine curare possunt ac tollere corruptionem seu venenum, quod similis ejus natura accidentaliter imbibit, nunquid fas est scire unū æquè ac alterum.

Constatendum est mihi (ut dixi) esse Diabolos incarnatos super terram, intelligo abominabiles ministros & filios Satana, qui traditi suo magistro ac capiti, committunt (ut vobis dixi antè) varias in solentias ac insidiosa stratagemata, per sanguinem, pilos, ossa, cutim & Mummiam corporalem corporis humani: Sed, super omnes alios malitia quorundam latronum, carnificum, aliorumque factionis illius necromanticæ, abominanda est coram Deo & hominibus, & digna, ut virgis ferreis cædatur, vel igne deleatur & extirpetur ex quavis republica bona, qui Diabolicà suà astutià, in usum adhibent, extremum hominis halitum in expiatione vitæ eorum, ut inserviat malignis suis intentionibus ad voluntates suas: Atque ita disturbant quietem tranquillam Spiritus hominis morientis, de quo genere malignarum, Paracelsus in hunc modum loquitur: Per triplices hasce Mummias multa passim præstita & commissa sunt ab ijs cumprimis, qui illas ipsimet præpararunt, ut sunt carnifices, lictores latrones &c. Qui non solum vitam hominibus ademerunt & jugulatos ipsos Mummiam fecerunt, sed etiam jugulatorum Spiritum, quem Spiritum hominis vocarunt, exceperunt, illumque sibi in extremo mortis momento subijecerunt seu subjugarunt, ac varijs impostitis oneribus exagitarunt. Hinc ars enata est Necromantiæ, taliter ab ipsis vocata: Væ autem huic arti ac illis universis, qui

Paracel:  
Philos.



## SECTIONIS SECVNDÆ. LIB. III. Memb. II.

tam facile illa abutuntur. Necromantia quidem & ipsa, est seu Diaboli seu à Diabolo instillata, docta & tradita, & ab ipsis instrumentis seu mancipijs in abusum tam grandem conversa: Sunt enim illi homines nocentissimi, quibus præstaret lapidem molarem de collo suspendi, atque ita in profundum mare eijci.

Relatum est mihi, carnifices Germaniæ vulgò, artifices esse in Diabolico hoc genere vocationis, & per illud mirabilia posse efficere, eò magis dolendum, eos ferri ac tolerari. Sic itaque quisque discernere potest

differentiam manifestam inter verum & abusum abominabilem rei bonæ; & quomodo (ut dictum antè) sint Diaboli incarnati, æquæ ac Sancti seu pii ac boni super terra, quorum nonnulli, utuntur Dei creaturis ad beneficium hominis, atque alij ad ipsius ruinam ac destructionem; & per consequens, licere medico honesto & pio versatum esse in utroque extremo, licet sola ejus praxis debet occupari in beneficiendo: Iam ad subjectum meum descendam.

### CAPVT. III.

*Quomodo Sympathia possit per accidens, aut mala dispositione in Antipathiam mutari; Hic etiam demonstrationes quadam Magneticæ ad quamlibet hujus Subjecti propositionem probandam exprimuntur.*

**I**N hoc capite, quod pertractat effectus Antipathiae, juxta eandem, quam in discursu meo præcedenti Sympathiae Methodum observavi, procedere mihi animus est;

Quare in primo loco proponam vobis certa fundamenta, quæ eam ob rationem voco Propositiones, ac postmodum eas varijs modis demonstrare aggrediar.

#### 1. PROPOSITIO.

Vt per Sympathiam in Spiritibus naturalibus quodvis membrum corroborari potest ac fortificari: Sic itidem per Antipa-

thiam membra possunt debilitari, corrumpi ac infici.

#### *Exemplum experimentale seu Demonstratio.*

Si Mummia Spirituális extracta ex homine, admisceatur rebus venenosis, atque ita permittatur, ut putrescant simul, vel misceantur cum Mummij infirmorum ac infectorum, vel cum menstruis venenosis mulierculæ, tumque herba plantetur, vel Magnes ita imbibatur & conservetur in vegetatione continua, causa esse potest, ut morbus sit continuus: Similiter, si quis præbeat herbam aut fructum qui sapit Mummiam ægroti, bestię, quæ validioris ac firmioris est naturæ quàm æger; Tum bestia inficietur illo morbo, & æger liberabitur. Ab hoc experimento complures egregij abusus perficerentur à malignis hominibus,

si hic modus divertendi virtutem creaturæ à bono ad malum notus esset illis: Nam hoc modo disseminare possunt febres & epidemiam: Planta enim exsugit Mummiam Spiritualem eorum, qui infecti sunt istiusmodi morbis venenosis ratione vegetativæ activitatis suæ: Similiter, si Spirituális Mummia extracta sit mediante Magnete isto Microcosmico ex corpore lepra infecto, appliceturque, vel modo quolibet ad intra administretur alij, qui sanus est ac salubris, inficiet sanum ac salubrem, infectumque liberabit, ut à quibusdam probatum est: Hæc Paracelsus in libro de tempore.

Paracels. in  
lib. de Tempore.

#### 2. PROPOSITIO.

Mummia Antipathetica ægri extrahi potest ac infici seu in fundi alij, quibus

nus est.

#### *Exemplum demonstrativum.*

Hoc confirmatum est probationibus præcedentibus; & ulterius hunc in modum statuminatur.

Si quis serat semina seu herbas, spectantes ad tria membra Principalia in Mummia Cadaveris mortui, seu in Mummia ex ægro vel infecto aliquo extracta, fructusque horum vegetabilium dentur seu administren-

tur homini vel bestię, tum morbus transferretur in dictum hominem seu bestiam: & hoc etiam medio improbi ac maligni inficere ac intoxicare possunt. Cum verò hæc facinora horribilia sint spiritui religioso, non ausim ulterius effectus Antipathiae in Spiritibus exprimere, qui abusu benedictionum Dei Patrari possunt. Intrabo igitur

tur aliam speciem praxeos Antipatheticæ, quàm ad ejus destructionem verget. Ibidem.

## 3. PROPOSITIO.

Si duæ carnis particulæ, recens vulneratæ, sibi mutuo applicentur, Sympathizabunt ac uniantur, assimilabuntur, unaque caro continua reddetur: Ita, ut altera earum prosperat, sic etiam altera faciet; Modò, si ille, à quo caro illa addita mutuata est, sanus, vivus & in vegetabili sua dispositione maneat. Quòd si verò arbor animalis, ex qua surculus erat desumptus (intelligo corpus, ex quo caro mutuata erat seu exsecta) marcescat aut pereat, id est,

agere ac vegetare dimittat, tunc quidem hæc mutuata caro, diffidebit cum carne commodatoris, qui vivit ac vegetatur: & per consequens, Antipathia ex illa unione procedet, quæ antea erat Sympathetica; Ita, ut non nisi emoriens caro jam amputetur, aut à carne viva, super qua transplantata erat & fixa excindatur, vivam carnem etiam Gaugrænari ac corrumpi secum faciet.

*Experimentum ad hoc confirmandum.*

Hoc rite probatum ac statumatum est experimento illo in Italia antè citato. Cum enim quidam nobilis vulnere nasum amisisset, vulnereque facto in Brachio alicujus mancipij sui, ex consilio medicorum adaptaret illud naso suo itidem vulnerato, atque ita caro unius firmiter affigebatur carni alterius, continuans juxta illum modum, dum agglutinatione ac unione Sympathetica, utraque caro in unum coalesceret, tuncque portio carnis captivi excindebatur ex Brachio, formabaturque in formam nasi, in Nobili illo, mancipiumque ita manu

mittebatur, cum pecunia satis ampla pro suis doloribus perpeffis: Accidit autem quodam tempore post, ut moreretur Mancipium, & licet ex hac vita discederet longè diffitus ab hero suo, tamen caro mutuatica in naso heri ejus marcescebat ac gangrænabatur, eatenus, ut Antipathia inter utramque carnem licet unitam in unam substantiam, usque adeò augetur, ut, nisi confestim caro illa emortua fuisset excisa, reliquas partes sanas corrupisset ac destruxisset.

*Demonstratio Problematica pro Magnets.*

Magnes Magnetem trahit in naturali sua positione, sed innaturaliter dispositus fugat ac resistit alteri.

Demonstratio hujus Problematis ex-

pressa fuit tamper Magnetem in scaphas distinctum, quàm per duo ferrea fila in tantia suberibus.

## 2. PROBLEMA.

Si planta excindatur, exempli gratia salix, sique regulariter eidem tronco inseratur, crescet; Si verò irregulariter, emoriatur ac peribit. Vbi superius explicatur.

Pro hujus Problematis probatione vide 2: propositionem. 5. capitis, in applicatione ad vegetabilia.

## A P P L I C A T I O.

Sic, si Spiritus utriusque carnis, innaturaliter disponantur invicem, removeanturque ab unione Sympathetica ad dualitatem Antipatheticam, vel separationem aut discordiam innaturalem, tunc tam quidem

post inæquales discordantias, corruptio nem generatio sequetur: Nam (ut dictum) corruptum, corruptentis facillimè induit naturam.

## 4. PROPOSITIO.

Si Mummia Spiritualis ab aliena seu peregrina quadam natura corrumpatur, tamen respectu Mummie corporis naturalis; Sani ac salubris, quod ita infectum est, sana ac salubris Mummia corporis non affecta illam Magneticè attrahet, licet non tam affectionatè, sed tardius ratione unionis aut adhesionis veneni exotici, quod mixtionem Antipathie cum illa Sympa-

thie efficit, & ratio illius tarditatis in repulsione insultus Antipathetici est, eò quòd sana ac homogenea Mummia, partim actu suo concupiscibili sibi simile suum Sympatheticum attrahit, & partim dissimile suum proprietate sua irascibili contaminans expellit. Sed quoniam dissimile hoc Antipatheticum tam firmiter simili suo infecto adhæret, ideo accidit, ut resistentia expul-

## SECTIONIS SECVNDÆ. LIB. III. Memb. II.

siva sit tarda ac debilis saltem: Ac ita Mum-  
mia Spiritualis æquè corrumpatur ac infi-

ciatur, atque altera; & hoc modo Sympa-  
thia convertiur in Antipathiam.

### *Experimentum ad confirmandum hoc.*

Multæ ac variæ dantur probationes at-  
que argumenta stabilitentia hæc, nam cum  
corrupta Spiritualis Mummiæ in ætæ ab  
aliquo febri pestilentiali seu variolis infecto,  
teratur; Mummiæ ita infecta, cùm sit Spiri-  
tui sani hominis homogenea, se unit, atque  
in hoc respectu alter alterum amplectitur:  
Sed Spiritus sanus Mummialis persentien-  
s & quasi degustans naturam heteroge-  
neam seu infectam, quæ suo simili adhæret,  
illam seignius ac tardius expellit, eive resi-  
stit, eò quodd suum simile concupiscit ac  
proinde attrahit Sympatheticè, & vicissim

odio prosequitur suum dissimile, & proinde  
illud Antipatheticè non nisi lentè & seigni-  
ter expellit, quod ob hanc rationem effici-  
tur. Atque hæc est causa, crisi expulsi-  
vam subitò haud fieri, postquam infectio quæ-  
dam venenosa est recepta, nec sudores, nec  
hæmorrhagiæ seu eruptiones sanguinis ex  
naribus, quæ sunt resistentiæ ac facultatis  
expulsi-  
væ Antipathiæ contagiosæ argu-  
menta, subitò apparere volunt: Atque hoc  
quandoque victoriâ Spirituum sanorum, &  
quandoque vana eorum molitione perfici-  
tur.

### *1. Demonstratio Problematica derivata à Magnete.*

Si exigua ferri portio ponatur in cym-  
bam cum alijs necessarijs ad navigandam,  
ut super aquam fluctuet, atque Magnes in  
aliud vas ad illam ipsam aquam prope alte-  
rum collocetur, coitio, quæ fiet inter hæc  
bina corpora Magnetica, depravabitur de-

bilisque ac innaturalis erit facta, eò quodd  
Magnes affectat, & sibi validè suum simile  
vel maximè adamatum attrahit, si modò  
non misceatur materijs contrariæ naturæ,  
& per consequens minimè cum illo in sym-  
pathia consentiens oneretur.

## A P P L I C A T I O.

Denique, Mummiæ quæ Antipatheti-  
cam infectionem sibi junctam habet, & in  
conjunctione sanæ seu robustæ ac salutaris  
Mummiæ applicat, in simili ratione se ha-  
bet ad fragmentum lapidis dicti Theamides  
(qui Antipatheticus est illi Magnetis;  
Nam ille, teste Plinio repellit ferrum vel  
Magnetem ipsum, ut Magnes illos ad se at-  
trahit) ac si jungeretur in Scaphula seu vas-  
culo Magneti vel portioni ferri ita locatæ

in ipsa, & scapha seu cymba ita onerata, ap-  
plicetur Magneti peregrino in alia scapha  
in pelvi aquâ pleno, validior Magnes par-  
tim attraheret suum simile, nimirum Mag-  
netem seu ferrum, ac partim resisteret atque  
expellet inimicum suum; Atque ita ratione  
ejus attractionis expulsio ejus foret seignior  
ac tardior, quare etiam Philosophi Magneti-  
ci hoc habent pro Theoremate.

### *2. P R O B L E M A.*

Coitio seu unio inter Magnetica corpo-  
ra est vividior ac agilior, quàm fuga vel di-  
vortium à se invicem. Experientia (enim  
docet, corpora Magnetica seignius repelli,  
quàm alliciuntur seu attrahuntur sibi invi-  
cem: & ratio est, quia est quædam invasio  
Antipathetica, quæ progignit illud odium,

ac producit illam irascibilem resistentiam  
inter spiritum homogeneum Mummiæ, &  
venenum heterogeneum seu infectionem  
in illo: Nam nobis considerare incumbit,  
Magnetica corpora concupiscere unionem  
Sympatheticam.

### *1. P R O P O S I T I O.*

Duæ Mummiæ diversorum corporum,  
quorum alterum sanum; Alterum infectum  
est, tamen in prima sua coitione videan-  
tur consentire, ratione respectus illius ho-  
mogenei, qui est inter illas, cum non sint in  
earum puritate, nisi unius & ejusdem essen-  
tiæ; Tamen cùm altera infecta sit; Ac ob


eam causam dispositionem heterogeneam  
induit, quæ est ad essentiam utriusque con-  
traria; Ob eam (inquam) rationem, secun-  
da Mummiæ conatur diverti ab utraque, at-  
que hoc probatur ita, demonstratione hac  
Problematica ex ipsius Magnetis proprie-  
tate desumpta.

### *3. P R O B L E M A.*


Vbi duo fila ferrea tenuia ad polos Mag-  
netis collocaveris, hæc fila simul in inferiore  
sua extremitate super puncto poli cohæ-  
rescere observabuntur, sed in verticibus

suis erunt discordia, atque sibi invicem in  
extremitate sua superiore adversa, ita ut  
furcam juxta hunc modum facere observa-  
buntur, ac si una extremitas evitaret ac fu-  
geret

geret consortium seu societatem alterius.



Vbi A. C. & B. C. sunt ambo fila ferrea, quorum vertex invicem hærentes sunt: A. & B. C. autem est punctus poli Septentrionalis: A. & C. sunt Septentrionales fines, qui ferro ad junguntur & detinentur in polo, C. fines sunt Meridionales: &c.



Eadem est ratio opposita, si poli fili ferrei Septentrionales A. B. polo Septentrionali C. applicentur: Nam more furcato in hunc modum distabunt.

Ratio est, quoniam polum similem simili applicare, innaturale est.

### 1. PROPOSITIO.

Mumia Spiritualis de natura Sympathetica, in illam Antipatheticam recta, non modo ærem circum ambientem sed etiam medium, densius nimirum liquores inficere valet.

#### *Demonstratio hoc confirmans.*

Historia quæ hoc confirmare potest est hujusmodi The de Bruer: In civitate cantuariensi Comitatus Kantæ erat vir quidam in allæ confectioe magnæ notæ & haud exiguæ illa sua facultate æstimationis. Accidebat multoties causa minime cognita, quod alla quàm fecit. Subito de-

veniebat pessima, mortua & quasi nullius valoris: Conquestus est multis ex suis familiaribus de hac re, nec ratione investigare potuit, cur ipse allam ab omnibus Laudatam alijs temporibus consecerat, jam tam evidenter idque varijs vicibus errasset? Quodam die à vetula certior erat factus, hoc posse halitu fetido alicujus ex servis in confectioe atque decoctione versatis, idque sua experientia evenire: Examinatis ergo servis in Allæ confectioe laborantibus, unum præ ceteris halitu admodum foetido affectum, spiritumque contagiosum invenit, quem per solutis stipendio abire jussit. Iterumque novam allam efficere nicipit, illa sine ullo obstaculo, creavit bonam, atque talem assidue successum bonum, absente halitu corrupto habuit. Post anni spaciū iterum experiendi gratia accepit servum illum, halitu corrupto affectum, & in negotijs facultatis suæ ut antea applicuit, quo facto allam suam in statum pristinum redactam persentit, unde de hac re certior & securior factus, servum illum cujus spiritus erat allæ suæ adeo exitialis, iterum demisit: Hoc pluribus fide dignis est notum.

### APPLICATIO.

Si ergo Spiritus iste sit adeo exitialis spiritali alicui ut eum corrumpere queat, ad distans, multo magis procul dubio Antipatheticus erat Spiritui suæ naturæ & speciei, uti in spiritu humano peste infecto videre licet, nam observatum est ultimum viri peste morientis spiraculum, admodum præsentibus esse contagiosum, perniciosum & adeo lethale ut nih. supra.

### CONCLUSIO.

Potsem equidem (lector judiciose) volumen integrum congere ex propositionibus experimentalibus, unà cum probationibus earum circa abyssum ac sylvam infinitam effectuum Sympatheticorum ac Antipatheticorum in tribus regnis, nimirum animali, vegetabili ac minerali tam mutuo inter quamlibet speciem, quàm ab individualibus ab uno genere ad aliud: Sed meas audaciores ac constantiores de vera Philosophia ejusque appendicibus opiniones, in phrasi ampliori exprimere mihi non proposui, considerando asperitatem & præcipitantiā calami mei ratione defectus mei ac insufficientiæ in polita ejus natura: Vicissim non ignoro, limata ac phalerata verba phrasisque non esse, nisi volitantes potentis ac opulenti subjecti bullas & quasi umbras, quæ, ut sunt Proteoformiter in colores infinitos mutabiles; Sic etiam hominum phantasie ac judicia admodum sunt variabilia; Iuxta proverbium: Quot homines, tot sententiæ. Reor equidem, & animus præfagit, quod, ut cunque in scriptura mea fini curiosus seu exactus, aut in phrasi

expressionis meæ laboriosus, tamen con-  
munda mea meliora haud sine culpa seu cri-  
mine in oculis curiosorum apparebunt, li-  
cet forsitan satis grata alijs. Quapropter  
sufficere arbitror, quod audeo esse in subje-  
cto fundamentalis Philosophiæ hujus essen-  
tialis confidens, ut pots. quæ ipsam verita-  
tem, sine ulla verborum superficialium a-  
dornatione ad se defendendam, ac vindi-  
candam habeat, ac proinde, ut veritas non  
quærit angulos, sicut etiam expressione verbo-  
rum eloquentium, ac sententiarum perpoli-  
tatum aut Phrasum, ad se, in oculis sapien-  
tium ac eruditorum illustrandam ac perspi-  
cuiorem reddendam, opus non habet; Cum  
neminem latere possit, eam omnia vincere:  
Est enim lucidus splendor seu emanatio, ab  
omnipotente ac æternæ fonte orta quæ il-  
luminat omnia, ac se ipsam in effectu om-  
nibus revelat, & propterea usque adeo est  
in omnibus operibus suis manifesta, ut ullo  
auratæ linguæ oratore, aut blando Metho-  
dico Rhetore, aut eloquenti Philosopho,  
ad honorem sibi in expressione excellen-  
tiæ suæ & in relatione perfectionis jucundi-  
datum suarum, toti mundo revelatæ reve-  
landum, non egeat, licet indigni mundani,  
nolint eam cum reverentia, uti par est, ag-

noscere aut recipere: Sed eam potius per-  
petuo omnibus conatibus suis velo igno-  
rantia, obscuræ abscondunt, atque ita quo-  
tidie Christum spiritualem persequi ac cru-  
cifigere non abstinere, qui est sola veritas,  
vera sapientia, verus lapis Angularis ac es-  
sentiale veræ ac legitimæ Philosophiæ sub-  
iectum, cujus nomen benedictum sit in se-  
cula, qui solus cælum ac terram ac omnia  
in ijs condidit; eaque sui spiritus vivifica-  
tione sustinet atque præservat, qui opera-  
tur omnia in omnibus, ac regnat in gloria  
& potentia cum Patre in æternum, qui ser-  
vos suos à male cordatis defendere, ac in-  
star scuti & asyli defensorij ad præservan-  
dum præconem viritatis suæ à linguis vipe-  
rinis malignorum veteratorum, tergiverla-  
toris convitiatorum & venenosorum dicte-  
riorum Cynici ac Satyrici Momi tueri dig-  
nabitur; Ipse est, qui cultori veritatis suæ  
tradidit: Ego dabo vobis os ac sapienti-  
am, cui non poterunt resistere ac contradi-  
cere omnes adversarij vestri. Itaque cum  
Propheta Davide concludam; In alarum  
tuarum umbra canam: Domine, in te con-  
fido: Vindica ac præserva me ab inimicis  
meis juxta misericordiam tuam. Amen.

Sap. 7.

Lucæ. 21. 15.

I Sam. 63. 8.

F. I. N. I. S.

